

Ed. 111²
N^o 118



~~69-4~~ ~~58=4~~ ~~24-5~~

86-3-

40.

HENRICI VALESII

MILITIS, DOMINI D'ORCÉ,

CONSILIARII, ET HISTORIOGRAPHI REGII,

EMENDATIONVM

LIBRI QVINQUE.
ET DE

C R I T I C A

LIBRI DVO.

Numquam antehac typis vulgati.

EJVSDEM UT ET NIC. RIGALTI ET ISM. BVLLIALDI

Dissertationes de Populis fundis.

Accedunt

HENR. VALESII Orationes variae junctim excusae. & HADR. VALESII

Oratio de Laudibus Ludovici XIV. & Carmina nonnulla inedita.

Praefixa est HENR. VALESII Vita, ab Auctore HADR. VALESIO
recognita & emendata.

E D E N T E

PETRO BVRMANNO

FR. FIL. FR. NEP.

qui Praefationem, Notas, & Indices adjecit.



A. van der Laan inv. et fecit 1739.

A M S T E L A E D A M I,

Apud SALOMONEM SCHOUTEN. MDCCXL.

HENRICI VALENTII

MILITIS, DOMINI DORCE,

CONSILIARII, ET HISTORICORUM RIGII

EMENDATIONVM

LIBRI QVINQUE

ET DE

C R I T I C A

LIBRI DVO

Inuentione scriptae typis vulgarij

ELVSDIUM ET DE VINO REGALITII ET ISM. BULLIARDI

Inuentione scriptae typis vulgarij

LIBRI DVO

HENRI VALENTII ORATIONES ET SERMONES ET HABIT VALENTII

Oratio de sanctis Iohannis XVI. 2. Cantus novus et

Præfatio de HENRI VALENTII ET DE HABIT VALENTII

recognitione et

LIBRI DVO

PETRO BARMANO

ET DE HENRI VALENTII

descriptio, Nova, et

ACADEMIA

LIBRI DVO

LIBRI DVO

A M S T E R D A M

Adm. Salomonem Schoneker

SERENISSIMO ET CELSISSIMO
GULIELMO CAROLO
HENRICO FRISONI

ARAVSIONENSI AC NASSAVIO

P R I N C I P I

GELRIAE, FRISIAE, GRONINGAE,
AGRORUMQUE CIRCVMJACENTIVM,
AC DRENTIAE

GVBERNATORI ET SVPREMO
REI BELLICAE PRAEFECTO.

ACADEMIAE CVRATORI
MAGNIFICENTISSIMO

ETC. ETC. ETC.

VT ET

VIRIS NOBILISSIMIS, SPLENDIDISSIMIS,
ATQVE INSIGNIBVS IN REPUBLICA HONORIBUS
CONSPICUIS,

HESSELO DOVWONI ERNESTO AB AYLVA.
DOCONI MARTENA A BVRMANIA.
MARTINO BLOK A SCHELTINGA.
VLBONI SIXMA AB ANDLA.

ACADEMIAE FRANEQVERANAE
CURANDAE IVVIRIS


ETC. ETC. ETC.

VENERABVNDVS DEDICAT

PETRVS BVRMANNVS

FR. FIL. FR. NEP.

PRAEFATIO.
LECTORI AEQUO
ET BENEVOLO
S. D.
PETRUS BURMANNUS
FR. FIL. FR. NEP.

 Nter fata & incommoda, quibus partim ipsam Literarum conditionem, partim egregias Virorum Eruditissimorum lucubrationes & doctissima scripta videmus esse obnoxia, hanc potissimum infelicitatem plurimis praestantissimorum ingeniorum monumentis plerumque contingere dolendum est, ut eximii elegantioris doctrinae thesauri ubi inciderint in inperitorum & soli habendi studio inhiantium haeredum manus, saepissime tamquam res nauci & viles chartae projiciantur aut aboleantur, aut neglecti & in perpetuae oblivionis spem tenebris angulorum, in quos raro aut numquam oculos convertunt, addicti ac damnati, misera carie & insaucto squaloris situ consumantur, & blattis tineisque in escam cedant: vel sicubi forte ab aliis pretium his non vile ponendum esse edocti fuerint, videas eos his gazis solos incubare, & eruditorum oculis conspectam earum invidentes, suos his reconditis opibus tamquam pictura inani solos pascere. Ab altera parte non minorem quoque

(*) ope-

P R A E F A T I O.

operibus doctorum hominum partim inchoatis aut non confectis, partim absolutis & elaboratis, sed immaturo eorum obitu ante fata ab ipsis auctoribus publicae luci non expositis, evenire calamitatem docuit saepe experientia, ut inexpectato casu ac fortunae sorte ab interitu quidem vindicari, sed infestos tamen vulturum & rapacium Harpyiarum unguis effugere non valuerint; qui inopportuno latrocinio ac plagio ea sibi adserere, & literato orbi pro suis laboribus obtrudere non erubuerunt, non aliter quam si subpresso veri parentis nomine foetum expositum sustulissent, & quasi adoptionis jure sibi vindicassent. Sed nec meliorem profecto a manibus Virorum doctorum gratiam ineunt illi, qui ubi forte consecuti fuerint quascunque illorum liturarias schedas, & tumultuaria Adversariorum scripta, sed in privatum tantum & quotidianum usum conlecta ac chartis mandata, numquam vero editioni destinata, ea tamen sine ullo judicio digerentes, neque unde excerpta aut congesta sint indagantes, tamquam inaestimabilem thesaurum & exquisita bellaria erudito orbi propinare sustinent, ut ita per alienos labores hac via, sed lubrica admodum & periculosa, ipsi scilicet hi *Literarum Lucumones*, cum de proprio peculio non satis divites sint, ad *Famae auspicia* grassentur: in quem certe censum venit Editor iste nuperus *Scrivarianarum Reliquiarum*, e quibus *Anecdota Philologica* si doctrinam & merita Scrivarii colligere & aestimare deberemus, profecto locum illum, quem in ordine *Eruditorum* praecedentis seculi jure ac merito suo Vir ille obtinet, vix amplius tueri posse fatendum esset, id quod plurimis, si haec hujus loci essent, exemplis probari facillimum esset. Longe igitur melius ac prudentius fama & memoriae defunctorum hominum illos consulere existimandum est, qui non nisi elaborata doctrinae monumenta, aut talia scripta, quae ultima ipsius Auctoris manu limata & perpolita facile agnoscas, vel denique ejusmodi observationes, emendationes ac conjecturas post obitum illorum in apertam lucem protrahunt, & cum publico communicant, quas

P R A E F A T I O.

quas promeritis eorum laudibus convenire, & existimationi, quam viventes adepti sunt, respondere posse periti harum rerum iudices censent. Recte etiam atque ordine illos agere putandum est, qui non inconsulto quodam impetu statim, ubi benignioris fortunae casus quaedam anecdota iis obtulerit, ea plus justo jactare & gloriosis titulis, hederae instar, adpositis venditare solent, sed potius aliquamdiu inter scripia premere, bene in ordinem disponere, vitiose descripta emendare, & diligenter cum editis illorum scriptis & aliorum cogitatis conferre, tum loca veterum auctorum non indicata aut perperam adducta adcuratius notare, & in commentatorum recentiorum observationes inquirere, prudentis & laude digni Editoris officium esse arbitrantur, si suae simul & illius, cujus lucubrationes eruit, famae ac gloriae velificari, & de posteritate ita ut par est mereri admitatur. Hanc autem viam, quam in publicandis his Valesianis reliquiis insistere pro virili conatus sum, si me tenuisse, et scopum hunc adsecutum fuisse aequi & idonei Literarum nostrarum arbitri judicaverint, erit quod labori ac curae iis impensae mihi gratuler; de cuius ratione & instituto nonnulla alia tibi, benevole Lector, praemittenda erunt, antequam ad opus ipsum te adcingas.

Elapsi abhinc sunt complures anni, ex quo egregii hi Viri summi & ob exquisitae eruditionis rectique iudicii laudem inter prima gentis suae ornamenta jure censendi, Henrici Valesii Emendationum Libri cum ceteris lilis, quae eximium hunc Literarium thesaurum comitantur, & nostra qualicumque opera in lucem nunc emergunt, ex Gallia, ubi nimis jam diu neglecti ac tenebris fere damnati jacuerant, in nostras oras delati, & dum e patria terra quasi extorres solatium exilio suo quaerunt, tandem feliciter pervenerint in manus Viri de Literis ac Musis nostris, vel ipsa fatente aut ringente Invidia, inter primos bene promeriti, Petri Burmanni, Patruus mei quovis sinceri obsequii cultu aeternum mihi venerandi, sed

P R A E F A T I O.

quem Patrem potius jure ac merito suo adpellarem; ita enim a me exigat pietas prosequi illum, cujus manibus & sedula educationis cura post luctuosissimam & nimis immaturam optimi Parentis mortem, a teneris formari, & dulcibus ante omnia Musis initiari mihi contigit, cujus propenso favori uti me omnia debere gratissimus adgnosco, ita innumera, quae luculenter in me contulit & in dies confert, beneficia, tacita potius veneratione aestimare, quam operoso nimis sermone praedicare malo, praesertim cum id ipse non libenter legeret. Hos igitur Valesii Emendationum Libros cum adjuncta Dissertatione de Critica, ipse quidem erudito orbi impertire in animo habuerat, ac proinde eos recensere, & ad editionem parare inceperat cujus rei spem fecerat ad Syllogen Epistolar. Tom. IV. pag. 434. & Tom. V. pag. 695. quam fidem publice datam quo minus impleverit, neminem paullo humaniorem ac cordatiorem inertiae aut oblivioni adscripturum esse opinor, si summam inire velit illorum operum, quae ipse interea temporis elaboraverit, & cogitet numerum Auctorum veterum, qui manu ejus castigati & illius aliorumque Eruditorum Adnotationibus inlustrati prodierint, tum quibus hoc ipso tempore adornandis occupatus laboriosam senectutem exerceat. His autem aliisque proprii ingenii foetibus producendis quotidie incumbens Valesiana haec *χειμήλια* ad majus otium seponere, ac propositum de iis in lucem revocandis consilium differre dum instituit, facile ego ab illa, qua me Musasque meas prosequi solet, benevolentia inpetravi, ut edendorum illorum curam mihi committere, & ita qualescumque meos de literis bene merendi conatus beneficio isthoc adjuvare non dedignaretur. Susceptum opus alacri equidem animo adgressum me fuisse fateor, sed simul etiam plus molestiae, laboris, ac taedium in eo recensendo & ab interitu vindicando devorandum fuisse in recessu magis expertus sum, quam prima fronte mihi speraveram: Exemplar enim ipsum, quod ab amanuensi quodam aut anagnosta, cujus auxilio studiis suis succurrere oculorum usu orbatus Valesius, & cogitationes suas echartis

man-

P R A E F A T I O.

mandare consueverat, forte descriptum fuisse opinor, plurimis in modis vitiosum & maculis haud paucis obsitum erat, praesertim in locis antiquorum scriptorum tam Graecis quam Latinis, quos subinde ad partes vocat. Ea igitur omnia diligenter castigare, auctores veteres, quorum verba in medium proferebantur, perlustrare, & ut Lectorum commodis melius consulere, ipsos locos additis libris ac paginis plerumque adnotare minime mihi negligendum esse duxi, licet is labor plus taedii quam laudis adferre soleat, & haec opera, quae alienis scriptis inpenditur, nonnullis, qui proprio alarum remigio confisi altius evolare audent, ingloria atque ignobilis diligentia videatur. In notis autem subjectis emendationes Valesii confirmare, aut etiam, rarius quamvis, refutare institui, vel sicubi cum aliorum conjecturis & observationibus conspirare videbam, ut non raro fieri solet illis, qui perennes doctrinae rivus ex ipsis fontibus, qui semper iidem sunt, derivare amant, id accurate indicare, & ita gloriam cuique intibitam reddere, & alterius auctoritate stabilire adnissus sum, sed breviter tantum, neque ambitiose exspatiando, ut instituti ratio exigebat. Denique etiam capitum summaria, & Indices, ut potui, exactissimos toto operi adcommodos, qui rerum ac verborum, tum Auctorum veterum & recentiorum, qui emendantur, explicantur, aut refutantur, seriem & notitiam subpeditabunt, adjiciendos curavi: in quibus omnibus maturius producendis quod non promptius expectationi ac desiderio eorum, qui me jam a tribus abhinc annis insudare his noverant, satisfecerim, per me non stetit; diu enim jam ante unum aut alterum annum ea cum publico communicare optaveram, si per inportunas inertissimi & Tardipedum lentissimi Typographi moras ex claustris illius emergere, & operarum repagula effrungere Valesio citius licuisset.

De ipsius autem Valesii vita, fatis, et scriptis egregiis, quibus immortalem nominis sui gloriam ad seros nepotes et verae eruditionis cultores

P R A E F A T I O.

propagavit, ne operose hic differam, otium mihi fecit frater Ejus Hadrianus, cujus libellum de vita fratris sui Henrici praefigendum his opusculis ratus sum, licet in Tom. II. Scriptorum Ecclesiasticorum Valesii pag. 615. & seqq. jam conspiciatur, quia ab Auctore recognitus & emendatius perpolitus reliquis schedis addebatur; quam fraternae vitae descriptionem visum fuit Hadriano concinnare stylo liberrimo, quum vitia fratris aequae ac virtutes depingat, & apertam in lucem Lectoribus ante oculos ponat, adeo ut veri ac sinceri Historici partibus hac in re defunctus esse dicendus sit. vid. N. Heinsii Epist. ad Carpzov. Tom. V. Sylloges pag. 330. Mirum tamen videri possit nullam harum Emendationum mentionem ab illo fieri, ubi seriem scriptorum Henrici tam editorum quam ineditorum enumerat; sed quum ea tantum recenseat, quae in manus ejus pervenerint, nullam horum Librorum notitiam ad eum pervenisse arbitror, praesertim cum plura alia in scriniis fraternis adfecta vel etiam absoluta jacuisse queratur, quae excutere ipsi & evolvere non licuerit. Neque etiam in aliis scriptis suis, quae vivus publicavit, earum spem Literatis fecisse ipsum Valesium, mihi compertum est, nisi obscuro indicio in nota ad Euseb. Lib. II. Hist. Eccles. cap. 6. ubi promittit se alibi ostensurum esse duo Menandri & Alexandri Rhetoris opuscula perperam in Editione Aldina in unum fuisse conflata, quod pluribus evincit Lib. I. Emend. cap. 24. Eosdem hos Emendationum Libros innuit Jacobus Gronovius initio notarum ad Stephan. Byzant. de Urbib. in voce Ἀβάντις pag. 1. ubi testatur sibi fere puero Valesium Parisiis ostendisse has Observationes suas ad editionem paene paratas, interque eas integrum caput, in quo Aegimii nomen variis in locis corruptum emendabat; quod jam in his Emendationibus legitur Lib. I. cap. 32. Hunc autem eximium vigiliarum suarum foetum editioni jam maturum cur ipse non promulgaverit parens ejus Valesius, dum adhuc inter vivos superstes ageret, rationem certe nullam reddere possumus, nisi

mor-

P R A E F A T I O.

morte, quam septuagenario major an. 1676. subiit, inpeditum fuisse, quo minus praeclaro instituto suffecerit ipse, illamque non diu post absolutum hoc opus ei contigisse statuendum sit. Cum vero neque ab haeredibus, aut illis, quibus scriptorum suorum curam commiserat, praestitum haecenus fuerit hoc officium, gratulandum profecto nostrae felicitati est, qua licuit nobis a Manibus Auctoris, & simul sinceris meliorum Literarum cultoribus hanc non exiguam, ut speramus, gratiam inire, quod praeclara haec & vulgaris genii captum longe supergressa eruditionis Valesianae ἀλψαα oblivioso tenebrarum situ interire, & ita fructu, quem ex iis capere possunt pulcherrimum, Literatos orbari haud passi fuerimus.

Optandum tamen simul esset, ut quemadmodum his Emendationum Libris integris & ad finem perductis ex interitu eripi contigit, ita etiam Dissertatio de Critica, cui duos libros destinaverat Valesius, perfecta & absoluta ad nos pervenisset; sed quum ipsi ante fata sua supremam manum non inposuerit auctor, ut in vita ejus testatur frater Hadrianus, dimidia saltem illius parte, quae lacerae tabulae instar e naufragio salva enatavit, contentos nos esse oportet, & simul lactari, quod non tota interierit. Hanc autem Valesii Dissertationem de Critica inter alia Viri praestantissimi inedita opera recenset etiam Graevius in Epist. ad Heins. Tom. IV. Syllog. pag. 434. ubi mortem illius, & jaeturam quam ex ea ceperunt Literae humaniores, justo luctu prosequitur: ibidem in notula subjecta Venerandus Patruus meus, & ad Tom. V. pag. 695. dissertationem hanc sua opera lucem brevi visuram esse promiserat: quod cum implere non potuerit, ut supra monuimus, nos Virorum Doctorum expectationi nunc satisfacimus; praesertim prolixo desiderio, quo datam Patruum fidem nuper efflagitavit Vir Doctus & industrius Frid. Gul. Roloffius in eleganti praefatione, quam praefixit H. Stephani libello de Abusu Ling. Graecae, non ita pridem Lipsiae cura ejus recusso. Sed & hujus Valesianae
Dis-

P R A E F A T I O.

*Disertationis meminit N. Heinsius in epist. ad Reines. Tom. V. pag. 192. ubi in carmine illo Asterii, quod in Codice Virgilii Mediceo legitur, panec-ces scribendum, & ferarum in arena congressum intelligendum esse docet, idque fusius persecuturum fuisse Valesium in suo de Arte Critica commen-
tario testatur; quae tamen in illis reliquiis, quas superstites edimus, ho-
die non comparent. Hunc libellum suum in animo habuerat Valesius Chri-
stinae Suecorum Reginae dedicare, sed quum per malevolorum calumnias
aditus ipsi in aulam istam esset interclusus, consilium illud rejecit, ut que-
ritur ipse in Epist. ad Heins. Tom. V. pag. 694. & 695. ubi refert eosdem
adversus se conspirasse invidos, per quos Is. Vossius gratia & favore Re-
ginae exciderat: inter quos praecipuus sine dubio fuit Bourdelotius, Gallus
natione Burgundus, qui mirificam in aula Christinae scenam tunc temporis
egit, & quum eam nugis levibus, dicteriis nonnullis acutis, aliisque hystrio-
nicis artibus, quas impudentia & popularis dicacitas, individuae ignoran-
tiae sociae, comitabantur, mirum in modum infatuatam fascinarat, pluri-
mos viros egregios & solide doctos ex aula ejus deturbavit, interque eos
Valesium nostrum, quem ut paedagogum traducere, & qui nihil aliud le-
gerat aut sciret praeter Ammianum Marcellinum, & varias Lectiones
Cassiodori (ex quo inscitia ejus patebat) se vero nosse vivere, & serere
jocos, qui Christinae placerent, coram ipsa Regina jactare et effutire ausus
fuerat. Vide Is. Vossii Epist. ad Heins. Tom. III. Sylloges pag. 649. in
cujus sane hominis malignitate imaginem suam ultro agnoscere debent non-
nulla ejusdem nationis vilia ac foeda aularum mancipia adulatoria, qui
quum ex Milesiis quibusdam fabulis ac similibus vernaculis chartis Vo-
lusanis faceti et ingeniosi facti, sed omnium scientiarum et elegan-
tiorum literarum rudes, nec nisi levitate, arrogantia, ac garrulitate
conspicui sint, meritis tamen Virorum Doctissimorum, quos fatuo pedantum
convicio proscindunt, petulanter detrabere, et egregia eorum scripta, quo-
rum*

P R A E F A T I O.

rum ne titulos quidem per transennam umquam inspexerunt, traducere sustinent, sed interim peritioribus genuinam se novae Arcadiae progeniem esse produnt.

Ad ipsum porro Valesii nostri tractatum de Critica quod adtinet, multa in eo erudita nec proletaria offendent harum deliciarum cupidi, sed dolebunt mecum potiozem ejus partem desiderari, quum in priore libro de Criticis veteribus, & qui proprie eo nomine ab antiquis adpellabantur, disseruerit; ipsas autem Criticae partes secundo libro, cujus priora quatuor capita tantum supersunt, prolixè pertractaturus, & quomodo in veterum Auctorum interpretatione, explicatione, vel emendatione vero ac legitimo Critico agendum sit, expositurus esset: quae si absolvere & ad posteritatem transmittere ipsi licuisset, procul omni dubio aliorum labores, qui in eodem argumento cum laude versati fuerunt, facile aequasset, si non potius palmam iis fecisset dubiam. Praeter enim Wouwerium in Polymathia, Maussacum in eruditissima illa Dissertatione Critica ad Harpocratiōnem, & Scioppium peculiari de Arte Critica tractatu, qui inter alia Ejus opuscula legitur, egregia etiam Dissertatione de ortu, progressu, & usu Critices in sacris aliisque disciplinis ex professo egit Vir inter principes illos Literarum ac Musarum Statores nominandus Daniel Heinsius in Prolegomenis ante Aristarchum sacrum. Docta etiam sed brevis est Dissertatio Francisci Robortelli de Arte sive ratione corrigendi antiquorum libros, quae legitur in Gruteri Lampade Critica Tom. II. de qua vide Casauboniana pag. 38. & ad ea Wolfii notas pag. 248. quam materiam circa Graecos praesertim Auctores egregie exsecutus est Gulielmus Canterus in Syntagmate de Ratione emendandi auctores Graecos, quod editum est post Novas illius Lectiones. Ejusdem etiam argumenti tractatum circa Latinos auctores promiserat & paraverat Paulus Merula, Academiae Leidensis non exiguum quondam ornamentum, & laborioso Cosmographiae opere, doctis in Ennium Com-

P R A E F A T I O.

mentariis aliisque scriptis celebratissimus, qui in animo habuerat edere libellum de Latinis Auctores emendandi ratione, ut testatur ipse in praefatione ad Ennium; quem ingenii sui foetum ut Musarum alumniis donare vellet, hortatur eum Meursius in Dedic. Animadv. ad Plauti Persam Part. I. Exercit. Critc. pag. 212. Sed & ante illum idem quoque cogitaverat Henr. Stephanus, quem de ratione emendandi libros veteres aliquidd promississe patet ex Camerarii ad eum Epistola inter Philologicas Goldasti pag. 257. Ea an inseruerit Dissertationi suae de Criticis veteribus, quam Paris. an. 1587. in 4^o edidit, definire nequeo; quae cum hodie paucis nota & vix obvia sit, mereretur sane, ut cum aliis Ejusdem Opusculis rarioribus, quorum in Germania iteratae editiones nuperrime procuratae sunt, typis denuo describeretur. Eam tamen magis doctam quam elegantem esse legendo quisque experietur, & verissimum puto de scriptis H. Stephani, atque adeo hac ipsa Dissertatione, judicium Franc. Vavassoris in Libro de Epigrammate cap. XII. ubi ita de Stephani dotibus in scribendo disserit: Facilis quidem & solutus in scribendo, sed parum castigatus: quod ad minuta & frivola laboretur saepe & adhaeresceret; nimium praeciens, nimium emendans; omnia loqueretur de omnibus, assidue de se, cum Scriptorem praeterire multa & reticere & dissimulare oporteat, de rebus vero suis verbum facere nullum, nisi necessario, sit pars aliqua non tantum modestiae sed & prudentiae. Quod autem in Catalogo operum Scaligeri, quem recenset Tessierius in Elogiis Gallicis Viror. Erud. Tom. I. pag. 149. etiam memoretur Scaligeri Diatribe de Arte Critica, sciendum est, ne id forte alicui inponat, constare totam illam Diatriben tribus tantum plagulis, editamque esse inter varia aliorum Virorum Doctorum opuscula inedita, quae ex Bibliotheca Joachimi Morsii prodierunt Lugd. Bat. 1618. in 4^o sed non Diatribe peculiaris est, verum Epistola tantum scripta ad Scriverium, quae inter Scaligeri Epistolas legitur Lib. IV. num. 451. pag. 824. & seqq. quae conferenda est cum

Ejus

P R A E F A T I O.

Ejus Epistola ad Franc. Vertunianum Lib. I. Epist. 20. in qua de variis Critices partibus, & Criticis antiquis docte differit. Sed & in omnium manibus versantur, quae super eadem hac arte commentati fuerunt hoc nostro seculo Clericus, Heumannus, Walchius, alique: Hieronymum quoque Welschium Artem Criticam meditatam fuisse tradit Morhofius Lib. I. Polyhist. cap. 7. Denique etiam novissime Gudlingianae sectae pansophus Gottlieb Stollus in Introduct. ad Histor. Liter. cap. III. de Arte Critica quaedam compilavit hinc & inde exiguo cum judicio corrasa, ut pleraque sunt in isto libro charta magis quam doctrina onusto, adeo ut de eo verissimum sit Graecorum dictum βιβλίον μέγα, κακὸν μέγα. Quod probare in proclivi esset, si id nunc ageremus.

Horum tamen omnium diligentiam atque eruditionem longo post se intervallo reliquisset, si opus inceptum exsequi permisissent fata, Vir ille summus & immortalis in Literas nostras meritorum Isacus Casaubonus, qui prolixum olim de Critica & Critico recte informando Commentarium aggressus fuerat, & saepe in scriptis suis illius edendi spem fecerat. Eum vide in Animadv. ad Athenaeum Lib. I. cap. 2. in Diatrib. Notar. ad Dion. Chrysost. cap. XXII. pag. 38. & in Epist. ad P. Scriver. praefixa Scaligeri Poëm. Graec in fine. Illud ipsum opus ut ante omnia alia, quae in scriniis adfecta & parata habebat, quamprimum edere vellet, valde eum hortatur Scaliger in Epist. LXXIII. in fine. Utinam Scaligeri desiderio obsequi, & plurimorum istius temporis Doctorum hortatu commoveri se ad promissa haec solvenda passus fuisset Casaubonus! profecto nonnullis minorum gentium & inferioris subsellii magistrorum scriptis abortivis aequo animo carere possemus, neque tantum detrimentum Literae elegantiores fecissent, quarum cum ingenti jaetura opus illud nunc periisse, omnibus, qui verum pretium magni viri meritis ac doctrinae ponere noverunt, ex animo dolendum est. Sed liceat mihi hoc in voto uti verbis Phil. Jac. Maus-

P R A E F A T I O.

faci in Dissert. Critic. ad Harpocrat. pag. 376. b. Saepius in scriptis suis peculiarem de Critica Dissertationem nobis polliceri legi Literatorum, qui ad hoc aevi floruerunt, in hoc genere Literarum principem virum Isacum Casaubonum, cum penes se habere de Critica & Critico legitime informando librum profitetur. Utinam τὰς κειμηνὰς nos jam diu fecisset participes; non ita grassaretur nec diffusa esset magistellulorum quorundam supinitas, immo nec pari audacia veterum monumenta tractarent indocti, nec sibi de ingenio & scientia, quam numquam legitime degustarunt, praesumerent; non nascerentur quotidie tot abortivi chartarum conscribillatores, qui quolibet in genere scientiarum, in jure, in humanioribus literis, in Critica, quae numquam forte legerunt, trihorio, primo statim oculorum conjectu, ventilant non solum ea se adsecutos, sed impudenter se profitentur eorum auctores, licet ab aliis docti fuerint. In quibus ultimis verbis nescio an non oblique tangat Wouwerium, de quo plurimi adfirmaverunt, eum, quidquid in Polymathia sua hac de re edidit, a Casaubono habuisse, dum una cum eo agebat Monspeli, aut scriniis ejus domestico quasi furto omnia sublegisse, ac pro suis venditasse. Certe apertius id ipse objicit idem Maussacus in notis ad Plutarch. de Flumin. pag. 149. & Scaliger in Scaligeranis pag. 363. licet ab hoc plagii crimine & calumnia acriter se defendat ipse Wouwerius inter Epistolas Baudii Cent. II. Epist. 7. Verum ut ea de re certius ac verius judicare possemus, optandum esset, ut in dias luminis oras prodisset ipse Casauboni Commentarius, aut forte quae ex illo in Angliae Bibliothecis latent, eruerentur, quamvis ea ab Auctore non elaborata, sed tumultuariam tantum congeriem ac materiam in chartis conlectam, unde aedificium ipsum deinceps exstrueret, fuisse arbitrer. Sane Mericus Casaubonus Isaci filius in Pietate adversus paterni nominis hostes pag. 161. inter alia inedita & anecdota patris scripta, quorum illic seriem exhibet, memorat quidem librum accuratissimum de Critica

P R A E F A T I O.

ca, & in eo Hebraeorum quoque Criticam fuisse ab eo explicatam dicit; sed nihil tamen addit, an ultima manus ab auctore huic libro fuerit inposita, aut quid ex eo supersit ac penes se exstet, ut ceteris plerisque subjungit. Celeberrimus etiam Wolfius in notis ad Casauboniana, quae ex magni Viri Adversariis in Bodlejana Bibliotheca reconditis cum ingenti orbis literati bono edidit, pag. 249. testatur se inter Casauboni scripta in Bibliothecae illius latebris adservata vidisse designationem & summa capita hujus operis, ex quibus conjectura fieri poterat, eum plurimorum ac imprimis Graecorum scriptorum emendationem in hoc Commentario suscipere voluisse: Unde patet ab auctore ipso non absolutum aut ad finem perductum esse hoc scriptum, sed potius delineationem tantum ac coniectanea isti elaborando destinata reliquias illas complecti; cumque proinde illius in lucem protrahendi spes omnis penitus nunc decollaverit, hanc Valesii Dissertationem ineditam haecenus & diu desideratam, licet altera sui parte mutilam, aliquo saltem modo Casauboniani Commentarii desiderium apud doctos & benevolos literarum judices, ac sinceros Divae Critices sacrorum cultores subplere & compensare ut possit, non vano, ut confidimus, augurio ominamur.

Post Dissertationem de Critica sequuntur Valesii nostri, ut & Nicolai Rigaltii atque Ismaelis Bullialdi Dissertationes eruditissimae de populis fundis, sive de statu ac conditione populorum, qui fundi facti esse dicebantur Lege Julia de civitate Romana: quam intricatissimam in Romana Antiquitate materiam, & eo magis obscuram, quia non nisi uno Ciceronis ac Gellii testimonio inlustrari & explicari potest, quum perperam exposuissent Manutius, Sigonius, atque Hotomannus, ac de eadem inter se Rigaltius & Bullialdus disseruissent, sed diversam secuti opinionem, Valesius, quo nemo peritior judex & arbiter ad amicam hanc literariam litem dirimendam inter utrumque sedere poterat, binis Epistolis Ludovico. Nu-

P R A E F A T I O.

blaeo inscriptis egregie docuit, primusque post tam varias virorum illorum sententias observavit, fundum, si de populis dicatur, non significare statum quemdam ac conditionem populorum, (ut si populus liber aut foederatus ac socius apud Romanos adpellatur, status & certa conditio illius indicari solet;) quemadmodum interpretati fuerunt Rigaltius & Bullialdus: Itaque apud Ciceronem populum non dici fundum esse, sed fundum, id est auctorem, fieri, idque ea significatione, qua fundus alicujus rei esse quis dicitur, qui rei alicujus auctor subscriptorque est, ac proinde fundos fieri populos legi cuiusque populi Romani, quam adsciscunt, non vero peculiariter fuisse populorum fundorum conditionem, sed revera liberos ac sui juris, socios & foederatos, quibus populus Romanus permittebat, ut legem aliquam, quam vellent, adsciscerent, verissime ac certissime adserit. Hanc Valesii expositionem merito Vir summus nec minore iudicii ac rarae eruditionis copia ad haec discutienda instructus Joh. Georg. Graevius, calculo suo probavit ad Ciceronis Orat. pro Balbo cap. VIII. pag. 534. & seqq. qui in explicatione illorum, quae Cicero ibidem adfert, cujus loco tamquam unico fundamento tota haec quaestio inititur, in plerisque Valesii opinioni adstipulatur. Quamvis autem idem Vir magnus splendido suo Antiquitatum Romanarum Thesauro Tom. II. pag. 1932. & seqq. has Dissertationes jam inseruerit, non abs re tamen fore existimavimus, si inter haec iisdem denuo recusis locum etiam daremus, praesertim cum eas reliquis Valesiani exemplaris, quod mihi ad manum fuit, schedis additas, & plurimis in locis castigatiores offenderim, quemadmodum mihi cum Graeviano Thesauro illas conferenti, & ad illius editionem specimina Typographica exigenti patuit.

Utinam vero hac eadem oportunitate Reipublicae literariae simul donare, ut optaveramus, nobis licuisset ineditam & numquam visam, quae invidiosis privati carceris claustris adhuc premitur, Viri maximi neque prioribus istis Heroibus exactissimae in hac studiorum parte doctrinae laude
infe-

P R A E F A T I O.

inferioris, Johannis Frederici Gronovii Dissertationem de populis fundis, quam filius ejus Jacobus ad calcem Gelli sui se subjuncturum promiserat in notis ad Lib. XVI. Noct. Attic. cap. 13. ubi tamen oblique Graevium tangere videtur; quasi ille in notis suis ad Ciceronem ex hac Patris sui Disputatione, quam publice eum praelegentem audivisse Graevium dicit, profecisset: Non est sane cur dubitemus, quin si id fecisset Graevius, quo erat candore, aliquo saltem indicio ac honorifica Praeceptoris sui aestimatissimi, non minus quam Valesii cujus vestigia plerumque premit, facta mentione laudem hac in re ipsi reliquisset inlibatam: sed quoniam cum non exiguo rei literariae detrimento consilium illud suum deinde abjecerit Gronovii Filius, eamque, ut in fine praefationis Gellio praefixae monet, propter nimiam editionis molem deinde addere omiserit, nobis de eo, ita ut par est, judicare integrum non est. Profecto si ad reliqua paterni nominis merita hunc etiam cumulum addere, eamque dissertationem liberaliter adnectere eruditissimo Gellii editori libuisset, majorem sine dubio a Viris doctis gratiam iniisset, neque sub mole hac magis onerari vel ipse subterfugisset Gellius, aut literatus orbis sub pondere hujus, ut ominari licet, elegantissimae dissertationis gemeret: nunc vero illius tantum salivam movit ac desiderium nobis reliquit. Non tamen omnino desperandum est, sed ut forte aliquando se hoc thesauro ditatam visura sit posteritas, augurari datur: Quum enim de hoc nostro instituto per literas, quas potui, officiosissimas certiore fecissem Virum Eruditissimum & studiorum ac sanguinis adfinitate mihi conjunctum Abrahamum Gronovium, eumque orassem, ut mihi edendae ac reliquis his observationibus inferendae istius Avi sui Dissertationis facultatem concederet, ac proinde insigni hoc beneficio non tantum mihi sed & publicis literarum commodis data hac occasione gratificari vellet, libentissime se eam mecum communicaturum, nisi eandem cum aliis nonnullis egregii Avi sui ineditis opusculis publicare constituisset, in ceteris vero si opera sua

P R A E F A T I O.

*conatibus nostris non inutilis esse posset, ut jubere sibi ad haec officia prom-
tissimo non desisterem, rescripsit locupletissimus ac dignissimus avitorum
scriptorum haeres, quibus promissis & simul desiderio nostro ut quampri-
mum satisfacere non dedignetur, per generosam ejus liberalitatem, atque
obviam illam & prolixam, qua literas ac literatos prosequi solet, huma-
nitatem publico Musarum nomine precamur.*

*Denique his subjecimus Orationes Henrici Valesii junctim editas, quae licet
alibi sparsim errantes jam typis antea quidem descriptae fuerint, commodè
tamen hic suum etiam locum habere posse visae sunt, in quibus exhibendis
ordinem temporis, quo scriptae & habitae sunt, observavimus. Prima vero
de Christinae Suecorum Reginae Coronatione, quae anno 1650. celebrata est,
ita ab auctore composita est, ac si Legati titulo ornatus in ipsa Suecia prae-
sente Regina eam recitasset, licet numquam e Gallia Holmiam se contulerit;
nam quum in aulam Christinae simul cum Sam. Bocharto esset invitatus,
paullo post ex eadem per invidorum obtrectationes exclusus, & domi mane-
re jussus est, neque aureum torquem, pretiosam orationis mercedem, a Re-
gina, promissis magnificis admodum liberali, umquam accepit, sed eadem
cum N. Heinsio & Is. Vossio fortunae malignitate in corruptissima illa Sue-
cica aula ingratum in modum elusus est. vide vitam H. Valesii pag. 10.
Conferendus autem est cum hac Valesii Oratione Panegyricus Octavii Fer-
rarii, eruditissimi quondam in Lyceo Patavino humaniorum literarum
Professoris, qui eodem anno sub titulo Palladis Suecicae disertissimam &
multo verborum nitore atque elegantia ornatissimam Orationem Christinae
imperium Suecicum auspicanti dedicavit, quae nunc legitur inter Ferrarii
Prolusiones pag. 346. & seqq. in variis Ejus operibus Patavii an. 1668. edi-
tis. sed qui tamen caput unctius, neque manum aere vacuum inde retulit;
splendido enim catenae aureae munere, & nummo, quem eundem illum
fuisse puto, qui post Valesii Orationem in hac editione conspicitur, a Chri-
stina*

P R A E F A T I O.

sina donatus fuit. Vide If. Vossii Epist. ad N. Heins. Tom. III. Syllog. pag. 601. & Heins. Epist. ad Christinam Tom. V. pag. 735. & 742.

Hanc porro comitantur funebres in obitum doctissimorum, quibus jure superbit Gallia, Virorum, Jacobi Sirmundi, Petri Puteani & Dionysii Petavii habitae, quos singulos amicissimos sibi homines tribus annis continuis amisit Valesius; tum eximia gratulatoria seu potius panegyrica Oratio de Pace post diuturnum & gravissimum XXIV annorum bellum Hispanos inter & Gallos gestum per celebratissimum illum Cardinalem Julium Mazarinum stabilita, quae omnes verborum elegantia, dictionis nitore, sententiarum pondere & argumentorum gravitate se ex merito commendantes non nisi uberri- mum fructum partim ad historiae literariae cognitionem, & fata virorum, quorum memoriae egregiis his parentalibus supremum amicitiae officium exhibuit Valesius, partim etiam ad historiam belli istius & Cardinalis Mazarini laudes ac merita inlustranda legentibus adferre possunt. Quamvis autem funebres illae in vitis Selectorum Virorum a Batesio Londini an. 1681. editis jam conspiciantur, tum oratio in obitu Sirmundi in limine novissimae Venetianae Operum Sirmundi editionis habeatur, itemque altera in mortem Petavii Epiphonio ejus praefixa legatur, recte tamen atque ordine me fecisse arbitror, quod omnes simul conjungere & uni fasciculo includere maluerim, praesertim quum non omnium manibus terantur isti libri, & Panegyricae illae de Coronatione Christinae & Pace a Mazarino confirmata Orationes alibi editae, quantum certe mihi constat, non habeantur. Mirari tamen subit, cur Niceronius, Monachus Barnabita, fato nuper functus, cujus labor vitis doctorum hominum inlustrandis inpensus, praesertim propter catalogos operum ab illis conscriptorum satis exactos, laude sua minime ceteroquin fraudandus est, postquam in Memoir. pour servir a l'Histoire. des Homm. Illustr. Tom. V. pag. 242. scriptorum Valesii, & inter ea harum quoque Orationum censum egisset, deinceps tamen in Tom. X. part. I. pag. 157. tamquam erratum a se con-

(***)

missum

P R A E F A T I O.

*missum emendans Orationem in obitu Petri Puteani non Henrico sed fratri ejus Hadriano Valesio adscribendam esse, eamque in Conlectione Batesii non legi, sed istic inveniri tantum vitam Puteani a Rigaltio concinnatam monuerit. Sane in schedis istis MSSis, unde edidimus, Henrico adtributam invenimus, & in Batesii Vitis post illa, quae Rigaltius de Puteani vita literis mandavit, sub ejusdem nomine conspicitur pag. 670. & seqq. ut unicuique librum evolventi patebit. Praeterea his insuper adjiciendam curavimus Hadriani Valesii Orationem de Laudibus Ludovici XIV. a quo postquam an. 1660. una cum fratre Henrico in Historiographorum numerum, adtributis cuique annuis mille ducentis libris, relatus esset, & deinde an. 1663. inter plurimos alios Eruditos adnitente Colberto aerarii Regii praefecto profusam Regis Christianissimi liberalitatem, praemio mille ducen-
tarum librarum annuarum accepto, denuo esset expertus, anno sequente in grati animi testimonium elegantissima hac Oratione celebravit insolitam illam munificentiam Regiam, qua Principum optimus ac generosissimus tam popularibus suis quam externis per totam Europam Viris doctis aureum condens seculum, literas & literatos raro admodum & Regibus ac Principibus numquam satis commendando exemplo prosecutus est.*

Agmen tandem claudunt Ejusdem Hadriani Valesii carmina nonnulla inedita, quae in ceteris illius Poëmatibus post Valesiana an. 1694. excusis desiderantur, stylo lasciviori & ingenio liberiori atque amoeno conscripta, ac proinde zetricis & compositi ad severitatem supercilii Catonibus non legenda. Ea debemus beneficio Viri Egregii, cui & hoc nomine & quamplurimis aliis meritis obstrictissimum me profiteor, Jacobi Philippi D'Orville, elegantiorum Literarum in Amstelaedamensium Athenaeo Professoris Celeberrimi. Praefixa illis legitur Epistola Gallica a Viro Amplissimo Carolo Valesio, Hadriani Filio adhucdum superstite, exarata, quam vel ideo addidi, quia notitiam nobis subpeditat ineditarum Hadr. Valesii ad Florum notarum,

quas

P R A E F A T I O.

quas si cum aliis Parentis, & si ea possideat, Patruī sui scriptis ineditis ac luci nondum expositis, publico inpertire & cum viris doctis communicare aliquando non dedignetur, erit quod literis inpenſe gratulemur.

Praeter enim eximia illa, quorum ipſe vivens editionem procuravit Henricus Valesius, opera, Excerpta ſcilicet Peireſciana, Ammianum Marcellinum, Scriptores Graecos Eccleſiaſticos, Commentariis eruditiffimis inluſtratos, tum notas ad Excerpta de Legationibus Vol. I. Corp. Byzantini inſertas, & Animadverſiones poſtumas in Harpocratonis Lexicon & notas Mauſſaci, quas ex Bibliotheca Gulielmi Prouſteau Antecęſſoris Aurelianiſis productas ſuis Harpocratonis Editionibus ſubjunxerunt Viri Cll. Nicolaus Blancardus & Jacobus Gronovius; plurima inſuper alia aut abſoluta aut inchoata, quae meditatũs fuerat, reliquit Valesius, quibus edendis ſi longaeſior ipſi contigiffet vita, rempublicam literariam inſigniter ornaffet. Sic in vita ejus ſcribit frater Hadrianus, paullo ante mortem ſibi adfirmaffe Henricum, ſe Libanii Sophiſtae Orationes XV Hiſtoricas ex vetuſtis membranis eruiſſe, Latine reddidiſſe, ac commentariis expoſuiſſe, ſed mortuo tamen fratre, ſe quatuor tantum aut quinque Graecas Libanii Orationes, ac ne eas quidem ad Hiſtoriam pertinentes, in Latinam linguam converſas in ſcriniis fraternis reperiſſe, ceteras vero nequaquam ſe vidiſſe teſtatur. Praeter haec de Athenienſum Republica & Ariſtidis ac Libanii cęvęndota promiſiſſe Valeſium refert Graevius Epiſt. ad Heins. Tom. IV. Sylloges pag. 434. eumque de Clemente Alexandrino edendo cogitaſſe patet ex Epiſt. N. Heinfii ad Falconer. Tom. V. pag. 502. tum Obſervata ſua ad Juliani Orationem primam memorat ipſe Lib. III. Emend. cap. 10. pag. 91. Praeterea nullus fere inter Auctores, clafficos vulgo dictos, Graecos aut Latinos eſt, qui non ex doctiffimis Illius adnotationibus, ſi ſuper-eſſent, caſtigari & inluſtrari poſſet. In notis enim ad Harpocratonem omnibus fere paginis citat notata ſua ad diverſos auctores veteres, quibus

P R A E F A T I O.

*exemplarium suorum frontem, margines, & calcem a se conscripta indicat, ut opinor. Sic notata ad Arnobium pag. 10. ad Aristotelem de Rep. Atheniens. pag. 22. & 73. ad Marcianum Heracleotam pag. 35. ad Gellium pag. 45. Suetonium pag. 55. ad Herodotum & X Rhetoras pag. 57. Diodorum Siculum pag. 70. Xenophontem & Lysiam pag. 92. aliaque plura ibidem indicat, quae cumulare non adinet. Idem de notis ad Pollucem, quarum meminit Kuhnius in Praefatione sua pag. 10. statuendum est, nam notata sua ad exemplar illius Lexicographi memorat ibidem ad Harpocrat. pag. 46. Haec si nondum perierint, sed in Gallia adhuc naufragio erepta adserventur, ab aliquo literarum perito excerpenda, & in ordinem digerenda, ac Miscellanea aut Conlectanea inscribenda essent, ut monet Hadrianus in vita Fratris pag. 16. vel saltem sub Valesianorum titulo edenda, ut simile utriusque fratris opusculum habere nobis liceret. Verum ante alia omnia magnum profecto Literae nostrae damnum ac detrimentum fuerunt passae, si interciderit praeclarus Henr. Valesii labor, quem Legibus Atticis colligendis & illustrandis impendit, quod opus ab eo absolutum fuisse inde colligi potest, quia cum in eo jam esset, ut edere illud & praesto mandare pararet, praeventus fuit a Sam. Petito, cujus in Leges Atticas Commentarii quum Lutetiae Parisiorum circa id tempus prodiiissent, consilium mutavit, & ab incepto destitit Valesius, ut refert Hadrianus frater in Ejus vita pag. 15. Hujus operis sui meminit ipse aliquoties in notis ad Harpocraton. pag. 16. 55. 121. 129. & Lib. V. Emendat. cap 6. Insignem profecto jacturam fecerunt Musae, quod in lucem non emerferit hoc scriptum, quod si ipse auctor de manibus suis dimisisset, Petiti industriam ac doctrinam, praesertim in Graecis illa Critica, superasset sine dubio & longo post se reliquisset intervallo: quod idem etiam judicium ac desiderium est Viri Eruditissimi in Adnotation. ad Xenophont. Ephes. quae habentur in Observat. Miscellan. Vol. V. Tom. I. pag. 22. ubi ait: In his emendan-
dis*

P R A E F A T I O.

dis oleum & operam perdidit Sam. Petitus ad Leg. Att. qui vir utinam quantas eruditionis haud vulgaris copias, tantam acuminis habuisset critici, multo nos minus tangeret desiderium curae ab Henr. Valesio promissae. *Neque benignius de Petito judicat, eumque in re Critica non adeo εὐστοχία litasse censet Ludolph. Kusterus in notis ad Aristophanis Ranas v. 406. his verbis: Hunc locum mire torquet & παρερμενέει Sam. Petitus, qui Vir, caeteroqui doctus, in emendandis & interpretandis veteribus scriptoribus Ixionis instar, nubem pro Junone plerumque captat, parum pensi habens, an lectio aliqua, quam comminiscitur, genio Graecae linguae conveniat, dummodo constructio Grammatica salva sit. Sed nec solius Valesiani de Legibus Atticis commentarii desiderium literatos cruciat; nam & earum Syllogen cum Animadversionibus suis editurum se promiserat Maussacus ad Harpocrat. in voce περίπολος pag. 288. Ed. Blancard. Praesertim vero orbem eruditum immortalī sibi obstrinxisset beneficio divinus ille vir & unicus meliorum Literarum vindex Josephus Scaliger, si institutum suum de edendis Legibus Atticis peregisset, & hoc quoque ingenii ac doctrinae suae monumentum posteritati & simul aeternitati fecisset sacrum. Illum enim conlegisse Leges Atticas Meursio scribit Cunaeus in Epist. 179. quem defectum aliquando se subpleturum edito Themidis Atticae, sive de Legibus Atheniensium libro, sequente Epistola Cunaeo respondet Meursius, quod viri illius doctissimi simul & laboriosissimi opus nunc Tomo V. Thesauri Antiquitatum Graecarum insertum est. Illam vero Scaligeri Legum Atticarum Conlectionem in Leidensi Bibliotheca adservari Job. Fred. Gronovio nunciat Salmasius Epist. CXX. eamque se in Gallia aliquando vidisse a Dan. Heinsio transmissam ad quemdam amicum, qui tum Leges Atticas cum Commentario edere parabat, testatur; per quem amicum an Valesius noster, an vero Petitus aut Maussacus designetur, definire nequeo. Ipse tamen Scaliger in Epist. CCCXLIII. pag. 660. Carolo Labbaeo scribit se numquam in*

P R A E F A T I O.

animo habuisse illas edere, sed cum multis aliis, quae in privatos usus sibi congefferat, premere. Quin & Casaubonus, quum inedita Scaligeri scripta publicaret, voluit eas e tenebris in lucem vindicare, sed quum ab Heinsio, Bibliothecae Leidenfis tunc praefecto, eas secum communicari petiisset, responsum ab illo tulit, se religione impediri, quo minus ea evulgari concedere posset, quia ultimis testamenti tabulis cautum erat a Scaligero, ne quidquam scriptorum adfectum tantum aut inchoatum ederetur. vide Casaubon. in Praefat. ante Scalig. Opusc. Postum. pag. 19. Itaque si aliquando operi huic Valesiano tenebris eripi, & ex privato carcere in lucem adseri, atque in manus Doëtorum Virorum pervenire feliciter contingat, jacturam hanc, quam non exiguam in Scaligeri & Maussaci labore subpresso ac delitescente fecerunt Literae, haud parum compensatam videre licebit; quod ut fiat, omnibus, qui bona fide doctrinarum studia & praeclara Viri illius merita colunt & aestimant, ex animo optandum est.

His interim, Lector aequae ac benevole, a nobis nunc productis utere, atque in Literarum commoda fructuere, & si conatibus nostris ac curae Valesianis his reliquiis conlocatae favere te experiar, brevi etiam diu desiderata Nicolai Heinsii Adversaria, quae jam operas exercent, & Anthologiam Epigrammatum & Poëmatium Latinorum post Pithoeum & Scaligerum ingenti ineditorum numero locupletatam, & Animadversionibus inlustratam editurum me polliceor, si Deus mihi vires, doctrinam, & aetatem augere voluerit. Vale.

Dabam Franequerae d. ix. Junii MDCCXXXIX.

HADRIA-

HADRIANI VALESII

*MILITIS, DOMINI DE LA MARE,
CONSILIARII ET HISTORIOGRAPHI REGII
DE VITA*

HENRICI VALESII,

*MILITIS, DOMINI D'ORCÉ,
CONSILIARII ET HISTORIOGRAPHI REGII*

L I B E R

Ab ipso Auctore recognitus &
emendatus.

HADRIANI VALESII,

HISTORIOGRAPHI REGII

DE VITA

HENRICI VALESII

HISTORIOGRAPHI REGII

LIBER

Ab ipso Auctore recognitus &

emendatus.

Perlectis quae de libris Henrici Valesii, nomine Petiti Typographi, scripseram paucis; hortatus es me, Clarissime NUBLAEE, ut de vita ejus librum componerem. Et tum quidem quid tibi responderim non recordor: verum posteaquam a te digressus sum, dicta mecum volvens, erubescere, ac sic increpare meipsum coepi. An oblivisci me posse Henrici Valesii, artificissimis sanguinis vinculis, amore litterarum, & tam diuturna vel potius fere perpetua mecum vitae ac victus communitate conjuncti? An illaudatum & tacitum relinquere me posse clarissimum virum, qui amicos, aut vivos epistolis librorum fronti praefixis, aut mortuos laudationibus celebravit? An denique me fraudaturum vero testimonio fratrem meum, quod plerique scriptores ultro etiam alienis honorificum reddiderunt? si Suetonius Tranquillus de illustribus Grammaticis librum, de claris quoque Rhetoribus volumen composuit: quanto magis dicendus est mihi Valesius, qui scholasticos istos mercenariosque professores longo intervallo superavit, & omnes Grammatici partes, omnes Rhetoris, vel potius Oratoris numeros, dum

VITA HENR. VALESII.

dum vixit, implevit? certe quum Latinos Historicos doctis & laboriosis commentariis exposuit; quum Graecorum scripta convertit, & commentando notiora studiosis reddidit; quum variorum auctorum volumina contractis priscis exemplaribus diligenter emendavit, distinxit & adnotavit; quum epigrammata & poëmata scripsit ipse, aut vetera interpretatus est: quid aliud fecit, quam quod illustres olim Grammatici fecerunt? jam vero Orationes ejus elegantes, copiosae atque perspicuae, laudationesque clarissimorum virorum nonne satis indicant, omnibus artis Rhetoricae praeceptis instructum, atque etiam claris Oratoribus adnumerandum fuisse? Sed vir summus summos Grammaticos & Rhetoras atque adeo Oratores ipsos plurimum supergressus est: quippe qui Graecas, Romanas, & barbaras notas habebat antiquitates, cui erat Historia sacra profanaque comperta, qui Graecum Latinumque sermonem tamquam patrium noverat, qui denique ad magnitudinem ingenii, viæque & acrimoniam judicii assidua lectione, ac meditatione variam & interminatam in omni litterarum genere doctrinam adjunxerat. Dicam igitur de Valesio quae vidi: quae ex ipso per tot annos in cotidianis colloquiis & familiari consuetudine cognovi, quae de ipso saepe ex communibus amicis audiui. Dicam, quae observavi; quae notata inhaerent animo: (omnium enim meminisse non possum) nec committam, ut mihi valeat imputare posteritas fratrem debito testimonio privatum.

NATUS est Luteciae Parisiorum HENRICUS VALESIUS Anno Christi MDCHL. iv. Idus Septembreis, die Mercurii. Patrem habuit Carolum Valesium, Nobilem Parisinum; qui, patrimonio suo contentus, honestum otium negotiosae vitae praeposuit; & anno aetatis septimo & septuagesimo decessit: avum Johannem Valesium; qui, Maria Uvaea genitus, (a) Contios de monte Glandifero, (b) Marefcotos, (c) Macaltos, (d) Passartos, & (e) Robinellos materno genere contingebat: quorum filii & nepotes plerique ad splendoras dignitates pervenere: & pars in supremis curiis Parisiâcis, pars etiam in sacro Consistorio floruerunt. Johannes Valesius, vir moribus antiquis, eximio candore animi aequae ac nobilitate Majorum conspicuus fuit. Patrem enim suum, adolescentem nobilem, coactum lege patria, potiore patri monii partem ad majorem natu deferente, ex inferiore Nortmannia migravisse Luteciam, ibique subsedisse,

† 2

nec

(a) Messieurs. Le Conte de Montauglan.

(b) M. de Marefcot.

(c) M. de Machault.

(d) M. Passart.

(e) M. Robineau.

nec mediocrem in supremo Galliarum Senatu causarum patronum exstitisse, saepe narrabat. Certe est hodieque in Pago Bajocassino atque in Lexoviis vetus & nobilis (a) gens Valesia; a qua originem deducimus. Quae quidem gens inter armorum strepitus humaniorum studia litterarum magnopere semper & amavit & coluit. Sed nobilitate sanguinis tantummodo censeretur non debet Valesius noster; quem sua virtus, quae sola & unica est nobilitas, & eximia doctrina, ac tot libri editi & edendi satis superque clarant ac illustant. Mater Valesio fuit Claudia Morleria, Claudii Morlerii Consilarii Regii ac Notarii filia, viri dum vixit Luteciae non obscuri; Hadriani Morlerii soror, speciosissimi hominis, qui sub Comite Stabuli splendidum Praepositi officium gessit: mulier nasuta, macilentis genis, vultu ruboris pleno. Matrem Valesius ore moribusque referebat: quae anno Domini MDCLXXI. aetatis XCIV. mense IX. XII. Kalendas Decembreis maturam mortem obiit in villa sua apud Calveriacum, cujus usumfructum ante annos fere VI. sibi retinuerat, cum filiis bona relinqueret. Est autem gens (b) Morleria vetus & honorata, in plures familias divisa. Morleriorum alii in municipio Ambianorum Monte Desiderii dicto etiamnum habitant: alii in castro pagi Vadenfis Crispiaco confedere: quidam in Atrebatibus fedes habent. Ex his nonnulli in Schola Parisiaca Magisterio Theologiae; aliqui etiam libris compositis inclaruerunt. Nemo enim nescit, Morlerium ante annos circiter quadraginta de Antiquitatibus Ambianorum scripsisse.

Puer admodum cum fratre Carolo natu maiore missus est Henricus Valesius Verodunum, ut liberalibus disciplinis erudiretur. Ea in urbe celebres scholas & Parisiacis adolescentibus tritas habebant Jesuitae: quibus tum Luteciae ex Senatusconsulto docere non licebat. Ibi Valesius tanto ardore, tanta cum animi voluptate in libros incubuit, ut jam tum quantus in litteris evasurus esset, appareret. Mira in eo docilitas ingenii; indoles supra aetatem singularis. Facile ac celeriter cuncta, quae tradebantur, accipiebat, suaeque alte infigebat memoriae: sic dictata reddebat; sic quae dicuntur themata componebat, ut Praeceptoribus ac praefectis amori simul admirationique, aequalibus esset exemplo. Nec incitandus puer erat, sed reprimendus, ne in morbum incideret. Quare unam ei horam plusquam reliquis condiscipulis praefectus cubiculi indulgebat ad somnum. Aequum quippe erat, eum, qui citius meliusque ceteris scholasticum pen-

(a) Mrs. De Valois.

(b) Mrs. De La Morliere.

H E N R. V A L E S I I.

sum absolveret, qui plus ceteris laboraret atque proficeret, ad reficiendas corporis animique vires plus etiam dormire quam ceteros. Erant Veroduni plura auditoria humaniorum artium, suo singula Professore instructa. (vulgo Classes vocitant.) In singulis auditoriis, sicut fieri solet, quaedam dignitatum civilium Imperii Romani in Orientem Occidentemque divisi imago cernebatur. Utrumque imperium optime meritis & qui elegantissime omnium aliquid composuissent, deferrebat ad tempus. Ibidem quotannis adolescentulis praemia Graeci Latinique sermonis ex more proponebantur. Valesius scholasticas dignitates, sed primas & maximas semper consequeretur, semper Imperator, aut Consul, aut Praetor: nec umquam infra Praeturam descendebat: libros inauratos, classica praemia solutae orationis & carminum quotannis pleraque victor auferebat. Ejus in schola Rhetoricae amplificationes & declamationes, ac carmina praeceptor laudabat, condiscipuli mirabantur. Praeceptor ille Russellus vocabatur, homo minime malus, sed admodum imperitus, & artis, quam profitebatur, plane rudis ac ignarus: qui in prosa eloquentia verba grandia & bene sonantia, orationem in re vel levissima numerosam, plenam pompae & majestatis, descriptionesque ne in carmine quidem tolerabiles affectabat: qualis est haec primae lucis descriptio, quam Valesius a ludo recens nobis saepe recitantis more graviter pronuntiabat. *Dilucescebat: & emissa jam uberioris affuturæ lucis quasi praecone Aurora, flavescentem auro caesariem pullulantibus in altum radiis Sol matutinus depectebat.* Actum erat de Valesio, si talem praeceptorem esset imitatus: sed exemplis Magistri malis atque vitiosis judicium discipuli praevaluit: qui cuncta ludi Verodunensis auditoria intra quinquenium feliciter emensus est.

Interea anno MDCXVIII. Jesuitae Ludovici Regis beneficio Luteciae suas scholas aperiunt, quas pridem claudere jussi erant. Revocatus igitur a patre Valesius, redit cum fratre Luteciam, & ad scholas eorum Parisiacas, quas Charomontanas appellant, se confert. Ibi florebant eminebantque Jacobus Sirmundus Ricomagensis, & Dionysius Petavius Aurelianensis, duo Societatis Jesu lumina ac ornamenta: ex quibus Petavium Rhetoricae Professore uno anno audivit; Sirmundum saepe quoque convenit: quos ambos postea constanter coluit simul & amavit. Eodem in ludo sub Bruano Lothariensi, doctissimo Professore, in Philosophiae studia triennium impendit, ita ut Graecos ac Latinos Poëtas, Oratores, Historicos avidius quam Philosophos toto eo tempore lectitaret. Cum nihilominus de Philosophia publice disputaturus esset, quae triennio ex-

ceperat, Bruani dictata cursim ac brevi transcripsit paene ad verbum: ratus memoriae tenacius inhaesura, quae paulo ante legisset ac scripsisset. Nec spes eum sua fefellit. Nam theses ex universa Philosophia depromptas egregie & magna cum ingenii laude iudiciiue defendit. Mirabar minutissimas litteras, pedum muscarum similes, manu ejus scriptas, quae a nemine legi posse videbantur; & pagellas semipedales centenum versuum capaces: totam denique philosophiam tam celeriter tantas in angustias contractam.

Egressus Claromontano ludo Valesius anno aetatis undevicesimo, Christi MDCXXII. jus civile Avarici Biturigum biennio didicit, ac post reditum, in summa curia Parisiaca numero Advocatorum adscriptus est. Forum per annos amplius septem togatus frequentavit, magis ut patri satisfaceret, quam ut sibi. Taedebat enim hominem jacturae temporis & operae perditae. Oneri erat, pudori erat toga tamdiu frustra gestata; Videbat enim eum, qui a nemine advocaretur, patrocinaretur nemini, causam nullam ageret aut diceret, Advocati, Patroni, ac Causfidici nominibus jure gloriari non posse. Interea quantum ei erat otii, (plurimum autem erat otii) litteris impertiebat. Ab Advocatis Graece doctissimus habebatur. At ipse intelligens, quantum sibi deesset ad plenam linguae Graecae notitiam, ita Graeca legit ac didicit, ut famae de se sparsae abunde responderet. Habebat tum praeter ceteros collegam Michaëlem Anglum, a condiscipulatu notissimum sibi ac carissimum: quem cum prensatis a Patre suo procuratoribus niti, eaque ratione causas agere, ac litigantium jura voce scriptisque defendere animadverteret; dolens se tali auxilio destitutum algere, togam cum spe deposuit, renunciavit foro, multum dissuadente patre, ac frustra, ut perseveraret, hortante: ac liberalibus studiis, quae nec sponte umquam nec ex toto reliquerat, totum sponte se dedit.

Memoriae prodit Marcus Tullius, se, *cum venisset in villam pueri Luculli, M. Catonem vidisse in Bibliotheca ejus sedentem, multis circumfusus libris: fuisse enim in eo inexhaustam aviditatem legendi, nec satiari potuisse: & tum in summo otio maximaque copia quasi heluonem librorum visum esse.* Haec imago Valesii. Quod a Tullio de Marco Catone dictum est; mutato nomine, id a me de Valesio narratum puta. Veteres scriptores Graecos & Latinos cotidie evolvebat; nec recentiores Criticos, Turnebum, Lipsium, Lambinum, ac similes alios aspernabatur. E Bibliothecis amicorum libris utebatur: notas habebat Bibliothecas, unde promeret quos vellet, & quos filius familias minime pecuniosus emere non pos-

H E N R. VALESII.

posset. Solebat dicere Valesius, nullis se melius libris usum umquam esse, quam commodatis: hos enim se exactissime legere, adnotare, atque excerpere semper consuevisse, tamquam qui in manus suas numquam essent redituri. Die Dominico conveniebat in Ecclesiam: die Saturni pomeridianis horis amicos visitabat; reliquos cujusque hebdomadis dies plerumque studiis impertiebat, ac sedebat domi. Amici tum Valesii erant Sirmundus, Petavius, Hieronymus Bignonius, Patronus Fisci, vel ut vulgari utar appellatione, advocatus Generalis, Puteani, Nicolaus Rigaltius, Michaël Angelus, Franciscus Florens Jurisconsultus, Bosquetus Narbonensis, Johannes Tristanus Sanctamantius, qui in veteribus nomismatis praesertim Graecis legendis commentandisque ab ipso non mediocriter est adjutus. Ex his Sirmundus, callidus & astutus senex, cum observavisset, certo semper hebdomadis die ac eadem paene hora se ac Petavium a Valesio conveniri, ejus rei causam ex ipso quaesivit: & sereno ut erat vultu; Quid tu (inquit) Valesi, constanter ad nos Sabbatis ventitas? Heic subridens Valesius: vin' dicam, mi Pater? Ne a studiis avocer, plusquam semel quaque hebdomade cubiculum meum verri, & supellectilem mundari non patior. Itaque septimo quoque die mihi Judaeorum more otia dum est atque cessandum: eo die, quod possum, amicos meos viso. Tum Sirmundus exclamat. Magnae plane ancillae tuae habendae sunt gratiae, per quam nobis Valesio nostro aliquando frui contingit. Utinam te saepius paternis aedibus extruderet, atque Clarummontem versus everreret. Nam in omnibus, ut tute nosti, servandus est modus: nec minus etiam in ista aetate valetudinis tuae quam studiorum debes habere rationem. Sirmundi, Petavii, Rigaltii, doctorum hominum apud Puteanos toti plerumque sermones de Litteris erat: his Valesius summopere delectabatur: inde fero, ac solito laetior domum reverti consueverat, praesertim si magnum & praeclarum aliquid aut dixisset ipse, aut dicentes audisset.

Jam in notitia Graecarum ac Latinarum Antiquitatum tantum profecerat Valesius, ut edere doctrinae suae publicum specimen posset. Ejus rei nec opinanti data est occasio. Nicolaus Fabricius Peirescius, in suprema Curia Aquisextiensis Consiliarius Regius, vir doctus fautorque doctorum, ac locuples, veteres libros a Monachis Graecis, qui vulgo Calogeri vocitantur, nonnumquam sibi emendos curabat. Hos inter a mercatore Masfiliensi advectus erat ex insula Cypro Aquas Sextias codex priscus, Constantini Porphyrogenneti nomen ferens. Nimirum Imperator Constantinus, Leonis Aug. filius, Basilii Macedonis nepos, collectanea historica

ex variis auctoribus, tribus & quinquaginta titulis incluserat, ac singulos titulos vel tractatus in II. Libros diviserat. Ex hisce titulis jampridem unus de Legationibus exstabat: alius tractatus *πεὶ ἀπερὶς ἡ ναυίας* inscribebatur: quem Peirescius euntum, ut dixi, Luteciam Parisiorum ad amicos miserat. Ibi cum diu neglectus jacuisset, hortante Petro Puteano Regiae Bibliothecae custode, laboriosum opus & a cunctis recusatum Valesius audacter suscepit. Ex Polybio igitur, e Diodoro Siculo, e Nicolao Damasceno, & Appiano Alexandrino, ex Dione Cocceiano & Johanne Antiocheni excerpta praeclara, quotquot nondum publicata erant, in linguam Latinam eleganter transtulit, adnotationibusque multiplici ac varia eruditione refertis illustravit, dicavitque Peirescio anno Domini MDCXXXIV. aetatis xxxi. nondum impleto: quem *primum studiorum suorum foetum* ipsemet in epistola appellat. Circa idem tempus cum apud veterem auctorem de portu Smyrnae clarissimae urbis Joniae legisset aliqua, quae non facile possent intelligi, nisi ab eo, qui locum vidisset; ac ea de re Fabricio Peirescio scripsisset: Peirescius una cum negotiatore Massiliensi pictorem ex Provincia Smyrnam proficisci iussit, qui de ipsa navi portum Smyrnaeum diligentissime perspiceret ac delinearet; portumque penicillo expressum in membrana ad Valesium misit. Ex quo apparet hinc Valesii in commentandis auctoribus cura atque diligentia; inde Peirescii in juvandis ac promovendis ejus studiis benignitas singularis. Egit gratias Peirescio Valesius, sic tamen ut ingenue fateretur aliqua superesse, de quibus dubitandi causas haberet. At Peirescius graviter ferens nihil actum tanta impensa missi in Asiam pictoris, rescripsit Valesio, omnia se facienda fecisse, quibus deberet esse contentus: quod si exactissimae delineationi portus non acquiesceret, non pictoris, non suam, sed ipsius plane culpam esse, cui nihil satisfacere posset. Ad Opera Valesii revertor. Graecis Historicis Latinus successit Ammianus Marcellinus. Latinum Historicum appello Marcellinum, hominem natione Graecum & domo Antiochensem; propterea quod Latine scripsit historiam, & res Romanas ab exortu Nervae ad Valentis Aug. mortem, xxxi. libris exposuit. Igitur Valesius septem & amplius veterrimas editiones Marcellini, & Codicem Bibliothecae Regiae, ac varias Lectiones, ex quatuor MSS. membranarum excerptas, inter se diligentissime contulit; atque hisce instructus auxiliis Historicum celebrem, a mendis quamplurimis vindicatum, in suum nitorem ac velut in integrum restituit: addidit & uberes adnotationes, quibus emendationum suarum rationem redderet, & difficiles quos-

quos

H E N R. V A L E S I I.

que auctoris locos, antiquitates Romanas, dignitates Palatinas, civiles ac militares explicaret. Anno Christi nati MDCXXXVI. aetatis tertio ac tricesimo Ammianum Marcellinum Henrico Memmio, supremae Curiae Parisiacaе majori Praefidi nuncupavit: quem Nobilissimum Virum, dignitate & hereditario amore litterarum ex aequo clarissimum, plurimum colebat. Mirabantur multi, tam laboriosum ac scrupulosum opus tam feliciter ac bene ab uno homine intra biennium absolvi potuisse: quod artum temporis spatium vix perlegendis adnotandisque priscis Ammiani libris cum editis tum scriptis, nedum componendis notis suffecturum videbatur.

Sed assidua lectio librorum ac praecipue veterum membranarum oculis Valesii, quorum aciem a prima infantia habetiolem habebat, plurimum nocuit. Ex eo quippe minus quam antea utroque oculo videre coepit; dextrum etiam non multo post ex suffusione amisit. Quamobrem cum nec legere commode posset, nec scribere, rarius studere coactus est, & taedia molestissimi otii jucunda amicorum consuetudine & crebra allocutione levare. Observabat autem Memmii Praesidem inprimis, qui ipsum secum habere frustra concupivit, praeterea Amelotum primum Curiae vectigalium Praesidem, Petrum de Marca Archiepiscopum Tolosanum, Hieronymum Bignonium Advocatum Generalem, Claudium Sarravium Consiliarium Regium, Hugonem Grotium, qui postea Serenissimae Reginae Christinae Legatus fuit, Galminum libellorum supplicum Magistrum, ac Nicolaum Fabricium Peirescium in suprema Aquiseptiensis Curia Senatorem. Amicos habebat praeter eos, quorum supra memini, Johannem Launoium Theologum, Ludovicum Nublaeum Advocatum in Curia Parisiaca, Aegidium Menagium, Carolum & Franciscum Ogerios, Ludovicum Cantarellum Fabrum, Rollandum Maresium, & quotquot Luteciae liberalibus studiis doctrinaque eminebant: e quibus Nublaeo suam de populis fundis sententiam exposuit Epistola, quae una cum Bullialdi aliorumque de eadem re libellis Divione edita est. Amicorum numero postea accesserunt externi, ex urbe Roma Franciscus Barberinus Ecclesiae Romanae Presbyter Cardinalis, Lucas Holstenius Hammaburgensis, & Leo Allatius: e Batavia Claudius Salmasius Divionensis, Fridericus Gronovius, Isaacius Vossius, Nicolaus Heinsius, Danielis Fil. ac Johannes Georgius Graevius: ex insula Britannia, Jacobus Usserius Armacanus: e nostris Lucas Acherius, Cantalupus, Johannes Mabillonius, Sanctigermanenses Monachi piissimi atque eruditissimi.

††

Prae-

V I T A

Praeter eos, quos modo enumeravimus, Valesii amicos, horum postea numerum adauxerunt simul atque illustrarunt in primis invictissimus ille Heros Gallicus LUDOVICUS BORBONIUS, Princeps Condaeus. Litterarum ac Litteratorum amantissimus; Johannes Franciscus Paulus Gondius Archiepiscopus Parisiensis & Cardinalis; Carolus Dux Montauserius; Memmius Comes Avauxensis; Petrus Seguerius Franciae Cancellarius; Fulquetus Procurator Generalis; Guilielmus Lamonijs Senatus Princeps; Achilles Harlaeus Procurator Generalis; Antonius Nicolaius supremæ Rationum Curiae Princeps; Dionysius de Sallo in suprema Curia Parisiaca Senator; Claudius de Sallo Abbas, in suprema quoque Curia Parisiaca Senator; Henricus Ludovicus Habertus Mommorius, Libellorum Supplicum Magister; Faber Ormessonius, Libellorum Supplicum Magister; Abel Sammarthanus in suprema Vectigalium Curia Senator; Antonius Vionius Herovallius in suprema Rationum Curia Auditor; Carcavius, in suprema Rationum Curia Auditor, nec non Regiae Bibliothecae Praefectus. Item ex Theologis, aliisque vario doctrinae genere praestantibus viris, Johannes Baptista Cotelierius; Johannes Baptista Thiersius; Michaël Marollius Abbas; Eusebius Renaudotius Abbas; Stephanus Baluzius Abbas; Johannes Gallefius Abbas; Petrus Seguinus Basilicae Sancti Germani Autisiodorensis Decanus; Claudius Jolius Ecclesiae Parisiensis Canonicus & Praecentor; Hieronymus a Sancta Boba Abbas; Tanaquillus Faber; Guido Patinus Doctor Medicus; Nicolaus Rigaltius in suprema Metensi Curia Senator; Petrus Gassendus Praepositus Ecclesiae Diniensis ac Professor Regius; Emericus Bigotius Nobilis Rothomagaeus; Carolus Ducangius Franciae apud Ambianos Quaestor; Scaevola & Ludovicus Sammarthani, gemelli fratres, Historiographi Regii; Ismaël Bullialdus; Ludovicus Laborator; Christophorus Wageinfelius; multique alii clarissimi ac doctissimi viri; quos, ne longior fiam, praetermitto.

Ita transacto septennio, deficientibus in dies oculis, intellexit Valesius necessario sibi aut renuntiandum studiis; aut habendum esse lectorem: quem a patre praeparco nec petere audebat, nec, etiamsi maxime petisset, impetraturus videbatur. Cum ea de re saepe apud amicos sermonem habuisset, saepe questus esset: Michaël Anglus celeberrimus Causfidicus, cujus intima familiaritate utebatur, obtulit ipsi nomine Henrici Memmii bina librarum millia annua, si studia sua, suasque observationes cum eo communicare vellet: hoc si fecisset, amplissimi Praefidis gratiam maxime initu-

initurum, & anagnostae opera paternis in aedibus libere studiis vacaturum. Valesius, qui semper antea ejusmodi studia ad alienos usus accommodata averfatus erat, ac grave servitutis genus appellitaverat; amici verbis & rationibus, sed multo magis conditionis aequitate victus, dedit manus, ac tandem expugnari se passus est. Annorum tum erat circiter quadraginta. Nactus igitur lectorem eundemque scriptorem sive librarium, praeter ceteros, quorum non memini, Eusebium, Socratem, Sozomenum, Theodoritum ac Euagrium legit, adnotavit, excerpfit. Quo facilius ei fuit, postea novae translationi veterum Historiae Ecclesiasticae Scriptorum vacare, quos jam antea exactissime perlegisset. Saepe miratus sum ejus animi praesentiam, semper his solis quae legerentur intenti; ab anagnotae indocto perperam pronuntiata Graeca & Latina cito ac facile intelligentis; nunc sedendo, nunc ambulando dictantis ex tempore, & cuncta quae dictaret recte atque emendate scribenda curantis; denique inter monitus ac reprehensiones neque lecta obliviscentis neque dictanda, ut apte prioribus posteriora jungerentur. Tum libros emit Valesius & multos, & bonos, sed eos maxime, quos sibi praecipuo usui fore judicabat; ne saepe ad amicos decurrere cogeretur. Tum quoque multas & varias variis fictisque de rebus orationes, velut ad Regem aut in Curia habendas, patrio sermone composuit, & manu sua utcumque scriptitavit: quae ipsum magnopere fatigaverunt, cum propter laborem scriptionis aegro oculo intolerabilem, tum vel maxime propter exactionem celeritatis. Aliae enim super alias ei orationes injungebantur, bene, secreto, ac cito elucubrandae.

Anno MDCL. post Christum natum XIII. Kalendas Augustas patrem amisit: & interjectis paucis mensibus, Memmius amplissimus Praefes decessit. Eodem anno Christina Serenissima Suedorum Regina unanimi omnium Regni ordinum consensu consecrata est & coronata: cujus de Laudibus ita Orationem scripsit Valesius, ut ab ipso in Suedia ad Regnam habitam putes. Ob id nomine Reginae & torquis aureus ei promissus est, & ipse cum Viro doctissimo Samuele Bocharto Cadomensi, commendatione Isaacii Vossii amici sui in Suediam invitatus. Neutra tamen res bonum ac felicem eventum habuit, neutra Valesio utiliter cessit. Nam nec torquem umquam istum, qui ipsum diu multumque torserat, nec Suediam umquam vidit: plane quasi honore contentus, impensam remisisset. Jactaverat non semel Valesius, qui alioquin paucorum verborum erat, daturum se operam in Suedia, ne Christina in regnum suum pro doctis

indoctos & aretalogos invitaret. Quae ventosa comminatio occultam & magnam ei conciliavit invidiam. Nam qui se designari sentiebant, clam missis trans mare litteris obtreptionis & maledictorum plenis effecere, ut, vice versa, eo domi remanente, ipsi Holmiam navigarent. Sic dum alios excludere vult Suediâ, semet exclusit. Sed hanc injuriam sibi malis falsorum amicorum & invidorum artibus factam forti animo tulit. Profuit certe ei, a navigatione Suedica avocari, ne a studiis avocaretur.

Carolus Montchallus Archiepiscopus Tolosanus, vir doctus, cui veteris Historiae Ecclesiasticae editio mandata fuerat a Clero Gallicano, Socratem & Philostorgium cum duobus priscis Codicibus Romae a Luca Holstenio conferendos curaverat, & Valesium secum Tolosam abducere frustra tentaverat, ut magna in re magno adjutore tacitus uteretur. Sed cum postea propter nimias occupationes suas huic se editioni vacare non posse animadvertisset; Petri Puteani litteris incitatus, rogavit absens per epistolam Antistites Galliarum, ut Henricum Valesium, ultro se ipsis offerentem, ac humeros tanto oneri supponentem, suum in locum substituerent: quo doctior & magis idoneus suscipiendo operi non posset inveniri. Episcopi Regni Francorum, qui anno MDCL. Luteciae Parisiorum erant congregati, lectis Montchalli litteris, ejus consilium secuti sunt, & Valesio curam atque onus novae editionis praeae Historiae Ecclesiasticae ad unum omnes una voce delegavere. Assignatae sunt ei in annos singulos librae sexcentae: cui summae ducentas libras anno MDCLXX. addidere.

Secutum est triennium, Valesio infelix ac infortunatum: intra quod temporis spatium tribus veterrimis & maximis optimisque amicis privatus est. Quippe anno MDCLI. Jacobus Sirmundus, insequenti anno Petrus Puteanus Custos Bibliothecae Regiae, anno demum MDCLIII. Dionysius Petavius, virtute & doctrina clarissimi ac eminentissimi Viri decessere: quos Valesius sua quemque oratione laudavit, & eorum memoriae extremum hoc & quasi debitum munus exsolvit. Exstant laudationes, ad quas lectorem remitto. De Sirmundo & Petavio in transcurso dicam, cum, ut solet doctis accidere, nonnumquam alter ab altero dissentirent, alter etiam adversus alterum scribere parati essent; Valesium communem amicum amorum, hominem ab adulatione ac dissimulatione alienum, libere quae sentiret dixisse; &, licet utrimque traheretur, alterius probavisse sententiam, alterius nequidquam repugnantis palam damnavisse: tam sapienter denique, tam modeste ac sincere juvenem inter consummatos senes de re controversa, videlicet de Synodo Sirmienti, judicavisse, ut nihilominus

utrius-

H E N R. V A L E S I I.

utriusque usum amicitiamque retinuerit. Eadem ratione se gessit in contentione Sirmundi atque Tristani de nummo Hanniballiani Regis, de Anastasi, aliisque. Cum in quibusdam ab utroque dissentiret; neutrum tamen libertate sua laesit, neutrum offendit. Existimabas tum tamen, mi Nublaee, non bene fecisse Valesium, quod suam de Anastasi dissertationem Tristano adversus Sirmundum scribenti publicandam dedisset: quasi Tristani partes quam Sirmundi sequi mallet, firmioresque duceret.

Interea Valesii opus procedebat: qui Eusebii Caesariensis Episcopi Ecclesiasticam Historiam, ejusdem de vita Imperatoris Constantini Libros IV. ac Panegyricum, atque Orationem Constantini ad Sanctos cum quatuor veteribus codicibus exacte contulit emendavitque, in linguam Latinam pari fide elegantiaque convertit, ac doctissimis Commentariis ad priscos Ecclesiae mores ac ritus explicandos illustravit. His subjunxit IV. Dissertationes: primam de origine & progressu Donatianorum, quos non servata lege Analogiae vulgo Donatistas vocant: alteram de Anastasi, in qua Sirmundum & Tristanum reprehendit: tertiam de translatione Septuaginta Interpretum: ultimam de Martyrologio, quod Romanum cognominavit atque edidit Rosweidus. Dum sub praelo gemit Eusebius, Valesius Julii Mazarini Cardinalis liberalitate auctus est, allatis ipsi inopinanti sub finem anni MDCLVIII. libris mille quingentis: quod congiarium postea quotannis ad finem vitae, tam vivo Mazarino quam mortuo ex ejus testamento percepit. Publicata est Eusebii Historia anno MDCLIX. mense Julio: quam Valesius Archiepiscopis & Episcopis Ecclesiae Francicae, quorum auspiciis in lucem prodibat, Epistola ac Praefatione nuncupavit. Accepit postea ex nonnullis, melius atque adeo utilius se facturum fuisse, si Eusebium Julio Mazarino dicavisset; quod grati animi testimonium ab ipso Cardinalis expectarat.

Anno MDCLX. Rex optimus ac munificentissimus Henricum Valesium, meque una in numerum Historiographorum suorum retulit. Utrique separatis litteris seorsum attributae annuae librae mille ducentae. Datum id (quantum ad fratrem attinet) novae Eusebii emendataeque editioni; quantum ad me, Historiae Francicae XXV. libris plurimisque observationibus illustratae.

Anno Domini MDCLXII. aetatis LIX. Valesius finistrum oculum amisit, sicut pridem amiserat dextrum; & circiter tres menses in caecitate, quantum fieri potuit, dissimulata permanfit: donec quidam genere Ligon, medicus ocularius, cataractam ab utroque ejus amovit. Sed cataracta ite-

rum pupillam dextram obtegente, cogitur, ut prius, uno oculo qualicumque esse contentus: cujus auxilio, quoties opus erat, subscribere solebat, agnoscebat etiam circumstantes, & adnotabat ora, vestes gestusque singulorum. Praecipue cum domi, tum etiam foris per vicos urbis, equis & carrucis ac bajulis onera transversa ferentibus plenos, celeri pede, recto vultu ac toto corpore, confidentissime incedebat, sine duce, sine baculo: plane quasi bene oculatus haberi vellet. Quin etiam cum antea foris famulum nunc lateri suo adjunctum, nunc praeivum habere consuevisset: postea tale auxilium fastidivit, nec aut praeire eum, aut lateri suo adhaerere passus est: tanquam oculorum aciem recuperavisset, ac nullo amplius egeret auxilio. Quosdam ex amicis vidi, tam firmo & tam audaci hominis incessu deceptos, mirabundos, & quod de ipsius oculis audiverant, verum esse non credentes.

Anno Domini MDCLXIII. Ludovicus Rex, virtute, animo, fortunaque Maximus, pro solita magnitudine cogitationum suarum, & pro innata ipsi bonitate atque cura litterarum, doctis cum popularibus tum etiam externis late per Europam sparsis liberalitatem exhibuit: quos inter Valesius, curante Amplissimo Colberto Regii Aerarii Praefecto, III. nonas Junii mille ducentas libras accepit: parem summam ad exitum vitae singulis annis percepturus. Accidit tum mihi, ut, quamquam minor, majori adaequarer fratri, & pari praemio donarer.

Tot prosperis paene supra vota confluentibus, uxorem ducere constituit. Amabat pridem puellam formosam ac nobilem Margaritam Casnellam. Igitur anno MDCLXIV. pridie Kalendas Novembreis relicta domo paterna, in qua cum matre & fratribus habitabat, aedes conductas festinanter instruxit, ac ibi virginem XIV. Kalendas Decembreis in matrimonium accepit. Annum primum & sexagesimum transgressus tum erat. Fuere multi etiam amici & noti, (quibus autem notus non erat Valesius?) qui eum reprehenderent: fuere & qui veluti parum sanum irriderent. Hos inter epigrammatarius senex, qui valde acutus sibi videbatur, distichon triviale composuit de caeco fene uxorem ducente, ut ab ipsa duceretur. Quod ne in Valesium dictum crederetur, idem poetica licentia mihi & communibus amicis confidenter asseribat, epigramma multo ante has nuptias a se scriptum ac editum fuisse. Nimirum sunt homines ad vituperandum atque damnandum quam ad laudandum multo natura proniores. Equidem Valesium, si sexaginta annis major sibi necessarium credidit uxoris solatium; si confidere & se ac sua committere conjugii quam famulis

ma-

H E N R. VALESII.

maluit; si mensae ac lecti, vitae atque fortunae fidelem sociam habere, si solitudinis taedia finire voluit; Valesium inquam nihil inusitatum fecisse, nec propterea carpendum aut traducendum judico. Factum multis maximorum & sapientissimorum virorum, veterum ac recentiorum exemplis defendi potest. Solet fieri: fieri licet. Habuit Valesius, quos sequeretur: habebit qui imitabuntur. Vulgare proverbium est, ejus qui valeat annos numerari non oportere. Senex quidem erat Valesius, quum uxorem duxit: sed erat vegetae ac viridis & incipientis senectutis; supra aetatem robustus erat, prosperrima valetudine utebatur; intra annos undecim ac menses fere sex, ex conjuge septem liberos tulit, quatuor mares, tres sexus feminini; maritus studiis vacavit ut caelebs, dictavit ut caelebs, mutua cum amicis officia exercuit ut caelebs; magnum lienis dolorem, quo tandem consumtus est, diu fortiter tulit. Quid amplius juvenis facere potuisset? at male oculatus puellam formosam duxit! oculis Valesii nil jam metuendum erat, cum altero pridem captus esset, altero tam maritus viderit quam caelebs. Puellam venustam duxit! an melius & prudentius facturum fuit, si anum deformem duxisset? Formosam sibi conjunxit, ut eam magis & perseverantius amaret; puellam, ut ex ea generaret heredes, quos ab anu exspectare non potuit. Nam matrimonium liberum quaerendorum causa contrahitur. Puellam inquam accepit, ut ea obsequentiore uteretur, ut quasi tenellam arbusculam flecteret qua vellet, vel quasi mollem ceram pro libitu duceret atque formaret. Vetulis quippe virginibus nihil durius & intractabilius, nihil pervicacius, nihil morum plerumque pessimorum tenacius, nihil ridicula prudentiae affectatione putidius potest reperiri. Quare non Valesius, sed ipsi censores, qui eum damnaverunt, risu digni fuerunt atque damnandi.

Post ductam uxorem nihilo segnius studebat Valesius, librosque componebat. Socrates & Hermias Sozomenus Scholastici seu Advocati a Constantini Maximi professione Christianae Religionis ad septimum decimum Consulatam Theodosii Junioris Aug. centum & viginti octo annorum historiam perduxere. Hosce ambos ope priscorum Codicum emendatos, in sermonem Latinum transtulit, & doctis adnotationibus exposuit. Adjecit & tres libros observationum; unum de rebus magni Athanasii Antistitis Alexandrini, alterum de Pauli Constantinopolitani Episcopi exsiliis ac restitutionibus, tertium ultimumque de sexto Canone Concilii Nicensis. Hunc secundum Historiae Ecclesiasticae Tomum Ludovico Francorum & Navarrorum Regi maximo ac Christianissimo dedicavit anno

MDCLXVIII.

MDCLXVIII. obtulitque. Tertio observationum libello Johannes Lounoïus Theologus, adversus quem scriptus erat, utcumque cavillando respondit: quam defensionem Valesius sibi legi noluit, affirmans consumtam esse materiam, & persuasissimum habens, sua scripta ab Lounoïo nulla ratione refelli posse atque convelli. Supererant corrigendi, transferendi, exponendique, Theodoritus Episcopus Cyri, & Evagrius Scholasticus: ut totum veteris Ecclesiasticae Historiae Corpus, usque ad annum Natalis Domini DXCIV. Mauricii Tiberii principatus duodecesimum, uno stilo, pari fide elegantiaque conversum haberemus. Quod anno demum MDCLXXIII. factum est: quum Theodoritus & Evagrius, unaque excerpta e Philostorgio & Theodoro Byzantio Lectore prodierunt in lucem, cum accuratis adnotationibus, & duobus observationum Ecclesiasticarum libris: quod opus Valesius I. B. Colberto Illustrissimo litterarum fautori nuncupavit, ut esset suae erga ipsum Observantiae gratique animi perenne monumentum. Sacrae Historiae Graecis auctoribus Latinos, Sulpicium Severum, Turannium Rufinum, Cassiodori Senatoris Historiam Triperitam, Liberatum Diaconum, nonnullosque alios cum priscis membranis collatos, & opera sua emendatos, commentariisque expositos adjungere constituerat, si ei diutius vivere contigisset. Praetereo carmina, quae ex occasione composuit: qualia sunt, Soteria pro Ludovico Magno Rege Christianissimo, versibus hexametris, stilo Horatiano anno MDCLXIII. condita: item insequenti anno lucubrata, ad Regem de Victoria ejus Maurica & Turcica ode elegantissima.

Hi sunt libri, quos scripsit atque publicavit. Sed multa in scriniis volumina moriens reliquit, partim absoluta, partim imperfecta: quae cum in manus meas non venerint, a me indicari commemorarique non possunt. Nota posteris faciam ea, quae recordor. Inprimis suis ad Ammianum Marcellinum, & ad totam Historiam Ecclesiasticam adnotationibus multas observationes addidit, nova editione dignissimas. Quod ad Ammianum attinet, Blavius Batavus Typographus eum Historicum editurus erat, & de numero exemplarium cum Valesio convenerat: sed bellum repente superveniens omnia editionis in hostico consilia discussit. De Legibus Atticis scripsit Valesius: & jam opus suum edere parabat, quum est a Samuele Petito Nemaufensi praeventus, qui de eadem materia opus ingens Luteciae typis imprimendum curavit. De Critica, quae pars est Grammaticae utilissima, volumen composuit, sed non absolvit: in quo enumerat, qui sint a veteribus Critici appellati. Aristotelem etiam, Phi-

H E N R. V A L E S I I.

Philosophorum facile primum atque doctissimum, Criticum esse cognominatum docet. Heic notetur, quod non semel observavi, ab his, qui patria lingua versiculos facitiant, aut soluta oratione aliquid scribunt, viros doctos & antiquitatis ac linguarum peritos contumeliae causa *Criticos* appellari: quos nimirum ineptiarum suarum censores, & inscitiae suae iudices metuunt ac averfantur. Valesius ipse cum jaceret in lecto, & intra paucos dies moriturus falso crederetur; mihi opera sua commendans, asserbat se Libanii Sophistae Orationes quindecim, ad Historiam pertinentes, ex priscis membranis eruisse, ac in linguam Latinam convertisse, commentariisque exposuisse. At, ipso mortuo, Graecas Orationes Libanii quatuor tantum aut quinque, ac ne eas quidem historicas, in Latinum sermonem translatas, ejus in scriniis reperi: ceteras, si quae sunt, haudquaquam vidi. Multa in veteres auctores, Classicos vulgo dictos, eximia Valesium observavisse, communes amici, Emericus Bigotius, Hieronymus a Sancta Bova, & Johannes Cotelerius, viri clarissimi doctissimique asserunt: quae digerenda in ordinem, & Miscellanea vel Collectanea inscribenda esse, mihi suavissimus Bigotius post fratris obitum scripsit. Sed haec mihi videre, & scrinia ejus excutere, ac evolvere quae ibi latent non licuit. Ista omnia magno Reipublicae Litterariae damno haud dubie sunt peritura, aut fraude intercipienda: vel supprimenda: nisi a viro aliquo non minus probo quam docto fecernantur quae jam sunt edita, & quae supervacanea ac inutilia videbuntur; reliqua autem, quae sunt inedita, diligenter emendentur digeranturque, ac bene ordinata Auctoris nomine vulgentur. Alioquin scripta Valesii in manus indoctorum hominum venient: qui nec etiamsi maxime voluerint, eis uti ipsi poterunt, nec alios etiam uti patientur. Et hactenus de Libris Valesii.

Post editam totam Ecclesiasticam Historiam vix novem menses effluxerant, quum circa mensem Martium Valesius in morbum incidit: quem ipsemet initio contempsit, & celeriter ac facile sanari posse credidit, propterea quod eum variantem, & nunc graviolem, nunc leviolem, interdum etiam velut ex toto decedentem videbat. Sed postea cum in dies dolores accrescerent, animadvertit totam vim morbi in lienem proximasque partes corporis prorupisse. Tum fere quotidie, interdum etiam intra unum diem, non semel magnis & acutis doloribus cruciatur, ita ut saepissime ejulare & clamare cogeretur. Sublato ad tempus dolore, statim

V I T A

tim redibat ad sese: alium crederes: cum suis, cum amicis colloquebatur; ambulabat modo domi, modo etiam foris; studebat quoque ac dictabat; petebat Ecclesias, & omnes Christiani partes implebat. Sic biennium ac duos menses consumsit. Jamque melius se habere, & veris beneficio convaliturus putabatur; quum subito ingravescente vi morbi tandem succubuit, & peractis quae virum pium atque Christianum facere oportebat, nonis Maji Anno Christi MDCLXXVI. exspiravit, cum saepius intra horas quatuordecim ore cruorem effudisset. Tanta quidem ei fuit ad extremum spiritum animi praesentia, ut circumstantes alloqueretur, responderet interrogantibus, & cum Presbyteris Deum precantibus preces suas iungeret. Vixit annis duobus & septuaginta, mensibus octo, biduo minus. Elatus est modica pompa funeris, maxima doctorum frequentia: Sepultus est in Campensi Basilica Sancti Nicolai, in monumento avito. Ex septem liberis, quos sustulerat, moriens tres filios superstites reliquit, maximum natu Hadrianum, quem rogatus a patre infantis de sacro fonte excepi, & cui meum Hadriani nomen dedi, Henricum & Carolum: e quibus Hadrianus duodecimum annum agit, Henricus undecimum.

Heic referenda sunt aliqua, suis locis praeterita, quoniam quibus singula annis contigerint, meminisse non potui. Chorae Abbas, re & nomine Amabilis Burzaeus cum viris doctis de Sacra Scriptura & de Veteri Ecclesiae disciplina statim cujusque hebdomadis die domi sermones habere concupivit, favente votis ejus Colberto; & primum, aut unum de primis Valesium invitavit, uti his collationibus, quae tamen paucis mensibus duraverunt, interesset. Interfuit igitur unus paene inter Presbyteros ac Theologos Laicus, inter togatos palliolatus: & interrogatus, docte ac graviter sententiam dixit. Ipse mihi narrabat, ibi se aliquando longo sermone docuisse viros bonos ac pios, *filios Dei*; malos atque impios *filios hominum* in Sacris Libris appellitari. Idem Abbas, inter tres de una Juris Canonici Cathedra Parisiaca contententes, propter dissensionem Professorum Judex ab amplissimo Colberto, Maecenate suo electus, assessorem sibi prae ceteris Valesium nostrum adjunxit, & post auditas singulorum competitorum orationes ac disputationes publicas, de consilii sententia, digniori vacantem cathedram adjudicavit. Emendandis amicorum scriptis non parum temporis Valesius rogatus impendit. Inprimis, ut leviora omittam, quosdam rerum Byzantinarum Scriptores Graecos

H E N R. V A L E S I I.

a Combesio Dominicano repertos, & in linguam Latinam conversos, curante Carcavio, sedulo relegit, correxitque ac illustravit notis: quos Historicos diligentissimos & maximè faciendos, ac dignissimos esse qui ederentur, non semel mihi affirmavit. Praeterea Graecos Auctores Mechanicos, e Bibliotheca Regia a viro clarissimo doctissimoque Carcavio ejus Custode erutos, in Latinum sermonem transtulit, ut essent cui tum parari dicebantur editioni maturi. Diebus Lunae post meridiem huic interpretationi vacabat, legente codicem ac dictata excipiente Coterio.

Nunc de moribus ac de interiore vita hominis pauca dicenda sunt. Quod ad pietatem pertinet, Valesius sollemnes dies festos, Pascha, Pentecosten, Assumptionem S. Mariae, festum omnium Sanctorum, & Natalem Domini, raro elabi passus est, quin a Presbytero poenitentiam & sacram Communionem acciperet. Dominicis ac festis diebus, quoties ei per oculos & per valetudinem licuit, una cum populo Basilicas frequentavit. Ante annos tres vel quatuor quam decederet, quoties festis diebus morbo vexatus domi se tenere cogebatur, Bernardi Claravallensis Abbatis Sermones ab Anagnoste suo sibi legi jubebat, attenteque eos audiebat, & avidis auribus hauriebat. Quippe existimabat, & amicis etiam dicere consueverat, dies Dominicos ac festos Dei laudibus, non studiis Litterarum impendi oportere: sermones autem Bernardi quibuslibet veterum Patrum, cum Graecorum, tum Latinorum, homiliis ac sermonibus multo esse ad excitandam in animis nostris accendendamque pietatem aptiores. Id notandum duxi, propterea quod religio & exacta dierum festorum observatio raro creditur in eruditis reperiri: de quibus joci causa dictitant: *studere, Deo servire est*. Presbyteris magnum semper honorem habuit. Hoc nonnumquam amicis sanus, hoc Presbyteris ipsis astantibus moriens asseribat, Presbyteros summae sibi semper fuisse venerationi. Adeo verum est quod ait Symmachus, *qui bona fide Deum colit, hunc amare & sacerdotes*.

Erat sommi plerumque alti atque diuturni, ac ne inter tonitrua quidem tempestatesque deferentis. Matutinum tempus studiis impertiebat: post meridiem & prandium audiebat aliquid & dictabat aliquando, sed non diu. Nox studiis eximebatur, vigilias enim pati non poterat, nec umquam nisi extraordinaria aliqua necessitate coactus lucubrabat. Plerumque solitudine ac secreto delectabatur, ut quae legerat aut scripserat,

scripturusque erat, secum tacitus meditaretur ac veluti ruminaret. Negabat enim sine meditatione utilem esse lectionem. Quare & amicis ipsum quaerentibus haud raro dici jubebat, se domi non esse. Hac contentione animi tot ista ac tanta volumina peregit. Cum esset igitur, ita ut docui, studiosus ac laboriosus, nihilominus tamen dictitabat, parum se ac pauculis horis studere. Tantopere libris evolvendis ac componendis intentus, nihilo segnius rei familiaris curam agebat: quam non servare solum parcimonia, verum etiam omni bono modo augere conabatur. Libros suos non libenter amicis commodabat, praesertim indoctis, quibus nulli usui futuros sciebat, cum his ipse carere non posset. Plagiarios, quales inter eruditos sunt plurimi, plurimum oderat: & si qui observationes suas fraude aliqua, aut se inconsulto nec permittente, sibi vindicavissent, librisque suis inseruissent, plane irascebatur, & querebatur palam. Quin etiam si vel leve aliquid ad litteras pertinens cuiquam dixisset; in voluminibus editis aut rem totam suppressi atque praeteriri, aut gratam sui mentionem fieri volebat, & se inhonoratum transmitti ac honore qualicumque observationis fraudari indignabatur. Suum quidem esse, quod sibi aliquando visum esset ac venisset in mentem: res autem suas, ubicumque aut a quocumque interceptae essent, jure ab se repeti posse arbitrabatur. In quo sane accidit aliquando, ut amicos & quosvis alios eruditos scriptores falso ac sine causa suspectos habeamus, accusamusque plagii. Quis enim quantumvis doctus negare ausit, id quod observavit, aut a nemine antea observatum fuisse, aut ab aliquo alio sibi incognito eodem tempore observari potuisse? ita de sui similibus judicare, est hominis aut nimium ingenio suo confidentis, aut nimium diffidentis alieno. Parcus erat sermonis, parcus & laudum: & nisi si quid amicitiae dabat, (quod rarum erat) pauca aetatis suae probabat scripta, pauca laudabat: quod non multa laude digna aut multi aestimanda edi videret; laudari autem ac magni fieri nefas duceret, quae laudem & gloriam minime merebantur. Cum de alienis operibus tam libere judicium ferret, ipse in libris suis aliqua reprehendi haud aequo animo patiebatur: non tam quod quemquam contemneret, ut ingenio inferiorem atque doctrina, aut se unum ceteris omnibus anteferet; quam quod intolerabile judicaret indoctos de rebus sibi ignotis audacter & impudenter ferre sententiam, & palam ea improbare ac maligne damnare, quae non intelligerent. In re seria, in lusu etiam (nam juvenis non raro nec male aut infelicit

ludit)

H E N R. VALESII.

lulit) si qua esset orta contentio, omnes sibi, nemini ipse cedere volebat: volebat vincere, vinci nolebat; quae pervicacia paullatim provecta aetate deferbuit. Nimirum, ut ait Tullius in Libro I. de Officiis, *in elatione & magnitudine animi facillime pertinacia & nimia cupiditas principatus innascitur*. Quum prospera valetudine utebatur, fratres & propinquos suos, si forte aegrotarent, morbis obnoxios, infirmos, lecto gaudentes appellabat, ac sui dissimiles esse dicebat. At, si ipse in morbum incidisset, clauto undique cubiculo, nec lumen, nec amicos, ac ne proximos quidem admittebat: sed in solitudine & silentio permanebat, ac modo dolores suos ejulatu ac clamoribus, modo febrim crebro atque sublimi anhelitu testabatur, ita dolorem levare, febrilem ardorem minui ratus. Postquam autem convalesceret, velut praeteritorum oblitus, leve ac contemnendum fuisse quidquid tulisset, aiebat: vix ac ne vix quidem aegrotavisse videri volebat: molestus ei erat, qui mentionem morbi faciebat; gratissimus contra, qui de prospera ejus ac juvenili valetudine, de viribus mirabundus loquebatur. Natus annos septuaginta, nec sibi ipse videbatur senex, nec aliis videri volebat, qui mala & incommoda senectutis nulla sentiret. In litteris, quas ad eum miserat Gronovius, Gronovii filius, longam & felicem senectutem ei precatus erat. Senectutis nomine offensus est Valesius, epistolamque ceu a juvene juveniliter & inepte scriptam projecit; tamquam sibi dedecus aliquod falso exprobraretur. Id mihi post, sed ridens referebat, ita ut appareret ipsum in se postea descendisse, &, annorum suorum magis, quam firmae valetudinis & virium habita ratione, dictum Gronovii probavisse. Adiciebat insuper, ante acceptas hasce a Gronovio litteras, se de senectute sua numquam cogitavisse.

Haec sunt quae de Henrico Valesio fratre meo scribenda duxi: non ut libello meo quidquam gloriae ejus adderem; quem abunde sua scripta commendant: sed ut in ipso reperiant eruditi atque studiosi, quod imitentur.

At tu, mi Frater, (extremum te alloquor) si qua etiamnum tibi superest memoria rerum humanarum; si qua te adhuc tangit cura operum & scriptorum tuorum; hoc a me habe supremum munus: hoc elogio, quaecumque & quantulumcumque est, hoc honorifico testimonio contentus esto. Hoc a me accipe, quod forsitan ne expectaveras quidem, religiosum fraterni amoris monumentum. Tu me ut nascendo,

V I T A H E N R. V A L E S I I.

do, sic & moriendo praecessisti: nunc exspecta, simul ac Deus iusserit, secuturum; ut qua in terris potiri non possum, felicitate fruar tecum in coelo.

*Hoc a me, Valesi, supremum munus habeto:
Quo bene te meritum frater honoro libens.
Accipe Sinceri monumentum & pignus amoris:
Quod tibi, me praeter, nemo daturus erat.
Regibus exstruxere alii sua Mausolea:
Clarius est, mea nunc quod tibi dextra facit.
Marmora Pyramidum consumsit tempus: in illum
Quem statuo tumulum nil sibi juris habet.*



H E N.



HENRICI VALESII,
MILITIS, DOMINI D'ORCÉ,
CONSILIARII QUONDAM ET HISTORIOGRAPHI REGII,
EMENDATIONUM
LIBER PRIMUS.
CAPUT I.

Origenes loco corrupto emendatus, & explicatus.

Δύο τροπικά. Galenus correctus.



Rdiamur ab (a) Origenis depravatissimo loco, qui legitur in septimo ejus libro contra Celsum pag. 351. (pag. 341. Ed. Spenc.) ubi respondet Origenes argumento cuidam non infirmo, quo usus erat Celsus ad convellendam fidem & credulitatem Christianorum de Jesu Christo: quae hoc praecipue fundamento inniti videbatur, quod Prophetæ multo antè de ipso praedixerant, quaecumque postea evenerunt. Quid vero, ajebat Celsus, si Prophetæ praedixerint, summum omnium Deum servitutum

(a) Egregiam hanc in Origenis difficillimo loco emendationem Valesius per Epistolam, Lutetiae Parisiorum III Idus Novembris an. 1645. scriptam, miserat quondam ad Claud. Sarravium, quae Epistola munere Joannis Dallaei, Parisiensis, pervenerat in manus Thomae Smith Cantabrigiensis, a quo communicata fuit cum Gulielmo Spencero, qui eam Adnotationibus suis in Lib. VII. Origenis contra Celsum pag. 85 & 86. insertam luci publicae exposuit. Respondit autem Sarravi, quo gratia agit Henrico Valesio pro communicata secum hac observatione, ibidem etiam exhibetur, & inter Sarravii Epistolas, a Venerando Patruo meo editas, legitur Ep. cxlvii. pag. 151. Addam hic etiam, quae super hoc Origenis loco, & Valesii emendatione communicavit mecum Vir Celeberrimus Tiberius Hemsterhusius, a quo & alia nonnulla loca in initio harum Notularum mihi indicata gratus agnosco. Ea igitur haec sunt: „Excel-
„ lens summi Valesii observatio secundis eruditorum suffragiis, ut merebatur, est accepta: vide in primis
„ Joh. Alb. Fabricium ad Sext. Empiric. Pyrrhon. Hypotyp. Lib. II. pag. 66. & Stephan. le Moyne
„ ad Polycarp. Epist. pag. 498. qui tamen, ubi forsitan *τρόπων* legendum esse pro *τροπικῶν* con-
„ quae sint Stoicorum *τροπικά*, minime sibi fuisse perspectum incautus prodidit: nec feliciter ipsi processit
„ conatus in Origenis Lib. VI. pag. 299. nam sine dubio rectum illic est *καὶ δὲ δύο τόπων*, nulloque pacto
„ mutandum in *τρόπων*. Haec autem verba, prout jacent, quod ait Monachus, non notant *duobus locis*,
„ eam enim interpretationem Graeci sermonis indoles respuit; sed *ex duobus locis*, unde lignum crucis in-
„ ridendi ansam Celsus adripuerat; Eorum unus, *ὅτι τοῖς σοφοῖς ἐντέλει οὐ διδασκαλῶν ἡμῶν*. alter, *ὅτι*
„ *τέχνην ἐν τῇ τέλει*. Sic *τόποι*, loca sunt, desiniente Cicertone, argumentorum sedes; quo nihil est
„ apud

turum esse, aut aegrotaturum, aut etiam moriturum: num idcirco necesse erit, illum & servire, & aegrotare, & mori, ut mortuus Deus esse credatur? Sed profecto, inquit, nec Prophetæ hæc umquam prædixerint: sunt enim impia & à ratione prorsus aliena: proinde non quid Prophetæ prædixerint, quid minime prædixerint, disquirendum est; sed utrum id, quod prædixerunt, Majestati divinæ conveniat. Nam si id indecorum ac turpe est, tametsi omnes homines furore correpti id prædixerint, fidem numquam merebitur.

Respondet Origenes in hac Celsi argumentatione deprehendi duo connexa, quorum consequentia sibi invicem opposita sint ac repugnantia hoc modo: si, inquit, veri Prophetæ summi Dei prædixerint illum esse servitutum ac moriturum; necessario hæc fient, quandoquidem veri sunt Prophetæ Dei. Rursus, si iidem Prophetæ ista de Deo pronuntiaverint, non evenient, quippe cum sint naturæ divinæ contraria. Hæc sunt duo connexa, quorum consequentia sibi invicem repugnant; evenient scilicet & non evenient. Quotiescumque autem, ait Origenes, in duobus connexis idem est antecedens, sed consequentia sibi invicem repugnant; tunc antecedens, quod commune est in duobus connexis, refelli solet argumentatione illa, quam Stoici διὰ δύο τροπικῶν vocant. In vulgatis quidem Origenis exemplaribus hodie legitur τῷ καλυμένῳ διὰ δύο προφητικῶν θεωρηματι. Ego vero non dubito quin legendum sit, ut dixi, τροπικῶν. Sic enim Sextus Empiricus in libro secundo Pyrrhoniæ. Hypotyp. initio, id genus argumentationis appellat: ὥσπερ γὰρ ὁ μὴ εἰδὼς, τί ἐστὶν τὸ καθ' ὃ περιλαμβανόμενον, ἢ τὸ διὰ δύο τροπικῶν θεωρημα, εἰδὲ εἰπέει τι δύναται περὶ αὐτῶν. Et Galenus in Libro II. de Dogmatibus Hippocratis & Platonis pag. 254. in fine: Νυνὶ δ', inquit, πῶς μὲν οἱ διὰ δύο τροπικῶν τελῶν (dele τελῶν) ἀνολύονται συλλογισμοί, ἢ πῶς οἱ ἀδιαφόρως περαῖνοντες, ἢ τινὲς ἄλλοι τοιοῦτοι τῷ πρώτῳ ἢ δευτέρῳ θέματι προσχωρούμενοι, πολλοῖς ἐστὶ συντυχεῖν ἀκρεβῶς ἰσχυμένοις, ὥσπερ ἀρέσει ἢ ἐπὶ ἄλλοις ὅσοις διὰ τὸ τρίτον θέματ' ἢ τετάρτῃ συλλογισμὸς ἀναλύσῃ. Καὶ τοι τῶν τῶν πλείους ἐνέειν ἐτέρως ἀναλύειν συντομώτερον, ὡς Ἀντίπατρος ἐχρησάμενος. Et hæc quidem de nomine Syllogismi.

Caeterum cur ita vocatus sit, difficile est dicere, ac multo magis, qua ratione conficeretur. Τροπικὸν quidem idem est ac propositio, sive λήμμα, quemadmodum do-

„ apud Rhetoras & Dialecticos frequentius. Illa vis verborum Origenis Boherellum quoque, virum alio-
 „ qui perdoctum, fugit, cuius ideo maxime mentionem facio, quia Notis in Origenem Gallicæ ver-
 „ sioni subiectis pag. 400. horum, quæ Valesius tradidit, nonnulla carpere est adgressus. Ac primum,
 „ quidem, quod ista, ἵνα πιστεύῃ ὁ ποθανὸν ὅτι θεός, sic a Valesio Latine reddita, ut mortuus Deus esse
 „ credatur, ambigua esse adfirmat, vertendumque fuisse, ut mortis sua se Deum probet, in errorem est
 „ prolapsus, cui refellendo nihil aliud opponam, nisi hoc solum, Græcæ Linguae rationem nequaquam
 „ ferre, ut πιστεύῃ Latine verti possit, probet. Deinde vero, quum horum, ἀλλ' ἢ αὐτὸν προσέωμι-
 „ ναν, talem esse sensum ait, sed hæc non prædicerent prophetæ, id est, ut talia prædixe-
 „ rant, & paullo intricatius loquitur, & vix quicquam a Valesio discrepat, cuius exemplar scriptum melius
 „ habet, prædixerint, quam quod Spencertus ediderat, prædixerunt. Denique in illo membro quod est
 „ Edit. Cantabr. pag. 341. v. 46. constituendo, parumper a Valesio dissentit: ego neutri accedo, eum-
 „ que locum sane difficilem hoc pacto sanandum existimo: Εἰ ἐπίσταται ὅτι πύθνηται, ἢ ἐστὶν ὁ ἐπίσταται.
 „ ἐστὶν ἄρα τὸ, ὃ πύθνηται, ἐπεὶ εἰδὲν ὃ πύθνηται ἐπίσταται. δηλονότι εἰ ἐπίσταται ὅτι πύθνηται, ὃ πύθνηται.
 „ Cui optimæ emendationi libenter, ut opinor, subscribet, qui verba & sensum loci Origeniani exami-
 „ naverit, & rem ipsam, quæ tractatur, habuerit exploratam.

docet Sextus Empiricus adversus Mathematicos pag. 300. & 301. Quaedam tamen subjungit ibidem Origenes, ex quibus, licet obscure, perspicui potest, quaenam fuerit ratio ac methodus argumentationis illius Stoicorum. Postquam enim dixit, quoties in duobus connexis unum idemque est antecedens, sed consequentia duo sibi invicem repugnantia, tunc antecedens illud subverti solere per syllogismum διὰ δύο τροπικῶν, subjicit id concludi in hunc modum; si primum est & secundum, si primum non est secundum, non est ergo primum. Vel potius: si A, est B; Si est A, non est B; Ergo non est A. Exemplum autem in rebus ipsis hoc adferebant Stoici duorum connexorum, in quibus commune esset antecedens, consequentia autem plane repugnantia; Si scis te mortuum esse, mortuus es: si scis te mortuum esse, non es mortuus: ex quibus sequitur haec conclusio, ergo non scis te mortuum esse. Sic autem probabant duas illas propositiones connexas: primam quidem hoc modo; si scis te mortuum esse, est plane id quod scis; id autem quod scis, est te mortuum esse; ergo mortuus es, si scis te mortuum esse. Alterum vero connexum ita probabant: si scis te mortuum esse, scis ac sentis aliquid, nempe quod sis mortuus; atqui mortuus nihil scit nec sentit, igitur si scis te mortuum esse, non es mortuus. Ex quibus sequitur manifeste ista conclusio, non ergo scis te mortuum esse. Haec Origenes pag. 352. (a) Graece dicit, quae nos paene ad verbum Latine transtulimus. Nam (b) interpretes Latini, vir alioqui doctissimus, sensum hujus loci minime est adsecutus, tum ob difficultatem rerum, tum praecipue ob defectum corruptionemque verborum. Nam ubi legitur in quarto versu, Εἰ ἢ τὸ πρῶτον, ἢ τὸ δεύτερον, scribendum erat, εἰ τὸ πρῶτον, vel potius εἰ τὸ Α, ἢ τὸ Β. Et in sequenti versu malim τόπον legere, quam τρόπον. In sexto autem versu deest integrum comma, connexum videlicet unum: scribe itaque; Εἰ ἐπίστασαι ὅτι τέθνηκας, τέθνηκας· εἰ ἐπίστασαι ὅτι τέθνηκας, ἢ τέθνηκας &c. In versu nono scribe, εἰ ἐπίστασαι ὅτι τέθνηκας, ἐπίστασαι ὅτι τέθνηκας· ἐπεὶ ὃ δὲ τέθνηκας ἔδεν ἐπίστασαι. &c. Ex his apparet, cur haec argumentatio dicta sit διὰ δύο τροπικῶν. Fiebat enim per duo connexa, ut vides, seu δύο τροπικά, quae probanda erant, ut conclusio sequeretur. Quamquam verissimum est id, quod ait Galenus eo in loco, quem superius adduxi, alia via ac methodo posse concludi, idque longe brevius ac facilius, quam illa a Stoicis tradita argumentatione, quae multas habebat difficultates ambagesque verborum. Quod quidem etiam Antipater Stoicus agnoverat, teste Galeno. Licet enim argumentari hoc modo; si scis te mortuum esse, sequitur manifesta contradictio, nempe te mortuum esse & mortuum non esse; atqui hoc fieri non potest; ergo nec illud, unde hoc sequitur.

Caeterum haec Origenis responsio subtilior mihi videtur esse, quam verior. Neque enim Celsus ita argumentabatur, ut vult Origenes; neque in ejus disputatione duo illa connexa deprehenduntur. Sed hoc agebat Celsus, ut ex ejus verbis ab Origene prolatis liquido apparet, non esse attendendum, an Prophetæ aliquid de Deo praedixerint, an non: Sed illud praecipue inquire oportere, utrum honesta &

(a) pag. 34v. Edit. Spenc.

(b) Sigismundus Gelenius.

pia, & quae conveniunt Majestati divinae, ab iis pronuntiata sint: Sin minus, eorum praedictiones nihilo pluris esse faciendas, quam furiosorum hominum sermones. Quae quidem argumentatio validissima est ad convellendam fidem Christianorum de Christo, quae vaticiniis Prophetarum praecipue nitebatur. Hoc igitur probare debebat Origenes, & omnes ingenii nervos eo intendere, ut demonstraret quaecumque a Prophetis nostris de Christo essent pronuntiata, pia esse atque honesta, nec a ratione, nec a Majestate divina abhorrere.

Haec sunt, doctissime Sarravi, quae ad Origeniani loci explicationem jam pridem annotaveram: quae si tuo suffragio comprobaveris, equidem aliorum iudicium non vehementer reformidem. Tantum hoc addam, tamquam instar Corollarii, Celsum hunc, adversus quem hos commentarios scripsit Origenes, familiarem fuisse Luciani Samosatensis, cui Lucianus librum suum, qui *Alexander* aut *Ψευδόμαντις* inscribitur, nuncupavit: in quo libro eum a modestia, & tranquillitate animi, & morum suavitate commendat, & admirari se dicit incredibilem hominis sapientiam, studiumque veritatis, ἐπὶ τε σοφίᾳ καὶ τῇ πρὸς ἀλήθειαν ἐρωτῇ. Quibus verbis indicare videtur librum illum Celsi, cui respondet Origenes, qui *Ἀληθὴς λόγος* erat inscriptus. Sed & hominem (a) Epicureum fuisse testis est ibidem Lucianus, quod confirmat etiam Origenes. Ex testimonio autem Luciani colligere est, Celsum circa tempora Divi Marci floruisse.

CAPUT II.

Epigramma veteris Poëtae apud Eusebium explicatum. Scaliger refutatus. Aegyptii Deos suos non aliis hymnis, quam VII vocalibus saepius repetitis venerabantur. Vetus inscriptio exposita.

(b) **V**etus est Epigramma relatum ab Eusebio in Libro XI. Praeparationis Evangelicae Cap. 6. quod sic habet:

Ἐπτά με φωνήεντα θεὸν μέγαν ἀφθίτον αἰνεῖ
γεγένηται, ἢ πάντων ἀνέμων τάλεα. &c.

Ac Eusebius quidem Poëtam illum, quisquis fuerit, de Dei omnipotentis nomine sensisse, atque ex Judaeorum fontibus id hausisse existimavit. Nam Judaei ex septem vocalium compositione mysticum & ineffabile Dei nomen constare credebant. At Josephus Scaliger in Animadversionibus ad Eusebii Chronicon, num. MDCCXXX. recte quidem observavit superius Epigramma Serapidi esse dedicatum, fallique Eusebium, qui summo Judaeorum Deo illud attribuerit; sed versus ipsos perperam intellexisse mihi quidem videtur: etenim, ut ex verbis ipsius apparet,

(a) De eo non satis constat, Celsusne hic acerrimus Christianae religionis adversarius, contra quem Origenes eos libros scripsit, fuerit ex Epicuri schola. Argumenta in utramque partem eruditissime examinat Cl. Wesselingius in Probabilibus Cap. XXIII.

(b) Integrum hoc caput, paucis tantummodo mutatis, publici juris fecit Valesius in notis ad Socratis Histor. Ecclesiast. Lib. V. Cap. 17.

priori disticho hoc tantummodo significari existimavit, Serapidis nomen septem literis constare, quod quidem etiam Hesychii testimonio confirmat; cum tamen longe alia mens sit Poëtae, quam nos ex recondita Aegyptiorum antiquitate hic aperiemus. Solebant olim Aegyptii Deos suos in templis venerari non aliis hymnis, quam septem vocalibus subinde repetitis, ut docet Dionysius Halicarnassensis in libro *περὶ ἑρμηνείας*, in capite de collisione vocalium (§. 71.) *ἐν Ἀιγύπτῳ ἢ καὶ τὰς θεὰς ὑμνοῦσι διὰ τὰ ἑπτὰ φωνήεντων οἱ ἱερεῖς. ἐφεξῆς ἤχοντες αὐτὰ. καὶ ἀντὶ καὶ αὐτοῦ, τὰ γράμματα τέτων ὁ ἥχος ἀκούεται.* Cum igitur Aegyptiorum Sacerdotes septem vocalium iterata pronuntiatione Deos suos venerati sint, non dubium est quin Serapin, quod praecipuum fuit numen illorum, eadem quoque ratione coluerint: & sic fortasse intelligi debet quod Hesychius scripsit, *ἐπὶ γράμματον* significare *Σάραπιν*. quamquam altera hujus cognominis ratio minime improbanda est, quod scilicet Serapis septem literis perscribatur; quod confirmat etiam Artemidorus in libro ultimo (cap. 26.). Caeterum non aliam esse sententiam priorum verisum, quam illam, quae a nobis allata est, apparet ex verbis illis *φωνήεντα γράμματα*, quae non nisi de vocalibus intelligi possunt: neque aliter interpretari soleo veterem illam (a) inscriptionem, cujus meminit Elias Vinetus in Epistolam XV. Aufonii: in qua septem sunt vocales septies in verso ordine repetitae, quae in aurea

A 3

lami-

(a) Inscriptionem illam Burdigalae in area Gymnasii Aquitanici una cum Georgio Buchananano aliisque se vidisse testatur illic Vinetus. Ea continentur Graecae vocales septem, totidem versibus, sed in verso identidem ordine, repetitae. Ipsam inscriptionem hic adponere operae pretium visum fuit:

Α	Ε	Η	Ι	Ο	Υ	Ω
Ω	Υ	Ο	Ι	Η	Ε	Α
Ε	Η	Ι	Ο	Υ	Ω	Α
Υ	Ο	Ι	Η	Ε	Α	Ω
Η	Ι	Ο	Υ	Ω	Α	Ε
Ο	Ι	Η	Ε	Α	Ω	Υ
Υ	Ο	Υ	Ω	Α	Ε	Η

Ad quae aenigmata explicanda sine dubio Oedipo aliquo opus est, licet Valesii interpretatio admodum adrideat. Singulare autem hoc monumentum inter spuria ac supposititia pag. 21. reposuit Gruterus in Opere Inscriptionum; quem ob id acriter, sed oblique & innominatum, traducit Claverius in Miscellis ad Claudianum cap. XIX. pag. 17. b. ubi laminam hanc vocalibus illis Graecis notatam itidem producit, & ex eodem Ammiani Marcellini loco inlustrat: ille autem nihil aliud fuisse conjicit, quam amuletum, quod homo superstitionis pectori adpendens adhibuerit pro remedio ad stomachi dolorem seu ad palpitationem, & eo refert locum Sereni Sammonici cap. LII. v. 944. & seqq. in quo semitertianam febrim depelli ait, si

Inscribis chartae, quod dicitur Abracadabra,

Et magis atque magis desini elementa figuris, &c.

His lino nexis collum redimire memento.

Ubi ex voce *Abracadabra* literis ex fine vocabuli minutim relictis similem fere amuleti formam exhibetur, & de magicis his medendi formulis, quae ex literarum concursu fiebant, nonnulla habent interpretes, praesertim Keuchenius in Prolegomenis ad Serenum pag. 541. & seqq. Sed & plura de hac veterum superstitione habet Vossius Lib. I. de Idololat. Gentil. cap. 8. & Hermannus Hugo de prima scribend. Orig. cap. XXIX. ubi videnda quae nuper in notis suis congeffit Eruditissimus Trogizius.

lamina sculptae superpositae erant pectori humano: ac Vinetus quidem opinionem ibi suam aperuit de hac inscriptione. Sed non dubito, quin hujusmodi characteres Serapidis nomen virtutemque designent; eodemque refero, quod narrat Ammianus Marcellinus in Lib. XXIX. (Cap. 2.) *Visus*, inquit, *adolescens in balneis admoveere marmoris manus utriusque digitos alternatim & pectori, septemque vocales literas numerasse, ad stomachi remedium prodesse id arbitratus: in iudicium tractus, percussus est gladio &c.*

CAPUT III.

Eusebius Lib. V. Cap. 20. de Praep. Evang. emendatus.

Oenomachus Cynicus Philosophus, cum ab oraculo quodam Apollinis delusus fuisset, ut erat acerrimi vir ingenii, fraude perspecta, ulcisci se ab Apolline voluit. Itaque librum scripsit, quo omnium Apollinis oraculorum vanitatem stoliditatemque detexit. Ex eo libro, qui κατὰ τὴν χρησμεσίαν erat inscriptus, integras paginas adducit Eusebius in libro quinto Praeparationis Evangelicae. Sed quoniam in plerisque corrupta sunt exemplaria, nos pro virili parte aliquot locos emendare conabimur. Igitur in Cap. 20. Libri V. haec habet Eusebius ex Oenomachi Commentariis: cum, inquit, *Heraclidae in Peloponnesum olim irrumpere conarentur, atque id jam semel frustra tentassent, Aristomachus Aridaei filius (Cleolai filium dicere debuit, quemadmodum caeteri omnes appellant) ad te adiit de suscipienda expeditione oraculum consulturus: etenim pater ipsius priori expeditione occubuerat. Id autem a te responsi tulit:*

ΝΙΚΗΝ ΣΟΙ ΦΑΙΝΟΤΑΙ ΘΕΟΙ ΔΙ' ὈΔΟΥ ΣΤΕΝΤ' ἸΣΘΜΟΝ

Proinde cum per Isthmi fauces Aristomachus in Peloponnesum irrumpere esse aggressus, commissa pugna interfectus est: tum deinde Aristomachi filius Temenus ex infelici stirpe tertius ad oraculum tuum accessit. Tu vero (Apollinem alloquitur) eadem illi praecepisti, quae patri ante consulueras. Sequitur in Graeco: καὶ ὅσα εἶπα. καὶ κείνός σοι, ἴφθι, πεισθεὶς ἐπέδραμεν &c. quae manifeste corrupta sunt; sed facilis est emendatio, quem Vigerio interpreti, viro alioqui doctissimo, in mentem non venisse, equidem valde miror. Scribe igitur meo periculo: καὶ ὅς, εἰδὼς καὶ κείνῳ &c. id est, tum Temenus, at ille, inquit, his mandatis obsecutus dum irrumpere nititur, misere periit. Hic tu, sententiam, inquis, oraculi non ille intellexit: neque enim στενύεσσι nomine terram intellexi, sed ἰσχυράσσοι. Tibi scilicet molestum erat mare simpliciter dicere. Atque ille, supple Temenus, hoc accepto responso, maritimo itinere in Peloponnesum irrumpere aggressus est, cum prius fidem hostibus fecisset, se terrestri itinere profecturum. Igitur castra metatus est inter Naupactum & Typaeum. Inter haec Carnus quidam Aetolus ab Hippota, Phylantii filio, sagitta interfectus est. &c. in hujus loci interpretatione doctus interpres toto, quod ajunt, coelo aberravit, non quidem ob imperitiam Graeci sermonis, sed ob vitium exemplarium: nam ubi legitur καὶ πρὶν στενύεσσι

Ναυά-

Ναυάτις ἢ Τυπαίς, scribendum est (a) Ναυπάκτις, quod confirmat Apollodorus in Lib. II. Biblioth. (b) ubi totam hanc Heraclidarum historiam accurate perscribit. Mox scribe, (c) ἢ διακονίζει Κάρον Ἰππότης ὁ φύλας τῶν Ἀιωλῶν, ex eodem Apollodoro, Pausania, & Conone, aliisque; Denique ubi legitur ἢ ἐπεὶ συνέκυρσε νότον πλησίον, forte ἐξαισία scribendum est, vel ἀπαισία.

CAPUT IV.

Gregorii Nazianzeni Epistola emendata. Juramenta scriptis prodita an tantam vim habeant, quam quae voce concipiuntur?

πληροφορία, & πληροφορεῖν quid?

ELegans est Epistola 219. Gregorii Nazianzeni ad Theodorum Episcopum, quae etiam inter canonicas referri potest: continet enim maximi momenti quaestionem de juramento, non voce, sed scriptis prodito. Sed quoniam corruptissima est haec Epistola, nec a Billio intelligi potuit, interprete alioquin doctissimo, eam hic & emendare & explicare conabor. Consultus erat Gregorius à Theodoro Episcopo de juramento, quod Georgius quidam in instrumento scripto praestiterat. Quaerebatur, utrum pro juramenti accipienda essent ea, quae à stipulantibus praebebantur, & in instrumentis ipsis adscribi solebant; de quibus loquitur Gregorius in Orat. 39. pag. 641. Plerique enim ita censebant, juramenta duntaxat esse illa, quae tactis sacris codicibus clara voce concipiebantur: ea vero, quae scripto mandabantur: dicis causa fieri, & solennitates meras esse. Respondet Gregorius, longe falli eos, qui ita censent: nam si chirographum seu instrumentum, quo pecunia credita continetur, majorem vim ad obligandum habet, quam nudum pactum, cur non eadem ratione juramenta scriptis prodita, vim juramenti, & quidem tanto majorem, habebunt? ut verbo dicam, inquit, juramentum est stipulantis & respondentis confirmatio. Haec, ita, ut posui, clarissima sunt, sed non

pe-

(a) Ita etiam in hoc Eusebii loco legendum conjecit Kuhnus ad Pausan. Lib. V. pag. 381. sed non opus tamen erat, ut hanc emendationem, quae verissima est, dubitanter tantum ut conjecturam proponeret. Viderat hoc etiam Holstenius in notis ad Stephan. Byzantin. in voce ΤΥΠΑΙ, pag. 275. qui novo insuper beneficio Oenomaum demeretur, dum pro Τυπαίς, de quo nihil hic Valesius, verissime refingit Τυπαίς. nam Temenus, cum Naupacti classem extruxisset, trajecit apud Rhyacum, de quo plura habet Scholiastes Nicandri ab Holstenio ibidem adductus; nam quae Kuhnus super Typaeo notavit, melius indicta forent.

(b) Pag. 155. Ed. Tanaq. Fabr.

(c) Haec Valesii emendatio omni exceptione major est: nam in vulgatis Eusebii verbis, quae ita se habebant, διακονίζει Κάρον Ἰππότην φυλάσσει τῶν Ἀιωλῶν, nullus sensus est, quae a mendis liberavit salutaris Valesii manus. Nam Carnum vatem Aetolum, (quem patria Acarnanem facit Pausanias) sagitta interfecit Hippotes Phylantis filius. Haec tamen emendatio non latuit etiam Kuhnio ad Pausan. Lib. III. Cap. 13. pag. 238. nisi quod illic perperam in hoc Eusebii loco, quem corrigit, scribatur ὁ φύλας, typographorum, ut arbitror, errore; ipse enim in textu Pausaniae exhibuit τῶν φύλων, & reddidit Latine, Phylantii filius.

perinde in graeco textu facilia: *παίξουσιν οἱ πολλοὶ ἐάν τις τὴν μὲν καὶ τὴν ἀρῶν προκειμέ-
νης ὁρκὸς νομίζουσιν*. Scribe meo periculo, καὶ τὴν (a) *γεγραμμένων προκειμένων*. Solebant enim
veteres Christiani, cum ab adversario juramentum exigere vellent, eum ad men-
sam altaris adducere; utque, tactis Euangelii super mensa propositis, jusjurandum
conciperet, jubere: contra quam consuetudinem graviter invehitur Joannes Chryso-
stomus in Homilia 25. ad populum Antiochenum. Confirmatur haec emendatio se-
quentibus Gregorii verbis: addit enim, *τὴν ἐγγράφους δίχα τὴν δεξμάτων ἀφοσίωσιν*,
ἀλλ' ἐχ' ὅρκον υπολαμβάνοντες. Opponit siquidem Gregorius jusjurandum *δίχα δεξ-
μάτων*, jurijurando κατὰ τὴν *γεγραμμένων*. Sed ut dubitatio omnis adimatur, Gregorium
ipsum testem adducam, qui ita legendum esse confirmat: nam in carmine adversus
saepe jurantes pag. 227. eandem quaestionem tractans, quid si quis, inquit,
juramentum scribat in instrumento, videlicet apud tabellionem, non autem voce
proferat; respondet hujusmodi juramentum scripto comprehensum gravius esse.
Namque enim chirographum magis obligat quam nuda vox. *Χειρόγραφον γὰρ (b) τὴν
λόγων δεσμὸν πλέον*. Deinde alteram proponit dubitationem: quid si, inquit, ju-
ramentum praestitum est non propositis, nec tactis sacris scripturis? εἰ γὰρ *τὴν γεγραμμένων*
προκειμένων &c. cui difficultati respondet, non codices ipsos, sed Deum venera-
tionem nobis ac timorem incutere debere:

Φοβῆ τὸ δέγμα, τὸ θεὸν δ' ἐγὼ πλέον.

Ubi vides *δέγμα* positum esse pro sacris codicibus, perinde ac in epistola supra cita-
ta. Mox scribendum est, (c) *ὡς γὰρ τὸ μὲν τῶν χειρῶν χειρόγραφον* &c. id est, *quomo-
do enim chirographum quidem plus obligare putabimus, quam nudum pactum, juramentum
vero in tabulis scriptum, aliud quiddam esse quam juramentum arbitrabimur?* Subjicit dein-
de Gregorius haec verba, quibus rationem reddit sententiae suae: *ἢ συνλόμους
εἶπεν, ὅρκον ἡμῖν ἐστίν, ἢ τὰ ἐπερωλήσαντι καὶ πισθέντι πληροφορία*. id est, *ut verbo
dicam, juramentum apud nos est, stipulantis & fidem habentis confirmatio*. Quod idem
est ac si diceret, *ὁρκὸς ἐστίν, ὅταν τὸ ἐπερωλήσαντι πληροφορεῖται*. Juramentum est, quoties
interroganti, seu stipulanti, fidem facimus. Eandem omnino juramenti definitionem
affert Joannes Chrysostomus in Homilia 51. in Genes. pag. 695. ubi explicans haec
verba, *Ἐγὼ statuam juramentum meum, quod jurans juravi Abrahamae patri tuo, τὴν γὰρ
βεβαίωσιν τὸ ὑποσχέσεως ὅρκον ἐκάλεισε*. id est, *firmationem promissionis vocat juramen-
tum*. Βεβαίωσιν Chrysostomus dixit, quod Gregorius *πληροφορίαν* dixerat. Nam
πληροφορία idem est ac *βεβαίωσις*, Hesychio teste, & Graeci *πληροφορεῖν* τινα di-
cunt, *fidem facere alicui*. Ita Chrysostomus in eadem ipsa pagina, quam supra ci-

(a) Ita etiam in hoc Gregorii Nazianzeni loco emendavit nuper Eruditissimus noster Georgius D'Ar-
naud Lib. I. Variar. Conjectur. cap. X. cui illud *γεγραμμένων προκειμένων*, pro vulgato *ἀρῶν*, ut hic legit
Valesius, itidem in mentem venit: sed in sequentibus *δίχα πάνδε ρημάτων* conjecerat, quod tamen recte
in Addendis pag. 411. deinceps rejecit, & Valesianum *δίχα τὴν δεξμάτων*, ut certissimam emendationem,
merito amplexus est. Quae autem in hoc capite emendat & observat Valesius ad hanc Gregorii Episto-
lam, dederat jam in notis ad Sozomen. Lib. VI. Hist. Eccles. cap. 30.

(b) *τὴν λόγων*] Sic recte Valesius: in editis autem est *τὴν δεσμῶν*.

(c) *Πῶς γὰρ τὸ μὲν*] Male, & contra orationis structuram in libris inpressis legitur, *πᾶν γὰρ* &c.

citavimus: ὁ θεὸς, inquit, πληροφορῶν τὸν δίκαιον. Quae sequuntur in dicta Gregorii epistola, adhuc corruptiora sunt, & majorem habent difficultatem: εἰ μὴν εἰδὲ τὸ βεβιωσέναι φάσκει Νικανὸν εἰς παροίτησιν. Quae sic vertit Billius, *haud quaquam tamen vi adactum fuisse Nicanum dicitur*. Miror profecto Billium non animadvertisse hujus loci corruptionem; qui levi negotio sic restituendus est: εἰ μὴν εἰδὲ τὸ βεβιωσέναι φάσκειν ἱκανὸν &c. & sic verte, *sed neque quod Georgius adserit, vi compulsus se fuisse, id sufficit ad excusationem: Vis enim non alia fuit, quam lex & consuetudo, cui cessit*. Scribe itaque, ἡ βία γὰρ ἦν ὁ νόμος, (a) ὃν εἶδισεν. Sequitur deinde, εἰδὲ ἐν τῇ δικάσει αἰσέρον ὑπερέχειν, ubi supplendum est denuo ἱκανὸν εἶναι, id est, *Sed neque illud ad excusationem sufficit, quod postmodum in judicio causam obtinuit*. &c. ex his adparet Georgium, de quo agitur, transegisse prius cum adversario, ac postea adversus conventionem juramento firmatam resiliisse, ac victorem e judicio discessisse: addit enim Gregorius, αὐτὸ γὰρ τὸ δικάσαντος παροικίας.

CAPUT V.

De Hierocle. Hierocles Philosophus an idem sit atque ille, adversus quem scripsit Eusebius. Epiphanius emendatus. Baronius refutatus. Hierocles Philosophus qua aetate vixerit: & quae fuerit ejus patria.

(b) **Q**uis sit Hierocles ille Philosophus, qui in aureos Pythagorae versus aureum commentarium scripsit, & quibus temporibus vixerit, haudquaquam

B

(a) ὃν εἶδισεν) vulgatae habent, ὃν εἶδον. Male autem Billius Latine reddidit, *vis enim fuit ei, quem lex ligavit*.

(b) Quae in hoc capite de Hierocle differit Valesius, conferenda sunt cum iis, quae Eruditissimus Joh. Pearsonus in doctis illis ad Hieroclem Prolegomenis, & ultimus editor P. Needham in Praefatione commentati sunt: nam diu fluctuaverunt viri docti & multos commiserunt errores in definienda utriusque Hieroclis, de quo hic agitur a Valesio, aetate. Ad ejus laudem quamaxime facit, quod antequam ad liquidum adducta fuerat haec disputatio, ille propriis scriptis consignatam habuerit veram de hac quaestione sententiam: quamvis enim jam hac de re per curas Doctorum Virorum satis constet, neminem tamen Valesianae curae poenitebit, cum tanti Viri sententia magnum adferat momentum. Eorum, qui super hoc argumento scripserunt & verum viderunt, notitiam dabit J. Alb. Fabric. Bibl. Graec. Lib. II. Cap. 12. §. 7. Notandus autem hic est lapsus haud levis Joh. Pearsoni, viri alias summae eruditionis, qui cum recensum egisset omnium illorum, quos ab Hierocle Philosopho distinguendos esse arbitratur, addit in Prolegom. pag. 13. *Hunc (Hieroclem Philosophum) pro certo adfirmare non ausim, negare tamen non possum, fuisse illum illum, qui adversus Christianae religionis symmystas & scripsit mordacia, & acerba gessit*: quibus verbis Hieroclem, Commentarii in aurea Pythagorae carmina auctorem, eundem facit cum eo, qui a Lactantio memoratur, cum tamen illi, ad aetatem quod attinet, seculiseculo minimum differant. In alium plane singularem incidit errorem Joh. Jonsius, vir ceteroquin egregius & doctissimus, de Scriptor. Hist. Philosoph. Lib. III. cap. 18. cum enim illic Hieroclis Alexandrini Philosophi aetatem recte

quam omnibus notum esse existimo. Plerique enim ita sentiunt, hunc ipsum esse, quem insigni volumine refellit Eusebius. Hujus sententiae, ut caeteras omittam, fuit is, qui Hieroclis libellum in aureum illud Pythagorae carmen graece edidit: nam in epistola ad lectorem, inter caetera id adfirmat, Hieroclem Philosophum acerri-
mum Christiani nominis hostem fuisse; ex quo adparet, hanc ejus opinionem fuisse, Hieroclem Philosophum eundem esse cum illo, adversus quem Eusebius Pamphilus scripsit. Equidem me quoque in ea sententia diu fuisse non diffiteor. Sed re adcuratius perpen-
sa, tandem didici Hieroclem, contra quem scripsit Eusebius, longe diversum esse ab illo, cujus aureum commentarium habemus: quod ut clarius fiat omnibus, ab eo, quem Eusebius perstrinxit, incipiam.

Igitur (quantum ex Eusebii libro cognoscere possumus) Hierocles hic, de quo nunc quaerimus, librum adversus Christianos ediderat, cui titulus erat (a) φιλα-
λῆθης, id est, amator veritatis. Eo in libro multa iisdem saepe verbis ex Celsi ac Porphyrii contra Christianos voluminibus erat mutuatus. Unum illud de suo, ut ajunt, penu validissimum argumentum expromserat, Jesum Christum a Christianis ut Deum coli, propterea quod multa miracula fecerit, caecis visum, auditum furdis, vitam denique reddiderit mortuis: atqui ab Apollonio Tyaneo haec, & alia multo majora, fuisse patrata: neque idcirco tamen Apollonium à Romanis Graecisque pro Deo haberi; & res quidem ab Apollonio gestas a vi-
ris honestissimis doctissimisque posteritati traditas esse; cum Christi historiam Petrus ac Paulus, aliique ejusmodi prodiderint, homines viles, indocti, atque (ut Hierocles falso supponit) mendaces. Haec summatim de Hierocle ex Eusebio discere est. Sed Lactantius Firmianus in Lib. V. Divinarum Institutionum Cap. 2. plura nos docet. Etsi enim Hieroclem haudquaquam nominat, ex iis tamen, quae dicit, satis adparet Hieroclem ab eo designari. Ego, inquit, cum in Bit-
ynia literas oratorias accitus docerem, contigissetque eodem tempore ut Dei templum evertere-
tur, duo existerunt ibidem, qui jacenti atque abjectae veritati insultarent, quorum alter Antistitem se Philosophiae profitebatur. Verum ita vitiosus &c. alter eandem materiem mor-
daciùs scripsit, qui erat tunc e numero Judicum, & qui auctor in primis faciendae perse-
cu-

recte constituisset, eidem censuit adtribuendum esse Philalethem, five λόγος φιλαλήθης, quo libro Apollonium Tyaneum cum Christo comparabat, & addit p. 304. errare eos, qui putant Eusebium il-
lum, qui contra hunc Hieroclis librum scripsit, eundem esse cum Caesariensi Eusebio Pamphili, Histo-
riarum Ecclesiasticarum Scriptore. Recte se Jonsio hac in re non adsentire dicit Pinedo ad Stephanum. pag. 764. Ejus autem error praecipue inde natus videtur, quod Lactantii locum in promptu non habue-
rit, & refutatur abunde ex iis, quae hic habet Valesius.

(a) Cui titulus erat φιλαλήθης] Eo scilicet in opere Hierocles praestigias celebri illius Apollonii prae-
postere comparabat cum miraculis J. Christi, ideoque hanc impiam ejus temeritatem Eusebius graviter
compescuit. Vid. Boxhorn. Quaest. Rom. pag. 41. & Elmenhorst. ad Apulej. pag. 356. De hoc Hiero-
clis libro ita noster Valesius de Vita & Scriptis Euseb. Caesariens. pag. 2. Per idem tempus scriptus est
ab Eusebio liber adversus Hieroclem. Causam scribendi praebuit Hierocles Nicomediensis, qui sub initium
ejus persecutionis, cum Christianorum ubique templa destruerentur, vexatae religioni quasi insultans, duos
adversus fidem Christi in urbe Nicomedia edidit libros, quos φιλαλήθης inscripserat. In quibus inter ce-
tera id adferebat, Apollonium Tyaneum multo plura ex majora fecisse quam Christum, ut testatur Lactan-
tius in Libro V. sed Eusebius hominem despiciens, contentus fuit eum brevi libello consutare. Vide etiam
Pearson. Proleg. ad Hierocl. pag. 15. & quos laudat Needham in notis ibid. pag. 39. num. 43.

cutionis fuit: quo scelere non contentus, etiam scriptis eos, quos adfixerat, insecutus est. Composuit enim libellos duos (hos in fine Capitis 3. φιλαλήθης, inscriptos fuisse dicit) non adversus Christianos, ne inimice insectari videretur, sed ad Christianos, ut humane & benigne consulere putaretur: in quibus ita falsitatem divinae scripturae arguere conatus est; tamquam sibi tota esset contraria. Et paullo post: praecipue tamen Paulum Petrumque laceravit, caeterosque discipulos, tamquam fallaciae seminatores, quos eisdem tamen rudes & indoctos fuisse testatus est. Deinde post alia multa sic ait: Idem cum facta Christi mirabilia destrueret, nec tamen negaret, voluit ostendere Apollonium vel plura, vel etiam majora fecisse. An non ex his satis liquet, Hieroclem a Lactantio hic intelligi? Certe & titulus libri idem est, qui apud Eusebium Pamphilum, & capita illa sacrae scripturae inter se pugnancia atque contraria, quae Lactantius ab illo Scriptore ait esse collecta, ea ipsa sunt, quae Eusebius a Celso atque Porphyrio Hieroclem suffuratum esse prodit. Tum illa de Petro ac Paulo paene ad verbum conversa sunt ex illis Hieroclis, quae Eusebius retulit: τὰ μὲν τῷ Ἰησοῦ Πέτρῳ καὶ Παύλῳ, καὶ τινὲς τέτων παραπλήσιοι, κεκομπάκασιν ἀνδρωποὶ ψόδσαι καὶ ἀπαίδεδοι καὶ γόητες.

Postremo impia illa & abominanda Apollonii cum Christo collatio prorsus id evincit, non alium hic intelligi posse quam Hieroclem. Quod si ita est, jam illud confectum habemus, impium illum Hieroclem, τῷ φιλαλήθῃ auctorem, Philosophum non fuisse: nam Lactantius aperte dicit, cum esset in Bithynia, duos extitisse, qui adversus Christianos scriberent, alterum Philosophum, alterum vero e numero Judicum, & qui auctor in primis faciendae persecutionis fuisset. Proinde non dubito, quin hic Hierocles praefectus Augustalis, quem persecutionis illius sub Diocletiano & Maximiano cruentissimae ministrum una cum Culciano fuisse tradit Epiphanius in haeresi 63. Meletianorum: Κελκιανὸς μὲν, inquit, ἦν ἐπαρχὸς τῆς Θηβαΐδος, Ἀλεξανδρείας δὲ Ἱεροκλῆς. Ubi obiter moneo (a) scribendum esse Κελκιανὸς. Sic enim eum adpellat Eusebius in fine libri IX. Historiae Eccles. quem multis Christianorum caedibus in Aegypto nobilitatum fuisse commemorat.

(b) Perit autem hic Hierocles terrae motu, quo Nicomedia collapsa est, Dationo & Cereale Coss. ut docet Libanius in epistola 22. ad Acacium his verbis: καίτοι Ἀριστίνδῳ, ὃ Ζῶν καὶ Θεοί, εἰδὲ τῶν Ἱεροκλέους κεφαλῆς φεσσαμένη τῷ δαίμονι.

Caeterum Baronius, anno Christi 302. (c) ubi hujus Lactantii locum discutit, recte

B 2

(a) Scribendum esse Κελκιανὸς] Hunc Epiphanii locum, ita ut vulgo legitur, adducit etiam Pearson. Proleg. ad Hier. pag. 17. sed verissima est Valesii, legentis Κελκιανὸς, emendatio, quam dederat jam nobis ad Euseb. Lib. IX. Hist. Eccles. Cap. XI. pag. 460.

(b) Perit autem hic Hierocles &c.] Ut verum fateamur, hic temporum rationem non satis accurate consideravit Valesius: quum enim Hierocles ex Vicario Bithyniae Praefes, & deinde Alexandriae Praefectus Augustalis, auctor φιλαλήθῃς, maxime floruerit circa A. C. 302. motus autem terrae, quo Nicomedia funditus fuit eversa, incident in A. C. 358. credibile nequaquam videtur, illum vitam longævam eo usque produxisse, ut hac clade perire potuerit: quod recte post Caveum & Dacierium observavit Needham ad Prolegom. Pearson pag. xi. Quare pro certo statuendum est, a nostro Hierocle diversum esse illum, cujus Libanius una cum Aristaeo in loco hic a Valesio adducto meminit, & qui simul cum illo Aristaeo, praecipuo Libanii amico, in ruina Nicomediae obiit, de quo pauca quaedam notavit etiam noster Vales. ad Ammian. Marcel. XVII. p. m. 141.

(c) Tom. II. Annal. pag. 716.

recte quidem observavit. Hieroclem praefectum Augustalem ab eo designari. Sed quod Philosophum illum, cujus nomen Lactantius reticuit, (a) putat esse Porphyrium, in hoc ei adsentiri non possum. Etenim Eusebius diserte adfirmat Hieroclem illum in suo ad Christianos commentario multa ex Porphyrii libris esse mutuatum: ex quo sequitur libros Porphyrii adversus Christianos aliquot annis ante haec scriptos fuisse.

Nunc de Hierocle Philosopho adcuratius dicendum est, quem quidem ego Theodosii Junioris temporibus floruisse existimo, primo quia Eunapius, in vitis Philosophorum ac Sophistarum, nullam ejus mentionem facit: deinde quia Damascius in Isidori vita inter recentiores philosophos illum recenset: postremum argumentum ex Hierocle ipso desumptum est. Etenim Hierocles in septimo libro de Providentia scribit Plotinum & Origenem Ammonii discipulos, ejus qui primus Aristotelicae Platonicaeque philosophiae concordiam ostendit, ac caeteros deinceps, ut Porphyrium, Iamblichum, & quotquot ex aurea illa stirpe fuerint, omnes per purgatam Platonis amplexos esse doctrinam, usque ad Plutarchum Atheniensem, qui eandem quoque doctrinam discipulis suis tradidit. Verba ejus haec sunt a Photio relata in Bibliotheca Cap. 214. *ὡς Πλωτῖνός τε καὶ Δερχῆς, καὶ μὲν καὶ Πορφύριος, καὶ Ἰάμβελιχος, καὶ οἱ ἐφεξῆς, ὅσοι τῆς ἱερέας, ὡς αὐτὸς φησί, ἡρεῖας ἐτυχὼν φύλεις, ἕως Πλάτωνα τὴν Ἀθηναίαν, ὃν καὶ καθηγμένην αὐτὸς τῶν τοιούτων ἀναγράφει δαγμαμάτων, ἔτοι πάντες τῇ Πλάτωνος διακεκαθαμένη συνάδουσι φιλοσοφίᾳ.* Ex quibus verbis necessario colligitur, Hieroclem post Plutarchum Atheniensem vixisse: quin & postremis illis verbis Plutarchum magistrum suum fuisse significat. Plutarchus porro ille Atheniensis, Arcadio imperante, e vivis mihi videtur excessisse. Nam Synesius in Epistola 135. ad fratrem Athenas se venisse scribit; sed ibi nihil praeter umbram Philosophiae reperisse: & olim quidem Athenas sapientiae domicilium fuisse, nunc vero mellariorum mercimoniis nobilitari: additque; *τῶν δὲ καὶ ἡ συνωρίς τῶν σοφῶν Πλάτωνα, οἵτινες καὶ τῇ φήμῃ τῶν λόγων ἀγείρουσι τὰς νέας, ἀλλὰ τοῖς ἐξ Ὑμητῶν σάμνις.* Id est, quibus *ἔ* par illud sapientum Plutarcheorum adjice, qui quidem non fama sermonum suorum, sed mellis Hymettii vasculis juvenes in theatris congregant. Jugum illud & biga sapientum Plutarcheorum, sine dubio est (b) Syrianus ac Proclus,

(a) *Putat esse Porphyrium*] Cum Lactantius eo in loco non exprimat nomen illius, quem cum Hierocle conjungit, dubitandi ansam id praebuit etiam Pearsono in suis Prolegomenis, qui nil definit. Errorem autem Baronii, Porphyrium intelligendum opinantis, notavit etiam & certissimis argumentis rejecit L. Holsten. de Vita Porphyrii. Cap. III. cui suffragatur itidem Anton. Pagi Critic. ad Baron. ad A. C. 302. §. 10. & seqq. vide Needham. ad Prolegom. Pearson. pag. 13 & 14.

(b) *Syrianus ac Proclus*] Recte Valesius: nam Plutarchi successor fuit Syrianus, hujus autem Proclus. Synesii autem locum, hic adductum, de Plutarchi discipulis, nemine designato, intellexit Jonsius de Scriptor. Hist. Philos. Lib. III. Cap. 6. in fine; qui lapsus est in eo, quod *συνωρίς* Latine reddat *caetum*, cum *par* sive *biga*, ut hic Valesius, vertere debuisset. Hunc autem Syrianum forte unum ex zynoride sive biga sapientum Plutarcheorum, quam sive celebrat sive perstringit hoc loco Synesius, fuisse conjicit Eruditissimus Joh. Alb. Fabricius in Prolegom. ad Marin. de vita Procli pag. 13. Caeterum de Syriano hoc Philosopho Platónico, cui cognomentum Philoxeno fuit, quaedam etiam habet Valesius Lib. I. de Critica Cap. 19. quam egregiam Dissertationem, haecenus ineditam, sed utinam integram, (nam Auctor eam non absolvit, ut in vita Henrici Valesii huic operi adjicienda testatur. fragmentum ejus Hadrianus) ita ut inter schedas illam reperi, his Emendationum Libris subjungam.

clus, Plutarchi Atheniensis discipuli, ac in docendo successores. Cum igitur Syneſius, imperante adhuc Arcadio, Athenas venerit, antequam Episcopus eſſet creatus, neceſſario efficitur, Plutarchum Athenienſem Arcadii Auguſti temporibus abiſſe e vita. Quod cum ita ſit, Hieroclem Philoſophum, qui Plutarchi illius Athenienſis auctoritate utitur, Theodoſii Junioris temporibus non abſurde floruiſſe dicimus; nam citerius vix dici poteſt; quippe cum Hieroclem paullo antiquiorem fuiſſe Iſidoro ex Damascii loco ſuperius adlato ſatis conſtet, Iſidorus autem ipſe Procli auditor fuerit: proinde Hieroclis Philoſophi aetatem recte conſtitui circa Theodoſii Junioris tempora manifeſtum eſt. Nunc de ejus patria pauca dicam. Suidas quidem Alexandrinum fuiſſe memorat. Sed Stephanus Byzantius (a) oppido Cariae Hyllarima oriundum eſſe teſtatur. Sic enim ait, Ἡρώκεια πολίχνην Καρίας, ὑπὲρ τῆς Στεφάνου. ἔθεν δὲ Ἱεροκλῆς ὁ δὸς ἀθλήσεων ἐπὶ φιλοσοφίαν ἀχθεῖς. Et haec quidem de Hierocle Philoſopho.

B 3

CA.

(a) Oppido Cariae Hyllarima oriundum] De patria Hieroclis eadem ſuſpicio tetigerat Salmaſium in nota ad Stephani locum, ubi dicit, Hierocles is eſt forteſſe, cujus habemus in Pythagorae carmina commentarios. Illum autem Stephani locum ita poſuit H. Valeſius, ut emendandus erat, & jam a pluribus emendatus eſt; fuerunt enim, qui Stephanum erroris accuſaverunt, eumque Ἡρώκεια perperam legiſſe pro Ἀλεξυμνα putaverunt: ſed eos reſutat Iſaacus Voſſius notis ad Pompon. Melam Lib. I. Cap. XVI. qui poſtquam correctæ Stephani verba protulit, haec addit: *Car itaque ſuit Hierocles Philoſophus, non Alexandrinus, verum propter ſtudium ita dictus, quemadmodum multi etiam alii.* Quod ait de ita dictis ob ſtudii Philoſophici ſectam Alexandrinis, id parum huc pertinet. Pearſonus autem, quum primum in Prolegomenis pag. 10. conjectaſſet forteſſe Hyllarimenſem eſſe Stoicum illum Hieroclem, de quo mentio eſt apud Gellium Lib. IX. Cap. 5. deinde ibid. pag. 17. haud difficulter tandem adduci ſe paſſus eſt, ut cum Ger. Joh. Voſſio Lib. III. de Hiſtor. Graec. pag. 376 & 377. crederet, Hieroclem Chriſtiani nominis ſub Diocletiano vexatorem domo fuiſſe Hyllarimenſem. Ibidem etiam Voſſius, ut hoc obiter addam, putat Hyllarimenſem eundem eſſe cum eo, qui ad Pythagorae carmina ſcripſit, licet a Suida Alexandrinus vocetur, quomodo dictum putat, quia Alexandriae philoſophatus ſit, eundemque etiam facit cum eo, qui Apollonium cum Chriſto comparavit, contra quem ſcripſit Eusebius; quae reſutantur ſatis ex iis, quae ſupra notata dedimus. Pearſonus autem, ut opinioni ſuae pondus aliquod conciliaret, Stephani verba δὸς ἀθλήσεων vel ἀθλήσεως, mirifice interpretatur. Non enim explicat, ut plerique, *ex athleta factus eſt Philoſophus*, verum *ex perſecutore*, in qua interpretatione labi virum ſummum, certum eſt, id quod alii jam monuerunt. Ad Valeſium autem quod adinet, miror eum ſtatuſſe Hieroclem Stephani Hyllarimenſem eundem eſſe cum Scriptore commentarii ad aurea Pythagorae carmina. Si enim excipias Philoſophiae ſtudium utrique commune, nihil erit, quod nos eo ducat; contra vero hanc ob rationem utroque diverſos ac diſtinguendos eſſe opinor, quia nihil cauſae eſt, cur deſeramus auctoritatem Damascii, (cujus verba deſcripſit Suidas eo in loco, ubi de Hierocle agit) Hieroclem natione Alexandrinum clare adfirmantis: eum autem Damascium verosimile eſt natales & originem Philoſophorum, quos ipſe Doctores fuerat admiratus, optime noſſe. Deinde aetate Theodoſii Junioris, qua vixiſſe Hieroclem adſtruit hoc in capite Valeſius, exercitia ἀθλήσεως adeo evuluerant, & exoleverant, ut in id tempus minime congruere poſſit δὸς ἀθλήσεως ἐπὶ φιλοσοφίαν ἀχθεῖς, quod ait Stephanus. Quare Hieroclem illum Hyllarimis latere patiamur, donec certioribus indiſciis quis qualiſve fuerit, compertum habeamus: Philoſophum autem, qui ad carmina Pythagorae ſcripſit, domo Alexandrinum fuiſſe ſtatuendum eſt. Sed haec ſufficiant, ne notarum modum excedant.

CAPUT VI.

Augustinus explicatus. Sal catechumenis datum pro sacramento, & quare.

Augustinus in libro IV. de baptismo cap. 11. & in lib. II. de peccatorum re. missionem cap. 26. sacramenta quaedam Catechumenorum nominat, quae a sacramentis fidelium distinguit. Quaestio est quatenus fuerint illa Catechumenorum sacramenta? Sal benedictum Catechumenis pro sacramento datum fuisse discimus ex Concil. 3. Carthaginensi: quod quidem sapientiam designabat, & bonorum operum assiduitatem, ut docet Jesse Episcopus in epistola de baptismo, quam post Hincmari opuscula edidit Cordesius. Aliam etiam ob causam sal dabatur Catechumenis, quam hic exponam. In omnibus exorcismis sal benedictum adhibebatur ad fugandos daemones. In decretis Higeni Papae: *Si motum fuerit altare, denuo consecratur ecclesia. Si tantum parietes mutantur & non altare, salibus tantum exorcisetur.* Cum igitur Catechumeni non semel exorcisarentur, ut docet Cyrillus Hierosolymitanus, sal accipiebant, quod in exorcismis adhiberi solebat. (a)

CAPUT VII.

Marci Evangelistae locus explicatus.

(b) **I**N Evangelio B. Marci cap. 3. vs. 21. locus est valde difficilis & obscurus, Iqui Interpretes hactenus exercuit. Postquam enim retulit Dominum nostrum in

(a) Praeter has Valefii rationes, conjici forte etiam posset, quod ideo sal catechumenis datum fuerit, quia per id designabatur foedus divinum: unde saepissime sal occurrit pro indicio perpetuae & incorruptae amicitiae, quomodo *pactum salis*, pro aeterno foedere, in sacris paginis legitur; ut docet Dionys. Vossius in notis ad Caesarem Lib. I. de Bel. Gallic. Cap. 47. sed hoc discutiendum aliis relinquo.

(b) Difficillimus sine dubio hic Marci Evangelistae locus adparet, praesertim si quis copiam variarum Interpretationum, quas doctae & laboriosae Celeberrimi Wolfii Curae Philologicae ad h. l. p. 444. & seqq. suppeditant, inspiciat & attendat. Valefii interpretationem & explicationem blandiri admodum fateor: quin & penitus ei subscribere non dubitarem, si probasset apud Graecos *ἐκκλησία* idem esse quod egredi domo, vel loco quocumque; quem huic loco sensum adfigere conabatur etiam Carolus Molinaeus, monente Wolfio: sed cum plane novus hic vocis illius significatus sit, recte ob id ab aliis refutatus est. Cataubeni autem sententia in Exercitat. contra Baron. XIV. §. 17. p. 302. qua paraphraetae Arabis interpretationem secutos putat, deliquium animi Christo ex pressura populi & inedia obvenisse, ita nobis revera videtur, ut ea potius Baronio adversari voluisse, quam verum loci sensum exposuisse dicendus sit: Ceterum Marci verba ita commodissime exponenda arbitror: *Quumque maximam hominum urbem ite-*

in monte constituisse XII Apostolos, inde illum in domum quamdam venisse scribit, ἡ ἐρχομαι εἰς οἶκον, ἡ συνέρχεσθαι πάλιν ὄχλον, ὥστε μὴ δύνασθαι αὐτὸς μήτε ἄλλον φαγεῖν· ἡ ἀκούσαντες οἱ παρ' αὐτοῦ, ἐξελθὼν κερήσαι αὐτὸν· ἔλεγον γὰρ· ὅτι ἐξέστη. Vulgata versio sic habet. *Et veniunt ad domum: & convenit iterum turba, ita ut non possent neque panem manducare. Et cum audissent sui, exierunt tenere eum: dicebant enim, quoniam in furorem versus est.* Multa sunt in hac versione, quae difficultatem faciunt. Cur enim exierunt discipuli extra domum ad tenendum Dominum, cum Dominus esset domi? neque enim Marcus scribit Dominum ex ea domo ante egressum fuisse. Jam vero quod dicitur, Dominum in furorem versum fuisse, contumeliam videtur inferre Christo, & ferri hic nullo modo potest. Neque enim ulla praecessit causa, cur Christus tantopere commoveretur, ut aestu ac furore quodam abreptus esse videretur, sicut factum est cum Publicanos e templo fugavit. Alia igitur quaerenda est interpretatio. Mihi quidem hic locus ita exponendus videtur: *Dicebant enim, quod egressus fuisset ex domo.* Nihil hac interpretatione planius ac simplicius. Confluebat in domum, in quam Christus cum suis intrarat, ingens populi multitudo, ita ut Apostoli, qui toto die plurimum laboraverant, reficiendi corporis locum ac spatium non haberent. Quare, ut turbam eluderent, finxerant Dominum e domo egressum fuisse. Ipsi igitur foras egressi sunt, ut illum tenerent; domumque reducerent. Simulabant enim se Jesum quaerere, ut fidem facerent multitudini illum e domo exiisse. Atque ut obiter moneam, notare licet in hac narratione exemplum insigne piae fraudis & officiosi mendacii: nec est, quod quis dicat, id quidem ita esse juxta interpretationem nostram. Etsi enim vulgatam sequimur versionem, admittendum necessario est hoc loco in Apostolis genus illud simulationis.

CAPUT VIII.

Athanasius correctus.

Mendosus est locus Athanasii in libro de Synodis Arimini & Seleucia pag. 884. ubi blasphemias Arii refert: Ἰσὼν δὲ οὐδὲ γυνῶν δυνατὸς εἶναι ὁ κρείττων. διαφορώτερον δὲ ἢ κρείτ-

rum confluisse audivissent ejus propinqui, egressi sunt, ut eum tenerent: dicebant enim homines, eum mente non amplius constare. Adeo ut verba illa ὅτι ἐξέστη ad populum referenda sint. Nam scrupulus ille, quem sine causa fingunt, & de quo sollicitus etiam videtur Valesius, de injuria & contumelia, si sic interpretemur, Christo intata, non magni videtur esse momenti, neque retinuit etiam Raphelium, quovix quisquam ex antiquis Scriptoribus utiliore Novo Testamento navavit operam, quin in Adnotat. Philolog. ex Polyb. & Arrian. in N. T. ad h. l. iisdem vestigiis insisteret. Ille enim pag. 122. & seqq. prolixè ostendit, verbum hoc accipiendum de tali animi mutatione, qua quis ex statu mentis dejicitur, vel ita commovetur, ut sanus non appareat. Plures super hoc loco interpretum disensiones apud Celsb. Wolfium videri possunt.

ἢ κρείττονα ἢ μείζονα. ἔχῃ θεῶν θελήσει ὁ υἱὸς ἡλικῶς καὶ ὁσῶς ἐστίν, ἐξ ὅτε καὶ ἀφ' ἑ, καὶ ὅτε τότε οὐ καὶ θεῶν ὑπέστη. Nihil erat facilius, quam hunc locum restituere, mutata tantum distinctione in hunc modum; ἢ μείζονα ἔχῃ. id est, pater potest quidem aequalem filio generare, praestantiorē vero ac meliorem ἔ majorē non potest.

CAPUT IX.

Atticus & Critobulus apud Hieronymum quinam?

Scripsit Hieronymus dialogos tres adversus haeresin Pelagianorum, in quibus Critobulum quidem ex parte Pelagii, Atticum vero pro Catholicis loquentem inducit. Et nomina quidem ipsa ab Hieronymo ficta esse adparet: Sed tamen non sine ratione ac certo quodam judicio his eum nominibus usum esse credendum est. Videamus igitur, quid haec nomina sibi velint. Atticum quidem pro Catholico posuit, vel eo quod Atticus Constantinop. Episcopus Pelagianos in urbe regia clandestinis artibus grassantes convicit ac repulit, ut testatur Prosper in lib. adversus Ingratos: vel eo adludit Hieronymus, quod olim Attica fides proverbio celebrata est. De Critobulo difficilior quaestio. An Critobulum vocavit Pelagianae haeresis defensorem, quasi fallacem ac mendacem, cujusmodi sunt ingenio Cretenses: atque ita *Cretobulus* scribendum fuerit. An potius *Cryptobulum* scripsit Hieronymus, cum designare vellet Pelagianos, qui sententiam suam callide occultabant. Id certe peculiare fuisse Pelagianis testatur idem Hieronymus tum in illis dialogis, tum in epistola ad Ctesiphontem adversus Pelagianos his verbis, Pelagium adloquens: *Nosti enim quid intrinsecus discipulos tuos doceas, aliud ore commemorans, ἔ aliud celans conscientia: & rursus in fine epistolae: Aliud audiunt cubiculorum tuorum secreta, aliud Rostra populi &c. Eunomiani, Ariani, Macedoniani, nominibus separati, impietate concordēs nullum nobis laborem faciunt: loquuntur enim quod sentiunt. Sola haec haeresis est, quae publice erubescit loqui, quod secreto docere non metuit.* Quin etiam Prosper in libro de Ingratis idem saepius notat, ut cum dicit de Attico: (a)

*Quid loquar ἔ curam, magna quam gessit in urbe
Constantinopoli, docto bonus ore sacerdos
Atticus, antiqua legatos haereticorum
Confutando fide? de qua tunc impia corda,
Quamvis se obducto tegerent velamine, forma
Judicii, ἔ tacitae tulerint tormenta repulsae.*

Et paullo post de Augustino loquens:

*Nam quocunque gradum convertit callidus hostis
Quaque per ambages anceps iter egit opertas,
Hujus ab occurſu est praeventus &c.*

C A.

(a) Pag. 665. & 666. inter Poetas Christianos a Georgio Fabricio editos, ubi habetur elegans illud pro aetate, qua vixit, Prosperi de Ingratis carmen, ex quo versus hos adfert Valesius. Scripsit autem illud Prosper contra Pelagianos & semi-Pelagianos, quos ita vocat tamquam erga gratiam divinam ingratos. Vid. Vossium Lib. I. Hist. Pelag. Cap. 18.

CAPUT X.

Hieronymus explicatus.

Obscurum est, quid sibi voluerit Hieronymus in praefatione ad Ezechielem, cum ait: *Scorpiusque inter Enceladum & Porphyrum Trinacriae humo premitur, & Hydra multorum capitum contra nos aliquando sibilare cessavit &c.* ego (a) Rufinum hic designari non dubito, qui post captam a Gothis urbem Romam, de cujus excidio hic loquitur Hieronymus, in Siciliam se contulit, ubi Origenis libros, quibus librum Numerorum exposuerat, in Latinum sermonem convertit. Id testatur ipsemet Rufinus in praefatione ad Ursatium, quam manuscriptam habeo ex Bibliotheca Bigotiana. Porro Hieronymus ideo Porphyrum junxit Encelado, quod Porphyrus durissimus hostis nominis Christiani vixit in Sicilia, ibique libros scripsit adversus Christianos. Idem Hieronymus in epitaphio Marcellae, Rufinum similiter scorpium vocat.

CAPUT XI.

Hieronymus correctus.

IN epistola Beati Hieronymi ad Paulinum de institutione monachi, leve mendum est, quod miror a doctis interpretibus non esse sublatum. Sic enim ait Hieronymus: *Si crucis & resurrectionis loca non essent in urbe celeberrima, in qua Curia, in qua aula militum, in qua scorta, mimi, scurrae, & omnia sunt, quae solent esse in caeteris urbibus &c.* Ego non dubito, quin scripserit Hieronymus, *in qua ala militum*. Erant enim equites Mauri Illyriciani in urbe Aelia sub dispositione ducis Palaestinae, ut testatur Notitia imperii Romani. Curiae autem nomine intelligit Hieronymus senatum municipalem, sive ordinem Decurionum.

C

CA-

(a) Non latuit hoc G. J. Vossio, qui Lib. I. Hist. Pelag. Cap. 3. pag. 9. adducto eodem hoc Hieronymi loco ad verba illa haec notat: „Nam per Scorpionem signat Rufinum, quem similiter vocat in fine Epist. LIX. ad Avit & Epist. XVI. ad Princip. ubi scribit, Origenis libros *πρὸς ἀρχαί* manu „scorpii, hoc est, Rufini, fuisse emendatos. Etiam Pagius in Critica ad Baron. ad A. C. 302. §. 10. Scorpii nomine Rufinum, qui capta Roma in Siciliam se receperat, intelligi notavit. Eundem hunc Rufinum Hieronymus, quando in eum invehitur, alio titulo non minus acerbo alibi vocat *Grunnium*, ut monuit Vossius ibid. pag. 6. vid. etiam Noris. Hist. Pelag. Lib. I. Cap. 2.

CAPUT XII.

Jul. Pollux emendatus.

Julii Pollucis Onomastico operam commodabimus, quod quidem corruptissimum ad nos pervenit. Ac primum monendus est lector de Operis titulo, plurali effe-
rendum videri, quemadmodum jubent manuscripti codices, in quibus titulus ita
conceptus est, *ὑπὸ τῷ Πολυδῶντι ὀνομαστικῶν*. Unde etiam illud apparet, hos Pollu-
cis libros ex majori opere excerptos esse. Sane Graeci hujusmodi libros (a) *ὀνο-
μαστικά*, sive *ὀνομαστίαις* vocabant, ut videre est apud Hesychium in voce *ἁμῶν*.
Porro hi libri longe a lexicis differebant: nam Lexica quidem *κατὰ σοιχῶν* proce-
debant, & singula nomina ordine alphabetico explicabant: *ὀνομαστικά* vero omnia
simul nomina, quae ad idem argumentum pertinent, collecta referebant, addita
plerumque obscuriorum nominum explicatione. Id quod manifeste apparet ex Try-
phonis *ὀνομαστικῶν* libro, quem laudat Athenaeus in Libro XIV. Cap. 2. omnes enim
ἀυλῆσων species, seu cantationum ad tibiam, simul commemorat Trypho, quem-
admodum videre est apud Athenaeum. Itaque onomastica seu vocabularia sunt
veluti penu quoddam ac thesaurus nominum atque verborum ei, qui ad eloquen-
tiam aspirare vult, utilis inprimis ac necessarius; cum lexica seu dictionaria Gram-
maticis fere solis conveniant, & ad interpretationem solummodo conducant.
Proinde non alienum fuit a Polluce, qui sophista erat & eloquentiae Magister, ono-
mastica conscribere, quippe quae maximo usui sint ad facundiae gloriam compa-
randam.

CAPUT XIII.

Julius Pollux correctus.

Nullum hic librorum ordinem servare constitui: itaque primo saltu veniamus ad
librum IX. Cap. 6. sect. 74. in quo Pollux de variis nummorum vocabulis
differit, aitque inter caetera nummi genus apud antiquos fuisse, quod *κόρη* dice-
retur: idque ut probet, Hyperidis testimonio utitur. Sic enim habet: *ὡς Ὑπερί-
δης τῷ παιδίῳ τῷ ἐν Βεργύρωνι ἱερείας τῷ ἀναθημάτων τι λαβόντι παρεβληθῆναι λέγων ἐπὶ
πυρρῇ συνήσει κόρην*. Scribe meo periculo, (b) *ἐπὶ πείρᾳ συνήσεως*. id est, ut cum Hy-
peri-

(a) De hac re, & discrimine inter Onomastica, Lexica, Glossaria &c. videri merentur, quae prolixè
differuit Cl. Hemsterhusius noster in erudita ad Pollucem Praefatione pag. 33. & seqq.

(b) Ita etiam Kuhniius correxit in notis ad ipsum Pollucem, & ad Aelian. Lib. V. Cap. 16.

perides dicit puero sacerdotis Brauroniae, qui ex donariis templi aliquid suffuratus fuerat, oblatam esse a Judicibus Coram, ut prudentiae ipsius periculum facerent. Sed ex Hyperidis verbis colligi nullo modo potest, κόρην nummi genus fuisse. Nec dubito quin erraverit Julius Pollux, qui κόρην pro nummo accepit, cum nihil aliud significet in eo Hyperidis loco, quam puppam. Nam cum Judices experiri vellent prudentiam pueri illius, qui donarium suffuratus fuerat, objecerunt illi hinc puppam, illinc donarium aureum: & cum puer, spreta puppa, aurum apprehendisset, damnatus est a Judicibus tanquam sacrilegus, nec veniam aetati pueri dederunt, quippe qui sciens ac prudens peccavisset. Hanc eandem historiam uberius refert Aelianus in Libro V. Variarum Historiarum Cap. 16. cum puer, inquit, auream laminam, quae ex Dianae corona deciderat, sustulisset, non latuit. Judices igitur crepundia & talos puero proposuerunt, & auream laminam; qui cum iterum ad aurum se contulisset, capite damnatus est ut sacrilegus. Vides παύνην ἢ ἀσεργάλας ab Aeliano dici pro eo, quod Hyperides κόρην vocavit: ut jam nullum dubium sit, quin Hyperides in eo loco puppam dicere voluerit.

C 2

C A

Nec dubito quin erraverit Julius Pollux &c.] Difficilis sane est hic Pollucis locus, in quo κόρην vertunt numisma, cum tamen ex loco Aeliani, in fine hujus capituli a Valesio adducto, pateat, optime eum κόρην reddere puppam, Aeliano παύνην, erepundia. Fluctuasse etiam quondam hoc in loco cum viderem Cl. Hemsterhusium, neque satis se in notis ad Pollucem expedivisse, cur κόρας dicta fuerint haec numismata, operae pretium existimavi super hoc loco eruditissimum ipsius Pollucis Editorem amplius consulere. Itaque sequentia haec ad locum hunc illustrandum mecum, qua est humanitate, communicavit, quae Lectori non invidendo: „Si vera est, quam praebet optimus Codex Palatinus, cum quo reliqui conspirant, probavitque Jungermannus, scriptura, *κόρην πετάδραχμον καὶ πετράδραχμον εἶλετο, δόξα διακρίνειν ἥδη τὸ κέρδιον διὰ τοῦ ἀντίστοιχου*, non video, quid aliud ex Hyperidis verbis intelligi possit, quam κόρην ab Atheniensibus quidem adpellari nummum πετάδραχμον atque adeo causa vix erit, cur Pollux erroris accusetur. Neque tamen non fateor, re ipsa, Aelianique loco consideratis, Valesii κόρην obiectam puero puppam explicantis verosimillimam videri sententiam. Quid ergo fiet membranarum lectione, cum qua certe haec explicatio conciliari nequit? Unde porro natum erit in Vulgatis Edd. *Κόρην εἶποις δ' ὅν καὶ πετάδραχμον*, quae vetusti libri plane respuunt. Periclitemur conjecturam, qua non tantum Polluci simul & Valesio consulatur, sed haec quoque difficultas ex parte saltem levetur. In Hyperidis exemplari, quod Polluci fuit ad manus, credamus illam exstinxisse lectionem, quam Onomastici membranae praeferunt: ea mutila librorum errore, unoque & altero vocabulo destituta Pollucem decepit, induxitque ut, quamvis verba ad istam opinionem sponte ducerent, perperam tamen κόρην esse πετάδραχμον colligeret. Deinde lector diligens ex Hyperidis emendatione libro ad marginem adlevit, *ἔψια τ' ἄλλα*, vel *ἄλλα καὶ*, inferenda scilicet inter κόρην & πετάδραχμον. Vox ignorabilis ἔψια natutulo librario ansam dedit invitum Pollucem corruptela sua locupletandi. *ἔψιος δ' ἄν.* inde prodiiit ista vulgarum Edd. lectio. Jam si revera Hyperidem scripsisse ponas κόρην ἔψια τ' ἄλλα, καὶ πετάδραχμον, nodus intricatissimus hoc pacto fuerit solutus, & stabit Valesii interpretatio. ἔψια vero vox quidem rarior & Ionica, sed idem, quod Aeliani παύνην, significans: notant autem veteres in Hyperide & Dinarcho perégrina nonnumquam vocabula reperiri: ideo quae Demosthenis inscribitur adversus Euergum & Mnesibulum oratio, ab aliis Dinarcho potius fuit adtributa, quia in ea *ἐκαλίσειν* Ionicae formae contra morem Demosthenis legebatur: v. Harpocr. in *ἐκαλίσειν*. Valesius in Polluce priori vitio medicum nam adtulisse contentus, posterius ulcus non tetigit. Haec Cl. Hemsterhusius.

CAPUT XIV.

Jul. Pollux emendatus.

IN eodem Pollucis capite. locus est longe corruptissimus. Loquens enim de iis, qui primi nummum percusserunt atque signarunt sect. 83. ait inter veteres parum convenire, εἴτε Φεΐδων πρῶτος ὁ Ἀργεῖος ἐγραφε νόμισμα, εἴτε δημοτικῇ ἢ κυβαίᾳ συνοικήσας, εἴτε Ἀθλουαίοις Ἑλχθόνι &c. Salmasius quidem in libro de Usuris pag. 423. hunc locum sic emendare tentavit; εἴτε Δημῶ ἢ Κεῖα ἢ Κυμαία τοῖς Κείοις ἢ Κυμαίοις &c. quod nulla ratione & auctoritate nititur. Ego vero veram ejus loci emendationem jam pridem deprehendi ex Heraclidis libro de Republ. Cumaeorum: refert is Hermodicen Midae illius Phrygiae Regis conjugem, non solum forma excellenti praeditam fuisse, sed prudentia quoque & industria fuisse plusquam muliebri; primamque omnium nummum percussisse apud Cumaeos, ἢ πρῶτην νόμισμα κόψαι Κυμαίοις. Ex quo apparet scribendum esse apud Pollucem, (a) εἴτε Ἑρμοδίκη ἢ Κυμαία συνοικήσασα τῷ Μίδῳ. Conjecturam nostram confirmat codex manuscriptus Isaaci Vossii, qui hunc Pollucis locum sic exhibet: εἴτε Δημοδίκη ἢ Κυμαία συνοικήσασα Μίδῳ τῷ Φρυγί, παῖς δ' ἦν Ἀγαμέμνων Κυμαίων βασιλέως· εἴτε Ἀθηναίοις Ἑλχθόνι ἢ Λύκῳ, εἴτε Λυδοί &c. Et paulo post idem manuscriptus sic habet: οἱ Μιτυλιᾶσις μὲν Σαπφῶ τῷ νομίσματι ἐνεχραγίζαντο, Χίοι δ' Ὀμηρον, Ἰασεῖς δ' αἰῖδα δελφῖνι ἐποχήμενον. ubi vides, quantum utile sit vetustos libros consulere, nec frustra nos laborasse, ut scriptorum codicum lectionem inquireremus: plus enim invenimus, quam sperabamus; quippe qui non solum nomen conjugis Midae, verum etiam patris illius vocabulum deprehenderimus. Fuit ergo Hermodice seu Demodice Agamemnonis Cumaeorum regis filia.

CAPUT XV.

Jul. Pollux emendatus.

Liber octavus Pollucis vel eo maxime commendabilis est, quod totam paene Atheniensium antiquitatem complectitur; ac praecipue ea, quae ad rem foren-

(a) Emendationem hanc ex Vossiano itidem codice, & eodem Heraclidis testimonio dedit etiam in notis Kuhnii: sed recte monuisse videtur Cl. Hemsterhusius in Heraclide pro Ἑρμοδίκην ex Polluce restituendum esse Δημοδίκην. quamquam perinde esse putet Kuhnii, Hermodicen dicamus, an vero Demodicen, quod Valesium itidem existimasse patet ex ultimis ejus in hoc capite verbis. Demodicen tamen omnino apud Heraclidem reponendum videri censuit Franc. Junius Catal. Artif. p. 73. ubi, postquam integrum Pollucis locum, ut legitur & suppletur in optimae notae Vossiano Cod. MS. protulisset, haec addidit: Hunc locum aliquanto fufius, quam res postulabat, transcripsi, ut erudito lectori qualemcunque gustum insignis MS. exhiberem. Misere interim in emendando is hoc loco semet ipsum torquet Cl. Salmasius de Usur. p. 423.

rensem & magistratus pertinent. Quapropter non mediocrem gratiam a studiosis initurum me spero, si locos quosdam ejus libri corruptissimos emendavero. In Capite igitur IX. sectione 100. agens de Magistratibus quibusdam, qui quadraginta dicebantur, haec habet: οἱ τῷ τεσσαράκοντα πρότερον μὴ ἦσαν τετράκοντα. οἱ περὶ τὰς δέκα δὲ καὶ ἑκατὸν ταῖς ὑπὲρ ταῦτα διατιτταῖς παρεδίδσαν. μετὰ τὴν τῷ τετράκοντα ὀλιγαρχίαν, μέσοι δ' ἀειδμῶ. τῷ τετράκοντα ἢ τεσσαράκοντα, ἐγγύοντο χίλιοι ἢ διακόσιοι &c. quae sic vertit interpres; quadraginta autem, primum triginta soli erant, qui per populum obeuntes, ea quae ad decem drachmarum summam accedebant, difjudicabant: sed quae ultra hanc excedebant, Arbitris transferebant. Post triginta Oligarchiam, medii inter triginta numerum, & quadraginta fuere, mille & ducenti &c. Quis amabo est, qui ex his verbis ullum tolerabilem sensum elicere possit? Ego vero non dubito, quin a Polluce scriptum sit, μετὰ τῇ τὴν τῷ τετράκοντα ὀλιγαρχίαν, μίση δ' ἀειδμῶ τῷ τετράκοντα, τεσσαράκοντα ἐγγύοντο. & post haec scribe a capite, χίλιοι ἢ διακόσιοι. Est enim nova sectio, in qua de mille ac ducentis agit, qui publica munera obibant. Totum igitur hunc locum sic interpretor: Quadraginta olim quidem erant triginta duntaxat, qui per vicos obeuntes, intra decem drachmas judicabant: quae vero eam aestimationem excedebant negotia, ad arbitros remittebant. Post tyrannidem autem triginta virorum in odium numeri tricenarii, quadraginta constituti sunt. Confirmat hanc emendationem nostram Harpocratio, qui sic ait in voce κατὰ δέκα δικάσας. καὶ τῇ κατὰ δέκα δικάσων, ὡς πρότερον μὴ ἦσαν τετράκοντα, ἢ κατὰ δέκα περὶ τὰς δέκα δὲ καὶ ἑκατὸν ταῖς ὑπὲρ ταῦτα διατιτταῖς παρεδίδσαν, εἴτα ἐγγύοντο τεσσαράκοντα, ἐρρηκεν Ἀριστοτέλης &c. De iisdem quadraginta viris loquitur Pollux in libro IX. Cap. 7. sect. 101. ubi de jacta talorum disferit, unumque ex iis Euripidem dictum esse commemorat: ἐπὶ μὴ τοῖς τεσσαράκοντα τοῖς μετὰ τὰς τετράκοντα περὶ τὰς δέκα δὲ καὶ ἑκατὸν ταῖς ὑπὲρ ταῦτα διατιτταῖς παρεδίδσαν Ἀθήνησι συνῆρξεν Εὐριπίδης &c. Eadem habet Eustathius in 'Ιλ. ψ pag. 1289. ἐτέρεα δ' ἐκαλεῖτο Εὐριπίδης ἢ σημαίνεσα τὰ τεσσαράκοντα, ἐπειδὴ δοκεῖ ὁ Εὐριπίδης χιλιῶς εἶναι τὴν ἀδελφίαν τεσσαράκοντα προσατῶν μετὰ τὴν κατάλυσιν τῇ τριάκοντα. De iisdem loquitur etiam Demosthenes tum in oratione adversus Timocratem, tum in ea adversus Pantaeneturum.

CAPUT XVI.

Ful. Pollux emendatus.

IN eodem Capite VIII. sectione 98. similis fere error est superiori, quem in praecedenti Capite notavimus: confusae enim sunt inter se sectiones duae, & initium sectionis tertiae decimae ad duodecimam pertinet. Proinde sic scribendum est.

C 3.

(a) Ita etiam ex Codd. MSS corrigendum esse monuerunt Jungermannus & Kuhnus. Valesius autem hanc emendationem etiam dederat in notis ad Harpocrat. pag. 43. Ed. Blancard. ubi pleraque eadem, quae in hoc capite, habet.

est. (a) Ἀντιγραφὸς πρότερον μὴ αἰρετός, αὐθις ᾧ κληρωτός ἦν. ἢ πάντα ἀντεγραφέα παρεκαθήμην τῇ βελῇ. Δύο δὲ ἦσαν, ὁ μὴ τῇ βελῇ, ὁ δὲ τῇ διοικήσεως. Postea scribe a capite.

Λογισαί

καὶ τέτοις &c. quam quidem emendationem, seu potius distinctionem, aperte confirmat Harpocratio in voce Ἀντιγραφὸς ex his porro, quae tum in hoc, tum in superiori capite notavimus, satis apparet titulos sectionum in recto casu concipi debere, non ut vulgo editi sunt, πρὶ λογισῶν, & similiter.

CAPUT XVII.

Artemidorus explicatus.

Elegantissimus est Liber Artemidori de interpretatione somniorum. Nam & plurimos continet ritus Graecorum pariter ac Romanorum; &, tametsi argumentum ipsum tenue est ac futile, serio tamen & magno cum iudicio pertractatur. Sed dolendum est, quod liber ille de interpretatione somniorum, malum interpretem sortitus est, qui somnia sua interdum lectori proponit versionis loco. Exemplo fit hic locus ex Lib. I. Cap. 58. ubi docet Artemidorus, quid significet in somnis praeconium exercere: πλὴν ὅτι τὰς δέλας εἰ χάριτι τῷ δεσποτῶν ἐλευθεροῖ ἀναφωνήσαντας ἐλευθερωθῆναι λέγει. Quae verba Joannes Cornarius ita vertit: praeconem agere eadem quae buccinare significat. Praeterquam quod servos invitis dominis liberat, & praeconio publico liberatum iri dicit. Non intellexit Cornarius quid esset ἀναφωνῆσαι, ideoque hunc locum perperam interpretatus est. Est autem ἀναφωνῆσαι, proclamare in libertatem, ut loquuntur Jurisconsulti in titulo de liberali causa, quo sensu usurpatur a Plutarcho in Ciceronis vita (pag. 874, D.) ubi de quodam M. Gellio loquitur, qui servili genere ortus ferebatur: is cum literas quasdam in senatu recitaret magna voce; Nolite mirari Patres Conscripti, (inquit Cicero) hic enim unus est ex iis, qui in libertatem proclamarunt: ἢ αὐτοὶ εἰς ἐστὶ τῷ ἀναφωνηκόων & ita interpretandum esse Plutarchi locum primus monuit Cujacius, teste Frederico Morello in notis ad Dionem. (p. 76.) Johannes Chrysost. in oratione 6. adversus Iudaeos, ἀναβοᾶν ἐλευθερίαν pro eodem videtur posuisse: sic enim ait; ἀν σὺ τῷ οἰκέτῳ μασιζῇς τὸ σὸν, εἰτα ἐκείνῳ τριάκοντα, ἢ πενήκοντα λαβὼν πληγὰς, ὁ δὲ ἐλευθερίαν ἀναβοήσῃ.

C A

(a) Hanc itidem correctionem dederat Valesius ad Harpocratem. pag. 8. & illic monuit verba illa ex Sect. 99. Δύο δὲ ἦσαν &c. conjungenda esse cum superiori Sectione.

CAPUT XVIII.

Artemidorus emendatus.

IN eodem Libro Cap. 66. ubi de lavacris agitur, locus est asterisco notatus. ἄγωνίαν ἢ δαίμα τ' ψυχῆς legendum videtur (a) δαίμα ait enim Artemidorus lavacrum in somnis portendere animi anxietatem & timorem, eo quod inter lavandum color cutis mutari solet & pallorem contrahere. In Capite 30. quod est de re venerea, ubi legitur γυναιξὶ ἢ ἑταίρῳ ταῖς ἐπὶ ναυσηταῖς ἐσώσας μίγνυθ' &c. scribe meo periculo, ἐν (b) κασσιόχοις. Sic antiqui vocabant lupanaria, & meretrices κασσιόχους dicebant etiam κασσιόχον, teste Hesychio.

CAPUT XIX.

Artemidorus explicatus.

IN Lib. II. Artemidori Cap. 49. ubi recensentur antiqui scriptores, qui de somniis scripserant, graviter allucinatus est Cornarius. Cum enim Artemidorus scripserit veteres illos in suis libris nihil fere praeter Imperia & Curationes Serapidis retulisse (graeca sic habent: ἢ μάλας συνταγὰς ἢ διαγνώσεις τὰς ἀπὸ Σεραπίδος δοθείσας) Cornarius sic vertit: praesertim compositiones medicamentorum ac curationes a Serapide datas. Atqui συνταγὰς nullo modo significat compositiones medicamentorum: sed imperia, & iussus, & praecepta, quae consulentibus dabat Serapis; ut videre est in orationibus sacris Aristidis. Atque interdum Serapis non pharmacum ullum, sed lavacrum, aut quid simile praecipiebat: & hoc sensu συνταγὰς usurpat Artemidorus in Lib. IV. Cap. 24.

In Cap. 62. ejusdem libri corrigenda est interpretatio Cornarii; αἱ δὲ τὶ οἱ νεκροὶ λαμβάνουσιν οἷον νεκροὶ συνίδενται, ἀσύνφορον. Vertit Cornarius: si vero acceperint quid tale mortui, qualia mortuis dicantur, incommodum est. Quin potius vertendum fuisset, qualia cum mortuis condi solent. Sic in Lib. IV. Cap. 24. usurpat Artemidorus. Cum mor-

(a) Rigaltius in Notis exhibet ἢ πὶ δαίμα; unde fecit ἢ πὶ δαίμα. Sed verissima est Valesii emendatio & explicatio.

(b) Eandem etiam in hoc Artemidori loco emendationem, quae indubitata est, fecerat Heraldus notis ad Anob. Lib. II. pag. 106. eamque pluribus adstruit in Observ. & Emendat. Cap. 33. Tom. II. Thef. Jur. Hesychii locus eam egregie confirmat; Κασσιόχοι, κασσιόχοι, πόρνη· Κασσιόχοις, οἰκοῖς ἐφ' αἷμα ἰσχυρὰ καθίσταντο, ὅθεν καὶ τὴν πόρνην κασσιόχον εἶλεον. & paullo post κασσιόχον explicat πόρνην ex quibus patet falli Scaligerum ad Catalecta pag. 228. qui depravata Artemidori κασσιόχοις explicat, & eadem esse putabat, quae εὐσεργὴ apud Aristophanem dicuntur.

mortuis autem condi solebant vestes, arma & similia, ut in funere Pallantis apud Virgilium. (a)

CAPUT XX.

Artemidorus correctus.

IN Lib. III. Cap. 31. de Imaginibus, ait Artemidorus imagines in somnis visas, liberos significare, itemque voluptatem ejus, qui viderit: liberos quidem, eo quod liberi imago sunt parentum: voluptatem vero, eo quod omnes imaginibus delectentur. Graeca sic habent, διὰ τὸ ἐπαγγέλλεσθαι πάντας εἰκόσιν. Scribe omnino (b) ἐπαγγέλλεσθαι. qua voce utitur Artemidorus in Cap. 70. Libri V.

CAPUT XXI.

Artemidorus emendatus.

IN Lib. IV. ejusdem Artemidori, Cap. 3. locus est quidam prava interpunctione corruptus, quae interpreti tenebras offudit. Agens enim Artemidorus de principiis

(a) Initio libri XI. Aeneidos, ubi Pallantis exsequias describit. Locus autem adritum hunc faciens, quem respexit Valesius, est v. 72.

Tunc geminas vestes, auroque ostroque rigentes

Extulit Aeneas & seqq.

Cui similis est locus ex Lib. VI. AEn. 221. in funere Miseni

tum membra toro defleta reponunt;

Purpureasque super vestes, velamina nota,

injiciunt.

Illustis de hoc more locus est apud Aelian. Lib. VII. Var. Hist. Cap. 8. πάντα αὐτῶ εἰς τὴν πυρὰν ἐπέβαλε, καὶ χρυσὸν καὶ ἀργύρον τὰ τεκμήρια συνέπηξε, καὶ ἐστῆκε τὴν μέγα πύραν ἐν Πέρσαις. Arma ipsi in pyram infecit, et aurum atque argentum simul cum cadavere consumpsit, itemque vestem illam pretiosissimam apud Persas: ubi quaedam habet Perizonius. Sed de ritu hoc satis noto & a Viris Doctis abunde observato plura notare non adinet, ne aliorum scrinia compilem, ad exemplum capitalis illius in re Literaria Autolyti, Lamperti Alardi, qui in notis ad Valer. Flac. Lib. III. v. 312. multa congeffit de hoc veterum more, sed quae omnia, ut ubique facit, pudendum in modum atque importuno latrocinio totidem verbis, & omnibus veterum locis, ne ordine quidem immutato, descripsit ex Kirchmanno Lib. III. de Funerib. Roman. Cap. 5. quod insigne ejus plagium addi meretur illis, quae de Literario hoc pirata collegit Broukhufius ad Propert. Lib. II. El. 7. v. 17 ubi ingentem Alardi furtorum seriem & catalogum exhibet. Sed haec ἐν παρὶσι.

(b) Ita etiam in hoc Artemidori loco corrigendum Vidit Vir Clarissimus & egregium quondam in hac Academia Musarum Graecarum decus Lamb. Bos in Observat. Critic. Cap. XXI. pag. 103.

piis & elementis artis suae, ait quaecunque ab hominibus aguntur, ea partim artificiose fieri, partim inartificiose. Artificiose quidem agunt, qui periti sunt; inartificiose vero inperiti. Artem vero definiunt, collectionem ex multis meditationibus, quae utilem aliquem finem propositum habent. Haec est sententia Artemidori, qui hanc definitionem a Stoicis mutuatus est. Scribe igitur in graeco textu: αἰτεχνῶς ἢ οἱ μὴ τέχνην ἢ σύστημα. Paulo post in eodem capite lege: Ἀρεσείδης ὁ νομικὸς καίτοι ἔδωκε ἔχων &c.

In Cap. autem 24. quod est de praeceptionibus Deorum, qui certas curationes aegris praecipiebant (sic enim συναγωγὰς interpretari oportet) graviora sunt menda, quam ut conjectura sanari possint. Conabor tamen pro virili parte opem aliquam adferre. Ait igitur Artemidorus plerasque hujusmodi praeceptiones, quas quidam in literas retulerunt, prorsus ridiculas esse, quippe cum documenta sint scriptorum otio abutentium, non autem visa, quae aegrotis hominibus missa sunt a Diis immortalibus ad eorum curationem. Verbi gratia, cum nescio quis scribit praeceptum esse cuidam, per hiemem ut iusculo Nereidum uteretur, hic mihi Chelas Pelamidum prae caeteris optimas & jucundissimas videtur existimare: eadem ratione, Jovis cerebrum, id est, Galli Gallinacei; & Indos mordentes praeceptos esse ajunt, id est, piper, eo quod piper nigrum est, & palatum mordet: similiter lac virginis, & astrorum sanguinem, pro rore: denique ovem Creticam pro malo Cydonio. Haec sententia est Artemidori, sed verba ejus corrupta sunt, quae sic restituo: ὅτι ἢ ἄς ἀναγεφθεοὶ τίνες &c. mox scribe meo periculo, ὅταν γὰρ τις λέγει Νηρηίδων ζωμὸν &c. jam illa, quae sic hodie leguntur, ἢ πελωρεῖς ἐγκέφαλον, ἢ ἀλεκρῶν, fortasse sic restituenda sunt, ἢ Διὸς ἐγκέφαλον, ἢ ἀλεκ. proverbialis fuit locutio de eduliis quibusdam admodum raris, Διὸς ἐγκέφαλον, ut tradit Hesychius.

(a) Ennius de scaro pisce:

sed quid

Scarum praeterii, cerebrum Jovis paene supremi.

Quod si cui haec emendatio minus arridet, possit etiam legere ἢ Πέρσας ἐγκέφαλον nam Gallus a Graecis μηδικὸς ὄρεως est appellatus. In sequentibus minor est difficultas: nec enim dubium est, quin Artemidorus scripserit πέπερι ὅτι μέλαν &c. item ἄσπερον αἶμα, δρόσον. Sequenti pagina locus est mendosus: ἢ δὲ πὸ ἱερῶν, ἢ ἐμπύρων, εἰ λαβόντες, αὐτὸ φέροισιν lege meo periculo: ἢ δὲ πὸ ἱερῶν ἐμπύρων ἢ λαβόντες, αὐτὸ φέροισιν. &c. id est, aut ex sacris victimis quae adolentur, aliquid auferentes, domum re-

D

por-

(a) Hic Ennii versus legitur apud Apulej. Apolog. I. pag. 335. Edit. Colvii, quem vide in notis p. 253. praecipue Scip. Gentilem pag. 202. Hoc autem proverbium Διὸς ἐγκέφαλος, Jovis cerebrum, de lautitiis & deliciis omnes Paroemiographi interpretantur, & tradunt apud Persas similiter lautas epulas Jovis cerebrum vocatas esse. Vid. Erasmi in Adagior. Chiliadib. pag. 444. & Schottum ad Zenob. Cent. III. Prov. 41. apud quos tamen vitiose in hoc Ennii versu legitur, Quid sacrum praeterii &c. Suidas etiam hoc proverbium ita explicat: Διὸς ἐγκέφαλον. ὅ καλῶσι βρώμα, ἃ τὰ λέγουσι οἱ Πέρσαι ἐπὶ τῶν ἡδυπαθῶν, ἢ βασιλείας ἐγκέφαλον. Hesychius tamen, quem hicin rem suam adfert Valesius, non de lautitiis & eduliis delicatis, sed de rebus admodum divinis hoc proverbium interpretatur ex testimonio Clearchi, cum contra Zenobius utatur ejusdem Clearchi testimonio ad priorem explicationem adstruendam.

portent &c. ἑμπύεα Graeci vocabant victimas, quae adolebantur, ex quibus signa & auspicia captabant, ut scribit Suidas. Paulo ante ubi de Frontone loquitur, qui cum arthritide laborans curationem a Diis poposcisset, visus est sibi in somnis deambulare in suburbiis, καὶ περπολήσει χρησάμενος παρηγορήθη, scribendum videtur περπολήσει.

CAPUT XXII.

Artemidorus correctus.

ELUamus nunc alteram maculam ex Cap. 51. Libr. IV. Μένανδρος ἐν Ἑλλάδι ἔδοξε ἐν εἰσχυρῶδες ἑμπροσθεν ἱερῶ Διὸς πόλεως. Scribe omnino Διὸς πολιέως quo nomine Jupiter ab Atheniensibus cultus est.

Veniamus ad librum quintum, Cap. 5. ubi narrat Artemidorus, somnium cuiusdam, qui sibi visus erat in somnis liquidum sinapi bibere: infaustum ait fuisse somnium reo, qui caedis accusabatur, & causam hanc reddit: καὶ μὴ τὸ διακινῆναι πρότερον ὑπὸ τῇ λεγομένη ἰθυμῇ: id est, percolatum sinapi bibit: ἰθυμός colum significat, ut est in veteribus Glossis. In Cap. 56. ejusdem libri. Δραμῶς ἐν Ὀλυμπίᾳ, παίζων σάδιον ἐσεφαιωμένῳ. Scribe παιδῶν σάδιον. Erat enim duplex certamen, puerorum scilicet & virorum. Redeamus ad librum primum, in cujus Capite 56. quod est de ephebis seu tironibus scribe, ἐνδημον γὰρ χρὴ εἶναι ἢ ἐφηβον, ex Suida: paulo ante scribe, ὃν περὶ τὸ τόπον ἐξελάζειν χρὴ in fine Capituli emenda, περὶ μὴ ἐγκρίσεως. Quid sit ἐγκρίσις athletarum docet Artemidorus in Lib. I. Cap. 61. Haec pueris proprie conveniebat: hi enim examinabantur, an aetatem idoneam ad certandum adtigissent, an eam excessissent: qui adtigerant, admittebantur a Judicibus, idque ἐγκρίνεσθαι dicebatur; cui contrarium erat ἐκκρίνεσθαι. Caeterum in illo Cap. 61. scribendum est ἀθληταῖς ἢ παισὶ μὴ ἐκ ἐπίσημον &c. & mox lege, τὸ ὃ δοκεῖ ἐκκρίνεσθαι &c. item Ὀλυμπιάσιν ἐκκρίνεσθαι. in Cap. 57. ubi legitur, ἀλῆρες ἢ, καὶ τὰ ἴδια τέτων γυμνάσια, scribe, καὶ ἡ διὰ τέτων γυμνάσια.

CAPUT XXIII.

Menander Rhetor correctus.

INter Graecos (a) Rhetoras, olim ab Aldo Manutio editos, est Menandri Rhetoris liber admodum corruptus. Nam ut ab ipso libri titulo incipiamus, quid sibi volunt haec verba? Μενάνδρος ῥήτορ γενεθλίων διαίρεσις τῶν ἐπιδεικτικῶν; forte legendum est περὶ γενέθλιον, vel sane ἡ γενεθλίς. Fuit enim Genethlius Sophista celebris

(a) Valesium emendandis Rhetoribus Graecis operam dedisse patet ex illis, quae in his capitibus ab eo adferuntur, tum quod notata sua ad decem Rhetoras citet ad Harpocraton. pag. 57.

lebris circa tempora Gallieni, aemulus Callinici Saphistae cognomento Sutorii, discipulus Minuciani Saphistae, ut testatur Suidas.

In capite quomodo laudandae sint Urbes a genere seu a Conditoribus pag. 600. haec habet verba: ἡ τρίτη διαίρεσις κατὰ τὰ τελικὰ καλέμενα ἢ τὰ κεφάλαια. τὴ μὲν τοίνυν δικάζει, τὸ κατ' ἀκριβείαν. ὅτι οἰκίσας αὐτὴν νομίμως, ἀνέθηκε τῷ Ἀπόλλωνι. εὐσεβὲς γὰρ τὸ εὐσεβεῖς δίκαιον. Quae sunt corruptissima, ut cuiusvis adparet. Sic autem emendanda mihi videntur: τὸ κατὰ ῥήναιον, ὅτι οἰκίσας αὐτὴν ὁ Μίνως ἀνέθ. τῷ Ἀπ. εὐσεβείας ἕνεκα. τὸ γὰρ εὐσεβὲς δίκαιον. (a) Rheneae insula est Delo vicina: quam condidit Minos, id est, colonis frequentavit, & Apollini consecravit.

In Capite, quomodo Urbes laudandae a studiis & institutis, corrupta sunt haec verba: ὅπερ ὁ Δίων ἐν τῷ παροίμῳ ἐπιγραφομένῳ πεποίηκεν. Scribendum puto ἐν τῷ Ταρσικῷ. Nam in Tarficâ Oratione perstringit Dio pravam quamdam Tarsensium consuetudinem, planeque inmodestam & indecoram, cui dediti erant ipsi etiam pueri, ut ait pag. 404. & in eadem Oratione pag. 408. laudat antiquam disciplinam Tarsensium, praecipue in vestitu mulierum, quae vultu velato incedebant.

Paulo supra, ubi de methodo laudandi Respublicas differit, ἢ Ἀριστοτέλης ἐν τῷ ῥωμαϊκῷ νόμῳ. ultima vox expungenda est: intelligit autem Menander orationem Aristidis, quae hodie inscribitur, Encomium Urbis Romae. Quae mox sequitur lacuna, sic supplenda est: ὅπερ γὰρ μοι εἰρήλαι, κατὰ τὰς Ῥωμαϊκὰς νόμους ἀπασαὶ διοικεῖν πόλεις. ait enim Menander parum abesse; quin totus ille locus laudationum, qui ex legibus ducitur, inutilis hodie sit & otiosus; nam ut dixi, cunctae urbes Romanorum legibus utuntur: quae verba sine dubio referuntur ad superiorem locum, qui nunc non est ad manum. Sed sequente pag. 608. idem repetit Menander his verbis: ἀλλὰ τὸ τῶ νόμων ἐν τοῖς νῦν χρόνοις ἀχρηστον. Κατὰ γὰρ τὰς κοινὰς τῶ Ῥωμαίων νόμους πολλοὺς μεθεῖν θέσει ἢ ἀλλή πόλεις ἀλλοις χρῆται &c. Illud praeterea notandum est, opus hoc Menandri divisum fuisse in tres libros. Primus agit de laudibus Deorum, cujus caput ultimum est, περὶ ἀπεικλικῶν ἢ περὶ στυλίων, ut ipse Menander testatur in fine

D 2

hu-

(a) Rheneae insula est Delo vicina &c.] Egregia est haec & verissima Valesii emendatio de insula Rheneae Delo vicina. Quod autem in hoc Menandri loco, ita ut hîc corrigitur, Minos dicatur Rheneam insulam condidisse, seu colonis frequentavisse, id quidem non additum invenio apud Auctores veteres, qui insulam hanc descripserunt: Non tamen ideo de eo dubitandum, cum notissimum sit, Minoem primum fere maris dominum tenuisse, & omnes insulas maris Aegaei circa Delum jacentes, quae Cyclades vocabantur, adeoque & hanc insulam Rheneam, sibi subiecisse & incolis frequentasse. Vid. Meurs. Lib. III. Cretae Cap. 3. deinde Apollini Rheneam hîc dicitur Minos consecravisse, unde in loco Theocriti Idyll. XVI. v. 20. quem prodixerunt viri docti in descriptione hujus insulae, dicitur de Apolline:

Ἴδον καὶ Ῥήναιον ἀναξ' ἐφίλασεν Ἀπόλλων.

Non aliter Rheneam dilexit Rex Apollo.

Idem & de Polycrate Sami Tyranno tradit Thucydides Lib. I pag. 11. & Lib. III. p. 242. ubi de eo dicit: Ῥήναιον ἐλάν. ἀνέθηκε τῷ Ἀπόλλωνι, τῷ Δελίῳ. quae loca adtulit Holstenius ad Stephan. Byzantinum p. 272. Ceterum insulam hanc Rheneam pluribus egregie nuper descripsit Vir Celeberrimus, & doctrinae pariter atque integerimae amicitiae causa numquam sine honore mihi nominandus, Jacobus Philippus D'Orville, quo eximio Literarum statore ac strenuo vindice merito gloriatur Amstelæ. Eum vide in eruditissima Exercitatione de Inscriptionib. & Antiquit. Deliacis cap. XV. quam inseruit Miscell. Observat. Vol. VII. Tom. I.

hujus Capituli. Secundus liber est de methodo laudandi urbes & regiones. Tertius liber est, quomodo laudandae sint urbes a studiis & institutis, quod docet ipse Menander pag. 606.

CAPUT XXIV.

Menander Rhetor emendatus. Feminae Olympicorum certaminum spectaculo arcebantur. Opuscula Menandri & Alexandri Rhetoris male in unum conflata.

Pagina 608. ubi de modestia agit, ait in quibusdam festis & conventibus mulieres interesse prohiberi, verbi gratia, in Olympicis certaminibus: ἐν ἐνιαυτοῖς ᾗ πανηγύρεσιν εἰδὲ γυναῖκες φαίνονται, ὥσπερ ἐν Ὀλυμπίᾳ. De hac Olympicorum certaminum lege non inutile fuerit adscribere ea, quae olim adnotavi. Valerius Max. Lib. VIII. Cap. 15. Berenices quoque non vulgaris honos, cui soli omnium faeminarum gymnico spectaculo interesse permiffum est, cum ad Olympia filium Euclea certamen ingressam adduxisset, Olympionica patre genita, fratribus eandem palmam adsecutis latera ejus cingentibus. Idem scribit (a) Aelianus in X. Variarum Historiarum libro, Cap. 1. & in Lib. V. de Animalibus Cap. 17. Verum etsi lex faeminas arceret ab Olympicorum certaminum spectaculo, excipiebantur a communi lege Cereris sacerdotes, quibus speciali privilegio concessum erat, ut spectaculis interessent, quemadmodum testatur Suetonius in Nerone Cap. 12. Hinc autem agnoscere licet modestiam veterum Graecorum, qui foeminas ab his spectaculis arcuerunt, eo quod nudi fere athletae in his ludis certarent. Sed quandoquidem de ludis & certaminibus hic mentio est, vitiosissimum de iisdem locum Menandri emendemus: is est pag. 616. ἀπὸ δὲ χρόνων κατὰ μὲν τὴν περίοδον ἐὼν μὲν ὁ νικησὶς, ὅτι οὐ σπανιότῃ ἐστὶ περισπουδάζων, ὥς περὶ αἱ ἄλλαι καὶ συνεχῶς γινόμεναι. εἰδὲν ἐκείνων ἀπολείπεσθαι σεμνότητι, ὥς τὲ λέγει τι, ὥς ἔλευσιν, καὶ νέμεα καὶ ἱσθμία. ἐν ᾗ πενταετηρικῇ, ἢ τετραετηρικῇ, ἢ πλειόνων, ὥς τὰ πύθια, καὶ Ὀλυμπία, καὶ δεδάλαια ἐν πλαταίαις, διήκοντα γὰρ ἄγεται. Scribe primo: ἐὼν μὲν ἢ ἐνιαυσίος, ὅτι ἐπὶ σπανιότητι ἐστὶ περισπένδας, ὥσπερ αἱ ἄλλαι καὶ συνεχῶς γινόμεναι εἰδὲν ἐκείνων ἀπολείπεται. Docet hoc loco Menander, qua ratione laudare oportet sacra certamina, seu mercatus: sic enim Vitruvius appellat, quas Graeci πανηγύρεις vocant. Laudandos igitur eos conventus ait, aut ab iis, in quorum honorem instituti sunt, aut a multitudine

eo-

(a) Ubi historiam Pherenices, (nam ita etiam in Valerii Maximi loco hic adducto scribendum esse monuerunt jam viri docti pro Berenices, quod in aliis est Codd. & exemplar Valesianum iidem habebat) tradit Aelianus, & refert ei concessum fuisse, quia patrem Olympiorum victorem habebat, Olympia spectare, quod aliter feminis erit vetitum, ut adnotavit hic Valesius. Vid. & Potter. Archaeolog. Graec. Lib. II. pag. 414. & Casaub. ad Sueton. Aug. Cap. 44. Cum iis autem, quae de hac Olympicorum certaminum lege hic observantur, confer notata Barthio & Bernartio ad Statium Lib. I. Theb. 424. Ad Suetonii locum exceptionem illam de Cereris sacerdotibus etiam fecit Beroaldus.

eorum, qui eo confluunt, aut a tempore, quo recurrunt. Ac siquidem annua sint certamina, dicendum erit ea magnifici non ex eo, quod raro agantur, sicut alia certamina. Item dicendum erit de illis, quod, licet continue celebrentur, nihilo tamen inferiora sunt iis, quae rarius celebrantur. Quae deinde sequuntur longe corruptissima sunt: sic tamen videntur posse restitui: εὖ δὲ τριετηρικά, ὡς Ἐλευσίνια &c. εἰ δὲ πενταετηρικά, ἢ τετραετηρικά, ἢ πλείονων, ὡς τὰ Πύθια, ἢ Ὀλύμπια ἢ Δαίδαλα τὰ ἐν Πλαταίαις, δι' ἐξήκοντα γὰρ ἐτῶν ἄγεται. De Daedalis, quae sexagesimo quoque anno celebrabantur apud Plataeenses, fuse agit Pausanias in Phocicis. Ab his autem Menandri verbis quae sequuntur, jam Menandri non sunt. Itaque asteriscus notandus est, cum desint plurima ex tertio Menandri libro; & novi libri initium constituendum, cujus auctor est non Menander, sed alius nescio quis. Etenim Menander quidem divisionem suam initio libri primi praefixit, quam quisquis est hic auctor, non sequitur, sed aliam viam insinit, & de hymno rursus praecipit, quasi nihil ante dixisset. Proinde hujus libri auctor esse non potest Menander, sed fortasse (a) Alexander rhetor, is qui de figuris scripsit: incipit enim ὁ Ἀλέξανδρος φησὶ &c. liber certe utilis est, maxime ob exempla, quae adfert. Itaque in eo etiam emendando non male operam nostram collocabimus.

CAPUT XXV.

Alexander Rhetor correctus.

Alexander igitur, (sic enim vocabimus) libro περὶ ἐπιδεικτικῶν Cap. I. quod inscribi debet περὶ βασιλικοῦ λόγου, pag. 613. ubi agit de capitibus, quae prooemium ferui debent, nempe de patria, de genere & de ortu, in ortu id praecipue commemorandum esse ait, si faustum aliquod signum Regis ortum praecesserit, aut circa partum: idque signum ait conferri oportere cum iis, quae Cyro, & Romulo acciderunt, ἢ γὰρ καὶ νῦν οἱ συνέβη τὰ θαυμαστά. τῷ μὲν Κύρῳ τὰ τῆς μητρὸς ὀνειράτα· τῷ δὲ Ῥωμύλῳ τὰ περὶ τὴν λάκαιναν. scribe λάκαιναν. De lupa Romuli nota res est. Pag. 615. ubi de locorum gestarum agit, cum, inquit, veneris ad fortia regis facinora, tunc respirare licet, & in media oratione interquiescere: id enim invexerunt recentiores Sophistae. Licebit etiam fluvio aut regioni vocem tribuere, non secus atque in tragoedia. fluvio quidem, ut Homerus fecit in Scamandro: regioni vero &c. κατὰ δὲ ὁμοίως &c. quis nos videt legendum esse χώρα; Consideret autem lector, an recte verte-

D 3

rim

(a) Dederat jam Valesius hanc opinionem suam in notis ad Euseb. Lib. II. Hist. Eccles. Cap. 6. pag. 54. ubi monet ex duobus opusculis Menandri & Alexandri perperam unum librum fuisse constatum in Editione Aldina, ibidemque promittit se id alibi ostensurum esse; indicans sine dubio hos Emendationum suarum Libros. Vid. Fabric. Bibliothec. Graec. Lib. IV. Cap. 31. pag. 459. Cum vero Aldina illa Graecorum Rhetorum Editio rarissima, & insanum in modum pretiosa sit, loca haec ex Menandro & Alexandro Rhetore, quae in his capitibus a Valesio emendantur, conferendi facultas mihi non fuit, de quo Lectorem admonendum esse ratus sum.

rim priora illa verba: ὅταν ἡ βασιλέως ἀριστείας ἐκφράζη, ἐν ταῦθα καιρὸν ἔξεις· ἢ ἀνεῖναι κατὰ τὸν μέσον τὸν λόγον. ἢ γὰρ ἴστω παρελήφμεν παρὰ τῶν νεωτέρων καινοτομηθέν. Et paulo post eodem verbo utitur, μετὰ δὲ τὴν ἀνεῖναι. Leve est quod monebimus pag. 616. initio: εἰ δὲ ἐπ' αἰτίας ἢ τιμῆς μεγίστης ἡ βασιλεία· scribe βασιλεία, idest, regina, & paulo post, ἢ εἰ συνέσιν αἴτιη, lege, αἴτιη· μέλογανακτεῖον φύλον &c. scribe, ἰδὲ γυναικτεῖον φύλον. Gravius est mendum pag. 616. in ipso Capitis titulo, qui sic habet, διαίρεσις βασιλικῆ, cum scribendum sit, περὶ ἐπιβασιλείας. nam de basilico praecedenti Capite actum est: in hoc agitur de Epibaterio, seu adventoria oratione. In hoc Capite notavi proverbium, quod alibi legere non memini, ἀφ' ἱερῶν ἐφ' ἱερὰ, ὡς ἂν εἴποι τις· &c. pag. 617. cum scilicet prosperis prospera succedunt. Eadem pagina pro his verbis ὅτι ἡ καὶ αἰτιώτης, scribe ὅτι ἰταλιώτης: quae emendatio confirmatur ex sequentibus. In fine autem paginae, ubi legitur πῶς ἐν δημῶς ἐσιν, lege δῆλ' ἐσιν. &c. In eodem Capite pag. 618. πολίτευομένων συσήματα ἢ δῆμ', id est, decuriones & plebs.

CAPUT XXVI.

Alexander Rhetor correctus.

Idem Alexander in Capite περὶ λαλιᾶς, ubi docet quomodo per adlocutionem, sic enim interpretor τὴν λαλιάν, laudandus sit magistratus, sic ait, ἐκὼν ζήλωμεν, ὅποῦ ἐστὶ περὶ βασιλείας. ὅποῦ ἐστὶ καὶ αὐτοκτενῶν πόλεων, ἢ τῶν δημοσίων οἰκοδομημάτων· scribe, περὶ βασιλείας, & καὶ αὐτοκτενῶν τῶν πόλεων, id est, circa fabricas civitatum, & sarta tecta operum publicorum. Paulo post cum de Agesilao dicit, ὡς πεποιημένων τῶν Λακεδαιμονίων τοῖς πράγμασι, legendum est προσάγμασι. In eadem pagina, ubi ait jucundas narrationes & fabulas huic orationum generi, quas λαλιᾶς vocant, maxime convenire, subdit, utendum esse leni & jucunda verborum constructione, qualis est Xenophontis, Nicostrati, Dionis Chrysostomi & Philostrati ejus, qui Heroica & Imagines conscripsit: αἰτῶ δὲ ὅταν ἀπλῆστερα τυγχάνῃ, ἢ ἀσφαλεστέρα. οἷα ἡ Ξενοφώντος, ἢ Νικοστράτου, ἢ Δίωνος τῶν Χρυσόστομος, ἢ Φιλοστράτου τέττα ἡρώικας, ἢ τὰς εἰκόνας γραψάντων· rescribe, ἀπλῆστερα ἢ ἀφελεστέρα, & Φιλοστράτου τὰ ἡρώικα, ἢ τὰς εἰκόνας γραψάντων. In pag. 623. sic supplenda est lacuna, φάσκων ἐξ ἀπογυίου σοι γεγενῆσθαι τὸ σπένδασμα. Porro λαλιᾶς vocabant Sophistae orationes illas extemporales, quas habebant adolescentes, cum e scholis excederent, vel in patria, vel in perviis urbibus declamantes, & tanquam primitias eloquentiae civibus suis dedicantes: quod quidem conjicio ex Alexandro nostro; sic enim ait in hac pagina: πολλὰκις ἡ αἰτιήσεις συγγνώμην φάσκων ὅτι τῶν λόγων τὰς ἀπαρχὰς ἀναθεῖς τῇ πατρίδι ἢ τοῖς πολίταις &c. Idem confirmant sequentia: Ἐρεῖς τι καὶ εἰς τὴν σεαυτὶ πατρίδα, ὡς χρονίως μὴ ἐπανελθῶν ἐπ' αὐτήν &c. sed evidentissime id confirmatur his verbis, quae paulo post sequuntur: καὶ ἡ μνημονεύειν αὐτῶν Ἀθηναίων. ἔξῃς ἡ παράδοξος, ἢ ἱεροφάντων ἢ δαδέρων, &c.

ἢ παναθηναίων, ἢ λόγων, ἢ ἀγώνων μουσικῶν, ἢ παιδευτῶν, ἢ νεολέας: ubi rescribe meo periculo, ἢ ἢ ἸΔ. ἐξ ἧς ἡ ἐπάνοδος. id est, sed Athenarum mentionem facere oportet, ex qua urbe reversus es, & hierophantarum &c. & Magistrorum, & juventutis. Nec tamen hae solae orationes λαλιᾷ dictae sunt, cum sic etiam συνλαλική, & προεμπλική, & ἐπιβαλήριος, & generaliter quoduis argumentum λαλιᾷς convenerit, ut notat Alexander pag. 621. excepto judiciali genere, ut in principio dixit. Id autem proprium habet λαλιᾷ, quod simplici sermone contextitur, nec ordinem ullum servat, & suavitatem voluptatemque narrationum confectatur. Hujusmodi orationum unum, quod sciam, exemplum habemus Aristidis hymnum in Aesculapium.

CAPUT XXVII.

Alexander Rhetor correctus.

IN Capite περὶ ἐπιθλαμῆ pag. 629. ubi de thalamo agit, locus est corruptus & mutilus: πειβομαι ὃ ἢ ἔρωτας παρῆναι. τόξα μὲν ἀντι --- μένους βέλη ὃ ἐφαρμοττοντας. Φαρμάκοις παθῶν τὰς οἰκίδας χρεσσαντες δι' ὧν τὰς ψυχὰς συγχυρόσθωιν ἀναπνεῖν ἀπὸ κήλας. scribendum omnino est: Φαρμάκοις πόθων τὰς οἰκίδας χρεσσαντες. Priora autem emendare difficilior est. Quod thalamum & pastada distinguit, non satis capio, πεπήγασι ὃ πασάδες οἶαι ἔχ' ἐτέρω ποτὲ. Θάλαμῳ ὃ πεποικιλταὶ ἀνθεσι ἢ γεφυραῖς παντοίαις. Thalamum videtur sumere pro cubiculo, πασάδας vero pro geniali thoro. In Capite de consolatoria oratione notandum est, quod ait de Monodia, genus esse funebris laudationis, sed quae non servet ordinem laudationum, cum is, qui Monodiam habet, totus consternatus & quasi mente captus esse videatur, διὰ τὸ μηδὲν αὐτῷ δοκεῖν εἶναι ἢ λέγοντα, ἀλλ' ἐξεσηκέναι ὑπὸ πάθος. Scribendum puto αὐτῷ. Extant Libanii Monodiae complures, ex quibus id perspicui potest, quod ait Alexander; est enim abruptum initium, & confusus ordo.

In eodem Capite pag. 630. ἐκ ἀπειρον καλὸν, scribe uno verbo ἀπειρέσιμον. Contrario errore paulo supra scriptum ἀρεσοποιήτης uno verbo. In Cap. περὶ ἐπιταφίᾳ, lege, ὃ ματαίων μὲν ἐκείνων συμβόλων, non autem συμβόλων. In Capite autem περὶ σφαιρωτικῆς scribe, οἱ ὃ ἀντέχον ἢ δύνανται &c. hujusmodi orationes nullae hodie supersunt, nisi fallor. Harum usus erat, cum civitates legatos ad imperatorem mittebant, qui coronam auream ipsi offerrent, una cum decreto publico, quo hujusmodi honor principi tributus fuerat. Itaque post orationem recitatam orator rogabat imperatorem, ut decretum recitari juberet, quemadmodum hoc loco monet Alexander rhetor. Notandum etiam est, quod ait hujusmodi orationes centum & quinquaginta linearum aut ducentarum numerum excedere non debere. Ἔσω ὃ σοὶ ὁ λόγῳ μὴ πλεονῇ κατὰ πεντήκοντα ἢ διακοσίαν ἐπὶ ὧν. Ubi ἔπη dixit pro lineis, quemadmodum Latini *versus* dicunt. In Capite περὶ πρεσβευτικῆς pag. 634. πολλοὶ μὲν δὲ τὴν χειροτονίαν ταύτην ἐμνημόνευον, scribe ἐμνήστευον, ut sequentia aperte confirmant: id est,

est, multi ambibant hanc legationem. Pag. 635. locus hic mutilus & mendosus est: *ὡς περ γὰρ τῷ ἀπόλλω ποικίλεις ἐδέχεται τοῖς μινθίοις, ἡνῆκα ἔχειν, θεὸς προφανῶς ἐπιδημ.* *εἰς ἀνθρώπους, ἔτω ἢ σὲ ἡ πόλις προσδέχεται* scribe, *τοῖς σμινθίοις* &c. & lacunam sic exple, *ἐπιδημούντας*. De Sminthio Apolline paulo post loquitur in altero exemplo: ejus mentio passim apud Poëtas, cui festa dicata erant Sminthia, in urbe Ilio: de hac enim loquitur passim Alexander in hoc Cap. quod inscribi debet *πρὸς κλητικῆς*, ut patet ex fine Capitis. Sed & Capite ultimo exemplum adfert hymni in Apollinem Sminthium a se ipso, ut adparet, conscripti: ex quo colligitur auctorem hunc Iliensem fuisse.

CAPUT XXVIII.

Alexander Rhetor correctus.

COrrigendus est etiam Alexander in Cap. *πρὸς συντακτικῆς* nam pro *διαδόχης* ἢ *ἱεροφάνειας*, legendum est *δαδῆχης*. Pag. 637. locus est mutilus, *τις γὰρ ἰβηρίσι πρὸς τύχῳ ἢ* *φάγας ἀφικόμενοι* &c. *ἐν ἃν ὑμᾶς περιμήσειεν;* scribe ἢ *εἰς ἡλωτοφάγας* &c. Hiberides insulae sunt fortunatae. Pag. 638. linea 5. post vocem *εὖ φρονῶν* scribendus est majusculis literis hic titulus, *πρὸς μονωδίας*, & deinde scribendum a capite, *Ὅμηρος* ὁ *θαῖος* mox legendum est, *ἀδίκον πρὸς πεπερωμένης νόμον* paulo post *καὶ μὴ τὴν πολιτευομένων* ἢ &c. id est, *si fuerit ex numero decurionum*. Pag. 639. hoc ultimum Caput, quod inscribitur *πρὸς περσοποιίᾳ*, usque ad finem plane alieno loco positum est, cum initio libri poni debuerit, ubi de hymno agitur. Reponatur itaque pag. 612. post illa verba *ὡς Ἀπόλλων τὴν Μεσσηνίαν*. Et haec quidem in Alexandri librum de Demonstrativo dicta sunt: quibus illud etiam corollarii vice addemus, hunc sive Alexandrum, sive alio quo nomine dicendus est, diversum videri ab Alexandro, qui de figuris orationis scripsit. Etenim Alexander is, cujus de figuris liber extat, Alexander Numenius dicebatur: ut testis est Julius Ruffinianus in libro de figuris, qui sic incipit; (a) *Haecenus Aquila Romanus ex Alexandro Numenio*. Liber Aquilae Romani de figuris praepositus est libro Ruffiniani, quem Aquilae librum ex libro Alexandri, qui ab Aldo Manutio editus est, descriptum esse adparet: eundem enim ordinem sequitur Aquila, praesertim in figuris sententiarum, nisi quod exempla adfert Latina. Vixit autem Numenius temporibus Adriani, ut testatur Suidas, qui librum de figuris ab eo scriptum esse ibidem confirmat. Quare Alexander, ille cujus liber de figuris extat, vel ipse Numenius est, vel certe Numenii filius. At Alexander ille, cujus librum de demonstrativo genere emendavimus, longe recentior fuit, quippe qui Philostratum & Callinicum laudet.

(a) pag. 24. inter Rhetores antiquos Latinos a Fr. Pithoeo editos.

CAPUT XXIX.

Charmadas Carneadis discipulus. Salmasius a Petavii reprehensione defensus. Cicero aliquot in locis emendatus; ut & Suidas.

Celebris inter Carneadis discipulos memoria est (a) Charmadae, qui post obitum praeceptoris, una cum Clitomacho scholam obtinuit. Sed nomen ejus fere corruptum in veterum libris remansit, donec Viri doctissimi illud quasi postliminio restituerunt. Primo enim Turnebus in Lib. X. Adversariorum Cap. 16. *Charmadae* nomen reposuit in primo Tusculanarum libro: *quanta memoria nuper Charmadas, quanta qui modo fuit Scepheus Metredorus*, quam emendationem confirmat Plinius in Lib. VII. Cap. 24. & Fortunatianus in Lib. III. Artis Rhetoricae. Deinde Petrus Victorius in Lib. XXXII. Cap. 24. Variarum Lectionum, alterum Ciceronis locum in Oratore correxit: nam cum vulgo legeretur hoc modo: *scitum est enim quod Carneades noster diceret solebat, Clitomachum eadem dicere, Carneadem autem eodem etiam modo dicere*, Victorius ex manuscriptis codicibus restituit *Charmidam*, cum *Charmadam* potius scribere debuisset, pro ut in suo codice reppererat, utque in Palatino exemplari scriptum esse monuit Gruterus. Extitit postremo Salmasius, qui in Exercitationibus Plinianis pag. 50. illorum vestigiis insistens, Ciceronis locum in Lib. 2. de Oratore similiter emendavit. Ibi enim Antonius *se Athenis Carneadem & Metrodorum vidisse* cum dicat, *Charmadam* scribendum esse. Salmasius monet. Contra hanc Salmasii emendationem valide insurgit D. Petavius in Miscellaneis Exercitationibus, Cap. 8. & 9. & argumenta ex ipsius Ciceronis libris opponit. Equidem D. Petavii auctoritati

E

ritati

(a) Quae hic egregie de Carneadis aetate & discipulo ejus *Charmada* observavit Valesius, conferenda sunt cum iis, quae super hoc argumento multis quaestionibus implicito eruditissime contra Petavium itidem scripsit Jonsius Lib. II. de Scriptor. Histor. Philos. Cap. XIV. ubi pag. 189. inter alia argumenta, quibus de aetate Carneadis adversus Petavium disputat, arguet praecipue tempus celebris illius legationis trium Philosophorum a Graecis ad Romanos missorum, Diogenis nempe, Critolai & Carneadis, qui Romam venerunt eo tempore, quo Scipio Africanus, & C. Laelius principes erant civitatis. De qua legatione notavit quaedam Aldobrandin. ad Diogen. Laert. Lib. IV. in vita Carneadis, prope finem. Praecipue vero haec quaestio ventilata est aliquot abhinc annis inter doctos Gallos Foucherium & Lantimum, quorum sententias late exponit Baelius in Lexico Critico in Carneade Tom. II. pag. 63. Ad nomen autem discipuli Carneadis quod adtinet. quem post Turnebum, Victorium & Salmasium, vocandum esse *Charmadam* monet Valesius, & ideo in fine capitis apud Suidam *Xaquadar* legit, in eo adsentientem non habet Jonsium, qui pag. 191. in illis Ciceronis & Plinii locis *Charmidem* reponi jubet, ac Turnebum refellit, eumque lectionem membranarum veterum Plinii, quae *Carmidas* habebant, pessime in suum *Charmadam* transformasse dicit. Ad Codices Plinii quod adtinet, testatur contra Salmasium, qui a Valesii sententia fiat, libros veteres eo in loco habere *Carmadas*, ut emendabat Turnebus, & ita dicendum ex terminatione Graeca ostendit, nempe a *Xáppus* esse *Xaquadar*, verum a *Xáppus* deduci *Xaquadar*. Et hoc equidem rectius esse etiam arbitratur; quamquam sint tamen qui *Charmidam*, aut *Charmidem* non repudient. Sane eâ forma occurrit apud Euseb. de Praep. Evang. Lib. XIV. p. 726. D. & in loco Sexti Empirici, quem profert Gronov. ad Gellium Lib. VII. cap. 14. Vide & Davies. ad Cicer. Lib. I. Tuscul. Disput. cap. 24. neque aliter etiam adductis itidem Sexti Empirici & Eusebii locis, eum vocat Menagius ad d. Laertii locum pag. 110. Ed. Londin. ubi quaedam de hoc *Charmide* notavit,

ritati multum tribuo, & singularem ejus Viri doctrinam magni facio: feret tamen aequo animo, si discussis atque examinatis ipsius rationibus, ab eo hac in parte dissentiam. Praecipuum autem illius argumentum, quo tamquam ariete emendationem inpugnat Salmasii, hoc est, quod Crassus, cum Quaestor ex Asia venisset Athenas, Carneadem cum Clitomacho ac Metrodoro, ibi visos ab se commemorat, & quidem cum Carneade Platonis Gorgiam legisse, apud Ciceronem in Lib. I. de Oratore. Fuit autem Crassus quadriennio junior Antonio, quemadmodum Cicero testatur. Proinde si Crassus Carneadem audivit, eundem etiam audire potuit Antonius. Ad haec Cicero in fine libri I. Academ. Carneadis Academici auditores sibi visos esse dicit. Et initio Libri V. de Finibus, Carneadem ab se auditum esse Athenis indicat. Haec quidem & multo plura ibi Petavius de Carneadis aetate differt. Quae omnia, ut uno verbo dicam, falsa mihi videntur. Nam neque Crassus umquam, neque Antonius Carneadem illum Academicum audierunt, ut Crassus ipse apud Ciceronem in Lib. III. de Orat. apertissime indicat; ubi auditores multos Carneadis a se tum quaestore Athenis visos esse dicit Graecos. Intelligit autem *Charmadam*, *Clitomachum* & *Aeschinem*, quorum cum Charmada Platonis Gorgiam legerat, ut ipse ait in Lib. I. de Oratore. Ex Romanis autem ejus auditores nominat adhuc superstites Scaevolam & Metellum. Quod si Antonius Carneadem audisset, certe eum hic non omissurus erat Crassus. Neque si ipse Crassus Carneadem audivisset, hic profecto id tacuisset. Id ipsum conficere mihi videtur locus Marci Tullii in Lib. I. de Oratore Cap. 3. ubi sic loquitur Crassus: *Audiui enim summos homines, cum Quaestor ex Macedonia venissem Athenas, florente Academia, ut temporibus illis ferebatur, quod eam Carneades, & Clitomachus, & Aeschines obtinebant. Erat etiam Metrodorus, qui cum illis una ipsum illum Carneadem diligentius audierat, hominem omnium in dicendo, ut ferebant, acerrimum & copiosissimum. Vigebat auditor Panaetii illius tui Mnesarchus, & peripatetici Critolai Diodorus. Ex quibus verbis satis adparet, post mortem Carneadis Crassum Athenas venisse, cum successores Carneadis scholam obtinerent. Neque enim superstiti adhuc Carneade Clitomachus & Aeschines ejus discipuli Academiam obtinere potuerunt. Deinde addit Cicero de Metrodoro, qui cum illis una ipsum illum Carneadem audierat. &c. qui sunt illi? Omnino Charmadas, Clitomachus & Aeschines. Accedit quod eo tempore, quo Athenas venit Crassus, jam Critolaus & Diogenes obierant. Qui una cum Carneade legati Romam venerant, eorumque successores scholam obtinebant. Critolai scilicet Diodorus, Diogenis autem post Panaetium Mnesarchus. Postremo haec verba, qui Carneadem audierat diligentius, id necessario pervincunt, mortuum tunc fuisse Carneadem. Nam si tum superstes adhuc fuisset Carneades, quid opus erat hoc dicere, cum illum adhuc audiret, ut caeteri. Idem est quod alibi ait Cicero de hoc ipso Metrodoro, ni fallor, Carneadem optime nosse ferebatur Metrodorus in Academia. Ex his igitur adparet in Cicerone scribendum esse Charmadas, & Clitomachus, & Aeschines &c. Et paulo post, cujus tum Athenis cum Charmada diligentius legi Gorgiam. Potest etiam scribi Charmades, quemadmodum legitur apud Sextum Empiricum; & longe infra, ubi Charmadae judicium de ingenio Crassi refert*

fert Antonius, Charmades etiam pro Carneade substituendus est. Quod vero pertinet ad locum Ciceronis in Lib. V. de Finibus Cap. 2. ubi Cicero dicit, modo, inquit, fuit Carneades, quem videre videor. Est enim nota imago. A sedeque ipsa tanta ingenii magnitudine orbata desiderari vocem illam puto. Nemini dubium esse posset quin legendum sit Charmades. Quomodo enim Cicero Carneadem videre potuisset, quem Crassus non viderat. Maneat ergo rata ac firma Apollodori sententia, qui Carneadem obiisse scribit anno 4 Olympiadis 162. Postremo illud etiam monendum est, hujus Philosophi nomen corruptum esse in Lexico Suidæ: Hic enim voce Πλάταν, successores Platonicae Scholae omnes enumerans, usque ad Arcesilam quidem Socraticos dictos esse testatur. Ab Arcesila vero octavum numerat Carneadem, secus quam Cicero, qui quartum ab Arcesila testatur; eique successorem tribuit Ἀρμάδαν, corrupte pro Χαρμάδαν.

CAPUT XXX.

Parodiae. Dion Chrysostomus illustratus & correctus. Homeri & Menandri versus apud eum declarati.

Qui Scriptores antiquos non obiter nec perfunctorie legerunt, satis compertum habent solitos esse illos ad Poëtarum veterum versus passim adludere, quod quidem Latini Interpretes plerumque non animadvertunt, nec verba Scriptoris illius, ad quem adluditur, verbis distinguunt. Atqui tota fere elegantia in hujusmodi parodia posita est, adeo ut non animadversa παρωδία, pereat lepos totius sententiae. Parodia enim, ut notavit Dionysius Halicarnassensis in libro περὶ ἐρμηνείας, genus est leporis seu venustatis in sermone. Ejus rei exemplum hic adferam ex Dione Chrysostomo in Orat. XXXII. ad Alexandrinos pag. 365. ubi de institutione ac de sermonibus Philosophiae differit, quanta sit eorum virtus ad persanandos morbos animorum: Quicumque, ait, hoc excellenti remedio continenter utuntur toto vitae spatio, ii tandem ad sanitatem felicitatemque perveniunt: qui autem infrequenter, & certis duntaxat intervallis utuntur, ii

Ἄλλοτε μὲν ζῶντες ἐτερήμεροι, ἄλλοτε δ' αὖτε
τεθνηῶσι.

Versus est (a) Homeri in Νεκυίᾳ de Castore & Polluce. Qui vero, inquit, hujus remedii plane expertes sunt, ii demum infelices sunt, qui nullum portum nec recessum habeant, quo sese a perturbationum fluctibus procellisue tueantur.

Ἄλλ' ἐν ἀκαλύπτῳ ἢ ταλαιπώρῳ βίῳ χειμαζόμενοι.

Versus hic est (b) Menandri ex Comoedia, quae πλόκιον dicebatur, quem Agellius una cum

E 2

(a) Odysf. A. v. 302.

(b) Pag. 154. Edit. Clerici, qui locum hunc Dionis Chrysostomi ad illustrandum Menandri versum itidem in notis adduxit, sed in Menandri versus interpretatione graviter lapsus est, dum ταλαιπώρῳ βίῳ χειμαζόμενοι vertit, calamitosa vita hibernans, pro agitatus, jactatus, ut notavit hoc Venerandus Patruus meus in praefat. ante Phileuth, Lipsiens. Emend. in Menandr. & Philem. Reliq. pag. 23.

cum aliis refert in (a) Lib. II. Cap. 23. Et Johannes Stobaeus in Sermone 187. Et Clemens Alexandrinus in Lib. II. Stromatum in fine. Quin etiam in Oratione XXXII. ejusdem Dionis Chrysostomi pag. 389. versus est nescio cujus Comici, Menandri fortasse, quem non animadvertit Interpres, prava scilicet interpretatione deceptus: Scribendum enim est a capite: ὡς τῶν κωμικῶν ἔφη τις ἐπὶ τοῖς τοιούτοις,

Ἀκόλαστον ὄχλον ναυτικὴν τε ἀταξίαν.

Qui versus egregie convenit in Alexandrinos, apud quos ingens turba erat navitarum, ad seditiones ac tumultus aptissima, quod etiam Ecclesiastica testatur Historia.

CAPUT XXXI.

Dion Chrysostomus illustratus & emendatus.

Pergamus de Dione Chrysostomo bene mereri. Nam & Scriptor ipse id meretur, quippe gravissimus & elegantissimus, & a lectoribus, Dionisque studiofis non mediocrem, ut spero, gratiam hac nostra opera inrituri sumus. In Oratione Corinthiaca queritur Dio contumelia se adfectum a Corinthiis, qui statuam, quam ipsi antea crexerant, paulo post, nulla injuria accepta, sustulissent & confregissent. Hanc injuriam variis modis exaggerat, primum quasi jocans, dein serio. Inter caetera adfert exemplum Syracusanorum, qui coloni erant a Corinthiis olim deducti, ut eos hujus comparisonis pudore suffundat. Syracusani, inquit, coloni vestri Lucanum hominem; qui ad ipsos legatus venerat, & legationem suam Dorico, id est, Syracusanorum, sermone erat executus, non modo benigne exceperunt, confectaque re, cujus gratia advenerat, dimiserunt; Verum etiam talento donatum, publice aenea statua honorarunt. Si quis vero non ex Lucania, sed civis Romanus, non de plebe, sed ex equestri familia, qui non linguam solum sed & mores & studia habitumque Graecorum adimavit, idque cum tanta ambitione simul ac continentia, quanta (dicam enim audacius) nullus antea Romanorum uti Graecorum hac aetate quispiam. Nam praestantissimus quidam Graecorum persuasit, ut ad Romanorum studia sese converteret: Romanorum autem principi & Imperatori, ut ad Graecorum studia animum adplicaret, persuasit. Harum rerum gratia & rem familiarem & dignitatem, locumque, quem in Republica obtinebat, cuncta denique sponte divertit, ut hoc unum instar omnium bonorum posset adipisci, Graecum scilicet esse & videri. Hujus, inquam, viri aeneam statuam apud vos stare non oportebat? Imo certe in singulis urbibus id fieri decuerat &c. Hic est sensus totius loci pag. 461.

(a) Vide illic Jacobi Gronovii notas, qui testatur non aliter hunc Menandri versum apud Gellium ad marginem exemplaris sui emendasse nostrum Valesium, adscripto illo Dionis Chrysostomi loco, quem hic profert.

461. quem prout emendandus & interpretandus mihi esse videbatur, hic adposui: Nam ubi legitur τὸν ᾧ προσάτην, scribo, τῶν ᾧ, vel τέτων ᾧ. id est Romanorum. Vespasianum autem aut Nervam intelligi puto: Deinde ubi legitur ἐν αὐτῷ περιῇ ἐναντίον πάντων Ἑλλήνων δοκεῖν τε καὶ εἶναι; Noli dubitare quin scripserit Dio, ἐν ἀντὶ πάντων, quod in interpretatione exposui. Denique postrema sic interpungi debent; εἴτα τέτον οὐκ ἔχερῃ παρ' ὑμῖν εἶναι χαλκοῦν, καὶ κατὰ πόλιν γέ. quod idem valet ac si dixisset, καθ' ἐκάστην πόλιν. Sic enim Graeci eleganter loquuntur, subaudientes hanc vocem: quod cum vulgare sit, ac vel pueris notum, Interpretes tamen sicut & alia quamplurima non intellexit. Eadem locutione utitur Dio in fine Corinthiacae.

CAPUT XXXII.

Strabo, Stephanus Byzantius, & Scholiastes Pindari emendati.

Aegimius Doriensium Rex. Poëma antiquum sub titulo

Αἰγίμῳ quibus adscribatur?

CUM multa sunt valde corrupta in Veterum Libris, tum praecipue nomina propria, non locorum modo, sed etiam Virorum. Atqui tanto majore periculo in his peccatur, quod error nominis errorem etiam in historia pariat. Exempli causa lubet hic adferre insignem locum e Strabonis Libro IX. pag. 427. ubi de Doriensibus eorumque Tetrapoli loquitur. Τέτων, inquit, ὁ βασιλεὺς Αἰπάλῳ ἐκ πεσῶν τῆς ἀρχῆς, κατήχθη πάλιν, ὡς ἰσοῦσιν, ὑφ' Ἡρακλέους. Sic ergo scribendum esse contendo (a) Αἰγίμῳ. Fuit enim Aegimius Doriensium Rex, qui cum oppugnaretur a Lapithis, Herculis auxilium inploravit, partem regni pollicitus, si suppetias tulisset, ut refert Apollodorus in Bibliotheca. Sed quae sequuntur in Strabone hanc emendationem magis confirmant: Ait enim Strabo hunc ipsum Doriensium Regem, qui ab Hercule in regnum restitutus fuerat, in gratiam accepti ab Hercule beneficii, adoptasse sibi Hyllum Herculis filium natu maximum, qui postea ipsi in regnum successit. Constat autem ab Aegimio Doriensium Rege id factum fuisse. Sic enim scribit Ephorus in Lib. I. Historiarum: cujus verba refert Stephanus in Δυμῶνες· Δυμῶν φύλον Δωριέων. Ἦσαν δὲ τρεῖς Ὑπῆες, καὶ Πάμφυλοι καὶ Δυμῶνες ἐξ Ἡρακλέους. καὶ προσετέθη ἡ Ὑπιδία, ὡς Ἐφορῷ α. Αἰγίμῳ γὰρ ἦν τὸ πρὶν τὴν Οἶτην Δωριέων βασιλεὺς. Ἔσχεν δὲ δύο παῖδας Πάμφυλον καὶ Δυμῶνα καὶ τὸν Ἡρακλέους Ὑπῆαν ἐποίησεν αὐτὸν τέκνον, χάριν ἀποδιδόντες, ἀντ' ὧν Ἡρακλῆς ἐκπεπρωκότα κατήγαγεν. Multa hic vitiose praescripta sunt. Primo enim scribendum est Δυμῶνες φύλον Δωριέων. Deinde

E 3

de

(a) Ita etiam Palmerio in mentem venerat, nam ille in Exercit. ad Auctor. Graec. pag. 327. ad hunc Strabonis locum notat omnes alios Scriptores Regem hunc Aegimium vocare non Aepalium. Thomas etiam Galeus in notulis ad Apollodor. Lib. II. Cap. 7. §. 7. notat Stephanum & Diodorum Siculum cum Apollodoro eum vocare Aegimium, sed alios hunc Doriensium Regem Aepalium nominare. Sed sine dubio apud eos, quibus Aepalium scribitur, corrigendum ubique est Aegimius.

de (a) expungenda sunt illa verba ἐξ Ἡρακλέους. Postremo lege ἐποίησάο τρίτον ἥσαν ἀποδίδει &c. Caeterum Herodotus non Δυμῶνας hanc tribum vocat, sed Δυμανάτας quartamque tribubus jam dictis additam non *Hyrnithiam*, sed *Aegialeam* vocat; ubi de Sicyoniis loquitur, (Lib. V. Cap. 68.) qui erant origine Dorienfes. Ejusdem Aegimii meminit Pindarus in Ode I. (vs. 124.) & V. Pythica (vs. 96.) ubi Scholiastes vetus de Dyma & Pamphylo ejus filijs quaedam scribit. Sed castigandus est in eo quod tradit pag. 195. (ad I. od. Pyth. vs. 120.) de Hyllo Herculis filio, ὃς ἐβασίλευσε τῶν αἰγείων Ἰταλίων οἰκησάντων. Scribe meo periculo, αἰγείων οἰκόντων. Fuit & poema quoddam apud antiquos, cui titulus fuit Αἰγίμιον, quod utrum tragicum, an Epicum fuerit parum constat. Scholiastes (b) Apollonii in Lib. IV. (vs. 816.) hoc carmen citat absque auctoris nomine, ὁ τὸν Αἰγίμιον ποιήσας. Alii Hesiodum, alii Cercopem Milesium hujus carminis auctorem faciebant, teste Athenaeo Lil. XI. (Cap. 15.) ex quo Epicum carmen fuisse discimus. Pausanias in Corinthiacis (Lib. II. Cap. 28.) de hoc eodem Aegimio loquitur, ejusque filium (c) Pamphyllum commemorat.

C A.

(a) Forte retineri possunt haec verba, si ordine inmutato scriberetur in Stephano: ἦσαν δὲ τρεῖς Πάμφυλοι, καὶ Δυμῶνες, καὶ Ὑλλεῖς, οἳ τῷ Ἡρακλέει· erant enim tres Pamphyli, Dymanes; & Hyllenses ab Hyllo Herculis filio: unde scilicet nomen traxerunt Hyllenses. Locutio ὁ Ἡρακλέης subintellecto οὗτος adstrui vix meretur, nam ita apud Hesychium similiter in τάραις, πόλεις Ἰταλίας, δὴ τὰ τάραιον, τῷ Ποσειδῶνι, a Tarante, Neptuni filio. Sic Πραξιφάνης Διονυσιοφάνης, Praxiphanes Dionysiphane filius apud Clem. Alex. Lib. I. Stromat. p. 133. Ed. Sylb. & apud quos non? vide quae habet Jonsf. de Scriptor. Hist. Philos. Lib. I. Cap. 2. p. 14. & Cl. Bos de Ellips. Gr. p. 178. deinde in hoc Stephani loco recte Ὑλλον scribendum pro Ὑλλων monet Holstenius p. 105. Hyllus enim Herculis filius est. de quo Scylax pag. 16. Ed. Gronov. Ὑλλοι δὲ φασιν Ὑλλων τὸν Ἡρακλέους αὐτῷ κατοικήσαν· Hylli vero dicunt, Hyllum Herculis filium, illic habitasse, ubi itidem habes Ὑλλων τὸν Ἡρακλέους scil. υἱόν, ut paullo ante in Stephano. nomen autem Hylli in nonnullis Scriptorum veterum locis corruptum est, ut apud Theophil. Antioch. Lib. II. p. 96. τὸ δὲ καὶ Ἡρακλέους τὸ Διὸς, ὅμως Ὑλλων, quomodo legendum indicavit Delfio Comm. ad Senec. Herc. Oet. v. 1446. & restituit in novissima Editione Cl. Wolfius, in cujus notis vide etiam locum ex Chronico Eusebii, apud quem similiter, ut apud Stephanum, Ὑλλων, τὸν Ἡρακλέους nonnumquam etiam falso locum occupavit, ut apud Diodorum Sic. Lib. IV. Cap. 77. dicitur Ὑλλων τὸν Τρώος, filius Trois, ubi Ὑλλων corrigendum monuit Jensus. Epist. ad Graevium post Lection. Lucian. p. 413.

(b) Meminit & hujus poematis Αἰγίμιος Scholiastes idem ad Lib. III. vs. 587. sed nullo Auctoris quoque indicio, laudans tantum ὁ τὸν Αἰγίμιον ποιήσας, ut in loco ex Lib. IV. vs. 816. ubi secundum hujus Poematis librum allegat, ὁ δὲ Αἰγίμιον ποιήσας ἐν δευτέρῳ φησὶ. vide Casaub. ad Athenaeum p. 518. Vossium de Hist. Graec. Lib. IV. p. 309. & Fabric. Biblioth. Graec. Lib. II. Cap. 8. p. 380. Porro hoc ipsum est idem Caput, quod sibi Parisiis a Valesio praelectum gratulatur Jac. Gronovius in notis ad Stephan. Byzant. pag. 1. in voce Ἀβάντης, ubi corrigit Gronovius, Ἡσίοδος ἐν Αἰγίμῳ δευτέρῳ Hesiodus in libro secundo Aegimii, quomodo similiter hujus poematis librum secundum ad partes vocat Scholiastes Apollonii, ut statim notavimus: & hanc Gronovii correctionem veram esse arbitror, quamvis Meursius Lib. II. Attic. Lect. Cap. 20. emendet ὡς Ἡσίοδος Τυνιακῶν δευτέρῳ, ut innuat Hesiodi celebre poema εἰς Τυνιακῶν, quod in tres καταλόγους fuit distributum, quo tendebat Salmastii emendatio corrigentis ἐν καταλόγῳ δευτέρῳ, ut monuit Berkelius.

(c) De quo Pamphylo, Aegimii filio, multa erudita brevi dabit Cl. Hemsterhusius noster in notis ad Aristophan. Plut. pag. 114, & 115. ubi corruptissima illa Scholiastae Pindari verba ad Od. I. Pyth. v. 120. maculis liberat. In iis autem quod hic Valesius emendari jubeat suo periculo, αἰγείων οἰκόντων pro αἰγείων οἰκησάντων, nondum mihi persuadet certam illam & indubitam esse correctionem, sed potius amplectendam puto emendationem, cujus me admonuit itidem Hemsterhusius, qui legendum censebat, αἰγείων οἰχάτων, quam verissimam esse lectionem, & praeter historiae veritatem ad literas vulgatae propius accedere, non negaturum ipsum, si viveret, Valesium opinor.

CAPUT XXXIII.

Harpocraton emendatus & illustratus. Maussaci opinio rejeeta.

Decemviri in Piraeo quinam fuerint? Meursius notatus.

Andocidis locus correctus. Corn. Nepotis error.

Locus est apud Harpocratonem in voce Μόλπις, admodum difficilis & obscurus, qui sic habet, Μόλπις. Λυσίας ἐν τῷ περὶ τοῦ Διογένης κλήρου Φησὶ; Μόλπις ὁ τῷ ἐν Πειραιεῖ, οἱ δὲ ἄρα μετὰ τὰς Τριάκοντα, Δέκα Ἄρχοντες ἤρχον ἐν Πειραιεῖ, ὧν εἰς ἦν ὁ Μόλπις, ὡς Ἀνδροτίων ἐν τῇ τῇ Ἀτθίδι &c. Philippus Maussacus (a) existimavit Lysiam seu Harpocratonem hic loqui de decem magistratibus, quos Athenienses abdicatis XXX. Tyrannis constituerunt, de quibus Harpocraton scribit in voce Δέκα. Verum ego pace ejus Viri dixerim, aliter sentio. Hi enim decem Magistratus, qui post triginta Tyrannos creati sunt, nullum in Piraeo imperium habuerunt. Qui enim possint illic imperium habere? cum Piraeus tunc temporis ab exulibus teneretur, ut testatur Xenophon in Lib. II. Diodorus in Lib. XIV. alique plures. Proinde alii decem Magistratus quaerendi sunt, qui in Piraeo imperaverint: de quibus dicam, paulo altius narratione repetita. Fractis Atheniensium rebus navali proelio ad Hellespontum, tumultus in urbe, ut par erat, exortus est: II ergo, qui mutatam Rempublicam maxime volebant, conjuratione inter se facta, Ephoros quinque constituerunt, qui & populum ad concionem convocarent, & Duces ac Praefectos ad custodiam urbis, & reliquos Magistratus arbitrio suo crearent. Horum e numero fuit Critias & Eratosthenes, ut scribit Lysias in oratione contra Eratosthenem. Hi cum Lysandrum arcessivissent, concione habita, effecerunt, ut Democratia Athenis solveretur, & triginta Viri constituerentur summo imperio praediti. Praeter hos vero, undecim quidem Magistratus in urbe, decem autem in Piraeo crearentur, qui fori rerumque venalium curam haberent. Id quod testatur Plato in Epistola VII. ad Dionis propinquos. καὶ τὸ μεταβολῆς, inquit, εἰς τὴν πενήκοντά τινες ἄνδρες πρότερον ἄρχοντες, ἑνδεκά μὲν ἐν ἅσῃ, δέκα δὲ ἐν Πειραιεῖ περὶ τὴν ἀγορὰν ἐκάτεροι τέτων, ἑκατὶ ἐν τοῖς ἅσῃ διοικεῖν ἔδει τριάκοντα δὲ πάντων ἄρχοντες κατέστησαν αὐτοκρατόρες. Horum undecim Virorum ac decem Virorum, qui cum triginta Tyrannis imperium gesserunt, meminit etiam Xenophon in Lib. II. rerum Graecarum pag. 280. Editionis Henrici Stephani; ubi inter exules, qui erant in Piraeo, & cives ex Astu pacem a Pausania Lacedaemoniorum Rege factam esse scribit, his conditionibus, ut singulis domum suam repetere liceret, exceptis triginta & undecem Viris ac decem Viris, πλὴν τῶν τριάκοντα καὶ τῶν ἑνδεκά, καὶ τῶν ἐν Πειραιεῖ ἀρχόντων δέκα. Ex horum decem Virorum nume-

10,

(a) Dederat hanc opinionem suam Maussacus in notis ad Harpoer. p. 116. in voce Δέκα, sed refutavit eam Valesius ad notas Maussaci p. 107. Ed. Blanc. ubi maximam partem eorum, quae erudite & prolixè in hoc capite de his Decemviris in Piraeo traduntur, breviter collegerat, simul admonens se multa de iis notasse ad Xenophontem, Hellenic. Lib. II. Scribit etiam illic Valesius, sibi verba illa οἱ δὲ ἄρα μετὰ

ro, unus fuit & Charmides Glauconis filius, teste Xenophonte pag. 278. Ubi eum caesum fuisse dicit in ea pugna, in qua & Critias cecidit unus e triginta Tyrannis, *ἦ δ' ἐν Πειραιεὶ δέκα ἀρχόντων χαρμίδης*. Denique Plutarchus in Lysandri vita hos decem Viros Piraei commemorat his verbis, *τὴν πολιτείαν ἐκίνησε τεράκοντα μὲν ἐν ᾧσιν, δέκα δ' ἐν Πειραιεὶ κατασῆσας ἀρχόντας*. Creati sunt hi decem Viri cum undecim Viris & triginta Tyrannis anno primo Olympiadis 94. Anno autem ejusdem Olympiadis quarto, cum exules duce Thrasybulo Piraeum occupassent, atque in dies transfugientibus ad eos civibus, opes eorum animique augerentur, Athenienses qui erant in urbe, pulsus triginta Tyrannis, quorum crudelitatis ipsos jam pertaesum erat, illorum loco decem Viros cum summo imperio constituerunt; Unum ex singulis tribubus, ut scribit Xenophon & Diodorus. Unus ex his fuit Phidon, qui ex triginta Tyrannis fuerat, & pulsus triginta Tyrannis solus cum Eratosthene non erat e civitate pulsus. Inter hos etiam Hippoclem & Epicharem Lamprensem fuisse testatur Lysias in Oratione contra Eratosthenem. (a) Rhinon quoque ex horum decem Virorum numero fuisse perhibetur ab Isocrate in exceptione adversus Callimachum. Porro hi decem Viri, cum ab Atheniensibus creati essent eo consilio, ut exules cum civibus reconciliarent, contrariam prorsus viam inierunt: Nam & triginta Tyrannos, qui Eleusinen se receperant, oppugnare, & exules in Piraeo adoriri statuerunt, cum in animo haberent nihilo mitiorem, quam quae sub triginta Tyrannis fuerat, dominationem constituere. Phidoneum igitur legatum miserunt Lacedaemonem, qui auxilium ab iis peteret, ad oppugnandum Piraeum, ac centum talenta a Lacedaemoniis mutuati sunt, ut mercenarios conducere, ducemque Lysandrum paucorum potentiae studiosissimum, sibi dari postulaverunt. At Pausaniae Lacedaemoniorum Rex, qui Lysandri gloriae invidere, submissis, qui exules monerent, ut ad se legationem mitterent, pacem inter eos ac cives fecit his conditionibus, quas supra ex Xenophonte memoravi. Id autem contigit Olymp. 94. Anno 4. Reversus igitur in urbem (b) Thrasybulus una cum exulibus, primum quidem Diis gratias egit: deinde

τὸς τεράκοντα &c. apud Harpocr. in voce *μόλπις* p. 245. videri Harpocratonis esse, non ipsius Lysiae, ut perperam putaverat Maussacus. hic autem nihil certi definiendo videtur id in medio relinquere, dum dicit *Lysiam seu Harpocratonem*. Ceterum praetermittere non possum egregiam in hoc Harpocratonis loco emendationem, quam mihi suggessit Cl. Hemsterhusius: Ille enim resingendum in eo putabat, *μόλπις ὁ ἦ ἐν Πειραιεὶ ἰ*, id est, *δέκα*, quam numeralem literam abolitam esse existimabat ex praecedenti voce *Πειραιεὶ*, deinde verba illa *οἱ δ' ἄρα* ut inutilem laciniam ressecanda, locumque ita constituendum esse censebat: *μόλπις ὁ τῶν ἐν Πειραιεὶ δέκα*: Quae Lysiae verba sunt, iisque explicandis de suo Harpocratonem addidisse: *Μετὰ τὴν τεράκοντα δέκα ἀρχόντας ἔρχον ἐν Πειραιεὶ* &c. ita certe concinnius procedit oratio, & post Valesii insignem emendationem persanatum puto hunc Harpocratonis locum. Quod autem Vir. Cl. Jac. Gronovius in notis ad Harpocr. p. 94. ex Codice Mediceo legendum putet *δέκα ἄνδρες*, pro *ἀρχόντες*, quia in Tyrannos illos honestam nimis Archontum appellationem non convenire existimet, contrarium plane, ut puto, patebit ex locis Xenophontis & Platonis a Valesio hic adductis, ubi *ἀρχόντες* similiter vocantur. Ceterum de praefectis his Piraei vide etiam Meurs. in Libro de Piraeo Cap. X.

(a) De eo vide Maussacum ad Harpocratonem p. 311. cujus palmaria illic de hoc *Rhinone* in loco Isocratis est emendatio.

(b) Refert haec Justinus Lib. V. Cap. 10. ubi vid. notas. & Leon: Allatum ad Socraticas Epistolas pag. 168.

bem de legem tulit, ut injuriae utrimque inlatae oblivioni mandarentur. Quod cum populus scivisset, viginti Magistratus constituti sunt, qui Reip. curam gererent, donec leges praescriptae fuissent. Interim vero leges Solonis Draconisque servari in civitate voluerunt; ut scribit Andocides in Oratione de mysteriis: Ubi etiam jusjurandum illud refert, quod publice praestiterunt Athenienses, oblituros se injuriarum omnium. (a) ἡ δὲ μνησικακήσω τῶν πολιτῶν ἐδὲν, πλὴν τῶν τεταμένων, ἡ δὲ ἐνδεκα. Quinam essent hi ἐνδεκα non intellexit Meursius in Lib. III. de Archontibus Atheniens. Cap. 15. Sunt autem undecim Viri, de quibus supra diximus. Deesse vero videtur in Andocide nomen decem Virorum: sic enim scripsisse videtur Andocides, ἡ δὲ τῶν ἐνδεκα, ἡ τῶν δέκα. Ex his adparet longe differre hos decem Viros ab illis decem Viris Piraei: Et quid mirum a Maussaco non fuisse distinctos, cum Cornelius Nepos utrosque confuderit: sic enim scribit in Thrasybulo: (Cap. 3.) *Is inter Thrasybulum & eos, qui urbem tenebant, fecit pacem his conditionibus, ne qui praeter triginta tyrannos & decem, qui postea Praetores creati, superioris more crudelitatis erant usi, adficerentur exilio.* Nam Xenophon pag. 280. decem Viros Piraei discrete dicit, ut supra notavi. Quae cum ita sint, adparet in Harpocratonis Lexico scribendum esse, μετὰ τῶν τεταμένων, δέκα ἀρχόντες ἕρχον ἐν Πειραιῇ.

CAPUT XXXIV.

Julius Pollux correctus. Postelli, Sigonii, & Meursii opinio improbata.

Superiori capite docui, pulsas triginta tyrannis, & reversis in patriam exulibus, viginti viros ab Atheniensibus esse constitutos; quod quidem Andocidis Oratoris testimonio comprobavi. Eorundem viginti Magistratuum meminit Julius Pollux in Lib. VIII. Cap. 9. (segm. 112.) sed quia locus est corruptissimus, hic eum adponam. *Γυναικονόμοι δὲ ἀρχοὶ ἐπὶ τῇ νόμῳ τῶν γυναικῶν, τὰς δὲ ἀπορροαῖς ἐξημίαν, ἡ τὰς ζημίας αὐτῶν γραφόντες, ἐξέλιθον ἐπὶ τῇ πλατάνῃ τῇ ἐν Κεραμικῇ. Οἱ αἰκοσι τέτταρες αἰλονο μετὰ τῶν τεταμένων τῇ πολιτείᾳ, ἡ τῶν νόμων ἐπιμελητῶν ἀριστίνδην ἐπιλέξαι.*

F

(a) pag. 217. Edit. Miniati. ubi integrum illud Atheniensium jusjurandum refertur, ad quod respexit Cicero in Orat. I. Philip. Cap. I. *quantum in me fuit, jeci fundamenta pacis, Atheniensiumque renovavi vetus exemplum: Graecum etiam verbum usurpavi quo tum in sedandis discordiis erat usa civitas illa, atque omnem memoriam discordiarum oblivione sempiterna delendam censui.* Quo in loco dissentiant viri docti, an Cicero graecum verbum civitatis ἀμνησίαν (quod in textum a sciolis ibidem inscite intrufum fuit) usurpaverit, an vero illud, quo usus est Thrasybulus μὴ μνησικαχεῖν, a priori sententia stat Manutius in Comment. pag. 50 & 51. Ed. Graev. sed Muretus Lib. II. Var. Lect. Cap. 15. cum ex hoc ipso Andocidis loco, tum ex Xenophonte & Aeschine alterum μὴ μνησικαχεῖν indicasse Ciceronem docte probat. quem tamen refutat Fabricius in eruditis ad Orosium notis Lib. II. Cap. 19. p. 125 & 126. vide & Boxhornii notam ad Nepotis locum in Thrasyb. Cap. 3. ubi jusjurandum illud ex hoc Andocidis loco itidem illustrat.

ἑκατὼν Viri Doctissimi haecenus existimarunt haec Pollucis verba ad γυναικώδεις referri debere: qua in sententia fuit Postellus, & Sigonius, & Meursius Lib. II. Atticarum Lectionum Cap. 5. cum tamen disjungenda sint Pollucis verba. Postquam enim de Gynaecocosmos locutus est, tum de viginti Viris loquitur. Scribe igitur a capite; (a) Οἱ Εἴκοσι Τέτρες εἶλοντο μετὰ τὰς τετακτοὺς, τῆς πολιτείας ἢ τῶν νόμων ἐπιμελητοὺς &c. Id est, *Viginti Viri. Hos ejectis triginta tyrannis, creaverunt Athenienses, qui Reipublicae ac legum curam gererent, eosque viritim legerunt.* Andocidis locus, quo tamquam fundamento haec emendatio nostra innititur, extat in Oratione de mysteriis pag. 11. editionis Aldinae, quem brevitatis studio praetermittam.

(a) Locum hunc Pollucis ita, ut hic eum corrigit, emendandum esse monuerat Vales. in notas Maustac. ad Harpocration. p. 107. ubi similiter Postelli, Sigonii, ac Meursii errorem indicavit: & ita quoque Kuhnus ex v. c. legendum esse notavit, quem non praeteriit itidem Andocidis ille locus, cujus integra verba, a Valesio hic non adscripta, exhibuit.



HENRICI VALESII

E M E N D A T I O N U M

LIBER SECUNDUS.

CAPUT I.

Dionis Chrysostomi vita enarrata. Dio natus in urbe Prusa ad Olympum. Pater ejus Passocrates, vir illustris. Dio civis Romanus ex equestri familia. Philosophiae se tradit. Vespasiani amicus. Domitianum fugiens in exilium abit Delphos; ubi oraculum consulit. Inde Borysthenem usque & Hypanim pervenit. a Getis benigne excipitur. Dionis Getica interciderunt. In Graeciam redit. Romam tendens morbo opprimitur; a Trajano benevole habetur. Patriae suae Prusae multa commoda impetrat. in eam revertitur. quae erga eum ingrata est. Qualis in Republ. extiterit: Socraticae sectae Philosophus fuit. Xenophontis amator. Ejus discipulus Favorinus Arelatensis.



Um hic liber Dioni Chrysostomo specialiter dicatus sit, ab ejus vita, quam ex ipsius Orationibus collegi, exordium sumam.

Dio Chrysostomus natus est in Bithyniae oppido Prusa: Sed cum duae sint hujus nominis urbes in Bithynia, altera ad Olympum montem, altera ad Hyppium fluvium sita, utrum harum fuerit Dionis patria, obscurum. Ego vero non dubito quin Prusae ad Olympum natus sit. Idque ut credam, plurimis argumentis inducor. Primum enim Dio in Oratione XL. & XLI. Prusam suam ait vicinam & conterminam fuisse Apamiae, civitati maritimae. Deinde in Oratione XLIV. ait urbem fuisse non admodum antiquam, quae tamen brevi celeberrima inter Graecas urbes evaserit. Postremo in Oratione XL. & XLIV. ait in ea conventum fuisse jurisdictionis causa. Haec autem non alteri conveniunt, quam Prusae ad

F 2

Olym-

(*) Vitam Dionis hujus conscripsit inter veteres Philostratus de vitis Sophistar. Lib. I. n. 7. & Photius in Excerptis, quae leguntur ante Dionis Orationes in Editione Casauboni. Comparanda etiam sunt, quae, licet non ita prolixae ut hic Valesius, de ejus vita, factis, ac scriptis habet Fabricius in Biblioth. Graec. Lib. IV. cap. 10.

Olympum, quae vicina fuit Apamiae, teste Ptolemaeo: & recens condita ab Annibale, ut docet Plinius in Lib. V. sub finem: Et conventus jurisdictionis causa, solennis fuit Prusae ad Olympum, quod docet Plinius junior in Lib. X. Epistolarum ad Trajanum, in qua nominatim de Dione nostro loquitur, ut postea ostendemus.

Natus autem fuit parentibus nobilissimis. Nam & pater ejus Pasocrates princeps fuit civitatis quoad vixit: Et avus gratia & auctoritate plurimum potuit apud Imperatorem Romanum, a quo etiam civitate Romana donatus est, ut scribit Dio in Orat. XLI. ad Apamēnos: qui si diutius vixisset, hoc etiam beneficium imperaturus erat, ut Prusa libera fieret ac sui juris, ut ait in Orat. XLIV. Fuit autem Vir singulari doctrina praeditus, quae amicitiam Principum, opes quoque ipsi conciliavit: Nam cum patrimonium omne in erogationes publicas patriae suae inpendisset, postea, tum ex doctrina, tum Imperatorum beneficiis, opes sibi comparavit, quod refert Dio in Oratione XLVI. Sed & majores ejus, Clarissimi in Rep. Viri, statuis & publica sepultura ornati fuerant, ut ibidem scribit. Ex his igitur natus Dio, civis fuit Romanus, quemadmodum ipsemet profitetur in Orat. Corinthiaca: Idque ex equestri familia, ἐκ τῶν ἱπποκόρων. Sed quamquam civis Romanus, & splendida equestri familia natus Dio, ad summos honores facile adspirare posset, cuncta tamen prae Sapientiae studio despexit: Abiecta igitur cura rei familiaris, philosophari instituit, ac, relicta patria, peregre profectus, universum prope orbem Romae peragravit, eo consilio, ut & se variis laboribus ad patientiam ac fortitudinem exerceret, & cum summis quibusque Viris colloquendo undique Sapientiae praecepta colligeret. Neque vero philosophari ipse contentus, alios quoque partim exemplo suo, partim sermonibus ad Sapientiae studium incitavit, ut in Corinthiaca ipse gloriatur; Inter quos Lasthenes fuit quidam, oriundus Apamiae Bithyniae, qui tamen aliquanto post, relicto pallio, ad militiam descendit. Sed cum idem postea mutato consilio, ad philosophiam regredi vellet, a Vespasiano Principe impetravit Dio, ut sacramento militiae solveretur: Adjecit Vespasianus in Dionis gratiam, ut Lastheni philosophanti stipendia procederent, non secus ac si militaret, ut scribit Philostratus in Lib. V. de vita Apollonii. In hac peregrinatione congressus est Dio cum Apollonio Tyaneo & Euphrate Tyrio, celeberrimis ejus aetatis Philosophis; inter quos cum ex aemulatione dissidia extitissent, ipse in utriusque amicitia semper permansit.

Porro cum Vespasianus nondum adhuc firmato principatu, ex Syria in Aegyptum venisset, Dionem & Euphratem sibi comites adjunxit, eorumque consilio in rebus gravissimis usus est. Quemadmodum refert Philostratus in eo, quem dixi, libro. Vespasiani imperio, at non amicitiae & benevolentiae in Dionem, successit Domitianus: qui cum tyrannos omnes saevitia & crudelitate superaret, optimum quemque, indicta causa, interficeret, atque adeo virum quemdam optimum ac nobilissimum, Dionisque amicissimum, nullam aliam ob causam, quam propter ipsius virtutem interemisset, haud quaquam territus Dio, eum graviter objurgavit, ipretis ejus minis, ipsum ultro provocans ac laceffens. Erat alioqui

De

Domitianus Philosophis omnibus infensissimus: Proin in exilium abire coactus est Dio; quod tamen exilium non sententia Principis irrogatum, sed voluntarium fuisse Philostratus tradit. Dio tamen passim in Orationibus id exilium nominat, causamque exilii prodit amicitiam illius viri, quem dixi, in Orat XIII. Domitianum igitur fugiens Dio, non prae metu, neque enim is erat Dio, qui tormenta ulla metueret, sed ne inmanitatem atque atrocitatem illius Belluae intueretur, in exilium abire statuit: Ac primum profectus est Delphos, ut Apollinis oraculum consuleret, ut moris fuerat olim apud Graecos, qui nullam majoris momenti rem, nisi consulto prius oraculo, suscipiebant. Accepit autem hoc ab Apolline responsum, ut id quod instituerat, forti animo agere pergeret, donec ad ultimas terras pervenisset, quemadmodum ipse testatur in Oratione XIII. ad Athenienses. Proinde fidentius itineri se accinxit, solus ac seminudus, jamque adfecta aetate: profectus est autem secundum ripam Danubii, quo trajecto, adusque Borysthenem & Hypanim pervenit. Qua porro humanitate exceptus sit a Borysthenitis, ipsemet luculenter narrat in Oratione Borysthenica, ubi situm illius urbis & oram maritimam ejus tractus accurate describit. Habebat in animo per Scythiam proficisci ad Getas, sicut ipse ibidem testatur: sed utrum Scythas adierit, incertum est: Farrant certe Scythae vicini Borysthenitis, eosque assiduis incursionibus infestabant. Hic vero hominis fiduciam mirari subit, qui gentes ferocissimas inermis petere ausus fuerit, non mercaturae causa, neque ad foedus & amicitiam cum his paciscendam; sed duntaxat ut eorum mores ac disciplinam & studia cognosceret. Exceptus est autem benigne a Getis, tametsi nudus ad armatos, inbellis ad bellicosos, pacatus ad inquietissimos pervenisset: Atque utinam extarent illius (a) Getica, quod opus summis laudibus effert Philostratus.

Mortuo Domitiano, rebusque meliorem in statum conversis, Dio in Graeciam reversus est: Ac primo Olympiam adiit voti causa, quod multo antea Jovi Olympiaco voverat. Ibi orationem habuit ad Helienenses, quae Olympica inscribitur, quam equidem inter elegantissimas Dionis orationes numerare soleo. Inde cum Romam proficisci instituisset, ut conveniret Nervam optimum Principem, quo cum erat antiqua necessitudine conjunctus, in morbum incidit: quo factum est, ut pulcherrima opportunitate juvandae atque augendae patriae frustratus sit Dio: nihil enim erat, quod ille a Nerva impetrare non posset. Sed hanc jacturam Nervae successor Trajanus brevi supplevit. Hic enim non minori benevolentia Dionem complexus est: adeo ut in confessum vehiculi saepe illum admitteret, & ad eum conversus, haec dicere soleret, *quid loquaris*, inquit, *nescio: caeterum te amo non minus, quam me ipsum*; quemadmodum a Philostrato relatum est. Ea porro amicitia Principis non ad quaestum proprium abusus est Dio, licet maximo aere alieno oppressus, quod pater ei moriens reliquerat: nihil enim neque sibi, neque suis a Trajano umquam poposcit: sed de patria sua duntaxat sollicitus, quam & amplissimam & ornatissimam esse cupiebat, impetravit ei a Trajano, ut centum

F 3.

Sena.

(a) Quae Dioni huic itidem adscribit Philostratus, sed Dioni Cassio perperam Suidas, vid. Fabric. B. 319.

Senatores supra legitimum numerum allegere ipsi liceret; ut scribit Dio in Orat. XLV. & XL. Impetravit etiam, ut conventus Prusae ageretur a proconsulibus, quo vicinae civitates & oppida & vici jurisdictionis causa convenirent, ut indicare videtur in eadem Orat. XL. pag. 495. & in Orat. XLV. pag. 516. Maximo tunc omnium hominum favore celebratus est Dio: Nam & Romae rogatus a clarissimis hominibus frequenter declamavit summo audientium plausu, ut ipse testatur in Orat. XIII. & omnes fere Graeciae atque Asiae civitates, missis ad eum legationibus, & honorificis decretis, publice ipsi gratulatae sunt ob reditum felicem, eumque civem & Senatorem apud se adseverant, quemadmodum ipse in Corinthiaca, & in Orat. ad Nicomedienses & ad Apamēnos. Prusenses decreto publico ei gratias egerunt, utque in patriam redire vellet, rogarunt: tanto amore patriae, tantoque desiderio flagrabat Dio, ut Principis amicitiam & gratiam, ut familiaritatem nobilissimorum hominum, qui erant in urbe, ut opes atque auctoritatem, omnia denique ei uni postponeret. Itaque cum super hac re epistolam ad Trajanum scripsisset, ab eoque responsum accepisset, quo facultas redeundi concedebatur, in patriam tandem reversus est.

Ibi cum rem familiarem magnopere inminutam reperisset; quippe ob diuturnum ejus exilium ac longinquum, plerique servorum aufugerant, ac libertatem usurpaverant; multi quoque fundos ac praedia per vim occupaverant, ipse tamen de nullo umquam conquestus est, neminem in judicium vocavit, ut ait ipsemet in Orat. XLV. ad cives suos. Sed tamen talis tantusque vir, & de patria sua optime meritus, non parem a suis civibus gratiam retulit. Cum enim porticum quamdam in patria sua fieri suavisset, ut & peregrinis & proconsulibus, qui in urbem jurisdictionis causa veniebant, civitas ornatior adpareret, atque in id opus magnam pecuniae vim cum ipse, tum amici ejus polliciti essent, in hujus operis aedificationem coactus est tabernam quamdam aerariam demoliri. Hinc occasione arrepta calumniatores ejus urbem ab illo destrui criminati sunt: cumque opus jam perfectum Reip. assignaret Dio, Eumolpus & Archippus Philosophus restiterunt, & Plinio proconsuli libellos obtulerunt: quibus Dionem insimulabant, quod non recte neque ex utilitate Reip. id opus fecisset, & quod in eodem opere statuam Principis, & cadavera uxoris ac filii posuisset. Cum Plinius super hoc postremo accusationis capite Trajanum consulisset; rescripsit Trajanus, quaestionem Majestatis in ejusmodi negotio admittendam non esse; id enim a temporum suorum modestia abhorrere. Extat etiamnum Epistola (a) Plinii ad Trajanum, cum rescripto Divi Trajani: quod certe mirum est, non animadvertisse Casaubonum, praesertim cum

(a) Lib. X. Epist. 85. ubi Dio hic Chrysostomus vocatur *Dio Coccejanus*, a patrono suo *Coccejo Ner-va*. Vide illic notam Catanæi, qui recte Dionem Prusensem intelligit; Nam Plinii Epistolam ad hunc Dionem pertinere jam dudum ostenderat Valesius in notis ad Excerpt. Peirescian. p. 80. ubi pleraque eadem, quae hic de injuria civium Prusensium erga Dionem tradit, notavit. Errat igitur Jonsius Lib. III. de Scriptor. Hist. Philos. Cap. 14. p. 283. ubi Dionem hunc Prusaeum, cujus Orationes supersunt, diversum facit ab illo Dione Coccejano apud Plinium memorato: merito etiam Fabricius in diversa abiit a Tillemontio aliisque Viris doctis, qui eos distinguendos esse voluerunt.

cum & in Dionis Orationes & in Plinii Epistolas, notas conscripserit. De hac calumnia passim loquitur Dio in Orationibus XL. & sequentibus.

Sed & aliquanto post, cum penuria annonae urbs Prusensium laboraret, sparsusque sermo esset in vulgus, Dionem horrea occludere, ut frumentum carius venderet, populares furore concitati in aedes ejus irruerunt cum saxis & facibus, parumque abfuit, quin una cum conjuge & liberis incenderetur: de quo queritur graviter in Orat. XLVI.

In Republica autem ita se gessit, ut nihil laudis & gloriae causa faceret: solum enim patriae commodum prae oculis habebat: aliorum autem gloriae favebat quam maxime. Itaque si quis in Senatu auctor fuisset alicujus sententiae, quam ipse e Rep. fore existimabat, primus hominem laudabat, utque ei negotium committeretur, suadebat. Cuncta enim per alios geri, quam per semetipsum, malebat, nisi forte cum ejusmodi res esset, quae non nisi per ipsum posset perfici, ut testatur in Orat. XL.

Quod ad Philosophiam adtinet, Socraticum maxime philosophandi genus admiravit; ac crebro dicere solebat, ut cibi absque salis condimento insulsi sunt, ita orationem, quae Socratico sale ac lepore destituta sit, inconditam esse. Ex Socraticis autem praecipue Xenophontem suspexit, cujus suavitatem & nativam quamdam simplicitatem in dicendo aemulatus est, ejusque libros numquam de manibus suadet in Orat. XVIII. Habuit autem discipulos & sectatores quam plurimos, quos partim exemplo suo, partim sermonibus ad philosophiam incitavit. Sed omnium longe celeberrimus fuit Favorinus Arelatensis, qui Dionem semper magistrum vocare solitus erat, ut auctor est (a) Philostratus. Hunc igitur intelligit Dio in Orat. Corinthiaca pag. 462. cum ait se multos, non Graecos solum, sed etiam Barbaros eo adduxisse, ut secum una philosopharentur: & Graecis quidem ostendisse quantum posset institutio atque doctrina, ut quis Graecus esse videatur, qui tamen oriundus non esset ex Graecia: Romanis vero, eos qui dignitate excellunt, doctrinam dignitati postponere non oportere: Celtis vero, neminem Barbarorum animum despondere debere, quasi ad doctrinam Graecorum adspirare non posset.

CAPUT II.

De urbe Prusa ad Olympum, quae & Prusias dicta. Ortellii error refutatus: Appiani locus suppletus. Concilium Nicaenum correctum. Prusa ad Olympum a quo condita. Emendatus Philostratus, & forte Memnon.

Superiori capite dixi duas fuisse urbes in Bithynia, Prusas nomine; harumque alteram ad Olympum sitam Dionis Chrysostomi patriam fuisse. Nunc vero demon-

(a) Qui tamen tradit eum Dionem quidem audivisse, verum ab eo tantum distare, quantum is qui nunquam audivisset. vid. Lib. I. de Vitis Sophistar. num. 8. ubi vitam ejus describit, & quas de hoc Favorino illic notavit Olearius.

monstrare conabimur, hanc ipsam Prusam etiam alio nomine Prusiadem esse vocatam. Sed antequam id adgrediamur, refellendus est obiter error Ortellii, qui in Lexico Geographico scribit, tres fuisse urbes in Bithynia, quae Prusae communi nomine dicerentur: duas scilicet, quas supra memoravi, ac praeterea Cium. Sed errat Ortellius, ut dixi. Neque enim Cius Prusae nomen umquam obtinuit, neque id a (a) Strabone dictum est. Prusias quidem vocata est, quemadmodum testatur Memnon, & Strabo, ac Solinus, quibus Ptolemaeus quoque suffragatur, & Stephanus. Nec opus est pluribus verbis ad refellendam sententiam, quae nulla veterum Scriptorum auctoritate subnixta est. Ut igitur ad propositum redeam, Prusam ad Olympum sitam, Prusiadis quoque nomen tulisse primum testimonio Plinii vincam. Is in Epistola ad Trajanum (Lib. X. Epist. 85.) scribit, cum Prusae ad Olympium publicis negotiis audiendis vacaret, accusatum esse Dionem ab Eumolpo quodam, cui Flavius Archippus adstibat, quod opus quoddam publicum non ex utilitate Reip. nec prout debuerat, aedificasset: Addit deinde, cum Nicaeae cogniturus pro tribunali sedisset, adfuisse Eumolpum & Archippum: *Archippus*, inquit, *cui Eumolpus sicut (b) Prusiadae adstibat* &c. At initio epistolae, Archippo Eumolpum adstitisse dicit in urbe Prusa, ex quo necessario conficitur, Prusam & Prusiadem promiscue dictam fuisse.

Alterum argumentum ex epistolis ejusdem Plinii petatum est, in quibus refert ad Trajanum de Flavio Archippo Philosopho Prusense, qui a Velio Paulo proconsule Ponti ac Bithyniae damnatus fuerat in metallum ob crimen falsi. Archippus nihil proferebat, quo restitutum se adversus illam sententiam probaret: Sed adlegabat epistolam Domitiani Imperatoris ad honorem suum pertinentem, qua ille procuratori suo mandaverat, ut agrum emeret Archippo, circa Prusiadem patriam Archippi; unde Archippus se suasque alere posset: Extat haec epistola Domitiani in libro X. Plinii Ep. 66. (c)

Ex

(a) Cujus locus est Lib. XII. p. 563. Ed. Paris: *ὃν ὁ Περσὶς ἐστὶν ἡ Κίον ἀπὸ τοῦ ὀνομαδεῖσθαι*. Ita illic scribebatur in vulgatis Editionibus, quas solas consulere potuit Ortellius; sed Salmasius ad Solin. pag. 877. ex MSS. emendari iussit *Περσίδος ἐστὶν*, quomodo etiam Casaubonus in margine Editionis suae adnotavit, vetustos codices praeferre *Πρῶτα* vel *Πρῶτας*, & in Notis pag. 217. monet *Prusam*, quam *Cium* vocant reliqui, a Memnone semper *κίον* adpellari, a quo diversus abit Palmerius in Exerc. ad Script. Graec. pag. 335. & docet *κίον* & *κίον* inter se diversas esse, eundemque in Scaligero quoque errorem notat. Idem etiam p. 182. locum Memnonis de Prusiade corrigit, ubi pro *ἀπὸ τῆς Κίον* & *παλαιὸν ἐκαλεῖτο*, legit *ἀπὸ τῆς Κίον*. Ceterum multa de tribus his urbibus erudita habet Holstenius ad Stephan. Byzant. p. 263. & 264. ubi ex nummis antiquis *Prusas* egregie inlustrat; & ita de Prusa ad Olympum capiendus etiam est nummus apud Begerum in Thesaur. Brandenburg. Tom. II. p. 643. plura de iis dabit Cellarius Geograph. Antiq. Lib. III. c. 8. p. 241. & seq. & pag. 255-258. diversitatem autem Plinii & Strabonis de conditoribus Prusae, adducto itidem Dionis Chrysostomi loco ex Orat. XLIV. examinat etiam Celeb. Wesselingius in eruditissimis ad Hieroclis Synecdemum notis p. 692. & 694.

(b) Ita recte Aldina, Juntina, aliaeque editiones, cum in aliis habeatur *Prusae*.

(c) In quo loco circa *Prusiadem* frustra haeret Cellarius, (ut in novissima Cortii editione notatum est) qui *Prusiadem* in Epistola hac Domitiani apud Plinium corruptam esse suspicabatur, quia in altero Plinii loco Lib. X. Ep. 85. *Prusa ad Olympum* dicitur; sed *Prusiadem* & *Prusam* promiscue dictam hic egregie evincit Valesius: quamvis in Oxoniensi Plinii Editione Hearnius in notis ad d. l. Lib. X. Ep. 85. ex Stephano probare conetur *Prusam* dictam esse ad Olympum, & inde ejus gentile *Prusiaeus*; sed quae ad Hypium amnem sita est, *Prusiadem* adpellatam, ejusque gentile *Prusiaeus* esse, ac nonnulla alia insuper de Prusa habet.

Ex epistola autem Plinii ad Trajanum de Dione, quam supra retulimus, adparet hunc Archippum oriundum fuisse Prusa ad Olympum, perinde ac Dionem; quippe qui Dionem accusaverit, quod opus publicum Prusae aliter fecisset, ac debuerat. Nam si Archippus alterius civitatis fuisset, quid ejus intererat qualiter opus a Dione factum esset Prusae? Fuit igitur Archippus sine dubio ex Prusa ad Olympum; & cum ejus patria in epistola Domitiani Prusias adpelletur, sequitur id quod dixi, Prusam & Prusiadem promiscue adpellatam fuisse. Quod si auctoritas Plinii fortasse non sufficit, alterum huic adjungam testimonium Appiani: Is in libro, qui Mithridaticus inscribitur, pag. 223. (Ed. Henr. Steph.) de Triario & Barba loquens ducibus Romanis, qui cum exercitu in Bithyniam inruperant: ὁ δὲ Βάρβαρ τὴν Περσιάδα εἶλε, τὴν πρὸς τῷ ὄρει: id est, *Barba vero Prusiadem cepit, quae ad montem sita est.* Olympum sine dubio montem intelligit (a) Appianus: ac fortasse locus ita supplendus est: πρὸς Ὀλύμπῳ τῷ ὄρει. Certe Prusam ad Olympum a Romanis ducibus captam esse tradit Memnon in Libro XV.

Denique in catalogo Episcoporum, qui Nicaeno concilio subscripserunt, inter Episcopos provinciae Bithyniae recensetur Georgius Prusiadis juxta Olympum montem: Et ante illum ponitur Hefychius quidam Prusensis (b) juxta Hyppium fluvium, & prior utroque Cyrillus Cius: sic enim scribendum est, non *Chius*. Ubi vides tres urbes Bithyniae, licet eodem prope nomine sint, tamen aperte distingui: Cium scilicet, quae & Prusias dicta est; Prusam ad Hyppium, & Prusam ad Olympum, quae aliter Prusias vocatur, ut dixi. Et haec quidem de nomine.

Caeterum a quo condita sit Prusa ad Olympum, parum inter scriptores convenire video. Strabo a Prusia Rege Bithyniae, qui cum Croeso bellum gessit, conditam adfirmat. Stephanus autem Byzantius, qui Strabonis verba sublegit, pro Croeso posuit Cyrum. At Joannes Tzetzes Chiliade tertia historia 115. Prusiam Nicomedis filium, illum, qui unum os dentium loco habuisse dicitur, Prusam ad Olympum condidisse scribit: auctoremque ejus rei laudat Arrianum, qui Bithynica conscripsit. Postremo Plinius ab Hannibale extructam esse tradit: tunc scilicet, cum apud Prusiam regem Bithyniae moraretur, quam sententiam confirmare videtur Dio in Orat. XLIV. ad Cives suos, cum ait, non ante multum temporis habitari coeptam esse Prusam: At ex Strabonis sententia sequeretur Prusam non adeo recentem esse civitatem. Ab hac autem Prusa Ἰθνικὸν fit Περσιὰς, ut scribit Stephanus: quod confirmat Dio in Orat. XLIII. & Photius, ac Suidas. Proinde in Libro I. Philostrati de vitis Sophistarum perperam scribitur Δίωνα ἢ Περσιᾶν.

A Prusa vero, quae est ad Hyppium fluvium patronymicum fit Περσιὰς, ut testantur numi veteres Veri & Macrini. Prusias autem quae & Cuis vocata est, inco-

(a) Ita etiam Palmerius hunc Appiani locum intellexit in Ex. ad Scr. Gr. pag. 159. & putat Olympum illic vocari montem κατ' ἐξοχὴν ob amplitudinem ejus & excelsum, quem si sequamur, emendatione Valesii in Appiano opus non erit.

(b) Ita semper habebat scriptum Valesianum, pro quo alii pejus *Hippium* vocant hunc fluvium, quem ex emendatis Edd. & nummis antiquis *Hyppium* scribendum esse constat. Vid. Salmat. ad Solin. Tom. II. pag. 877. Ed. Pxr.

incolas denominat *Περσαις*, quemadmodum legere est apud Strabonem & Stephanum. Memnon tamen in Libro de rebus gestis Heracleotarum Cap. 42. ejus urbis cives vocat *Περσαις*, nisi mendosi sint codices.

Caeterum antequam hoc caput absolvam, lectorem monitum velim, quod in Eusebii Chronico scribitur Olympiadis XXXVII. anno 4. Prusidem conditam, id de Cio intelligendum esse, quae multo post Prusias dicta est. Haec enim a Milesiis condita est; tunc quum maris imperium obtinerent, teste (a) Aristotele in Republica Cianorum. Recte in id tempus refertur conditus urbis Cianorum, cum per ea tempora plurimas alias civitates in ora Ponti condiderint Milesii.

CAPUT III.

Dio Chrysostomus emendatus. Caprae pini & oleastri adpetentes. Thessali Pythiis praesidebant.

Nunc ad Dionis scripta veniamus. Ac primum locus occurrit corruptissimus in Orat. VIII. quae Diogenes inscribitur, pag. 133. Ubi ait virum generosum semper in pulvere ac stadio versari: *habere enim illum antagonistas*, labores scilicet, quibuscum adsidue conluctetur, tam noctu, quam interdiu, non pro apio, neque pro Oleastro, aut pinu, sed pro felicitate: *ἢ τέτοις αἰ φιλεῖ μάχεσθαι, ἢ τὴν νύκτα ἢ τὴν ἡμέραν. οὐχ ὑπὲρ σείλιου, ὥσπερ αἱ γυναῖκες &c.* non dubito quin Dio scripserit (b) *ὥσπερ αἱ*.

(a) Cujus locus desumptus est ex Scholiaste Apollonii Rhodii ad Lib. I. v. 1177. ubi haec notat: *ἔτι δὲ Κίον πόλιν Μυσίας, ἀπὸ Κίης τῆς ἀφρησαμίδος τῆς Μιλησίων ἀποικίας, ὡς ἰσορῶν Ἀριστοτέλης ἐν Κιανῶν πολιτείᾳ. Κατὰ γὰρ αὐτὴν πρῶτον Μυσοὶ, ἔπειτα Κάρει, τέλος Μιλήσιοι.*

(b) Haec Valesii conjectura, licet nonnulla veri specie blandiatur, veram tamen in Dionis loco emendationem exhibere non videtur. Longe saltem melior est eo, quod somniavit Anonymus ille, (sive is Seldenus, seu Dounæus, vel alius quisquam sit) auctor Emendationum ad Dion. Chrysostomum. quas in lucem dedit Celeb. Wolfius in Anecd. Graec. Tom. I. ubi pag. 236. hoc in loco tentat, *ὥσπερ οἱ νεκροί, ut mortui*; & adfert proverbium illud, *τὸ σείλιον δειπνῶν, apio apus est.* quod in morbo capitali de instante mortis periculo adhibebatur, quomodo etiam monumenta & sepulchra defunctorum apio coronabantur. Vid. Schottum ad Proverb. Graec. pag. 255. verum haec nihil huc faciunt, & potuisset facile Auctor ille hac correctione supersedere. Quia autem de apio, oleastro, & similibus athletarum coronis hic agitur, apioque viridi cinctos fuisse Nemeorum victores constat, hinc fortassis, nisi literarum ductus longius a vulgata distare cuiquam adpareat, conicere liceret scribendum esse, *ὥσπερ Νεμεονίκαι, more Nemeonicarum.* Illorum autem praemium fuisse coronam ex apio notissimum est. Plinius Lib. XIX. Cap. 8. ubi de apio agit, dicit: *Honos ipsi in Achaia, coronare victores sacri certaminis Nemeae.* Hinc *Νεμεία, σείλιον* apud Suidam in *Νέμει*, quae perperam Kusterus sollicitabat. In primo Anthologiae Graecae Epigrammate, ubi omnium Ludorum Olympicorum aliorumque coronas recenset poeta, similiter habes:

Ἄθλα δὲ τῶν ἀρίστων, μήλα, σείλιον, πίτυς.

Sic Pausanias Lib. VIII. Cap. 48. praemia horum ludorum enumerans, *ἐν Ἰσθμῷ πίτυν, καὶ πᾶσι ἐν Νέμει*.

αἰγες; quam emendationem ipse confirmat Dio in oratione sequenti, quae Diogenes seu Isthmiaca inscribitur pag. 140. Ibi enim de corona pinea loquens, qua Isthmiorum certaminum victores coronabantur, sic ait: καὶ ἐπὶ τῶν ἀνδρώποισι, ἀλλὰ ταῖς αἰγῇ δηλαδὴ περιμάχῃτον αὐτὸν εἶναι δεῖ: id est: deque ea corona non homines, sed capras inter se certare debere Diogenes agebat. Oleastrum quoque maxime adpeti a capris Dio noster tradit in Orat. LXV. de gloria; non tamen tanto cum furore, quanto ab hominibus adpetitur, qui vitam ipsam profundere parati sunt, ut corona illa potiantur. An vero etiam apium adpetatur a capris, non memini legere: certe inter cibos caprarum non numeratur ab Eupoli Comico in comoedia, cui caprarum titulum fecerat, cujus versus refert Macrobius in Libro VII. Saturnalium Cap. 5. quare commodius legi potest, ἔχ' ὑπὲρ σελίνου, ἐδὲ κατὶναι καὶ πίτυος, ὥσπερ αἰγες. Sequitur mox in Dione, καὶ πάντα τὸ βίον, ἔχ' ὅταν Ἠλεῖοι προέπωσιν ἢ Κορίνθιοι, ἢ τὸ κοινὸν τῶν Θεσσαλῶν. Hic fortasse possit haerere quispiam, quisnam sit agon ille, quem a communi Thessalorum pronunciari solitum Dio scribit. Ego Pythia intelligi adfirmo, quibus praesidebant Thessali ea aetate, teste (a) Philostrato, in Lib. IV. de vita Apollonii c. 7. & vita Hippodromi Sophistae.

CAPUT IV.

*Dio Chrysostomus aliquoties emendatus. Phidiae simulacrum
Jovis Olympii. Mos in sacris Corybantiis. Θερονισμός,
Θερόνσις, & ἐνθερονισμός quid? Κορυβαντιῶν pro furere.*

Elegantissima est Oratio Dionis XI. quae Troica inscribitur, in qua, quaecumque ab Homero dicta sunt de Ilio, refellere conatur. In ea Oratione locus est
G 2 p. 174.

Νερία σέλινα data fuisse tradit. Etiam apio, sed arido, in ludis Isthmicis coronabantur victores, pro quo deinde in iis pinus successit. Unde Diphilus in versibus apud Athenaeum Lib. VI. pag. 228. Ed. Casaub.

Περὶ τῶν σελίνων μωχομεθ' ὥσπερ ἰσθμιαίς.

De apio dimicamus tamquam in Isthmiis.

Cujus locum, ne quid dissimulem, praeivit mihi Erasmus in Adagiorum Chiliadib. pag. 204. & eo spectat Juvenalis in Sat. VIII v. 226.

— Graecaeque apium meruisse coronae.

ubi vide Scholiastem & Grangaeum.

(a) Illic apud Philostratum nihil haberi video, quod pertineat ad ea, quae hic tradit Valefius. Sed in Cap. 23. Edit. Olear. de Thessalis quidem agitur, quamquam nihil etiam ibi, quod ad Pythia spectet, reperiatur, nam quod tradat Philostratus, οἱ Θεσσαλοὶ τὴν Ἀμφικτυόνικα περιέχουσιν, id longe aliud est, & nihil huc pertinet. In altero autem Philostrati loco, qui est ex Lib. II. de Vitis Sophistar. num. 27. §. 2. tradit auctor apud Thessalos magnum fuisse honorem Pythiis vel semel praefuisse, & exemplo Hippodromi confirmat, quod magis ad rem facit.

p. 174. qui levi mendo laborat, τῷ μὲν Ἀγαμέμνονι χερίζεται τινα ἀρεταίαν ἀνδρῶν. Scribe (a) ἀνδρῶν. Idem error occurrit in Orat. XXXVIII. ad Nicomedienfes pag. 477. ἢ τῷ πεπαιδευμένων εἰς ἑταῖαν ἔχει πρὸς αὐτὴν, ὡς ἐπιθυμῶν ἀνοήτε πρῶγμα-
 τῷ. Scribo hic etiam ἀνοήτε. In Orat. XII. quae Olympica inscribitur, plura sunt, & graviora menda, quae Casaubonus magna ex parte deterfit. Restant ta-
 men quaedam, quae medicinam desiderant, ut in pag. 198. post illa verba, τῷ
 δὲ γλώττης μόνον συνδύχοι μύων, quae sequuntur lineae usque ad illa verba γλῶττι ἀοί-
 διμον, expungendae sunt, quippe quae sensum perturbant & alieno loco positae
 sunt.

In eadem Oratione pag. 200. loquens de simulacro Jovis Olympici ait (b) Phi-
 diam ex HomERICA poësi illud expressisse, πρὸς τὴν Ὀμηρικὴν ποιήσιν, ὡς φασί, Φειδῖς
 περιβαλλόμενος. Primus omnium Paulus Aemilius id de simulacro Jovis Olympici dixisse
 fertur, teste Plutarcho in ejus vita, & Polybio apud Suidam in Phidias. Vide Va-
 lerium Maximum Lib. III. c. 7. (ex. ext. 4.) In eadem Oratione pag. 203. καθά-
 περ, inquit, εἰώθασιν ἐν τῷ καλεσμένῳ θρόνισμῳ καθίσαντες τὰς μυκράς οἱ τελῶντες κύκλῳ
 περιχορεύειν. Male Interpres *thronum* vertit: Nam *θρόνισμός* seu *θρόνωσις* est initiatio-
 nis genus, qua Mystae in sacro thono collocati initiabantur, armatis circum sal-
 tantibus ac tripudiantibus; qui mos erat in sacris, quae Carybantia dicebantur, ut
 testatur Plato in Euthydemo, ποιεῖτε ὃ ταυτὸν, ὅπερ οἱ ἐν τῇ τελετῇ τῷ Κορυβάντων, ὅταν
 τὴν θρόνωσιν ποιῶνται περὶ τῶν, ὃν ἀνὴρ μέλλωσι τελεῖν. ἢ γὰρ ἐκεῖ χορεία τίς ἐστι ἢ παιδία
 &c. Hesychius in Lexico, θρόνωσις, inquit, καταρχὴ περὶ τὰς μυκράς. Porphy-
 rius in vita Pythagorae (§. 17.) ait illum a Morgi unius ex Idaeis dactylis sacer-
 dotibus initiatum esse in Creta, & in antrum Idaeum descendisse, ac ter novenos
 dies ex more ibi egisse, Jovique sacrificasse, & thronum, qui Jovi quotannis ster-
 nitur, ibi vidisse. Hinc dicti videntur ἐν θρόνισμῳ, carmina scilicet, quae his ini-
 tiis accinebantur; qualia & Orpheum scripsisse, & Pindarum refert Suidas. Ad
 hunc morem adludit Origenes in Libro III. contra Celsum (pag. 120.) τέτοις,
 ait, προκαταλεμνὴν ἢ προκαταχρησὴν τὰς ἀνθρώπους, ὥσπερ οἱ τὰς κορυβαυλιζομένους περιβομ-
 βῶντες & Maximus Tyrius in Oratione VII. (p. 74.) de Homero loquens, qui
 pristinam hominum de Diis opinionem, humilem antehac & abjectam, mirum in
 modum amplificavit, & suavitate carminum, auditorum animos obstupefecit. τέτο γὰρ
 τοι δύναται, inquit, ποιητὴς λόγῳ ἐμπεσὼν ἀκοῆς τεθρομμένης κακῶς, περιβομβεῖν αὐτὰς,
 ἢ μὴ παρέχειν χολὴν διαπισθεῖν τοῖς εἰκῇ θρομμεμένοις λόγοις. Denique Philostratus Lem-
 nius in XV. Epistola ad Epictetum, οἱ τελῶνται τῇ ῥέᾳ, inquit, μαινόμενοι πληγέντες
 τὰ ὧτα κτύποις ὀργάνων id est, qui initiantur sacris Corybantiis, furore corripuntur,
 ubi

(a) Voces has saepe inter se commutatas esse apud alios itidem Scriptores patet ex iis, quae habet Ku-
 sterus ad Aristophan. Nub. v. 416.

(b) Idem quoque tradit Philostratus Lib. IV. de vita Apollon. Cap. 7. & qui pluribus hoc Jovis O-
 lympici simulacrum a Phidia secundum descriptionem Homericam factum describit Pausan. Lib. V. Cap.
 10. vid notam Cameracii ad Quintilian. Lib. II. Inst. Orat. 3. iisque qui laudantur in notis ad Valerii
 Max. locum a Valesio hic adductum, adde Passeratium ad Propert. p. 456.

ubi organorum soni auribus insonuerunt. Hinc (a) κορυβαντιῶν Graeci usurpare solent pro eo, quod est simpliciter furere.

CAPUT V.

Dio Chrysostomus emendatus. Mos mulierum oracula adeuntium lapidem humi jacentem levare.

IN Oratione XIII. Dionis Chrysostomi de exilio, locus occurrit insignis, in ipso fere exordio, de mulieribus, quae oracula captabant in templis, lapidem humi jacentem levantes, ac prout levis visus esset, aut gravis, ita de futuro negotio conjicientes. Ait igitur Dio, videri posse exilium, morbum & senectutem, & caetera hujusmodi perinde se habere ac lapides illos, quos divinandi causa mulieres tollere solent in templis; aliis enim gravia videri, iis scilicet, qui graviter & molesto animo ferunt: aliis contra levia, iis nimirum, qui leviter & aequo animo ferunt: ὁποῖον λεγόμενον ἐστὶ περὶ τὴνμαντείαν τὴν τῶν γυναικῶν ἐν τοῖς ἱεροῖς ἐκείναι γὰρ βωμόν τινα ἢ λίθον ἐπαίρῃσαι, σκοπεῖσιν ἐκ τῆς περὶ τὸ πρᾶγματι, ὃ πυνθάνονται, ἢ δὴ ταῖς μὲν αὐτῶν φασὶ γίνεσθαι κῆρον, ταῖς δὲ βαρύν. Existimavi aliquando pro βωμόν legendum esse βωλόν, id est, glebam: nihil tamen temere mutandum est. Caeterum de hoc mulierum more elegans epigramma extat Antiphili in Libro primo Anthologiae Cap. 53. (p. 80. Ed. Steph.) quod sic habet.

Ἡ γεγεῖς Εὐβέλη, ὅτε οἱ καλὰδύμιον ἦν τι,
Φοίβῃ τ' περὶ ποδῶν μάντιν αἶρε λίθον,
Χεῖρεσι περιέριξας ἢ ἦν βαρύν, ἥνικα μὴτι
Ἦδελεν· εἰ δ' ἐθέλοι, κηρότερον πετάλων
Αὐτὴ δὲ κήρῃσας τὰ οἱ φίλον, ἦν ποδ' ἀμάρτοι,
Φοίβῃ τὰς ἀνίσχες χεῖρες ἐπεγέρφετο.

Id est, Anus Eubule, quando fixum quid ratumque animo habebat, divinam lapidem, qui ante pedes Apollinis erat, levare consueverat, manibus experiens: & quoties quid facere nolebat, tum gravis erat lapis: fin facere volebat, tunc levior erat folio. Postea vero cum egisset id quod voluerat, si forte res infeliciter cessisset, inaequalitatem manuum Apollini inputabat. Inmerito id quidem; cum sibi ipsi inputare debuisset, quae praeoccupato animo quasi Deum tentatura ad aram accesserat.

G 3

C A.

(a) Huc egregie facit locus Strabonis Lib. X. pag. 473. τῶν δὲ κορυβαντιῶν ὁρχησικῶν καὶ εὐδαιμονιστικῶν ὄντων, καὶ τὰς μανικὰς κινήσεις κορυβαντιῶν (sic recte ex Codd. vet. legit Casaubonus) φερέν. Quando autem Corybantes saltant & instinctu divino concitantur, etiam eos qui furiose moventur, corybantiare dicimus. Κορυβαντιῶν etiam dicebantur illi, qui patentibus oculis propter imagines & sonores dormientes, furiis continuis in somno agitantur, & vigiliis ac insomniis vexantur, quae a Corybantibus inmitu credebant veteres. Vide Scaliger. ad Catullum pag. 34.

CAPUT VI.

*Dio Chrysostomus emendatus. Menandri Comoediae olim
in scholis actitari solitae.*

Utilissima est Dionis Oratio decima octava, quae de exercitatione dicendi inscribitur: In ea siquidem traditur methodus instituendorum studiorum ei, qui ad eloquentiam adspirare velit. Inter caetera suadet inprimis, ut Euripidem Tragicum & Menandrum Comicum assidue in manibus habeamus, utque eos non legamus aut recitemus ipsi, sed ut coram nobis suaviter & canore, aut certe non injucunde eorum versus declamari jubeamus: altius enim penetrare sensus verborum, cum a legendi molestia liberati sumus. Verba Dionis haec sunt pag. 255. quorum mentem Interpres minime est adsecutus: ἡ τέτοις, μὴ αὐτως ἀναγινώσκοντα, ἑτέρων ἐπισαμμένων, μάλιστα μὴ ἡ δέως εἶδ' ἐν ἀλύπως ὑποκρίνασθαι. Nec vero locus hic mutilus est, ut Casaubonus existimavit, sed obscurus duntaxat ob ignorationem moris antiqui. Sciendum est igitur (a) Menandri comoedias olim in scholis declamari & actitari solitas esse, propterea quod mirifice composita esset oratio ad gestum & actionem, utpote quae soluta esset absque particulis & conjunctionibus, ut notat Dionysius Halicarnasseus in libro περὶ ἑρμηνείας, in Capite περὶ ἰχνῶ. ubi observat duo esse genera dictionum, alterum, quod ad gestum & actionem compositum est, graece ἐναγώνιον & ὑποκριτικὸν dicitur: alterum, quod ad legendum duntaxat est comparatum, eaque γερφικὴ λέξις adpellatur, quales sunt dialogi & epistolae. Ac soluta quidem oratio magis convenit declamationi: exemplum adfert mox Dionysius hunc Menandri versum;

Ἰδεξάμην, ἔτικτον, ἐκτρέφω, φίλε·

Haec enim propterea quod disjuncta sunt, etiam invitum compellunt ad gestum & actionem: At si conjunctiones addideris hoc modo; ἰδεξάμην, ἡ ἔτικτον, ἡ ἐκτρέφω.

(a) Rhetores enim & veteres Eloquentiae magistri pueris Menandrum praecipue lectitandum & ediscendum dabant, & ut praestantiam ejus ac dotes discipulis inculcarent, comparatione inter eum, ac Philemonem, similesque instituta, eos exercebant ad eloquentiam promovendam, eorumque praecepta & gnominas inter se conferebant: quo spectat illa *Menandri & Philemonis* (ut recte correctum est a Viris doctis pro *Philistionis*) Σύνκρισις, quam cum elegantissimis D. Heinsii notis edidit Rutgersius Lib. IV. Variar. Cap. 12. In noto autem Ovidii loco Lib. II. Trist. 370.

*Fabula jucundi nulla est sine amore Menandri,
Et solet hic pueris Virginibusque legi.*

putem forte eundem indicari morem, quem hic observat Valesius, ut capiamus, solere Menandrum praelegi pueris ac virginibus, in Scholis nempe, nam puellas & virgines etiam ludos literarios frequentasse ex Casauboni & Menagii notis ad Laërtium oportune monuit ad Ovidium meus Patruus. Quae autem, ut hoc obiter dicam, ad illum locum notavit Gronovius Diatribes Stätianae pag. 188. ubi refutat eos, qui Ovidium παραλογισμὸν illic commississe existimant, spectant Dan. Heinsium in notis ad Menandrum & Philemonem. Συνκρίσις. apud Rutgers. pag. 389.

τρέφω, omnis adfectus per has conjunctiones tollitur: oratio autem adfectu destituta prorsus inepta est ad actionem & ἐπὶ κρείσσιν. Contra vero scriptoria dictio (sic enim liceat adpellare, quam Dionysius γρηγορικὴν λέξιν nominat) commodissima est lectioni seu recitationi, quippe quae tota inter se connexa sit, & quasi firmata conjunctionibus, quae perspicuitatem conciliant orationi. Quamobrem Menandri quidem Comoedias actitare solent, propterea quod solutus est ut plurimum; Philemonis autem legere: διὰ τὸτο ὃ καὶ Μένανδρον ὑπεκρίνονται λευκώλον ἐν τοῖς πλείστοις. Φιλήμονα δὲ ἀναγινώσκουσι. Vides quantum lucis adferat Dionis nostro hic Dionysii locus, adeo ut absque illo vix posset intelligi. Caeterum in Dionis verbis mendum aliquod subesse non negaverim. ac fortasse scribendum est; ἐτέρων δὲ ἀνέσταντα ἐπισαμίων &c. Quod valde arridet, neque aliter Dionem scripsisse censeo. Paulo post scribe; τῆς περὶ τὸ ἀναγινώσκειν ἀρχολίας. Nec omittendus est hoc in loco illustris Plutarchi locus in comparatione Aristophanis & Menandri, ubi Menandri comoedias ait omnium bonorum, quae Graecia adtulit, praestantissimum esse & latissime diffusum, quippe quae in theatris, in scholis & conviviis actitentur, legantur, recitentur: ἐν θεάτροις, ἐν διατριβαῖς, ἐν συμποσίοις ἀνάγνωσμα, καὶ μάθημα, καὶ ἀγώνισμα, κοινότατον ὧν ἡ Ἑλὰς ἐνήνοχε καλὸν παρέχων τὴν ποιήσιν.

CAPUT VII.

Dio Chrysostomus emendatus & illustratus. Dionis aetate Tragediae non Comoediae interciderunt. Pergulae Magistrorum.

L Eve est quod monebimus, sed tamen non omittendum, in Oratione XIV. Quae est de servitute pag. 232. sic legitur, εἰ γὰρ ἔξεις τέτοις περὶ τὴν, ὡς αὐτοὶ ἐθέλουσιν, ἀλλ' ὡς ὁ, τε κυβερνήτης, καὶ ἰατρός, καὶ διδάσκαλος περὶ τὴν. Scribe meo periculo (a) προσάττει, non περὶ τὴν. In Orat. XIX. locus est, qui mihi quidem valde obscurus videtur: postquam enim dixit Dio, artem Cytharoedorum & Histrionum sive actorum sibi excellentiorem videri Sophistica ac Rhetorica ad voluptatem conciliandam, hanc rationem adfert (pag. 261.) Nam εἰ vox, inquit, contentior est, εἰ cum majori arte εἰ cura: neque extemporalis ars est, sicut Rhetorum, qui ex tempore plerumque dicere conantur: Sed Poëtarum versus canunt accurate εἰ cum otio conscriptos, εἰ pleraque eorum, quae ab illis canuntur, vetusta sunt, εἰ ab hominibus composita longe sapientioribus, quam qui nunc vivunt: sequitur deinde: τὰ μὲν δὲ κωμωδίας ἀπαντα, τὰ δὲ τραγωδίας, τὰ μὲν ἱερὰ ὡς εἶχε μῦθον λέγων καὶ τὰ ἱαμβεῖα, καὶ τῶν μέρη διεξίστημι ἐν τοῖς θεάτροις: τὰ δὲ μαλακώτερά ἐξέρρηξεν, καὶ τὰ περὶ τὰ μέλη. Id est: Et Comoediae quidem omnes adhuc partes manent: Tragediae vero firma quidem εἰ solida quaeque permansere: Iambicos versus intelligo, eorumque partes in theatris recitantur; Molliora vero εἰ cantantur.

(a) Eadem emendatio in mentem venit auctori Notarum in Dionem a Wolfio editarum pag. 248.

ta penitus exoleverunt. Obscurum est quid sibi velit Dio hisce verbis, nisi forte Tragoediarum quidem scribendarum studium sua aetate pridem intercidiſſe vult: Comoedias autem adhuc componi solitas eſſe: quod quidem veriſſimum eſt, ſi de ſcriptoribus Graecis intelligatur, quemadmodum intelligi debet. Nam Romani circa haec tempora Tragoedias maxime ſcriptitarunt, Comoediam autem antiquis reliquerant. Inter Graecos porro Philition recentiſſimus Comoediarum ſcriptor haud procul ab aetate Dionis abſuit. Quamquam Marcus Antoninus in Libro XI. (§. 6.) de vita ſua queritur Comoediam ſua aetate proſus in Mimum degeneraſſe.

In Orat. XX. de ſeceſſu pag. 264. fortaſſe quis mirari poſſit, quid ſit, quod ait Dio, οἱ ἢ γυμνασίων διδάσκαλοι, μετὰ τῶν παιδῶν ἐν ταῖς ὁδοῖς καθήμενοι: id eſt, *literarum doctores cum pueris ſedent in via.* (a) Pergulas magiſtrales intelligit, quae in viam ſpectabant apertae, perinde ut pictorum pergulae & aliorum opificum. Auguſtinus in Libro I. Confessionum Cap. 16. in foro fuiſſe teſtatur Grammaticorum ſcholas, quos penulatos Magiſtros vocat: & magna res agitur, inquit, cum hoc agitur publice, & in foro, in conſpectu legum ſuper mercedem ſalaria decernentium. Apertas autem fuiſſe ſcholarum fores, etiam ſcholasticis ſedentibus, tum ex hoc Dionis loco patet, tum ex eodem Auguſtino in Cap. 13. Libri citati: At enim, inquit, vela pendent liminibus Grammaticarum ſcholarum: ſed non illa magis honorem ſecreti, quam tegumentum erroris ſignificant. (b) Velo igitur duntaxat obductas fores habebant, ne praetereuntium tumultus obſtreperet ſcholasticis & doctores. Romae quidem in Capitolio, qui locus erat urbis celeberrimus ac frequentiſſimus, erant auditoria & ſcholae, ut diſcimus ex codice (c) Theodoſii. Quod quidem ideo a veteribus fiebat, ut puerorum caſtitati conſulerent. Philoſtratus in vita (d) Hippodromi ſcholas Smyrnenſium in foro fuiſſe teſtatur, & quidem in templo.

C A.

(a) In pergulis enim docuiſſe Grammaticos ac Rhetores patet ex Sueton. de Illuſtrib. Gramm. Cap. 18 ubi Lucium Craſſitium in pergula docuiſſe dicit. vide illic Marc. Donati notam. Vopiſcus in Saturnino Cap. X. Nam & in Africa Rhetoricae operam dederat, Romae frequentaverat pergulas magiſtrales. ubi Caſaubonus perperam putabat in iis tantum docuiſſe magiſtros triviales: ſed falli virum ſummum, & celebres liberalium artium doctores Mathematicos, Grammaticos, Rhetores, & qui ſtipendia publica accipiebant, in iis artem ſuam profeſſos fuiſſe egregie ad illum locum oſtendit Salmaſius. Vide & Boſch. ad Petron. Cap. 88.

(b) Quemadmodum hic de Grammaticorum Scholis obſervat Valeſius, earum fores velo obductas fuiſſe, ita etiam in Oratorum recitationibus publicis loca erant, in quibus velo diſcretae ſedebant feminae, ut patet ex Plinii loco Lib. IV. Epist. 19. Disponit qui nuntient ſibi quem adſenſum, quos clamores excitari quem eventum iudicii tulerim; eadem, ſi quando recito, in proximo diſcreta velo ſedet, laudesque noſtras avidiſſimis auribus excipit. ubi in notis Cortius obſervavit velo ſimiliter a conſpectu hominum ſecluſos ſediſſe iudices; quod de capitalibus intelligendum, nam in cauſis levioribus populus apertis velis admittebatur. Vid. Torrent. ad Sueton. Claud. Cap. 10.

(c) Ex quo hoc itidem docet Ryckius de Capitol. Cap. 35. pag. 304. ſed verba legis, quia prolixiora, non adſcripſit.

(d) Lib. II. de vitis Sophiſt. Cap. 27. §. 5. ubi vid. Olear. ex ad Proem. Lib. I. pag. 479. in ſine.

CAPUT VIII.

Dio correctus & interpretatus. Libamenta tangendi mos in sacrificiis. Statuarum tituli in alterius honorem deleti & mutati. Mos uxores suas aliis cedendi notatus.

OMnium Dionis Orationum, ut longissima, ita etiam excellentissima est Rhodiaca. Mirabilis in ea tum subtilitas, tum vis & copia argumentorum, ut Demosthenem in hac parte aequasse merito videatur Dio. Proinde operam recte collocaturus videbor, si quid ad ejus illustrationem adtulero. Non procul ab initio locus sese offert corruptissimus, quod miror a Casaubono minime animadversum fuisse. Postquam enim dixit Dio multa esse, quae minimo sumtu facere possimus, si perfunctorie ea volumus exequi, non autem pro dignitate, exemplum hoc adfert pag. 313. οἷον εὐθὺς τὰς θυσίας, ἀς ἐκάστοτε τελέμην τοῖς θεοῖς, ἔσι μὴ θύσαντας φάσκεν τεθυμέναι, μόνον ἂν δοκῇ σεφαινωσαμένους ἢ τῷ βαμῶ προσελθόντας, ἢ τῶν ἐδῶν θιγγάνοντας: quae sic vertit interpres, nempe statim sacrificia quae frequenter Diis solvimus, licet non offerre, & nihilominus dicere nos obtulisse: modo nos, sic videtur, coronemus. adque aram accedamus, & pavimenta adtingamus. quid est rogo, pavimentum adtingere? quaenam illa cerimonia est? noli dubitare, quin Dio scripserit τῶν ἐλῶν θιγγάνοντας, id est, & libamenta adtingamus, quam emendationem ipse confirmat Dio in Oratione Tarfica II. pag. 423. cum ait, οἱ ᾧ ἐκ παρέργου προσίασιν ἀπτόμενοι μόνον ἢ περὶ γματῶ, ὥσπερ οἱ σπονδῆς θιγγάνοντες. quem locum perperam vertit Latinus interpres: verte igitur: alii perfunctorie accedunt, negotium leniter tantum contingentes, ut qui libamenta summis digitis adtingunt. Sic Prudentius in agone Eulaliae (in Libro περὶ Στεφ. Hym. III. v. 124.)

*Si modicum salis eminulis
Turis & exiguum digitis
Tangere virgo benigna velis.*

Vides σπονδῆς θιγγάνειν in Tarfica II. poni pro eo, quod dixerat in Rhodiaca, ἐλῶν θιγγάνειν. Nam ἐλαί, seu ἐλοχύται, nihil aliud sunt quam σπονδαί, far scilicet & mola salsa, qua Diis libabant ii, qui non habebant tura, ut ait Plinius in praefatione Naturalis Historiae. Eodem sensu Dio in hac ipsa Oratione, quam prae manibus habemus, pag. 314. usurpat verbum προσάπτει; τὸ μὲν τῶν θεῶν, ἵνα δὴ πρὸς θεῶν, ὅτι καὶ σπείσῃ τις αὐτοῖς, καὶ θυμιάσῃ μόνον, καὶ προσάψῃται, μεθ' ἧς μὲν τοι προσήκει διαβολας, ἐδὲν ἑλαττον πεποίηκεν. id est, Et quidem quod ad Deos adinet, siue libet quis ipsis, siue suffitum accendat, siue duntaxat haec adtingat cum ea qua decet pietate ac religione, nihil minus fecit quam caeteri, ut optime nostis.

Pag. 323. locus est obscurus, qui lectorem morari possit: Perstringens enim Dio pravam illam consuetudinem Rhodiorum, qui veteri statuae titulum delere consue-

verant, ut eam alteri, quem demereri volebant, consecrarent, sic argumentatur: uxorem quidem nemo vir bonus per adulterium accipere sustinuerit, cum priori viro injuriam fecerit, immo nec quisquam uxorem libenter acceperit ab alio marito, etsi frequenter id fiat non mala ex causa. *μᾶλλον ἢ ἑδ' ἂν ὅλως λάβῃ τις ἡδέως παρὰ ἀνδρὸς ἑτέρου, καὶ τοὶ πολλαὶς γίνεται τῷτο ἢ πονηρῆς αἰτίας.* Nihil ad hunc locum adnotavit Casaubonus, quo veterum consuetudinem illustraret. Multi sunt, inquit Dio, qui uxores accipiunt a viris propriis desponsas. Sane Marcum Catonem Hortensio uxorem suam petenti cecisse narrat Plutarchus in ejus vita, & Strabo in Libro XI. (p. 515) idque ex antiquo more institutoque Populi Romani: Vide quae olim notavi ad Excerpta Dionis pag. 638. Caeterum haec prava consuetudo dudum apud Graecos invaluerat: Sic Athenienses statuas Colosseas Eumenii & Attali erasis titulis Antonio dedicaverant, teste Plutarcho.

CAPUT IX.

Dio Chrysostomus emendatus. Proconsul in provinciam ibat ex praescripto principis. Aphracta Rhodiorum naves. opera publica, cum constructa erant, examinabantur a Magistratibus vel populo. Acratus Neronis libertus.

Post bella civilia Romanorum, pace demum composita, cum res ita exigere videretur, peregrinis omnibus concessum est jus novarum tabularum, lege Augusti, ut videtur. Hoc munus, cum caeteri omnes ultro amplexi essent, soli Rhodii, quamvis ob populi Romani partes studiose defensas urbs ipsorum capta & direpta fuisset, constanter adspersati sunt: & cum caetera omnia Romanis facile permitterent, id unum abnuerunt, ne quid inhonestum lucri causa facerent. Haec Dio fuse persequitur pag. 331. subditque, *ἔ γὰρ δὴ τὸ μετὰ πάντων ἀρχιμονεῖν, τῷ μόνῳ αἰχρίῳ ὑπειλήφατε.* Scribe meo periculo, *τὸ μόνον ἀρχιμονεῖν ἢ μετὰ πάντων αἰχρίῳ* &c. id est, neque enim solos delinquere turpius esse censuistis, quam cum aliis omnibus peccare: quod idem est, ac si diceret, Rhodios existimasse, non minus turpe esse solos delinquere, quam cum aliorum societate.

In eadem Oratione pag. 342. ait Dio Rhodios, qui olim solebant 100 navium classes e portu emittere, nunc in Euxinum pontum, nunc in Aegyptum, interdum quoque ad ipsum Oceanum, sua aetate una aut duabus aphractis navibus quotannis Corinthum occurrere: quod sic intelligendum censeo. Proconsul Asiae per mare in provinciam ire mandato Augusti tenebatur, ac primam ex Asiae urbibus Ephesum applicare. Igitur Rhodii naves Corinthi paratas quotannis habere tenebantur ex foedere, aut ex Senatusconsulto, ut Proconsules in provinciam deportarent: Vid. leg. 4. ff. de Officio Proconsulis, cui consentit Plinius in Lib. X. (Epist. 28.) ad Trajanum, ubi de suo adventu in provinciam certiore illum facit. Tanta fuit diligentia tamque accurata dispositio veterum Romanorum, ut Magistratibus

tibus in provinciam ituris certum iter praescriberent. Cicero in (a) Vatinius, *Exierisne*, inquit, *legatus in ulteriorem Hispaniam, cum illud iter Hispaniense pedibus fere confici soleat, aut si quis navigare velit, certa sit ratio navigandi: Venerisne in Sardiniam, atque inde in Africam.* Caeterum aphraëta Rhodiorum memorat etiam Cicero in Epist. 13. Libri V. ad Atticum. (b)

In eadem pagina leguntur haec verba, quae non intellexit interpres, ut nec alia innumera: *ἡ νῦν μὲν ὑφ' ὑμῶν δοκιμασθεῖσθαι οἰκοδομεῖται.* Verte, *Et nunc quidem ea aedificantur, quae vos ipsi probaturi estis.* Opera publica, postquam constructa erant, examinari a Magistratibus aut a populo solebant: Hinc vetus inscriptio Puteolana, in lege operis sic habet: *Quod eorum XX. Furati probaverint, probum esto; quod improbaverint, improbum esto.* Pag. 346. leve mendum est, quod sententiam perturbat: *ἤδη τοίνυν ἤκασατε, ἡ τοιούτων τινῶν ἀπογεδιάζοντες.* Scribo *ἤκασα τι*: respondet enim Dio excusationibus Rhodiorum: Sic supra pag. 342. *ἡ μὲν ἤδη τινὸς ἤκασα* *ῥοδίοις λέγοντες.*

Denique pag. 355. corruptum est Acrati nomen, Neronis Liberti, qui totum fere orbem terrarum peragraverat, missus a Nerone, ut simulacra & tabulas & signa excellentium artificum corraderet: Qui cum Rhodum venisset, & Rhodii ejus adventu maxime angerentur, adfirmavit publice in theatro non auferendi cujusquam, sed spectandi tantum gratia Rhodum venisse: *ἵτε γὰρ ἂν Κράτων ἦκε μόνον.* lege, *ἵτε γὰρ ἂν Κρατῶν ἐκείνον, ὃς τὴν &c.* quam emendationem confirmat codex Regius. Hic Acratus memoratur a Cornelio Tacito in Lib. XVI. Historiarum, ubi (c) Lipsius jam pridem admonuit, hunc Dionis nostri locum corruptum esse.

CAPUT X.

Dio Chrysostomus emendatus. Ψάλιον & Ψέλιον commutata.
Ψάλιον fraent durioris genus.

IN Oratione 32. ad Alexandrinos pag. 369. ridicule erravit interpres, cum haec Dionis verba interpretaretur, *καθάπερ ἵππον ἡμιόλον ἐξ ἡνίας ἀτελεῖς, πρῶτος ἀγοντα,*
H 2 *ἐδὲν*

(a) Cap. 3. ubi integra Ulpiani verba ex l. 4. ff. de offic. Procons. & Leg. adscriptis in notis Abramius.

(b) Ex quo patet non magni aut velocis navigii genus fuisse: verba ejus sunt: *Navigavimus sine timore & sine nausea, sed tardius propter aphraëtorum Rhodiorum inbecillitatem.* cui adde locum ex Lib. VI. Epist. 8. *nos esefiae vehementissime tardarunt: detrahit XX. ipsos dies etiam aphraëtus Rhodiorum.* & paullo post: *nos Rhodiorum aphraëtiis, ceterisque longis navibus tranquillitates aucupaturi eramus*

(c) Vitiose descriptum hic erat exemplar Valefianum. Nam indicatur locus ex Lib. XVI. Annalium Cap. 23. ubi *Acrati* quidem fit mentio, verum non illic Lipsius Dionis locum corruptum esse admonuit, & *Acrati* nomen in eo reposuit, sed ad Lib. XV. Annal. Cap. 45. Dederat etiam Valefius inscriptionem hanc & verissimam emendationem in notis ad Excerpt. Peiresc. pag. 98 ubi tamen Lipsii, cui illa ante Valefium in mentem venerat, non meminit. Caeterum *Acrati* nomen habetur quoque in Inscriptione Gruteriana pag. ccciv. inscr. 4. ubi occurrit *C. PLANTORIVS C. L. ACRATVS.*

ἔδ' ἐν δ' ἐορμῶν ψαλίον. Interpres. vertit: quemadmodum equum generosum loro vili mansuete ducens, haud indigens annulis. Ego, fraenis interpretor: Sic enim Hesychius, Ψαλὸν εἶδος χαλινῆς; & Ψαλίον, χαλινός. Hoc vocabulum corruptum est in Oratione Dionis Celaenensi pag. 430. Ubi ait, ex asino equum fieri non posse: ἔδ' ἂν τὰς γυνάβας τρήσαντες αὐτῶν, ψαλίον ἐμβάλλωσι. Interpres inepte vertit, nec si mento perforato armillas illis injiciant: Ego (a) ψαλίον legendum esse contendo, id est, nec si perforatis malis, fraenum illis injicias. Idem error in Oratione XLVIII. rursus occurrit pag. 535. ὅταν ὁ χαλινὸς μὴ κατιγύῃ, ψαλίον αὐτοῖς ἐξωθεν ἐμβάλλεται. Scribe etiam hic, ψαλίον, quod genus fraeni est durioris, quod equis inmorigeris adjici solet, cum fraenum minime sufficit: *lupatum* latine dici potest.

In eadem Orat. pag. 370. mendose legitur, ἐν ᾗ ταῖς ἄλλαις σπονδαῖς, cum scribendum sit σπεδαῖς, id est, in reliquis autem certaminibus & factionibus. Idem est enim ac si diceret, ἐν ᾗ ταῖς ἄλλαις θέαις. Haec enim opposita sunt superioribus illis Dionis verbis, ἐν τῷ παρόντι, καὶ ὅταν τὰ συνήθη θεωρῇτε. Ubi τὰ συνήθη adverbialiter positum est, quod interpres non animadvertit.

C A.

(a) Simili varietate apud Plutarch. in Lycurgo: ψάλιον ἐμβάλλωσιν αὐτῇ τὴν τῶν ἐφόρων δύναμιν. ubi codicem antiquum Manuscriptum habere ψέλιον testatur H. Stephan. in Thesaur. Ling. Gr. Tom. IV. pag. 698. ubi de his ψαλίαις multa egregia notavit. reperitur etiam haec vox apud Aristoph. in Pac. v. 154. & Synefium in Epist. 104. pag. 245. ubi de equite ignavo, qui quam poterat celerrime in fugam se dabat: παρενεγκὼν βίαν ὁ ψάλιον καὶ μετὰ σφαίρας ἔφευγεν ἀνυκερῶτα. ut autem apud Hesychium ψαλὸν dicitur εἶδος χαλινῆς, fraeni genus, ita apud Euripid. in Phoeniss. v. 799.

Ἄρμα καὶ ψαλίαις περὶ βάρμοσι μώνυχα πόλιν.

Ubi Scholiafies ψάλια explicat χαλινός, quomodo etiam interpretatur Thomas Magister in hac voce, qui locum illum Euripidis adfert, & notat ψάλιον diversum esse a ψέλιον, idque armillam seu viriolam significare: similiter Ammonius de differentiis verborum: ψάλιον καὶ ψέλιον διαφέρει. ψάλιον μὲν ὁ ἵππος ψέλιον δὲ τὸ ἀκροῖς βραχίονσι περιεβλήμενον κόσμιον. Dubito tamen an discrimen illud a Grammaticis positum semper observaverint Scriptores. ψάλιον autem de equi fraeno fumi indicat etiam Pollux Lib. X. Cap. 12. segm. 54. ubi inter ea, quibus ad equum regendum opus est, enumerat ψαλία & χαλινός: contra de armillis five viriolis ψέλια usurpari tradit Idem Lib. V. Cap. 16. segm. 99. quo sensu apud Aelian. Lib. I. Var. Cap. 22. & Lib. II. Cap. 14. tum ψαλίαις κοσμεῖσθαι, armillis redimitus, apud Herodian. Lib. V. Cap. 5. §. 7. aliosque. Apud Strabonem vero Lib. IV. pag. 200. de Britannis, ἐλεφάντινα ψάλια καὶ περιανυχία intelligenda de armillis, nam illic ψάλια male a quibusdam per fraenos redditum est; de quo Strabonis loco vide Salmas. ad Solin. Tom. I. pag. 245. ubi Grammaticorum distinctionem inter ψάλια & ψέλια etiam observat, sed simul eam auctores saepe insuper habere notavit. Aeschylus vero in Prometh. Vinc. v. 54. ψάλια vocat circulos ferreos, quibus innexus Prometheus monti adfigebatur, ut explicat Scholiafies, nam Stanlejus *brachialia* vertens de ψαλίαις cogitavit. Sed pluribus haec persequi notarum harum ratio non patitur. Quidquid sit, ψάλιον fraeni durioris genus in equis fuisse constat, unde Valesius ψάλιον hic interpretatur per Latinum *lupatum*, quod fraeni duplicis genus equis inmorigeris injiciebatur. Ita apud Virg. III. Georg. 208.

— prensisque negabunt.

Verbera lenta pati, et duris parere lupatis.

ubi Servius *dura lupata* explicat frena asperrima. & sic etiam apud Ovid. I. Amor. El. 2. vs. 15.

Asper equus duris contunditur ora lupatis.

Vide Barthium ad Stat. IV. Theb. v. 730.

CAPUT. XI.

Dionis versio emendata. Inperitia Interpretis Dionis notata.

Dio correctus & inlustratus. ἀπτεδς, pugnam committere.

Mos temulentorum aqua adspargendi praetereuntes,

IN eadem Orat. pag. 383. graviter lapsus est interpres, quem tamen miror a Casaubono semper eruditum vocari. Nullibi frequentius edidit specimen inperitiae suae Nageorgus, quam in hac pagina: ac meo quidem iudicio satius fecisset Casaubonus, si ejus interpretationem corrigendam suscepisset: Nam notas quidem illius pauci sunt, qui legant, interpretationem vero fere omnes legunt, paucis duntaxat exceptis, qui Graeci sermonis peritiam sibi compararunt. Equidem inperitos interpretes ferre non possum, qui scriptores Graecos, quos ipsi non intelligunt, interpretandos suscipiunt, quasi id facile sit, & cuilibet promptum; aut quasi caeteri non melius intellecturi sint Graeca, quam ipsi. Adponam igitur hic integrum Dionis locum, prout verti debuit in Latinum sermonem aliis verbis. *ὃν ἔτος ἐπαινεῖς &c.* Id est, *Et nunc cum tam humanos Praefectos nacti sitis, eos tamen in suspicionem adversus vosmet ipsos concitastis, adeo ut sollicitiore custodia in posterum sibi utendum esse censuerint: atque id effecistis, non insidias ipsis struendo, sed levitate duntaxat atque insolentia. Cum enim fieri posset, ut vos unquam defectionem moliremini, ut vel unum diem bellum gereretis? An non in hesterno tumultu multi cavillis ac dieteriis tenuis audaces fuerunt? Nonnulli cum quidquid ad manum erat teli leco congecessent, ut qui praetereuntes perfundere solent, mox canentes discubuerunt? Alii vero ad portus ac navalia sese contulerunt computaturi, tamquam in die festo? Memoria tenetis rem illam jocosam, quomodo Vir optimus Conon erga vos se gesserit, qui eo progressus, ubi confertissima erat turba, quemdam vobis locum digito monstrans, palam pronunciavit, siquidem ipse prior illuc pervenisset, se victorem futurum, vosque domum recessuros: sin autem vos, inquietabat, quatuor aut quinque passibus praecurretis, victoria penes vos erit, Et ego hinc recedam. Haec autem ille dicebat, parcens vobis vosque deridens, Et tamquam cum pueris jocans Et ludens. Praesto siquidem aderat exercitus &c.* In exemplari Graeco haec ultima verba corrupta sunt, legendum enim est, *ἐπεὶ τὸ σέξτασμα ἐφαιήκει*, non ut editum est, *ἐπὶ τὸ &c.* quod miror a Casaubono non esse adnotatum.

Quod sequitur, non magis feliciter vertit Interpres, *καὶ κενὸν εἶδεναι εἰς ἀπτεδς*. Nam *ἀπτεδς* hoc loco est, *committere pugnam*, quod *ἀπτεδς μάχης* Graeci dicunt. Recte autem vertit Interpres haec Dionis verba, *ὥσπερ οἱ καταχέοντες τῶν παρόντων*, quemadmodum qui praetereuntes perfundunt: quod facere solebant temulenti, qui in cauponis luxuriabantur. Hi enim ex caenacula prospectantes per jocos ac lasciviam praetereuntes aqua perfundere consueverant, quod *ὡλεχέειν* etiam Graeci dicunt, ut legere est apud Diogenem Laërtium in Socratis vita, ubi de Xanthippe sermo est, quae post convicia & jurgia Socratem aqua perfudit. Irridet igitur Dio Ale-

xandrinorum levitatem, qui post faxa & cujusquemodi tela in Praefectum & milites conjecta, quasi nihil grave commisissent, & obvios duntaxat aqua perfudissent, illico ad convivia & cantilenas se contulerant. Hic porro Conon, de quo loquitur Dio, Praefectus fuit Augustalis, ut adparet ex praecedentibus Dionis verbis: Docet enim Dio Alexandrinos neque antea, cum sub Regum imperio essent, nec tunc, cum a Praefectis, quos *ἡγεμόνας* vocat, regebantur, recte parere & modum tenere potuisse.

CAPUT XII.

Dio correctus. Neptuni tridens a Tarsensibus cultus. Herculem Tarsenses praecipue venerabantur. Sanda Herculis filius Tarsi conditor. Basilius Seleucensis explicatus.

IN ipso vestibulo Orationis Tarsicae primae, locus occurrit fatis obscurus: Loquens enim Dio de conditu civitatis Tarsensium, & de auctoribus coloniae, sic ait, *οὗ τε Περγέως ἢ Ἡγεκλέως, ἢ Ἐ' Αὐτόλωνος ἢ Τελαιίνης, ἢ οὗτε χρησμῶν ἢ γενόμενων, ἢ ὡς ἐκ' Ἑλλήνων ἢ Ἀργεῖοι ἢ ἐκτε βελτίους*. Legendum puto, (a) *οὗ τε Τελαιίνης*. Erant Tarsenses Argivorum coloni: Triaina vero maximo honore colebatur ab Argivis, eo quod Neptunus in gratiam Amymonae terram olim tridente percusserat, ac fontem ibidem scaturire jusserat: Unde & loco Triinae nomen remansit, ut testatur Euripides in Phoenissis (vs. 195.) ejusque Graecus Scholiastes, Nonnus in Lib. VIII. Dionysiacōn. Hinc apud Aeschylum in Supplicibus (vs. 763.) puellae Argivae cum viderent Aegyptiorum naves ad portum accedentes, metu perterritae, sic Danaum adloquuntur:

*Οὐ μὴ Τελαιίνας τὰς δε, ἢ Θεῶν εἴβη
Δείσαντες ἡμῶν χεῖρ' ἀπόχωνται, πάτερ.*

Id est, numquid tridentes hos, & Deorum religionem veriti, manus a nobis abstinebunt, & pater? Post (b) Perseum Argivum, inter conditores Tarsensium a Dione ponitur

(a) Haec Valesii correctio licet probabilis sit, adfirmare tamen non ausim Dionem ita revera scrip-
sisse; nam si hoc voluisset, opinor potius scripturum fuisse *οὗ τε Ποσειδῶνος Τελαιίνης*, ut conjiciebat
Casaubonus in Diatriba eruditissimarum notarum Dionis adjecta pag. 63. addens Apollinis tridentem hoc
in loco memoratum prorsus sibi ignotum neque alibi lectum esse: tridentem vero Neptuno, quem ma-
ximo opere Argivi colebant, adtribui notissimum est, eumque veteribus summo in honore fuisse patet ex
iis, quae hic habet Valesius. Longe minus scopum tangit Auctor emendationum in Dionem a Wolfio
editar. pag. 260. qui tentat rescribere *οὗ τε Τελαιίνης*. Sed sanum esse Dionis locum evincit Celeb. Wesse-
lingius ad Itinerar. Hierosolymitan. pag. 579. qui docet Tarsenses Apollinem armasse telo, quod hic a
Dione tridens vocatur, & gladius a Demetrio Tarsensi in loco Plutarchi, quem adfert.

(b) Perseum Tarsi conditorem etiam dicit Ammian. Marcellin. Lib. XIV. cap. 8. ubi & Sandae illius, de

tur Hercules: Certe Tarsenses Herculem praecipue venerabantur, & in ejus honorem pulcherrimam pyram quotannis exstruebant, ut testatur Dio pag. 408. Idemque a Rhodiis factitatum docet Lucianus in Amoribus versus finem. Inter praecipuos Tarsensium Magistratus erat, *Στεφανηφόρος Ἡρακλῆς*, id est, *Herculis Sacerdos*, teste Athenaeo in fine Libri V. Adde quod Sandas sive Sandan Herculis filius Tarsum condidisse memoratur, quemadmodum scribit Basilus Seleuciensis in Lib. II. de vita Theclae Cap. 15. ubi loquens de Eusebio avvocato, qui Hyperechium Virum Clarissimum summopere dilexerat, *ὃ γὰρ*, inquit, *ἐν μιᾷ πόλει ὡρμηγὸς τῆς Δαμαλίδος τὴν ἢ Σάνδα τὴν Ἡρακλῆος τὴν Ἀμφιτέρωνος*: quibus verbis (a) Tarsum designari pro certo habeo, a Sanda Herculis filio conditam. Nam Ammianus Marcellinus in Lib. XIV. Sandam Tarfi conditorem nominat. Pag. 402. scribe, *τὰ ῥά κεν* (b) *ᾠειρραμμένοι*, non autem *περρηρημένοι*, ut habent vulgati Codices.

CAPUT XIII.

Dionis Oratio Tarsensis posterior inlustrata & emendata. Casaubonus refutatus. ἡγεμόνες Praesides provinciarum. Tarfi publicus erat conventus, ad quem finitima conveniebant oppida. διαζέειν, de urbibus, quae forum habebant: διαζέειν, de oppidis, quae ad id conveniebant.

Inter Orationes Dionis subtilissima mihi videtur posterior Tarsica, & maximo cum artificio scripta. Nam cum Dio Tarsenses reprehendere vellet ob duas causas, tum quod adversus Magistratus Romanos insolentius se gererent, eisque accusationes & judicia repetundarum minarentur, tum quod finitimos & subditos sibi populos, Mallotas scilicet & Solenses, acerbius tractarent; initio Orationis eos ob id ipsum maxime laudat: quod genus Graeci *ἐχρηματισμὸν λόγον*, Latini *figuratam orationem* appellant. Itaque pag. 416. non parum dignitatis civitati Tarsensium

de quo paullo post agit Valesius, meminit; ejus verba sunt: *Ciliciam vero quae Cydno amne exultat, Tarsus nobilitat, urbs perspicua: Nobilis hanc condidisse Perseus memoratur, Jovis filius & Danaes, vel certe ex Aethiopia profectus Sandan quidam nomine vir opulentus & nobilis. Cujus locum adscripsi, ut eum emendat Salmas. ad Solin. Cap. 41. pag. 772. nam in vulgatis est: urbs perspicabilis: hanc condidisse &c. eadem autem tradit Scholiastes Juvenalis ad Sat. III. v. 117. cujus locum vide apud Vales. ad Ammian. pag. 38.*

(a) Eandem opinionem dedit Valesius ad dictum Ammiani locum: verum in Basilii loco non Tarsus; sed urbs Dalisandus denotatur, ita contracte dicta a Damalide & Sanda Herculis filio; ut late contra Valesium adduxit itidem Wesselingius ad Hieroclis Synecdem. pag. 710. ubi plura huc facientia de Tarso & Sanda erudite, ut solet, notavit,

(b) Ita in hoc Dionis loco emendandum esse jam monuerat Vales. in notis ad Harpocration. pag. m. 51.

sium ex eo accessisse dicit, quod Magistratus Romanos, qui provinciam male administraverant, saepe ipsi in iudicium vocassent: ita enim factum esse, ut terrori essent Praesidibus, & ab omnibus magni fierent, quippe qui & seipso tueri, & alios a Praesidum injuria indemnes praestare possent. Sed in fine Orationis pag. scilicet 434. invidiosum esse, ac periculosum ostendit Dio, excitare contra se iram atque odium Praesidum, & multas ac gravissimas calamitates hinc posse contingere si forte causa ceciderint: proinde prudenter fecisse Jönas, Ephesios scilicet aut Smyrnaeos, qui plebiscito sanxerint, ne quem umquam Proconsulem, qui Asiam rexisset, accusare fas esset.

Haec idcirco paulo fusius retuli, quia Casaubonus hujus Orationis argumentum minime intellexit: Dionem enim de Magistratu sive Duumviro civitatis Tarsensium loqui existimavit, qui non a Tarsensibus creatus, sed a Romanis missus esset; quae sunt mera somnia. Nam Dio manifeste loquitur de Praesidibus Romanis, qui ad Ciliciam regendam mittebantur a Caesare: quippe Cilicia erat inter provincias Augusti. Certe vox, *ἡγεμόνες*, qua utitur Dio, Casaubonum admonere debuerat de Praesidibus provinciae hic agi: nam Dio sic semper appellat Magistratus populi Romani, tum in Rhodiaca, tum in Oratione ad Nicomedienses pag. 478. tum in Oratione XI. pag. 487. & alibi saepius. Sic etiam Strabo in fine operis *ἡγεμόνας* vocat Praesides, seu legatos pro Praetore, qui in Caesaris provincias mittebantur. Deinde cum eosdem Dio appellet pag. 424. *τὸς ἐπὶ τῇ ἐξουσίᾳ*, & quidquid velint agendi potestatem eos habere dicat, equidem non video, quomodo id convenire possit Magistratibus municipalibus; quippe cum Dio in hac ipsa Oratione pag. 427. *τὴν ἐξουσίαν*, pro Magistratu Romano perspicue ponat, *ἢ καταφύγειν ἐπὶ τὴν ἐξουσίαν αὐτοῦ*. Postremo quod ait Dio pag. 425. ferendas esse leves injurias *τῷ ἡγεμόνῳ*, neque eorum iracundiam atque odium adversus civitatem provocare oportere, de Magistratibus municipalibus intelligi non potest, qui non adeo metuendi erant, & levem duntaxat coercitionem, ut in jure dicitur, habebant, non autem vitae ac necis potestatem, quam *τοῖς ἡγεμόσι* tribuit Dio, cum ait, *μηδ' ἂν ἀποσφάτῃ τις*, supple *τῷ ἡγεμόνῳ*. Adde quod Dio pag. 416. testatur, cum Tarsenses aliquos *ἡγεμόνας* reos peregissent, magni habitos fuisse ab omnibus, utpote qui & sibi ipsi & aliis suppetias ferre possent: quod certe de Magistratibus municipalibus dici non potest: nam Duumvir Tarsensium, extra Tarsum nullam habebat jurisdictionem. Sed quid opus est pluribus argumentis inpuerare sententiam, quam nec ipse Casaubonus pertinacius tueretur, si adhuc superstes haec legeret.

Caeterum in hac Oratione reprehendit etiam Dio Tarsenses, eo quod cum Magistratu seu Duumviro suo dissiderent ob levem causam, ut legere est pag. 417 & 426. quem quidem *σεβητήγον* adpellat, & *πρύτανιν*. Haec autem dissensio, ut equidem conjicio, inde manabat, quod cum Tarsenses Praesidem accusare vellent, Duumvir ipsis repugnabat. Pag. 425. lego, *τὴν ταυτέν ἀνάσσειν μηδαμῶς συμφέρον*; scribendum puto, (a) *ἀνάσσειν*, id est, *comminationem*. Sed & antea in pag. 418. scri-

(a) Et haec quoque emendatio in mentem venit Seldeno, sive alius quispiam sit auctor, in notis ad Dionem apud Cel. Wolf. in Anecd. Gr. Tom. I. pag. 261. quem etiam non praeteriit *ιδίᾳ* in proxime antecedenti loco pro *διᾳ*, quomodo iudem corrigit hic Valesius.

Scribe, ἰδίᾳ τὸ συμφέρον ἑκάστῳ δηλονότι σκοπῶντες in pag. 427. legitur hic locus, ὁ μάλιστα ἐστὶ δ' εἶναι παρ' ὑμῖν ἢ δικάζεσθαι μᾶλλον, quem frustra Casaubonus corrigere conatur. Tarfi conventus erat, ad quem conveniebant finitima Ciliciae oppida, ut lites suas persequerentur; nam Praeses quotannis jus in ea civitate dicebat: quod etiam testatur Philostratus in Lib. I. de vita Apollonii. Mallotae proinde, qui Tarso contributi erant, Tarsum ventitare cogebantur ad conventum, ut ibi causas suas persequerentur. Sed & ad sacrificia obeunda venire tenebantur, ut Dio scribit hoc loco: Erat autem id praecipuum decus, quo maxime urbes efferebantur, forum apud se habere, quo aliae convenirent; quod testatur Dio noster in Orat. ad Caelenenſes, & in Orat. XL. ad cives suos pag. 488. Urbes porro, quae forum & conventum habebant, dicebantur δικάζειν; quae autem conveniebant, δικάζεσθαι, seu συντελεῖν εἰς τὸ παρ' ἑτέροις δικαστήριον, ut loquitur Dio in Oratione ad Nicomedienses pag. 476. & pag. 488. εὐ γὰρ ἴτε, ὅτι ἢ τοῖς αἰκοδομήμασι ἢ ταῖς ἐορταῖς, ἢ τῷ δικάζειν αὐτοὶ, ἢ τῷ μὴ παρ' ἑτέροις ἐξετάζεσθαι, μηδὲ συντελεῖν ἄλλοις, καθάπερ οἴμαι κώμην &c. sic enim legendum est pro μηδὲ συντελεῖν ἄλλοις; id est, compertum enim habetis civitates praecipue gloriari, seque prae caeteris efferre solere, & pulchritudine aedificiorum, & diebus festis, & quod ipsae judicant, neque apud alios negotia sua disceptantur, nec aliis contributae sunt instar vicorum. Merito enim δικάζειν dicebantur eae civitates, in quibus conventus agebatur: quippe cum Judices ex ea praecipue civitate a Praesidibus aut Proconsulibus sumerentur, ut docet Plinius in Libro X. Epist. ad Trajanum de Archippo Philosopho. Contra populi, qui conveniebant ad forum, jure dici poterant δικάζεσθαι seu κρίνεσθαι παρὰ τοῖς ἄλλοις. Sic loquitur Dio in Oratione proxime citata pag. 495. ἢ κρίνει τὰς ἄλλας πάντας, ὅτι δὴ τὰς δίκας ὑμεῖς ἀποδέχεσθε, ἢ παρ' ὑμῖν αὐτοὺς ἀνάγκη κρίνεσθαι.

CAPUT XIV.

Dionis Oratio in Celaenis de conventibus inlustrata.

ORatio XXXV. Dionis Chrysostomi habita est Celaenis in Phrygia, ut ipse titulus indicat. Haec urbs Apamea vulgo a Latinis dicebatur: in ea urbe ait Dio pag. 433. celeberrimum fuisse mercatum, quo conveniebant Phryges, Lydi, Cares, & Cappadoces, Pamphyli ac Cilices: id vocat Dio, ἀγορὰν ἢ σύνοδον παρέχεσθαι. Addit Dio in eadem urbe conventum fuisse quotannis iurisdicendi causa, ad quem convenirent ex finitimis populis innumeri, negotia sua disceptaturi: αἱ δίκαι κατ' ἑτὸν ἀγονταὶ παρ' ὑμῖν. Hic conventus Apamenus dicebatur, quo conveniebant Metropolitae, Dionysiopolitae, Euphorbeni, Acmonienſes, Peltēni, & alii minores populi, ut testatur Plinius in Lib. V. Nat. Hist. (Cap. 28 & 29.) Ubi omnes Jurisdictiones Asiaticas accurate recenset; ac tres quidem in Phrygia fuisse dicit;

primam Cybiraticam, cujus etiam meminit (a) Cicero in Verrem: secundam Synnadensem; tertiam Apamenam: *Tertius Apameam vadit, antea Celaenas appellatam*: In Caria unum memorat conventum Alabandensem: in Lydia Sardianum: in Jonia duos fuisse conventus scribit, Smyrnaeum & Ephesium: in Aeolide Adramytenus conventus a Plinio memoratur: postremo in Asia proprie dicta Pergame-nus. Populi qui ad eas civitates conveniebant, *vadere, convenire, disceptare in eo foro, & deportare negotia sua*, dicuntur ibidem a Plinio. Sed difficultas est in Dionis verbis κατ' ἐτῷ. Interpres, παρ' ἐτῷ, legendum putavit; cui suffragari videtur Casaubonus. Emendationis causam praebet Dio, qui paulo post hos juridicos conventus maxime fieri ab omnibus dicit, & civitates eam praerogativam mirum in modum ambire: tum deinde addit: μέτεσι ἢ αὐτῇ ταῖς πρώταις πόλεσιν ἐν μέρει παρ' ἐτῷ. id est, *participes autem sunt hujus praerogativae, alternis annis nobilissimae quaeque civitates, & fama est plurium annorum intervallo deinceps id factum iri: provinciales enim ferre non posse, ut tam variis discursibus huc illucque rapiantur*. Sed quomodo alternis annis hi conventus agi potuerint, equidem non video. Hoc quidem fortasse fieri potuisset, si duae duntaxat jurisdictiones in una fuissent provincia: sed in Asia, ut vidimus, longe plures fuerunt. Adde quod omnes conventus quotannis obire consueverant Proconsules & Praesides, ut docet (b) Plinius in Epist. ad Trajanum de Dione: alioqui si conventum alternis duntaxat annis in aliqua civitate egissent, justitium in eo conventu fuisset per annum integrum. Itaque malim in Dione legere κατ' ἐτῷ utrobique. Saepenumero autem eveniebat, ut Praesides, cum in una civitate postulationum libellos a partibus accepissent, in alia civitate cognituros se pro tribunali & sententiam laturos praedicerent, ut apparet ex Epist. Plinii ad Trajanum de Dione: quod quidem molestissimum erat litigantibus, cum & itinerum difficultatibus, & sumtibus conflictarentur. Hoc est quod dicit Dio, συνεχρῶς ἐλαύνεσθαι πανταχῶς. Itaque plures optabant, non ut quotannis in omnibus civitatibus conventus haberetur: sed ut per plurium annorum vices id fieret, utque hoc quidem anno in hac civitate, sequenti in illa, & sic deinceps forum haberetur.

C A-

(a) Nescio quem ex Verrinis locum designet Valesius. in IV. Verrin. Cap. 13. & seqq. Cicero meminit Cybiratarum fratrum, Tlepolemi, & Hieronis, quos, cum Cybrae in suspicionem suis civibus venissent sanum expilasse Apollinis, veritos poenam judicii ac legis domo exules profugisse dicit, quae tamen ad ea, de quibus hic agitur, referri non possunt. Sed fori Cybiratici, quod Laodiceae agere instituerat, meminit Cicero Lib. V. ad Attic. Epist. 21. loco adposito: *Idibus Februariis, quo die has literas dedi, forum institueram agere Laodiceae Cybiraticum, & Apamense Idib. Martiis ibidem Synnadense, Pamphylium, Isauricum* &c. ubi similiter Apamensem & Synnadensem conventum commemorat, ut Plinius in loco hic a Valesio producto, ubi de foro Cybiratico dicit Plinius, ad id convenire solitas XXV. civitates, in fine Capituli 28. si sequimur vulgatas editiones, quae verba ejus loci divellunt capituli sectione, cum conjunctim legenda sint hoc modo; *Sed prius mediterraneas jurisdictiones indicasse conveniat. Una appellatur Cybiratica: ipsum oppidum Phrygiae est: conveniunt eo XX civitates, celeberrima urbe Laodicea, Infonbonitate, ac numero pagorum crevisse, & accedentibus tribus finitimis urbibus, quae singulae unum habebant suffragium, conventui huic nomen Tetrapolis esse factum, sed Cybiram habuisse duo suffragia*, tradit Strabo Lib. XIII. Geograph. in fine.

(b) Lib. X. Epist. 85.

CAPUT XV.

Dio correctus.

IN eadem Oratione quaedam sunt valde obscura, quae cum Casauboni aciem fugerint, nos pro virili parte illustrare conabimur. Postquam igitur de Corinthiis abunde locutus est Dio, ostenditque id facinus, de quo in superiore capite diximus, omnino turpe esse & indignum veteri aequitate & gloria Corinthiorum; postea de seipso, ac de statua sibi posita disserit: Sciebam, inquit, pag. 465. hanc esse mortalem: tum de statu is omnibus in universum pronunciat, rem caducam & fragilem: quis enim vidit statuam Midae, quis Hippaemonis, quarum inscriptiones adhuc in hominum ore versantur, licet statuæ ipsae dudum subversae sint. Contrarium quibusdam statu is evenit, ut ipsae quidem adhuc stent, & cognoscantur ii, quibus erectae sunt, inscriptiones autem ad alios translatae sint, & Antipasto Melicorum simillima res est: Statua quidem Graeca est, inscriptio vero Romana. Et hae tamquam aemuli poëtae edunt, hinc quidem habitum Graecorum, illinc fortunam Romanorum. Vidi ego alicubi in Graecia Alcibiadem illum Cliniae, qui inscriptionem haberet Domitii Aenobarbi &c quam haec clara sint & aperta nemo non videt. Sed Graeca non perinde plana sunt, nisi emendatione nostra adjuventur. Scribe igitur, τὴν δὲ ἐπιγραφὴν ἔχουσιν ἕτεροι, quamquam ἑτέρων quoque ferri potest. modo ita intelligatur, ut dixi; mox supplendus est locus hoc modo, μὲν ἐπιγραμματα ῥωμαῖζει, ὁ δὲ ἀδελφὰς ἐκζητίζει. postremo scribo, ἀντιδιδαύσκουσιν, ὥσπερ οἱ ποιηταί. Paulo post locus est, quem pro deplorato habuit Casaubonus, qui tamen meo quidem iudicio sanus est, ac solo interpunctionis vitio laborat: τὸ Ἰοθμίων τὸ ἀγωνοθέτην τὸ ὑμέτερον, Μόμμιο ἐκ βάθρων ἀνασπάσας, ἀνέθηκε τῷ Δτι Φδ τὸ ἀμαθίας τὸ ἀδελφὸν, ὡς ἀνάθημα. Mirum est non animadvertisse Casaubonum locum hunc uno ductu legi debere: verte igitur, agonothetam Isthmiorum, qui olim erat in hac urbe, a fundamentis revulsum; Mummius Romae Jovi Capitolino, tamquam donarium consecravit, fratris sui inscripto nomine, ὁ Vecordiam!

CAPUT XVI.

Dio emendatus. Elegans Graecorum locutio de viris fortibus notata.

INter alia argumenta, quibus se consolatur Dio, & injuriam sibi illatam parvi facienda esse persuadet, hoc argumento utitur pag. 467. Anaxarchus, inquit, corpus suum tundendum praeiit, non secus ac vestimentum. Ego statuam discerpendam, etiamsi sensu praedita esset, non traderem. Scribe ergo, & παρέχομαι τὸ ἀδελφῶτα χορδαίν &c. nam χορδαίν, quod vulgo legitur, ferri non potest. Sequitur in Dione;

Dione; atqui nostra, inquit, haec statua sensu superior est. Ego vero, ut ait Laodamia apud Euripidem, ne exanimem quidem amicum proderem: proinde illam, ac si sensu praedita esset, nunc consolari volo. Deinde statuam suam alloquitur his verbis ex aliquo, ut videtur, poeta desumptis: ὁ ἰμᾶς μὲν ἡμῶν ἑστὶν ἡμῶν, ἡ δὲ ἰμᾶς ἑστὶν ἑστὶν. Jam non amplius appares! &c. Quae quidem admirabilem habent elegantiam ac leporem: quis est enim, qui non afficiatur haec legens atque intelligens? Nam prout in vulgatis exemplaribus leguntur, profecto intelligi non possunt. Quo majorem nobis gratiam studiosi debitori sunt, qui elegantissimum locum perpurgavimus: Scribe igitur meo periculo; ἵνα ὁ κατα τὴν Εὐριπίδου Λαοδαμίαν ἐκ τῆς προδοίης καὶ περὶ αἵματος φίλου. Paulo antea pag. 466. scribe, καὶ τοὶ ἡ τὸ σῶμα τῶν ἡναιῶν, φασὶν ἀποτέλειν εἶναι. Graeci Oratores, cum de fortissimis viris loquuntur, eleganter dicere solent, eos pericula, labores, mortemque adeo contempsisse, prorsus ac si in alienis corporibus periclitarentur: cujus dicti auctor est Isocrates in Panegyrico pag. 113. ὥσπερ ἐν ἀλλοτρίοις ψυχαῖς μέλλοντες κινδυνεύειν: & ante illum Thucydides in Libro I. pag. 46. Ubi de Atheniensibus id praedicant Corinthii; τοῖς μὲν σώμασιν ἀποτελεῖται ὑπὲρ τῆς πόλεως χεῖνται. Id ipsum de martyribus Christianis merito dixit Gregorius Nazianzenus in eptiva priore in Julianum pag. 76.

CAPUT XVII.

*Dio correctus, & expositus. Nemesis Deae a Smyrnaeis
& Nicaeensis cultae.*

O Ratio XL. ad cives suos, aliquot locis partim obscura, partim mendosa est, quibus hic subvenire pro virili parte conabimur. Pag. 488. ἡ τελευτῶν εἰς τὰ ὄρη φερόμεναι. Vertit interpres, ut denique extra terminos turpiter sim ejectus: pessime id quidem, cum potius vertendum esset: denique ut ad montes summa cum difficultate & molestia saepius profectus sim &c. Commemorat enim Dio, quibus quantisque molestiis conflictatus sit, cum curator operis a civibus suis esset constitutus, partim metiendo & remetiendo, partim supputando, tum denique ad montes proficiscendo, ut materias fabricae necessarias eligeret: cum ipse tamen nullam hujusmodi rerum peritiam haberet, ut praedicat Dio infra pag. 495. posset tamen legi, εἰς τὰ ὄρη φερόμεναι. sed nihil necesse est. Veniamus nunc ad alterum locum, qui est pag. 490. ubi Dio perstringit obtretractores suos, qui de legatione, quam obierat, & de beneficiis, quae patriae suae impetraverat, detrahebant: οἱ δὲ ἐλογόουν, ὅτι τοῖς Σμυρναίοις πάμπολλας δωρεὰς δῶν, ἢ χρήματα αἰμύθητα πέμψειε μετὰ τῶν νεμέσεων. Interpres sic vertit; alii autem sermonibus spargebant quod Imperator Smyrnaeis quam plurima beneficia dedisset, pecuniasque innumerabiles misisset una cum foedere. Casaubonus νεμήσεων legendum putavit, & νεμέσεις nullum hic locum habere censuit.

fuit. Sed utrumque fugit hic ratio: quippe Nemesis a Smyrnaeis praecipue colebatur, earumque aedes & simulacra erant in ea civitate, ut docet (a) Pausanias in Achaicis & Boeoticis circa finem. Erant & certamina his Diabus dicata, ut docet vetus inscriptio Smyrnaea, quae refertur inter marmora Arundeliana pag. 36. Βάσσ@ ἀγωνοθέτης Νεμέσεων. Quare in Dione scribendum puto, χεῖματα ἀμύθητα πέμψειν εἰς τὰ τ' Νεμέσεων. id est, ad certamina Nemesium: erat enim agon ille χερματίτης, ut videtur. Possit etiam vulgata lectio tolerari, si intelligamus simulacra Nemesium, quae fortassis Nero Romam transtulerat, Smyrnaeis reddita esse a Trajano. Nemesis porro etiam a Nicaeensibus eximie colebatur, ut dixit Dio in Orat. XXXIX. ad Nicaeenses de concordia. Favebat autem Smyrnaeis praecipue Trajanus, eo quod oraculum de futuro ipsius imperio ibi primum ab Apolline redditum fuerat, teste Dione in Orat. XLV. pag. 514.

CAPUT XVIII.

Dio emendatus & explicatus. Apamea Phrygiae diversa ab Apamea Bithyniae, quae colonia erat Romanorum.

O Ratio Dionis Chrysostomi XLI. quae est ad Apamenses de concordia, difficultate non caret: primum enim obscurum sibi esse fatetur Casaubonus, quatenam sit haec Apamea, utrum Phrygiae urbs, an Bithyniae: deinde quinam sint ii, a quibus originem traxisse Apamenos ait Dio. Quod ad primum attinet, equidem non dubito, quin de Apamea Bithyniae loquatur Dio. Haec enim erat vicina Prusae ad Olympum, & maritima, quippe non procul a Dascyllo navali, ut testis est Ptolemaeus. Certe Dio in Orat. XL. Apameam hanc maritimam fuisse asserit; & Prusenses, si quando navigare vellent, Apamenorum portu usos fuisse. Apamea autem Phrygiae non erat maritima, & ejus incolae Celaenenses vocantur a Dione in Oratione, quam ad illos habuit. Quod ad secundam difficultatem attinet, urbem illam, a quo Apamenos ortos esse scribit Dio, non Antiochiam, ut Casaubono visum est, sed Romam existimo. Cui enim alteri convenire possunt Dionis verba (pag. 450.) τ' μακαρίας πόλεως, ὅφ' ἥς δῶρο ἐπέμψθητε φίλοι δὲ παῖδες, δῶρο οἰκιστὰς: ἢ τασῶτον εὐτυχία διαφέρουσα τ' ἄλλων ἀνθρώπων ἢ δυνάμει, πλέον

I 3

διε-

(a) De Nemesium templo apud Smyrnaeos in Cap. 5. Achaicorum agit Pausanias, qui etiam Lib. I. Cap. 33. Smyrnaeos maxima cum religione Nemesein colere eamque alatam fingere tradit, de quo vidi. Lindenbrog. & Vales. ad Ammian. Marcel. Lib. XIV. Cap. 11. & sic Deae Nemesis dormienti Alexandro adstantes conspiciuntur in nummo Smyrnaeorum apud Beger. in Thesaur. Brandenb. Tom. I. p. 671. quem etiam vide pag. 700. ita Νεμέσεως ἱερὸν memorat Strabo Lib. IX. p. 399. qui etiam Lib. XIII. pag. 388. tradit Adrastum Regem primum Nemesei templum posuisse. Inscriptio autem illa Smyrnaea, in qua Βάσσ@ Νεμέσεων ἀγωνοθέτης occurrit, habetur in Marmoribus Oxoniensibus, pag. 94. Aliae inscriptiones Nemesei Deae positae leguntur apud Gruter. pag. LXXX.

διενήνοχεν ἐπιεικείᾳ καὶ Φιλανθρωπίᾳ, τῷ μὲν ἀφ' ὅπως μεταδιδῶσα καὶ πολιτείας, καὶ νόμων καὶ ἀρχῶν, ἔδεν ἀπὸ τέρτον ἡγεμνίᾳ καὶ ἀξίᾳ; τῷ δὲ ὁμοίως ἅπασιν φυλάττειν τὸ δίκαιον. Id est, beatae civitatis, a qua huc missi estis, amici ad amicos, ut hanc regionem incoleretis: quae quidem civitas, cum omnes felicitate ac potentia superet; multo magis moderatione & humanitate antecellit: utque enim solum civitatem & leges ac Magistratus liberalitate impertit, neminem extraneum existimans, qui ejusmodi honoribus dignus sit: Verum etiam aequo jure quodammodo agit cum omnibus, & aequitatis observantissima est. In Graeco pro, ἔδεν ἀπὸ τέρτον, emendavi ἔδεν. His igitur verbis ajo Romam designari, quae erat quasi Metropolis Apameae: nam (a) Apamea Bythyniae colonia erat civium Romanorum, teste Strabone in Libro XII. Plinio in Libro V. sub finem, & Ulpiano in Lege prima Digest. de Censibus. Itaque in principio Orationis, ubi ait Dio εἰ γὰρ μόνον αἱ λοιπαὶ πόλεις, ἀλλὰ καὶ τῶν ἰσοτίμων ὑμῖν αἱ πλείους; colonias intelligit, quae pari jure & loco erant cum Apamea: & ipsemet Dio hanc explanationem nostram manifeste confirmat: nam paulo post in eadem pag. 501. de Apamea loquens ita scribit: καὶ τοίνυν πλείους τῶν ἐκείθεν καὶ πολίτας πεποιήκατε καὶ βελῆς μετέδωκατε, καὶ ἀρχοντας ἐκ ἀπηξιώσατε ἡμέτερος παρ' ὑμῖν, καὶ τῶν σεμνῶν τέτων, ἀπὸ τῶν Ῥωμαίων ἐστὶ πόλεις, ἐκοινωνήσατε. Id est, certe multos istinc (id est, ex Prufa) & civitatis vestrae

(a) *Apamea colonia erat civium Romanorum*] Ea de re, prolatis iisdem Auctorum locis, agit Octav. Falconer. Dissert. de nummo Apamensi pag. 33. & Celeb. Wesseling. ad Hieroclis Synecdem. p. 692 qui Apameam coloniam Romanorum fuisse ex iisdem his Dionis locis & Plinio probavit. Huc refer nummum, quem ex collectione Pyrrhi Ligorii profert Holsten. ad Stephan. Byzant. pag. 39. in quo legitur ΑΠΑΜΕΩΝ ΜΗΤΡΟΠΟΛ. ΒΙΘΥΝ. hanc autem Apameam Bithyniae olim Myrleam dictam, & ab Apame, Nicomedis matre, Prusiae regis Bithyniae uxore denominatam volunt. vid. Strabon. Lib. XII. p. 563. Ed. Casaub. & Catanei notam ad locum Plinii Lib. X. Ep. 56. quem in fine hujus capituli profert Valesius. Apameam autem Syriae, a Seleuco Nicatoris conditam, male ab Apame Seleuci matre nomen traxisse scribit Stephanus, cujus error notatus est a Norisio de Annis & Epoch. Syro Maced. pag. 79. ubi pag. 81. profert egregium nummum, in quo Apamea haec ἸΕΡΑ ΚΑΙ ἈΣΥΛΟΣ vocatur, quomodo etiam occurrit in nummis apud Beger. in Thesaur. Brandenb. Tom. I. pag. 68. & Spanhem. de Usu & Praest. Numism. Diss. IX. pag. 778. ille autem Stephani error similis est illi, quem admisit Livius, qui eam ab Apame Seleuci sorore dictam tradit, cum eam Seleuci uxorem fuisse contet: nam ἀμαρτυρία μενημονικὸν illic commississe Livium, adserit contra Salmasium audacter sine MSS. uxore pro sorore legentem Falconerius pag. 26. Sed haec ad Apameam Syriae pertinent, cum Romanorum colonia Apamea fuerit Bithyniae, sita ad ostia fluminis Rhyndaci, quae Colonia Julia dicta est, cum Apameni pro Julio Caesare contra Pompejum stetit, & ob id coloni ab eo facti sunt. vid. Vaillant. Numism. Imper. Tom. II. pag. 24. Fuerunt autem multae hujus nominis urbes Apameae, & quidem numero quatuor: prima Apamea Syriae, de qua modo vidimus: altera Apamea Phrygiae, Cibotus dicta, ad confluentes fluviorum Marsyae & Maeandri, ad quam referri debet nummus Tiberii, quem ex Thesauo-Reginae Christinae profert Spanhem. de Praest. & Us. Numism. pag. 888 in quo ΑΠΑΜΕΙΑΣ ΠΡΟΣ ΜΑΙΑΝΔΡΟΝ legitur. tum alter Apamensium nummus ab eodem p. 890. productus, cum inscriptione ΑΠΑΜΕΩΝ ΜΑΡΣΥΑΣ ΚΙΒΟΤΟΣ. Reliquae autem in Bithynia & Media memorantur a veteribus; vide Falconer. pag. 17. Eas omnes ita dictas fuisse, quia fluminibus & aquis circumcingebantur, putat Salmas. ad Solin. Tom. I. pag. 698. Ed. Par. eumque hac in re secutus Bochartus in Phaleg. Lib. I. Cap. XI. in fine. Verum in Apamearum etymo Salmasium errasse & nova potius quam probabilia dixisse, urbesque Apameas quatuor ab Apame Seleuci uxore, & quintam ab uxore Prusiae itidem Apame dicta nominatas, neque omnes Apameas inter amnes sitas fuisse, prolixo ostendit Falconerius in eleganti, quam modo adduximus, Dissertatione de Nummo Apamensi pag. 24. & seqq. ubi plura de his egregie & erudite observat.

vestrae honore donastis & curiae participes fecistis, & Magistratum apud vos gerere non indignum censuistis; & ornamenta illa, quae urbis Romae propria sunt, impertivistis. Qui locus satis indicat & Apameam coloniam fuisse civium Rom. & in superiori loco, quem prius adduxi, urbem Romam intelligi.

Denique idem Dio in Orat. XL. ad Prusenses de concordia cum Apamenis pag. 492. urbem Apamenorum sic depingit: Sic igitur, inquit, adfirmo numquam condicere odia atque inimicitias, ne maximae quidem civitati adversus vilissimum vicum: οταν δὲ δὴ πρὸς ἀνθρώπους πόλιν οἰκῶντας & σμικρὴν ἢ πολιτείαν ἐξαίρετον ἔχοντας &c. Sic enim legendum est, ut & Casaubonus observavit: id est, adversus homines autem, qui & urbem incolunt non exiguam, & Remp. habent praecipuam ac singularem &c. Annon his verbis aperte designat jus coloniae, quo prae caeteris urbibus fulgebat in Bithynia urbs Apamenorum? Sed & multis privilegiis munita erat colonia Apamenorum, interque illud erat, ne a Magistratibus Rom. rationes & reditus & impendia inspicerentur, utque arbitrio suo Rempublicam suam ipsi administrarent: teste Plinio in Lib. X. Epistolarum ad Trajanum Ep. 56. in qua diferte Apameam coloniam nominat.

CAPUT XIX.

Dio expositus. Jure Romano nemo duarum civitatum poterat esse civis, nisi ex rescripto Principis.

IN eadem Oratione pag. 500. locus est qui prima quidem fronte planus & apertus videtur, mihi tamen plurimum negotii faceffit. Cum enim Apamenos adloqueretur Dio, ac, se non solum dono, verum etiam natura civem ipsorum esse vellet probare, his utitur verbis, ὁ μὲν γὰρ πάππῳ ὁ ἐμὸς μετὰ τῆς μητρὸς τῆς ἐμῆς πατὴρ & τότε αὐτοκράτορος φίλος ὄντος, ἅμα τῇ Ῥωμαίων πολιτείᾳ, ἣ τῇ ὑμετέρας ἐτυχεν, ὁ δὲ πατὴρ παρ' ὑμῶν. Id est, avus enim meus cum matre mea, ab Imperatore illo, cujus erat amicus, simul Rom. civitatem & vestram adeptus est: pater autem a vobis. De avo materno Dionem hic loqui censeo, quod declarant Dionis verba, quae de matre sua subjungit. Sed quid illud est, quod ait avum suum matremque ab imperatore Rom. simul civitatem Rom. & Apamenam impetrasse? Jure civili populi Rom. nemo duarum civitatum civis simul esse poterat, sed qui in aliam civitatem se dicavisset, civitatem Rom. amittebat, nec eam nisi postliminio recuperare poterat, ut docet Cicero (a) pro Balbo. Proinde rescripto Principis opus fuit,

(a) Cap. 11. & 12. ubi tres modos recuperandae civitatis, exilio nempe, postliminio, & rejectione civitatis observavit Abramius, ac de jure postliminii contra Manutium quaedam notavit Graevius. Ut autem apud Romanos non licebat in alias civitates recipi, id quod tamen sub Caesaribus postea receptum fuit, ita contra Gracorum fuit institutum, apud quos variae urbes jus illud civitatis habebant commu-

fuit, ut quis simul civitatem Rom. & Apamenam retineret; eodem fere modo Plinius Harpocrae Jatralliptae suo, impetravit a Trajano Romanam civitatem & Alexandrinam. Sed & pater Dionis Pasocrates, quem Dio ab Apamenis civitate donatum esse dicit, hujusmodi rescripto opus habuit, utpote civis Romanus. Ipse etiam Dio, qui in principio hujus Orationis a multis urbibus se civitate donatum, & in senatum allectum esse testatur, pari rescripto uti debuit, nisi dicamus eum honore solo plebisciti, quo civitate donabatur, contentum fuisse, nec se civitatibus illis dicavisse, id est, nec tribum in eis habuisse, nec honores gessisse. Sane Dio in Orat. XLIV. pag. 510. testatur, licet a multis civitatibus invitatus esset, summique Magistratus sibi essent delati, numquam se tamen munus oblatum accepisse, neque in alia civitate domum aut fundum umquam comparasse. Caeterum etiam illud notandum est, lege Pompeia permissum fuisse Bithynicis civitatibus adscribere sibi, quos vellent cives, modo ejusdem Metropolis essent, ut tradit Plinius in Libro. X. Epist. ad Trajanum: plures enim erant Metropoles in Bithynia; Nicomedia scilicet, Nicaea, Chalcedon, Prusa ad Hyppium.

CAPUT XX.

Dio correctus, & explicatus. Διοίκησις & διοικητής quid?

IN Orat. XLV. quam ad cives suos habuit Dio, nonnulla sunt valde obscura, quibus lucem foenerari conabimur: cujusmodi illud est pag. 514. *ε λέγω τοῖς τοῖς ἐδέν, ὅτι ὑμεῖς μάλιστα τὸ ἐπιθυμεῖτε, καὶ χρόνον ἦν πολὺς ἐν ἡλπίζετε*. Primum scribendum est, *ὅτε ὑμεῖς μάλιστα τότε ἐπεθυμεῖτε* &c. & post vocem, *ἡλπίζετε*, punctum notandum est: ac mox lege meo periculo; *ἐξηπάτηθε τοῖς ὑποχωρήσας μόνων ἢ ἡγεμόνων. εἰ γὰρ δὴ ἢ ἰδιωτῶν εἰς ἔτε προσεδόκησε πώποτε* &c. id est, non dico quicquam ejusmodi, quod vos tunc maxime cupiebatis, & jamdudum speratis. Decepti estis pollicitationibus Proconsulum duntaxat: nam privatorum nemo neque id speravit umquam, neque vobis pollicitus est. Sed quid illud est, quod Prusenses tantopere cupiebant, & cujus gratia Proconsulibus, qui eos vana spe deluserant, maximos honores habebant, eisque procul ab urbe effusi simul omnes occurrebant, quod venuste hic irridet Dio: *ἰλαθρεία* scilicet, quam Graecae civitates votis omnibus expetere solebant, ut liberae essent & sui juris. Hoc erat, quod praecipue in votis habebant Prusenses, ut docet Dio in Orat. XLIV. pag. 509. & 512.

Pag.

ae, id quod pluribus ostendit Illustr. Spanhem. in Orbe Rom. Cap. IV: ubi loca Dionis nonnulla hanc in rem profert, & Cap. XIII. pag. 79. Plinii Epistolam, quae est Lib. X. Ep. 6. & 22. de civitate Alexandrina & Romana Harpocrae Plinii Jatralliptae a Trajano concessa, illustrat. Veteri autem jure Romano aliam civitatem quis impetrare non poterat, nisi Romanam dimitteret. vid. Salmas. ad Jus Attic. & Rom. pag. 583. ubi iisdem Ciceronis & Plinii locis id probat: tum Cel. Heineccius in Adpend. ad Antiq. Rom. Lib. I. Cap. I. §. 72.

Pag. 516. ait Dio, ἡ τοίνυν διοίκησις νῦν πρῶτον ἀρχεῖται. Interpres vertit: *proinde administratione nunc primum habita*. Quid esset, διοίκησις, non videtur intellexisse Nageorgus; quae vox occurrit supra pag. 514. & rursus infra in Orat. XLVIII. pag. 534. significat autem *dispensationem publicae pecuniae*. Unde & διοικητής Alexandriae dicebatur *dispensator pecuniae regiae*, ut notavi ad Excerpta Polybii pag. 23. Sic Dio Cassius in Lib. XLII. Pothinum διοικητήν vocat, qui *procurator regni* dicitur a Caesare: & Strabo in Libro ultimo circa finem, διοικητὰς appellat (a) *procuratores Caesaris*. Διοίκησις autem ἀγέδς dicitur, cum Proconsul publicos redditus & impendia & debitores Reipublicae cognoscebat: hoc etiam ad officium Praefidis aut Proconsulis pertinebat, ut rationes rerum publicarum excuteret, ut nec privati publicas pecunias sine causa detinerent, neve publici redditus minime legitimis sumptibus erogarentur; ut docet Plinius in Epist. ad Trajanum de adventu suo in Bithyniam (Lib. X. Ep. 27.). Itaque Calendaria civitatis ad se adferri jubebat Proconsul; ut idem testatur Plinius, (Ibid. Epist. 56.) ad Trajanum scribens de privilegio Apamenorum. Ἀγέδς διοίκησις, eodem modo dicitur, quo διατάς ἀγέδς & τὰ πράγματα ἀγέδς apud Dionem nostrum in calce Orationis XLIV. & ἀγορὴν ἀγέδς apud Philostratum in Lib. I. de vita Apollonii.

CAPUT XXI.

ΒΕΛΔΤΙΚΑ *quid sint apud Dionem.*

IN Orat. XLVIII. ad cives suos, dubitari potest, quid sint τὰ βελδτικά, quorum meminit Dio pag. 534. cum ait; χρημάτων τινὰ ἀφορμὴν ἀπορροῶν, ὥστε ἀπὸ τῶν βελδτικῶν. Impetraverat patriae suae Dio, ut centum Senatores supra legiti-

K

(a) Διοικητὰς appellat *procuratores Caesaris*. Illorum enim praecipuum munus erat, ut in provinciis reditus ac tributa colligerent, & res fisci agerent. De his procuratoribus multa Lipsius in Excurs. B. ad Tacit. Lib. XII. Annal. cap. 60. & post eum nuper Cortius ad Plin. Lib. X. Epist. 18. διοίκησιν autem egregie Valesius hic illustrat, & interpretatur *pecuniae publicae dispensationem* contra Interpretem Dionis Nageorgum, vocem hanc male per *administrationem* reddentem: quem ob id etiam videtur notasse Auctor Emendation. in Dionem a Cel. Wolfio editus pag. 274. ubi animadvertit διοίκησιν hoc in loco non ἀπλῶς pro qualibet administratione esse sumendum. Ita Hesychius: Διοίκησις, ἡ ἀνάλυσις τῶν χρημάτων, ubi Sopingius adfert inscriptionem ex marmore antiquo apud Smetium, in quo διοίκησις similiter occurrunt. Sic in Labbaei Glossis Verborum Juris: Διοικητής ἐστιν, ὁ ἐν βελδτικῇ διοικεῖν τὰ τῶν δυνάστεων πράγματα, καὶ ἐν ἀγῶνι καὶ ἐν ἀγορῇ ὡς τὸ τῶν δυνάστεων πράγματα ἀντὶ τὴν διοίκησιν ποιεῖται. Cicero pro Rabir. Post. Cap. 10. haec una ratio a rege proposita Postumo est servandae pecuniae, si curationem & quasi dispensationem regiam suscepisset: id autem facere non poterat, nisi diacetes. hos διοικητὰς Latini dispensatores vulgo vocant, quales erant in provinciis & principum ministeriis. ita Plinius Lib. VII. cap. 39. dispensatorem Armeniaci belli memorat, & Lib. XXXIII. cap. 11. Claudii Servum Drusillanum dispensatorem Hispaniae citerioris. de his vide Gevart. ad Stat. Lib. III. Sylv. 3. pag. 185. Similiter etiam privati suos habuerunt dispensatores servos, qui dominorum rationes curabant. Glossarium Philoxeni ex editione Labbaei pag. 58. Dispensator, διοκόμος, ἐκδοπαντής. Dispensatores, διοκόμοι. vide Festum. Ita dispensatores & amanuenses junguntur apud Sueton. in Ner. Cap. 44. vide de iis Torrent. ad Aug. cap. LXVII. & Wouwer. ad Petron. cap. XXX.

timum numerum adjicerentur, ut ipse dicit in Orat. XLIV. Si Senatores seu Buleutae alii singula millia denariorum, alii bina in aerarium civitatis intulerant, ex quo civitatis reditus valde amplificati fuerant. Sed & caeteri Senatores, qui non principali indulgentia adscripti, sed a Cenforibus lecti erant, certam pecuniam pro introitu inferre solebant in Bithynia, ut scribit Plinius ad Trajanum (Lib. X. Epist. 113.) Trajanus in rescripto (a) *honorarium Decurionatus* id vocat, Dio noster τὰ *Εὐλαδικὰ*. De eodem more loquitur Plinius in Epist. ad Trajanum (Lib. X. Ep. 48.) de theatris Nicaeensium: *Claudiopolitani*, inquit, *in depresso loco, ingens Balneum defodiunt magis quam aedificant: & quidem ex ea pecunia, quam Buleutae additi beneficio tuo aut jam obtulerunt ob introitum, aut nobis exigentibus conferunt.*

CAPUT XXII.

Dio correctus. Ismenias tibicen.

Quod Ismenias dicere solebat, celebris ille tibicen, aegre se ferre quod Siticines, qui in funeribus tibia canere soliti erant, auloedi dicerentur; idem de simulatis Philosophis queri solebat Philosophus quidam, paulo ante Dionis tempora: Is enim indignabatur, quod homines nequissimi Philosophi appellarentur. Refert id dictum Dio in Orat. XLIX. pag. 539. sed corrupte legitur in vulgatis exemplaribus, τὸ *Ἰσμενον*, cum scribendum sit *Ἰσμενίαν*. Fuit enim Ismenias, ut dixi, nobilissimus Graeciae tibicen, cujus mentio fit passim in Veterum libris. Quamquam Apulejus in Floridorum (b) Libro I. non Ismeniae, sed Antigenidae, hanc querelam fuisse dicit. *Tibicen*, inquit, *fuit quidam Antigenidas: is igitur, cum esset in tibicinio adprime nobilis, nihil aequae se laborare & animo angi & mente dicebat: quam quod monumentarii ceraulae tibicines dicerentur.*

CAPUT XXIII.

Dio correctus. Ἀπὸ θεοῦ. Θεοφόρητος, divino numine agitatus.

IN Oratione LVI. probare vult Dio Regiam potestatem non esse liberam ac solutam legibus, quod Graeci dicunt ἀνυπαίθνητον αἰσχύν. quod quidem demonstra-

re

(a) Ea de re vide plura apud Budaeum in Adnotation. ad Pandect. pag. 309.

(b) Pag. 342. Edit. Elmenhorstii, qui in notis ad illum locum etiam Dionis verba protulit, sed ex corrupta ejus scriptura *Ismeno* tribuisse Dionem hoc dictum, perperam notat, & mirum est Casaubonum quoque in Diatriba sua pag. 86. non vidisse *Ismeniae* nomen pro *Ismeno*, ut male bis vocat, substituendum esse. Quae autem hic Valesius de *Ismeniae* dicto, Antigenidi ab Apulejo adscripto, observat, jam notaverat ad Ammian. Marcellin. Lib. XIV. pag. 37. Nescio an de eo capiendum sit Varronis Fragmentum apud Nonium in voce *scaturex* p. 172. *Ismenias hic Thebogenes fuit scaturex*. Refert de eo Plutarch. in Demetrio pag. m. 889. Thebanum hunc tibicinem Ismeniam discipulis suis ostendentem eos qui bene vel male tibiis canerent, solitum fuisse dicere, ita canendum, vel non canendum est. de quo vid. Victor. Lib. XX. Var. cap. XI. plura autem de *Ismenia* hoc, Antigenidis discipulo vide apud Crinit. Lib. XII. de Honest. Disciplin. cap. 12. ubi inter alia notat dictum illud *sibi & musis canere* referri a nonnullis ad hunc Ismeniam, quod tamen alii, similiter ut illud de quo hic Valesius, Magistro ejus Antigenidi adscribunt. Vide Erasmi. Adag. pag. 603.

re conatur exemplo Regum Spartanorum, qui Ephoris parebant, & exemplo Agamemnonis, qui Nestoris consilio obtemperabat, nec ad populum verba faciebat, quin prius cum consilio collocutus esset. At plerique oratorum, qui in Rep. versarentur, decreta ferunt ad populum, quae cum Senatu prius communicata non fuerunt: (pag. 567.) οἱ δὲ πολλοὶ τὴν δημαγωγίαν ἀπροβέβληται τὰ ψηφίσματα ἐκ δυνάσει εἰς τὴν δῆμον εἰσφέρειν. Scribe meo periculo, (a) ἀπροβέβληται ψηφ. Vocabulum hoc est juris Attici, ut patet ex Demosthene in Oratione contra Androctionem: Vide Harpocratonis Lexicum in voce 'ἀπροβέβλητον'. Idem Juris erat apud Romanos, ut antequam lex ad populum ferretur, Patres auctores fierent, quod Senatusconsultum Dionysius Halicarn. προβέβλητα passim vocare solet, perinde ut Athenienses vocabant.

In Oratione LXI. pag. 586. de Cassandra virgine haec habet Dio, ἐρεθίζοντα τὴν Κασσάνδραν θεοφορήτης, ἢ ἱερῆς κόρης. legendum puto, θεοφορήτης, ut loquitur Dionys. Halicarn. in Lib. I. Antiquitatum Romanarum pag. 24. & Strabo in Lib. XII. (b) ubi de Comanis & templo Bellonae, πλείστον μύθοι τὴν θεοφορήτων πλῆθος. quamquam Manuscripti Strabonis Codices habent, θεοφορήτων eodem errore. Hinc θεοφορήσεις & κορυβαντισμοὶ conjunctim ponuntur ab eodem Dionysio in Lib. II. (pag. 91. Ed. Sylburg.)

CAPUT XXIV.

Dio correctus. Fortunae effigies. Versus veteris Poetae apud Dionem. Romae Virtus ac Felicitas. Romani ab Atheniensibus orti.

IN Oratione II. de Fortuna pag. 595. obscurum est, quosnam hic alloquatur Dio, cum ait Majores eorum primum Athenis profectos in Euboeam venisse, ac postmodum, spreto insulari domicilio, in agrum uberrimum profectos, urbem condidisse: Scribe interim, τὸ μὲν γὰρ πρῶτον ἐν τῇ Ἀθηνῶν, εἰς τὴν Εὐβοίαν ἐξήγαγεν. & paulo post, ubi scribitur, ἐνθάδε ἴδενσε, τεταμένων τὴν χειρῶν μηχανωμένη τε ἢ τὴν πλῆν ἢ κατιδύνασα. τὴν δὲ τὰς καρπὸς ἀρθόνως διδῶσα &c. noli dubitare, quin Dio scripserit, ἴδενσε, τῇ μὲν τεταμένων τὴν χειρῶν μηχαν. &c. τῇ δὲ τὰς καρ. id est, hic vos collocavit, altera quidem manu navigationem commonstrans vobis ac dirigens: altera vero fructuum copiam donans. Alludit enim Dio ad effigiem (b) Fortunae, quae dextra

K 2

gu.

(a) Ita emendandum in hoc Dionis loco jam monuit in notis ad Harpocraton pag. m. 10. in fine. Προβέβληται autem pro curiae decretis, quae ad populum deferebantur, ut ab eo confirmarentur, passim apud Graecos, ut Senatusconsulta apud Latinos, quomodo in Glossis Labbaei & Vulcanii, προβέβληται, consultum. Vid. Budaei Comment. Ling. Gr. pag. m. 113.

(b) Pag. 535. Ed. Casaub. cujus loci lectionem confirmat, quod in Glossis Labbaei pag. 19. οἱ θεοφορήτοι, Bellonarii reddantur.

(c) Effigiem Fortunae. Talis conspicitur Fortuna stolata, dextra temonem seu gubernaculum, laevā cor.

gubernaculum, sinistra cornu copiam gerebat. Quod ergo sequitur, τὴν μὲν ἐν ἡ
λοιπῶν γνώμην, εἰκάζει χαλεπὸν εἶναι, planum est, si particulam negativam addideris
hoc modo, εἰκάζει ἢ χαλεπὸν εἶναι. Id est, *reliqua vero quid sibi velint, non difficile est
conjectura adsequi*. Rotam intelligit, & calvitiem & caetera hujusmodi, quae in For-
tunae imaginibus videbantur: nisi forte verba sint Grammatici, qui ad hunc lo-
cum notabat, difficile esse sensum eorum, quae sequuntur, conjicere.

Sequente pag. locus est, meo quidem judicio elegantissimus ac venustissimus:
Cum enim docere vellet Dio nullam esse regionem, quam patriae suae praeferre
vellet, adfert laudes & encomia multarum regionum & urbium ex diversis poetis
undecunque collecta: tum deinde ea refutat. Lege igitur, Ὀτυχία ποιμένων in
nominativo: est enim responsio Dionis ad illum versum, qui praecessit. Paulo post
scribe a capite, Ὡς ἢ καλὸν σε φαίνεται τὸ νεώριον.

Est enim (a) versus Poëtae cujusdam Comici seu Tragicici, qui Athenas laudaverat
his versibus, quos refert hic Dio:

Δέσποινα δ' ὅπασαν πότνια Ἀθηναίων πόλι
Ὡς ἢ καλὸν σε φαίνεται τὸ νεώριον.
Ἄλση ἢ τίς πω τοῖαδ' ἐξ' ἄλλῃ γένῃ.

Sic enim legendum est, non γυνή. Quam venuste autem huic ultimo versui re-
spondet Dio: *habuit quidem olim, inquit, lucos scilicet; sed postea servata eos tan-
quam in luctu detotondit*. Sequitur deinde quartus ejusdem poëtae versus in laudem
Athenarum

Καὶ τὸ ἐργὸν πῶς, Φασίν, εἶναι ἐν καλῷ.

Cui sic respondet Dio, ἢ πῶς; εἴγε λιμώτισσι &c. ita enim scribendum puto: id
est,

cornucopiam tenens in Agrippinae nummo apud Vaillant. in Numismat. Imperator. Tom. I. pag. 141.
Quod autem in Dionis loco altera manu navigationem monstrare, altera fructuum copiam donare dica-
tur, id egregie inlustrat Horat. Lib. I. Od. XXXV. 5. ad Fortunam:

Te pauper ambit, sollicita prece
Ruris colonus: te dominam aequoris
Quicumque Bithyna laceffit
Carpathium pelagus carina.

Ubi quae de ruris colono dicit, respiciunt ejus cornucopiam, & quod *dominam aequoris* vocat, ad ejus
gubernaculum referendum est, sive quod navigationi ac mereaturae praefecta esset. Vid. Heins. Introd.
ad Hesiod. Cap. XI. p. 223. Lactantius Lib. III. cap. 29. *Fortunam putant esse, quae hominibus tri-
buit bona & mala: nam simulacrum ejus cum copia & gubernaculo fingunt, tamquam haec & opes tribuat, &
humanarum rerum regimen obtineat*. ubi vid. Betulejum. Ita apud Gruterum pag. LXXV. exhibetur ara,
in cujus uno latere Fortuna stat dextra gubernaculum supra orbem, sinistra cornucopiam tenens: quomo-
do & conspicitur in Gorlaei Dactyl. Gemma XXXII. & in nummo Temnitium ac Hyrcanorum apud
Sponium in Itinerar. Tom. I. pag. 446.

(a) Idem etiam observavit Auctor Emend. in Dionem pag. 282. & verba haec ut senarium, ex dra-
matico quodam poeta desumptum, constituenda esse monuit, quod facile adparet ex nexu verborum apud
Dionem, qui ad singulos versus respondet, ad hunc autem Ὡς ἢ καλὸν σε. *Quam pulchrum tuum ad-
parat navale*, regit Dio. post Hellespontum & Lylandrum turpe esse, quae optime cohaerent.

est, & quomodo? siquidem illic homines fame morbisque conflictantur. Caeterum quisquis hunc locum accurate perpenderit, non dubitabit, quin Dio cives suos hic alloquatur: id enim patet, tum ex apostrophe illa ad Fortunam, tum ex verbis, quae leguntur in hac pagina: τὸ μὲν γὰρ πρῶτον ἐν αἰῶσι τύχῳμην &c. Vides verbum τύχῳμην in persona prima positum, ut necesse sit Dionem de civibus suis hic loqui, non quidem de Prusensibus: neque enim de Prusensibus hoc dici potest, eos principatum tenuisse, & Athenienses, ipsorum conditores, ab iis esse superatos. Superest ergo ut Romam hic intelligi dicamus, quae Dionis erat patria; eum enim civem Romanum fuisse in ipsius vita docuimus: certe τὸ πρῶτον τύχῳμην cui alteri convenit, quam urbi Romae? Virtus quoque & Felicitas, quam praedicat Dio, propria videtur esse urbis Romae, & quasi praecipuo titulo ad eam pertinere, ut testatur Dio in Rhodiaca pag. 331. & in Orat. XLI. pag. 501. Notissimum est de urbe Roma Veterum dictum, ad eam scilicet augendam, atque in tantum culmen provehendam Virtutem ac Fortunam inter se confensisse, de quo plura notavi ad (a) Ammianum Marcellinum. Cum igitur haec Dionis Oratio sit de Fortuna, quod celebrius exemplum adferre potuit, quam urbem Romam? Unica super est difficultas, quomodo Romani dici possint ab Atheniensibus profecti? sed responderi facile potest à quibusdam antiquis scriptoribus ita proditum fuisse: Certe Historiae Cumanae scriptor id diserte scribit, ut refert Festus Pompejus in voce Roma.

CAPUT XXV.

Dio correctus. Porus Rex Indiae tonsor fuerat. Gyges pastor.

IN eadem Orat. pag. 597. locus est, quem nec Interpres, nec Casaubonus intellexit: ac dubitare merito possis, uter illorum infelicior fuerit. Inter miracula Fortunae haec recenset Dio. τίς ἂν ποτε ἔλπιεν Ἰνδῶν ἀρξέν Ορέα, Ἀνδῶν Εὐσιχάσειν ποιμένα &c. Interpres vertit, quis unquam sperasset Indis imperaturum Orea. At Casaubonus, cum hanc interpretationem ferre non posset, vertendum censuit Mulum, & Cyrum intelligi censuit, qui tamen numquam Indis imperavit. Rejectis igitur hujusmodi somniis, adfirmamus nos a Dione scriptum fuisse. Ἰνδῶν ἀρξέν καρέα, & Porum intelligi Regem Indorum, qui prius tonsor fuerat. Docet id Libanius in Oratione ad Curiales contra Severum pag. 632. ἀλλὰ πῶρ ἔτι ἐν ἐν καρέας μὲν ἦν Ἰνδοῖς δ' ἐπέταξεν. Sic enim legendum esse hunc Libanii locum jam pridem

K 3

(a) mo-

(a) Lib. XIV. Cap. 6. ejus verba valde sunt notabilia: *Tempore quo primis auspiciis in mundanum fulgorem surgeret victura, dum erunt homines, Roma, ut augetur sublimibus incrementis, foedere pacis aeternae VIRTUS convenit atque FORTUNA.* quae ex Floro mutuatum esse Ammianum notarunt, viri docti; ille enim de pop. Rom. in procemio Lib. I. testatur, illum tot laboribus periculisque jactatum esse, ut ad constituendum ejus imperium contendisse VIRTUS & FORTUNA viderentur. Eadem notavit Sitzmannus ad Rutil. Lib. I. Itiner. v. 62.

(a) monuimus. Helladius Besantinous, cujus excerpta referuntur in Bibliotheca Photii, Porum tonsoris filium fuisse dicit, ex illo, ut opinor, Libanii loco male intellecto. Lydorum autem Regem Gygem intelligit Dio, qui ex pastore regnum Lydiae est adeptus, ut docet Plato in Lib. 2. de Rep. & Cicero alicubi, & Tzetzes in Historia tertia. Pag. sequente historiam de Myle, quam sibi ignotam fuisse Casaubonus testatur, Herodotus refert in Lib. I. (cap. 84.) ex quo scribe in Dione μάργον, non autem μαρδώνιον. Corruptum quoque est nomen proprium pag. 599. Πτερέλα enim scribendum est ex Apollodoro in Bibliotheca (Lib. II. Cap. IV. §. 5.) Postremo scribendum puto (pag. 598. in init.) ἡ γέροντα Παρμενίωνα.

CAPUT XXVI.

Dio correctus bis terve.

IN Oratione LXXIV. pag. 643. leve mendum est, quod Interpretes non animadvertenterunt. καὶ τοὶ λιμένας μὴ ὄντοι τις ἀν' ἀκλίσας. scribe ἀκλίσας. id est, quamquam portus invenire quis possit apertos. Portuum duo sunt genera; quidam κλειστοί, qui scilicet catena ferrea claudi possunt; cujusmodi plures a Strabone memorantur: Alii ἀκλειστοί, id est aperti. In Orat. LXXVIII. pag. 658. ἀναύσας τινὰς ἢ οἰκοδόμους, scribe οἰκοδόμους. Id est, vernas. In Orat. LXXVI. de Consuetudine: consuetudinem sic definivit, δίκαιον ἢ ἐκείσιν, ἢ ταῦτα πᾶσιν ἀρέσκον. malim legere, ἢ ταῦτα πᾶσιν ἀρέσκον.

Addam hic quod pene effugerat in Orat. scilicet XLI. pag. 507. ubi de Socrate loquitur Dio, qui non modo juvenes ad virtutem incitabat, sed etiam senes objurgabat, si quem forte intemperantem viderat, aut pecuniam publicam male consummentem, aut nummarium Judicem &c. corrupte scribi τὰς μὴ ἀπολύων ἐν ἀργυρίῳ, cum scribendum sit, ἐπ' ἀργυρίῳ. Sic enim loquuntur Graeci.

CAPUT XXVII.

*In Dionis Rhodiaca Philosophum quemdam memoratum fuisse
Apollonium Tyaneum.*

Redeamus ad Rhodiacam, in qua nescio quo casu praetermisimus, quod operae pretium fuerit. In illa igitur Oratione pag. 347. cum dehortari vellet Rhodios Dio,

(a) In notis nempe ad Excerpta Peiresciana pag. 121. ubi hunc Libanii locum ex codice Augustano, ita ut hic corrigit, emendat. Helladii locus est in Chrestomath. pag. 5. Edit. Meurs. ubi dicit: Πάρθεος ὁ βασιλεὺς Ἰνδῶν, κυρίως ἢ Ἰνδός.

Dio, ne mores Atheniensium sui temporis imitari vellent, quippe qui prorsus degenerassent a Majoribus suis, ait nihil omnino fieri ab illis quod non sit erubescendum. Cujusmodi sunt spectacula gladiatorum, in quibus Corinthiorum insaniam longo intervallo superarunt. Nam cum Corinthii extra urbem gladiatores spectent in valle fetulenta ac sordida, Athenienses spectant in theatro sub ipsam arcem, eo in loco, ubi simulacrum Bacchi collocant in Orchestra: adeo ut miseri homines saepe trucidentur in iis sedibus, in quibus Hierophantam & caeteros sacerdotes federe jus fasque est. Et cum Philosophus quidam de hac re apud illos verba fecisset, eosque admonuisset, non modo ei non ausculta- runt, sed tantopere indignati sunt, ut vir ille genere quidem Romanorum nulli secundus, nominis autem celebritate tanta, quanta ex superiori memoria pauci admodum fuerunt, & quem unum fatebantur omnes, post priscos illos sapientes, vitam ducere a sermonibus suis haudquaquam dissentientem: Vir, inquam, ille e civitate discesserit, malueritque ubivis alibi, quam Athenis vivere. Haec quidem sunt Dionis verba, in quibus primum quaeri potest, quisnam sit ille talis tantusque Philosophus. Ego Apollonium Tyaneum intelligi adfirmo, de quo id ipsum narrat Philostratus in Lib. IV. Cap. 22. his verbis, διαφεύγει τὸ κακὸν Ἀθηναίων. οἱ Ἀθηναῖοι, ξυνιόντες ἐς τὸ θέατρον τὸ ἐπὶ τῇ ἀκροπόλει, προσείχον σφαγαῖς ἀνθρώπων, ἢ ἐσπιδάζετο ταῦτα ἐκεί μᾶλλον, ἢ ἐν Κορίνθῳ νῦν. Subjicit ibidem Philostratus ipsa Apollonii verba, quibus Athenienses objurgavit: inter caetera, σὺ γὰρ, Διόνυσε, μετὰ τοῖσιν αἵμα, ἐς τὸ θέατρον φοιτᾷς; quae lucem adferunt Dionis nostri verbis, ὅτι Διόνυσον ἐπὶ τὴν ὀρχήστραν διατιθέασιν. id est, ut interpretatus sum, eo in loco, in quo Bacchi simulacrum collocant in Orchestra. Quod quidem fiebat in festo Bacchanaliorum, quo tempore Tragoediae & Comoediae agebantur in theatro, ut notum est.



HENRICI VALESII

E M E N D A T I O N U M

L I B E R T E R T I U S.

CAPUT I.

*Philostratus de vitis Sophistarum emendatus,
& versio ejus correctâ.*



Hilostrati Lemnii extant Libri duo de vitis Sophistarum valde elegantes & omnis generis doctrina referti. Sed dolendum est, idem illis contigisse, quod plerisque veteris Graeciae monimentis, ut in pessimos interpretes inciderint, nec doctiores nacti sint (a) antiquarios. Proinde hoc in Libro operam dabimus, ut germana scriptura auctori suo restituatur, & interpretis errores aliquot emendentur. Nam si omnes persanare vellemus, nova potius interpretatione opus esset. In epistola ad Antonium Consulem leguntur haec verba, *τις ἐν δόξῃ τῆ φιλοσοφῆσαι σοφισδύσαντας, ἢ τὴν ἑταυ κρείως προσ-
εγδέντας σοφιστὰς* &c. quae quidem interpretes non intellexerunt. Consilium operis sui Philostratus hic declarat, ac locuturum se pollicetur, tum de iis, qui sub Philosophiae nomine Sophisticam exercuerunt, tum de iis, qui proprie Sophistae vocati sunt. Quamquam non incommode legi potest, *τις ἐν δόξῃ τῆ (b) σοφισδύσαι φιλοσοφῆσαντας*, quam lectionem Philostratus ipse confirmat in vita Favorini sub finem.

Pag. 482. *ἢ τὸ ἐπὶ πᾶσι*, verte in *summa*, vel, *denique*. pag. 484. locus est corruptus, ni fallor; quid enim sibi volunt haec verba. *Αἰσχίνης δ' ἐκ αὐτοῦ μοι δοκεῖ προσβόσαι πρὸς Ῥοδίους, ἀ μὴ ποτε ἐγὼ γινώσκω εἰ μὴ ἢ Ἀθήνησιν αὐτὰ ἐσπεδάκει*. neque enim Aeschines umquam legatione functus est apud Rhodios, sed exul in eam Insulam migravit. Ac fortasse *ἐπαίδευσεν* scribendum est, & *ἐγὼ γινώσκω*. Docuit enim Rhetoricam Aeschines apud Rhodios, & Rhodiacaе scholae primus auctor fuit, ut refert Plutarchus in ejus vita.

In

(a) Sic habebat exemplar Valefianum, sed puto *Commentarios* vel simile quid substituendum esse.

(b) Ita & post Morellum restituit in novissima Editione Olearius, ad cujus paginas accommodavi citationes locorum a Valefio hic emendatorum, cum ille ea protulerat ex Morelliana.

In Dionis Chrysostomi vita (p. 487.) obscura sunt haec verba, nec ab interpretibus intellecta, καθάπερ αἱ μαγάδες τοῖς ὀργάνοις πρῶτον &c. quid sint μαγάδες, optime explicat Hesychius; tabulae scilicet quadratae, quibus supertensi sunt nervi cithararum. Proinde pulsus citharae nervis, tabulam quoque resonare necesse est. Ibidem (pag. seq.) miror Euphratem (a) Philosophum Tyrium dici, cum Stephanus Byzantius oriundum fuisse dicat Epiphania Syriae.

In vita Favorini locum integrum adscribam, prout verti debuerat, pag. 489. Cum sacerdos domi renunciatus fuisset ad obeunda patria sacra, provocavit ad Principem, quemadmodum legibus permissum est, immunem se publicis functionibus esse contendens, utpote Philosophum. Sed cum animadverteret Imperatorem paratum esse ad ferendam adversus se sententiam, tamquam si Philosophus non esset, sic eum praeveniens interruptit &c.

CAPUT II.

Philostratus correctus. Προβολαὶ quatenam?

IN vita Gorgiae (pag. 492.) supplenda videntur esse aliquot verba, hoc modo: *ἡ γὰρ ἡ Αἰσχύλον ἐνδυμνείημι τὴν τραγῳδίας πατέρα* &c. Sic enim argumentatur Philostratus, si Aeschylum Tragediae patrem esse censemus, eo quod paltam primus invenerit, & pulpitum & personam & nuntios & nuntiorum nuntios, (sic enim interpretor vocem ἐξαγέλης) cur non etiam Gorgiam Sophisticae patrem vocabimus, qui tot ac tanta ei contulerit? Vide Philostratum Lib. VI. Cap. 6. de vita Apollonii. Paulo post mendosa sunt haec verba *ἀποδόσειν τε ἢ τελεῖσθαι*, nec facile est veram scripturam adsequi sine auxilio Codicum Scriptorum. In editione Veneta *προβόλων* legitur, ego (b) *προβολῶν* malim. Artis Sophisticae verbum est *προβαλεῖν*, ut videre est in vita Critiae, id est aggredi locum quemdam, cui contrarium est, *ἀφίστασθαι*, cum relinquatur locus, ut ad alium transeamus. Quam emendationem animadverti postea confirmari a Philostrato Lemnio in epistol. XIII. ad Juliam Aug. de Gorgia, ubi ait hujusmodi *ἀποδόσεις* & *προβολαί* Gorgiae occurrere frequentes in Epico Cyclo.

Pag. 493. de Oratione funebri, quam Gorgias Athenis habuit, sic ait: *ἢ τὸ αὐτὸ νῦν τῶ Ὀλυμπικῷ ἀγωνιζόμενῳ*. Ego scribendum puto, *ἢ ἐς τὸ αὐτὸν νῦν*. Id est,

L

(a) Hunc Philostrati locum, praeter ea quae & in Libris de vita Apollonii Tyanei de hoc Euphrate maximo illius adversario scribit, si in promptu habuisset Thomas de Pinedo, non observasset, ut puto, in notis ad Stephani locum. pag. 267. hujus Philosophi memoriam tantum extare apud Xiphilinum in Dionis Epitome, cujus lectionem tamen recte contra Leunclavium adserit. Sed & praeter hos ejus meminit Eunapius in vitis Philosoph. pag. 6. Ed. Junii, qui Aegyptium fuisse refert. Quin & hunc in Syria docentem audivisse, ac familiaritatis usu novisse se scribit Plinius Lib. I. Epist. 10. ubi multis laudibus illum effert. Vide & quae de eo habet Olearius ad Lib. I. de vita Apollon. Cap. XIII, num. 17.

(b) Idem etiam observavit Olearius.

est, & cum in eandem sententiam differeret, qua differuerat in Oratione Olympica.

In vita Hippiae (p. 495.) ubi de dialogo ejus loquitur, cui titulus erat Troicus, scribendum est, ὁ Νέστωρ ἐν Τροίᾳ ἀλέσῃ ὑποτίθεται Νεοπολέμῳ τῷ Ἀχιλλέως ἀπὸ χρεὶ ἐπιτηδύοντα &c. quemadmodum legisse videtur interpres. In Prodicō (pag. seq.) foede lapsus est interpres, cum haec verteret, ἀνίσχυνται δὲ εἰς τὰς διαπάτας τῶν νέων, ἢ τὰς ἐν τῷ βαθείῳ, ὡς ἢ περὶ τῶν κερτῶν ταύτης τῶν θήρων. id est, adolescentes nobiles aut opulentis prognatos patribus vestigabat, adeo ut ministros ejus venationis multos aleret. Βαθείας dixisse videtur Philostratus, quos alii βαθυπλάτους dixere. Notae sunt Sophistarum artes, qui juvenes nobiles alliciebant, ut ex iis majorem quaestum facerent, quam ob causam deridentur ab Isocrate in Panathenaïco.

In Antiphonte (pag. 499.) versus quidam jambici leguntur, qui a verbis Philostrati distinguendi sunt hoc modo.

Ὡς εἰδὼν ἔτω δεινὸν ἐργάτων ἀρχῇ
Ὁ μὲν ἐξέλαι τὴν γυνάμην. — — —

In vita Critiae sub finem scribendum videtur δεινὸς καθ' ἀπτόμῳ ἐν ὑπολογίᾳ εἶδεν, vel ἦθεν, parum enim interest. In Isocrate (p. 505.) malim scribere τὰς κακὰς ἐπ' αὐτῇ ἀκούοντας, quam ut vulgo legitur ἐν αὐτῇ. paulo post scribendum omnino est, (α) πανσαμῆναι τῶν οἰκῶν ἐγκλημάτων. refertur enim ad τὴν Ἑλλάδα, quae idem valet ac τὰς Ἑλλήνας. Mox corrupta sunt haec verba, ἔμην γὰρ διήκει φρόνημα. fortasse scripserat Philostratus, τῷ μὲν γὰρ τῆς φρόνημα &c.

CAPUT III.

*Sophistae a Philostrato omisi. Idem plus semel correctus
& expositus.*

Ingenti saltu ab Aeschine Atheniensi transit Philostratus ad Nicetem, qui Vespasianī temporibus floruit, omisis quam plurimis, qui non minus celebres sua aetate Sophistae fuerunt, quam multi eorum, quos Philostratus deinde commemorat. Ex quo apparet, Philostratum veteris historiae non admodum studiosum, nec peritum fuisse. Cur enim Rhodiacos Sophistas praetermisit? Artamenem, Aristoclem, Philagrum & Molonem, de quibus Dionysius Halicar. in libro de Vehementia in dicendo; quorum Molo Ciceronis magister fuit, ut ipse in Oratore memorat. Cur praetermisit Oratores Asiaticos, quorum princeps fuit Hegesias, oriundus Magnesia, auctor Asiatici stili, teste Strabone, quem quidem Dionysius Halicar. acriter reprehendit. Fuit etiam Dionysius Magus, Menippus Stratoniceus, & Aeschines.

(α) Sic etiam MSSis fidejussoribus jam restituit Olearius.

nes Gnidius, omnes a Cicerone auditi cum esset in Asia. Hybraeus quoque & alii plures in Caria fuerunt Sophistae nobiles a Strabone memorati. Quin etiam Antipater, & Theodorus, & Plution & Conon, haud quaquam spernendi Oratores fuerunt, quos paulo ante suam aetatem vixisse testatur Dio Chrysostomus in Orat. XVIII. quorum etiam meminit Hieronymus in Chronico.

Veniamus ad Nicetam. Non intellexit interpres quid sibi vellent haec verba, (p. 511.) ἀντεξέχεις λόγοις ἔργα. id est, *sermonum gloriae, operum seu aedificiorum magnitudinem opponens*. Sic ἔργα sumuntur apud Dionem Chrysostomum non semel. Paulo post ait Philostratus, (pag. 512.) ἀνὴρ ὑπατὸς ὃ ὄνομα ῥῶτος τὸς Συμμεναίους ἐλογίζετο πικρῶς &c. quid esset λογισθέν, docui dudum in notis ad Lib. XIV. (a) Ammiani Marcellini, ubi de Curatoribus civitatum affatim dixi. Igitur existimo hunc Rufum Curatorem fuisse Reip. Smyrnaeorum, & rationes publicas inspexisse. Id enim ex Philostrati verbis colligitur, quae paulo post sequuntur, ἡ μὲν δὲ χερσὶν, ὃν μιᾷ πόλει ἤρξεν. ex quibus apparet Curatorem civitatis Magistratum fuisse & jurisdictionem habuisse; id quod etiam colligitur ex actis purificationis Ceciliani, & ex Lege I. Cod. de modo mulctandi. In Isaeo (pag. seq.) (b) τὰ λήδια, scribendum esse videtur, non λύδια, quamquam Hesychius vulgatam scripturam tueri videtur. Deinde lege, (p. 514.) τὸς μὲν γὰρ Λακεδαιμονίους ἀγωνίζομεθα τὸς βαλδομύχους ὡς ἔ τείχεα, ut legitur in editione Veneta. id est, *cum declamaret sumissetque argumentum declamationis Lacedaemonios consultantes, an muro cingerent civitatem*.

CAPUT IV.

Philostratus expositus & emendatus. οἷον & οἷα differunt.

IN vita Scopeliani Sophistae (pag. 515.) non intellexit interpres haec verba, ὃ ἦ σέφαντος ἔττος πολὺς, ἢ ὑπὲρ πολλῶν χρημάτων. Vertit enim hoc modo, *ἔττος corona haec non mediocris, multis opibus praepollens*. cum vertendum potius fuisset, *ἔττος pro maximis sumptibus quasi mercedis loco datur*. Nemo enim ad sacerdotium & huiusmodi honores Municipales promovebatur, nisi qui omnibus antea muneribus defun-

L 2

ctus

(a) Pag. 36. ubi docuit Curatores hos civitatum Graecis λογιστὰς dictos, & officium eorum λογιστῶν adpellari. Glossarium Philoxeni pag. 117. Ed. Labbaei: Λογιστῶν, Curat. Λογιστῆς, Curator. vide etiam Valesium nostrum ad Euseb. Lib. IX. Hist. Eccles. cap. 2. in fine, & ad Philostorg. Lib. III. pag. 502. tum Kuhnium ad Polluc. Lib. VIII. cap. 9. Segm. 99. Ita apud Athenienses magistratus erant, qui λογιστῶν vocabantur, & rationum magistri erant. Vide Harpocratonis Lexicon. Hesychius: Λογιστῆς, κερτῆς, δοκιμαστῆς, ἐξιστῆς. De illis agit Petitus in Commentar. ad Leg. Attic. pag. 224. Ceterum Curatores Urbium, Civitatum, Reipublicae, saepissime in vetustis occurrunt Inscriptionibus apud Gruterum, aliosque, tum in multis Digestorum legibus. vid. Brissonii Lexicon pag. 198. sed praecipue Reinesium ad Inscript. Antiq. Class. I. pag. 235.

(b) Sic etiam restituit Olearius, & in sequente loco ex MSS. & Edd. antiquis veram revocavit lectionem.

atus esset, & plurimos sumtus in iis obeundis fecisset, ut patet ex Codice Theodosii, titulo de Curionibus. πολὺς a Philostrato ponitur pro μέγας. Erant autem sacerdotes gentium coronati, unde & θεοφανφόροι dicuntur.

Non multo post (p. 516.) locus est qui me non mediocriter exercuit. Ait enim Philostratus, matre Scopeliani mortua, patrem ipsius admodum senem superduxisse aliam uxorem, γυναῖκα δὲ πρεσβύτης ἡγάγετο, ἡμιγαμόντι ἢ ὡς κατὰ νόμους. Interpres cum hanc vocem ἡμιγαμόν non intelligeret, praetermisit magno utique sententiae damno. Ego pellicem significare puto. Est enim pellex propemodum justa uxor. Objurgabat igitur patrem Scopelianus, quod pellicem sibi adjungens, nuptiale convivium, & reliqua solemnia legitimis matrimoniis adhiberi solita, celebraret. Pag. 517. in fine, ubi legitur, ἀμνησικαλίαντε αὐτῷ παρῆναι, ἢ ἀγγήν. legendum puto, ἢ ἀγγήν ἀφῆναι. Mox nota mihi distinctionem inter οἶκον & οἰκίαν, a paucis admodum interpretibus animadversam. οἶκος enim haereditatem seu familiam, & universitatem bonorum plerumque significat, ut apud Atticos Oratores singulis fere paginis occurrit. οἰκία vero est domicilium: haec aperte distinguit Philostratus hoc in loco, ἀπολαβεῖν τε τὸ πατρὸς οἶκον, ἀνέντα μὲν αὐτῷ μέντοι τὸ οἰκίαν. Statim lege καίως ἔχουσα, ex editione Veneta. pag. 520. nescio an omnes intelligant responsum illud Scopeliani, quod refertur a Philostrato, qui auditori cui-dam Polemonis Sophistae, ipsum suggillanti quasi tympanum quater videretur, respondit, tympanισο equidem, sed Ajacis scuto. Sciendum est veterum tympana ex pellibus fuisse, ut docet Phaedrus (a) de Gallis matris Idaeae. Scutum autem Ajacis erat ex pelle bovis teste Homero. Sub finem (pag. 521.) ἢ τὸ πατέρας ὃ ἄσαι διακηδεῖς. fortassis δελεάσαι, scribendum est. Sed & locus prava interpunctione confusus est. scribe itaque, ἢ ἡτοιμάσθῃ ἢ τὸ πατέρας δελεάσαι &c.

CAPUT V.

Philostratus correctus. Celer, Hadriano ab epistolis. Dorion Criticus. Pythia minora a Megarensibus celebrata.

IN vita Dyonisii (pag. 523.) scribe εἰ μὴ μνήμη συνεπολιτόετο. Alioqui sensus minime constat. Mox quod ait Philostratus (b) de Memoria, utrum mater an filia vocanda sit, se cum poëtis nolle contendere, alludit ad poëticam fabulam, qua Mu-

(a) Lib. III. Fab. 20. v. 7. *Detrahta pelle, sibi fecerunt tympana.* Vide quae habet Vossius ad Catullum pag. 161. & 162. de Ajacis scuto pellibus obducto Homerus Iliad. H. v. 222. ubi ἐπιβόηον vocat. Vide Graevium in Læction. Hesiod. cap. 19. pag. 95.

(b) Notabilis est locus hic Philostrati ubi de Memoria agit, & tradit de Dionysio Sophista, rumorem fuisse sparsum, quasi ille discipulos suos memoriae facultatem edoceret, quod fieri posse negat, & memoriae artem nullo modo doceri aut comparari posse adserit. Philostratum tamen hac in re refellit Vossius de Natur. Rhetoric. cap. 20. & rationes ejus plane ficulneas esse dicit, multaque de iis, qui excellunt

Musae Mnemosynes filiae dicuntur. Paulo post scribe, *μνήμη συνειληφότες*. Celeris, qui ab Epistolis fuit Divi Hadriani, meminit etiam Aristides in Oratione IV. earum quae sacrae dicuntur: & Priscianus Vellei Celeris epistolam citat ad Hadrianum. Paulo post (pag. 525.) scribe *Δωρίωνα* (a) ἢ *κερτικόν*, non ut vulgo legitur, *κλητικόν*. sane in editione Veneta scribitur *κηρικόν*, quod proxime ad veram scripturam accedit; emendationem porro nostram sequentia Philostrati verba confirmant. In vita Marci Sophistae, (pag. 528.) scribe, *ἐπεδόμησεν αὐτό*. in fine, *ὥσπερ ἄρτι* ἢ *πινακίς*, tabulam intelligit, qua proscripti erant ab Atheniensibus Megarenses circa Periclis tempora, ob quod decretum semper posthac infensi Atheniensibus fuerunt. Notabis interim minora Pythia a Megarensisbus adituta: neque enim Delphi solum celebrabantur, sed & in aliis civitatibus, perinde ut Actia.

CAPUT VI.

*Philostratus correctus. Lites domesticae non ad peregrinos
Iudices deferendae. Hadriani liberalitas erga Smyrnaeos.
Bosporani Reges.*

IN vita Polemonis (pag. 530.) corruptum est gentis vocabulum, ex qua oriundus fuit Polemon. Scribe *Λαοδινεῖα ἢ ἐν* (b) *Καεία*. Mox scribendum est, *πολλὰ*
L 3 *μυρ*

lenti memoria valuerunt, adnotat. Plinius autem Lib. VII. cap. 24. ubi de quorundam admirabili memoria agit, adjicit; *Ars postremo ejus rei facta, ex inventa est a Simonide Melico, consummata Metrodoro Scepsio, ut nihil non iisdem verbis redderetur audium*. Quod Simonidem artis ejus inventorem tradat Plinius, confirmatur ex Marmore Oxoniensi, in quo Epochae Graecorum nobiliores habentur, Ep. 55. pag. 160. *Ἀφ' ἧς Σιμωνίδης ὁ Λαοδινεὺς ὁ Κεῖα*, ὁ δὲ *μνημονικὸν ἐργον, ἐνέχον Ἀθήνησι διδάσκων*, a quo Simonides, Leoprepis filius, Ceius, qui memoriae artem invenit, eam docens Athenis vitit. Sic a veteribus traditur Hippias Eleus artem quamdam memoriae excogitasse, de quo Valefius ad Ammian. Marcellin. Lib. XVI. pag. 105. ubi & nonnulla de egregia Simonidis memoria adnotat, & marmoris illius antiqui locum etiam profert. Quin & fuerunt posterioribus temporibus multi, qui artem quamdam memoriae iactaverunt, qua alios hoc naturae dono destitutos brevissimo tempore reddebant promotos ad rependa ea, ad quae antea fuerant infirmiores, eosque memoria adeo capaci instruebant, ut illius auxilio multa incredibilia & stupenda efficerent. Inlustre hujus artis exemplum est in juvene quodam Corfico, de quo refert Muretus Lib. III. Variar. Lect. cap. I. eum triginta sex millia nominum, Latina, Graeca, barbara, significantia, & nihil significantia eodem ordine, quo dictata erant, & inverso, aut quo quisque volebat modo recitare potuisse, eundemque artem illam intra breve temporis spatium docuisse Franciscum Molinum, patricium Venetum, adolescentem in Mureti contubernio agentem; quod omnem superare videretur fidem, nisi oculatus testis ipse adfuisset Muretus, tum quae de Molino addit, confirmarentur a P. Manutio Lib. III. Epist. 13. unde fides huic historiae constat. Vide & Abramium ad Cicer. Orat. pro Dejotar. cap. 15. pag. 303. & Borremansium in Variis Lection. cap. 3. Ita & de hac arte Libros II. scripsisse Lamb. Thom. Schenckelium Silvaducensem, eamque annos amplius quadraginta in Belgio, Germania, Bohemia, Gallia, & alibi locorum docuisse tradit Valer. Andreas in Biblioth. Belg. pag. 616.

(a) Sic etiam ex MSS. & Edd. antiquis correxit Olearius. & ita mox in cap. VII. in vita Polemonis *Μνηστὶς ἢ Κερτικόν*, ubi simili errore in vulgatis peccabatur, emendat Valefius, quem etiam vide Lib. I. de Art. Critic. cap. 2.

(b) Sic quoque post Holstenium aliosque restituit recte Olearius, cum antea in editis esset *Καεία*.

μὴ πόλεις. pag. 532. non intellexit interpres quid sibi vellent haec verba, τὰς δίκας, τὰς περὶ ἀλλήλων ἐκ ἀλλοσε πῇ ἐκποιτῶν. id est, *persuasit Smyrnaeis Polemon, ut lites, quas inter se habebant, non ad peregrinos Iudices deferrent, sed domi eas dijudicarent.* Graviter ferebant sapientissimi quique Graecorum, quod Graeci non contenti iudicio suorum civium, ad peregrinos Iudices confugerent. Idque exprobrat Dio Chrysost. in Orat. XLVIII. pag. 534. ubi eos qui id facerent, eleganter comparat iis, qui in desperatis morbis extraneos Medicos accersunt. Contra eundem hunc morem invehitur Plutarchus in Libro περὶ Φιλοσοφίας, initio, ubi ξενικά δικαστήρια haec appellat, perinde ut Pausanias in Achaïcis. Et hoc quidem in pecuniariis causis a Graecis fieri nolebat Polemo: Criminales autem causas extra patriam deportari, tantum aberat, ut molēste ferret, quin potius ultro id exoptandum esse ajebat: quippe quae armatum gladio Iudicem requirant. Romani enim cognitionem causarum criminalium sibi integram reservabant: Civiles autem causas peregrinis Iudicibus, id est Graecis, permittebant interdum. Sic Cicero, cum esset Proconsul in Cilicia, & longe ante illum Q. Mucius Scaevola, cum esset Proconsul in Asia, proposito publice edicto, permisit ut Graeci inter se disceptarent suis legibus, ut scribit Cicero in Lib. VI. Ep. i. ad Atticum. Ubi etiam addit vehementer exultasse Graecos, quod peregrinis Iudicibus uterentur, id est Graecis. Nam peregrini opponuntur civibus Romanis. Alio sensu peregrinos Iudices posui in principio hujus capituli, pro extraneis scilicet.

Veniamus nunc ad Cap. III. (pag. 533.) in qua primum emendo ἔτε περιπατῶν ὡς δώσω. Paulo post lacuna, quae in editione Veneta occurrit, commode suppleri potest, si e superiore linea duo vocabula detraxeris, ut hic suo loco reponantur. Scribe igitur. αἰτιωμένης ἢ αὐτὸν τῇ Σμύρνης, πάντα χρήματα ἐς τὸ αὐτῷ ἢ δι' καταθέμενον. id est, *cum accusarent illum Smyrnaei, quod publicam pecuniam pro libidine atque arbitrato suo impendisset.* Posset etiam legi, ἐς τὸ αὐτῷ ἰδίον. id est, *in privatos usus convertisset.*

In epistola Imperatoris Hadriani ad Smyrnaeos in gratiam Polemonis, locus est valde corruptus. Scribendum est, Ἀντώνιος Πολέμων τῷ ἐπιδοθέντων ὑμῖν ὑπ' ἐμῆ χρημάτων &c. sic enim fere habet editio Veneta, nisi quod (a) Ἀντώνιος emendavi ex vetusta inscriptione, quae edita est a Seldeno inter marmora Arundeliana pag. 37. Summam autem pecuniae, quam Hadrianus Smyrnaeis donaverat, Philostratus quidem χίλιας μυριάδας fuisse dicit: Vetus autem inscriptio, quam modo citavi, centum quinquaginta duntaxat μυριάδας ponit, quod verius puto. Quae proxime sequuntur, ταῦτα ἢ εἰ ἢ &c. sic vertenda sunt: *quod si quis id veniam esse dixerit & indulgentiam, fatemur id quidem. Sed hujusmodi veniam in pecuniariis causis nemo unquam obtinuerit, nisi in caeteris excellenti virtute praeditus sit.*

Cap. IV. obscurum est, quem intelligat Philostratus, cum ait, ἡγάγασε τὴν Βασιλίαν. Non enim Imperatorem Romanum intelligit, sed Regem Bospori, qui lustrandae Asiae causa, Smyrnam venerat. Erant tunc temporis Reges Bospori socii
at-

(a) Sic etiam praecunte Rubenio correxit Olearius, emendationemque verissimam eadem Inscriptione vetusta confirmavit.

atque amici populi Rom. ut docet Plinius in Lib. X. (Epist. 13. & 15.) Mox lege
ἐπαγόντα μισθὸν &c.

CAPUT VII.

Philostratus emendatus.

Supra dixerat Philostratus Polemonem solitum esse, tamquam ex superiore loco
Spopulum & δυνάσας compellare, Deos vero tamquam ex aequo alloqui. Nunc
exemplum affert, qualiter Deos allocutus sit Polemon. Qui cum Pergamum ve-
nisset, somniumque captasset in templo Aesculapii (arthritide autem laborabat)
responsum accepit, ut frigida abstineret. Cui statim respondit, optime id quidem,
Aesculapi, si vaccam curares. Buculis enim calida dari solet in potum cum fur-
fure, ut lac concilietur. lege itaque, (pag. 535.) βέλτιστα εἶπεν, εἴγε βῆν ἐδερά-
πιδες.

Cap. VI. (pag. 536.) mendum est in his verbis, ἐς τὴν ἐξουσίαν τῶ ἀνδρός. lege
ἐξουσίαν. paulo post Cap. VII. (pag. 537.) legitur, τὴν πρὸς τὸν Βάρβαρον ἐπιστολῶν. for-
tasse scribendum est, πρὸς τὸν Βάρβαρον: infra tamen Barbarus etiam dicitur Consul. Se-
quenti pagina scribe Μανιάτιον τὸν κρητικόν, quod confirmatur infra vita Herodis: Eum-
dem errorem jam supra notavimus. Gravius mendum est mox (pag. 539.) cum
in Olympia Herodi universa Graecia acclamasset: alter est Demosthenes: Vellem, in-
quit, alter esse Phryx. Sic enim Polemonem appellabat. Scribe igitur, ἡδὴ γὰρ (ἐφῆ)
αἷς ὁ φρύξ. vel potius εἶδε γέν. Quod si quis vulgatam lectionem tueri velit, non
valde repugnabo. Cap. IV. (pag. 540.) scribe, ἀκροάσεσθαι προσέγεγονον in futuro,
quod mirum est interpretem non vidisse.

Eodem capite non intellexit interpretes quid esset ἐκμανθάνειν. Quod est idem ac
memoriter dicere. Solebant autem qui eloquentiae operam navabant, locos laudabi-
les veterum Scriptorum memoriae mandare, eosque subinde recitare, ut docet
Dio in Orat. XVIII. quod molestissimum esse assentior equidem Polemoni.

CAPUT VIII.

*Philostratus emendatus, & versio ejus correctæ. Ἀντικλογισμοὶ quid?
Glossæ emendatæ. Braduas consul. Bassæus Rufus. Præ-
fecti adsidebant Principibus causas judicantibus.*

Ibro secundo in vita Herodis cap. I. (pag. 547.) ubi legitur, τὸν μὲν ἀσύμβα-
λον πλεῖστον, scribendum est, ἀσύμβολον. id est, a commercio remotum. Cap. IV.
(pag. 549.) scribe πᾶν κέντρον ἡερῶν. Quæ sequuntur de Atheniensibus, quibus
Atticus centum drachmas viritim legaverat, interpretes minime intellexit. Sic igi-
tur

tur vertendus erat integer locus. Cum lectae essent, inquit, testamenti tabulae, inter Athenienses & Herodem convenit, ut quinque minas singulis Atheniensibus praesenti pecunia numeraret Herodes, eaque ratione liberaretur perpetua in annos singulos praestatione. Sed cum ad mensas argentariorum venissent Athenienses, pecuniam, prout conventum fuerat, accepturi, atque ibi contractus ipsis legerentur patrum atque avorum, qui Herodis parentibus pecunias debebant; cum legatum debitis compensare cogerentur, aliique modicam pecuniam, alii nihil prorsus acciperent, alii retinerentur in foro, donec debitum exsolvisset, graviter haec tulerunt Athenienses, quasi legato fraudarentur. Haec causa fuit Atheniensium odii in Herodem, quod quidem nullis posthac beneficiis pensare potuit. Ἀντιλογισμοὶ sunt compensationes, quemadmodum interpretatus sum. sic in veteribus Glossis exponitur, Compensatio, ἀνθυπολογισμός, ἀντιλογισμός. sic enim legendum est. Capite V. scribe meo periculo, ἡ ἐλεττέργησεν Ἀθηναίους, τὴν τε ἐπώνυμον. Fuit ergo Athenis Archon Herodes; nisi forte τὴν ἐπώνυμον, festum intelligas Panathenaeorum. Eodem capite, ubi describit pompam Panathenaeorum, quae ab Herode celebrata sunt, mendum est in his verbis, ἡδὶα γεφῆς σὺν εἰρώ τῷ κόλπῳ. Quod sanare difficile est absque libris. Paulo post lege, ἀποσπῶντα cum interprete.

Eodem capite de operibus, quae Corinthi aedificavit Herodes, ait Philostratus, ἡ τὰ τῶ ἁλῶν τὸ ἱερὸν ἐνέπλησεν. Scribe τῶ ἁλῶν, ὧν τὸ ἱερὸν ἐνέπλησεν. Mox scribendum puto, πρὸς μνητεία κόλπον. Cap. VII. scribe, οἶμε ἡ Ἀγαθίωνα ἐπονομάζουσι. Cap. VIII. scribe βασιδύας, quod etiam notatum memini a Salmasio ad (a) inscriptionem Herodis & Regillae. paulo post lego, ἔτ' αὖν δούτερον κληρώσιν τῶ ὑπάρχει ἀρχῆς ἐπ' αὐτῇ ἀναβάλλεσθαι, μὴ καθαρῶς ἔχοντα τῶ αἰτίας. id est, nec secundum consulationem distulisset illius causa. Cap. XI. causam odii & simultatum inter Herodem ac Quinctilios fratres refert Philostratus: ὡς ἡ ἐνιοὶ τὰ παιδιέντα πρὸς αὐτῶν Ἡρώδη, πρὸς Μάρκον. Scribe meo periculo, τὰ παιδιέντα. id est, alii causam odii fuisse dicunt, jocus, quo in eos jocatus fuerat Herodes, apud Divum Marcum. Paulo post obscurum est quid sibi voluerit Philostratus his verbis, ἦγεν ἐπὶ τὴν ἡγεμονίαν. Ego a Philostrato dictum puto, πρὸς τὸν ἡγεμόνα, ac proconsulare tribunal intelligi. Nam Graeci fere ἡγεμόνας vocabant Magistratus Romanos, ut ad (b) Dionem Chrysostomum notavi.

Paulo post sequitur, ὃν γὰρ ὑπώπτεισε Λέκιον κοινὸν αὐτῶ τῶ ἀρχῆς Χρυσώμηνον. Scribe κοινανόν. Fortasse etiam legendum est, ἡ γὰρ ὑπώπτεισε, nisi subaudire malis, κοινόν, hoc modo, ὃν γὰρ κοινόν ὑπώπτει. &c. quod tamen mihi durius videtur. Possit etiam legi, ὧν γὰρ ὑπώπτεισε. Simultates inter Verum & Marcum saltem rumore tenus fuisse scribit Capitolinus in Vero. Totum autem hunc locum ita verto: Nam quo tempore suspectum habebat Marcus Lucium Verum consortem imperii, objiciebat etiam Herodi, quod illi faveret. Mox βασιδύς ἡ τῶ πεπισδύμενος τὸ ξίφος. Bassaeum intelligit Praefectum praetorio. Nam insigne praefecturae praetorii erat pugio, ut testatur Aure-

(a) Apud Crenium in Museo Philolog. & Historic. Tom. II. pag. 20. & sic quoque emendasse Meursium in Lectionibus Atticis notavit Olearius, qui de Bradua hoc agit, ostenditque duos ejus nominis fuisse consules, qui in monumentis antiquis saepe memorantur, ut patet ex Inscriptionibus illis, quas protulit Meursius. Vide & Almeloovenii Fastos Consulares pag. 44.

(b) Vide Lib. II. cap. 13.

relius Victor in Trajano. Hunc *Rufum Bassaeum* vocat Dio in Lib. LXXI. ubi multa de illo commemorat. In veteri inscriptione apud Gruterum, *Bassaeus Rufus* vocatur, ejusque in praefectura collega Macrinus Vindex. Huic Romae posita est statua cum hac inscriptione, BASSAEO. M. F. STEL. RVFO. PR. PR. &c. apud Gruterum (a) pag. 375. ins. i. Porro Praefecti praetorio solebant assidere Principibus, cum causas in consistorio judicabant, ut notavi ad Ammianum Marcellinum, quod etiam confirmat hic Philostratus locus. Paulo ante verba haec Herodis ad Marcum refert Philostratus, ταῦτα μοι ἡ Δελὸς ξενία. haec mihi attulit hospitium Lucii. Lucius Verus cum ad Parthicum bellum proficisceretur, Athenas lustraverat, teste Capitolino. Ibi tunc illum apud Herodem divertisse credibile est. Cap. XII. corrigendus est error Typographi hoc modo, τὸν πρὸ τῆς χροῖας δαμάστω γράφων, ut legitur in editione Veneta.

CAPUT IX.

*Philostratus correctus & expositus. Salarium Rhetorum & Philosophorum. Artemidori aetas. Τῆς πατρὸς τὸ παιδίον pro-
verbium in malam partem.*

IN vita Theodoti ait Philostratus, hunc primum fuisse Athenis Magistrum Rhetoricae, qui decem millia drachmarum e fisco acceperit pro salario. Sic enim interpretanda sunt haec Philostrati verba, παρὲς δὲ καὶ τῶν Ἀθηναίων νεότητος πρώτης, ἐπὶ ταῖς ἐν βασιλείᾳ μυσταῖς. Antea siquidem erant Athenis Magistri Rhetorices publice constituti, jam inde a Lolliano, ut Philostratus prodidit in Lib. I. sed non tantum accipiebant salarium. Primus autem Divus Marcus hoc (b) salarium constituit Professoribus Eloquentiae: nec minus constituisse videtur Magistris Philosophiae, Platonice scilicet, Peripateticis, Stoicis & Epicureis, quorum omnium Judicem esse voluit Herodem. De Aristocle scribit Phrynichus Arabs in Lib. IV. eum in Senatorium ordinem lectum esse a Divo Marco, ut refert Photius in Bibliotheca Cap. 158. citatur crebro ab Eusebio in Libris de Praeparatione. Caeterum in Philostrato scribe, ἐσελεύων ὁ Ἡρώδης &c.

In Alexandro Sophista Cap. I. longos eum digitos habuisse dicit, καὶ τῇ δὲ λόγῳ ἡνία ἐπιτρέποντες. Scribendum puto, ἐπιτρέποντες. Cap. III. lege ἐπικρίπτων αὐτὸν ὁ Ἡρώδης. id est, interrumpens. usus est hoc verbo Philostratus supra, ut memini. Sequenti pagina refert Philostratus argumentum declamationis Herodis, sed corrup-

M

ta

(a) Vide Guther. de Offic. Dom. Aug. Lib. II. pag. 342. Hic Bassaeus Rufus cum Collega Macrino Vindice occurrit in Inscriptione antiqua apud eundem Gruter. pag. DCIII. ins. i. sed qui eam inemendatam & sexdecim quidem lineis mutilam dedit. Integra autem habetur apud Donium in Inscript. Antiqu. Class. II. Inscr. 65.

(b) Plura egregia & erudita de Grammaticorum, Rhetorum, ac Philosophorum salariis, & D. Pii constitutione notavit Sam. Petitus Lib. IV. Miscellaneor. cap. 1. & Casaub. ad Sueton. Vespasian. cap. 17. in fine.

ta sunt verba, & meliorum codicum opem desiderant. In vita Philagri Cap. I. καθάπερ τότε ἀφίγμην. supple ἐνεκα. Paulo ante corrupta sunt haec verba, εἰ τῆς αὐτῆς χρονίης. Forte scribendum est δόξαν. Paulo post locus est corruptissimus, ἐν φιλᾷ ὃ αὐτὸν ῥήματι. Scribe omnino, ἐκφύλα. id est, cum autem peregrinum & Barbarum vocabulum ei utpote irato excidisset, avidè illud arripiens Amphicles, qui inter auditores Herodis primas tenebat: apud quem, inquit, Oratorem hoc verbum dicitur? apud Philagrum respondit ille. Idque postea in proverbium transiit.

Cap. II. ἐσβέδη τὸ φθέγμα. Nescio an ad hunc casum alludat Artemidorus in Lib. IV. cap. 2. cum ait, Φυλάγεσθ' ὁ ῥήτωρ Ὀυάρον τ' ῥήτορες νοσῶντα ἰδεάσατο, ἢ ἐπὶ πολὺ ὥστε παύσειν τὴν αὐτῆς ἐσίγησεν. Ex quibus patet Artemidorum circa haec tempora, id est principatu Divi Marci vixisse. In Aristidis vita Cap. II. scribe, ἢ ἔφημι ταῦτα. Ex mox (pag. 583.) lege ex editione Veneta, ἀνακίησαντο ἂν ὑπολωλοῖαν πόλιν. Cap. III. inter ea, quae in Aristide, ait Philostratus, fuisse proverbium quoddam vile & abjectum, quo usus est parum opportune: cum enim vellet dicere Alexandrum Magnum paternam indolem & industriam aemulatum fuisse, ἔπατρὸς τὸ παιδίον dixit. Plebejum (a) proverbium est apud Graecos, quod fere in malam partem fumi solet. Utitur Strabo in Lib. X. de Sabasio loquens, ἢ ὁ Σαβάσιος ὃ τ' ἐφ' ἐργαζομένων ἐστὶ ἢ τρέπου τινὰ τ' μητρὸς τὸ παιδίον. Sic apud Aristophanem in Avibus, πέδιξ ἡμέδω ἔπατρὸς νεότητιν. Utitur etiam Tertullianus in Lib. II. ad Nationes cap. 13. & Basilii in Epist. 146. ad Libanium. Varro quoque hoc titulo Satyram scripserat. Sequenti pagina scribe, εἴπε ἢ παρέπαισεν. id est, sicubi lapsus est.

CAPUT X.

*Philostrati versio correctæ. Idem plus semet emendatus. Σπυδαῖ.
'Λγῶνες Sophistarum. Magistratus ἐπὶ τ' ὀπλων. Scenici artifices.*

IN vita Adriani Sophistæ narrat Philostratus, cujusmodi fuerit Herodis Attici Clepsydrium. Sed interpretes sensum minime est assecutus. Sic igitur vertendus est locus. Decem ex Herodis auditoribus, qui virtute & scientia caeteris praestabant, post publicam lectionem, quae omnibus in commune auditoribus praebebatur, admittebantur ad clepsydram. Ea certum aquae modum fundebat ad centum versus, quos Herodes continue pronunciabat. Paulo post scribe, ἢ ἐφίεῖς τῇ γλώττῃ. Mox lege, διέχεεν αὐτὸν. id est, eum ingenti laetitia perfuderunt. Cap. II. scribe καθίων ὃ ἐπὶ ταῖς σπυδαῖς: non, ut editum est, σπονδαῖς: quae emendatio confirmatur sequentibus Philostrati verbis. Σπυδαῖς vocat munus seu officium docendi. Eodem sensu sumitur infra in Damiano. Cap. IV. de Marco loquens qui Athenas venit, ut mysteria acciperet, ἐν μέρεσιν

(a) Vide Erasmi. Adag. pag. 641. & Fungeri Proverb. Farrag. pag. 210.

ὃ ὁ Μάρκος: deest, ἐποίητο. id est, Marcus autem Imperator Athenas videre cupiebat, cum ob multa alia, tum inter caetera, ut Adriani sapientiam cognosceret. Ex epistola Divi Marci ad Herodem, quam supra Philostratus retulit; discere possumus, quanto desiderio flagaverit Marcus Athenas veniendi, ut mysteriis initiaretur. Paulo post (p. 588.) ait Severum consularem virum obtreffasse subinde Adriani famae, eique objecisse, quod in Sophisticis argumentis debaccharetur, eo quod non satis virium haberet ad judicarii & deliberativi generis actiones: Lego igitur, διὰ τὸ μὴ ἐρρῶδες πρὸς τὰς ἀγῶνας. Quid sint (a) ἀγῶνες apud Sophistas, peculiari capite docui ad Orationem primam Juliani. Suetonius de claris Rhetoribus controversias proponere dicit. Capite V. scribe ὅποτε ἐν σπευδάσειαν, in plurali: mox scribe, ἐνταφίῳ τῇ τιμῇ χρησάμενος. Intelligit codicillos, quibus Commodus Imperator Adrianum designaverat ab epistolis Graecis, excusans, quod Servius hoc illi munus dedisset. Ad hoc munus fere eligebantur Sophistae, ut supra docuit Philostratus in Alexandro.

In vita Chrestii scribendum puto, Ἀκύλας ἐκ τῆς ἐως Γαλατίας. Hujus Aquilae meminit Suidas, & Rhetores Graeci. Paulo post corrupta sunt haec verba; ἡ ὁ ἐπὶ βωμῷ Σώσπης: quae absque praesidio scriptorum codicum emendare difficile est. Sospes quidem nomen proprium est, sed nomen urbis, ex qua oriundus fuit, obscurum. Hujus Sospitidis meminit Plutarchus in Lib. VIII. Symp. Cap. 41. ubi eum bis praefedisce dicit Isthmiis. Itaque aram Isthmiorum hic intelligo, cui affidebat Sospes agonotheta. Ejusdem meminit in Lib. IX. Cap. 5. Paulo post lego cum interprete, τὰς ἐνυβολὰς τῷ μιῶς. Quod sequitur, ὁ μηδέτα ἑαυτῷ * recte asterisco signatur. Legendum puto γινώσκω ἔφη. id est, qui scilicet ne suum quidem fatum novit. Referuntur enim haec verba ad hariolum illum Aegyptium.

In Polluce Cap. II. scribe uno ductu, ἡ ἀρετὰ εἰρήδης τήνδε ἐπιδείσιν. In Euodiano non intellexit interpretes, σεφανερῶς τὴν ἐπὶ τῷ ὄπλων. Intelligit Philostratus Magistratum, qui dicebatur σερατηγὸς ἐπὶ τῷ ὄπλων. Erat hic Magistratus etiam Athenis, ut supra docuit Philostratus in Lolliano, & Pollux in Lib. VIII. & Athenaeus, aliique. Hujus Magistratus mentio fit in Inscriptione quinta inter Marmora Arundelliana. Paulo post legendum puto ἡ χαλεποὶ ἀρχαῖναι. qui sint οἱ πρὸς Διόνυσον (b) τεχνίται, docet Agellius in Lib. XX. (cap. 4.) Hos Latini scenicos artifices

M 2

(a) Erant haec exercitia, quibus Sophistae inter se honoris & aemulationis causa certabant. Ita superius Philostratus in cap. 2. Theodotum ἀγωνιστὴν τῷ πελειπῶν λόγων dictum refert, quomodo passim Sophistae dicuntur apud eum ἀγωνίζεσθαι. Vide istuc Olearium. Saepe autem ἀγῶνες & ἀγωνίσματα occurrunt de certaminibus Sophistarum, Oratorum, Poetarum & similium, quando inter se de palma contendebant, aut scripta eorum a iudicibus conferebantur. Vid. D. Heins. in Prolegomen. ad Aristarch. Sacr. pag. 643. & Casaub. ad Sueton. Calig. cap. 53. Graecorum autem ἀγῶνες vel ἀγωνίσματα Latini commissiones vocant. Vid. Salmas. ad Hist. Aug. pag. 160. Torrent. ad Sueton. Aug. cap. 82. & Buchner. ad Plin. Lib. VII. Epist. 24.

(b) De his plura Olearius ad Lib. V. de Vita Apoll. Tyan. cap. 7. num. 20. & Ouzelius ad Gellii locum, sed quem sua Wouwerii Polymathiae sublegisse notavit Gronovius. de Thymelicis Isidorus Lib. XVIII. Orig. cap. 47. Thymelici erant musici scenici, qui in organis & lyris & citharis praecinebant. Et Thymelici dicti, quod olim in orchestra (leg. orchestra) stantes cantabant super pulpitum, quod thymele vocabatur. male apud eum thymelici & thymele vulgo scribitur. Sic in leg. 4. ff. de his qui notant, infam. Thymelici & xyphi.

fices vocabant, ut legitur in veteri Inscriptione apud Gruterum pag. 331. Eorum corpus quoddam seu collegium videtur fuisse Romae, cui praepositus fuit Euodius. In codice Theodosiano *Thymelici* dicuntur, & praepositi Thymelae. *Τεχνίται* absolute dicuntur in veteri Inscriptione apud Gruterum pag. 330.

CAPUT XI.

Philostratus emendatus. Panionium festum apud Jonas.

IN vita Apollonii Atheniensis Sophistae, non affecutus est interpret sensum horum verborum, ἡ τὰς ἐξ ἀνακτόρων φανὰς. Intelligit autem Philostratus officium Hierophantae, qui mystica quaedam verba pronunciabat, cum mysteria traderet. Porro in Hierophanta requisitam esse μεγαλοφανίαν docet hic Philostratus, non secus ac in praecone mysteriorum. De his praeconibus auctor noster loquitur infra ad finem operis. Sequitur paulo post Cap. II. ἡνίκα Λεπτίνης ἦν αὐτοκράτωρ ἐκείνῃς Διθύσις ἐς Λέπτιν, ἡνίκα ἦν &c. Erat Severus Imperator oriundus Lepti, ut notum est. In vita Procli scribe, ἐκπεσάν τῃ αὐτίκα τῇ οἰκίᾳ διακηρυττομένης ἐπ' ἀγορῆς: id est, sed illico exturbandum esse domo sua, quae tunc in foro publice per praeconem venundabatur. Interpret haec ultima verba omisit. In Hermocrate corrupta sunt haec verba, ἡ ἐγὼ, ἡ ἐταξεν. forte ἡ ἐτύξεν αὐτὰς &c. sic enim continue scribendum est absque ulla distinctione. Cap. ult. inter Hermocratis Orationes, unam ait fuisse, quam habuit Phocaeae. καὶ τις λόγος ἔμικτός, ὃν ἐν Φωκαίᾳ διῆλθε τῷ Πανίῳ κρατῆρι. scribe τῷ Πανιώνιῳ κρατῆρι. Festum fuit apud Jonas, ad quod omnes Jonae conveniebant, cujus crebra mentio fit apud antiquos, Herodotum, Strabonem, Vitruvium & caeteros; Ubi cum publice sacrificassent civitates Joniae, ex eodem poculo omnes libabant. Sic apud Hyperidem in Oratione Deliacae: ἡ τῇ κρατῆρι τῷ Πανιώνιον κοινῇ οἱ ἔδηντες κρατύνουσιν: ut refert Athenaeus in Lib. X. Vide omnino Philostratum in vita Apollonii Lib. IV. Cap. 2. ubi de hoc festo plura commemorat.

C A-

Xystici conjunguntur; quomodo apud Sueton. in Galb. cap. 15. si quid scenici aut xystici donatum olim vendidissent. Glossae veteres: Θυμαλίκος, Scenicus, histrio. ita in Inscriptione Gruteriana pag. cccxxxiii. inf. 6. quam profert etiam Torrentius ad Sueton. Aug. cap. 45. APOLLODORVS XYSTICVS PARIDI THYMELICO BENEMERENTI FECIT. Vide plura de his apud Scip. Gentilem ad Apulei. Apolog. pag. 88. praesertim vero Budaeum in Adnotat. ad Pandect. pag. 342. & seqq. ubi egregie & diligenter varia ac multiplicia Scenicorum genera recenset.

CAPUT XII.

Philostratus aliquoties emendatus.

IN Heraclide Lycio scribit Philostratus, ejus majores fuisse sacerdotes Lyciae, seu Lyciarchas: ἡ δὲ ἀλειτεργησίαν ἔσαν ἐ μεγάλης ἔδνης, Ῥωμαῖοι μεγάλων ἀξιῶσι. Sic omnino scribendus est hic locus. id est, hanc autem immunitatem, (Lyciarchiae scilicet) tametsi gentis haud magnae, magno tamen Romani aestimant. Cap. III. scribe, ἡ τὸν δὲ δροῖσαι. id est, minus prompte verba ei profluant. Utitur hoc verbo Philostratus non semel.

In Hippodromo Sophista lege Cap. III. λόγος ἀκροάσεως, quemadmodum legit interpres. pag. 618. scribe, βελτίων δὲ καὶ κέρεια. In fine paginae, ἐπειδὴ αὐτοὶ ἡρώμεθα. verte, cum soli erimus: Quae sequuntur (p. 619.) majorem habent difficultatem: διακωδωνίσας ἐν ὁ Μεγιστίας τὰ μερῶν. Quae sic interpretari soleo: tum Megistias, dimissis adolescentibus signo titinnabuli. Mos fuisse videtur apud antiquos, ut ad signum titinnabuli scholasticos vocarent ac dimitterent, ut hodie fit. In Quirino Nicomediensi, non intellexit interpres quid sibi vellent haec verba, (p. 621.) οὐδὲ μὴ τὰ θετικά τῶν χωρίων. Intelligit autem Philostratus locos communes, qui ad thesin spectant.

CAPUT XIII.

Philostratus correctus. Heordaeorum privilegium. ἐφέσιμῳ δίκῃ quae? περιδρομή. Ἐστὶ τε καὶ εἴη, formula adprecandi, ut Latinis, Est tibi, sitque. Philostratus, scriptor de vitis Sophistarum, idem atque ille qui vitam Apollonii conscripsit. Suidae & Euphanorpii in eo error.

Longe corruptissimus est locus in vita Philisci Sophistae (pag. 622.) non procul ab initio. Qui cum Athenis esset Professor Rhetoricae, & immunis a publicis functionibus foret ex legibus & constitutionibus Principum, tandem immunitatem amisit hoc modo. Mater ipsius erat Heordaea, quae gens est Macedoniae. Caeterum Heordaei hoc privilegium habebant, ut omnes materno genere ex ipsis oriundi, obnoxii essent publicis functionibus. Magnum id privilegium erat Heordaeorum. Sic longe postea Julianus Imperator Antiochenis id concessit, ut quicumque materno genere Antiocheni essent, ad curiae munera vocarentur. Quod paucis admodum civitatibus concessum erat, ut tradit Zosimus in Lib. III. Deest igitur in Philostrato verbum aliquod hoc modo: τὰς οἰκείας λειτουργίας ἀπύτην τὴν φιλοσόν, vel εἰσέπρατον. Paulo post punctum notandum est post vocem μητέρων. statimque legendum, ἐφέσιμῳ τοίνυν τῇ δίκῃ ἡρωμένης &c. qua quidem emendatione nihil certius. Ἐφέσιμῳ δίκῃ a Graecis dicitur causa, quae per appellationem deferitur

ad alium judicem, teste Polluce in Lib. VIII. Statim scribe, ὁ δὲ φιλόσοφος παῖς ἰσ-
τίας. In eadem pagina circa medium, non intellexit interpretes haec verba, ὡς πε-
ριδεχόμεντι. verte, *insensus erat Philisco, tamquam ab eo circumventus per ambitionem.* Id
enim est περιδεχόμενῃ, ut ad Ammianum notavi.

Ibidem paulo post scribendum puto, διεῶν δὲ ἐς αὐτὸν ὕδατ'. id est, *effundens*
ex aqua, quae ipsi ad dicendum data erat. Mox legere malim, ὑπήγαγον αὐτὸν: id est,
adduxit. Oblitus eram monere paullo ante, ὅτι ἐπιτατόμενον ταῖς δίκαις, eum esse,
qui ab actis dicitur: id enim munus fuisse Hypomnematographi docet Lucianus,
ut alibi notavi.

In Aeliano (pag. 625.) scribendum videtur, ὅτι ἀγχι καθηρημένον τύραννον: Helaga-
balum intelligit. In vita Heliodori Sophistae corrupta sunt haec verba, καὶ ὅτι ἐμαν-
τῇ καὶ πρὸν ὁρῶν, quae feliciter mihi videor restituisse hoc modo: καὶ ὅτι ἐμαντῇ καὶ πρὸν
ὁρῶν. Sane in editione Veneta legitur, ἔνρημα; id est, *his auditis Imperator sur-*
rexit e folio, & o Virum! cui adhuc similem non vidi, decus & ornamentum meorum
temporum! & his similia Heliodoro acclamare coepit, manu sublata sinum chlamydis mo-
vens. Paulo post, περὶ τὸν αὐτὸν δὲ μεγίστης δὲ κατὰ τὴν ῥώμην συνηγορεῖν: id est,
advocatus fisci constitutus est ab Imperatore. Vide Philostratum supra in vita Quirini.
Statim περιεσπάρχθη μὲν τις αὐτῷ νῆσ'. id est, *in insulam deportatus est.*

In Aspasio sub finem locus est asterisco notatus, καὶ ὅτι Νικαγόρῃ δὲ Ἀθηναίῃ, ὅς
καὶ δὲ Ἐλευσινίῃ ἱερῇ κήρυξ ἐστὶ τε καὶ εἰ. Scribe meo periculo, δὲ Ἐλευσινίῃ ἱεροκήρυξ ἐστὶ τε
καὶ εἰ. id est, *qui Eleusinii templi praeco nunc est, denique ut sit precor.* Sic enim
Graeci loqui solent eleganter, ut Eunapius in fine operis de vitis Sophistarum.
Meliton apud Eusebium Lib. V. Hist. Eccl. pag. 109. & ita Ovidium quoque lo-
cutum esse, monuit me Claudius (a) Sarravius, Vir Clarissimus & Doctissimus; cum
ait (Lib. I. Trist. El. 10. 1.)

*Est mihi, sitque precor, flavae tutela Minervae
Navis; & a picta casside nomen habet.*

Et

(a) Vide Sarravii Epist. cxlvii. in fine. Locus autem Eusebii, quem hic adfert Valesius, male in scripto
exemplari notatus est. Legitur enim in Lib. IV. cap. 26. pag. 190. Edit. Noviss. ubi ex Apologia Meli-
tonis multa adfert Eusebius, ἐκτοτε γὰρ εἰς μέγα καὶ λαμπρὸν τὸ Ῥωμαίων αὐτοκράτη κατέπεσε. δὲ οὐ διάδοχος
ἐκταῖς γυναιξὶ καὶ καὶ ἰσὴ μὲν δὲ καὶ περὶ. Ex eo enim tempore maximis incrementis aucta est majestas im-
perii Romani, cuius tu exoptatus haeres factus es, & eris deinceps cum filio. Ad Ovidii locum Ciofanus
adposite protulit simillimum ex Martial. Lib. I. Epigr. 109.

*Est tibi, sitque precor, multos crescatque per annos,
cui adde alium apud Eumdem Lib. IX. Epigr. 18.*

*Est mihi, sitque precor longum te praeside, Caesar,
Rus minimum: parvi sunt & in urbe Lares.*
Ovidius VI. Fast. 219.

*Est mihi, sitque precor nostris diuturnior annis,
Filia, qua felix sospita semper ero.*
quomodo apud Eumdem Epist. I. Heroid. v. 111.

*Est tibi, sitque precor, natus, qui mollibus annis
In patrias artes erudiendus erat.*

Ubi vide Venerandi Patruī mei notas. Simili locutione dixit Livius Lib. XXXIV. cap. 3. *procul abest,
absitque semper talis fortuna Republicae.*

Et apud T. Livium in Lib. XL. (cap. 11.) Perseus in Oratione adversus Demetrium fratrem: *unus ante me pater est, & ut diu sit Deos rogo.* Psellus in vita Constantini Ducae; *δυγατέρα δ', ἡ τ' ἀρετῆς ἐπώνυμος, μνησέεται θεῶν, καὶ νῦν ἐστὶ, καὶ εἴη μέχρη πολλῶν.*

Et haec quidem ad libros Philostrati de vitis Sophistarum dicta sufficiant: Caeterum, cum plures fuerunt Philostrati, cujusnam sint hi duo libri, difficile est dicere. Eunapius quidem Philostrato Lemnio adscribit, sed refellitur ipsius Philostrati testimonio, qui in fine hujus operis disertè testatur Philostratum (a) Lemnium amicum sibi & familiarem fuisse. Suidas in eodem errore versatur, atque Eunapius. Ego vero hunc Philostratum nostrum, qui vitas Sophistarum conscripsit, eundem esse existimo cum eo, qui vitam Apollonii Tyanei memoriae mandavit. Idque plane confirmare videtur locus, qui est in vita Alexandri Sophistae, ubi citantur libri de vita Apollonii Tyanei, suppresso auctoris nomine: qui si a Philostrato Lemnio scripti fuissent, nomen ejus sine dubio addidisset. Hic porro quis & cujas fuerit, perinde obscurum est. Eusebius quidem in Libro adversus Hieroclem, Atheniensem illum facit. Photius autem in Bibliotheca, Tyrium cognominat: Suidas Lemnium. Ipse certe in Cap. 3. Libri primi, se in comitatu Juliae Augustae (quae uxor fuit Severi) fuisse commemorat. Caeterum idem stilus in utroque opere, tam in vitis Sophistarum, quam in Apollonii vita, unum eundemque auctorem utriusque satis declarat. Epistolae quidem, quae Philostrati nomine circumferuntur, Philostrati Lemnii haud dubie sunt, ut testatur Philostratus in vitis Sophistarum sub finem. Et prima omnium epistola, quae Aspasio inscripta est, in qua de epistolari charactere agitur, Aspasium perstringit Sophistam, qui cum ab epistolis esset Alexandri Severi, multa in eo genere peccabat, quemadmodum relatum est a Philostrato in Aspasii vita. Denique ipsemet in epistola ad Cleophontem & Gaium, Lemnium se esse profitetur. Heroica vero & Imagines ab uno eodemque Philostrato scriptae sunt, ut docet Menander Rhetor in Cap. *οὐκ ἐλάττω*, ubi ejus stilum normam ait esse simplicis dictionis.

CAPUT XIV.

Dionysius Halicarnassensis emendatus. Psaon Plataeensis.

Dionysii Halicarnassei de arte dicendi libros aliquot habemus, perquam utiles ac necessarios, in quibus, meo quidem judicio, non minorem laudem est con-

(a) Adde etiam, quod in vita Aeliani Lib. II. de vit. Sophist. cap. 31. meminit Philostrati Lemnii; utpote a se diversi, & contentionem ejus cum Aeliano Sophista refert. Sed pluribus hoc data opera in praefatione sua adseruit Olearius.

consecutus, quam in historia rerum Romanarum. Ac maxime vellem, ut libri, quos scripserat *ᾠδὴ μιμήσεως*, id est, *de imitatione*, ad nos integri pervenissent. Itemque libri *ᾠδὴ χαρμητύρων*, quorum secundus laudatur a Scholiaste Hermogenis pag. 412. ubi & fragmentum ex iis adfertur. Interim emendabimus locum quemdam corruptum in libro de collocatione verborum pag. 5. ubi nominans scriptores illos, qui sine arte verba collocarent; *Φύλαρχον λέγω, ἢ Δέειν, ἢ Πολύβιον, ἢ Σάωνα*. Quis esset hic (a) *Σάων*, Sylburgius in indice merito dubitavit. Ego *Ψάωνα* scribendum esse ajo, ex Diodoro Siculo in Lib. XXI. Fuit autem *Ψάων* Plataeensis, qui Dylli Atheniensis historiam continuavit Libris XXX. circa tempora Agathoclis, teste Diodoro.

CAPUT XV.

Eunapius inlustratus & emendatus. Hierophantas nomine adpellare non licebat. Sacra Mithriaca.

SEquentia capita hujus libri impendemus Eunapio Sardiano. Ejus enim liber ejusdem est argumenti cum libro Philostrati. In vita Maximi Philosophi multa occurrunt, quae partim emendatione egent, partim uberiore explicatione. In primis illud, quod de Hierophanta Atheniensi dicit, nomen illius proferre nefas sibi esse, propterea quod sacris Eleusiniis ab ipso erat initiatus. De hoc more loquitur Lucianus in Lexiphane: *ἐντυγχάνω δαδένωτε ἢ ἱεροφάντη, ἢ τοῖς ἄλλοις ἀρρητοποιοῖς, Δανίαν σύρσιν ἐπὶ τῇ ἀρχῇ ἐγκλημα ἐπάγοντας, ὅτι ὠνόμαζεν αὐτὰς: ἢ ταῦτα οὐκ εἰδὼς ὅτι ἐξ ἑπερ ὠσιώθησαν, ἀνώνομοι τε εἰσι, ἢ ἐκείνι ὀνομαστοί.* &c. ex quo loco effici videtur, non initiatis modo, sed etiam prophanis quibusque Hierophantas & Daducos proprio nomine appellare minime licuisse. Hinc igitur est, quod Libanius in epistolis, quoties ad Hierophantam scribit, non alio eum appellat nomine, quam τῷ ἱεροφάντῃ. Et Symmachus in Lib. V. Epist. 1. 2. & 3. Quod quidem honoris causa fiebat ab initiatis, perinde ut olim moris erat eos, qui in Magistratu essent, non alio quam Magistratus sui nomine appellare, ac si qui proprio nomine appellassent, tamquam minuti Magistratus rei mulctabantur, ut docet Dionysius Halicarnassaeus Lib. X. pag. 644.

Pau-

(a) Similiter corrupta Dionysii scriptura in errorem duxit maximum Virum G. J. Vossium, qui Lib. III. de Hist. Graec. pag. 410. refert Saona hunc, Dionysio memoratum, a Viris doctis existimari eundem, qui ab Athenaeo *Sarus* vocatur, quae suspicio fuit Sylburgii in indice ad Dionysium, sed quam timide tamen proponit, dum scribit incertum id esse. Recte igitur Jonsius Lib. 1. de Script. Hist. Philos. cap. 2. Vossium cum honore verborum refellens, notavit Saona Dionysio laudatum esse *Psiona*, Historicum Plataeensem, quomodo hic restituit Valesius, tum pro truncato alterius Historici apud Athenaeum nomine scribendum esse *Perfacum*, quod observavit etiam Casaub. in suis Animadvers. ad Athen. Lib. IV. cap. 8.

Paulo post scribit Eunapius, Hierophantam illum palam praedixisse, post obitum suum Hierophantam futurum hominem, cui nefas esset in Hierophantae folio sedere, utpote qui aliis Diis consecratus esset, & juramentis arcanis obstrictus, numquam se aliis sacris praefuturum. Scribo itaque, (pag. 74. Ed. Commelin.) *ἢ μὴ δέμῃς ἱεροφαντικῶν ἀφ' αὐτοῦ θρόνων.* Et mox, *ἱερῶν μὴ περιήσασθαι.* Subdit Eunapius hunc hominem, qui Hierophantae, a quo ipse erat initiatus, in sacerdotio successit, Thespensem fuisse, & Mithriacorum sacrorum patrem. Sic enim legendum est, *πατὴρ ὧν τῶν Μιθριανῶν τελετῆς.* In sacris Mithrae plurimi erant (a) gradus, quos initiati percurrere debebant. Eos omnes enumerat Hieronymus in Epistola ad Laetam, de institutione filiae. Inter hos fuit *pater*, cujus etiam mentio fit in vetustis inscriptionibus. Sacra quoque *patrica* vocabantur, quibus initiabatur pater, ut Coracica & Leontica, quibus Corax & Leo sacrabantur.

CAPUT XVI.

Eunapius correctus. Artabri populi.

IN eadem vita Maximi Philosophi, locus est insigni mendo corruptus, qui ob eam causam a doctissimo Interprete intelligi non potuit. Ubi enim Eunapius narrat quae & quanta mala passus sit Maximus, Valentis Augusti principatu, sit ait (pag. 83.) *μικρὰ γὰρ ἢ ἡ Περγῶν λεγομένη σκὰφθους: ἢ οἱ γυναῖκες τῶν Ἀρτάβρων ἀλισμοὶ περὶ ἐπιφερομένης ὀδύνης τῷ σώματι.* scribe meo periculo *σκαισμοῖς.* id est, nam *scaphismus Persarum*, & muliebres Artabrerum sarculationes, exiguum quid fuerunt, prae tormentis Maximo illatis. Artabri populi fuerunt Lusitaniae, apud quos terram argento auroque mixtam esse ait Strabo in Libro III. delatam a fluviis, quam mulieres sarculis effodiunt ac percolant. Eo alluisse Eunapium pro certo habeo: porro ad Eunapii locum alludere videtur Tzetzes Chiliade X.

Εἴτ' ἂν ὑπέρη σκὰφθουν Περγῶν ἢ τῶν Ἀρτάβρων.

N

C A-

(a) In sacris Mithrae plurimi erant gradus] In his enim Dei Mithrae sacris illi, qui se emancipare iis volebant, antequam initiarentur, varios tormentorum & cruciatuum gradus subire debebant, ut se sanctos & a perturbationibus immunes probarent. De his gradibus docte agit Vir antiquitatis eruditae peritia insignis, & Florentinae Academiae decus, Anton Franc Gorius in notis ad Donii Inscript. Antiq. Class. II. pag. 66. nonnulla etiam huc facientia habet Salmasius ad Hist. Aug. pag. 117. ubi multiplicia Mithriaca sacra, ut Leontica, Coracica, & patrica recenset, ac locum hunc Eunapii proferens refellit doctissimum ejus interpretem, Hadrianum nempe Junium, qui pag. 96. suae Edit. perperam verterat, *parens & institutor*, pro quo recte Salmasius, *pater cum esset mithriacae religionis*, quomodo hic itidem Valefius. Ibidem etiam Salmasius, promittens se totam Mithriacorum sacrorum cerimoniam alibi latius multis nondum observatis inlustraturum, adfert Hieronymi locum ex Epistola ad Laetam, a Valefio hic memoratum, eumque bene emendat; sed & ab aliis mendis illum liberat, & contra Erasmus exponit Nicolaus Loensis Lib. VII. Epiphyllid. cap. 4. Pluribus egregie haec Mithriaca sacra inlustrant Reinesius Epist. LXIX. ad Rupert. pag. 647. & seqq. Barthius ac Bernartius ad Statii Lib. I. Theb. v. ult. & erudite ex monumentis antiquis Celeberrimus Montfaucon Tom. I. Diar. Italic. pag. 198 & seqq. tum peculiari de Mithra Dissertatione Philippus a Turre, Vir doctissimus, Episcopus quondam Hadriensis, sed aliquot abhinc annis, scilicet an. 1717. in urbe Rhodigina, quam vitae sedem elegerat, fato nimis cito defunctus cum magno bonarum literarum detrimento, ut refert Johannes Oliva in eleganti Exercitatu in Marmor Isiac. Romae effoss. pag. 30. & Joh. Anton. Ursatus in Adnotation. Italic. ad Sertorii Ursati Marm. Erudit. pag. 165.

CAPUT XVII.

*Eunapius explicatus. χρυσός de rebus pretiosis & egregiis.
Zonaras correctus.*

Elegantissima locutio est in excerptis Eunapii, quam interpres Cantoclarus non intellexit. Loquens enim Eunapius de Gothorum excursione in agrum Romanum, sic ait: τσαύτην ἢ ἔσαν αὐτὴν, ἢ τὸ Σκυθῶν ἐπανάστασις κατεσφόρδισεν εἰς τοσόνδε καὶ κατημάξασε ταῖς συμφοραῖς, ὥς χρυσὸν ἀποδειχθῆναι, πρὸς τὰ θράκια πάθη, τὴν Μυσῶν παροιμιώδη λείαν. quae sic vertenda erant: adeo ut aurum videretur illa Mysorum praedatio, adagio celebrata prae hac Thraciae calamitate, & vastatione. Eadem phrasi usus erat Eunapius in rebus Carini Augusti: καὶ ἐν, inquit, ὁ βασιλεὺς χρύμην ἐν ἐξοσίᾳ καὶ βελήσεως κύριον; ἀνέδραμε τηλικαύτου κακὸν εἰς τυραννίδα, ὥς ἀπέδειξε χρυσὸν καὶ τραγωδωμένην τυραννίδα. Quem Eunapii locum citat Suidas in voce μακρῶ, & in voce καὶ ἐν. Est autem phrasis elegans & plane Attica, qua utitur etiam Plato in Epistola VII. ad Dionis propinquos: ubi loquens de XXX Tyrannis, qui Reipublicae constituendae causa ab Atheniensibus creati fuerant, sic ait: ὁρῶν δή τις τὸς ἀνδρας ἐν χρόνῳ ὀλίγῳ χρυσὸν ἀποδείξαντας καὶ ἐμπεσοδὲν πολιτείαν. Similiter Dio in Lib. XLVII. Historiae Rom. ἔτω τὰ πείγματα πρὸς τε τὸ βέλημα καὶ πρὸς τὸ ἐπιθύμημα τὸ ἐαυτῶν διήγον, ὥς χρυσὸν τὴν Ἰουλίῳ Καίσαρι μοναρχίαν φανῆναι Male apud Johannem Zonaram in Tom. II. Annalium pag. 141. legitur, ὥς χρυσὸν καὶ Ἰουλίῳ Καίσαρι μοναρχίαν νομίζεσθαι. Scribendum enim est, χρυσὸν, ex Dione, quem Zonaras exscripsit. Denique Conon vetus Scriptor in Narratione XIII. apud Photium, χρυσὸς ἀνὰ αἰσῶς δόξασι τὰ τὸ Τροίας κακὰ.

CAPUT XVIII.

*Eunapius emendatus. Laespodias & Damasias. Harpocratonis
Lexicon castigatum.*

LOcus est quidam apud Eunapium in vita Libanii corruptissimus. Ubi enim ait Sophistam illum affectatorem fuisse priscorum verborum, & eruditionis gloriam ambiisse, sic ait: τὰ γὰρ Εὐπόλιδος δένδρα Δεσποσίαν καὶ Δαμασίαν ἐκ αὐτῶν παρήκε ἐκ τὰ ὀνόματα ἔγνω καὶ δένδραν, οἷς νῦν αἰνὰ καλεῖσιν οἱ ἀνθρώποι. Non dubito quin legendum sit, Λαespoδίαν καὶ Δαμασίαν. Fuerunt hi duo olim apud Athenienses notissimi; & ob proceritatem & imbecillitatem tibiarum a Comicis perstrikti. Itaque Eupolis in

in Comoedia, cui titulus fuit Δῆμοι, eos arboribus comparavit his versibus, quos refert Scholiastes Aristophanis in Avibus, (v. 1568.)

Τὰδὲ τὰ δένδρα Λαισποδίας καὶ Δαμασίας
Αὐταῖσι ταῖς κνήμασιν ἀκολυθῶσι μοί.

Plura de hoc Laespodia ibidem commemorat doctus (a) Scholiastes, quem consule. Is est, adversus quem Orationem scripserat Antipho, quae in Harpocratonis Lexico non semel laudatur: ut in voce Ἐπίσκοπος, & alibi. Sed ubique nomen depravatum invenies, & καὶ Λαισποδίας scriptum, pro Λαισποδίας.

CAPUT XIX.

Eunapius denuo emendatus ex MSo.

Alterum etiam locum ex Libanii vita sanabimus, qui gravissimo mendo labo-
rat. Sic enim legitur vulgo: καὶ τοσούτοις ἦν ἐς τὰ πλάσιν καὶ τὰ εἰς ἐκάτερον ἐξομοίω-
σιν, ὥστε ὁ μὲν λῆρ' ἦν αὐτῷ, τὸ δὲ συνιόντων ἑκαστὸν ἄλλον ὁρᾶν ἐαυτὸν ὑπελάμβανεν. Quae
sic vertit Hadrianus Junius: Egregius artifex in exprimenda atque ex vero effingenda
morum similitudine in utramque partem, ita ut factu facilius nihil illi fuerit; imo fami-
liarium, qui cum eo conversabantur, quilibet existimabat se alterum ipsum videre. Ego in
MS. Codice viri illustrissimi Henrici Memmii, in quo vita Libanii Sophistae epi-
stolis ipsius erat praefixa, sine auctoris nomine, elegantem veramque hujus loci
scripturam reperi hoc modo: τοσούτοις ἦν ἐς τὰ πλάσιν καὶ τὰ πρὸς ἀπαντας ἐξομοίωσιν,
ὥστε ὁ μὲν πολὺ πλεονέκτης λῆρ' ἡλέγχω: τῶν δὲ συγνομολογῶν ἑκαστὸν ἄλλον ἐαυτὸν ὁρᾶν ὑπελάμ-
βανεν. id est, adeo felix fuit in exprimendis atque effingendis omnium moribus, ut poly-
pus prae illo nugae esse videretur, &c. Paulo post, ubi judicium fert de scriptis Libanii,
ait leporem quandam ac venustatem, quae SyroPhœnicibus omnibus familiaris
est in congressibus, vel maxime ex operibus Libanii hauriri posse, quam dotem
Attici nasum & urbanitatem appellant. οἱ μὲν ἐν Ἀττικῇ μυκίῃ καὶ αἰσμηδὲν αὐτὸ καλεῖ-
σιν. scribe ex eodem MS. Codice, καὶ ἀσείσηδον.

N 2

C A

(a) Cujus locum integrum exhibet & emendat in notis ad Harpocraton. p. m. 31. ubi plura de Lae-
spodia habet, & locum hunc Eunapii, quem corrigendum illic monet, in Excerptis suis se notasse addit,
quibus nescio an has Emendationes suas significet.

CAPUT XX.

De diversis Philostratis.

EDita sunt Parisiis anno MDCLXXX. Philostrati opera, quaecumque ad nos pervenerunt, quasi ab uno eodemque auctore scripta essent; cum tamen trium Philostratorum Libri in ea editione continentur: quod cum a Morello minime sit animadvertum, hic evidentissimis argumentis probabimus.

Ac Philostratum quidem eum, qui vitas Sophistarum conscripsit, diversum esse a Philostrato Lemnio jam superius demonstratum est; ubi etiam illud ostendimus, eundem, qui Sophistarum vitas condidit, auctorem etiam esse librorum de vita Apollonii Tyanensis. Epistolarum vero Liber scriptus est a Philostrato Lemnio, ut paulo ante docuimus. Sed & Heroïca ob eodem Lemnio videntur esse conscripta. Multa enim ibi de Lemno insula dicuntur. Et in Neoptolemo haec habentur verba, τελετῆς τι ἐγκάλαμινύνης τοῖς ἐναγίσμασιν, ὡς Λεμνιοὶ τε νομίζουσι &c. Et paulo post, quomodo Lemnus insula quotannis lustrari soleat, & facinus mulierum expiari, fuse narrat Philostratus, quae non nisi a cive ejus insulae cognosci potuerunt. Certe haec toties affectata Lemniorum commemoratio satis indicat auctorem fuisse Lemnium. Sed & librum, qui Imagines inscribitur, ab eodem Lemnio Philostrato scriptum esse censeo. Nam initio libri ait se declamasse coram adolescentibus, qui ipsum adibant Neapoli. Fuit autem Philostratus Lemnius in Declamationibus eximius, adeo ut etiam ex tempore declamaret, uti testatur Philostratus Atheniensis in vitis Sophistarum. Sane hi duo libri de Imaginibus nihil aliud sunt, quam declamationes extemporales.

Praeter hos duos Philostratos, fuit etiam alius junior Philostratus, Philostrati Lemnii ex filia nepos. Hujus extat liber Imaginum, in cujus initio Philostratum, qui duos libros Imaginum edidit, avum maternum fuisse dicit.



HENRICI VALESII EMENDATIONUM

LIBER QUARTUS.

CAPUT I.

(a) *Demosthenis error de genere Alcibiadis expositus. Meursius refutatus, & Platonis locus ab ejus emendatione vindicatus. Stemma Alcibiadis paternum ac maternum. Isocrates correctus & Harpocraton. Valerius Maximus notatus.*



Uis credat Demosthenem tanti nominis tantique judicii Oratorem, memoriae vitio lapsum fuisse, in re praesertim, quae non procul aberat a memoria temporum suorum; in stirpe inquam Alcibiadis, illius celeberrimi Atheniensium ducis. Atqui certissimis rationibus vincam, lapsum illum fuisse non simplici errore. Neque vero id exprobrandi causa dico, sed ut illustri exemplo demonstrem, quam proclive sit in rebus, quae ad antiquitatem pertinent, halucinari, quo magis nos excusandi sumus, sicubi fortasse imprudentes offendimus. Scribit igitur Demosthenes in Oratione contra Midiam pag. 405. Alcibiadem illum celeberrimum sui temporis duce[m], paterno quidem genere Alcmaeonidem fuisse, maternum autem genus ex Hipponici familia duxisse. ἐκείνῳ γὰρ λέγεται πρὸς πατρός μὲν Ἀλκμαεωνιδῶν εἶναι, πρὸς δὲ μητρός Ἰππονίκου. Idem quoque scribit Libanius in Declamatione IX. pag. 352. Sed utrumque falsum est. Non enim paterna stirpe Alcmaeonides fuit, sed materna, ut docet Isocrates in Oratione de Bigis, & Plutarchus in Alcibiadis vita initio. Erat enim Dinomaches filius; Dinomache vero, Megacles filia, ut praeter Plutarchum testatur Andocyes in Oratione contra Alcibiadem pag. 31. & Lysias in Oratione contra Alcibiadem filium.

Iam Megacles Hippocratis filius fuit. Hippocrates autem patrem habuit Megacles.

N. 3

(a) Quae in hoc capite de Demosthenis errore circa genus Alcibiadis erudite observavit Valesius, jam dederat nobis, quamquam non ita prolixè, in Notis ad Maussaci notas in Harpocradonem pag. 86. ubi stemma Alcibiadis itidem exhibet, & Meursii errorem refellit. Nonnulla etiam de genere Alcibiadis habet Palmerius in Exercit. ad Script. Graec. pag. 192. qui de hoc Demosthenis errore videndus est pag. 632. & 633. ubi notat, eum oratoria astutia junioris Alcibiadis genus ad patrem transfuisse, & totum Alcibiadis stemma ex Herodoto, Lysia, Platone, Plutarcho ac Paulania descriptum exhibet.

clem seniore, qui Alcmaeonis filius fuit. Ita Herodotus in Lib. VI. pag. 378. Isocrates tamen in Oratione de Bigis, Megaclem juniorem Clisthenis filium facere videtur. Ait enim, Clisthenem illum, qui Remp. Atheniensium constituit, maternum Alcibiadis proavum fuisse, cui favere videtur vetus Scholiastes Pindari in Oden septimam Pythionicarum, quae Megacli Atheniensi dicata est. Is enim Hippocratem cognatum duntaxat Megaculis fuisse scribit, non filium. Quidquid sit, constat Demosthenem falsum fuisse, cum Alcibiadem paternum genus ab Alcmaeone duxisse affirmavit; nec verius est quod ibidem adjunxit, maternum genus ab Hipponico tractum fuisse. Nullus enim Hipponicus in materna Alcibiadis stirpe reperitur. Fuit quippe Alcibiades Cliniae filius, Alcibiadis magni nepos, teste Herodoto in Lib. VIII. Isocrates quidem in Oratione de Bigis, Alcibiadem paterno genere nobilissimum ait fuisse, quod in Hipponicum non convenit, qui fuit vir novus, & ob divitias, non ex nobilitate generis, celeberrimus evasit. Quid igitur fuisse causae dicemus, ut Demosthenes in errorem induceretur? Equidem non aliam fuisse causam existimo, nisi quod Alcibiadis filius ac nepos tum vivebant, cum Orationem illam habuit Demosthenes. Hi materno genere ex Hipponici familia erant oriundi. Nam Alcibiades Cliniae filius Hippocratem Hipponici filiam in matrimonium duxit, ut testatur Andocydes in Oratione citata, & Cornelius Nepos & Plutarchus. Hinc Demosthenes, ut mihi quidem videtur, errandi occasionem nactus, Alcibiadem quoque illorum patrem ex Hipponici stirpe prognatum esse existimavit.

Nec minor est Joannis Meursii error, qui in Lib. VIII. Lectionum Atticarum Cap. 12. totam seriem paterni generis Alcibiadei miscuit ac turbavit. Locus est Platonis in Euthydemo initio de Clinia. ἔστι δὲ ἕτερος Ἀξιόχης μὲν υἱὸς δὲ Ἀλκιβιάδου δὲ παλαῖς αὐτανεψιὸς δὲ δὲ οὖν ὄντος Ἀλκιβιάδου. Hunc locum mendosum esse existimat Meursius, & corrigere aggreditur: sed frustra est, cum locus sit integer. Loquitur enim Plato de pulchro illo Clinia, fratre patrueli Alcibiadis, qui Clinias filius fuit Axiochi, ut praeter Platonem testatur Aeschines in Axiocho. At Meursius gravi errore hunc Cliniam, de quo loquitur Plato, Alcibiadis patrem esse putavit. Verum Clinias, Alcibiadis pater, in praelio ad Coronam diu ante occubuerat, teste Platone in Alcibiade, & Isocrate & Plutarcho, ac denique Sopatro in divisione controversiarum pag. 290. Clinias autem Axiochi filius, vixit post bellum Peloponnesiacum, ut patet ex illo Aeschinis dialogo. Series igitur paterni generis Alcibiadei haec est:

Alcibiades Magnus

ejus filii

Clinias

&

Axiochus

I
Clinias

I
Alcibiades & Clinias, de quo Plato in Protagora.

Quod spectat ad Alcibiadem majorem, Alcibiadis nostri avum, sententiam nostram confirmat primum quidem Herodotus in Lib. VIII. ubi Cliniam Alcibiadis filium

filium in pugna ad Artemisium fortiter egisse scribit. Fuit autem hic Clinias Alcibiadis nostri pater, ex Plutarcho & Sopatro in locis citatis, quibus accedit Plato in Euthydemo loco citato. Deinde Andocydes in Oratione contra Alcibiadem, ἡ γὰρ ὁ δὲ μητρὸς πατὴρ Μεγακλῆς, ἡ δὲ πάππη Ἀλκιβιάδης ἐξωστρακίσθησαν ἀμφοτέρω. Denique Lyfias in Oratione contra Alcibiadem, Alcibiadis nostri filium, sub finem. Ex quibus corrigendus est Isocratis locus in Oratione de Bigis, ubi ait: Ἀλκιβιάδης ἡ Κλειθένης ὁ μὲν πρὸς πατρός, ὁ δὲ πρὸς μητρὸς ὦν πρεπάπη & πατρός & μὲν, scribe, ὁ μὲν πάππη πρὸς πατρός &c. Emendandus quoque est Harpocration in voce Ἀλκιβιάδης, legendumque, ἡν δὲ ἡ ἑτερὴ πάππη &c. Porro maternum genus Alcibiadis habes in hoc stemmate.

Alcmaeon Megacelis filius Olympionices.

I
Megacles major, qui Agaristam duxit.

I
Clisthenes

& Hippocrates

I
Megacles — Agarista

I I
Dinomache Pericles

I
Alcibiades.

In hoc stemmate Herodotum secuti sumus, qui Megaclem Hippocratis filium posuit. Quod si Isocratem audire malumus, tum Megacles patrem habebit Clisthenem, in quam sententiam, ut ingenue fatear, magis propendeo, quippe cum Isocrates in eo loco de Alcibiadis majoribus agat ex professo, nihilque vetet, quominus duo Megacles patruales extiterint, alter Clisthenis, alter Hippocratis filius.

Ex his illud etiam colligere est, falli Valerium Maximum in Lib. III. (cap. I. ex. 1.) cum Periclem Alcibiadis avunculum dixit; nisi forte avunculum καταχρηστικῶς intelligamus, qui superiore gradu cognatus est, quem nos avunculum Britannico more vulgo appellamus. Cornelius Nepos, Alcibiadem Periclis privignum quibusdam dici refert.

CAPUT II.

*Demosthenes emendatus. τὸν δὲ de vilis pretii mercibus.
Hesychius correctus.*

IN Oratione Demosthenis pro Chrysippo adversus Phormionem, locus est foedecorruptus, quem partim ex Augustano Codice, partim ex conjectura restituisse mihi

videor. (pag. 941.) ὥστε ἡ ναυκλήρῃ κελδύοντ^{ος} αὐτὸν κατα τὴ συγγραφὴν ἐντίθεσθ^{αι} τὰ ἀγοράσματα τ^{ῶν} ἐμῶν χρημάτων. εἶπεν ἔτ^{ος} ὁ νῦν φάσκων ἀποδεδωκέναι τὸ χρυσίον, ὅτι ἐκ αὐτοῦ δύναιτο ἐνδέσθ^{αι} εἰς τὴ ναῦν τὰ χρήματα ἀπερχομένου γὰρ εἶναι τὸν ἀνδραπον. quae verba sic Wolfius vertit: Adeo ut naviculario iubente emptas mea pecunia merces ex syngrapha imponere: is qui nunc se aurum reddidisse dicit, nummos conferre in navim posse negaret, consilio suo frustratum, rebusque infectis. Et hunc quidem qualemcumque sensum elicit Wolfius ex corruptis Demosthenis verbis; quae etiam asterisco signata sunt. Sed in Augustano Codice longe optimo ultima verba sic leguntur: ἀπερχομένου γὰρ εἶναι τὸν ἄνδραπον. ex quibus facillimum erat veram ac sinceram hujus loci scripturam deprehendere. Scripserat enim Demosthenes ἀπερχομένου γὰρ εἶναι τὸν ῥῶπον. Viles ac levis pretii merces Graeci ῥῶπον vocabant, & hujusmodi mercatores ῥωποκῶλας; ut testatur Hesychius. Aelius Dionysius apud Eustathium in Ἰλιάδ. N. pag. 927. ῥῶπον interpretatur τὸ λεπτόν ἢ διτελὴ φόρτον, ἢ ποικίλον. additque, quod ad nostrum institutum plurimum facit, ἢ ἡ λέξις ἡ ῥῶπος παρὰ τε Δημοσθένει ἢ ἑτέροις. Neque enim alibi, quod sciam, nomen hoc ῥῶπος occurrit in Orationibus Demosthenis, praeterquam hoc in loco; ex quo apparet ita necessario emendandum fuisse. Porro quam facilis ac prona sit depravatio harum vocum ῥῶπος & ἄρωπος, ostendit Hesychii locus, in quo sic legitur, Αἰγυπτία ἐμπωλὴ ἄρωπος: cum scribendum sit, ὁ ῥῶπος. Et haec quidem quod spectat ad vocem ῥῶπος. Quod autem attinet ad vocem ἀπερχομένου, confirmat ipse Demosthenes in eadem Oratione paulo supra: διὰ τὸ συμβάντα πόλεμον ἢ τὸ φορτίων ὧν ἦγε πολλὴν ἀπερσίαν ἐν τῇ ἀπορίᾳ ἦν. & infra, ἐν Βοσπόρῳ ἢ ἀπερσίαν τὸ φορτίων κατέλαβε.

CAPUT III.

Demosthenes explicatus. Ἐπὶ nota pignoris. ἐπιδανείζεν.

Quando in eadem Demosthenis Oratione versamur, quemdam ex ea locum, qui nobis obscurissimus videtur, lectoribus proponemus. Quid enim sibi vult, quod ait Demosthenes non procul ab initio illius Orationis? ἐγὼ γὰρ ὡς ἄνδρες ἐδάμνασα Φορμίῳ τῷ εἰκοσι μνᾶς, ἀμφοτερόπλευν εἰς τὸ Πόντον ἐπὶ ἑτέρᾳ γε ὑποθήκῃ. quae Wolfius sic vertit: Ego Athenienses Phormioni mutuas dedi minas viginti ultro citroque in Pontum, alio accepto pignore. Difficultas est non in voce ἀμφοτερόπλευν, cujus significatio notissima est: sed in his verbis, ἐπὶ ἑτέρᾳ γε ὑποθήκῃ, ac praesertim in voce ἑτέρᾳ. Crediderat Chrysippus Phormioni mercatori minas viginti ea conditione, ut Phormio merces quadraginta minarum pretii in navem imposeret, quae pignoris loco essent Chrysippo, ut docet Demosthenes. Vides igitur dimidiam partem mercium pignori obligatam fuisse, pro altera dimidia parte. Proinde verba Demosthenis sic interpretari malim, altero tanto oppignerato. In tota igitur Oratione illa adversus Phormionem, ubicumque ὑποθήκης nomen occurrit, occurrit autem ter &

am-

amplius, merces sunt intelligendae, quae creditoribus oppigneratae erant ex syngrapha. Quare debitor tenebatur aut merces pignori obligatas exhibere, aut argentum, quod mutuatus fuerat; alioqui adversus eum, qui nec pecuniam creditoribus solveret, nec pignus exhiberet, gravis erat paena proposita: adeo ut civem Atheniensem optimo loco natum ob eam culpam Athenienses capite damnarint. Tantum illis curae fuit, ut in foro fides servaretur, quemadmodum refert Demosthenes in fine hujusce Orationis. Solebant autem mali debitores, qui pecunias mutuas ab aliquo acceperant commercandi causa, rursus ab aliis mutuari, quod (a) ἐπιδανείζειν dicebant, qua voce frequenter utitur Demosthenes in hac Oratione. Quod quidem clam & insciis creditoribus facitabant, ne illi pignus suum sibi vindicarent, aliisque rursus oppignerari vetarent. Sic intelligendus est locus Demosthenis circa medium. ἐνθεν μὲν ἐξέπλει ἐκ ἐνδέρμων εἰς τὴν ναὺν τὰ χεῖματα, ἣ ὑποθήκην ἐκ ἔχων; ἀλλὰ ἐπὶ τοῖς ἐμοῖς χεῖμασιν ἐπιδανείσαμην: quae Wolfius sic vertit, Cum enim hinc navigaret, nec pecuniam in navem imposuerat, & pignus non habebat, sed ad meam pecuniam plus erat mutuatus. Quam interpretationem equidem probare non possum. Vox enim ἐπιδανείσαμην id satis indicat. Sed alius est sensus horum verborum, ἐπὶ τοῖς ἐμοῖς χεῖμασι: id est, pecunia mea pignoris loco opposita, aliam supermutuatus. Vox haec (b) ἐπὶ, pignus & hypothecam denotat, ut supra vidimus, ἐπὶ ἐτέρᾳ γε ὑποθήκῃ. Et in Oratione contra Dionysodorum initio, ὥς τε δανείσαμεν παρ' ἡμῶν ἐπὶ τῇ νηὶ τελαχιλίας δεσχμάς. Wolfius vertit ad navem, & iterum in eadem Oratione, ἔλεγον ὅτι βέλονται δανείσασθαι ἐπὶ τῇ νηὶ. id est, oppignerata nave, ut ipse Demosthenes confirmat. Neque aliter explicare soleo locum Isocratis in Oratione Trapezitica: ὀλκάδα γὰρ ἐφ' ἣ πολλὰ χεῖματα ἦν ἐγὼ δεδωκώς &c. id est, navem onerariam, quae mihi oppignerata erat pro ingenti pecunia. Familiare fuit & usitatum apud Veteres navem creditoribus oppignerare, cujus rei exemplum est apud Artemidorum cap. 23. Libri II.

O C A

(a) Vide Salmasium de modo Usurar pag. 504. & 504. ubi aliquot Demosthenis locis hanc vocem explicat & inlustrat. Ut autem Graeci de malis debitoribus, qui, ut solvant pecunias mutuo acceptas, ab aliis rursus mutantur, ἐπιδανείζειν dicunt, ita Latini *versura solvere* hoc vocant, cum aes alienum prius contractum, novo aere alieno solvitur, & ita *versura* facta, seu aliis nummis foenori acceptis, vetus nomen expediunt debitores: de qua phrasi multa viris doctis observata. Vid. Salmas. ibid. pag. 299. & 300. & ad Tertull. de Pallio pag. 163. contra quem ingenti verborum contumelia invehitur Antonius ille Kerkooëtius, seu potius vero nomine Dion. Petavius, in Animadv. ad Salmasii notas in Tertull. pag. 40. & in Elencho pag. 7. & seq. cujus contumeliis se opposuit sub Francisci Franci nomine Salmasius in Confut. Anim. Cercoët. pag. 118. & seq. Utriusque argumenta excutit Joh. Fr. Gronovius in mortali opere de Pecun. Vet. pag. 535 536. & seqq. ubi optime discrimen notavit inter *versura solvere*, quod mutuo aliunde accepto debitum expungere, & *versuram facere*, quod in genere pecuniam sub usuris mutuum sumere significat: quae saepe Viri etiam doctissimi non satis distinxerunt. Sed de his plura addere non est hujus loci. Adeat Lector de hac locutione Interpretes Corn. Nepot. in Attic. cap. 2. Graevium ad Cic. in Verrem Lib. II. cap. 76. & ad Orat. pro Fonteio. cap. 1. tum nonnulla apud Sim. Bosium ad Lib. V. ad Attic. Epist. 21. pag. m. 70. & 71. sed quem vehementer falli notavit ad eundem locum Graevius pag. 556.

(b) Ita in multis aliis locutionibus hac in re propriis frequentissime hoc occurrit, ut ἐπὶ σώμασιν, ἐπὶ τῇ οἰκίᾳ, ἐπὶ τῇ νηὶ δανείζεσθαι vel εἶλεν, & sim. vide Salmas. ibid. de Mod. Usur. pag. 754. ubi duo alia habet Demosthenis loca similia illis, quae hic adfert Valesius.

CAPUT IV.

*Demosthenes cum Isocratis loco collatus. De mercatoribus,
qui fidem fallerent.*

IN eadem Oratione adversus Phormionem ait Demosthenes, iudices Atheniensium semper infensos fuisse mercatoribus, qui fidem fallerent, nec creditoribus suis satisfacerent. Idem antea dixerat Isocrates in Oratione Areopagitica, ubi id etiam addit, Iudices magis infensos fuisse fraudantibus, quam eos, quibus damnum erat illatum. Cur autem Iudices ita affecti fuerint, diversas uterque Orator rationes affert, quas hic afferre & inter se componere, non ingratum fore duxi. Ait igitur Isocrates, Iudices ita existimasse eos, qui fidem violarent contractuum, longe plus pauperibus nocere, quam opulentis. Divites enim, si pecuniam suam domi retineant, nec clientes sibi adsciscant, privari duntaxat exiguis lucris; pauperes vero, si desint qui pecunias ipsis suppeditent, ad extremam inopiam redigi. Demosthenes vero causam hanc adfert, cur Iudices adversus fraudulentos debitores tantopere acerbi essent; quod scilicet putarent ab eo genere hominum non eos solum laedi, quibuscum contraxissent, sed etiam mercatum ipsum injuria affici. Commercia enim mercatorum, non a mutuantiis sed a foeneratoribus proficiuntur ac pendent, qui si defuerint, nec navis, nec naviculus, nec vector ex portu solvere unquam possint.

CAPUT V.

*Demosthenes emendatus. ὅτι municipium in agro Attico.
Diogenes Laërtius correctus.*

Turpe mendum est in Oratione Demosthenis adversus Macartatum de Hagniae haereditate, cujus emendatio cum facilis & obvia sit, miror tamen neque a Wolfio, neque ab alio quoquam adhuc animadversam fuisse. Nam in ipso Orationis initio sic legitur: καὶ γὰρ ἔσα ἐν ταῖς Ἀγνίαις τῶν Ἑλλήνων ἐπιδιδόσκειτο ἡ κληρονομία τῶν Ἀγνίων. Ubi Wolfius τῶν Βασίλειον scribendum esse existimavit. Hic enim Ἀγνίας erat Buseli filius, & paulo post ubi legitur, Πλαύτιος τὸν ὅτι Ἑλλήνων, idem Wolfius vertit, Glaucus Exoci filius. Pari errore interpretatus est sequentia Demosthenis verba, Βασίλειος γὰρ ἦν Ἑλλήνων. Sola distinctione hi tres loci emendari poterant: Scribendum enim

enim est ubique, (a) ἐξ οἴου, id est, ex Oeo municipio. Duo fuerunt municipia hujus nominis in agro Attico, quorum alterum Ceramicum, alterum Decelicum dicebatur. Utriusque cives ac Municipales dicebantur ἐξ οἴου, ut docet Harpocratio in voce οἴον. Cui consentit etiam Stephanus Byzantius in voce Ἀβροτόνον. δύνανται δ', inquit, καὶ ἐξ Ἀβροτόνου φάναι τὸ ἐθνικόν. πολλὰ γὰρ τοιαῦτα μάλιστα ἐν τοῖς δήμοις τῶν Ἀθηναίων, ὡς ἐξ οἴου δημότης καὶ ἐκ κηδῶν. Ex Oeo igitur municipio oriundus erat Buselus; ac proinde Hagnias major ejus filius, & Hagnias minor ejusdem nepos, de cujus haereditate agitur in Oratione Demosthenis, in eodem Municipio erant adscripti. Idem error est in Lib. II. Diogenis Laërtii, ubi de Stilpone loquitur: καὶ Μύρμηκα τὴν Ἐξαινέτην. Scribendum enim est, (b) ἐξ Ἐνέτης, ut docet Stephanus Byzantius in voce Ἐνέται: ut monuit me Aegidius Menagius, quem honoris & amicitiae causa libenter nomino.

CAPUT VI.

*Demosthenes corrigitur. τῆς ὁ Ἄτης, Bacchi epitheta.
Hesychius & Clemens Alexandrinus emendati.*

Demosthenes in Oratione illa celeberrima pro Ctesiphonte de corona, Aeschinem irridens, qui Tragoediarum actor olim fuerat, & qui in mysteriis & orgiis Bacchi Praeful ac Praecentor fuerat, ait illum praecinere solitum, *Εὐοε Σαβοε*, & inter saltandum exclamare, *Hyes Attes*. Verba Demosthenis hodie sic leguntur (pag. 156.) καὶ βοῶν ἄντι σαβοῦ, καὶ ἐπορχόμενος ὕψος ἄτης, ἄτης ὕψος. Quod spectat ad

O 2

(a) Verissimam hanc emendationem, notato itidem Wolfii errore, dederat jam Valesius in notis ad Harpocratem pag. 56. & sic in hoc Demosthenis loco corrigendum monuit etiam Palmer. in Exercit. ad Script. Graec. pag. 641. de utroque municipio ita Suidas in οἴον. Ἐστὶ δὲ τὸ μὲν περιμετρικὸν οἴον τῶν Ἀστυνοδῶν φυλῆς. ὃ δὲ διελευσέν οἴον τῶν Ἰπποδοκιδῶν. οἱ δὲ Δημόται ἐκαστὸν αὐτῶν ἐλέγοντο ἐξ οἴου. quae totidem verbis apud Harpocratem leguntur, & paria habet Stephanus in οἴον. vide eundem Palmer. in Exercit. pag. 191. sed plura apud Meursium in Libro de Populi Atticae in voce οἴον pag. 767. in Vol. IV. Thesaur. Antiquit. Graecar. ubi haec Demosthenis loca eodem modo, quo hic Valesius, emendat, & Interpretis eruditi errorem etiam observat.

(b) Ad hunc Diogenis Laërtii locum videndae sunt ipsius Menagii notae pag. 76. Ed. Londin. ex quo patet laudem hujus emendationis deberi Meursio in notis ad Hesychium Milesium pag. 201. quem non praeteriit Stephani locus, quo solo nititur correctio in Diogene, quem Epitomator ille advocat. Salmasius autem ad Solin. Tom. II. pag. 888. verba Stephani exhibens addit, nullam Myrmecis hujus apud Diogenem fieri mentionem; quod quam vere notaverit, ex hoc ipso Laërtii loco patet. vide & Joñsum Lib. III. de Script. Hist. Philos. pag. 271. Sed omnes Stephani Commentatores, Casaubonum secuti, censent eum vitioso Laërtii codice deceptum perperam urbem fecisse ex nomine proprio Exaeneti, cujus filium fuisse Myrmecem putat Casaubonus. Holstenius etiam in Castigat. ad Stephan. pag. 114. Meursium frustra ἐξ Ἐνέτης emendasse scribit, adfirmatque Ἐνέτη urbem nusquam alibi inveniri memoratam. Sed illum refutant satis, quae notavit Menagius, quem recte Casauboni opinionem rejecisse arbitror, praesertim cum Valefii nostri auctoritas ei subscribat.

ad vocabulum $\beta\eta\varsigma$, id Bacchi esse epithetum docet Suidas & Auctor Etymologici, quibus consentit Scholiastes Arati, & Eustathius in Iliad. Σ. pag. 1155. denique Theon in Aratum, ex quibus corrigendus est Hesychius, apud quem legitur, $\beta\epsilon\upsilon\varsigma\ \sigma\alpha\beta\acute{\alpha}\zeta\iota\omicron$, cum legendum sit, $\beta\eta\varsigma$, ut Auctores, quos laudavi, testantur. Sed difficultas est quis sit $\alpha\tau\eta\varsigma$. Harpocration quidem existimavit Attin illum in Phrygia celeberrimum matis Idaeae ministrum a Demosthene intelligi, quod mihi certe absurdum videtur. Loquitur enim Demosthenes de Orgiis Bacchi, seu Thiasis, quos Aeschines deducebat. Attidi vero nihil commune cum Baccho, cujus Attidis ne nomen quidem cognitum fuisse arbitror Atheniensibus, Demosthenis aetate. Proinde non dubito, quin corrupti sint Demosthenis codices, & quin pro $\alpha\tau\eta\varsigma$, scribendum sit (a) $\alpha\tau\eta\varsigma$, quod epithetum fuit Bacchi, ex eo quod a Titanibus discerptus fuisse dicitur: Docet id auctor Etymologici; $\alpha\tau\eta\varsigma\ \delta\ \Delta\iota\acute{\omicron}\nu\sigma\omicron\ \epsilon\pi\iota\delta\epsilon\tau\iota\kappa\acute{\alpha}\varsigma\ \delta\omicron\tau\omicron\ \delta\ \eta\epsilon\pi\omicron\mu\acute{\epsilon}\lambda\eta\varsigma\ \epsilon\kappa\ \tau\omicron\ \tau\iota\tau\acute{\alpha}\nu\omega\upsilon\kappa\alpha\iota\ \epsilon\iota\varsigma\ \alpha\upsilon\tau\omicron\upsilon\kappa\alpha\iota\ \alpha\tau\eta\varsigma\ \eta\ \phi\theta\omicron\sigma\epsilon\tau\iota\varsigma$. Idem quoque error eluendus est ex Clementis Protreptico pag. 6. $\delta\iota\ \eta\upsilon\ \alpha\iota\tau\iota\alpha\upsilon\ \epsilon\kappa\ \alpha\pi\epsilon\kappa\acute{\alpha}\tau\omega\varsigma\ \tau\ \Delta\iota\acute{\omicron}\nu\sigma\omicron\ \tau\iota\kappa\epsilon\varsigma\ \alpha\tau\eta\varsigma\ \pi\epsilon\sigma\sigma\alpha\gamma\omicron\varsigma\ \delta\epsilon\iota\delta\epsilon\varsigma\ \delta\epsilon\lambda\alpha\sigma\iota\upsilon\ \alpha\iota\delta\alpha\iota\omega\upsilon\ \eta\varsigma\epsilon\pi\eta\mu\acute{\epsilon}\lambda\omega\upsilon$. Lego $\alpha\tau\eta\varsigma$.

CAPUT VII.

*Demosthenis lapsus memoriae notatus. Thucydides emendatus.
Scellias Aristocratis pater. Platonis versio correctæ.*

Alterum quoque errorem Demosthenis hic notabimus, quo appareat maximos Oratores, dum aliud agunt, memoriae vitio saepius labi. Scribit enim Demosthenes in fine Orationis contra Theocrinem, Aristocratem Scelliae filium optime meritum fuisse de Rep. Atheniensium, quippe qui Eetioniam, in quam Critias ac caeteri ejus socii Lacedaemonios hostes erant recepturi, everterit, populumque Atheniensem in patriam reduxerit. (pag. 859.) $\kappa\alpha\lambda\alpha\sigma\kappa\acute{\alpha}\psi\alpha\varsigma\ \tau\ \eta\epsilon\lambda\iota\omega\upsilon\epsilon\iota\alpha\upsilon$, $\epsilon\iota\varsigma\ \eta\upsilon\ \tau\epsilon\varsigma\ \lambda\alpha\kappa\epsilon\delta\alpha\iota\mu\omicron\upsilon\iota\epsilon\varsigma\ \eta\mu\epsilon\lambda\omega\upsilon\ \omicron\iota\ \pi\epsilon\iota\ \kappa\epsilon\lambda\lambda\iota\alpha\upsilon\ \epsilon\pi\omega\delta\epsilon\chi\epsilon\tau\alpha\varsigma$, $\kappa\alpha\theta\epsilon\iota\lambda\epsilon\ \mu\acute{\epsilon}\nu\ \tau\omicron\ \epsilon\pi\iota\tau\epsilon\acute{\iota}\chi\iota\sigma\mu\alpha$, $\kappa\alpha\lambda\eta\gamma\alpha\gamma\epsilon\ \tau\ \delta\ \delta\eta\mu\omicron\upsilon\ \&c.$ quomodo Aristocrates una cum Theramene aliisque Eetioniam everterit, quam quadringenti, extincto Athenis populari fratu, ideo extruxerant, ut Lacedaemoniorum praesidium, quoties libitum esset, in urbem admitterent, narrat fuisse Thucydides in Lib. VIII. At Demosthenes id tunc factum existimavit, cum XXX Tyranni Remp. Athen. occuparent. Ait enim, $\omicron\iota\ \pi\epsilon\iota\ \kappa\epsilon\lambda\lambda\iota\alpha\upsilon$, potius $\omicron\iota\ \pi\epsilon\iota\ \phi\epsilon\gamma\acute{\iota}\nu\iota\chi\omega\upsilon$ dicere debuisset. Nam Phrynichus celeberrimus fuit inter quadringentos, ut postea Critias inter triginta: & quod subjungit, $\tau\ \delta\eta\mu\omicron\upsilon$, $\kappa\alpha\lambda\eta\gamma\alpha\gamma\epsilon$, aperte convincit de XXX Tyrannibus loqui Demosthenem. Nam pulsos XXX Tyrannis, exules in urbem reducti sunt a Thrasybulo: remotis autem quadringentis.

(a) Vide Valesium ad notas Maussaci in Harpocracionem pag. 101. ubi iisdem productis locis ea, quae ad Demosthenis locum de his Bacchi Epithetis hic adfert, notavit.

dringentis, cives in urbem esse restitutos, nec Thucydides nec alius scripsit, quippe cum quadringenti neminem Atheniensium exilio damnaissent. Proinde Demosthenes memoria lapsus videtur. Caeterum apud Thucydidem pater illius Aristocratis male nominatur *Sicelius*. Vulgo enim legitur, Ἀριστοκράτην τὸν Σικελίαν, cum scribendum sit (a) Σκελίαν, ex Demosthenis loco proxime citato, & ex Platone in Gorgia, ubi Socrates sic loquitur, ἢ Ἀριστοκράτης ὁ Σκελίαν ἢ αὐτοὶ ἐσιν ἐν Πυθίᾳ τὲ τοῦ καλὸν ἀνάθημα. id est, ἢ Aristocrates Scelliae filius, cujus extat pulchrum illud donarium in templo Apollinis Pythii, quod est Athenis. male enim Interpres locum illum Platonis vertit. Caeterum Σκελίαν an Σκελίης, seu Σκελίως dicendum sit, dubitari potest. Ego *Scelliam* praetulerim.

CAPUT VIII.

Demosthenes inlustratus. De Ducum magnificis pollicitationibus.

IN prima Demosthenis Philippica locus est, qui lectori negotium facessere merito potest, pag. 20. editionis Basilienfis. ὅποι ὃ ἂν σεβήσῃν ἢ φιλοῖμα κενὸν ἢ τὰς δόξαις βήματι ἐλπίδας ἐκπέμψοιτε, εἰδὲν ἡμῖν τὸ δεύσαν γίγνεται. Quid enim sibi volunt hae spes δόξαις βήματι? Solebant tunc temporis Duces Atheniensium, simul atque populi suffragiis electi fuerant, consensu suggestu magnifica quaedam populo polliceri, & victorias ac trophaea spondere. Docet id Demosthenes in Oratione περὶ συνάξεως, ubi de Duce Atheniensium sic ait: τὰς ἐλπίδας ὑμῶν ἐσπείναν ἄλλο ὃ εἰδέν. Hinc proverbium (b) αἱ χάριτες ἀποχέουσιν, Charetis pollicitationes: cujus meminerunt Graeci Paroemiographi.

CAPUT IX.

Decretum Byzantium apud Demosthenem emendatum. Duo Decretorum decreta castigata & inlustrata. Κλήσις & ἐγκλησις. Ammonius correctus. Πρόσθετος, pro adlocutione ad populum. Polybius emendatus. Casaubonus notatus.

IN Oratione Demosthenis pro Corona refertur decretum Byzantium in honorem populi Atheniensis, sed multis modis corruptum ac depravatum. Quod cum feliciter emendaverim, rem gratam studiosis lectoribus facturum me existinavi, si emendationem meam ipsis communicarem. Sic ergo legitur apud Demosthenem in editione Basilienfi pag. 325. Ἀθηναίοις δέ μιν ἐπιχαμίαν πολιτείαν, κλάσιν γὰρ, ἢ οἰκείαν προσδεῖαν ἐν τοῖς ἀγαθῶσι πολλὰ δόλον, πολλὰ τῶν βαλάν, ἢ τὸν δαῖμον, ὡς τοῖς περὶ ταῖς

O 3

(a) Ita etiam corrigi iussit Palmer. Exercit. ad Auct. Graec. pag. 648.

(b) Vide Zenob. Cent. 11. Adag. 13. Apostolium Centur. XX. Prov. 59. aliosque.

τὰ ἱερὰ. Scribe meo periculo, ἐγκλῆσιν γῆς, ἢ οἰκίαν. *περὶ δὲ τὴν ἐν τοῖς ἀγῶσι πόθο-
δον πρὸς τὰν βωλάν, ἢ τὸν δῆμον πρῶτοις μετὰ τὰ ἱερὰ. id est, Fus comparandi agros &
domos in hac regione. Primas sedes in certaminibus sacris. Facultatem alloquendi sena-
tum ac populum ante omnes alios peractis sacrificiis. Emendationem autem nostram
confirmant duo decreta Deliorum, quae referuntur in Marmoribus Arundellianis.*

In priore quidem decreto leguntur haec verba, εἶναι ἡ αὐτοῖς ἐν Δήλῳ γῆς ἢ οἰκίας
ἐγκλῆσιν ἢ πρῶτον πρὸς τὴν βωλάν ἢ τὸν δῆμον πρῶτοις μετὰ τὰ ἱερὰ. In altero autem
decreto in honorem Dicaei cujusdam, (sic enim scribendum est) quod exstat pag.
43. ita legitur. εἶναι ἡ αὐτοῖς ἀτελείαν ἐν Δήλῳ ἢ γῆς ἢ οἰκίας ἐγκλῆσιν ἢ πρῶτον πρὸς τὴν
βωλάν ἢ τὸν δῆμον πρῶτοις μετὰ τὰ ἱερὰ. Non ovum ovo similis est, quam hae
duae Deliorum inscriptiones similes sunt inscriptioni Byzantiorum. Utrobique
enim eadem habentur vocabula. Nam pro his verbis, quae leguntur in inscriptio-
nibus Deliorum, ἐγκλῆσιν γῆς ἢ οἰκίας, in Byzantiorum decreto legitur ἐγκλῆσιν γῆς
ἢ οἰκίαν. Et nos quidem ex conjectura emendavimus οἰκίαν, quod plane confir-
mant decreta illa Deliorum. ἐγκλῆσιν vero restituimus ex Manuscripto codice Feli-
ciano. Porro quod discrimen sit inter (a) κλῆσιν & ἐγκλῆσιν, docet Ammonius Gram-
maticus in libro de Differentiis vocabulorum, ubi ait: Κλήματα ἢ ἐπικλήματα διαφέρει.
Κλήματα μὲν γὰρ εἰσι τὰ ἐν τῇ οἰκίᾳ. Ἐπικλήματα δὲ, τὰ ἐν τῇ ἀποδείᾳ. Non dubito
quin Ammonius scripserit, κλήματα ἢ ἐπικλήματα. Sic enim Demosthenes in Oratione
de Haloneso sub finem, de Cardianis loquens; ἢ τὰ μὲν ἐπικλήματα εἶναι φασὶν ὡς ἐν
ἀποδείᾳ. τὰ δὲ αὐτῶν κλήματα ὡς ἐν οἰκίᾳ. Recte etiam in eodem Byzantiorum de-
creto emendavi, πόθοδον πρὸς τὰν βωλάν; cum antea legeretur, πρὸς δόλον, absque
ullo sensu. Nos decretum Deliorum secuti rescripsimus, πόθοδον, quod Dorica dia-
lecto idem valet ac πρῶτον. Est autem πρῶτον πρὸς τὴν βωλάν ἢ τὸν δῆμον, adi-
tus ad senatum & ad concionem populi. Sic Isocrates loquitur in principio Ora-
tionis Areopagiticae, πολλὰς ὑμῶν οἶμαι θαυμάζειν ἢν τινα πότε γνώμην ἔχων, πρὸς σωτη-
ρίας τῶν πρῶτον ἐποιήσαμην. & paulo post, ἢ τὸ ἐμὸν πρῶτον καὶ αὐφρονεῖτε. Et iterum,
τῶν πρῶτον ἀπεργασάμην. Sic etiam Dio loquitur in Excerptis cap. 10. Pausanias in
Achaicis, οἱ δὲ σφισὶν ἀπεργάσαντο μηδὲ ἐκείνοις Ἀχαιοῖς ἐς σύμπορον μὴτε ἄλλῳ συνάξαι,
ὅστις μὴ ἐπὶ τῷ περὶ γυμνασίου ὅτι ποιῆται τῶν πρῶτον, πρὸς τὸν ῥωμαίων βελῆς ἔχει δόγμα.
Quibus in locis πρῶτον sumitur pro allocutione. Polybius in Lib. IV. pag. 332.
ἐφοδον, dixit, οἰόμενοι δὲν τῷ τε Μαχίᾳ δίδοσθαι τὸν ἐφοδον ἐπὶ τὰς πολλὰς &c. Paulo post
idem Polybius, τῶν ἐκκλησιῶν pro eodem dixit. Male igitur Casaubonus illum Po-
lybii locum ita vertit: tum vero ille Ephoros statim adire, petere ut Machatae potestas
fiat populum pro concione appellandi. Melius dixisset, compellandi, aut potius allo-
quendi. Pro verbo, οἰόμενοι, restituendum puto, οἰόμενοι, quomodo legisse vi-
detur Casaubonus, ut ex interpretatione ejus apparet. Denique in decreto By-
zantiorum emendavi, πρῶτοις μετὰ τὰ ἱερὰ, certissima conjectura, quam confir-
mant duo illa decreta Deliorum.

C A.

(a) Recte hanc distinctionem observavit Valesius. Nam κτήσις τῆς γῆς, aut εὖ γῆ, sive ἔργον κτήμα,
quod idem est, possessionem in terra propria, seu res fundi significat, qua de re egregie agit Salmas. de
modo Usurar. cap. III. pag. 82. & seq. ubi inter alia ex Demosthene id etiam illustrat ἐκκλήσεις au-
tem, seu ἐγκλήματα, possessiones in aliena terra vocari ex iis, quae Valesius hic notat, patet.

CAPUT X.

De Hippodamo Mureti error a Victorio reprehensus. Hippodamus Milesius & Turius unus & idem. Hesychius emendatus. διελάν dividere. Piraeus ab Hippodamo in vicos distributus. Lambinus notatus.

Antonius Muretus vir doctissimus in Lib. I. Variarum Lectionum cap. 14. reprehendit Aristotelem, eumque mala fide usum esse dicit, in referenda sententia Hippodami Milesii. Neque enim Hippodamum Milesium ea dixisse contendit, quae refert Aristoteles in Lib. II. Politicorum (cap. 8.) sed longe diversa; idque probat adductis ipsius Hippodami verbis, quae leguntur apud Joannem Stobaeum in Cap. de Rep. (Serm. XLI.) Extitit postea Petrus (a) Victorius, & ipse vir doctissimus, qui adversus Muretum defensionem Aristotelis suscepit. Ait enim Hippodamum illum, qui ab Aristotele reprehenditur, distinguendum esse ab illo Hippodamo, cujus verba retulit Joannes Stobaeus. Prior enim ille Milesius fuit, uti testatur Aristoteles; alter vero Turius, ut est apud Stobaeum. Proinde Muretum reprehendit Victorius, quod duos Hippodamos inter se confuderit, ut videre est in Lib. XXXVIII. Variarum Lectionum Cap. 2. Respondit deinde Petro Victorio Antonius Muretus, & argumenta a Victorio allata dissolvere conatus est in Cap. 18. Lib. XV. Variarum Lectionum. Verum Mureti responsio non satis firma mihi videtur. Probandum enim illud erat Mureto, unum eundemque fuisse Hippodamum, Milesium & Turium. Quod cum ille non fecerit, manet invicta Petri Victorii argumentatio. Ego vero id quod a Mureto praestitum non est, veterum Scriptorum certis testimoniis ostendam, unum eundemque esse Hippodamum Milesium ac Turium.

Primus est Scholiastes Aristophanis, qui ad hunc versum in Equitibus (v. 327.) ὁ δ' Ἰπποδάμης λείβεται δεῶν, haec adnotat; ἔστι ἐν Πειραιῇ καλῶν καὶ οἰκίαν ἔχον ἥνπερ ἀνῆκε δημοσίαν εἶναι. καὶ πρῶτον αὐτὸς τὸν Πειραιᾶ κατὰ τὰ Μηδικὰ συνέταγεν. ἥν δ' Ἀθηναίοις τίμηται. καὶ οἱ μὲν αὐτὸν φασὶ τέλειον, οἱ δ' Μιλήσιον. id est, hic Hippodamus habitabat in Piraeo, & domum quam illic habebat publicam esse permisit. Hic etiam primus Piraeum coadunavit belli Medici temporibus. Porro Athenienses magnopere eum observarunt. Et alii quidem eum patria Turium, alii vero Milesium faciunt. Verum.

(a) Victorio favet etiam Mich. Piccartus in Comment. ad Aristotel. Polit. pag. m. 241. & 242 ubi Muretum impudentius Aristotelem calumniatum fuisse dicit, ejusque sententiam pluribus aliis argumentis ab Antonio Riccobono falsi convictam esse notat, de Hippodamo videlicet Valefium nostrum ad Harpocration. pag. 40. ubi locum ex Scholiaste Aristophanis etiam exhibet, & in Hesychio emendat εἰς Θουρίαν, quod licet idem sit ac Θουρίαι, ut paullo post hic scribendum monet, propius tamen insinuat vestigiis vulgatae in Hesychio lectionis εἰς Πειραιᾶ, demta enim priore litera, ceterisque transpositis verum inde ulro elicitur scriptura.

rum Hesychius adhuc apertius eum Mileto Turios migrasse scribit. Sic enim habet, Ἰπποδάμης νέμεισσι τὸν Πειραιᾶ Ἰππόδαμος Ἐυρυφῶντος παῖς ὃς καὶ μελεωρολόγος, διᾶλεν Ἀθηναίους. ἔτι καὶ ἢ ἢ ὃς μελοικῆσας εἰς σατυρικὰς, Μιλήσιον ὦν. id est, Hippodami distributio. Hippodamus Euryphontis filius, qui etiam Philosophus fuit, Atheniensibus Piraeum divisit. Hic autem est, qui Thurios migravit, cum esset Milesius. Scribo igitur in Hesychio, εἰς Θυρίους μελοικῆσας. Ab hoc Hippodamo forum in Piraeo Hippodamiae nomen accepit. Ejus mentio fit apud Demosthenem in Oratione adversus Timotheum. Harpocration in Lexico, ἀγορὴν, inquit, φασὶν εἶναι ἐν Πειραιεῖ καλεσμένην Ἰπποδάμειαν. Διὰ τὸν Ἰπποδάμην Μιλήσιον ἀρχιτέκτονα τοῖς Ἀθηναίοις τὸν Πειραιᾶ. id est, forum in Piraeo ajunt esse Hippodamiam, ita dictam ab Hippodamo Milesio architecto, qui Piraeum Atheniensibus aedificavit. ubi notabit studiosus lector Scholiasten quidem Aristophanis dicere, Piraeum collectum & adunatum fuisse ab Hippodamo. Hesychius autem dicit Piraeum ab eo divisum fuisse ac distributum in vicos. Id enim significat vox διελεῖν. Qua voce utitur Aristophanes in Avibus (v. 996.)

Γεωμετρεῖσθαι βέλομαι τὸν ἀέρος
Διελεῖν τὸ κατ' ἀγυιάς.

Aristoteles quoque in Lib. II Politicorum cap. 8. de nostro Hippodamo loquens, ait Piraeum ab eo dissectum fuisse: sic enim ait: Ἰππόδαμος καὶ Ἐυρυφῶντος Μιλήσιος ὃς καὶ τὴν πύλιν διαίρεσιν εὗρε, καὶ τὸν Πειραιᾶ κατέτεμεν &c. quae verba Lambinus pessime vertit hoc modo: Hippodamus Euryphontis filius Milesius qui & civitatum divisionem reperit & Piraeum muro ab urbe sejunxit. Atqui non id dicit Aristoteles, sed tantum Piraeum ab illo dissectum fuisse, id est in varias regiones distributum. in porticus scilicet & fora, templa, vicos ac navalia, quod proprium est architecti.

CAPUT XI.

*Hesychius correctus, rejecta Leopardi & Turnebi emendatione.
Malaecotes Tyrrhenus. Pelasgi. Erigonae tres.*

Quam proclive sit falli in emendandis veterum Scriptorum libris, illustri exemplo duorum doctissimorum hominum hic ostendam. Hi sunt Petrus Leopardus, & Adrianus Turnebus, Viri praestantissimi & de litteris optime meriti. Qui cum de oscillis agerent, locum Hesychii adduxerunt, qui sic habet: Αἰώρες ἑορτὴν Ἀθηνησιν, ἔν οἱ μὲν ἐπὶ Τημαλέα τυράννη θύειν φασὶν, οἱ δὲ ἐπὶ Κλυταμνήσεως καὶ Αἰγίδος: οἱ δὲ ἐπὶ Ἡελγόνῃ Ἀλήτιδι τῇ Ἰκαρίας. Paulus quidem Leopardus in Lib. VI. Emendationum Cap. 14. emendat, ἐπὶ τῇ Ἀλῇ τυράννη: Turnebus vero in Lib. XX. Adversariorum Cap. 24. ἐπὶ τῇ Λέῃ. Sed pace doctissimorum hominum dictum sit, uterque falsus est. Scribendum enim est in Hesychio, ἐπὶ τῇ Μαλέῃ Τυρρήνῃ. Auctorem hu-

hujus emendationis habeo Scriptorem Magni Etymologici, qui in voce Ἀλγίτις sic habet: τινὲς δὲ Ἡελγόνην δὲ Ἰκαλίην θυγατέρας, ὅτι πανταχὲ ζήσασα τὸν πατέρα ἤλατο. οἱ δὲ Αἰγίτις καὶ Κλυταιμνήστρας φασίν. οἱ δὲ τὴν Μαλαεώτις δὲ Τυρρήνις θυγατέρας. Malaeotes Tyrrhenus seu Pelasgus regnavit olim in Italia, ejusque regia fuit in ora maritima, quae Regis villa dicebatur. Postea vero relicta Italia, una cum Pelasgis Athenas migravit, ut docet Strabo in Lib. V. (pag. 225. in fine) ἐν δὲ τῷ μεταξὺ τόπῳ ἐστὶ καλόμενον Ἐργιστίδα. ἰσoriται δὲ γινώσκοντες τὸ βασιλεῖον Μαλαεώτις Πελασγῶν, ὃν φασὶ δύνασθαι ἐν τοῖς τόποις μετὰ τῶν συνοίκων Πελασγῶν, ἀπελθεῖν ἐνθεν οἷς Ἀθήνας. Sane Pelasgos olim in Atticam venisse, & ab Atheniensibus agrum Hymetticum colendum accepisse docet Herodotus in Lib. VI. (cap. 137.) eosdemque postea inde expulsos ab Atheniensibus, Lemnum commigrasse. Sed difficultas est, idemne sit Malaeotes Pelasgus cum Tyrrheno. Equidem non dubito quin idem sit. Nam Pelasgi olim Tyrrheni dicti sunt a multis, ut docet Dionysius Halicarnassensis in Lib. I. (pag. 20. Ed. Sylburg.)

Altera difficultas est, quonam modo appellata fuerit haec Malaeotae filia. Ego Erigonam dictam fuisse suspicor. Nam & illa Aegisthi & Clytemnestrae filia, quam Ἀλγίτιν vocatam esse dicebant, Erigona vocabatur, ut testatur Hyginus in libro de Fabulis Cap. CXXII. Tres igitur fuerunt Erigonae: Prima Icarii filia, secunda Aegisthi, tertia Malaei seu Malaeotae.

CAPUT XII.

Characis fragmentum illustratum. Sileni & Marsyae statuæ in urbibus.

Charax (a) Historicus fuit non contemnendus, cujus testimonio veteres Grammatici non raro utuntur. Ejus quemdam locum, qui ab Auctore Magni Etymologici adducitur, hic illustrare conabor. Sic igitur ille in voce Κολώνεια. φασὶ γὰρ τότε τὸν Διόνυσον τὸν ἐπὶ Τυρσηνὸς ἀπὸ τῶν πόλεων, τὰς γεγενηκότας τῶν Σειληνῶν μετὰ τῶν ἀρχόντων ἡλικίας ἐν Ἰταλίᾳ καλεῖσθαι. τὰς δὲ τραπῆναι ἐπὶ ἀμπέλων ἐπιμέλειαν καὶ οἶνον γινώσκοντες τὴν Ἰταλίαν. τὰς δὲ γεγενηκότας οἱ Ἰταλοὶ κολώνεις ἐκάλεον. ὡς καὶ ἰδρύσασθαι τοιαῦτα ἀγάλματα οἰνοφορένια ἐν πόλεσι. ἐσπέδαζον δὲ καὶ ὡς ἔκκεν πόλεις οἱ Ἰταλοὶ, τιμὴν ταύταις παρέχειν, ὡς αἰνέσαι δαίμονα τινὰ ὡς πρεσβύτην ὅμοιον Σειληνῶν, ἵνα καὶ τῇ κοινῇ τῶν ἱερῶν συγκρατῶσιν. αἱ δὲ πέδαι περιλιθίσθαι δηλῶσι τὸ ὑπήκοον, τῷ συνδεδέσθαι αὐτοῖς τὰς πόλεις τὰς ἔχουσας τὰ τοιαῦτα ἀγάλματα. ajunt Bacchum cum proficisceretur ad bellum contra Tyrrhenos, Silenos, qui senio confecti erant, cum reliqua inbelli aetate in Italia reliquisset: eos vero ad vitium culturam converfos effecisse, ut Italia vino abundaret. agricolas autem Itali colonos vocant.

P

Ita-

(a) De eo vide Vossium Lib. III. de Historic. Graec. pag. 341. ubi nonnulla veterum Grammaticorum de hoc Charace testimonia, interque ea etiam Etymologici Magni locum profert.

Itaque Itali statuas illorum similes erexerunt, quae in utribus vinum portabant. Porro Itali urbibus, quas condebant, hunc honorem exhibere soliti erant, ut simulacrum Daemonis cujusdam, senis instar Sileni, publice erigerent; eo scilicet consilio ut sacrorum societate se illis urbibus conjunctos esse ostenderent. Compedes vero, quibus pedes circumligatos habent, obsequium atque observantiam significant, & urbes quae hujusmodi statuas habent, ipsis devinctas adstrictasque esse.

Multa in hoc fragmento observanda sunt. Primum ait Charax Bacchum auctorem coloniarum. Hunc enim primum Silenos suos, qui provecta erant aetate, in Italia collocasse, eosque eo quod vites coluissent, colonos esse dictos. Ait deinde Charax Italos, ut gratiam Silenis referrent, eorum statuas vinum in utribus portantes erexisse. Addit denique Italos, id est, Romanos, quoties coloniam deducebant, statuam Daemonis cujusdam vetuli instar Sileni, in iis constituisse, idque magni honoris loco. Idem certe Servius ad Lib. IV. Aeneidos, (v. 58.) ad illa verba, Patrique Lyaeo: Qui, inquit, ut supra diximus, apte urbibus libertatis est Deus. Unde etiam Marfyas minister ejus per civitates in foro positus, libertatis indicium est: qui erecta manu testatur nihil urbi deesse. Marfyas enim Silenus fuit ex Bacchi comitibus. Sed inter Characem & Servium hoc discrimen est: Charax quidem Sileni statuam indicium ait fuisse coloniae. Servius vero affirmat signum id fuisse urbis liberae ac sui juris.

CAPUT XIII.

Plutarchus ex Cenforino illustratus & emendatus. Magnus annus, sive seculum. Sensus Eclogae quartae Virgilianae indicatus.

A Pud Plutarchum in vita L. Syllae (pag. 456. Ed. Francof.) locus est valde obscurus, quem hic illustrare conabor in gratiam studiosorum. Postquam enim multa retulit prodigia, quae paulo ante bellum civile Syllae ac Marii, contigerunt, haec addit: Τυρρηνῶν δ' οἱ λόγοι μεταβολὴν ἐτέρᾳ γῆς ἀπεφαίνοντο ἢ μετακόσμησιν ὑποσημαίνειν τὸ τέρας· εἶναι μὲν γὰρ αὐτῶν οὐκ αὐτὰ τὰ σύμπαντα γῆν διαφέροντα τοῖς βίοις ἢ τοῖς ἡέτεσι δι' ἀκρίλων, ἐκάσῳ δ' ἀφωρίστῳ χρόνῳ ἀειδμὸν ὑπὸ τῷ θεῷ συμπερανόμενον ἐνιαυτῷ μεγάλῃ περιόδῳ. ἢ ὅταν αὐτὴ σὺν τέλει, ἐτέρας ἐνισταμένης κινεῖσθαι τι σημεῖον εἴη γῆς ἢ θρασύθ' θανάσιον, ὡς δῆλον εἶναι τοῖς πεφρονηκόσι τὰ τοιαῦτα ἢ μεμαθηκόσιν ἄδυν, ὅτι ἢ τέτοις ἀλλοῖς ἢ βίοις ἄνθρωποι χράμῃσι γέγονασι ἢ θεοῖς ἥτιον ἢ μάλλον τ' ἐπὶ τῶν μελών. Id est, Etrusci autem Aruspices responderunt alterius aetatis mutationem portendi, & renovationem hoc prodigio significari. Esse enim ipsorum octo in universum secula, vita ac moribus inter se discrepantia. Unicuique autem seculo definitum esse a Deo certum annorum numerum, qui magni anni circuitu compleatur. Porro cum circuli finis accesserit & alterius initium adfuerit, signa quaedam admirabilia oriri ex terra aut e coelo, ita ut earum rerum periti ac studiosi statim agnoscant homines natos esse, qui aliis moribus, aliisque vivendi genere utantur, & qui plus vel minus, quam superiores, Diis grati acceptique sint futuri.

Ex ritualibus Etruscorum libris haec deprompta sunt, ut docet Censorinus in Lib. de Die Natali Cap. 17. his verbis: *sed licet veritas in obscuro lateat, tamen in unaquaque civitate quae sint naturalia secula, Rituales Etruscorum libri videntur docere: in quibus scriptum esse fertur, initia sic poni seculorum, quo die urbes atque civitates constituerentur, de his qui eo die nati essent, eum, qui diutissime vixisset, die mortis suae primi seculi modulum finire. Eoque die qui essent reliqui in civitate, de his rursus ejus mortem qui longissimam aetatem egisset, finem esse seculi secundi, sic deinceps tempus reliquorum terminari: sed ea quod ignorarent homines, portenta mitti divinitus, quibus admonerentur unumquodque seculum esse finitum. Haec portenta Etrusci pro haruspicii, disciplinae suae peritia, diligenter observata in libros retulerunt. Quare in Thuscis historiis, quae octavo eorum seculo scriptae sunt, ut Varro testatur, & quot numero secula ei genti data sint, & transactorum singula quanta fuerint, quibusque ostentis eorum exitus designati sint, continetur. Itaque scriptum est, quatuor prima secula, annorum fuisse designata: quintum centum viginti trium: Sextum undeviginti & centum: septimum totidem: octavum tum demum agi: nonum & decimum superesse. Quibus transactis finem fore nominis Etrusci. Locum Censorini, licet prolixior sit, integrum adscripsi, eo quod maximam lucem afferat Plutarcho. Ambo enim de una eademque re loquuntur, ut patet tum ex Thuscorum nomine, quo utuntur ambo Scriptores, tum ex prodigiis, quae fieri dicunt in mutatione seculi. Quod autem Plutarchus ait, unicuique aetati definitum esse a Deo numerum annorum, qui circuitu magni anni compleatur, idem prorsus dicit Censorinus, & inaequalia fuisse illa secula docet. Certe annus magnus apud Plutarchum nihil aliud est, quam seculum. Sic enim veteres vocabant, ut docet idem Censorinus in Cap. 16. *tempus autem, non diem tantummodo, vel mensem, vel annum vertentem appello, sed & quod quidam lustrum, aut annum magnum vocant, & quod seculum nominant.* Ceterum apud Plutarchum lego, *ἑνὰ τὴν ἑνὴν ὁλὴν τὰ σύμπαντα.* id est, *Thuscorum octo esse secula.* Censorinus quidem ex Varrone decem fuisse dicit. Sed quoniam rituales libri octavo Thuscorum seculo conscripti erant, ideo Plutarchus, aut is ex quo Plutarchus haec descripsit, octo tantum fuisse Thuscorum secula existimavit. Sibylla quoque decem secula hominibus assignat, quae per metalla dividit, & quis Deus per unumquodque seculum regnaturus sit, monet; ut refert Servius ad Eclogam IV. Virgilii. Quare apud Plutarchum pro voce *ὁλὴν*, libentius rescripserim *δέκα*. Porro ex his locis Plutarchi ac Censorini exponenda videtur quarta illa (a) Virgilii Eclo-*

P 2

Eclo-

(a) De sensu hujus Eclogae quam multa ac diversa viris doctis notata sint, observare nihil adinet. Recte Valesius de renovatione seculorum & aetatis mutatione explicat. Nota enim sunt, quae de conversionibus secularibus ac rerum instauratione Philosophis veteribus, Stoicis praesertim, tradita sunt, de quibus multa erudita habet D. Heinsius in Introduct. in Hesiod. Oper. & Dies cap. 9. ubi totam hanc Maronis Eclogam circa illam periodorum revolutionem versari monuit, & de diversis seculorum commutationibus explicuit. Quae autem Constantinus, sive potius sub ejus nomine Eusebius, in Oratione ad Sanctior. Coetum cap. 19. & seqq. tradidit, tamquam Virgilius ex Sibyllinis carminibus ea de Christo vaticinatus esset, peculiari Oratione discussit, Aug. Buchner. in Orationib. Academic. Vol. II. pag. 165. & seqq. licet huic opinioni etiam inter alios faveat H. Vossius de Sibyllin. Orac. cap. 5. Sed plures aliorum sententias collegit ad initium illius Eclogae in notis suis Optinus ac Venerandus Patruus meus, cujus curae Virgilium egregiis ac diu desideratis N. Heinsii aliorumque adnotationibus exornatum brevi debebunt Literati.

Ecloga. Ait enim nascente Salonino Pollionis filio finiri seculum antecedens, & novum seculum inchoari.

*Magnus ab integro seclorum nascitur ordo,
Tu modo nascenti puero, quò ferrea primum
Desinet, ac toto surget gens aurea mundo. &c.*

CAPUT XIV.

Fragmentum incerti Scriptoris emendatum. Callinus poeta pentametri inventor. Evenus, elegiographus. Mimnermus Colophonius. Ibycus poeta Lyricus. Eusebii Chronicon castigatum.

IN fragmento (a) incerti Scriptoris, quod Censorino adjungi ad calcem solet, locus est corruptissimus, quem mihi videor feliciter emendasse. Sic enim vulgo le-

(a) Fragmentum hoc incerti Grammatici, quod Censorino adscribitur & vulgo adjicitur, ei abjudicatum est a Carrione, cum nihil ad Scriptoris illius de Die Natali librum pertineat, quem plerique secuti sunt, quamquam in diversa ab iis abeat Barthius, qui scriptum illud, licet ad Censorini opusculum non faciat, ejusdem tamen auctoris esse ostensurum se aliquando promittit in notis ad Claudian. Mamertin. pag. 340. Quae in eo ex Cap. IX. hic feliciter emendata sunt Valesio, lubet nonnullis confirmare, & de Poetis illis veteribus, Callino, Eveno, & Ibyco quaedam notare, aliaque nonnulla ad locum hunc illustrandum addere, licet forte uberiora, quam notarum harum ratio patitur, bona cum Lectoris venia. Et quidem eadem in fragmento hoc emendatio venerat jam in mentem Jac. Nicol. Lönsi, viro eruditionis exquisitae, Lib. X. Miscellan. Cap. 1. ubi Callini & Eveni nomen huic loco restituit, quomodo & post eum corrigi jussit Rich. Bentlejus ad Callimachi Fragmenta pag. 323. licet vulgata lectio defendi posset ex Ilacio Tzetze, qui in Prolegomenis Scholiorum ad Lycophronem similiter ante Mimnermum recenset Callimachum; sed cum quo tamen saepe confusus est Callinus, & unius Epigrammata alteri tributa sunt: vid. Fabric. in Biblioth. Graec. Lib. III. cap. 19. pag. 484. sed Lönsen ac Valesium sequamur praestat. Fuit autem Callinus ille elegiographus Poeta a veteribus passim memoratus, unde καλλιῶς ἑλεγεῖας ποιητής Straboni vocatur Lib. XIII. pag. 624. & 627. hujus duo habentur Epigrammata Graeca in Antholog. Lib. I. pag. 25. & 40. Ed. Steph. sed ubi scribitur καλλιῶς. Apud Terentianum Maurum in Commeliniana Editione pag. 65. legitur Callinonum, quomodo. etiam in Ed. Brissacii, qui in notis pag. 81. b. alios Callinorum legere, ut hic Valesius scripsit, notavit, addens sibi de Callino nusquam alibi quidquam repertum esse, sed de Callino aliquid e Strabone profert, quamvis ita, ut verum vidisse non videatur: nam metri necessitate Callinonum vocavit Terentianus, qui aliter Callinus erat dicendus. Vide Schottum ad Procli Chrestomath. pag. 28. ubi plura de hoc Callino habet, & recte ejus nomen restituit Pausaniae Lib. IX. cap. 9. pro quo vulgo illic καλλιῶς scribitur, idque Sylburgio antea animadversum recte probavit Kuhnus. Quaedam etiam de eo vid. apud Casaub. ad Athen. Lib. XII. cap. 5. De Mimnermo agunt Passeratius & Broukhufius ad Propert. Lib. I. El. 9. 11. Eveni autem poetae itidem elegiaci nomen pro vulgato Euhemeri (quod male in hoc loco agnoscit Vossius de Poët. Gr. pag. 59.) reponendum esse vidit etiam Nunnesius. Idem Lönsius eo, quem adduxi, loco errorem Gyraldi notat, qui ex corrupta hujus fragmenti scriptura deceptus duos fuisse Euhemeris perperam existimabat, docetque e Suida duos fuisse poetas elegiographos Evenos, quod observavit etiam Rigaltius in notis ad Artemidor. pag. 6. Memoratur & Εὐνοῦ ἑλεγεῖας ποιητής apud Eusebium, cujus locum vide apud Valesium notum in notas Maussac. ad Harpocr. pag. 115. ubi & ex Arriano notavit Evenum lascivi carminis poetam.

legitur (in cap. 9.) prior est musica inventione metrica. Cum sint enim antiquissimi Poëtarum Homerus, Hesiodus, Pisander, & hos secuti Elegiarii, Callimachus, Mimnermus, Eubemerus &c. Vetus codex Ludovici Carrionis scriptum habet, Gallinus Mi-

P 3

ner-

tam fuisse. Superfunt quoque nonnulla ejus carmina apud Stobæum, & in Anthologia Graeca: illud autem vulgatissimum Eveni epigramma, quod in fine capitis memorat Loënsis, legitur in Antholog. Lib. 1. pag. 10.

Κἄν μὲ φέγγῃς ἐπὶ ῥίζαν, ὅμως ἐπ' καρποφορήσω,
Ὅσσοι ἐπιπείσῃς σαι, τράγῃ, θυμῷ δ' αὖ.

Ubi quod capro minatur vitis, postea faceta, sed acerba, parodia in Domitianum translatus est, postquam ille de vineis excidendis edictum proposuerat, οὗ τρέφει mutato in καίσαρος θυμῷ, cui denunciat vitis, se, etiamsi ad radicem ab eo excisa esset, tantum tamen vini producturam, quantum ei immolando sufficeret, qui sensus est illorum versuum apud Sueton. in Dom. cap. 14. ubi vide notas, & Miscell. Observ. Vol. VI. Tom. II. pag. 382. & ex eo vertit Ovidius Lib. I. Fast. v. 357. noto versu, Rode caper vitem &c. ut post Politianum notavit etiam Schottus ad Proverb. Graec. pag. 369. In fragmento deinde optime a Valesio nostro, ejecto Eupoli Comico, restitutus est Ibycus, celebris ille, sed calamitosa morte infelix, inter veteres Lyricus poeta, de quo nonnulla vide apud Lindenbrog. ad Statium pag. 479. Locus ille ex Eusebii Chronico, in quo Ibyci nomen corruptum esse in fine hujus capitis monet Valesius, habetur Num. MCCCCLXXVII. ubi memoratur Hippicus carminum scriptor, pro quo Scaliger in Notis pag. 95. testatur in Petaviano Codice legi Hibicus, & inde Arnaldum Pontacum Episcopum Vasatensem collegisse legendum Ibycus, & recte: quomodo etiam Salmasius Scaligerum oblique traducens emendari jussit ad Solin. Tom. I. pag. 52. Vid. Fabric. Biblioth. Graec. Lib. II. cap. 15. pag. 583. Sed & alia sunt in eo Fragmenti loco, ad quae notari nonnulla merentur. Nam quod primis in verbis antiquissimi recenseantur epici poëtae, Homerus, Hesiodus, & Pisander, pro ultimo Terpander reponendum censebat Cauchius, ejus emendationes in hoc fragmentum exhibentur in editione Schotti, qui addidit illud post Procli Chrestomathiam, quae Observationibus ejus adnectitur. Ille autem, ut hoc in transcurfu addam, est Johannes Cauchius, vir eruditissimus, & non adeo consulari dignitate, quam doctrinae elegantioris laude inter Trajectenses quondam celebris, ut inter alia ostendit Nepotis editio ab eo castigata, emendationes in Paulinum, quas subinde ad partes vocat in notis suis Fronto Ducaeus, & in Prudentium, quas in praefatione sua praedicat valde N. Heinsius, tum hae ipsae in fragmentum hoc castigationes, aliaeque, quae adjici possent iis, quae habent in Bibliotheca sua Belgica Valerius Andreas, & Cel. Graevius post Orat. in Natal. Acad. Traj. pag. 397. qui scripta illius recensent: Sed plura de eo brevi dabit in Trajecto suo Erudito propediem prodituro Amplissimus Patruelis meus, quem honoris & amicitiae ergo nomino, Casparus Burmannus, apud Trajectinos Literarum nostrarum inter paucos peritus fautor. Ceterum, ne devertar, vulgatam hujus loci lectionem non sollicitandam, & frustra Cauchium pro Pisandro voluisse Terpandrum, evincit Tzetzes in Prolegomenis Scholiorum ad Lycophronem: Γοργῶσι δ' ἐνομαστέ. ποιηταὶ πέντε, Ὅμηρος, Ἡσίοδος, Πανύσσας, Ἀντίμαχος, καὶ Πείσανδρος, & Proclus in Chrestomath. pag. 6. Ed. Schotti: Γοργῶσι δ' ἑπτα ποιηταί, κρατῆτος μὲν Ὅμηρος, Ἡσίοδος, Πείσανδρος &c. ubi vides antiquissimis poetis Homero & Hesiodo similiter adjungi hunc Pisandrum, qui Rhodius fuit & Heracleam seu de rebus ab Hercule gestis scripsit, licet nonnulli eum Hesiodo vetustiore & Eumolpi aequalem statuunt. Vide de eo Munker. ad Hygin. pag. 399. & Vossium de Poët. Graec. pag. 15. ubi etiam locum ex hoc Censoriniano fragmento citat. Verum idem pag. 75. recenset alium juniorem Pisandrum sub Alexandro Mammacae filio, qui carmine scripsit ἡρωικῇ διαγαμίαν, qua Jovis & Junonis nuptias celebrasse dicit: sed in eo fallitur Vossius, cum carmen de Jovis & Junonis nuptiis ἱερὸν γάμον dictum fuerit, & ad antiquum hunc Pisandrum referendum sit, ut patet ex Macrobio Lib. V. Saturn. cap. 2. qui tradit Homerum ex hoc Pisandri opere plurima ad verbum transcripisse, unde & aetate Homericum ipsam antecessisse statuendum esset: poëma autem ἡρωικῶν διαγαμιῶν, quod memorat Suidas & Zosimus Lib. V. cap. 19. Heroum ac Divarum nuptias descripsit, & juniorem Pisandrum Lycaonium habet auctorem. Vide Vales. ad Euagr. Lib. I. Hist. Eccles. cap. 20. & Thom. de Pinedo ad Stephan. Byzant. pag. 771. Terpander igitur inter Epicos illos poëtas referri nequit, cum ille Musicis potius adnumerandus sit, licet & carmina condiderit, quippe qui primus invenerit musicos νόμους, & citharae seu lyrae modos constituerit, ac poëmatibus metra adjecerit. Ita in Chronico Epocharum

Graec.

nerous Euerctus. Ego non dubito quin scribendum sit, *Callinus*. Hic enim primus Pentametrum invenisse dicitur, ut tradit Terentianus Maurus in Lib. de metris.

Pentametrum dubitant quis primus finxerit auctor.

Quidam non dubitant dicere Callinorum.

Marius etiam Victorinus in Arte Grammatica Lib. III. (pag. 146. Ed. Commel.) idem scribit. Nam de Pentametro loquens ait: quod invenisse fertur Callinous Ephesius. Alii vero Archilochum ejus auctorem tradiderunt, quidam Colophonium quemdam: super quorum opinione apud Grammaticos magna dissensio est. Colophonius ille, cujus nomen Victorinus reticuit, Mimnermus est, elegiarum Poeta celeberrimus, cujus meminit Strabo in Lib. XIV. (p. 643.) De Callino etiam Ephesio idem Strabo loquitur non semel. Superest igitur difficultas in Eubemeri nomine. Ego Euenus scribendum esse existimo. Fuit enim Euenus Parius antiquissimus elegiarum Poëta, cujus etiam meminit Plato & Hyperides. Vide Harpocratonem in voce Εὐηνος. Porro quod scribit Marius Victorinus, Pentametri inventionem a nonnullis tribui Archilochō, idem quoque tradit Plutarchus in Libro de Musica.

In eodem fragmento Scriptoris incerti sequuntur haec verba: mox Archilochus & Si-

Graecarum in Marmorib. Oxoniens. pag. 166. Epoch. 35. 'Αφ' ὃ Τέρπανδρος ὁ Δερδενέος ὁ Λέσβιος τὰς νόμους τὰς λύρας καὶ αὐλῶν ἰδίδασκεν, & καὶ αὐλῆταις συνήυλησε. A quo Terpander Dardenei filius Lesbiius nomos Lyricos & auleticos docuit, quos cum tibicinibus simul tibiis cecinit. ubi multa de νόμοις, qui musicos modos notant, habet Seldenus pag. 170. & seqq. de qua voce vide & Doctorum notas ad Sueton. Ner. 20. ad quem locum nomi significationem in musica jam explicuit Dom. Calderinus in Face Critica Gruteri Tom. I. pag. 315. Clemens Alexandrin. Lib. I. Strom. pag. m. 133. Ed. Sylb. μέλος τὸ αὐτῷ πρῶτον περιέθηκε τοῖς ποιήμασι, καὶ τὰς Λακεδαιμονίων νόμους ἐμελοποίησε Τέρπανδρος ὁ Ἀῖκασσός. Modos autem poematibus primus adiecit, & Lacedaemoniorum leges numerosis versibus scripsit Terpander Antissaenus. ita haec vertit Gentianus Hervetus, cujus interpretationem recte quidem castigat Meibomius ad Aristoxeni Harmon. Elem. inter Musicos Veter. pag. 76. vertens: Lacedaemoniorum leges cantandas exhibuit. sed qui tamen ipse verum non adsecutus est verborum sensum: per νόμους enim hic non indicari civiles leges, sed cantilenas sacras tunc Lacedaemone usitatas, ac Terpandrum musicae sacrae in nomis illis adhibitae apud Lacedaemonios auctorem fuisse, intelligi in hoc Clementis loco optime ostendit Lydiatus ad Marm. Oxon. pag. 199. Quin & citharae tres chordas quatuor prioribus adiecit Terpander, unde de eo refert Plinius Lib. VII. cap. 56. citharam Amphion, vel ut alii Orpheus, invenit. Septem chordis tribus ad quatuor additis Terpander. octavam Simonides addidit, nonam Timotheus. vid. & Plutarch. de Musica pag. m. 1141. & hoc ipse faciat in versibus, qui leguntur in Euclidis Introd. Harmon. pag. 19.

Ἡμεῖς τοι περὶ γῆρας ἀποτρέψαντες ἀειδὴν,

Ἐπαιτῶν φόρμιγγι νῆες κλαυθήσεμεν ὕμνους.

De quorum interpretatione vide Meibom. in notis pag. 62. Plura egregia hac de re notavit nuper Eruditissimus Auctor Criticae Vanni in Pavonem pag. 649.----655. Denique in fragmento prope finem Capituli ad verba illa, hos secuti musci Timotheus, & Pindos & Hyperides & Follis, merito notavit Carrio, vereri se, ut nomina illa recte se habeant: pro Pindos Scaligerum Polyidos, & pro Follis emendare Pollis, exemplari suo, quod in Leidensi Bibliotheca servatur, adscripsit Ger. Joh. Vossius. Idem Cauchius legebat Hippodam & Hyperides, & Phyllis pro Follis ex Plutarcho, teste Nunnesio, qui Hippoclidēs conjiciebat. Seldenus autem ad Marm. Oxon. pag. 216. nihil definiens in medio relinquit, an Hypodici nomen in marmore, aut Hippici in Eusebio, vel denique Hippasii apud Martian. Capellam controversum, huic loco medelam subministrant, an hinc accipiant. Sed quoniam haec alterius loci sunt, & jam satis sub manu excrevit haec nota, pedem hic figo, ne plus justo prolixior sim.

Simonides trimetrum Iambicum, Chorium catalecticum, tetrametrum composuerunt. Archilochus etiam commata versibus applicando variavit. Eupolis per plurimas species secuit; Alcman numeras etiam minuit in carmen. Eupolis Poëta Comicus nullum hic locum habere potest. In veteri codice Ludovici Carrionis scriptum est, ea potius. Ex cujus scripturae vestigiis emendandum puto, Ibycus. Hic est inter Lyricos Poëtas nobilis, cujus etiam nomen corruptum est in Eusebii Chronico; illic enim vulgo scribitur Hippius, pro Ibyco.

CAPUT XV.

Plutarchus aliquoties emendatus. Aphytis Thraciae urbs. Rhossus in Syria. Ipsus Phrygiae oppidum. ἐμβάδες calciamentum tragicum. Plutarchi versio castigata.

Apu'd Plutarchum in vita Catonis Censorii (pag. 345.) leve mendum est, quod Amiror ab Interprete animadversum non fuisse. Ubi enim de ejus Censura loquitur, sic ait: *περοέγεψε μὲν ἐν ὁ Κάτων τῇ συγκλήτῳ τὴν συνέχοντα καὶ φίλον Λέκιον Ὀυαλέριον Φλάκκον.* Scribo *περοέγεψε*, id est, *Principem Senatus legit Lucium Valerium Flaccum.* Male Interpres depravatam lectionem secutus interpretatur, *allegit in Senatum*, quasi vero Valerius Flaccus, qui Censuram gesserat, Senator nondum esset. Apud eundem Plutarchum in vita Lysandri sub finem, (pag. 444.) nomen urbis corruptum est. Sic enim vulgo legitur; *πολιορκῆντι τῶν Ἀφυγαίων πόλιν ἐν Θράκη.* & paulo post, *ἐκέλευσε τὸς Ἀφυγαίους Ἀμμωνί θύειν.* Scribendum est procul dubio, *Ἀφυλαίων & Ἀφυλαίους.* quod jam alii observarunt. Est enim (a) Aphytis urbs Thraciae non obscura, cujus meminit Thucydides & Heraclides in Libro de Rebus publicis. Stephanus ait in ea urbe fuisse oraculum Ammonis; quod oraculum post Lysandri tempora institutum fuit, si Plutarcho credimus.

In vita autem Demetrii (pag. 904.) corruptum est nomen urbis cujusdam in Syria, sic enim legitur: *καὶ παρὰ τὴν ἡδὴ φίλῃς τὴν γυναικὸς αὐτῷ καὶ Ὀροσσὸν ἀπήλυθε Σέλακου.* Scribo, *καὶ ῥωσσόν.* (b) Rhossus urbs est notissima ex Stephano, & Strabone.

(a) Ejus mentio est in Excerptis Lib. VII. Strabonis pag. 330. Ed: Casaub. ubi in Isthmo Potidaeam jacere dicens, addit paullo post: *ἔχει δὲ πόλεις Ἀφυν, Μένδην, Σκιώνην &c.* easdem etiam urbes cum Aphyti conjungit Herodotus Lib. VII. cap. 124. quae confirmant Salmasii emendationem in Scylacis Periplo pag. 62. *καὶ πόλεις αὖτε ἐν τῇ Παλλήνῃ Ἑλληνίδος· Ποτίδεια ἐν τῷ μίση τὸν Ἰσθμὸν ἰμφορττεσα, Μένδην, Ἀφυτίς, Ὀραμβήν, Σκιώνην.* male vulgo *Μένδην, Ἀφυτίς.* & recte Salmasii emendationem probavit H. Vossius. Ad Thucydidis locum, qui est Lib. I. cap. 64. etiam Eruditiss. Wasse notavit *Ἀφυταίς* in Plutarchi verbis corrigendum esse. Ceterum ad oraculum Ammonis in Aphyti referendus Jamblichi locus de Myster. Aegypt. Sect. III. cap. 3. ubi Galeus in notis pag. 219. observat nomen hujus urbis corruptum vulgo legi apud Plutarchum in Lysandro, innuens hunc ipsum Plutarchi locum; quamquam id Xylander in Adnotationibus suis pag. m. 38. diu jam corrigendum monuerat, ubi & nonnulla alia de hac urbe observavit, cujus emendatio hic confirmatur a Valesio. Vide ad Stephani locum Berke-
lii & Holstenii notas.

(b) De ea vide Holsten. in notis ad Stephan. Byzantin. pag. 276.

ne. Ejusdem mentio fit in tabula Peutingerorum. Sequitur paulo post, *ἔ μὴν ὑπέ-
πτηξε Δημήτριον, ἀλλὰ φήσας ἔδ' ἂν μυριάσις ἡττηθῇ μάχας ἄλλας, ἐνθάδε γὰρ μισθὸν ἀγαπή-
σεν ἐπὶ μισθῷ Σέλευκον.* Interpres hunc locum ita vertit: *Nihil trepidavit tamen De-
metrius, sed, ut sexcentis pugnis aliis, inquit, victus sim, non (a) inducam in animum
ut Seleuci affinitatem amplectar mercede.* Corrupta sunt haec verba, ἐνθάδε &c. quae
interpres de industria praetermisit. Sed ex Codice Vulcobiano scribendum est, *μά-
χας ἄλλας ἐν Ἰψῷ.* Ad Ipsum Phrygiae oppidum paulo ante victus fuerat Demetrius,
una cum patre Antigono, ut refert Plutarchus; qui tamen, quo in loco pugna illa con-
ferta fuerit, illic (b) reticuit. Meminit tamen Appianus in Syriaco, (p. 197. Ed. Toll.)
ubi de proelio Seleuci Nicatoris loquitur: *τὸ πρῶτον Ἀντιγόνου παρὰ Ἰψον τὸ Φρυγίας,
αὐτῷ στρατηγῶντι καὶ αὐτῷ μαχομένῳ καίτοι ὑπὲρ ὀγδοήκοντα ἔτη γεγονότι.* In ejusdem
Demetrii vita (pag. 909.) legitur hic locus de luxu Demetrii in vestibus & calcia-
mentis: *ἦν δὲ ὡς αἰληθῶς τετραγῶδια μεγάλη παρὰ τὸ Δημήτριον, ἔ μόνον ἀμπεχόμενον καὶ
διαδόμενον περιτῶς καυσίας διμήτροις, καὶ χρυσοπαρύφοις ἀλεγεινῇ, ἀλλὰ καὶ παρὰ τοῖς ποσὶν
ἐκ πορφύρας ἀκρότε συμπεπιλημένης χρυσοβαφῆς πεποιημένον ἐμβαδάς.* Interpres ita ver-
tit: *Et erat revera ingens circa Demetrium Tragoedia, qui non solum amiciebat se et
caput ornabat nullo exemplo dimitris caufiis atque auro intertextis purpuris: verum etiam
pedibus adhibuit auratas ex pura purpura compacta soleas.* Non probo, quod ἐμβαδάς
soleas interpretatur; nam embades, sicut & cothurni, tragicum est calciamentum,
teste Polluce, qui alio etiam loco embadas cothurnis similes fuisse dicit. Certe
Demetrium tragico more calciatum fuisse scribit Plutarchus. Deinde pro voce
χρυσόβαφῆς, quae nullum hic sensum habet, scribo χρυσοφῆς, id est, auro intextas.
Verba autem illa, ἐκ πορφύρας ἀκρότε συμπεπιλημένης, ita vertenda sunt, ex
pura purpura contrita. Ex muricibus enim & conchyliis contritis cruor elicitus ve-
ram ac germanam purpuram faciebat: falsa autem purpura aliis fucis admixtis con-
ficietur, ut docet alicubi Joannes Chrysostomus.

(a) In hac versione Interpres secutus est Budaeum in Comment. Ling. Graec. pag. m. 339. qui ex corrupta Plutarchi scriptura censuit ἐνθάδε hic significare, in animum induco, sed quem recte Henr. Stephanus in Adnotation. pag. 88. b. licet cum elogii meritissimi honore, refutavit, ex cujus nota patet, cum odoratum quidem fuisse majus in adfecto Plutarchi loco latere ulcus, sed veram & oportunam adhibere ipsi non potuisse medicinam, quam feliciter hic ex veteri codice eruit Valesius.

(b) Refert id tamen, facta Ipsi oppidi mentione, in vita Pyrrhi pag. 384. vide Cl. Wesseling, ad Hierocl. Synecd. pag. 677.




HENRICI VALESII

EMENDATIONUM

LIBER QUINTUS.

CAPUT I.

*Aelianum de instruenda acie diversum esse ab Aeliano Sophista,
cujus variam Historiam & libros de Animalibus habemus.
Aelianum Sophistam sub Alexandro Severo, non
sub Hadriano floruisse.*



Elianus, (a) qui de instruenda acie elegantem librum conscripsit, vulgo unus idemque esse creditur cum Aeliano illo Sophista, cuius vitam scripsit Philostratus. Certe Gesnerus, qui Aeliani opera omnia simul excudit, in ea fuit sententia, licet aliquos contrarium sentire ipse testetur in editionis suae vestibulo. Nam cum argumenta, quibus illi opinionem suam fulcirent, sibi adhuc ignota & incomperta esse dicat, maluit vir doctus pervulgatam opinionem amplecti, quam de inquirenda veritate amplius laborare. Ego vero, quod ab illis hominibus minime praestitum fuit, hic implere conabor, & Aelianum, cujus liber de re militari, longe differre ab Aeliano Sophista manifestissime convincam.

Primum igitur inquirere debemus, quonam tempore vixerit Aelianus Sophista: ex hujus enim rei ignorance tum Gesneri, tum aliorum error exortus est, qui

Q

Ae-

(a) Quae hic egregie Valesius de constituenda aetate Aeliani, qui *Tactica* scripsit, differit, optime refutant Gesneri errorem, qui Variam Aeliani Historiam, libros de Animalibus, itemque *Tactica* unum & eundem habere auctorem perperam censuit. Ejus errori subscripserunt itidem alii, ut Gillius, Sixtus Arcerius initio notarum ad Aelianum de Instruendis aciebus, tum Vossius pater de *Hist. Graec. Lib. II. cap. 11.* qui etiam eundem censent, atque illum, qui *Martiali Lib. XI. Ep. 41. & Lib. XII. Ep. 24.* laudatur, & *facundus Aelianus* vocatur. Sed haec jam refutavit erudite & operose Perizonius in doctissimis *Prolegomenis ad Aeliani Variam Historiam*, ubi invictis argumentis demonstravit Aelianum *Tacticorum* auctorem natione Graecum, non vero Romanum fuisse, ac Scriptorem *Variarum Historiarum & de Animalibus* integro prope seculo antecessisse: quibus non parum ponderis adferunt, quae in tribus prioribus hujus libri capitibus hic discribit Valesius. Perizonii sententiam etiam confirmavit Olearius ad *Philostrat. Lib. II. de vitis Sophist. num. 31. & Celeb. Fabricius in Biblioth. Graec. Vol. III. Lib. IV. cap. 21.*

Aelianum Sophistam principatu Hadriani vixisse existimarunt, cum tamen Aelianus Sophista temporibus Hadriani Imperatoris nondum in lucem editus esset, ut mox ostendam. Philostratus quidem in Lib. II. de vitis Sophistarum, tempus ipsum expresse non dicit, quo vixerit Aelianus. Ex iis tamen, quae de Aeliano commemorat, aetas illius non difficile elici potest. Primo enim scribit Philostratus, Aelianum Pausaniae fuisse discipulum. Fuit autem Pausanias auditor Herodis Attici. Quare cum constet Herodem Atticum (a) Marco Imperatore floruisse, circa Severi tempora Aelianus Pausaniam audierit, necesse est. Deinde scribit ibidem Philostratus, cognominem suum Philostratum Lemnium, cum Aeliano lucubranti forte supervenisset, eumque vehementissime concitatum reperisset, quaesivisse ab eo, quidnam tanto impetu moliretur? tum Aelianum dixisse, scribere se accusationem Gynnidis: sic autem vocabat Imperatorem Rom. qui paulo ante Romano imperio infamiae labem morum turpitudine inussisset. Quaerendum hic est a nobis, quisnam ille sit Imperator effeminatus, contra quem Aelianus sicam ingenii sui destrinxerat. Ego Antoninum Elagabalum esse existimo, cui certe cognomentum Gynnidis belle convenit. Cur autem ita censeam, causa haec est. Philostratus Lemnius, regnante Antonino Caracalla, quartum ac vicesimum aetatis annum egit, ut testatur Philostratus in vita Philisci Sophistae. Ponamus igitur Philostratum Lemnium anno aetatis suae tricesimo tertio, Aelianum Romae convenisse, eique sententiam suam de libro, quem Aelianus in manibus habebat, libere aperuisse. Incidet tum ea res in tempora Alexandri Severi, qui Elagabalo successit. Certe verisimile est Philostratum tunc, cum Aelianum adeo gravi censura perstrinxit, annum aetatis tricesimum excessisse: neque enim tanta libertas & gravitas in juvenilem aetatem cadere posset. Quare cum constet ex iis, quae diximus, Aelianum Sophistam floruisse temporibus Alexandri Severi, non potest idem esse cum eo, qui de re militari scripsit. Etenim Aelianus is, cujus liber extat de re militari, vixit principatu Imperatoris Hadriani, eique librum suum nuncupavit. Quin etiam in praefatione operis sui testatur se cum D. Nerva Augusto Formiis congressum esse in domo Frontini viri Consularis. Porro a principatu Nervae ad Imperium Alexandri Severi intersunt anni plus minus centum ac viginti.

CAPUT II.

Iterum de tempore quo Aelianus Sophista vixit. Dionis Historici aetas. Aelianus de Animalib. emendatus. Gillius notatus.

Sunt & alia argumenta quibus id ipsum probari potest. Aelianus Sophista in Lib. X. de Animalibus Cap. 1. auctorem laudat Dionem, eum, qui res Romanas scripsit. Verba ejus sunt: ἀνὴρ δὲ τέτων ἀρχαῖς ἐκ ἀπειρῶς δύναμιν λαβὼν ἐκ βασιλέως.

(a) Vide Salmas. in Comment. ad Inscript. Regillae pag. 15. in Crenii Mus. Philolog. Tom. II. & multa apud Olearium ad Philostrat. de Vit. Sophist. Lib. II. cap. 1.

Δίος ἡ Ῥωμαίων πάλας, Ἀλέξανδρος ὄνομα, ἃ τελεία ἐς τὴν θῆραν κατὰ τὴν ἔσθλ. τοῖς
 Μαυραίοις ἐπιχώριον, φησὶν ἐν συγγραφῇ Δίων. Vixit autem Dio temporibus Ale-
 xandri Severi, & usque ad ejus principatum historiam suam perduxit. Quod si
 quis dicat Dionem Chrysostomum hic intelligi posse, qui vixit sub Nerva, huic
 ego Aeliani verba opponam. Ait enim Aelianus, ἐν συγγραφῇ Δίων, id est Dio in
 Historia sua. Ex quo apparet eum de Dione Historico, non de Philosopho loqui.
 Adde quod Aelianus dicit Dionem de vetere quodam Imperatore Romano loqui,
 quod certe cadere non potest in Dionem Chrysostomum. Sic enim interpretor
 illa Aeliani verba ἡ βασιλέως Ῥωμαίων πάλας: nisi forte quis malit legere uno verbo
 Παλαεαλέξανδρος ὄνομα; ut sensus sit, virum illum, qui ab Imperatore Rom. missus
 fuerat ad Elephantorum venationem, Palaealexandrum dictum fuisse. Porro Gil-
 lius in hujus loci versione omisit haec verba, ὡς γὰρ αἱ ἐκεῖνοι, quae tamen magnam
 habent elegantiam: id est, *formosam, ut Elephantum formosi esse possunt*. Ita Aelianus
 in Lib. IV. de Animalibus cap. 54. παῖδα ὡραῖον, αἷς αὖν Ἀιγύπτου: quae Gillius recte
 vertit hoc modo, *formosum puerum, ut Aegyptii formosi esse possunt*.

CAPUT III.

*Aelianum Sophistam auctorem esse librorum de Animalibus,
 & ab eo diversum Tacticorum Scriptorem.*

Superiori capite Aelianum Sophistam auctorem esse dixi librorum de Animalibus.
 Dubium tamen movet Philostratus, qui disertè scribit Aelianum Sophistam glo-
 riosi solitum, quod ex Italia numquam pedem movisset, nec in navem ascendis-
 set, nec mare umquam vidisset. Atqui Aelianus in Lib. XI. de Animalibus, capite
 ultimo, affirmat vidisse se Alexandriae in luco Jovis vitulum quinque pedes ha-
 bentem. Quod certe convenire non potest cum iis quae tradit Philostratus. Idem
 in Lib. II. cap. 56. scribit se, cum Neapoli Puteolos proficisceretur, vidisse ranas
 pluere. Proinde, aut Philostratum falli necesse est, aut Aelianus, qui de Anima-
 libus scripsit, diversus est ab Aeliano Sophista, de quo Philostratus. Nihilominus
 tamen in eadem sententia maneo, & Aelianum, de quo Philostratus loquitur, il-
 lum ipsum esse, cujus libri de Animalibus habentur, pro certo habeo. Nam &
 stilus Sophistae redolet, planeque simplex est & nitidus, qualem Aeliano Sophi-
 stae tribuit Philostratus. Adde quod in Epilogo totius operis satis se Sophistam
 fuisse innuit, non eum quidem qui publice declamaret, sed qui arcana naturae
 rimari, eaque aut stricta aut soluta numeris Oratione eleganter exponere studeret,
 & qui hanc gloriam cunctis opibus & dignitatibus anteferebat. Quod certe egregie
 convenit cum illis, quae de Aeliano Sophista narrat Philostratus, illum scilicet,
 relicto declamandi studio, cui se minus idoneum esse cognoverat, ad scribendum
 se contulisse, atque ex eo magnam sibi gloriam comparasse.

Quod vero idem Philostratus scribit, Aelianum ex Italia numquam pedem extulisse, falli eum existimo: cui enim potius fidem adhibemus, quam Aeliano de semetipso loquenti? Fuit certe Philostratus parum diligens in scribendis Sophistarum vitis, quippe qui ea tantum retulerit quae auditu acceperat, ut ipse testatur. Caeterum vel ex Epilogo librorum de Animalibus apparet, auctorem eorum librorum alium esse ab illo, qui scripsit de re militari. Hic enim cum Imperatore Nerva familiariter se versatum esse dicit, & Imp. Hadriano opus suum nuncupavit. At ille Historiae Animalium scriptor in calce operis sui diserte affirmat, se ab aula & palatio procul vixisse, sola scribendi gloria contentum. Unde nec libros suos de Animalibus, nec de Varia Historia cuiquam nuncupavit; adeo ab omni ambitione erat alienus. Denique in Manuscripto Codice Bibliothecae Regiae, quem vidi, Aeliani liber de re militari inscribitur, Ἀελιανὸς ἔ φιλosophος, qui titulus non convenit Sophistae. Scio Aelianum in Lib. II. de Animalibus Cap. II. seipsum vocare, φιλοσοφῶντα ἄνδρα, sed aliud est philosophari, aliud Philosophum esse.

CAPUT IV.

*Aelianus de Animalibus emendatur. Jëtae incolae insulae
Jös. Arionis historia ubi contigerit.*

DE duobus Aelianis abunde diximus; nunc emendandis aliquot locis editionis Tigurinae operam impendamus. Primum se nobis offert locus quidam ex Lib. II. de Animalibus Cap. 6. ubi tractans de amore, quo Delphini & musicam & homines prosequuntur, sic ait: τὴν τῶν Δελφίνων φιλομασίαν, ἣ τὸ τῶν αὐτῶν ἐρωτικόν, τὸ μὴ ἀδύνασθαι Ἀγύπτιοι, ἢ ὁμολογεῖν αὐταῖς Λέσβιοι: τὸ δὲ τῆς Τήτης. τὰ μὲν Ἀελιανὸς ἔ φησιν αὐτοῖς ἐκείνοι: τὰ γὰρ μὲν ἐν Τήτῃ ὑπὲρ τῆς παιδὸς ἔ καλῶ, ἢ τῆς μιζέως αὐτῆς ἢ Δελφίνων, οἱ ἕτεροι. Id est, quanto musicae ἔ quanto puerorum amore flagrent Delphini, tum Aegyptii cantant, quibus assentiuntur Lesbii, tum Teitae. ἔ illi quidem historiam Arionis Methymnaei referunt, hi vero de Delphini amore erga puerum formosum in Teio. Hic non sine causa quaeret aliquis, qui sint Teitae. Est quidem Tium urbs Paphlagoniae; sed hujus incolae dicuntur Tiani, teste Strabone ac Stephano. Est etiam Teos oppidum Joniae: verum ejus cives dicuntur Teii, non autem Teitae. Quare non dubito quin Aelianus scripserit, τὸ δὲ τῆς Ἰῆτης. & paulo post: τά γε μὴν ἐν τῇ Ἰῶ. Jös insula est Cycladum notissima, cujus incolae dicebantur Jëtae. Quidam tamen non in insula Jö, sed in Jaso Cariae id contigisse narrant: atque ita Aelianus ipse in Lib. IV. cap. 15. ubi totam historiam elegantissime describit. In eodem capite 6. Lib. II. mendum est in hac voce, ἐν τῇ καλεσμένῃ Πληροσελήνῃ πόλει: Scribo, Περδοσελήνῃ, ex Geographis.

CAPUT V.

Aelianus de Animalibus inlustratus. Gillius reprehensus. 'Εξελίτλειν
verbum militare idem quod Latinis subducere. Stibadia
lecti convivales.

IN Libro II. ejusdem operis Cap. II. ubi de saltatione Elephantorum in theatro agit, haec leguntur verba: οἶδε ἐπὶ σοῖχον ἦσαν, οἱ τὸτο ἐκείλδον οὐκ ἐδιδάξαν. ἔτι αὖ πάλιν περιήρχοντο εἰς κύκλον ἀποσημῆσαντες ἵνα ταύτη. καὶ εἰ ἐξελίτλειν ἔδει, ἐπερτοὺς αὐτοῖς. quae postrema ita vertit Gillius, eundemque orbem ad imperantis vocem denuo solvebant ac explicabant. Sed pace ejus dixerim, non videtur mihi satis expressisse sensum Aeliani. 'Εξελίτλειν (a) verbum est proprium rei militaris, translatum postea ad saltationem: Fit autem ἐξελιγμός, cum ex prima acie in postremam, vel ex postrema acie in primam milites subducuntur, ut docet Aelianus in libro de re militari (cap. XXVI.) Id Latini dicebant *subducere*, ut jampridem notavi ad Fragmenta Polybii nostri, ubi Casaubonum reprehendi, qui ἐξελίτλειν semper interpretatus est, *explicare*, perinde ac Gillius hoc loco. Melius certe vertissent, *evolvere*, uti vertit Robertellus. Verto igitur in Aeliano: *tum si subducere opus esset, statim id faciebant*. Sequitur mox apud Aelianum, χαμαιζήλων κλινῶν ὡς σιβάδες ἐν τῇ δάμῳ. τὰ δεῖται τεθεῖσσι. quae pessime vertit Gillius hoc modo, *in theatri arena humiles lecticas spectare, & eis impositos lectos*. Intelligit Aelianus humiles lectos convivales, qui *stibadia* (b) seu accubita dicebantur, ut docet etiam Suidas.

CAPUT VI.

Aelianus inlustratus. Stipem petere.

Aelianus in Lib. VI. de Animalibus cap. 10. scribit Aegyptios regnantibus Prolemaeis docuisse Cynocephalos saltare ac tibia canere: ac Cynocephalos stipem sibi a spectatoribus collatam, in marsupium, quod collo gestabant, injecisse.

Q 3

(a) Vide Arcerii notas pag. 144.

(b) Ita Servius ad Virgil. Aen. I. v. 702. *Antiqui stibadia non habebant, sed stratis tribus lectis epulabantur*. ubi quae *stibadia* vocat Servius, *accubita* adpellat vetus Juvenalis Scholiastes, cujus verba profert Salmas. ad Hist. Aug. pag. 186. eaque aliter *Sigmata* vocari pluribus inlustrat, de quibus vide quae notabimus infra ad h. l. cap. ult.

ὡς οἱ τ' ἀγχοπόντων δαυοί. Gillius vertit, *tanquam peritus aliquis mendicus*. Mihi non videtur satis explicare vim vocis Graecae. Neque enim simplices mendici hic intelliguntur, sed qui stipem quocumque nomine poscebant. Alii enim religionis nomine stipem petebant, ut Galli Matris Idaeae, qui *Μητρεγγύεται* dicebantur. Tertullianus in Apologetico, *circuit cauponas religio mendicans*. Tales erant olim in Graecia Coronistae: Alii ob lupos caesos stipem poscebant, ut notavi in Legibus Atheniensium; alii ob victoriam. Aelius Dionysius apud Eustathium in Odyss — ἀγχοπεῖν τὸ πείπειν καὶ ἀενοσεῖν ἐπὶ νίκῃ, ἢ ἐτέρῳ τινὶ τοιαύτῳ. Porro pecunia, quae dabatur ob spectaculum cuiuspiam animalis, Latini *stipem* vocabant. Hinc jocus Augusti (a) in eum, qui ipsi aliquid timide offerebat; *Videris*, inquit, *porrigere Elephanto stipem*.

CAPUT VII.

Aelianus emendatus. Hipparchi aetas. διφθέρα, segestrum.

LEve mendum est in Lib. VII. cap. 8. sed quod sensum totius loci mirifice corrumpit. καὶ Ἰππάρχῳ μὲν ἐπὶ Νέρωνος ἔτος γεννῆς καθήμενος ἐν θεάτρῳ, καὶ φορῶν διφθέραν, ὅτι τ' μέλλοντα χειμῶνα ἐκ τῆς παύσης αἰθέρας προσηπίζατο, ἐξέπληξε καὶ ἰθαύμαζε Νέρων αὐτόν, καὶ Νικαῶσι τοῖς Βιθυνίοις συνήδετο ὅτι Ἰππάρχῳ πολὺν ἔτυχον. Scribe meo periculo, ἐπὶ Νέρωνος. & paulo post, ἰθαύμαζεν ἑρῶν αὐτόν. Nam Hipparchus Astro-nomus ille celeberrimus non vixit Neronis tempore, sed tempore Hieronis Syracusarum Tyranni, id est Olympiade circiter tricesima ac centesima. Porro hujus loci sensum Gillius non intellexit, quem nos in gratiam studiosorum hic exponemus. Ait igitur Aelianus bruta animalia venturos imbres admirabili sagacitate praesagire; idque comparatione Hipparchi & Anaxagorae eleganter exaggerat in hunc modum: Ἐ Hipparchus quidem, inquit, temporibus Hieronis tyranni in theatro sedens, Ἐ segestro amictus, eo quod sereno coelo imbrem futurum praesensisset, omnes obstupescit: admiratusque ipsum Hiero, gratulatus est Nicaeensibus Bithynis, quod Hipparchum civem haberent. Anaxagoram quoque, qui segestro indutus Olympia spectabat, effuso mox imbre omnis Graecia celebravit, Ἐ divino quodam animi sensu praeditum esse jactavit. Quod vero ingruente pluvia bos in dextrum latus sese inclinavit: idemque, cum serenitas rediit, in sinistrum decumbit latus, nemo est qui admiretur. διφθέραν segestrum verti, secutus Latinos auctores, qui ita loquuntur. Ita Suetonius in Augusto, (cap. LXXXIII.) ubi

(a) Apud Sueton. in ejus vita cap. 53. ubi Casaubonus videndus, qui hunc ipsum Aeliani locum proferat, eumque ex Galeni loco huic perquam adfini inlustrat. de stipe, quam petunt mendicantes, similiter idem Sueton. in Aug. cap. 91. Ex nocturno visu etiam stipem quotannis die certo emendicabat a populo, cavam manum assens porrigentibus praebens. ubi vide notas.

ubi vide quae notavit (b) Casaubonus. Hujusmodi pelliceas vestes antiqui sumere solebant ad vitandos imbres, sicut hodie mendicos ex Hispania gestare videmus. Iam illa Aeliani verba, *θανυμάζει τις ἢ ἑδείς*, non mediocrem habent elegantiam. Caeterum etsi Alianus non dicit, ubinam Hipparchus id fecerit, utrum Syracusis, an in patria; mihi tamen probabilius videtur, Hipparchum id fecisse Nicaeae; cumque ejus rei fama usque ad Hieronem pervenisset, Hiero literas scripsit Nicaeensisibus, gratulatus, quod talem civem haberent.

CAPUT VIII.

Aelianus emendatus.

IN ejusdem Libri cap. 9. lacuna est, quam Gillius, vir licet eruditissimus, sup-
plere non potuit. *ὁμολογεῖσθαι τὴν ἀλκὴν μὲν &c.* scribo: *ὁμολογεῖσθαι τὴν αὐτῶν ἀρετὴν διαγνωσιν ἐξ ἀλκῶν μὲν, ἐκ τέτων δ' ἐτι καὶ μάλλον.* id est, *ἔξ sagacitatem illorum accipitrum, tum ex aliis, tum ex his maxime argumentis deprehendi.* Certe quin hic sit Aeliani sensus, dubitari non potest: Paulo post enim subjicit Aelianus haec verba: *καὶ ἔτι διαφορὴ τοῦ ἢ περὶ τῆς ἀρετῆς, ὁμολογεῖ ὅτι τὸ ἀρετῶν ἡλικία ἐκείνη ἴσασιν.* &c. In cap. 15. ejusdem Libri, unius apicis depravatio totam sententiam obscuravit. Refert ibi Aelianus facinus matronae cujusdam Romanae, Laenillae nomine, quae servi amore capta, cum a filiis suis Senatorii ordinis viris eo nomine objurgaretur, amoris ac doloris simul impatientia teterrimum facinus admisit. Filios enim

(a) Ad cujus notam in hunc Suetonii locum cum elogio Viri inter rei Literariae principes censendi lectorem etiam remittit Franc. Doufa ad Lucilium pag. 129. ubi de *Segestri* agit, & Turnebum refutat, qui *Segestre*, a *Sago*, scribi volebat, quem vid. Lib. XII. Advers. cap. 16. verum *Segestre* a segetibus ducit Varro, ad quem vide Scaligeri Conjectanea pag. 66. ceterum recte Valefius *διφθέρας* in hoc Aeliani loco vertit *Segestre*: nam ita in Glossis veteribus: *Segestre, διφθέρα, διφθέρα πλοῖον.* & in Glossario Latino Graec. apud Vulcan. pag. 195. *Segestrum, Στέγαστρον, Τετραδέρμων;* ubi Vulcanius in notis pag. 63. emendat *περιδέρμων*, vel potius *γρεξδέρμων*, i. e. *vetus pellis*: cui sic corrigendum praecivit Scaliger ad Festum pag. 56. ejusque emendationem probavit Labbaeus, qui in Glossario pag. 671. ita exhibuit: *Segestrum, Στέγαστρον, γρεξδέρμων. διφθέρα πλοῖον. διφθέρα. στέγαστρον,* licet Casaubonus ad hunc Suetonii locum, ut in Castigationibus suis pag. 241. monet Labbaeus, censuerit legendum, *Στέγαστρον, στέγαστρον*, quia *segestrum* est *στέγαστρον διφθέρα*. Vide plura de segestri apud Vossium in Etymologico pag. 462. Ideo autem *διφθέρα Segestre* dicitur, quia hujusmodi vestes seu sagae pelliceae fiebant ex pellibus, quales *διφθέρας* rustici in Comoediis adhibebant, iisque tunicis ex pellibus factis servi & tenuioris ac viliissimae conditionis homines, ut hic de mendicis ex Hispania tradit Valefius, plerumque indui solebant, ut docet Victorius Lib. XXVI. Variar. Lect. cap. 23. & hinc *Διφθέρα* pro codice membranaceo, sive membrana obfecto, passim sumitur, quomodo Glossae antiquae: *Διφθέρα, ὁ βιβλίον, membranum, codex.* Hesychius: *Διφθέρα, δέρμα, βύσσα.* Vide Bonav. Vulcan. ad Agathiam pag. 7. & sic *διφθερίας* Cicero Lib. XIII. ad Attic. Epist. 24. vocat libros, qui membranarum & pellibus contegerentur: ubi vide Sim. Bosii notas pag. m. 167. hoc autem inde venit, quia apud veteres ante inventum chartarum usum plurimae gentes in pellibus scribere solebant, ut notum est. ita Jones solitos fuisse *βιβλῆς* vocare *διφθέρας* & suo tempore barbaras gentes adhuc in pellibus scribere tradit Herodotus Lib. V. cap. 58. *καὶ τὰς βιβλῆς διφθέρας καλέουσι ἀπὸ τῆς παλαιᾶς ἰωνεῖς, ὅτι ἐν σπάται βιβλῶν ἐκρέοντο διφθέρησι ἀγγεῖσι τε καὶ ὑέταις, ἐπὶ δ' καὶ ὁ κατ' ἐμὲ πολλοὶ τῶν βαρβάρων ἐς τοιαύτας διφθέρας γράφουσιν.* quem Herodoti locum ab aliis jam laudatum Pollux Lib. VII. cap. 33. in fine profert. Vide plura apud Salmasium de modo Usurar. cap. X. pag. 413. & 414. & Celeb. Hemsterhus, ad Polluc. Lib. X. cap. 15. segm. 57.

enim apud Imperatorem accusavit, quod adversus ipsum conspirassent. Imperator aures calumniantibus praeberere solitus, quippe qui suspiciosus esset ac timidus, quod degeneris animi indicium est, mulieri fidem adhibuit. Atque ita filii quidem insontes neci dati: mater vero hoc delationis praemium retulit, ut cum servo liberius stupraretur. Graeca sic habent: καὶ αὐτῶν περὶ τὴν ἀρχὴν, ὅς ἦν τότε, ἢ λέγει ὡς ἐπιβυλάδοιεν αὐτῇ. Lego αὐτῶ, qua emendatione nihil certius. Ac profecto miror id non vidisse P. Gillium, cum ex sequentibus Aeliani verbis ita legendum esse manifeste appareat. Porro Imperator ille ab Aeliano designatus, nisi fallor, est Commodus.

CAPUT IX.

*Aelianus inlustratus. Hyrcani & Magnesi in Asia minori.
Tristanus refutatus.*

IN cap. 38. ejusdem Libri scribit Aelianus Hyrcanos & Magnesios canibus in proeliis uti solitos: Ubi Hyrcanos accipio non eos, qui sunt ex Hyrcania Perfidis provinca, sed minoris Asiae populos, quorum meminit Plinius (Lib. V. cap. 29. in fine) *Macedones*, inquit, *Hyrcani cognominati, & Magnetes* (a) a Siplylo. De iisdem Hyrcanis Asiae populis accipiendus est nummus Philippi Caesaris, quem edidit J. Tristanus, in cujus aversa parte haec inscriptio legitur, (b) ΤΡΚΑΝΩΝ. Neque enim assentiri possum J. Tristano, qui ab Hyrcanis Perfidis populis percussum esse credit; quasi vero Hyrcani Perfici Graece loquerentur, aut Romanis Impp. parerent. Scio equidem Hyrcaniam optimis canibus abundasse. Verum cum Hyrcani hic ab Aeliano conjungantur cum Magnesiis minoris Asiae populo, Macedonas Hyrcanos intelligi puto. Certe Plinius Hyrcanos Magnetisque conjungit.

C A.

(a) Magnesiae nempe duae in Asia minori civitates, una ad fluvium Macandrum, quae Μαγνησία καὶ Μαγάνδρου, altera ad montem Sipylum, quae Μαγνησία καὶ Σιπύλλου dicitur, de quibus vide Scalig. ad Euseb. pag. 59 & 183. Salmas. ad Solin. Tom. II. pag. 863. D. & pag. 1103. B. tum Rupertum in Observ. ad Florum Lib. II. cap. 8. pag. 393.

(b) Hunc nummum a Tristano male referri ad Hyrcanos Caspii maris accolas notat Holsten. ad Stephan. Byzant. pag. 337. qui pertinere eum putat ad Hyrcanos Lydiac. De iis etiam nummus est apud Sponium in Itinerar. pag. 447. in quo conspicitur caput turritum ab una, & ab altera parte legitur ΤΡΚΑΝΩΝ, qui idem nummus exhibetur in tabulis ante Wheler Voyage de Dalmat. &c. num. 96 Quod autem Aelianus hic dicat Hyrcanos canibus in praeliis usos, eo spectat, quia illic nobile canum genus erat, & inde Hyrcani canes semper celebres fuerunt. vide Cicer. Lib. I. Tuscul. Quaes. cap. 45. & inter alios generosos canes itidem Hyrcanos recenset Pollux Lib. V. cap. 5. segm. 37. ubi tamen male legebatur Ορχυραϊ, quod & interpres male *Ortanae* reddidit, ut monet ibidem Holstenius, & recte docti Pollucis Interpretes ex MSS. vocem illam Scriptori reddiderunt.

Certe negari non potest gentes illas, quarum leges in eo codice leguntur, Regibus nostris olim paruisse. Constat etiam plerosque ex iis, Alamannos scilicet, Bajuvarios ac Ripuarios, leges a nostris Regibus accepisse. Burgundionum quidem leges ab ipsorum Regibus latae sunt, quas Reges nostri, victis Burgundionibus, integras atque intactas reliquerunt. Idem de Longobardorum legibus sentiendum est, quas Reges nostri, redactis in ditionem suam Longobardis, minime abrogaverunt, sed iis tantum quaedam capitula addiderunt. Majores enim nostri ea in victis clementia ac modestia sunt usi, ut eis numquam leges suas ademerint. Sic in Gallia Romanos lege Rom. vivere permiserunt. Ipsi quoque Rom. linguam addiscere, moresque eorum in plerisque aemulari studuerunt: adeo ut etiam dignitatum Rom. nomina & officiorum retinuerint. Idque evidenter apparet ex supradictis legibus, quas Latino sermone scribendos curarunt, ut populos suos a feritate Barbarica ad Rom. cultum paulatim traducerent. Quod quidem a Visigothorum Regibus primum factum esse comperio: quos postea Theodoricus Ostrogothorum Rex imitatus, edictum suum Latine composuit. Idem postea Burgundiones & Longobardi fecere. Et haec fuit illorum Regum ambitio, quos, ut videtur, barbariae suae pudebat. At populis ipsorum, qui linguam Rom. minime callebant, id procul dubio molestissimum fuit. Quare necesse habebant Judices seu Rachinburgos adire, a quibus legem requirebant. At nisi Rachinburgi legem eis retulissent, multabantur. Hoc est quod in lege Salica Cap. LX. & in lege Ripuaria Tit. 55. dicitur *legem dicere*.

Quod vero spectat ad Capitula Caroli Magni & Ludovici Pii, quorum partem duntaxat edidit Heroldus sub nomine legis Francicae, ea non solis Francis lata sunt, sed omnibus generaliter populis, qui Regum nostrorum imperio parebant, idque ex eorum lectione facile perspicui potest. In his enim fit mentio non Francorum solum, verum etiam Saxonum, Longobardorum & aliorum. Quippe haec Capitula in conventu generali totius regni ex consilio Procerum & Comitum, qui ex omnibus imperii partibus acciti aderant, ad totius regni utilitatem & ad singularum gentium commodum statuebantur. Et haec quidem de Heroldi editione dicta sint.

Postea imminuta ditione Regum nostrorum, sub finem secundae stirpis, vel certe sub initium tertiae, alia legum collectione uti coepimus. Cum enim praeter tria regna, id est, Francorum, Burgundionum & Aquitaniae, nihil jam reliquum esset Regibus nostris; Codex legum Francicarum solam legem Salicam & Burgundionum retinuit una cum Capitularibus & Codice Imp. Theodosii, seu potius Aniani breviario. Hujusmodi codicem nuper vidi ab Emerico Bigotio singularis modestiae ac doctrinae viro mihi commodatum. In quo primum lex Salica continebatur: sequebantur deinde Capitula Regum nostrorum: posthaec breviarium Aniani: ac postremo lex Burgundionum. In cujus fine haec leguntur: *Explicit Liber legis Salicae*. Scriptus est hic Liber ante quingentos annos in urbe Matifconensi, quae urbs erat regni Burgundionum. Porro illud Aniani breviarium, lex erat, qua utebantur Aquitani jam inde a temporibus Alarici Regis. Etenim Alaricus cum ex

corpore legum Theodosii, & ex aliis juris libris quaedam elegisset atque interpretatus esset, librum illum Episcoporum ac nobilium virorum consensu firmatum, Romanis, qui in Aquitania degebant, pro lege constituit, cum Visigothi, qui ipsius imperio parebant, suis, id est Visigothorum legibus uterentur.

CAPUT XXI.

*Clerici in Francorum regno cum liberis & rebus suis sub
lege Romana erant.*

Illud praeterea notandum est, omnes Ecclesiasticos, qui in Francorum regno degebant, lege Rom. vixisse. Docet id lex Ripuaria titulo 58. *Jubemus ut qualiscumque Francus, Ripuarius, seu tabularius servum suum pro animae suae remedio, seu pro pretio secundum legem Rom. libertare voluerit, ut in Ecclesia coram Presbyteris, Diaconibus, seu cuncto Clero & plebe, in manu Episcopi servum suum cum tabulis tradat, & Episcopus Archidiaconum jubeat, ut ei tabulas secundum legem Rom. qua Ecclesia vivit, scribere faciat.* &c. Idem juris fuit apud Longobardos, ut patet ex Lib. II. tit. 5. *si Longobardus uxorem habens, filios aut filias procreaverit, & postea inspiratione Dei compulsus, Clericus effectus fuerit, tunc filii aut filiae, qui ante ejus conversionem nati fuerint, ipsa lege vivant, qua lege ipse vivebat, quando eos genuit, & causam suam per legem ipsam finire debeant.* Quae lex non aliter exponi potest, quam si intelligatur id quod dixi, Clericos scilicet Romana lege vixisse. Cum itaque Longobardus ad Clerum transiisset, Rom. lege vivere coeperat. Sed quaesitum est qua lege vivere deberent ejus filii, quos ante conversionem susceperat. Statuit Luitprandus, ut lege Longobarda vivant. Non solum autem personae Ecclesiasticae, sed & res eorum sub lege Rom. erant, ut docet Adrenaldu Floriacensis Lib. I. de miraculis Sancti Benedicti cap. 25.

CAPUT XXII.

*Manumissi tabularii quinam in Lege Ripuaria? Denariales
& Liti quinam, & quam diversa fuerit eorum conditio?*

Quaeret fortasse aliquis, quinam sint illi, qui *tabularii* dicuntur in tit. 58. legis Ripuariae, quem supra citavimus. Respondeo tabularios dici, qui in Eccle-
fia

ſia manumiffi fuerant juxta legem Rom. tabulis ſuper eorum libertate a Diacono compoſitis, & ſeptem teſtium ſigno confirmatis. Ii ſub tuitione Eccleſiae & Epiſcopi deinceps permanebant, & ſervitium debebant Eccleſiae tam ipſi quam poſteri eorum, ut legitur in eodem titulo. Dicebantur autem tabularii (a) a tabulis illis, quae ſcribebantur in Eccleſia: erat autem haec ſecunda ſpecies manumiffionis. Nam prima erat Denarialium, eorum ſcilicet qui jacto coram Rege denario manumittebantur. Quorum optima erat conditio, quippe qui ſub tuitione ſeu (b) mundeburde Regis viverent. De his agitur in ſuperiore titulo legis Ripuariae. Sed & in hoc titulo numero 12. *Si quis hominem regium tabularium, tam baronem quam feminam de mundeburde Regis abſtulerit. &c. ſimiliter & qui tabulariam vel Eccleſiaſticam feminam ſeu baronem, de mundeburde Eccleſiae abſtulerit, & nihilominus generatio eorum ad mundeburdem Regis revertatur.* Hic homo regius tabularius is eſt procul dubio, qui coram Rege manumiffus eſt jacto denario & tabulis de ejus ingenuitate factis. Hi enim ſub mundeburde Regis permanebant, ut patet ex titulo 57. Sic in titulo 53. de eo, qui grafionem occiderit: *Quod ſi puer Regius vel ex tabulario, ad eum gradum, id eſt grafionis aſcenderit.* Duplex igitur fuit genus tabulariorum, quod a nemine adhuc animadverſum eſt. Diverſi porro erant ſtatus libertorum, prout dominus manumiffioni conditionem appoſuerat. Nam ait civem Rom. facere poterat Ripuarius, ut eſt in titulo 61. aut litum ſeu tributarium, ut eſt in titulo 62.

Liti (c) vero ſunt conditionales homines mediae cujuſdam fortis inter liberos ac ſervos, qui quotannis cenſum pendebant domino, atque heredibus: ex quo tributarii videntur dicti. Poſſunt etiam intelligi Romani tributarii. Ex litis autem poterant fieri denariales, id eſt ingenui, jacto coram rege denario: ac tunc optima erat eorum conditio, ut patet ex eodem titulo. Hinc intelligendus eſt titulus 57. *Si quis libertum ſuum in praefentia Regis ingenuum dimiſerit &c. ubi libertum intelligo litum.*

S 2

CA-

(a) Vide Bignonium ad Marculſi Formul. Lib. I. pag. 283. & Lib. II. pag. 326. & 328. ubi duplicem illam manumiffionem per denarium ante Regem, qui denariales liberi vocabantur, & ſub ſpeciali Regis patrocinio erant; tum eorum qui in Eccleſia ſecundum legem Romanam ſervitute liberabantur, qui tabularii, vel chartularii dicebantur, ac lege Romana utebantur, egregie inluſtrat.

(b) *Seu mundeburde* id eſt ſub Regis patrocinio & tutela, quod etiam aliter *mundeburdium* vocabatur ac *defenſio*. vide multa apud Bignon. ad Marculſi Formul. Lib. I. pag. 286. & 287. vel qui ſub tali mundeburde aut tuitione Regis erant, dicebantur etiam *in verbo Regis vivere*. vide Eccardum ad Leg. Salic. Tit. XIV. §. 5. pag. 34.

(c) Ita in Legib. Salic. Tit. XXX. pag. 60. Edit. Eccard. *Si quis lidum alienum extra conſilium domini ſui ante regem per denarium ingenuum dimiſerit. & §. 2. Res vero ipſius lidi legitimo domino reſtituantur.* & Tit. XXXVIII. §. 6. *Si quis homo ingenuus lidum alienum exſpoliaverit, dicitur vero lius, lidus vel laetus.* Vid. Fr. Pithoei Gloſſar. ad Libr. Legis Salic. Tit. XIV. pag. 106.

CAPUT XXIII.

Salica lex unde dicta. Quinam populi ea uterentur. Terra Salica unde dicta.

DE lege Salica quaeri possunt: primo unde sit dicta: deinde quinam essent qui ea lege uterentur: tertio quid sit terra Salica in titulo 62? Quod ad primam quaestionem spectat, Salica lex dicta est a Salicis, quae fuit gens Francorum nobilissima ac fortissima, ut docet Ammianus Marcellinus. Lib. XVII. Eos Romani corrupte Salios vocabant. Unde autem dicti sint Salici, an a Sala fluvio, an aliam quam ob causam, difficile est affirmare. Sed nihil insulsius est opinione quorundam, qui Salicam legem a Sala, id est aula seu palatio dictam putarunt. Neque enim solis Palatinis sed universo Francorum populo lata est lex Salica. Adeo ut nihil addi possit legi Salicae ex consensu totius populi, ut docet liber Capitularium.

Quod vero attinet ad secundam quaestionem, omnes, ut dixi, Franci tam plebei quam Palatini Salica lege vivebant. Non omnis tamen, qui Salica lege vivebat, erat Francus. Multi enim Barbari, qui Francorum Regibus parebant, Salica lege utebantur, ut patet ex titulo 43. leges Salicae. Sed & Romani, qui in Gallia degebant, poterant lege Salica vivere, dummodo id publice professi fuissent, se deinceps lege Salica velle vivere. Tertia autem difficultas, meo quidem iudicio, omnium maxima est, quatenam sit terra Salica. Lindenbrogius quidem in Glossario ait terram Salicam (a) eam esse, quae hostibus divictis Regi ac militibus Francis assignata est. Ut enim Visigothi, Vandali, Burgundiones & Longobardi, cum Romanorum provincias occupassent, agros eorum sibi diviserunt, tertia parte penes Romanos relicta; ita etiam Francos fecisse credibile est. Quanquam in lege Salica huius divisionis nulla sit mentio, cum tamen in legibus aliarum, quae agros cum Romanis diviserunt, multa sint vestigia huiusmodi divisionis. Certe in legibus Burgundionum, Ripuariorum, Visigothorum, sortes saepissime nominantur, & consortes Romani dicuntur.

Ego vero terram Salicam nihil aliud esse existimo, quam terram seu praedium hominis Salici. Ut enim lex Salica dicitur quae Salicorum est, sic etiam terra Salica, quae ad Salicos pertinet. Certe in titulo 62. legis Salicae, qui est de Aلودiis, feminae ad successionem bonorum cum masculis admittuntur, praeterquam ad hereditatem terrae Salicae. Eadem lex fuit apud Ripuarios, ut patet ex titulo 58. Ubi terra *aviatica* dicitur, id est, ab avis transmissa.

C A-

(a) Ita Fr. Pithoeus in Glossar. ad Libr. Leg. Salic. Tit. LXII. pag. 129. Ed. Bignon. explicat terram Salicam, quae divictis hostibus Regi militibusque Saliis obtigit, & *sortes* ita pro parte regni assignata dictas, ut *sortes Vandalorum, Alamannorum* & sim. in edicto Hunerichi vocari observat. quod etiam notavit Savaro ad Sidon. Lib. VII. Ep. 6. pag. 434.

CAPUT XXIV.

*In Librum I. Historiae Theophylacti Simocati adnotationes.**πολυσιβάς οἰκία domus multorum accubituum in urbe**Constantinopoli ubi fuerit? Sigma idem**quod Stibadium seu accubituum.*

CAp. I. Φαίδην γὰρ ἀχθεῖς ὁ Τιβερίῳ ἐπὶ τὴν ὑπαίθρον τῆ βασιλείᾳ ἀντὶ τῆς πα-
 ρήνωται τῇ πολυσιβάδι τῇ ἀνακτόρων οἰκίᾳ &c. Interpres (a) longa circumlocutione
 hunc locum Latine expressit: *Tiberius namque in atrium palatii, juxta domum, in*
qua multi ex herbis seu frondibus ad coenandum, dormiendumve tori, sive lectisternia,
vestibulum illustre, visendumque proscenium, huc, inquam, gestatus &c. Ex quibus apparet
 eum non intellexisse quid his verbis significaretur. Sed & Nicephorus Callistus,
 cum hunc Theophylacti locum exscriberet, posteriora verba praetermisit. Ego
 vero existimo πολυσιβάδα οἰκίαν a Theophylacto dici domum, quae Graecè δεκαεν-
 νία ἀκκέβιτα dicebatur, eo quod in ea novendecim accubita seu stibadia essent,
 in quibus Imperator cum Proceribus decumbens epulabatur in natali Domini &
 solemnioribus festis; ut scribit Theophanes & Anastasius Bibliothecarius anno III.
 Justiniani, & Luitprandus in Lib. VI. rerum per Europam gestarum cap. 3. *Est domus,*
inquit, juxta Hippodromum Aquilonem versus mirae altitudinis & pulcritudinis, quae De-
caënnæa vocatur. Hoc autem ideo, quoniam quidem novendecim mensae in Do-
 mini nostri nativitate apponuntur, in quibus Imperator pariter & convivae non
 sedendo, ut caeteris diebus, sed recumbendo epulantur. Juxta hanc domum
 erat tribunal, in quo Imperatores & Augustae coronabantur. Nicephorus Con-
 stantinopolitanus pag. 176. de Leone Isauro loquens: ἐν τῷ τετρακταλῷ λεγομένῳ
 δεκαεννέα ἀκκέβιτων, σέφει τὸ ὕδν Κωνσταντῖνον εἰς βασιλέα. Idem scribit Anastasius &
 Auctor Historiae Miscellae Lib. XII. Idem in Lib. XXII. de Constantino loquens
 Copronymo, anno XXVIII. imperii sui coronavit Imperator Eudoxiam uxorem, suam
 cum esset trigamus in tribunali decem & novem accubituum. Hinc est quod Codinus in
 Originibus Constantinopolitanis τὸ σέψιμον ponit juxta domum decem & novem
 accubituum; quo nomine tribunal intelligit, in quo Imperatores coronabantur.
 Fuit autem haec domus in regione tertia juxta Hippodromum, ut testatur Luit-
 prandus. Certe in ea regione Circum maximum fuisse & porticum semirotun-
 dam, quae Sigma dicebatur, ac postremo tribunal fori Constantini, docet vetus
 descriptio. Ac verisimile est ex illa porticu factam esse domum decem ac novem

S 3

ac-

accubituum, quippe cum C idem sit (a) quod stibadium seu accubitum. Adde quod aedes St. Stephani juxta tribunal decem & novem accubituum ponitur a Codino, quam prope C fuisse docet ex veteri Scriptore Petrus Gyllius in Lib. II. cap. 15. Caeterum haec domus decem & novem accubituum etiam Delphica dicta est, seu Delphicum, ut testis est Procopius in Lib. I. Vandalicorum pag. 116. & Victor Tunonensis in Chronico.

(a) Stibadia seu accubita veterum forma lunari aut semicirculari, ideoque *sigmata* dicta fuisse, egregie ostenderunt Lipsius Cent. I. Epist. 65. tum Casaubon. & Salmas. ad Lamprid. Elagab. cap. 19. & cap. 29. ubi Casaubonus locum illum Luitprandi ex Lib. VI. Hist. a Valesio productum, sed apud quem *decaënea accubita* legendum est, exhibet pleniorē & emendatiorē. Recte autem *πολυσιβάδα δικία* in hoc Theophilaeti loco domum multorum accubituum illustravit Valesius, & eodem modo haec verba exposuit Jacobus Pontanus in Adnotationib. ad Theophilaet. pag. 223. Edit. Paris. in Vol. XIV. Corpor. Byzant. quem vide: & multa de hac porticu semitonda, quae *Sigma* vocabatur, sive de tribunali hoc novendecim accubituum habet du Cange in Constantinop. Christian. Lib. II. cap. 3. pag. 112. & cap. 6. pag. 135. in Vol. XXIII. Ejusd. Operis. Hanc autem domum in urbis Constantinopolitanae Regione III. fuisse adnotavit etiam Scaliger in Libro quodam ineditorum Adversariorum, propria viri Illustris manu scriptorum, quem mecum communicavit Cel. Hemsterhusius, his verbis: *In descriptione urbis Constantinopolitanae Regione III. nota Porticum semitondam, quae ex similitudine fabricae Sigma Graeco vocabulo nuncupatur.* Sed prolixius, quae ad formam Stibadii illustrandam adferri possint, exsequitur in Animadversionibus ad Eusebium pag. 117. ubi recte Petri Ciacconii errorem notavit, qui stibadium putat simile fuisse arcui Scythico, cum forma Sigmatis graeci C conveniat Stibadio, non vero arcui Scythico aut Turcico, qui potius per formam Σ aut ζ designabatur. Contra Scaligeri tamen sententiam Ciacconium defendit, eumque inmerito ipsi reprehensum fuisse adserit Valesius noster ad Ammian. Marcellin. Lib. XXII. pag. 222. ubi demonstrare nititur, arcum Scythicum habuisse formam Stibadii C. Sed jure Scaligeri opinionem adversus Valesium vindicavit Ger. Vossius ad Valer. Flacc. Lib. IV. 727, & operose Spanhemius de Usu & Praestant. Numism. Diff. II. pag. 100 & 101. Ed. Noviss. Ceterum quod a sigmatis Graeci forma, qua constructum erat Stibadium, Graecis *Sigma* & *ἡμικύκλιον* vocabatur, id indicat Martialis in apophoretis Lib. XIV. Ep. 85. quod *Stibadium* inscribitur:

Accipe lunata scriptum testudine Sigma

Octo capit: veniat, quisquis amicus erit.

Et ita Pollux Lib. IV. cap. 19. segm. 132. dicit τὸ ἡμικύκλιον τὸ μὲν ἔχον, ἄλλω. qui etiam Lib. VI. cap. 1. Segm. 9. inter varia accubituum genera recenset *σιβάδες καὶ ἡμικύκλια*. Vide plura apud Sirmond. ad Sidon. Apollin. pag. 23. Juretum ad Paulinum Lib. III. de vita Martin. v. 76. pag. 234. & du Cangium in Glossar. Med. Latin. in *Sigma*. Ceterum perperam hic in scripto Valesii exemplari Latinum S exaratum erat, pro quo Graecum Sigma C recte me emendasse ostendunt satis illa, quae notavi. Ex his etiam, ut obiter id addam, Sigmatis Graeci formam antiquissimam fuisse ut C Latinum, adserunt nonnulli, praesertim cum in vetustis Codicibus & Edd. ita scribatur, ut ΔΙΟΚΚΟΡΟΣ, CΥΝΚΛΗΤΟΣ & sim. vid. Sylburg. ad Alphabet. Graec. pag. 55. & multa egregie huc facientia apud Joh. Rhodium in Dissertat. de Aetia Celsi a pag. 154---158. & ex hoc scribendi more plurima in diversis auctorum veterum locis ex librorum oscitantia inreperunt vitia, ejus generis exempla vide apud Salmas. ad Solin. Tom. II. pag. 1313. Ed. Par. & Bonav. Vulcan. ad Aristotel. & Apulej. de Mundo pag. 293. Verum melius tamen IG. Vossius ad Pompon. Mel. Lib. I. cap. 19. & Spanhemius loco supra notato ostendunt in antiquissimis monumentis literam hanc forma Σ semper pingi, sed C rarius ante Domitiani tempora usurpatum esse; nam perperam du Cangius in Constantinopoli in priore loco, quem modo produxi-mus, tradit Spanhemium ex Agathonis apud Athenaeum loco ab omnibus fere hac in re adlato existimare literam C vetustiore esse, quam Σ. cum contrarium plane adfirmet, & sententiam illam redarguat; qui pluribus eruditissime, ut semper solet, haec omnia illustrat. Sed desino.



HENRICI VALESII,

MILITIS, DOMINI D'ORCÉ
CONSILIARII QUONDAM ET HISTORIOGRAPHI REGII,

DE

C R I T I C A
LIBRI DUO.

QUI EX MUSAEO CLARISSIMI VIRI
HADRIANI VALESII, HENRICI FILII, MILITIS,
DOMINI D'ORCÉ, CONSILIARII, NEC NON
FRANCIAE APUD ROTHOMAGOS
QUAESTORIS,

PRIMUM PRODUCTI ET AB INTERITU
VINDICATI;

NUNC PUBLICAM IN LUCEM PRODEUNT

EDENTE

PETRO BURMANNO

FR. FIL. FR. NEP.

QUI ET NOTAS NONNULLAS ADJECIT.

HENRICI VALESII

MILITIS, DOMINI D'ORCÉ,

CONSILIARII QUONDAM ET HISTORIOGRAPHI REGII,

DE

C R I T I C A

LIBER PRIMUS.

CAPUT I.

*Critici dicti, qui postea Grammatici. Critici Ludimagistri,
tum qui Poetas interpretabantur, & emendabant.
Ciceronis locus.*

CRITICORUM Vocabulum varie ab antiquis acceptum esse comperio: Initio enim Critici (a) dicti sunt, qui postea Grammatici pervulgato nomine appellati fuere, ne docet Dio Chrysostomus in Oratione 53. de Homero: quod quidem verissimum esse testatur Aeschinis locus is Dialogo, qui

(a) Initio Critici dicti sunt, qui postea Grammatici appellati fuerunt.] Sequitur in his Valesius veterum divisionem Grammaticae, cujus partem praecipuam constituit Critica, nam paullo post Grammaticos illos, qui Critici vocabantur, Ludimagistros fuisse, qui pueris artem legendi ac scribendi tradebant, deinde eorum partes etiam fuisse interpretationem & emendationem poetarum docet. Inter veteres enim Varro quatuor Grammaticae seu Criticae partes fecit *lectionem*, *enarrationem*, *emendationem* & *judicium*, quam divisionem alii ita coarctarunt, ut ad *πληρώσεως γραμματικῆς* *enarrationem* & *judicium*, ad *ἀπλῆς* *σίσιν γραμματικῆς* vero *emendationem* & *lectionem* retulerint. Ad minus perfectam Criticam seu Grammaticam referunt igitur quarumlibet literarum atque elementorum nudam cognitionem; ut Crispum Grammaticum describit Aufonius in Professorib. Carm. XXII.

*Qui primaeuos sandique rudes
Elementorum prima docebas
Signa novorum.*

tales Grammaticos *calculones*, aut *Caulculones* vocabant, ut poeta vetus Epigrammate in Ludimagistrum, in Pithoei Catalect. Lib. IV. pag. 156.

*Indoctus teneram suscepit Calculo pubem,
Quam cogit primas discere literulas.*

Ita enim legendum; ut videbimus ad ipsa Catalecta, quae ingenti ineditorum Epigrammatum & poematum veterum accessione locupletata ad editionem paramus. Hi *γραμματισταί* Graecis dicuntur, quos

libe-

CAPUT X.

Aelianus emendatus. Telephus Criticus. Gillius notatus.

IN Lib. X. cap. 42. citatur Telephus Pergamenus. Fuit hic nobilis Grammaticus, cujus scripta recenset Suidas: Sed in Aeliani verbis mendum est. Quid enim sibi volunt ista: λέγει ταῦτα Τηλέφῳ ὁ Κρις. Gillius quidem vertit: haec ait Telephus Cretenſis ex Myſio Pergamo oriundus. Ego vero scribendum cenſeo, Τηλέφῳ ὁ Κριτικός. Criticum dixit pro Grammatico. Hoc autem nomen imperiti librarii primum corruperunt, mutantes (a) in κρητικός; ac deinde mutaverunt in Κρις. Labet etiam hic annotare errorem P. Gillii, qui in Lib. XI. cap. 35. Aeliani verba sic interpretatur: Idem hic Deus imperante Nerone, Chryſerum, qui taurino sanguine pote jam & revomebat & contabescebat, curavit. At quis non videt ita vertendum eſſe? Chryſerum, qui & revomebat sanguinem & tabescebat, curavit epoto tauri sanguine. Loquitur enim Aelianus de medicinis, quae fiunt ex animalibus. Eſt etiam in Lib. XII. cap. 29. mendum leve, quod miror ab Interprete animadverſum non fuiſſe. ἡ μὲν τοὶ ἡ Πτολεμαίων πόλις. Scribe Πτολεμαίων, ſic vocantur incolae urbis Ptolemaidis.

CAPUT XI.

Aelianus emendatus. Eurysthenes & Procles Lacedaemoniorum Reges.

IN Lib. XII. cap. 31. ſcribe 'Ευρυθένης ἡ Προκλίας & 'Αριστοδῆμος, & 'Αλεισομάχης &c. Nam Procles & Eurysthenes fuerunt Aristodemi filii; ut docet Apollodorus (in Biblioth. Lib. II. cap. 8. §. 4.) & Pausanias (Lib. III. cap. 1.) ac Velleius. (Lib. I. cap. 2. ubi vid. notas.) Hi cum eſſent gemini fratres, ſimul Lacedaemone regnarunt, ſimul ambo uxores duxerunt. Regnavit quidem Eurysthenes annos XLII. ut ſcribit Euſebius in Chronico. Procles vero regnavit annos XLI. anno enim uno ſuperſtes fratri vixit Eurysthenes, ut docet Cicero in Lib. II. de Divinatione (cap. 43.) Procles, inquit, & Eurysthenes Lacedaemoniorum reges: gemini fratres fuerunt: at hi nec totidem annos vixerunt. Anno enim Procli vita brevior fuit, multumque is fratri rerum geſtarum gloria praestitit.

R

C A-

(a) Pari errore ſupra Valeſius Lib. III. cap. 5. apud Philoſtratum Δαρδάνια τὴν Κρητικὴν. & cap. 7. Μαντινὴν τὴν Κρητικὴν pro vulgato κρητικὴν emendavit, ubi vide,

CAPUT. XII.

Aelianus inlustratus. Ἀργήϊδες, dies festi apud Argivos. Canon emendatus.

Non cuivis obvium est, quidnam sibi velit Aelianus in Lib. XII. cap. 34. cum ait Argivos diebus quibusdam, quos ipsi *Arneidas* vocant, canes omnes, qui in forum ingrediuntur, necare. Sciendum igitur est, mensem fuisse apud Argivos *Arnaeum* dictum, diesque in eo mense festos, quos *ἀργήϊδες* vocabant. Cujus festi originem refert Conon in Narratione XIX. *Psamatbe*, inquit, *Crotopi Argivorum regis filia*, cum ex *Apolline* gravida esset, patris iram verita, partum suum exposuit: Quem pastor cum reperisset, captus pueri pulchritudine pro suo educavit. Sed canes, qui gregem custodiebant, puerum forte interfecerunt. Mox *Crotopus* comperto filiae flagitio, eam necavit. Iratus ob haec *Apollo*, pestem immisit *Argivis*: ad quam depellendam, cum illi *Delphos* misissent, responsum ab *Apolline* acceperunt, placandam ipsis esse *Psamathem* & *Linum*, si morbo liberari vellent. Quare *Argivi* matresfamilias, ac virgines *Lino* lamentum facere jusserunt. Mensem quoque *Arnaeum* nominarunt, diemque festum *Arnida* instituerunt, quo in festo canes quoslibet obvios trucidabant, poenas scilicet ob *Lini* necem ab eis exigentes. Haec Conon, apud quem *ἀργήϊδες* scribere malim, quam *ἀργήϊδα*. Nam & analogia & Aeliani auctoritas ita suadent. Ejusdem festi meminit etiam *Athenaeus* in Lib. III. pag. 99. ubi *Ulpianus Cynuleum Cynicum* alloquitur. ἵνα μὴ καὶ τινὰ κυνοφόντιν ἐορτὴν ποιησώμεθα ἀντὶ τοῦ παρ' Ἀργείοις ἐπιτελεσμένης.

CAPUT XIII.

Aelianus emendatus, & versio ejus correctæ. πλίγμα quid?

Elegans est narratio in Lib. XIII. cap. 6. de *Polypode*, qui falsamenta in testis condita comedebat: ἢ περὶ χυθῆς τοῖς σιόδεσιν, ὥστε εἰς πνίγμα ἀθλήτης συλλαβῶν ἢ ἀντιπαλον &c. Scribe meo periculo, ὥστε εἰς πλίγμα. Est autem πλίγμα, nodus *Palaestricus*, ut docent *Grammatici*. *Hesychius*: πλίγμα, βῆμα. ὅτι τὸ κυλιόμενον ἢ παλαιόντων, ὅταν πρὸς βάντες τοῖς σκέλεσι κατέχωσιν. In eodem Libro cap. 21. ubi *Demostrati* verba refert, qui *Tanagrae Tritonem* a se visum descripserat, haec leguntur verba, quae *Gillius* non intellexit: τὸ δὲ τις τῶν ἐν βελῆς ἀεμοζόντων κλήρω τὴν Ἑλλάδα, ἢ περὶ σιμόνην τὴν ἀρχὴν ἐνός ἔτης. *Gillius* vertit. Cum vero quispiam ex Magistratibus Graeciae, qui sortitione facta annum Magistratum gerunt. Ex his *Gillii* verbis apparet eum intellexisse Magistratum Municipalem; cum tamen *Demostratus* & *Aelianus* Proconsulem Achaiae verbis illis designent. Sic enim verti debent. Quidam Senatorii ordinis, ex iis qui sortito Achaiam administrant, & qui annum Magistratum

sum gerunt. His verbis Proconsul Achaiae manifestissime designatur: nam proconsules erant ex Senatu, & provincia eis sorte (a) attribuebatur: postremo annui erant, ut sciunt Historiae Rom. periti. Hinc est quod Apuleius in Floridis de quodam Proconsule ait: *ὁ celeres bonorum Praesidium dies*. Paulo post mendum est in voce *ἐξήα*, quam delendam existimo.

CAPUT XIV.

Versio Aeliani correctā et suppleta.

IN Lib. XIV. cap. 5. ubi describit Aelianus, quomodo dentes Elephantorum humo defossi deprehendantur a Mauris, quaedam leguntur in Graeco exemplari, quae Gillius de industria praetermisit, eo quod nimium obscœna esse videntur. Ac verecundiam quidem P. Gillii non mediocriter laudo, qui & suae & Lectorum modestiae consuluit. Mihi tamen videtur satius fuisse rem honestiori vocabulo tegere, quam totam periodum expungere, praesertim cur quidpiam in ea scitu dignum videatur: *Utribus*, inquit, *dispositis ibidem subsistunt*. Et alius quidem somnum capit: alius potat. Quidam etiam inter bibendum canens, puellam nominat quam deperit. Quod si quis forte juvenem formosum venationis comitem deosculatur, equidem non miror. Sunt enim Mauri pulchri ac proceri, oculis non fractis ac mollibus, sed virile quoddam intuentibus, ad haec venationis studiosi: ac tametsi adulti multos in amorem sui concitant. Ita vertendus erat hic locus, quem Gillius omittere maluit.

CAPUT XV.

*Aelianus explicatus et emendatus. Phaylus Phocensium Tyrannus.
Ovidius in Ibide, et Harpocraton correcti. Anaitidis Dianae
templum in Elymaide.*

DE Europaeis Mysis, quos Latini Mefos vocant, differens Aelianus in cap. 25. recte quidem ait eos Scythiis proximos esse, eorumque impetum propulsare, & tanquam in praesidio collocatos totam illam regionem imperio Romano tueri. Sic enim vertenda sunt haec verba, *ἡ τῇ πρώτῃ ἡ χώρα τὸν περὶ ἡμᾶς φερέντες πάντα*: quae Gillius non intellexit. Quod vero idem Aelianus Heracleam urbem in Mesia collocat,

R 2

locat,

(a) De more sortiendi provincias proconsulares sub Imperatoribus cum omnia nota & a Viris Doctis abunde explicata & illustrata sint, aliquid addere supervacuum esset. Adeat lector Bernartium ad Statii Lib. VI. Theb. 389. & Commentatores ad Tacit. Lib. III. Annal. cap. 32. & cap. 58. tum notas Doctorem ad Sueton. in Claudio cap. 7.

locat, id ego non facile concesserim. Ἡρακλείας πλησίον Φημί, ἢ τὴν Νάξις ῥιμμάτων & καλεμὸς τόμεας πλησίον. Scribo, τὴν Ἀξις ῥιμμάτων &c.

In eodem Libro XIV. cap. ultimo, Taenarum quemdam ignobilem fluvium nominat, qui in Eridanum influit. Pro Taenaro, Eretenus dicitur in cap. 8. hujus Libri.

Scribit Aelianus in Libro XII. cap. 40. Ambraciotas leaenam venerari, propterea quod tyrannum ipforum Phaylum leaena olim discerpserat. Itaque Ambraciotae leaenam exinde colunt, tanquam suae libertatis auctorem. Ἀμπερκεῖται ὅτι ἐπεὶ τὸν τύραννον αὐτῶν Φαῦλον διεσπάρσατο λέαινα. Scribe (a) Φαῦλον tribus syllabis. Ovidius in Ibin (vs. 504.)

*Poeta tibi occurrat patrio popularis in arvo,
Sitque Phayleae causa leaena necis.*

Sic lege. ΦαῦλⓈ nomen Graecum est. Ita dictus Phocensium tyrannus, qui cum Philomelo & Onomarcho sacram pecuniam rapuit, qui a nonnullis ΦαῦλⓈ dicitur. Apud Harpocratonem ΦαῦλⓈ legitur eodem errore, quo apud Aelianum. Meminit & Polybius cujusdam Phayli (in Lib. V. pag. 415.)

In eodem Lib. cap. 23. ait Aelianus in Elymaïde templum esse Adonidis, in quo mansueti leones diverfantur. Ego pro voce ἈδωνιδⓈ, malim legere ἈναϊτιδⓈ. Nam Anaïtidis (b) Dianae templum illic fuit celeberrimum.

C A-

(a) Monuerat hoc etiam Parthasius in Quaesitis per Epist. pag. m. 19. & Ovidii locum ex Ibide, in quo antea *Paphageas* legebatur, emendavit. Apud Parthenium in *Eroticis* cap. 25. ΦαῦλⓈ exaratum est, quomodo etiam habetur apud Pausaniam Lib. X. cap. 2. & Strabon. Lib. IX. pag. 421. Corrigendus itaque est Antoninus Liberalis, apud quem in Cap. IV. *Metamorph.* continuo scribitur ΦάλαιαⓈ. Melius tamen ΦαῦλⓈ scribi cum una λ, quam ΦαῦλⓈ, docet noster Valesius ad Harpocraton. pag. 78. ubi plura habet.

(b) Anaïtidis Dianae templum memorat apud Lydos Pausanias Lib. III. cap. 16. pag. 240. Ἀνδρῶν ἔστιν ἈρτέμιδⓈ ἱερὸν ἈναϊτιδⓈ. Eadem est quae a Plutarcho in Artaxerxe pag. 1025. Ed. Francof. Ἀνίτις vocatur, ubi narrat Artaxerxem Cyri concubinam fecisse sacerdotem, ut praeficeret templo Anitidis Ecba-tanae: τῆς γὰρ ἈρτέμιδⓈ τῆς ἐν Ἐκβατάνοις, ἣν Ἀνείτιν καλεῖσιν, ἱέρακα ἔδειξεν αὐτῇ: saepe Anaïtidis Deae templum occurrit apud Strabonem; ut Lib. XI. *Geogr.* pag. 512. ubi refert ὅτι ἈναϊτιδⓈ καὶ πρὸ συμβάμωι θείων. eam colere Armenios tradit Lib. eod. pag. 532. τὰ τὴν Περσῶν ἱερὰ καὶ Μήδοι καὶ Ἀρμένιοι τιμῆκασιν. τὰ δὲ τὴν ἈναϊτιδⓈ διαφέροντως Ἀρμένιοι. & Lib. XII. pag. 559. Ἡ δὲ Ζηλῆτις ὕχει πόλιν Ζηλὰ ἔχουσαν ὅτι ἱερὸν τὴν ἈναϊτιδⓈ, ἥνπερ καὶ οἱ Ἀρμένιοι σέβοντο. ejus templum etiam memorat, & quomodo sacra illic peragerentur, describit in Lib. XV. pag. 733. Ταυτὰ δὲ ἐν τοῖς τὴν ἈναϊτιδⓈ καὶ Ὁμάων ἱεροῖς νομίζονται. quibus in locis simpliciter tantum ἈναϊτιδⓈ templum refert, sine Dianae nomine addito, nam apud alios sub ἈναϊτιδⓈ nomine occurrit Venus, ut apud Clementem Alexandrinum in *Protreptico* pag. m. 19. de Artaxerxe: ὅς πρῶτος τὴν Ἀφροδίτης ἈναϊτιδⓈ πρὸ ἄγαλμα ἀναστήσας ἐν Βαβυλῶνι. quomodo recte illic pro Ἀφροδίτης ΤαναϊδⓈ corrigit Bochartus Lib. IV. *Geograph. Sacr.* cap. 19. pag. 277. ubi plura de Anaïtide notavit. Vide & Voss. Lib. II. de Idolol. Gentil cap. 9. pag. 353.

CAPUT XVI.

*Aelianus illustratus. Metropolis Ephesia. Conventus
juridici in provinciis Asiae.*

DUbitari potest, quid sibi velit Aelianus in Lib. XVI. cap. 38. his verbis, ἐν μητροπόλει ἀνέω τῇ Ἐφεσίᾳ &c. Non enim Ephesum intelligit, cum sermonis Graeci ratio eam locutionem non admittat. Dicendum quippe erat ἐν τῇ Ἐφεσίᾳ μητροπόλει, si Ephesum intellexisset. Ego Metropolim urbem Asiae hic intelligi puto, quae non procul sita erat ab Epheso. De hac Plinius in Lib. V. cap. 29. *Ephesum vero alterum lumen Asiae, remotiores conveniunt, Caesarienses, Metropolitanæ, Cybiani.* Alteram urbem ejusdem nominis in Phrygia commemorat Plinius, quae ad Apamenam jurisdictionem conveniebat. Multae enim erant in Asia (a) jurisdictiones seu conventus juridici: iique ex primariae urbis nomine, ad quam reliqua oppida jurisdictionis causa conveniebant, denominati. Quod a Romanis primum institutum est ad utilitatem provincialium, ut singuli populi forum suum haberent, quo lites suas deferre, & a Proconsule audiri ipsos oporteret. Omnes illos conventus accurate recenset Plinius (Lib. V. cap. 28. & 29.) cujus Geographia eo majoris pretii facienda est, quod solus ex antiquis id praestitit, tum in Asia, tum in Hispaniae descriptione.

Prima jurisdictio est Asiatica & Cybiritica, secunda Synnadica, in quam conveniebant etiam Lycaones, & cum iis Philomelienses, Tymbriani, & reliqui; ut docet Plinius cap. 27. tertius conventus est Apamiae: quartus Alabandinus. Quinta jurisdictio Sardiana. Sextus conventus Smyrnaeus, septimus Ephesius: octavus conventus est Adramyttenus. Nona Pergamena jurisdictio. Hae omnes jurisdictiones erant sub Proconsule Asiae. Ceterum Aelianus non sine causa Metropolim hanc cognominavit Ephesiam, ut scilicet eam a Metropoli Phrygiae distingueret. De hac Metropoli accipiendus est nummus Gordiani Imperatoris, qui sic inscribitur: (b) *Μητροπολιτῶν ᾧ ἐν Ἰωνίᾳ.*

CAPUT XVII.

Crates Pergamenus. Mnaseae Patrensis Europiaca.

IN Lib. XVII. Aeliani de Anim. cap. 9 citatur Crates Pergamenus, quem ego Ieumdem (c) esse existimo cum Cratete Mallote, celebri illo Grammatico, cujus mentionem fecere Strabo, Diogenes Laërtius, ac Suidas. Dictus est autem Pergamenus, eo quod a Pergamenis, ut conjicio, civitate donatus est. Certe testatur Sue-

R 3

to-

(a) Vide de his supra ad Lib. II. cap. 14.

(b) Haec inscriptio etiam occurrit in nummo Saloninae Gallieni uxoris apud Beger. in Thesaur. Brandenburg. Tom. II. pag. 747.

(c) Errat hic Valesius; cum Crates Pergamenus diversus sit a Cratete Mallote celebri Critico seu Grammatico. vid. Vossium Lib. III. de Hist. Graec. pag. 347. Erroris comitem habet Jonsium Lib. II. de Script. Hist. Philof. cap. 11. init. de Cratete Mallote, Critico & Aristarchi aequali, vide Casaubon. ad Sueton. Illustr. Gramm. cap. 2. & ad Strabon. Lib. 1. pag. 3. Reinesium Lib. II. Var. Lect. pag. 161. & Gronov. ad Gellium Lib. II. cap. 25.

tonius, eum Pergami vixisse, & ab Attalo Rege legatum Romam venisse. Porro Aelianus in cap. 37. hujus Libri, eum rursus Pergamenum vocat, & Grammaticum fuisse satis innuit. In ultimo capite ejusdem Libri locus est corruptus, quem tamen haudquaquam difficile erit restituere: λέγει ὁ Μνασέας ἐν τῇ ἐρώπῃ. Διὸς ἱεργκλέης ἱερὸν εἶναι. Scribe meo periculo: ἐν τῇ Ἑυρώπῃ. Notissimus est Liber (a) Mnaseae Patrensis, cui titulus fuit Ἑυρώπῃ seu Ἑυρωπαϊκὰ, ut docet Athenaeus & Harpocration.

CAPUT XVIII.

*Plinius emendatus. Thibiorum gens. Plutarchus correctus.
Salmasius refutatus. Mangones et mangonium quid.*

Plinii locus est in Lib. VII. Naturalis Hist. cap. 2. notabilius esse quod pupillas binas in oculis singulis habeant. Hujus generis & feminas in Scythia, quae vocantur Bithyae, prodit Apollonides. Phylarchus & in Ponto Thibiorum genus, multosque alios ejusdem naturae. Locum hunc Plinii exscripsit Solinus (cap. 1.) suo more. In Manuscriptis exemplaribus tam Plinii quam Solini *Vitiae* vel *Bitiae* legi monuit Salmasius, putatque emendandum esse *Bituae*, id est, ut ipse ait, *Βίτοι*. Ego vero longe aliter sentio. Suspicor enim Apollonidem quidem ipsum *Θιβίης* scripsisse: Plinium vero corruptis Apollonidis exemplaribus usum esse, in quibus scriptum esset *Βιθίης*, transpositis literis. Idque ut credam, movet me, quod Veteres omnes uno consensu de Thibiis id ipsum referunt, quod Plinius ait Apollonidem scripsisse de Bitiis. Nam praeter Phylarchum a Plinio memoratum, de gente Thibiorum idem scribit Plutarchus in Lib. V. Convivialium cap. 7. & ante eum Didymus in Lib. II. Convivialium teste Stephano in voce *Θιβη*. De Bitis vero nemo Veterum locutus est. Proinde verosimile est id, quod dixi, corruptos fuisse Apollonidis codices, quibus usus est Plinius, per transpositionem literarum. Qui quidem error proclivis est, sicut norunt qui Manuscriptos Codices contrectarunt. Dicebantur autem *Θιβίαι*

(a) De eo vide Mauffacum ad Harpocrationem in voce *ἱππία* Ἀθηνα pag. 199. ubi ejus opera ab antiquis memorata recenset, interque ea Libros τῇ Ἑυρώπῃ seu Ἑυρωπαϊκὰ. Ejus emendatio in Ammonii Libro de Differentiis in *Νυφίδας*, ubi recte emendat, ὡς Μνασίας ἐν ταῖς ἀδελφῇ τῇ Ἑυρώπῃ, pro vulgato *Μνασίαν*, etiam in mentem venit G. J. Vossio Lib. I. de Hist. Graec. cap. 21. pag. 134. ubi plura egregia de hoc Mnasea Patrensi notavit. Apud Hesychium in voce *σκόπη* etiam hujus Mnaseae nomen corrigendum putabat Valesius ad Harpocr. pag. 49. ubi in vulgatis est *Μαρόβας ἐν τῇ Ἰάδῃ*, quod tamen non adfirmat. In Hygini loco Cap. XXI. Poëtic. Astronom. *Pleiades autem adpellatae sunt, ut ait Mnaseas*, plurimos Codices & antiquiores Editiones habere *Musaenus* testatur Munckerus, quomodo etiam inveni in Excerptis membranarum Evaldi Ruæi, (quas sero nimis se accepisse in praefatione Munckerus dolet) & confirmatur ex Scholiaste Germanici Cap. XV. pag. 116. Ed. Morell. ubi de Pleiadibus seu Hyadibus itidem egit; *Musaenus & ista refert, ex Atlante & Hyæ duodecim filiae procreatae sunt &c.* Sed hic tamen Mnaseas in primo libro de Europa adfertur ab eodem Germanici Scholiaste pag. 142. cujus verba describens Fulgentius Lib. II. Mytholog. cap. 19. Mnaseam in primo de Europa libro etiam laudat; ut notavit Vossius loco supra prolato. vide & Mercerum ad Fulgentii Expos. Serm. Ant. post Non. Marcell. pag. 210. & Reines. Lib. III. Var. Lect. 3. pag. 384.

βιοι & θιβιαι: sic enim legendum est apud Plutarchum tribus syllabis. Quod vero addit idem Plutarchus de mercatoribus, qui servos ex ea regione emptos adducebant: ἡθοντο ἢ ὡς εἶπεν τὸ γινώσκον οἱ μυγάδες οἰκίας ἐνέειδεν ὧντες ἐξάγοντες, mendo non carent. Qui enim sunt οἱ μυγάδες? Salmasius quidem in Solinum pag. 47. emendandum putavit, οἱ μαγιάδες. Ait enim μαγιάς & μάγισσαν Graecum esse pro Venalitiario. Sed cum nemo tam veterum quam recentiorum Graecorum eo usus sit vocabulo, non est quod ei fidem habeamus. Praeterea Mangones longe differunt a mercatoribus seu σωματεμποροῖς, de quibus ibi loquitur Plutarchus. Nam mercatores quidem ipsi in barbaras regiones proficiscebantur, mancipiorum emendorum causa. Mangones vero a mercatoribus deinde servos emebant, eosque excolebant ac perpoliebant, ut carius postea venderent, quae ars Mangonium dicebatur. Apparet ergo Plutarchum de Mangonibus minime locutum esse. Quare in Plutarcho alia quaerenda est emendatio. Ego levissima mutatione locum sic restituo: οἱ μυγάδας οἰκίας ἐνέειδεν ὧντες ἐξάγοντες. Qua quidem emendatione nihil certius. Erant inter Thibios quidam Externi iisdem permixti, quos μυγάδας vocat Plutarchus. Eos mercatores Graeci pro mancipiis emebant. Neque ipsos Thibios unquam empturi erant, ne vilissimo quidem pretio, quippe qui adeo noxii essent, ut vel solo aspectu fascinant.

CAPUT XIX.

Cassiodorus emendatus. Cornicularius unde dictus; caniculus seu caliculus pro atramentario. Nicolaus Alemannus & Salmasius refutati.

Cassiodorus Senator oratione quidem durus est, & Gothicum quidpiam sonans; Crebus tamen ac sententiis abundat, & ad rerum Rom. ac vergentis Imperii cognitionem plane necessarius. Proinde in eo emendando operam nostram non inutilem fore speramus. Igitur in Libro XI. Epistola. 36. ubi de Corniculario Praefecturae Praet. loquitur, haec habet. *Praefuit enim Curibus Secretarii Praetoriani, unde ei nomen est derivatum.* Scribendum est sine dubio, (a) cornibus. Ait enim Corni-

(a) Ita etiam in novissima & splendida Garetti editione correctum jam legitur, cum in aliis esset *curibus*, pro quo *juribus* reponendum alii censuerant; ut Pancirollus in Commentar. ad Notit. Imper. cap. XI. pag. 29. ubi multa de corniculario habet. Sed rejecta hac emendatione, *cornibus* apud Cassiodorum legendum esse monet etiam Gutherius de Offic. Dom. Aug. Lib. II. cap. 15. pag. 418. qui plura de corniculariis notavit; & hanc verissimam lectionem in hoc Cassiodori loco jam agnovit Marcellus Donatus in Dilucidation. in Livium pag. 26. in Tom. VI. Facis Criticae Gruteri. Vetus autem inscriptio, in qua CORNICULARIUS PR. PR. id est Praefecti sive Praefecturae Praetorii occurrit, a Gutherio ibidem producta, legitur apud Gruterum pag. cccz. insc. 1. ejusdemque mentio est in alia apud eundem Gruter. pag. cccz. infer. 5. & Fabrett. ad Column. Traj. pag. 221. sed ab utroque depravatam & mutilam fuisse exhibitam notavit Gorius ad Donii Inscript. Antiq. Class. VI. infer. 18. ubi integra & emendator legitur. Ceterum frequens *cornicularii* mentio est in Inscriptionibus, ut praeter eas, quae in corpore Gruteri habentur, etiam occurrit apud Reines. Class. I. inf. 192. & Donium Class. VI. inf. 115. aliosque. De iis plura vide in notis ad Sueton. Domit. cap. 17. & apud Rupertum in Dissert. ad Valer. Max. Lib. VI. cap. 1. pag. 362. & seqq.

nicularium dici, eo quod praesit cornibus Tribunalis Praetoriani. Quam tamen Cassiodori etymologiam non probo. *Cornicularius* enim dictus est a Corniculo, & a militia armata id nomen translatum est ad Urbanam seu Cohortalem. Sequitur in Cassiodoro, *eo ministrante calculum, scripsimus inempti, quod magnis pretiis optabatur impleri*. Jam pridem conjeceram legendum esse, *eo ministrante caliculum*: atque ita in tribus Manuscriptis codicibus scriptum postea deprehendi. *Caliculus* est atramentarium, quod Praefecto Cornicularius praebebat. Posterior aetas *caniculum* dixit. Unde *Praepositus caniculi*, ὁ ἐπὶ κανικλῆς, qui curam & custodiam gerit caniculi, id est, atramentarii, ut (a) Anastasius Biblioth. ad octavam Synodum. Nicolaus Alemannus in notis ad Procopii *Ἀνέκδοτα* pag. 20. dictum putat *caniculum* a canis similitudine. Quem reprehendens Salmasius in notis ad Solinum pag. 119. & 375. a cano seu canistro eam vocem deducit. Ego vero *caniculum* pro *caliculo* dictum esse contendo, solemni literarum mutatione. Sic *Lampetra* pro *Nampetra*, *Nimbus* pro *Limbo* & similia.

CAPUT XX.

*Leges Salicae Francorum, Longobardorum, aliorumque ab Heroldo
& Lindenbrogio editae quid contineant. Earumdem Codex
Emer. Bigotii. Aniani breviarium.*

Editus est a Basilio Heroldo liber legis Salicae, Ripuariae, item Alamannorum, Bajoariorum, Saxonum & aliorum, in quo multa sunt notatu digna, quae nec Heroldus, nec Lindenbrogius, qui novam earumdem legum editionem publicavit, nec ullus, quod quidem sciam, haecenus observavit. Primum est librum illum (b) ab Heroldo editum, nihil aliud esse quam codicem legum, quibus Francorum Reges populos ac gentes ditioni suae subiectos gubernabant. Atque idcirco lex Salica ante omnes collocatur, utpote lex Francorum, penes quos imperium erat. Cer-

(a) Anastasii verba haec sunt ad Act. 10. octavae Synodi: *Praepositus Caniculi apud Graecos est, qui curam & custodiam gerit caniculi, id est, Atramentarii, ex quo Imperator Phoeniceas literas scribit in chartis*. Tanta autem erat dignitas illius, qui ὁ ἐπὶ κανικλῆς erat, ut in urbe Constantinopolitana socer Imperatoris ei praeesset, & Imperatorum consanguinei ea ornarentur, fuitque adeo inter honoratissima officia. Vide G. Codinum Curopal. de Offic. Palat. Constantin. pag. 17. & ad eum Franc. Junii notas pag. 263. sed qui *Canicleum* arcem regiam fuisse seu palatium, in quo socer Imperatoris habitabat, perperam censet, & ob id ab Alemanno ad Procopium traducitur, qui ea, quae Junius illic de *canicleo* scripsit, nugae esse pronuntiat. Certe meliora habet Meursius in Glossario pag. 213. Sententiam autem Alemanni, qui *caniculum* a similitudine canis, quia caniculus seu atramentarium effigiem & formam parvi canis prae se ferebat, explodit quidem Salmasius in Plinianis Exercitationibus, sed Alemannum tamen non nominat. Videtur tamen eam probare Car. du Fresne in notis ad Annae Comnenae Alexand. pag. 258. & 378. ubi plura de hac dignitate adnotavit.

(b) Vide de eo & aliis Legis Salicae Editoribus doctissimam Eccardi praefationem Legibus Francorum Salicis, & Ripuariorum ab eo editis praefixam.

qui Axiochus inscribitur. ibi enim Aeschines Socratem inducens, cum Axiocho de humanae vitae calamitatibus colloquentem, postquam dixit hominem, cum primum in lucem editus est, a gemitu vitam auspicari, ac nulli non dolorum generi expositum esse, subjungit: *Ubi vero septimum annum ingressus est, statim exerci-*

T

ci,

literarum primos informatores vocat Tertullianus de Pallio Cap. V. ad quem vide Salmassii notas pag. 464. & seq. Deinde Grammaticen diviserunt in perfectionem seu absolutam, qualem Crates, Aristarchus, Apollonius & alii consummaverunt. Vide egregie de hac re agentem Mauflacum in eruditissima Dissertat. Critic. ad Harpocration. pag. 381, & 382. Dionysius autem Thrax, Grammaticus Graecus (de quo vide Vossium Lib. I. de Histor. Graec. cap. 23. pag. 148.) cujus locus jam ab aliis adnotatus est, sex Grammaticae partes, & inter eas ultimam *κρίσιν ποιημάτων*, tradit his verbis: *Γραμματικὴ ἐστὶν ἐμπειρία τῶν ὡς αὐτὸς ποιητῆς τε καὶ συγγραφέων ὡς ἐπὶ τῷ πολὺ λεγομένων. μέρη δὲ αὐτῆς εἰσὶν ἕξ. πρῶτον ἀνάγνωσις ἐντελεβὴς κατὰ ἀποδοκίμω. δεύτερον ἐξηγήσεις κατὰ τὰς ἐνυπάρχοντας ποιητικὰς τρέψεις: τρίτον γλῶσσαν τι καὶ ἰσορίαν πρόχειρον ἀπόδοσις. τέταρτον ἐτυμολογίας εὑρεσις, πέμπτην ἀναλογίας ἐκλογισμός. ἕκτον κρίσιν ποιημάτων. ὃ δὲ κάλλιστον ἐστὶ πάντων τῶν ἐν τῇ τέχνῃ.* ad quae verba operae pretium erit adscribere ea, quae de Grammatica & Arte Critica adnotavit Diomedes in Scholiis ad Dionysium haecenus ineditis, quae describere mihi licuit ex Isaaci Vossii libro, qui in Leidenfis Academiae Bibliotheca servatur, & quo Erennii Philonis, Lesbontis, Dionysii Thracis cum Scholiastis ejus Diomedes, Porphyrio, Theodosio, aliorumque Grammaticalia Graeca continentur, ac similis fere codex est illi, quem se legisse testatur Casaubonus in Casaubonianis pag. 13, & 14. Ejus igitur inter alia haec sunt: *Τὸ πᾶν αὐτὸ μέρη τὴν Γραμματικῆς ἢ πέντε καὶ ἑπτά. εἰσὶν ἑπτὰ. Διορθωτικόν. ἀναγνωστικόν. ἐξηγητικόν. κριτικόν. Τίτρεται αὖτις ὡς τὸ κριτικόν, ὃς δοκεῖ μὲν μὴδὲν συνιστάγειν τῷ λόγῳ. τὸ ἀποδοκίμω δὲ ἢ ὑπερπερὶ. Ἀνάγκη γὰρ εἶναι ὃ κριτικὸς τὴν δὲ διορθωτικῆς καὶ ἀναγνωστικῆς καὶ ἐξηγητικῆς. & κακῆτοι δὲ τὰ τὴν κριτικῆς. ὥστε γὰρ ὃ πολὺ κριτικὸς κατὰ τὴν δικαιοσύνην ὡς ἀπὸ τοῦ γινέσθαι εἰ μὴ ἀναγνῶν νόμους ἐπὶ τῇ συνηγορίᾳ ἐπὶ πλείονο χρόνον, ἔπειτα καὶ ἐν τῇ γραμματικῇ ὃ κριτικὸς, εἰ μὴ τὰ τὴν ἀποδοκίμω ἀκριβῶς ἠπίστατο ἐκ ἡδύνατο εἶναι κριτικῆς. ἔπειτα οὖν ὃ κριτικὸς τὴν τὴν σοιητῶν καλῶς ἢ κακῶς. ἢ ἐνδεόντι, ἢ ἐν μὴ δεόντι, ἢ ἐν κακῶς ἢ ἀκακῶς λεχθέντων ἔννοιαν παραδίδει τῷ λόγῳ. καὶ τὴν τῶν αἰτίων ἐκδοκίμω. ὥστε τὸ πᾶν ποιητῆς τὴν εἰς τὸν τῶν δὲ ἀβελίαν τῶν ἐκδοκίμω καὶ ἀποδοκίμω μὴ ὅτι αὐτῶν δὲ ποιητῆς. Et quae plura illic sequuntur. Hujus autem Diomedis Scholiorum, ut id obiter addam, meminit ipse Vossius ad Catullum pag. 226. ac Dionysium Thracem editurum se promittit ad Pompon. Melam Lib. I. cap. 8. pag. 45. Videri merentur quae de Dionysio Thrace, ejusque Interpretibus habet Celeb. Wolfius ad Casauboniana pag. 221. & Fabricius in Biblioth. Graec. Vol. VII. Lib. V. cap. 7. pag. 24. & seqq. ubi ex apographo Holsteniano Dionysii Artem Grammaticam sed sine Scholiastis ejus edidit. Sed ad rem ipsam pergamus. Dionysius igitur Thrax sextam Grammaticae partem statuit *κρίσιν ποιημάτων*, cujus divisionem comprehendit tripartita Grammaticae definitio in *τεχνικὴν* seu *μεθοδικὴν*, *ἐξηγητικὴν* seu *ἰσορικὴν*, & denique *κριτικὴν*. Quarum prima in literarum elementis ac syntaxeos disciplina consistit. Altera in Poëta-
rum Mythologia, & Historiis abstrusis exponendis tota est. Tertia denique, utraque certe praeflantior, latius se extendit; ideoque addit Dionysius de hac parte; *ὃ δὲ κάλλιστον ἐστὶ πάντων ἐν τῇ τέχνῃ.* Versatur enim in spuris versibus Poëtarum a legitimis discernendis, quaeque perperam ab auctoribus dicta castigat, & verba ac sententias sedibus suis transpositas vindicat & restituit. Notabilis hic est locus Senecae Epist. LXXXVIII. *Grammaticus circa curam sermonis versatur, & si latius evagari vult, circa Historias. Jam ut longissime proferat fines suos, circa carmina.* Licet autem Dionysius sex Grammaticae faciat partes, ejus tamen Scholiastes in loco modo prolato quatuor tantum ab antiquis agnitas refert, *Διορθωτικόν*, quae in emendatione auctorum, *ἀναγνωστικόν*, quae in lectione, *ἐξηγητικόν*, quae in enarratione, & denique *κριτικόν*, quae in judicio consistit. Hujus loci priora verba ex MS. etiam exhibet Langbaenius ad Longinum *Ἐκ τῶν* Sect. VI. pag. 40. Ed. Toll. qui sine dubio ea descripsit ex Codice Bibliothecae Bodlejanae, ex quo etiam insignem alterius in Dionysium Scholiastae Porphyrii locum producit ad Sect. IX. pag. 52. & Leo Allatius de Patria Homeri pag. 93. Sed de divisione Grammatices vide plura apud Joseph. Scalig. Epist. 20. & 451. Wouwer. in Polymath. cap. 8. & seqq. & qui has tres partes latius explicat, Andr. Schottum in Tullian. Quaestion. Lib. IV. cap. 2, 3, & 4. ubi in cap. 3. de Critica erudite agit. adde etiam Vossium Lib. I. de Art. Gramm. cap. 6. & quae adnotavit Walchius in Hist. Crit.*

citatores palaestrae, & Magistri tanquam tyranni ipsi imponuntur: cum vero adoleverit, Critici, Geometrae, rei militaris doctores. ἀνδρομένης ὃ κελίνοι, γεωμέτερι, ταυτίνοι. Cebes quoque Socratis discipulus, qui eadem aetate, qua Aeschines, vixit, in elegantissimo illo dialogo, qui τίναξ inscribitur, Criticos pro Grammaticis posuit: nam inter falsae disciplinae cultores, post Rhetores & Dialecticos, post Musicos, Geometras & Astrologos, post Peripateticos, Criticos nominat. Sed & Heraclides Ponticus

Crit. Ling. Latin. cap. 4. pag. 247. Quintilianus autem, qui Grammaticam in duas tantum partes dividit, in recte loquendi scientiam, & Poëtarum enarrationem, latius hanc ultimam partem describit Lib. I. Institut. Orat. cap. 4. his verbis: Haec igitur professio cum brevissime in duas partes dividatur, recte loquendi scientiam & poëtarum enarrationem, plus habet in recessu, quam fronte promittit. Nam & scribendi ratio conjuncta cum loquendo est, & enarrationem praecedat emendata lectio, & mixtum his omnibus judicium est, quo quidem ita severe usi sunt veteres Grammatici, ut non versus modo censoria quadam virgula notare, & libros, qui falso viderentur inscripti, tamquam subdititios submovere familia, permiserint sibi, sed auctores alios in ordinem redegerint, alios omnino exemerint loco. Ubi vide quae hac de re notarunt Turnebus ac Pithoeus: & adde Hadr. Junium in Orat. de Art. Liber. Dignit. post Ejus Epist. pag. 591. & 592. & Politian. in Lamia pag. 460. Operum Ed. Basil. Inde est quod Grammatica ipsa Critica promiscue fuerit dicta, & qui Critici antea, Grammatici deinceps vulgari nomine adpellarentur: ut docere Dionem Chrysostomum Valefius hic notavit, cujus verba sunt in initio Orat. LIII. ὃ μόνον Ἀριστοχῶ, καὶ Κερίτης καὶ ἑτέροις πολλοῖς ὅ ὕστερον Γραμματικῶν κληθέντων, προτέρων ὃ Κριτικῶν. Et sic Theodosius Grammaticus in ἀνecdόταις ad Dionysium Thracem scholiis: Γινώσκουσιν ὃ Κερί ὅτι τὸ παλαιὸν ἡ Γραμματικὴ Κριτικὴ ἐκαλεῖτο, ὡς ὃ κρίνειν τὰ ποιήματα. Notabilis est ejusdem Grammatici ὡς ὅς locus, inter Excerpta Grammaticalia ex eodem Vossii libro a me descripta: Ita enim inquit, ubi de Grammatica agit: Τὸ ὡς ὅτερον ὃ Κριτικὴ ἐλέγετο καὶ οἱ πάντων μετόντες Κριτικοί. Ἀυτοδότη δὲ τις Κυμαῖος συγγραφεὺς ἀνὸς λέγειν, ἐπιγράφειν. Ἀυτοδότης Γραμματικῶς λέξις, καὶ οἱ τότε πότε ἡ Κριτικὴ Γραμματικὴ λέγεσθαι, καὶ Γραμματικοὶ οἱ πάντων μετόντες. Quae tamen verba Criticam manum forte exigunt, quia corrupta videntur. Nam ubi Autodorum Cumanum librum suum inscripsisse Ἀυτοδότης Γραμματικῶς λέξις, & inde Criticam Grammaticam esse dictam, tum qui eam profitebantur, Grammaticos adpellatos esse tradit Theodosius, nomen illius Grammatici forte mendo laborat; Autodorum enim inter Grammaticos, quantum mihi constat, a veteribus, non memoratum opinor, multo minus Criticos ab eo Grammaticos dictos esse; neque de eo quidquam praeter hunc quoque Theodosii locum habet Celeb. Fabricius in Biblioth. Graec. Vol. VII. Lib. V. cap. 7. pag. 54. in capite, ubi de Grammaticis Graecis deperditis agit. Itaque cum haec ostendissem singularis ingenii & eruditionis Viro, mihiq; conjunctissimo, Georgio d'Arnaud. ille ex Clementis Alexandrini loco, cujus verba mox ad initium sequentis capitis exhibemus, censuit pro Autodoro, nomen Apollodori substituendum esse, idque probabili admodum emendatione, praefertim cum eum Cumanum fuisse, & Grammaticum dictum esse, illo in loco tradat Clemens, quae optime cum Theodosii verbis conveniunt. Criticos igitur Grammaticos dictos fuisse ὡς ὃ κρίνειν τὰ ποιήματα tradit Theodosius, cui consentit Eustathius ad Homerum, cujus locus a Casaubono profertur ad Strabon. Lib. IX. pag. 170. Ed. Par. Κελίνας καλεῖσι τὸς κατὰ τὴν γραμματικὴν παράδοσιν εἰδότες κρίνειν τὰ ποιήματα. & hoc est quod a Quintiliano in loco supra adducto, dicitur versus censoria quadam virgula notare, quomodo verum Poetarum Criticum eleganter etiam depingit Horatius in Arte Poët. v. 445.

Vir bonus & prudens versus reprehendit inertes,

Culpabit duos, incommis adlinet arrum

Transverso calamo signum, ambitiosa recidet

Ornamenta, parum claris lucem dare coget,

Arguet ambigue dictum, mutanda notabis.

Fiet Aristarchus.

Isidem in verbis Quintilianus, quibus perfectam Critici descriptionem exhibet, addit porro, Criticos veteres non tantum versus censoria virgula notare, sed & libros, qui falso viderentur inscripti, tamquam

ticus Criticum vocavit Tisiam illum, quem Rhetoricae artis inventorem quidam faciunt. Sic enim Eustathius ad librum Iliados jota, Ἡρακλείδης ὃ φησὶν ὡς τὶ τινὲς κριτικῶν, ὃ ἔστιν ἀκριβεστέρων γραμματικῶν, ὧν ἔστι ἡ Τισίας, ὑπερβαλὼν ἔλεγον εἶναι. Hi non aliud fuisse videntur, quam Ludimagistri, qui legendi scribendique artem pueris tradebant, & poëtas interpretabantur, ac metricae praecepta insinuabant. inde est, quod apud Plutarchum legimus, Grammaticum quendam, a quo Alcibiades librum Homeri poposcerat, cum ille nullum ex Homeri carminibus apud se esse respondisset, ab Alcibiade colapho esse percussum: cumque alter Grammaticus Homeri carmina a se emendata habere se affirmasset: *quid tu*, inquit Alcibiades, *pueros doces litteras? quin potius iuvenes instruis, cum Homerum emendare valeas.* Haec Plutarchus in Alcibiadis vita commemorat. Ex quibus apparet, non interpretationem modo, sed etiam emendationem poëtarum iam tum ad Criticos seu Grammaticos pertinuisse. quare de his Criticis intelligendus videtur locus Ciceronis in Libro IX. Epistola 10. ad Dolabellam. *Profert alter, ut opinor, duobus versiculis expensum Niciae: alter Aristarchus hos ὀβελίζει.* Ego tanquam Criticus antiquus iudicaturus sum, utrum sint ἔ ποιητῆ, ἢ παρεμβεβλημένοι. Caeterum Platonis aetate Grammatici proprie dicebantur, qui legere ac scribere didicerant: nec solis ludimagistris id nomen erat attributum, ut patet tum ex Platonis Philebo pag. 17. tum ex Libro III. de Republica pag. 402. praeceptores autem ipsi διδάσκαλοι dicuntur in fine Libri II. de Republica.

T 2

C A.

Subdititios submovisse familia & loco exemisse: In eo enim Criticorum industria ac cura praecipue versata est, ut libris falso inscriptis, & supposititio titulo insignitis veram ac genuinam redderent epigraphen: Ante tempora enim Regum Alexandriae nullum fere opus adulteratum aut falso inscriptum erat, sed cum illorum aetate multa undique summo studio conquirerentur antiquissimorum auctorum volumina, lucripetarum avaritia novos ac recentes scriptores mutatis titulis pro veteribus venditavit, eodem plane furo; quo artifices, ut pretium operibus majus invenirent, suo marmori adscribebant Praxitelem, aut trito argento Myronem, ut ait Phaedrus. Hinc ad fraudes has detegendas, & a genuinis scriptis falsa ac spuria dijudicanda Critici primum omnem adhibuerunt sollertiam, & in supposititiis legitimo auctori vindicandis occupati fuerunt, atque ita proinde subdititios illos auctores *in ordinem redegerunt*, ut ait Quintilianus, id est ex eo loco, quem inmerito sibi vindicaverant, deturbantur atque inter viles & abjectos abiecerunt, cum contra alios *numero exemerunt*, ut idem subjungit, id est ex inferiori loco, in quem detrusi erant, suo ordini restituerunt. Id egerunt praesertim Demetrius Magnesius libro *περὶ ὁμωνύμων ποιητῶν καὶ συγγραφέων*, & *περὶ συνωνύμων*, de quo vide Menagium ad Diog. Laërt. Lib. I. in vita Thaletis p. m 13. cujus argumenti etiam sunt Simaretti ac Dionysii Sinopensis tractatus *περὶ ὁμωνύμων*. Ejusdem instituti fuit celebre Callimachi Grammatici opus, *πῶς παλαιοῦν συγγραμμάτων*, in quo de inscriptionibus seu titulis librorum disputavit, ac foetus legitimos veris auctoribus adseruit. Vide Casaubon. ad Athenaeum Lib. II. cap. 27. & Lib. VI. cap. 10. & Wouwer. Polymath. pag. 130. in hos autem Callimachi libros scripsisse Aristophanem Grammaticum testatur Athenaeus Lib. IX. pag. 408. ubi dicit, *Ἀριστοφάνης δ' ὁ Γραμματικὸς ἐν τοῖς περὶ τῶν Καλλιμάχου πινάκας*. Similis itidem cum Callimachi opere tituli & procul dubio etiam argumenti fuit inter Latinos Grammaticos Aurelii Opilii libellus *πῶς* inscriptus, qui memoratur a Suetonio in Instr. Gramm. cap. 6. in fine. Idem denique executus est Artemo Cassandrus in libro *περὶ συναγωγῆς βιβλίων*, quo scripta quaeque ad suos retulit auctores. id opus innuit Athenaeus Lib. XII. pag. 515. *ὡς ἰστορεῖ Πάνδος ὁ Λύδης, ἢ ὁ εἰς αὐτὸν τοὺς ἀναφερομένους ἰστορίας συζητοῦντες Διονύσιος ὁ Σκυτλοβόρξαν, ὡς Ἀρτέμων φησὶν ὁ Κασσανδρεὺς ἐν τῇ περὶ συναγωγῆς βιβλίων, ἀγνοῶν ὅτι Ἐφορος ὁ συζητοῦνς μνημονεύει αὐτῶν ὡς παλαιότερα ὄντας.* Vide plura apud Wouwer. in Polymath. cap. 16. & Mauffacum Dissert. Critic. ad Harpocration. pag. 397. & 398.

CAPUT II.

*Grammatici dicti, qui antea Critici. Grammaticorum sectae. primus
Praxiphanes Grammaticus dictus. Grammaticae & Rhetoricae
adfnitas. Critici apud veteres Dionysius Halicarn. &
Isocrates. Critici declamationibus etiam vacabant.
Dorion & Munatius Critici, item Theagenes
Cnidius, ac Marcianus, & praesertim
Dionysius Longinus.*

Inualuit postea Grammaticorum nomen extincto Criticorum nomine, multique
celebres tum in Graecia, tum in Aegypto Grammatici extiterunt, qui etiam
scholae suae successores ac sectam quandam, perinde ac Philosophi, reliquerunt,
qualis fuit Crates, & Callimachus & Aristarchus, ex quorum nominibus Cratetii
(a) & Callimachii & Aristarchii sunt nominati, ut ex Athenaeo discere est. Primus
autem Grammatici nomine appellatus est Praxiphanes Mytilenaeus, Dionysopha-
nis filius, ut refert Clemens Alexandrinus (b) in Libro primo Stromatum. Fuit hic
Theophrasti sodalis, qui Platonis dicta & initium illud Timaei reprehenderat, quem-
admodum refertur a Proclo in Timaeum Platonis. Hujus Praxiphanis Gramma-
tici meminit Dionysius Halicarnassensis in Libro *ᾧ ἐγκυκλίως*, cap. *ᾧ ἐκ συνδέσεως*
λόγῳ. Erant autem ambo ex eadem insula Lesbo: Theophrastus quidem Eresius,
Praxiphanes vero Mytilenis ortus. Ac initio quidem id nomen honorificum fuisse
vide-

(a) De his Grammaticorum sectis vide Wouwer. Polymath. cap. 18. pag. 156. & quae habet Me-
rillius Lib. I. Observ. cap. 2. in fine. Inter hos autem *Aristarchei*, *Aristophanei*, *Cratetel*, *Callimachei*,
& *Zenodotei*, praecipui & maxime illustres fuerunt, ut pluribus ostendit Vir Eruditissimus & Gotinganae
Academiae decus Christ. Aug. Heumannus in Dissertatione de Sectis Grammaticorum, in Tom. III.
Pociles pag. 633. & 634.

(b) Pag. 309. Ed. Heinsii, qui locus meretur hic adscribi: *Ἀπολλόδορος ὁ ἐκ Κυμαίων, πρῶτος ὁ κριτικὸς
ἐκτελέσας τὸ ἔργομα, καὶ Γραμματικὸς ἀποσηγορεύθη. Ἐνίοι δὲ Ἐρατοσθένη τὸν Κυρηναῖον φασίν. ἐπειδὴ ἐξέδω-
κεν ἑπὶ τὸς βιβλία δύο, γραμματικὰ ἐπιγεγραμμένα. ἀνομάσθη δὲ Γραμματικὸς, ὡς νῦν ἀνομάζομεν, πρῶτος Πραξι-
φάνης Διονυσιοφάνους Μιτυληναῖος. Apollodorus autem Cumanus primus Critici nomen suscepit, & adpellatus
est Grammaticus. Nonnulli autem dicunt Eratosthenem Cyrenaeum. Quoniam autem duos edidit libros,
quos inscripsit Grammaticos, nominatus est Grammaticus, sicut nunc nominamus, primus Praxiphanes Dio-
nysophanis filius Mytilenaeus. quae verba in interpretatione Gentiani Herveti pag. 146. Ed. Sylburg. ac-
comodum male distincta & interpuncta sensum turbant, cum sic vertuntur: Quoniam autem duos edidit
libros, quos inscripsit Grammaticos, nominatus est Grammaticus, sicut nunc nominamus. Primus Praxi-
phanes Dionysiphanis filius Mytilenaeus & Zaleucus Locrus primus scribitur leges tulisse. Quod autem Apol-
lodoro vel Eratostheni hic tradit Clemens primum Critici nomen datum fuisse, quasi ab iis primam ori-
ginem duceret Critica, id Aristoteli adscribit Dio Chrysostomus, cuius locum infra initio. Capitis VI.
producit Valesius, in Oratione de Homero LIII. his verbis: καὶ δὴ καὶ αὐτὸς Ἀριστοτέλης, ἀφ' ὃ φασὶ τὴν
κριτικὴν καὶ γραμματικὴν ἀρχὴν λαβεῖν, ἐν πολλοῖς διαλόγοις αὐτοῦ ὅτι ποιητῶν, διέξεσσι θαυμάζειν αὐτοὺς
ὡς & πολὺ καὶ τιμῶν. Vide Maussac. Dissert. Critic. ad Harpocrat. pag. 397. & 398.*

videtur, magnamque haec ars dignitatem habuit, quod praeter caeteros docet Varro in Libro IV. de Lingua Latina (pag. 6. & 7.) *Singulorum*, inquit, *verborum origines expediam: quorum quatuor explicandi gradus: primus, in quo populus etiam venit: secundus, quo Grammatica descendit antiqua, quae ostendit quemadmodum quodque poeta verbum confinxerit, quod declinarit &c.* Tandem vero alterum genus Criticorum exortum est, qui de partibus orationis & de huiusmodi artis minutis scribere dedignati, ad eloquentiam se proprius applicuerunt, non alienam hanc provinciam esse arbitantes: nam cum Grammatica & Rhetorica artes sint confines, semper Grammatici initia quaedam ac veluti praeludia Rhetoricae attigerunt, quod etiam a Suetonio Tranquillo est observatum. Itaque hi Critici praecepta artis Rhetoricae tradere, ac de veterum Oratorum & Historicorum scriptis iudicium ferre instituerunt, hoc solo a Sophistis distincti, quod minime declamarent; prorsus inter Rhetores Grammatici, inter Grammaticos Rhetores erant, ut de quodam Attejo Philologo Grammatico Attejus Capito Jurisconsultus dicere solebat. Huiusmodi fuit Dionysius Halicarnassensis, cuius de Rhetorica egregios Libros habemus, cuius etiam esse Librum illum (a) *ὁ δὲ ἐξηγητής*, qui vulgo tribuitur Demetrio Phalereo, pluribus olim argumentis evici. Scripserat idem de imitatione libros quamplures, qui temporis injuria periere: certe hic Dionysius Critici cognomento afficitur a Gregorio Nazianzeno in Epistola 121. cui concinit Eunapius in vita Porphyrii. Sed & ante Dionysium Halicarnassensem Isocrates quidam Criticus dictus est a Polybio in Legatione 120. eundem postea Grammaticum appellat: sic enim ait in Capite 122. *Legationum, ἑστὸς δὲ ἦν μὴ γεγραμμένος, τὰς αἰρῶσεις ποιημένων* &c. id est, *hic erat Grammaticus ex eorum numero, qui publice solent declamare*: quibus verbis Criticum Polybius aperte designat; nam Critici in hoc praecipue a Grammaticis differebant, quod declamationibus interdum vacabant. Suetonius in Capite IV. de Illustribus Grammaticis: *Me quidem adolescentulo, inquit, repeto quemdam principem nomine, alternis diebus declamare, alternis disputare: nonnullis vero mane differere; post meridiem remoto pulpito declamare solitum.* Sic etiam Isocrates ille factitabat, non solum de propria arte differens & de quaestionibus, quae ad Grammaticam proprie spectabant, sed etiam de republica in schola sua publice declamans: quod quidem Oratoris potius erat quam Grammatici.

Longo post intervallo floruit Dorion Criticus Polemonis Sophistae temporibus, id est circa tempora Imperatoris Hadriani: de quo Philostratus loquitur in vita Dionysii Sophistae (Lib. I. cap. 22. §. 4.) eademque aetate celebris fuit Munatius Criticus Trallibus Asiae oriundus, cuius meminit idem Philostratus in vita Polemonis Sophistae; (Lib. I. cap. 25. §. 7.) sed utrobique (b) *κηλὶς* perperam scribitur, quod interpretem fefellit. Nec omittendus est Theagenes Cnidius, a quo & a Munatio Tralliano Criticam edoctus est Herodes Atticus. Sic enim Philostratus in Herodis vita (Lib. II. cap. 1. §. 14.) *τὰς δὲ κηλὶς τὰ λόγων Θεαγένει τὸ τῷ Κνιδίῳ καὶ Μονατίῳ τῷ ἐκ Τεργιλέων συνεγένετο*: id est, *Criticam vero didicit a Theagene*

T 3

Cnidia

(a) Vide quae notabimus infra ad cap. 8. huius Dissertationis.

(b) Vid. supra Lib. III. Emend. cap. 5. & 7. & Lib. V. cap. 10.

Cnidio & a Munatio Tralliano. quibus verbis non Grammaticam sed artem iudicandi de Orationibus Philostratus intelligit. Sic in vita Pollucis Sophistae κριτικὸς λόγος opponit τοῖς σοφιστικοῖς, cum ait, (Lib. II. cap. 12. §. 2.) τὰ μὲν κριτικὰ ἱκανῶς ἡσκητο πατρὶ ξυγγενόμενον τὰς κριτικὰς λόγους εἰδότες. τὰς δὲ σοφιστικὰς, τόλμῃ μάλλον, ἢ τέχνῃ ξυνέβαλλε &c. id est, Pollux in Criticis quidem satis superque exercitatus fuit: quippe qui patrem habuerit Criticae artis peritum. Fuit & Marcianus Criticus iisdem fere temporibus, qui Bruti epistolas Platonis ac Demosthenis scriptis praeferebat, & pro norma eloquentiae eas proponendas esse aiebat. Hujus meminit Phrynichus in Libro undecimo Oratorii apparatus, cujus Excerpta leguntur in Bibliotheca Photii. Sed omnes superioris memoriae Criticos claritudine nominis obscuravit Dionysius Longinus, qui Gallieni & Aureliani Imperatoris aetate vixit. Hic enim καὶ ἑξοχὴν Criticus cognominatus est teste Suida, eique communi omnium suffragio censura delata est. Quamobrem Hieronymus in epistola 95. ad Rusticum monachum deridens quemdam sui temporis Sophistam, sic ait: Criticum diceres esse Longinum, Censoremque Romanae facundiae, notare quem vellet, & e senatu doctorum excludere. Idem testatur Eunapius (a) in vita Porphyrii, (pag. 13. Ed. Jun.) Λογγίνου δὲ κατὰ τὸ χρόνον ἐκείνον βιβλιοθήκη τις ἦν ἐμφυχθῆ, ἢ πεπατὴν μυθεῖον: ἢ κρῖναι γὰρ τὰς παλαιὰς ἐπετέτακτο, καὶ ὥστε περὶ ἐκείνους πολλοὶ τινες ἕτεροι: ἢ ὁ ἐν Κασίᾳ Διονυσίου πάντων ἀειδηλώτερος. id est, ea tempestate erat Longinus, spirans quaedam Bibliotheca ac vivum iusfacum, cui de veteribus iudicandi potestas permissa erat: quo munere ante illum & alii non pauci, & Dionysius e Caria cunctis illustrior perfunctus fuerat. Denique Porphyrius in vita Plotini Longinum κριτικώτατον appellat, & τὸ ἐν κρείσσει πρῶτον ὄντα ἢ ὑπειλημμένον ἄχει νῦν. id est, qui Criticorum omnium princeps & est & habetur ab omnibus etiam nunc. De his Criticis loquitur Galenus in indice librorum suorum Capite 13. cum ait librum abs se scriptum esse, num idem possit esse Criticus & Grammaticus.

CAPUT III.

*Quando a recentioribus studium Criticae suscitatum fuerit,
& quantum iis debeatur.*

Tertium tandem genus extitit Criticorum haud procul ante nostram aetatem. Initium hujus artis ac studii debetur Graecis, qui fugati irruptione Turcarum, Con-

(a) Eo in loco paucis interjectis subjungit Eunapius insigne Criticae ejus facultatis testimonium pag. seq. εἰ τις κατέγνω τινὸς τῶν παλαιῶν ἢ τὸ δοξαζόν ἐκράτει πρότερον, ἀλλ' ἢ Λογγίνου πάντως ἐκράτει κρίσις. Quod si quis vetustum auctorem aliqua in parte reprehendisset, non prius rata ac firma habebatur sententia, quam Longini illud confirmasset iudicium. & sic Longini κρίσις, ut in hoc Eunapii loco, memorat Theophylactus Bulgariae Archiepiscopus Epist. XVII. Μὴ μοι ἐν τὰς Λογγίνου κρίσεις, περιάπτε, μὴ καὶ δόξης τισιν ἄνευ γὰρ ἢ κατὰ Λογγίνου κρῖναι. Ne mihi igitur Longini censuras adtribuas, ne et ipse nonnullis videaris non secundum Longinum iudicare. Quin & a veteribus Longini κριτικὰ citantur, ut apud Diogen. Laert. Lib. I. in vita Thaletis laudatur Διονυσίος ὁ κριτικός, ubi hunc Dionysium Longinum indicari putabat Casaubonus, licet Menagius illic emendet ὁ χρονικός. Vide plura de eo apud Vossium Lib. II. de Hist. Gr. cap. 16. Jonsium Lib. III. de Script. Hist. Philos. cap. 14. pag. 284. & Langbaenium in Προθεωρία ad Longinum περὶ ὕψους novissimae editioni Tollianae praefixa.

Constantinopoli (a) relicta in Italiam migrarunt, librosque secum & literas Occidentem invexerunt. Ab iis primum excitatum est hoc genus doctrinae ac praecipue a Theodoro Gaza. Quod deinde Politianus, alique in Italia & Gallia amplexi mirum in modum excoluere. Hi non uni eloquentiae addicti, cujusmodi erant secundi ordinis Critici, nec aridissimis artis Grammaticae praeceptis sese exercuerunt, aut Poëtarum interpretatione, quod a primis Criticis factitatum est; sed orbem scientiarum complexi, nullam penitus disciplinam ab se alienam esse judicaverunt: ut infra apertius demonstrabitur. Praecipue tamen in emendandis explicandisque Veterum libris operam suam posuerunt, quod quam feliciter ab iisdem praestitum sit, argumento sunt tot antiqui scriptores, tum sacri tum prophani, Philosophi, Oratores, Poëtae & Historici, qui absque horum opera esset, non modo non intelligerentur a plerisque, sed ne legerentur quidem. Nam fatendum est multa Veterum monumenta, per hos ab interitu esse vindicata. Ingratissimi certe fuimus, nisi tantis hominibus plurimum a nobis deberi profiteamur, qui labore suo & industria perfecerunt, ut jam nobis expeditior sit via studiorum, minusque sit in literis postea laborandum, adeo nobis fere omnia complanata & facilia praestiterunt. Sed quoniam hujus artis studiosos a nonnullis despectui haberi video, pauca de illius usu ac nobilitate dicenda sunt, quibus constet quanti ab omnibus haec ars fieri debeat.

CAPUT IV.

De Criticae praestantia atque utilitate.

U Sus quidem satis ipse per se manifestus est. Nam cum Critica ars sit bene judicandi de scriptis & orationibus cum veterum tum recentiorum, quis est tandem qui hujus artis praesidio non egeat? Huc accedit quod in veteribus libris menda plurima occurrunt, quae lectionis cursum tanquam scopuli morentur necesse est.

(a) Ea enim cum a Turcis anno 1453. capta esset, Graeci, quos inter praecipui fuerunt praeter Theodorum Gazam Emanuel Chrysolaras, Georgius Trapezuntius, Demetrius Chalcondylas, Johannes Lascaris, alique, meliores Literas post quinque fere seculorum Barbariem in Italia iterum excitaverunt, & agresti Latio scientias suas denuo intulerunt, quorum exempla secuti eorum discipuli & bonarum artium eximii instauratores, Hermolaus Barbarus, Johannes Picus Mirandulae Comes, Angelus Politianus, Philippus Beroaldus, Joh. Jov. Pontanus, qui in prima illa Literarum caliginē ceteris facem praetulerunt, & Critices subsidio veterum auctorum monumenta e tenebris eruta, & velut laceras e naufragio tabulas industria sua colligere, & maculas a squalore isto contractas abstergere inceperunt, ac proinde illi antiquis scriptoribus animam tunc aegre trahentibus primi vitam restituerunt, quorum deinceps vestigiis inhaerentes alii non diu post secuti Herōes innumeri pristinum Criticae, & omnis Eruditionis scientiis splendorem ac decus tandem iterum conciliaverunt, quibus unice jam, quod nobis licet esse tam beatis, ut in tanta Literarum luce versari contingat, acceptum referre nos decet. Id pluribus persequitur Theodorus Ryckius in erudita Oratione de Palingenesia Literarum habita Leidae an. 1672. & Jacobus Perizonius in Oratione de Doctrinae Studii post depulsam Barbariem diligentissime excultis &c. pag. 24. & 25. quibus adde elegantissimam Jani Broukhufii praefationem Sannazario praefixam, &, si tanti sint, quae diximus in Orat. Inaug. pro Criticis pag. 22. & 23.

est. Multae quoque variae lectiones, quas *διτρογες* vocant, sese offerunt, e quibus optimam eligere perquam difficile est. Multae denique difficultates tum ex obscuris vocibus, tum ex rerum ac sententiarum obscuritate nascuntur. Adeo ut nemo unquam ex tantis salebris expedire se facile possit, nisi Criticae beneficio tanquam Ariadnae filo adjuvetur. Polybius gravis auctor inprimis alicubi monet, sic nos ad Historiae lectionem accedere oportere, ut meminerimus nos eorum, quae legimus, iudices esse ac censores. Idem in lectione Poëtarum & Oratorum & cujusque generis scriptorum, a nobis faciendum est, cavendumque praecipue est, ne animo praeoccupato atque addicto, ac prae verecundia submisso, ad legendum accedamus: neve auctoritatem ac vetustatem scriptoris nobis imponere atque illudere patiamur. Solis Divinis (a) libris hic honos habeatur, ut animo quasi in servitutum redacto, & iudicii nostri libertate abjecta eos perlegamus. De caeteris vero omnibus assuescamus inter legendum iudicium ferre: quoniam hic praecipuus lectionis fructus est, animadvertere quid commode, quid perperam dictum sit, ut hoc fugere, illud vero imitari possimus. Equidem Criticam appellare soleo faciem ac lampadem reliquarum artium, quam qui semel est adeptus, hic non modo tutius per omnes disciplinas incedit, sed etiam longe majores facit progressus quam caeteri. Quod si maximos & celeberrimos tum antiquitatis tum recentioris memoriae scriptores percensere velimus, inveniemus profecto neminem eorum absque hujus artis subsidio ad doctrinarum apicem & ad tantam gloriam pervenisse. Ac ne id temere affirmasse videamur, operae pretium fuerit allatis singillatim exemplis rem ostendere, quo Criticae artis usus simul ac nobilitas luculentius appareat.

C A.

(a) Nescio an his in verbis plane ex animi sententia loquatur Valesius. Nam quod ad sensum & res ipsas, quae sacris continentur paginis, adtinet, iis honorem hunc & reverentiam ab omnibus, qui bonae menti litant, deberi nemo sanus, ut opinor, in controversiam vocare sustinebit. Sed quoniam de Critica ejusque praestantia hic agitur, nemo etiam usum illius modestum & opportunum a divinis libris procul arcendum esse contendet, quos qui describendo ad posteritatem transmiserunt, manus habuerunt aequae ut ceteris aliorum Auctorum librariis contigit, erroribus & scripturae vitiis obnoxias, quibus eximendis Viri doctissimi sincerae Critices subsidio feliciter usi sunt. Notabilia sunt Isaaci Vossii verba in notis ad Catullum pag. 241. ubi non sine sale eos reprehendit, qui id negant: *Passim & in omnibus etiam sacris id observare licet scriptoribus, ut ubi similia aut eadem occurrant vocabula, omittantur a librariis ea, quae in medio ponuntur.* Nemo doctus haec nescit aut negat, fuit tantum & inepti aliquot homines, qui tamen Theologi videri cupiunt, haec non admittunt, libenterque sacros libros ab hac labe immunes velint, ac propterea sanctos & ἀγίαστους quosdam fingunt sibi librarios, quales tamen nemo hactenus aut vidit, aut videbit unquam. Sed modestius hoc adserit Casaubonus in Casaubonianis pag. 67. his verbis: *Litterae quidem sacrae, hoc est & vtriusque testamenti ἀφθάρτα sunt, & nulli depravationi obnoxia; at lingua, quae litterarum illarum veluti φόρη est, quin aliquam labem aut labeculam sed sine detrimento τῆς vtriusque acceperit longi temporis tractu, non est, ut puto, dubitandum.* In Graeco res manifesta: multa leviter immutata, quaedam gravius tentata, sed sic ut veritas inconcussa maneret. In Hebraico cur dubitemus? nonne tota Maiores certissimum ejus rei testimonium praebet? Id pluribus ostendit Perizonius in Animadvers. Histor. cap. 10. pag. 410. & seqq. ubi de Critices usu in sacris Literis erudite disserit.

CAPUT V.

*Socrates & Plato Critici primi. Socrates primus Etymologias
investigari docuit. Andromachus & Horus Grammatici
inter Etymologicos. Regulae de ratione judicandi.
Socratis scripta maxime Platoni tribuenda.*

A Socrate igitur & Platone exordiar, quibus parentibus & auctoribus Critica non immerito gloriatur. Eximium Criticum fuisse Socratem docent Platonis Dialogi complures. Sed prae caeteris ille, qui Cratylus inscribitur, in quo de recta nominum impositione & de veriloquio seu origine vocabulorum, quam Graeci *ἐτυμολογίαν* vocant, suo more disputat. Sed & alibi originem nominum ac proprietatem frequenter indagat: verbi gratia, cum in Phaedro *ἔρωτῶ* vocabulum derivat *ἐκ τοῦ ἔρως*: & cum *ἐκ τοῦ τῆς μανίας* dictam esse *μανικὴν* ibidem affirmat. Ac mihi quidem videtur Socrates primus viam ac methodum aperuisse Grammaticis investigandae Etymologiae: quod etiam a Dionysio Halicarnasensi in libro de collocatione verborum, & a Favorino Philosopho apud Laërtium annotatum est. Nam ante illum Tragici quidam Poetae obiter tantum ac veluti alludentes originem nominum apposite ad suum argumentum exprefferant, quemadmodum Aeschylus in Aetna de Palicis loquens, & Euripides in Philocteta de Apolline: eorum versus in Lib. I. (cap. 17.) & Lib. V. (cap. 19.) Saturnalium Macrobiani reperiet qui voluerit. Sed Socrates eam Grammaticae partem uberius explicuit, viamque praeivit Etymologicorum scriptoribus: inter quos celeberrimus fuit Andromachus (a) in Scholiis Homericis nominatus, & Horus Grammaticus, quem quidem Auctor magni Etymologici saepenumero appellat. Neque vero est, quod quisquam mihi objiciat, Socratem non ut Grammaticum, sed perinde ac Philosophum, hoc argumentum tractavisse; quod innuere videtur Varro in Libro IV. de Lingua Latina, (pag. 7.) ubi de origine verborum sic ait, *tertius gradus est quo Philosophia ascendens pervenit* &c. Nam tametsi philosophandi consilio de his egerit, non tamen absque Criticae praesidio. Annon haec aperte Criticum sapiunt, cum de Apollinis vocabulo differit: *ὥσπερ ἐν τῷ ὁμοκλήσθων ἢ ὁμόκοιτιν, ἀκόλυσθων ἢ ἀκοιτιν ἐκαλέσασθαι, μεταβάλλοντες ἀντὶ τῆς ο, α, ἔτι καὶ Ἀπολλωνοῦ ἐκαλέσασμεν, ὅς ἦν ὁμοπολῶν, ἕτερον λ ἐμβάλλοντες.* Ad Criticam quoque referenda sunt pleraque, quae in Gorgia & in Jone leguntur; in quibus Dialogis de Rhetorica & de Poëtico charactere

V

So-

(a) Hujus Andromachi *Ἐτυμολογικά* citat Didymus in Scholiis ad Homer. Jl. N. v. 130. cujus locum in animo habuit Valesius. Hori autem Alexandrini Grammatici saepe meminit Stephanus Byzantinus, ejusque Orthographiam ad partes vocat in voce *ταῖς*. & sic Hori Mitesii Etymologicum MS. citat Fulv. Ursinus in notis ad Festum pag. m. 3. Vide Fabric. Biblioth. Graec. Vol. VII. pag. 67. Horum Grammaticum etiam inter alios loquentem introducit Macrob. Lib. II. Saturn. cap. 2. Ceterum quae hic in initio capitis de Socratis & Platonis peritia in Etymologicis, quae maxime ex Cratylō ejus Dialogo elucet, Valesius notavit, eadem fere, & adductis iisdem Dionysii Halicarnassei ac Favorini apud Laërtium locis, etiam observavit Wouwerius de Polymath. cap. IX. p. 59. ubi & plures Etymologiarum Scriptores veteres recenset.

Socrates disputat. Sed illustrissimum Critici specimen edidit in Dialogo qui Phaedrus inscribitur. Ibi enim cum Orationem Lysiae, cui titulus erat λόγος ἐρωτικός; diligenter examinat, tum de his, qui artem dicendi conscripserant, Theodoro scilicet, Polo, Tisia, aliisque rectissime judicat: quod quidem proprium esse Critici officium supra ostendimus. Duas etiam rationes seu regulas nobis insinuat, quibus de qualibet oratione, quam aut legimus, aut audimus, recte judicare valeamus. Prima ducitur ex comparatione; nam cum orationem, quam prae manibus habemus, contulerimus cum veterum scriptis, qui idem aut simile argumentum tractaverunt, tum si forte inveniamus, veteres multo plura & meliora dixisse, recentiore illam minime admirabimur. Sin contra eandem copiam sententiarum, paremque verborum elegantiam in nostri temporis oratore perspexerimus, non minus honorifice de ejus opere quam de vetustiorum scriptis sentiemus. Quin etiam nosmet ipsos consulere possumus, utrum lectis atque auditis plura ac meliora proferre possimus. Altera ratio judicandi ducitur ex artis praeceptis, cum examinamus an inventio recta sit, numquid in dispositione peccetur; an orationis partes sibi invicem apte cohaereant, an dispectae dissipataeque sint sine ordine ac ratione. Omnis enim oratio, ut eleganter ait Socrates, tanquam corpus quoddam debet esse, & habere media atque extrema ita descripta atque disposita, ut & sibi invicem singulae partes & toti corpori pulcre conveniant. Nullumque majus vitium est orationis, quam cum parum aut nihil refert an prima secundo, ac secunda primo loco posueris. Cujusmodi epigramma erat illud in monumento Midae, quod ibidem refert Socrates. Denique judicium illud Socratis de Isocrate, quem Lysiae valde anteponit, abunde demonstrat qualis quantusque Criticus fuerit Socrates. Socratem porro quoties dico, Platonem simul intelligi velim. Nam tamen si Plato nihil suo nomine edidit, sed omnia ad Magistrum Socratem retulit, constat tamen eorum, quae a Socrate dicuntur, laudem maxima ex parte Platonis ingenio deberi. Porro Platonem peritissimum fuisse judicem ac censorem Poëtarum docet Proclus in Libro I. Commentariorum in Timaeum. Εἴπερ γὰρ τις ἀλλοῦ καὶ ποιητῶν ἀρετὴς καὶ κριτῆς ὁ Πλάτων ὡς καὶ Λογίων συνίστησιν. Ἡρακλείδης γέν ὁ Ποντικός φησὶν ὅτι τῷ Χοιρίδῃ τότε ἀδοκιμούντων, Πλάτων τὰ Ἀντιμάχου πρετίμησε, καὶ αὐτὸν ἔπεισε τὸν Ἡρακλείδην εἰς Κολοφῶνα ἐλθόντα, τὰ ποιήματα συγγέσαι ᾧ ἀνδρὶ. μάλιστα δὲ φληναφῆσαι. Κατὰ δὲ τὸν Ἀντιμάχου καὶ Δέξιου, ὡς Πλάτων ἐκ ἀντὶ ἰκανῶς κρίνειν ποιητῶν.

CAPUT VI.

Aristoteles Criticorum princeps. Opera ejus Criticam spectantia.
Ilias Homerica ab eo emendata, ejusque editio
e narthecio dicta.

A Platone veniamus ad Aristotelem, a quo Criticam & Grammaticam initium sumfisse docet Dio Chrysostomus in Oratione LIII. Hic in omni doctrinae ge-

genere princeps Criticam quoque non leviter attigit, ejusque argumenti varios libros reliquit. Nam de Poëtis libros tres, de Tragoediis unum, Homericarum Quaestionum libros sex scripserat, teste Diogene Laërtio, qui temporis injuria perierunt. Superfunt etiam ejus de Arte Rhetorica libri tres, & de Poëtica singularis liber, qui abunde possunt ostendere illum Criticae artis peritissimum fuisse, quippe qui non modo in universum de arte Rhetorica & Poëtica, earumque generibus & partibus, sed etiam de Cratorum ac Poëtarum operibus adeo accurate judicaverit. Certe qui post illum de Rhetorica arte scripserunt, ut Cicero, Dionysius & Quintilianus, omnes ex illius uberrimis fontibus hortos suos irrigaverunt. Quin etiam Homeri (a) Iliadem ab eo emendatam tanti fecisse dicitur Alexander, ut eam sub pulvinari semper habuerit: eaque editio vulgo *e Narthecio* cognominabatur, cunctisque merito editionibus praeferebatur.

CAPUT VII.

Theophrastus Criticus, & Menandri praeceptor. Scripta ejus Critica.

SUCCESSOR Aristotelis Theophrastus pari diligentia Criticam excoluit. Docent id complures ejus libri qui a Diogene Laërtio referuntur. Duos enim libros de Poëtica, unum de metris, unum etiam de Comoedia scripserat. Menandri quoque celeberrimi Comoediarum scriptoris praeceptorem illum fuisse, ab eoque Menandrum Comoediae praecepta hausisse, auctor est Pamphila. Memorantur etiam ejus libri de Soloecismis, item de arte Rhetorica, & de judiciali genere orationum. Quorum librorum vel tituli ipsi satis indicant Theophrastum in Critica arte valde exercitatum fuisse.

V 2

C A.

(a) Criticam in Homerum forte exercuit Aristoteles in Dialogis de Homero, quos citat Dio Chrysostomus in loco a Valesio hic in initio capitis designato, cujus verba sunt: *Καὶ δὴ καὶ αὐτὸς Ἀριστοτέλης, ὁφείδει φασὶ τὴν Κριτικὴν καὶ Γραμματικὴν ἀρχὴν λαβεῖν, ἐκ πολλοῦ διαλόγου περὶ τοῦ ποιητῆ. διέξοιτε θάρμα. ζῶντων αἰς τὸ πολὺ καὶ τιμῶν* Ubi quod dicat secundum nonnullos ab Aristotele initium deducere Criticam & Grammaticam, id ab aliis Apollodoro Cumaeo aut Eratostheni adscribi, ex Clemente Alexandrino supra notavimus ad Cap. 2. neque monere id neglexit Wouwerius de Polymath. cap. XVIII. p. 155. Ita Aristotelis Criticae in Homericis versu censurae & emendationis meminit Scholiastes Theocriti Idyll. I. v. 34. Scripsit enim *Ἀπορήματα Ὅμηρικά*, de quibus vide Menagium ad Diog. Laërt. Lib. V. p. 115. Celeberrima autem fuit Homericæ Iliadis *ἔκδοσις* ab Aristotele emendata, cujus editio *ἐκ τῆς Νάρθηκος* seu *e Narthecio* vocata fuit, quoniam Alexander, cui illam dedit Aristoteles, eam curavit opera Callisthenis & Anaxori usus, & in narthecio, quod inter spolia Persarum acceperat, eam reconditam habuisse & secum circumduxisse fertur. vid. Casaubon. ad Strabon. Lib. XIII. p. 224. b. Kusteri Hist. Critic. Homer. pag. 15. & 99. Joh. Rudolph. Wetstenii Dissert. de Script. Homer. § IV. pag. 151. & Fabric. Biblioth. Graec. Lib. II. cap. 2. pag. 271. Ad exemplum vero Alexandri & Aristotelis Homerum deinde emendavit Rex simul & Criticus Cassander Macedo, qui Iliadem & Odysseam non ex publicis & vulgatis codicibus, sed propria industria descriptas emendavit; de quo vide Casaub. ad Athenaeum Lib. XIV. cap. 3. p. 564.

CAPUT VIII.

*Demetrius Phalereus Criticus, ejusque scripta. An auctor sit
libri περὶ ἑρμηνείας? Tertullianus notatus.*

INter Criticos numerandus etiam est Demetrius Phalereus, Theophrasti auditorum celeberrimus. Ejus de Iliade libros duos, ac de Odyssaea libros quatuor, itemque Dialogum, qui Homericus inscribebatur, Diogenes Laërtius commemorat. Idem de Rhetorica libros duos aliaque ingenii sui monumenta reliquerat, ex quibus κριτικώτατον illum fuisse liquido constat. Circumfertur ejus nomine liber περὶ ἑρμηνείας, qui si revera ejus esset, nullo praeterea argumento egeremus, ut Criticum fuisse Demetrium probaremus. Sed jam pridem certissimis argumentis (a) convicimus eum librum non Demetrii Phalerei, sed a Dionysio Halicarnasseo scriptum fuisse. Quibus hoc etiam addi velim; Scribit auctor ejus libri, Comoedias olim Attico sermone ut plurimum scriptas fuisse, Tragoedias autem Dorico ὡς ἐπὶ τὰ πολὺ ἑκαμῶδον Ἀττικῇ. Ex quibus verbis manifeste apparet, ejus scriptoris aetate Comoedias Graece scribi atque actitari desiisse. Nam si tunc temporis Comoedia adhuc erat in usu & in honore apud Graecos, quid causae erat cur diceret, ἑκαμῶδον, quo tempore res vetustior & a nostra aetate remotior designatur. Proinde Demetrius Phalereus illius libelli auctor esse non potest, cujus temporibus Comoedia cum maxime Athenis florebat, & Menander pulpita quatiebat. Paene omiseram hunc Demetrium Phalereum a Tertulliano in Apologetico (cap. 18.) dici *Grammaticorum omnium probatissimum*. Quod equidem per errorem a Tertulliano scriptum existimo. Etsi enim Criticae peritissimus fuit Demetrius non ideo tamen Grammaticus fuit appellandus, quippe qui non huic solum disciplinae sese applicuerit.

C A.

(a) Ea de re sententiam suam exposuit Valesius, & argumentis ex ipso περὶ ἑρμηνείας auctore petitis probavit in notis ad Excerpta Peirescian. pag. 65. & 66. & ubique fere in scriptis suis sub Dionysii Halicarnassensis nomine librum hunc περὶ ἑρμηνείας ad vocat, qui Demetrio Phalereo vulgo attribui solet, vid. Lib. I. Emend. cap. 2. & cap. 30. Lib. II. cap. 6. & supra Lib. I. de Critic. cap. 2. & alibi. Valesii sententiae subscribit, & Dionysio Halicarnassensi libellum hunc adferit etiam Menagius ad Diog. Laërt. Lib. I. pag. 37. & Lib. V. pag. 129. & 131. Edit. Lond. tum in Observationibus Italicis ad Amintam Tassi v. 15. pag. 141. In eadem tamen opinione jam dudum ante Valesium & Menagium fuerunt Politianus & Musurus, ut eleganter ad Politiani Epistolam observatum est ab Historiae Literariae peritissimo Moneta (de la Monnoye) in Tom. III. Menagianor. pag. 580. & seqq. cui res extra omnem dubitationis aleam posita videtur. Maxime autem id colligunt ex Scholiaste Aristophanis in Νεφέλαις v. 400. Σέως ἔστιν ἐν τῇδε τῇ ἀπορίᾳ, ὡς ἔφη Διονύσιος ὁ Ἀλικαρνασσεύς ἐν τῇ περὶ ἑρμηνείας, ex quo loco id etiam adfirmat Isaacus Vossius notis ad Catullum pag. 153. Probabilior tamen videtur sententia illorum, qui putant confusos esse duos Demetrios, & aureum hunc libellum adjudicandum censent Demetrio, non Phalereo, sed Alexandrino Rhetori, id quod prolixè ostendit Vossius Lib. VI. Institut. Orator. Cap. II. §. 2. in qua etiam opinione fuerunt Muretus, Thomas Galeus, & Joh. Hudsonus; quibus merito calculum suum adjecit Celeberrimus Vir, sed magno bonarum artium detrimento, nuper defunctus, Joh. Alb. Fabricius in Biblioth. Graec. lib. IV. cap. 31. Vide etiam quos super hac re laudat Vir summus, & quem Germania merito hodie inter Eruditorum principes numerat, Joh. Christoph. Wolfius in notis ad Casauboniana pag. 249 & 250. Quod autem Valesius in fine capituli Tertullianum erroris arguat, quia Demetrium *Grammaticum* adpellat, idem fere notavit etiam Scaliger ad Eusebium p. 133. b. qui dicit Tertulliano parum notas fuisse Demetrii dotes, qui eum duntaxat *Grammaticorum probatissimum* vocat, sed *Grammaticum* pro Critico promiscue usurpavit Tertullianus. [vide Valesium supra cap. 1. & 2.]

CAPUT IX.

*Heraclides Ponticus Criticus. Liber de Allegoriis Homericis
auctorem habet juniorem Heraclidem. ὑπόνοια pro allegoria.
Scripta Critica Heraclidis Pontici.*

UIT etiam inter Criticos Heraclides Ponticus, qui multa de arte Grammatica & de Rhetorica scripsit. Nam de Homero & Archilocho libros duos, de solutione Quaestionum Homericarum binos item libros, totidemque de Homeri & Hesiodi aetate scripsisse perhibetur a Laërtio. Certe Dio Chrysostomus in Oratione LIII. Heraclidem Ponticum inter eos recenset Philosophos, qui de Homero scripsere, eumque laudibus atque admiratione prosecuti sunt. Extat hodie Heraclidis (a) liber de Allegoriis Homericis, sed ab altero Heraclide multo recentiore conscriptus. In eo enim libro Crates Grammaticus & Herodicus Cratetis auditor, & Callimachus & Aratus nominantur, quos constat longe post Heraclidis illius veteris aetatem floruisse. Ad haec ἀλlegorias nomen, qui titulus est libri, inter recentiora ponit Plutarchus in libro de lectione Poëtarum, cum antiqui ὑπόνοια pro eodem dicere solerent. Sic certe loquitur Plato in Libro II. de Republica sub finem. ἡγεῖς δὲ δεσπότης &c. & Philo de Essenis scribens. Scripserat etiam Heraclides Ponticus teste Laërtio de Poëtica & de Poëtis librum unum. De tribus Tragicis, id est Aeschilo, Sophocle, & Euripide librum unum; itemque de arte Rhetorica dialogum, qui Protagoras inscribatur, ut non immerito in Criticorum theatro locum sibi vindicet.

V 3

C A.

(a) Heraclidi Pontico librum hunc Allego-
riarum Homericarum adtribuit Gesnerus, cujus error a viris doctis jam abunde notatus est. Quod existimet Valesius auctorem illius scripti fuisse Heraclidem Junio-
rem, qui Caligulae, Claudii, & Neronis tempore vixit, in eo sibi adfentientem habet Vossium Lib. I. de Hist. Gr. cap. 9. Certe eandem ob causam quia scilicet in eo multi, qui post Heraclidis Pontici aeta-
tem vixerunt, citantur, foetum hunc ipsi abjudicat etiam Menagius ad Diogen. Laert. Lib. V in Hera-
clide pag. m. 132. Sed & huic argumento addit Galeus, qui Allegorias has inter Opuscula Mythologica
& Physica edidit, in initio notarum; pag. 407. Heraclidem illum veterem fuisse Platonicum, hunc
autem Allego-
riarum auctorem non tantum non inter Platonicos esse referendum, sed & contra Platonem
hanc disce-
pationem scripsisse. Illum autem antiquum Heraclidem Ponticum innui puto a Proclo Lib. I.
Comment. in Timaeum Platonis, cujus locum supra in fine capitis quinti produxit Valesius. Ceterum
Leo Allatius, Lucas Holstenius, alique auctoritate Codicum MSS. *Heraclitum* non *Heraclidem* vocan-
dum esse libelli hujus auctorem existimant, quorum sententiam sequitur Celeb. Fabricius in Biblioth.
Graec. Lib. I. cap. 22. vide & Kusteri Hist. Critic. Homer. Sect. VII. pag. 119. Praeter libros autem
de Poëtica & Poëtis, de tribus Tragicis, & de Arte Rhetorica, quos in fine capitis memorat Valesius,
etiam plurima alia scripserat Heraclides Ponticus, quae recenset Joh. Ionsius in erudito opere de Script.
Hist. Philos. Lib. I. cap. 17. Alius Heraclides Criticus seu Grammaticus citatur a Stephan. Byzant. in
voce Μόψα ἑστία. alius item est Ἡρακλείδης Κρήτης, cujus opus οὐκ ἔστιν ἐν τῇ Ἑλλάδι πόλει citat Apol-
lonius Dyscolus Hist. Mirab. cap. 19. ut recte pro Ἡρακλείδης Κρητικός legit Olearius ad Philostrat.
Lib. II. de Vitis Sophist. XXVI. pag. 612.

CAPUT X.

*Democritus Abderita Criticus, qui de HomERICA poësi scripsit.
Poëtas adflatu divino agitari. Democriti scripta.*

HOs omnes aetate antecessit Democritus Philosophus, vir in omni disciplinarum genere egregie versatus, qui idcirco πένταθλος cognominatus est. Hunc ut in Criticorum album referamus, multa sunt quae persuadent. Librum enim scripsit de HomERICA poësi, quem inscripsit, πρὸς Ὀμήρου ἢ ὁρδοεπείας ἢ γλώσσεων. Cujus principium esse videtur quod refert Dio Chrysostomus in Oratione LIII. de Homero: Ὀμηρος φύσεως λαχὼν θεαζέσης ἐπέων κόσμον ἐτεκτάνετο παντοίων: quasi, inquit Dio, adeo pulcra & prudentiae plena carmina sine adflatu ac furore quodam divino fieri minime potuerint. Certe ea fuit Democriti opinio, quam deinde secutus est Plato in Phaedro & in Ione Dialogis, Poëtam bonum neminem sine inflammatione animi existere posse, & sine quodam afflatu quasi furoris, ut testatur Cicero in Libro II. de Oratore. Scripsit item de Poësi (a) & de venustate carminum & de Rhythmis, & de verbis quae bene & quae male sonant & Vocabularium. Postremo hic videtur esse omnium primus, qui de glossis Homeri, id est, de peregrinis & a communi usu remotis vocabulis scripsit.

CAPUT XI.

*Isocratis Critica facultas in Oratione, quae Busiris inscribitur,
& quid ea contineatur.*

INter Criticos commemorandus etiam est Isocrates. Nam cum vel praecipuum Criticae officium sit de Orationibus, deque earum vitiis ac praestantia ferre iudicium, summum ejus artis specimen edidit Isocrates, in elegantissima illa Oratione, quae Busiris inscribitur. In qua Polycratem Atheniensem reprehendit, qui, cum laudationem Busiridis & Socratis accusationem scribere esset aggressus, in utraque Oratione longe ab Oratoris officio aberraverat. Et in laudatione quidem Busiridis id reprehendit Isocrates, quod cum hospites a Busiride tantum esse mactatos alii dixissent, Polycrates etiam devoratos ab eo esse prodiderat. Cumque id potius refutare tamquam calumniam & poëticam fabulam debuisset, ultro confessus in eo, quem lau-

(a) Vide Diogen. Laërt. Lib. IX. Sect. VII. pag. 249. ubi inter multiplicia ejus scripta enumerat: πρὸς Ὀμήρου ἢ ὁρδοεπείας, καὶ γλώσσεων. πρὸς ποιήσεως, πρὸς καλλισύνης ἐπέων, πρὸς ἰνδρῶν, πρὸς εὐφώνων καὶ δυσφώνων πρῶτα γράμματα πρὸς ῥημάτων, Ὀνομαστικόν.

laudandum susceperat, aliorum Heroum, qui longe graviora facinora perpetraverant, exemplis allatis, hoc Busiridis scelus excusaverat. Reprehendit praeterea etiam quod Busiridim, & Orphei & Aeoli facinora aemulatum esse dixerat Polycrates, quorum tamen patres Busiridis temporibus nondum nati erant. Denique id arguit quod Nili fluminis cursum a Busiride detortum & circa universam Aegyptum circumductum esse dixerat, cum id prorsus incredibile & a veritate alienum esset. Et haec quidem de laudatione illa Busiridis, quae a Polycrate scripta fuerat. De accusatione autem Socratis pauca admodum dicit Isocrates. Illud duntaxat in ea reprehendens, quod Polycrates Alcibiadem Socrati discipulum dederat, quem virum maximum ac praestantissimum fuisse omnes confitentur. Quod si id unum in illa Socratis accusatione peccaverat Polycrates, nihil vetat quin Orationem illam excellentissimam fuisse credamus. Caeterum quod in argumento Orationis illius Isocrateae scribitur, hanc ipsam Orationem Anyto ac Melito a Polycrate esse subministratam, ab iisdemque in iudicio pronunciatam, cum Socratem capitis accusarent, probare non possum, tamen si Hermippus alique idem scripserint, ut refert Diogenes Laërtius. Etenim Isocrates eam accusationem a Polycrate scriptam fuisse innuit post Socratis interitum exercendi atque ostentandi ingenii causa, quod ex iis verbis, quae in Busiridis laudatione posita sunt, satis apparet, τοιγαροῦν, εἰ γέναιτο ἐξ ἐστία τοῖς τετελειωμένοις βελούσαός, πρὸς τὴν εἰρημνίαν, ὃ μὲν, χάριν δὲ εἰδείν σοί. id est quod si jam defunctis facultas daretur de tuis Orationibus statuendi, alter, id est Socrates, tibi gratias ageret. Alterum hujus rei argumentum est non minus validum, quod scilicet Polycrates in ea Oratione murorum Atheniensium a Conone resectorum mentionem fecerat, ut testis est Favorinus in Commentariis: quod quidem sex annis post Socratis mortem contigerat. Qua ratione adductus Favorinus orationem illam Polycratis falsam & subditiā esse pronunciaverat, cum potius id quod dixi, concludere debuisset, post Socratis necem ab otioso Sophista conscriptam fuisse.

CAPUT XII.

Ciceronis facultas Criticā. Atticum & Asiaticum dicendi genus quale. Criticum acumen in causis dijudicandis utile.

ISocratis mentio admonet me ut de Marco Tullio dicam, quem Criticae peritissimum fuisse tot Rhetorici ejus libri declarant, in quibus de Oratoribus tam Graecis quam Latinis, tam praeis quam recentioribus egregie judicat. Vel unus ejus liber, qui *Brutus* inscribitur, abunde testatur id quod dixi. Sed & in Libro II. de Oratore, de Historicis Graecis ac Latinis judicantem Antonium inducit, & quid in Graecorum libris de arte dicendi desideraretur docentem. Atque ut breviter absolvam, nego quemquam in eloquentia posse excellere, qui Criticae peritiam

tiam non sit adeptus. Graeci quidem Oratores id praecipue studuerunt ut Attice dicerent. Quis est autem qui Attice possit dicere, nisi Atticam loquendi rationem perdidicerit. Atqui de Atticis dictionibus disserere proprie Criticorum est, ut patet ex Dionysii Halicarnassei Lexico & Pollucis Vocabulario: atque ob id praecipue Criticam artem addiscebant qui ad eloquentiam aspirabant, ut de Herode Attico superius dixi. De Attico (a) genere dicendi disputat Cicero in Oratore (cap. 26.) cui opponitur Asiaticum, quod laxius erat ac redundantius. Strabo *Ἀσιατικὸν εἶδος* Graece vocat. Deinde plerumque in iudicio quaeritur non an res facta sit, sed quomodo sit vocanda, ut in causa Caji Norbani, quem Sulpicius accusaverat. Antonius, qui Norbanum defendebat, pleraque eum fecisse fatebatur, quae

(a) De differentia inter Atticum & Asiaticum dicendi genus egregie agit Quintilianus Lib. XII. Institut. cap. 10. ubi haec inter alia: *Et antiqua quidem illa divisio inter Asianos atque Atticos fuit, cum hi pressi & integri, contra inflati illi & inanes haberentur, & in his nihil superflueret, illis iudicium maxime & modus deesset.* & paullo post: *Attici limari quidem & emuncti nihil inane aut redundans ferebant. Asiana gens tumidior aliqui atque iactantior: vaniore etiam dicendi gloria inflata est.* Julius Severianus loco ab aliis etiam prolato in Praefat. ante Syntom. artis Rhetoric. p. 303. Ed. Fr. Pithoei: *Atticorumne nobis sequenda sit aetio (dictio rectius Vossius) qui breves adstrictique & acres sunt &c. An imitanda nobis sit Asianorum licentia, qui vagi ac fusi rapere potius affectibus quam disputationibus persuadere didicerunt. Sit tamen Romanus orator Asiatico pressior, Attico copiosior.* Atticum igitur dicendi genus adstrictum, & pressum erat & nihil ineptum ac superfluum habebat, cum contra Asiaticum esset tumidum, inflatum, ac redundans, quod Ciceroni ipsi objecerunt ejus obrectatores. Auctor de Caussis Corruptae Eloq. cap. 18. *Satis constat nec Ciceroni quidem obrectatores defuisse, quibus inflatus & tumens nec satis pressus, supra modum exultans & superfluous, & parum Atticus videretur.* Sic recte emendatum a viris doctissimis Ursino ac Lipsio; nam quod antea legebatur, *parum antiquus*, sensu destituebatur. Asiaticum dicendi genus cum Ionico idem esse, quia Jones copiosus & *μακρολόγος* fuisse testantur veteres, purat M. Vossius ad Catullum p. 137. Respicit huc Petronius, cum *ventosam & enormem loquacitatem ex Asia Athenas commigrasse, & juvenum animos veluti pestilenti quodam sedere adflasse* dicit in cap. 2. Satyr. ubi vide notas Styli autem Asiatici primum auctorem fuisse Hegesiam Magnesium ex Strabone notavit Vener. Patruus meus ad Quintilian. d. c. in initio. qui Hegesias idem est quem inter alios memorat Dionysius Halicarn. de Structur. Orat. Sect. IV. p. 40. Ed. Lond. Asiaticorum vero Oratorum dicendi genus ut inane ac tumidum damnavit etiam Augustus, ubi Antonii dictionem increpat, apud Sueton. in ejus vita cap. 86. *An potius Asiaticorum oratorum inanibus sententiis, verborum volubilitas in nostrum sermonem transferenda.* de Asiaticis Oratoribus, quos inanes & inflatos Quintilianus vocat, intelligendum sit illud notissimum, sed variis conjecturis vexatum Virgilii Epigramma in Tullium Cimbrum Rhetorem, quod in Pithoei & Scaligeri Catalectis legitur:

*Corinthiorum amator iste verborum,
Iste, iste Rhetor &c.*

rum illud, quod ibidem sequitur:

*Ite hinc inanes rhetorum manipuli,
Inflata rore non Achaico turba.*

de quo ad ipsa Catalecta videbimus. Ceterum Asiaticos oratores tumidos & inflatos fuisse etiam patet ex Livio Lib. XLV. cap. 23. *Non negaverim & totam Asiae regionem inaniora parere ingenia, & nostrum tumidiorem sermonem esse.* Quia autem Atticum dicendi genus pressum, subtile, simplex, nec supra modum abundans erat, hinc Attice dicere de illis qui optimo dicendi genere utebantur: de quo vide egregie Manutiam ad Cicero. Lib. IV. ad Fam. Epist. 4. p. 188. Sed plura de discrimine dictionis Atticae & Asiaticae, maxime ex Cicerone, dabit Vossius Lib. VI. Institut. Orat. cap. 6.

quae a Sulpicio erant objecta: sed ab eo majestatem Populi Romani imminutam negabat. Interdum etiam de sententia scripti controversia est, quae fuerit mens testatoris aut stipulantium. Hujusmodi autem interpretatio tum sensus tum verborum acumen Critici desiderat. Talis fuit quaestio in causa Cornelii Balbi, quem adversarius civem Romanum esse factum negabat, eo quod populus Gaditanus fundus factus non fuisset. Quaerebatur quid hoc verbo significaretur, quod eleganter docet Cicero in Oratione pro Cornelio Balbo (cap. 8.)

CAPUT XIII.

Usus Criticae necessarium in Juris scientia esse exemplo Cujacii, Contii, & Anton. Augustini adfirmatur.

Nec vero Oratores tantum, sed etiam Jurisperiti necessarium habent Criticae adjumentum. Quomodo enim leges, plebiscita, senatusconsulta interpretari poterunt, nisi verborum notitiam adepti sint? Itaque plurimi eorum de verborum significationibus libros scripserunt, & in proprietate atque origine vocum indaganda multum laborarunt, ut cum *testamentum* aiunt esse dictum quasi (a) *testationem mentis*, & *mutuum* quod ex meo fiat tuum, & similia plurima. Proinde Grammatici veteres, Festum intelligo & Agellium, nullos frequentius libros citant, quam Jurisconsultorum, quippe qui in arte Critica exercitatissimi fuissent. Quod si veteribus Jurisperitis adeo necessaria fuit Critica, tametsi in media Italia, hoc est in ipso legum solo, & sub ipsis qui leges ferebant Imperatoribus nati essent, quid nunc sentiendum est de nostrae aetatis Jurisconsultis, qui res a nostra memoria adeo remotas, & quarum exiguae duntaxat reliquiae supersunt, interpretandas susceperunt? Nonne eo magis Criticae praesidio opus habent, quo longius absunt a legum Romanarum origine? Certe Cujacius, qui veteribus Jurisconsultis palmam praeripuit, nunquam ad tantam Juris notitiam pervenire potuisset, nisi Criticae subsidiis prae caeteris fuisset instructus. Hujus ope multos Pandectarum locos corruptos emendavit, difficiles explanavit, illustravit obscuros. Certe Observationum ejus libri satis indicant, qualis hic vir quantusque fuerit in Criticis: nec ab Jurisconsultis solum, sed ab omnibus doctis atque eruditis diligenter sunt legendi.

X

Quid

(a) Justinianum ob hanc Etymologiam irrisum a Laurentio Valla sed ab aliis vindicatum fuisse quis nescit? Vid. Celeber Duker. Latin. Ictur. p. 23. & seqq. sed Icti causam contra Vallae reprehensionem defendit Barthius ad Claudian. Lib. II in Rufin. v. 115. qui *mentem* explicat sententiam & voluntatem: licet fatendum tamen sit manere nihilominus definitionem rei ipsius, seu potius allusionem esse, quales plurimae in veterum Ictorum scriptis sunt, quam Etymologiam. Gellius autem Lib VI cap. 12. in voce *testamentum*, putat duas posteriores syllabas *mentum* esse non nisi vocabuli productionem, ut in *calceamentum*, *paludamentum* & sim. Vide Scip. Gentilem ad Apulej. Apolog. p. 183. Sed haec ipsis tyronibus notissima.

Quid dicam de Contio, de Antonio Augustino, quos Criticae peritissimos fuisse eorum libri testantur. Extant hujus libri Emendationum in Pandectas, & in Decretum Gratiani, quibus nihil est acutius atque solertius. Caeteros praetereo ne in singulis commemorandis longior fiat oratio. Id unum adfirmo, quo quisque (a) κακώτερος est, eo juris esse peritiorem quam caeteros.

CAPUT XIV.

Dionem Chrysostomum inter Philosophos Criticum eximium fuisse, ex Ejus Orationibus probatur.

Redeamus nunc ad Philosophos, inter quos primus occurrit mihi Dio Chrysostomus, quem in Criticis exercitatissimum fuisse deprehendi. Eximium Critici specimen sit Sermo ejus LII. in quo de tribus Tragoediae Graecae principibus, Aeschilo, Sophocle, & Euripide, qui idem argumentum tractaverant, de arcu scilicet Philoctetae ab Ulyssæ subrepto, praeclare judicat. Adde Sermonem ejus LIII. de Homero. & LV. qui est de comparatione Homeri & Socratis, in quibus multa

(a) Ita certe sanior Eruditorum hominum & meliorum, quicquid ubique terrarum fuit, Jurisconsultorum natio semper existimavit, nec puto quemquam hodie, quem aequus amavit Jupiter, id negaturum, nisi qui morosonimis & fastidioso supercilio praeclara Heroum illorum scripta deprimere ac meritis eorum temere detrudere velit. Vide quae dixi in Orat. Inaug. pro Criticis pag. 32. & seqq. Sane exemplo unius prae ceteris Cujacii, quem solum in Jure Consulem sine Collega alibi vocat, id etiam, quia inlustrius dari non potest, adituit Mauflacus in Dissert. Critic. ad Harpocrat. p. 399. In Jure quomodo putas unquam te in sensu νομοδιδάσκων, & Jurisconsultorum penetraturum, nisi prius illorum scias characteres & stylum discernere? &c. An putas magnum illum Cujacium, Jurisconsultorum consultissimum, tot in jure desperatos locos unquam explicaturum fuisse, tot corrupta restitutum, & toties Tribonianum stylum a sermone veterum Jurisconsultorum distincturum, nisi Criticam prius coluisset & Criticorum filios? & quae seqq. tum Daniel Heinsius in Dissert. de verae Criticae ortu ac progressu, sive in Prolegomenis ante Aristarchum: Et quis dubitare possit, quin prae caeteris Cujacio haud parum debeat Jurisprudencia? qui praeter maximam Jurisprudenciae peritiam, ex Basilicis Graecorum & deficientis linguae usu, plurima ignota atque inusitata, eruit, restituit, atque emendavit. Unum addam his testimonium Viri absque controversia magni, & egregii Juris ac Eloquentiae Magistri, quem inter praecipua quondam Academiae suae decora & ornamenta merito Franequerana Pallas numerat: Is est Ulricus Huberus, qui Criticorum dignitatem contra aliorum obrectationem hunc in modum adferit, in Orat. X. de Paedantismo: p. 306. Sed iniqua est haec obrectatio virisque de genere humano praeclare meritis indigna. Nisi enim per hos (Criticos) fuisset, etiamnum mera barbaries orbem Christianum obsideret, eandemque doctrinae conditionem haberemus, qualem ante renatas literas in omni genere studiorum fuisse accepimus. Theologi adhuc Thomistis aut nescio quibus Lombardinis forent similes, Jureconsulti nihil quam Accursianum aut Bartolistae, Medici rudes omnis elegantiae Empirici, Philosophia adhuc illas horridas & incultas notiones, quibus olim referta fuit, eructaret. Nunc vero omnes disciplinae humanioris literaturae beneficio ad simplicitatem nitoremque veterum pene redactae, novoque cultu & ornatu cohonestatae sunt. Sed prolixè verum ac sincerum in Juris scientia usum Critices exponit Celeb. Heineccius in praefatione ante Observationes Illustris Bynkershoekii, cui summo nostrae aetatis Viro ideo maxime Doctorum chorus hodie adsurgit, quia genuinae Critices ope ac praesidio tam multa in veterum Jurisconsultorum libris praeclare observavit, explicuit, & emendavit.

ta de Homeri instituto egregie disputat. Sermo autem LVII. nihil aliud continet quam interpretationem verborum Nestoris ad Agamemnonem atque Achillem, quae leguntur in Iliadis libro primo. In Sermone LXI. multa observat in Chryseidis redemptione, quae acutissimum Criticum redolent. Denique Sermo illius LIX. paraphrasis est Tragoediae Aeschyli quae Philoctetes inscribatur; auctor quidem ejus Tragoediae in eo Sermone minime nominatur; sed cur Aeschylum potius credam quam Euripidem, causa haec est, quod Euripidis quidem apertior est dictio quam ut paraphrasten desideret; Aeschyli vero verba ac sententiae fere ejusmodi sunt, ut absque interprete intelligi vix possint. Quod si haec argumenta non sufficiunt, ut Dionem Chrysostomum Criticum fuisse probetur, proferenda in medium erit ejus Oratio decima octava, quae inscribitur de exercitatione dicendi. In ea enim de Poëtis deque Historicis & Oratoribus, qui ex eis praecipue lectitandi sunt & imitandi, accurate judicat. Prorsus ut ex veterum monumentis hoc unum Dionis opus utilissimum mihi esse videatur ad studiorum rationem instituendam atque formandam.

CAPUT XV.

Favorinum Philosophum Criticae studiosissimum fuisse ex Gellio demonstratur. Ejus scripta.

Dionis Chrysostomi discipulus fuit Favorinus Philosophus: quem quidem Criticae studiosissimum fuisse sectator ipsius Agellius docet in libris Noctium Atticarum. Ibi enim frequenter eum inducit disputantem de Grammaticis quaestionibus, puta quid sit *Penus*, (a) quid *Manubiae*; quid item sit quod Homerus *πεπλομένη ἐνιαυτῇ* puerperii spatium definivit. (vid. Lib. III. cap. 16.) Eundem etymologiarum fuisse studiosum testatur Agellius in Libro III. cap. 19. ubi etiam refert morem institutum-
que

(a) Favorinum hunc cum homine Grammatico, qui arduo cum supercilio, & composita vocis ac vultus gravitate, de generibus & casibus vocabulorum diserebat, non aliter quam si interpres & arbitet Sibyllae oraculorum esset, ut eleganter dicit, Gellius disputantem inducit de voce *penus* in Lib. IV. Noct. Att. cap. 1. & quid sint *manubiae*, easque apud Ciceronem differre a praeda, adferentem videbis Lib. XIII. cap. 24. ubi nota in transcurso verba illa, quae ex Ciceronis Oratione contra Rullum de lege agraria ibidem Gellius profert, hodie in ea desiderari, atque ex ipsa oratione excidisse. Sed falli Favorinum docet Graevius ad illam Orat. cap. 4. p. 303. Eundem Favorinum idem Gellius Lib. II. cap. 26. cum M. Frontone differentem exhibet de generibus colorum, eorumque vocabulis Graecis & Latinis. Forte & huic tribuendum est illud fragmentum, quod ex libro Favorini profert Macrobius Lib. II. Saturn. cap. 14. Scripta hujus varia praeter ea, quae in fine capitis habet Valesius, recenset Vossius Lib. II. de Hist. Graec. cap. 10. p. 214. Sed quod inter eorum numerum etiam referat librum *Μετρώων* quasi a Favorino scriptum, Vossio hac in parte inposuisse pravam in vulgatis Laërtii Codicibus distinctionem, videbis apud Jonsium Lib. III. cap. 7. p. 244. ubi plura de eo notavit.

que hominis non laude solum, sed etiam imitatione dignissimum. Ait enim eo discumbente ad caenam solitum esse famulum quaedam ex Graecis aut Latinis literis lectitare, atque interdum libros veterum Grammaticorum, quo non corpus solum, sed etiam convivarum animus pascetur. Neque vero per omne caenae tempus liber legebatur: sed si quid animadversione dignum inter legendum occurrerat, tum Favorinus de eo jucunde cum convivis disputabat. Erat autem memoriae prope divinae, ut traditur in Libro XIII. (cap. 24.) Noctium Atticarum. atque ut Agellii verbis utar, quae posita sunt in Libro X. (cap. 12.) memoriarum veterum exsequentissimus. Quae res in congressibus plurimum valet ad animos hominum permulcendos, & plausus audientium excitandos. Ejus παντοδαπή ἰσορρομία persaepe audatur a Diogene Laërtio: itemque ἀπομνημονεύματων libri, quos quidem ad exemplum Xenophontis scripsisse mihi videtur. In iis multa fuisse, quae ad Criticam proprie spectarent, argumento sit locus qui a Diogene Laërtio refertur in Socratis vita, ubi orationem illam adversus Socratem, quae Polycrati tribuebatur, falsam ac subdititiam esse hoc argumento contendit Favorinus, quod in illa accusatione mentio fiat murorum Atheniensium Cononis opera refectorum, quae res aliquot annis post mortem Socratis contigit.

CAPUT XVI.

Plutarchi peritia in Criticis ex scriptis ejus probata. Ejus non esse vitam Homeri, quae sub Plutarchi nomine circumfertur.

Favorini aequalis fuit Plutarchus, qui non immerito inter Criticos a nobis recenseri potest. Scripsit enim de Poëtica, & quomodo legendi sunt Poëtae; item Homericarum Declamationum libros tres & de tempore Iliadis, id est, quanto temporis spatio comprehendatur argumentum Iliadis Homericæ, quae quidem omnia ad officium Critici pertinent. Omitto comparationem Aristophanis & Menandri, in qua de utriusque Comici dotibus tanquam peritissimus Criticus judicat. Praeterea Στωματῆς ποιητῶν ab eodem compositi in indice Lampriae recensentur. Jam libellus de Herodoti malignitate, & alter ille cujus titulus duntaxat ad nos usque pervenit, quomodo de veritate Historiae judicandum sit, nonne ad Criticam pertinent? Postremo libri tres quos de Rhetorica scripsit, & exercitationes panegyricorum idem abunde testantur, praeter innumera alia argumenta, quae ex illius convivalibus & ex quaestionibus Graecis & Romanis aliisque monumentis colligi possunt. Quale illud est, quod in libro de puerorum institutione occurrit, ubi de

de extemporali oratione sententiam suam promit. Adde his librum (a) de vita & de poësi Homeri, qui ab Hencico Stephano praefixus est editioni Poëtarum Graecorum: in quo Homerum omnium disciplinarum & artium peritissimum fuisse demonstrat. Qui tamen liber in indice Lampriae minime recensetur, nec quantum ex stylo judicare possum, Plutarchi Chaeronensis opus mihi videtur.

CAPUT XVII.

*Longinus Philosophus etiam Criticus fuit Magister Prophyrii
Longinus & omnes Platonicae sectae Philosophi natalem
Platonis quotannis sacrificio & epulis celebrabant.
Scripta Longini Philosophica & Rhetorica quae
praetermisit Suidas.*

Longo post intervallo claruit Longinus Philosophus, de quo supra (a) abunde diximus. Hic vir tanto opere exercitatus fuit in Criticis ac Rhetoricis sermonibus, ut ex eo Critici nomen meruerit. Sed professione tamen Philosophus, quemadmodum docet Vopiscus in Aureliani Principis vita, & Suidas in Lexico. Eumque in Philosophia Platonica Magistrum habuit Athenis Porphyrius, ut ipsemet testatur in Libro quem τῆς φιλοσοφίας ἀκροάσεως inscripsit: cujus initium legitur apud Eusebium in Libro X. Praeparationis, τὰ Πλατωνεῖα ἐσιῶν ἡμᾶς ὁ Λογγίνος Ἀθηναῖος &c. id est, cum in Platonis natalitiis Longinus nobis epulum praeberet &c. Solebant enim Magistri ac Professores Philosophiae Platonicae natalem Platonis quotannis sacrificio & convivio celebrare, teste Porphyrio in Plotini vita. Quod cum a Longino factum sit Athenis, apparet illum Platonicae Philosophiae praeceptorem fuisse. Sed & Plotini dictum illud percelebre, cum liber Longini de principiis Romae in schola Plotini esset recitatus, Longinum Philologum potius esse quam Philosophum, X 3 satis

(a) Legitur etiam haec Homeri vita sub Plutarchi nomine in Graeco illo libello, qui sub titulo Certaminis Homeri & Hesiodi ab Henr. Stephano editus est, p. 40. & seqq. sed recte Valesius foetum hunc Plutarcho Chaeronensi adjudicat: Quamvis enim Gellius Lib. II. cap. 8. & Lib. IV. cap. 11. Plutarchi librum de Homero citet, loca tamen illa, quae ibidem Gellius profert, non habentur in libello superstiti, qui sub nomine Plutarchi venditur: adeo ut necesse sit illum Plutarchi de Homero librum a Gellio memoratum intercuisse, & hunc minime ipsi adscribendum, sed pro ψευδευγενεῖα habendum esse; vide Jonsum Lib. III. de Script. Hist. Philos. cap. 6. pag. 237. qui existimat vitam illam Homeri ex duabus Homeri vitis diversorum auctorum conflata esse: priorem autem partem mutilam huius libelli, qua incipit agere de Homeri genere, patria, & poësi, Plutarchum habere verum parentem; sed posteriorem partem, quae integra est, & idem argumentum tractat, incerti esse auctoris; quem Dionysium Halicarnassensem esse argumentis non levibus adserit Thomas Galeus in praefat. ante Opuscul. Mytholog. §. VI. Favorinum autem vel Apollonium Alexandrinum esse suspicatur Gatakerus in Adversariis. vide Fabricium Lib. II. Biblioth. Graec. cap. I. p. 255.

(a) Vide supra in fine cap. 2. p. 150.

fatis significat Longinum professione quidem Philosophum fuisse, sed in eloquentia atque in omni genere doctrinae nihilominus exercitatum. Quod quidem exemplo magni Platonis Longinus praestitisse mihi videtur, ut eloquentiam cum Philosophia conjungeret, neque alteram ab alterius consortio disjungi pateretur. Itaque merito Porphyrius Longinum ἐλογιμώτατον appellat, id est *sui temporis disertissimum*. Eleganter Philostratus, de Chresto Byzantio Sophista loquens, ejusmodi homines, qui eloquentiam cum Philosophia conjunxerunt, τὰς ἐλογίμιας φιλοσοφήσαντας appellat: Et scripta quidem Longini, quae ad Criticam & Grammaticam pertinent, accurate a Suida recensentur. De Philosophicis autem ejus scriptis nullum commemoratur, cum tamen ex Porphyrii libro de vita Plotini & ex Procli commentariis in Platonem multa in eo genere doctrinae a Longino lucubrata esse discamus. Citatur enim a Porphyrio liber ejus περὶ ἀρχῶν; & φιλαρχαίῳ, quem libri titulum esse equidem existimo. Laudatur etiam liber illius περὶ τῆς κατὰ Πλάτωνα δικαιοσύνης adversus Amelium; item de Ideis adversus Porphyrium & Plotinum: & responsio ad Amelii epistolam de Plotini philosophandi ratione. Postremo liber ejus περὶ τέλους adducitur ab eodem Porphyrio, quem Longinus Marcello cuidam inscripserat. Adducit etiam Eusebius in ultimo libro Praeparationis locum ex libro Longini de anima adversus Stoicos. Haftenus de Philosophicis Longini scriptis: e Rhetoricis autem qui perinde a Suida praetermissi sunt, primus occurrit de arte Rhetorica, quem laudat Scholiastes Hermogenis pag. 380. Λογγίνῳ ὁ φιλολόγῳ ἐν τῇ ρητορικῇ τέχνῃ. Alter est περὶ ὕψους, qui etiamnum extat. Citatur etiam a Libanio in Lib. IV. Epistolarum Ep. CCLXIII. ad Eusebium, Longini liber Odaenathus. Οδαίναθον ἃ λόγον, Λογγίνος ἢ ὁ λόγῳ, ἐγὼ μὲν ἀπαυτῷ, σὲ ἢ δὲ δέναι, καὶ ἡρώδης δίκαιον περὶ τὴν ὑπόθεσιν.

CAPUT XVIII.

Porphyrius Longini discipulus. Eunapius notatus, & Philostratus. Porphyrius Romae Plotinum audivit. Ejus scripta ad Criticam pertinentia. Porphyrii Quaestionum Homericarum librum imperfectum ad nos venisse ex Scholiis Homericis probatur. Ejusdem partem esse illum qui de antro Nympharum inscribitur. Lucae Holstenii laus. Porphyrii commentarii in artem Hermogenis.

Longini Philosophi discipulus fuit Porphyrius, qui illum Athenis philosophantem Laudavit, ut supra dixi: Eunapius quidem ab eodem Longino in Grammatica & Rhe-

Rhetorica institutum esse Porphyrium scribit, quod mihi quidem falsum videtur. Nam Porphyrius ipse in capite XXV. Quaestionum Homericarum, Magistro in arte Grammatica Apollonio usum se testatur: quem Athenis vixisse & familiarem fuisse Longini scribit in Libro primo τῆς φιλολόγης ἀκροάσεως. Sed in Eunapii Libro de vitis Sophistarum multa oscitanter negligenterque scripta deprehendi, quemadmodum etiam in Philostrati libris qui sunt ejusdem argumenti: adeo ut merito dubites uter illorum in argumenti sui tractatione negligentior fuerit. Tale illum est quod Porphyrium scribit a Longino ita esse appellatum, cum Malchus patrio sermone diceretur. Atqui Longinus in libro de fine, non Porphyrium illum, sed Basileum appellat, quomodo etiam ab Amelio in quadam epistola nominatus est. Ceterum Porphyrius relicto Athenis Longino Romam profectus ad Plotini scholam migravit, ejusque doctrinam & philosophandi rationem sequi maluit. Quod quidem Longinus moderate tulit, nec se a Porphyrio contemptum censuit, qui se alterius Philosophi magisterio commississet. Nec idcirco Porphyrium inter amicos ac sodales suos numerare distitit, ut patet tum ex libro illius de fine, quem jam toties laudavimus, tum ex epistola quam e Phoenice scripsit ad Porphyrium, qui tum in Sicilia aeger morabatur. Caeterum Porphyrius Longini Magistri sui exemplo Philologiam cum Philosophia conjunxit. Scripsit enim plurimos libros qui ad Criticam pertinebant, quorum plerique temporis injuria perierunt. Superest tamen etiamnum liber Homericarum Quaestionum, quem dolendum est imperfectum ad nos pervenisse. Etenim in Scholiis vetustis in Homerum, quae vulgo Didymi appellantur, multa ex illis Porphyrii Quaestionibus adducuntur, quae in eo libro quem nunc habemus frustra quaesieris: verbi gratia pag. 36. (Ed. Basil. Hervag.) refert vetus ille Scholiastes ex Porphyrii ζητήμασι, cur Atridae dicantur Agamemnon & Menelaus Plisthenis filii: & pag. 38. Draconem, cujus meminit Homerus, Sthenium dictum esse notat ex Porphyrii ζητήμασι. Refertur ab eodem Scholiaste pag. 64. locus ex eodem Porphyrii libro Homericarum Quaestionum, de liberis quos Helena ex Menelao susceperat, quae hodie in exemplaribus nostris desiderantur. Ejusdem libri pars est is, qui de antro Nympharum in Odyssaea vulgo inscribitur: quod equidem miror a nemine adhuc observatum fuisse. Sed Librorum Porphyrii qui ad Criticam spectant, index jam pridem collectus est a Luca Holstenio, Viro undecumque doctissimo, & de Porphyrii scriptis egregie merito. Cujus diligentiae hoc unum addiderim, commentarios in artem Hermogenis a Porphyrio scriptos fuisse. Ex iis enim integrum scholion refertur pag. 162. Scholiorum in Hermogenem. Quin etiam in pagina 15. idem Porphyrii commentarius a veteri Scholiaste laudatur. Nisi forte quis haec e commentariis Porphyrii in artem Minuciani desumpta & translata esse crediderit.

CAPUT XIX.

Syrianus Philoxenus, etiam Criticus. Ejus scripta.

INter Criticos quoque nominandus est Syrianus (a) cognomento Philoxenus, Platonius Philosophus, cujus auditor fuit Proclus. Scripsit enim commentarium in Iliadem & Odysseam Homeri, ut testatur Suidas. Scripsit etiam in artem Rhetoricam Hermogenis, exstantque hujus operis fragmenta quaedam ab Aldo edita in collectione Scholiorum in Hermogenem. Quid quod Poëticae quoque studiosus fuit, ejus namque hymnus in Minervam Atheniensem refertur a Zosimo in libro Historiarum. Plurimos quoque libros commentariorum scripserat, teste Suida, ex quibus nihil ad nos pervenit, praeter breves commentarios in Aristotelis Metaphysicorum aliquot libros; nominatur a Boethio in librum Aristotelis de interpretatione pag. 404. & alibi non semel. Hujus elogium habes apud Proclum in Libro primo in Theologiam Platonis cap. 1. tacito tamen ejus nomine.

CAPUT XX.

*Proclus, Philosophus Platonius, etiam Criticus. Ejus Scripta.
Suidae error notatus. Libri γραμματικῆς χερσوماθείας cui Proclo
adscribendi? Procli Philosophi facultas Critica in
Commentariis ad Platonem.*

PROCLUS quoque Platonius Philosophus Criticus fuit non ignobilis: docet id commentarius in Homeri Iliadem & Odysseam, cujus meminit Suidas, & commentarius in Hesiodi opera & dies, qui etiamnum exstat. Quod vero Suidas γραμματικῆς χερσوماθείας libros eidem Proclo Philosopho tribuit, in eo, mea quidem sententia, graviter labitur. Sunt enim hi libri alterius (b) Procli longe antiquioris,

(a) De eo vide quaedam ad Lib. I. Emendat. cap. 5. p. 12. & plura apud Celeb. Fabricium Lib. V. Biblioth. Graec. cap. 26. qui scripta ejus a Valesio hic memorata etiam enumerat, sed quem praeteriit hymnus Syriani, cujus Zosimus meminit Lib. IV. Hist. cap. 18. in fine, sed quo loco inspecto patebit hunc Syriani hymnum non in Minervam Atheniensem, sed in Achillem scriptum fuisse.

(b) Hoc primus, quod sciam, observavit Valesius. Erravit igitur Andreas Schottus, a quo haec Procli Chrestomathia cum illius & Nunnesii notis edita legitur post ejus Observationes Humanas, qui p. 15. in Notis, ubi ex Suida recenset Procli scripta, & hoc opus etiam ad Proclum Philosophum retulit, in qua sententia etiam est Fabric. Biblioth. Graec. Lib. V. cap. 26. pag. 521. Casaubonus autem in notis ad Diog. Laert. Lib. III. p. 37. testatur penes se exstare χερσوماθείας ἐν τῇς παλῇς βιβλιοθήκῃς, non adspiciendas, quas lucem non vidisse putat, sed forte eadem fuerint cum Procli aut Helladii Chrestomathiis ex Photii Bibliotheca excerptis.

ris, ut didici ex commentariis Alexandri Aphrodisiensis in Aristotelis Elenchos. Hic enim non procul ab initio illius commentarii utitur testimonio Athenaei Grammatici & Procli in Chrestomathia. Cum igitur constet Alexandrum Aphrodisiensem diu ante Procli Philosophi cognomento Diadochi aetatem vixisse; Proclum, qui Chrestomathiam scripsit, a Proclo Philosopho differre necesse est. Suppetunt etiam alia argumenta, ut Proclum Philosophum in Criticis exercitatum fuisse credamus. Nam quicumque commentarios illius in Timaeum & in Remp. Platonis attente perlegerit, eum Criticum fuisse minime dubitabit. Solet enim primo quidem exponere, quod sit argumentum operis, deinde quis character, & quae forma dicendi, quod Critici munus esse nemo est qui ignorat. Praeterea cum in libris Theoplicior & apertior, qui ex verbis elicitur: alter secretior ac profundior, qui vulgo anagogicus & allegoricus vocatur; Proclus quidem hunc ubique sectari se profiteatur, & Longinum Philosophum, aliosque reprehendit interpretes, qui verbis Platonis nimium erant addicti, & res ipsas, sic enim loqui solet, id est arcana mysteria negligebant. Idem tamen sensum illum verborum exponit diligentissime, tametsi illum spernere videatur, ac prae altero nihili ducere: & quoties aliqua vox occurrit obscurior, quae lectorem antiquitatis ignarum possit morari, eam studiose explicat. Argumento sit quod de Bendidiis & de Apaturiis ac de solemnitatibus, quae *ἑρπῆρας* ab Atheniensibus dicebatur, observat in Timaeum.

CAPUT XXI.

Philosophi caeteri tam Aristotelici, quam Platonici Criticae operam dederunt. Andronicus Rhodius inventor & emendator scriptorum Aristotelis.

Sed quid attinet singulos Philosophos commemorare, cum in universum dicere liceat omnes tam Peripateticos, qui post Andronicum Rhodium, Adrastum & Aspasium & Aphrodisiensem Alexandrum scripsere, quam Platonicos, qui post Eubulum Diadochum aliquid commentati sunt, nihil aliud paene fuisse quam Criticos. Quid enim magis proprium est Criticae, quam expositio seu enarratio, quae Graece *ἐξηγῆσις* vocatur. At hi omnes, de quibus modo dixi, enarratores sunt & interpretes; illi quidem Aristotelis, hi autem Platonis. Plus etiam praestitit Andronicus Rhodius, quippe qui Aristotelis ac Theophrasti libros eo, qui nunc cernitur, ordine digessit, singulis ejusdem argumenti tractatibus simul positus, & appositis indicibus seu titulis, quemadmodum Plutarchus in Sylla & Porphyrius in vita Plotini scriptum reliquerunt. Emendatos quoque ab eodem Andronico Aristotelis

codices esse credibile est, quos Apelliconis (a) Teii imperitia corruperat. Hunc Andronicum exactum & diligentem Aristotelis librorum iudicem ac repertorem ab antiquis habitum fuisse tradit Boethius in Libro I. Commentariorum in librum Aristotelis de interpretatione, quem quidem librum Andronicus Aristoteli abjudicabat. Ejusdem Andronici liber de divisione a Plotino & Porphyrio magnopere probatus est, quemadmodum tradit idem Boethius in libro de divisione.

CAPUT XXII.

Inter Medicos Criticus excellens Galenus. Ejus scripta ad Criticam spectantia. Sabinus, Metrodorus & Ruffus Ephesius Interpretes antiqui in Hippocratem.

A Philosophis ad Medicos transeamus, quorum princeps Galenus (b) duobus potissimum adjumentis ad tantam Medicae artis peritiam evasit, Criticae nimirum & Philosophiae praesidio. Et in Criticis quidem peritiam illius abunde testantur ii libri, quos in eo genere perscripsit. Memorat ipse in indice librorum suorum XLVIII. Libros vocabulorum, quae apud Atticos scriptores occurrunt, nisi forte corrupti sunt numeri. Item electa dictionum Atticarum, & de forensibus vocabulis apud Eupolim, Aristophanem & Cratinum; item librum singularem de vocabulis, quae sunt propria Comicoꝝ; & an utilis sit adolescentibus qui erudiuntur veteris Comoediae lectio. Composuerat etiam librum de perspicuitate & obscuritate orationis. Postremum omnium operum suorum, recenset ipse librum unum, an idem possit esse Criticus & Grammaticus. Qui quidem liber si etiamnum exstaret, maximo nobis adjumento ad hujus argumenti tractationem esse potuisset. Quid dicam de libro Glossarum Hippocratis? Quid de commentariis illius in libros Hippocratis, in quibus pravas vetustiorum Hippocratis interpretationum expositiones, praetermissis ipsorum nominibus, ab se rejectas esse testatur. Quo in numero videtur fuisse Sabinus Medicus, qui Hippocratem commodissime commentatus est, ut scribit Agellius in cap. XVI. Libri III. ubi scholium ejus integrum refertur in locum quendam ex libro Hippocratis de alimentis. Citatur idem Sabinus non semel a Galeno, itemque Sabini discipulus Metrodorus, quos quidem optimos ex antiquis & sincerissimos Hippocratis interpretes fuisse dicit in commentario primo in

(a) Hunc enim, postquam a Nelei Scepsii posteris scripta Aristotelis emisset, ea lacunis non recte aut bona fide suppletis, edidisse plurimis mendis repleta narrat Strabo Lib. XII. Geograph. pag. 609. Vide Politian. Miscellan. cap. 1. pag. 227.

(b) Galeni peritiam in arte Critica praedicat etiam ex merito Maussacus Dissert. Critic. ad Harpocr. pag. 399. de Ejus libro, cujus hic Valesius meminit, *εἰ δὲ νῦν αὖτε καὶ τῶν ἑσπεριανῶν*, vide Wouwer. in Polymath. cap. 16, in initio.

in Librum III. Hippocratis de morbis vulgaribus. Sed & in commentario primo in Librum VI. Hippocratis de morbis vulgaribus eundem Sabinum & Ruffum Ephesium in Libris Hippocratis diligentissime versatum esse testatur. Idem in illis suis commentariis saepius inculcat, quodnam sit boni interpretis seu expositoris officium. Sed ipsa ejus verba commodius infra adducentur, cum de Criticae partibus agemus.

CAPUT XXIII.

Inter Theologos & Ecclesiasticos scriptores praecipue in Critica excelluit Origenes. Ejus Commentarii exegetici in V. & N. Testam. editio LXX. Interpretum ab Origine signis Criticis notata. Sarravius laudatus. Origenis Hexapla unde dicta? alia ejusdem scripta.

Statim, ut opinor, probavimus celeberrimum quemque ex Philosophis, Oratoribus ac Medicis Criticae non vulgarem operam dedisse; superest ut de Theologis & Ecclesiasticis scriptoribus idem etiam ostendamus. Ac primus quidem se nobis offert Origenes, qui in omnibus disciplinis apprimè versatus, hanc partem minime omisit, quippe qui & Grammaticam initio docuisse dicitur ab Eusebio. Testatur hoc primum quidem libri ἐξηγητικῶν seu expositionum in Vetus ac Novum Testamentum. Nam tametsi allegoricum sensum in exponendis sacris voluminibus, ut plurimum sectatus est, primusque ex Christianis hunc modum expositionis innoxius, tamen & verborum sensum, & orationis ipsius ordinem scopumque nequaquam praetermisit: sed & Hexapla ab eodem Origene composita id ipsum abunde testatur. Quid enim magis proprium Critici est, quam varias interpretationes inter se conferre. Hoc plus etiam in editione Septuaginta Interpretum praestitit Origenes, quod obelos & (a) asteriscos & lemniscos ac sublemniscos

Y 2

appo-

(a) De his Criticorum notis omnia vulgaria & a Viris doctis abunde observata sunt. obelo enim sive obelisco utebantur, cum aliquid adjectum notabant, asterisco vero, cum quid omisum deesse indicabant. Et ita alias notas habuerunt, quibus loca designabant, ut literam L adscribebant iis quae laudabant. Graeci x vel xe excerptis addebant, ut θ signum illorum erat, quae inprobabant. vide ex innumeris Casaub. ad Athenaeum Lib. VII. cap. 8. Eundemque ad Diogen. Laërt. Lib. III. pag. m. 36. & Menagium pag. 96. Vossium Lib. I. de Art. Gram. cap. 6. Nerii Analect. Lib. I. cap. 36. Pithoeum Lib. II. Advers. cap. 3. pag. 42. b. Kusteri Hist. Critic. Homer. part. II. Sect. 5. & quos laudat Patruus meus ad Quintilian. Lib. I. cap. IV. pag. 31. Sed de his aliquid addere otio abuti, & in levionibus rebus, quae omnibus notissimae sunt, haerere putidum esset; praesertim cum ex professo de his egerit peculiari & eleganti dissertatione Eschenbachius, quae inter ceteras ejus Dissertationes legitur; quae facit ut minus nos tangat desiderium Michaelis Meisneri Diatribes de Adnotamentis Criticorum, quae procul dubio de his Criticorum notis censoris egit. Ea an in lucem edita sit nescio. Meminit ejus Barthius in notis ad

Clau.

apposuit, ut quid additum, quidve omisum ab illis foret, lectoribus indicaret, quemadmodum scribit Epiphanius & Hieronymus in epistola ad Pammachium de optimo genere interpretandi. Hujusmodi notis signatas vidi pagellas aliquot Veteris Testamenti apud V. Cl. Claudium Sarravium, qui nuper magno omnium eruditorum damno vita defunctus est. Porro Hexapla dicebantur exemplaria, eo quod sex editiones continerent, duas videlicet Hebraicas, quarum prima Hebraicis literis, secunda Graecis erat exarata, idque in duabus paginis e regione sibi oppositis, ut ait Epiphanius; quatuor vero Graecas editiones, Symmachi videlicet, Aquilae, Septuaginta Interpretum, & Theodotionis: quae quidem omnes in una eademque pagina invicem sibi oppositae & per columnas distinctae erant, ut tradit Eusebius & Ruffinus. In Psalterio vero & nonnullis aliis Veteris Testamenti libris quaedam etiam ex quinta & sexta editione interseruit: quas, quoniam auctorum nomina ignorabat, quintam & sextam nominavit, praefixis tituli loco notis numeralibus, quae illum, quem dixi, numerum indicarent. Et ita quidem Ruffinus de Hexaplis scribit: sed Eusebius & Epiphanius satis indicant ex eo dicta esse, quod sex versiones Graecas continerent, praeter Hebraicum textum, qui dupliciter erat perscriptus. Septimam praeterea versionem in Psalterio adhibitam fuisse tradit Eusebius. Caeterum praeter commentariorum volumina scripserat etiam Origenes scholia seu σημειώσεις, quas Hieronymus excerpta interpretatur in praefatione commentariorum in Esaiam & in Ezechielem; ego notas seu adnotationes malim vertere. Postremo multiplices homilias composuerat idem Origenes in utrumque Testamentum, ita ut in unum eundemque librum sacrae Scripturae triplex illius opus exstaret, commentariorum scilicet volumina, scholia & homiliae, teste ibidem Hieronymo.

CAPUT XXIV.

Gregorium Nazianzenum Criticae peritissimum fuisse ex scriptis illius probatur. Ejus dictum, quod Hieronymus refert, explicatum.

Gregorium quoque Nazianzenum, qui Theologus cognominatus est, Criticae peritissimum fuisse reperio. Certe Hieronymus in explicatione sacrarum Scriptura-

Claudian. pag. 1364. Sed & nuper plurima de his collegit Eruditissimus Trotzius in notis ad Hugon. de prima scrib. orig. pag. 276. & seqq. Ceterum quod subjungat Valesius vidisse se fragmentum Veteris Testamenti MS. Sarravianum, quod similibus notis signatum erat, quibus LXX. Interpretum editionem notaverat Origenes, dolendum est, primas codicis istius paginas tantum superfuisse. Sed praestantiorum & veneranda antiquitate insignem Codicem, qui ante bis mille annos scriptus dicitur, vidisse me memini in locupletissima illa Leidensis Academiae Bibliotheca; qui priores Veteris Testamenti libros continebat scriptos literis Graecis capitalibus in antiquissima membrana, in cujus margine passim tales asterisci, lemnisci, & obelisci conspiciuntur adscripti manu ipsius, ut creditur, Origenis: Vid. Catalog. Bibl. Leid. pag. 395.

turarum eo se praeceptore & Catechista usum esse gloriatur. Quin & dictum ejus plenum elegantiae & venustatis refert in epistola ad Nepotianum. Cum enim ipse aliquando illum interrogasset, quidnam esset apud Lucam Sabbatum ἀσπερό-
πρωτον, respondisse ait Gregorium: hoc, inquit, te docebo in Ecclesia, in qua, omni populo mihi acclamante, cogeris scire quod nescis; aut si reticueris solus, ab omnibus stultitiae condemnaberis. Quo quidem dicto hoc significasse mihi videtur Gregorius, in Sabbati illius explicatione magnam esse difficultatem, nec sibi liquido comper-
tum esse quid ea voce significaretur. Itaque in concione id docendum esse, ubi res non ita severe examinantur. Quod si forte specimen aliquod Gregorianae Criticae lector a me requirit, exhibebo illi Orationem XLIV. in sanctam Pentecosten: quo loco explicans verba ex capite 2. Actuum Apostolorum, ἡκον εἰς ἕκαστον τῇ ἰδίᾳ
διαλέκτῳ λαλόντων αὐτῶν, duplicem ait sensum ex iis elici posse, prout hoc aut illo modo interpunxeris. Utrum enim, inquit, audiebant eos sua quisque lingua, ita ut vox quidem una emitteretur, multae autem audirentur. An potius post hoc verbum, au-
diebant, punctum adscribendum est, atque haec verba, loquentes suis linguis, cum his quae sequuntur jungenda sunt; ut sit sensus, loquentes linguis propriis, audientium scilicet, quod idem est ac si dixisset, linguis exoticis; qui quidem sensus mihi magis arridet: nam illo quidem modo, eorum potius qui audiebant, quam qui verba faciebant, hoc miraculum fuisset &c. In iis vero quae ad eloquentiam spectant περισωτάτων fuisse Gregorium ex ipsius Orationibus satis constat, & ex eo quod cum Athenis discessurus esset, amici ipsum detinere tentaverint, ut eloquentiam publice profiteretur; quemadmodum ipsemet alicubi narrat. Omnes certe ejus Orationes plurimum ingenii & artis ostendunt: quamquam verborum elegantiam de industria videtur sprevisse, postquam Evangelicam vivendi rationem amplexus est. Certe quae in Epistola CCIX. ad Nicobulum de epistolico charactere praecipit, eximium quemdam Criticum redolent.

CAPUT XXV.

*Basilii Magni in Criticis peritia. Libellus de arte Grammatica
Basilio adjudicatus. Alia ejus scripta. Commentarios in
Esaïam Basilium habere auctorem. Erasmus notatus.*

NEC minor Criticae artis peritia in Basilio Magno fuit, ut sodalis ipsius Gregorius testatum reliquit in Oratione funebri, quam de laudibus ejus composuit. Quis, inquit, ei comparandus fuit in Grammatica, quae linguam ad Graecismum format, historias colligit, metris praest, carminibus leges praescribit. Exstat ad calcem operum Basilii libellus de arte Grammatica. Verum hic tametsi nomen Basilii Magni praeferat, longe recentioris scriptoris est, quippe cum & Johannis Chrysostomi

fofomi & Gregorii Theologi in eo fiat mentio. Sed ex Sermonibus quos fcripfit in Hexaëmeron, & ex commentariis in Pfalmos & in Efaïam, fatis conjicere poffumus, quantus in Criticis fuerit Bafilius. Scio quidem Erasmum magni judicii virum hos in Efaïam commentarios Magno Bafilio abjudicaffe: fed tamen tanto auctore nequaquam indigni mihi videntur, adeo ut qui eos Bafilio Magno adfcripferit, nullam ipfi injuriam facturus effe videatur.

CAPUT XXVI.

Chryfoftomus Criticis adnumeratus. a Scaligero & Cafaubono difceffum. Chryfoftomi Commentarii in S. S.

Sed & Joannem Chryfoftomum inter Criticos libens numeraverim. Equidem non ignoro cujusmodi de illo fuerit judicium duorum fummorum virorum, Scaligeri atque Cafauboni, qui Chryfoftomum Philofophiae ac Philologiae inperitum fuiffe cenfuerunt; quod fi verum eft, ne Criticus quidem ille fuerit. Quae enim Critica effe potefl, fi Philofophiae ac Philologiae praefidio deftituatur. Quod fi revera Critici nomen meretur is, non qui verba aut voces nudas confectatur, (id enim potius Grammaticorum officium eft,) fed qui fenfum ipfum accurate invefligat, qui fcopum, ordinem, totamque orationis οἰκονομίαν optime exponit, qui difficilia quaeque explicare, obfcuris lucem adferre novit; non inmerito hunc titulum Joanni Chryfoftomo adfcribemus. Nemo enim illo melius methodum atque oeconomiam Euangelii expofuit, praecipue in Commentariis in Matthaeum. Quid dicam de Commentariis in Epiftolas Pauli, quas vix absque illius opera intelligere poffemus? Fateor quidem virum fanctiffimum ad id praecipue collineaffe, ut auditorum mores ad Euangelicae difciplinæ normam inftitueret, quemadmodum Photius in Bibliotheca fua obfervavit. Itaque omnes fere ejus commentarii per sermones feu homilias compofiti funt, ut fcias non tam ei Viro curae fuiffe expofitionem Scripturarum, quam auditorum fanctitatem atque innocentiam. Verumtamen quisquis eum attente legerit, acerrimum viri judicium in explanandis Scripturis, & fingularem doctrinam profecto mirabitur. Equidem illum unum praeter caeteris patribus lectu digniffimum effe judico. Quippe qui & propter eloquentiam jucun diffimus, & propter ritus antiquos, propter fententias ac praecepta utiliffimus fit.

CAPUT XXVII.

Synesium Criticum agere in Oratione, quae Dio inscribitur.

Synesium inter Theologos an potius inter Philosophos recensere oporteat, equidem dubito. Vix enim quidquam ex ejus operibus ad nos pervenit, quod ad Theologiam possit referri. Sed quando Episcopalem apicem obtinuit, multaeque ejus epistolae de rebus Ecclesiasticis ad Theophilum scriptae leguntur, ac saepe in suis libris repentinos Theologos heri atque hodie natos perstringit, quos *σπαρτὲς Θεολόγους* nominat, ipsum quoque veris sincerisque Theologis accensere par est. Is ergo quantus fuerit Criticus, apparet ex ejus Oratione, quae Dio inscribitur: in qua de Dionis Chrysostomi Orationibus egregie judicat; & cujusmodi sit judicium suum de singulis scriptoribus, filio suo nondum in lucem edito traditurum se esse promittit. Judicare autem de antiquis scriptoribus proprium ait esse Philosophi, non qualiscumque, sed ejus, qui in Grammatica, Poëtica ac Rhetorica sese diligenter exercuerit, antequam ad Philosophiae studium accederet, & qui intermisso aliquantisper sublimioris sapientiae studio, divertere interdum ad humaniores disciplinas consueverit. Praeterea de emendatione librorum & de legendi ratione sub finem Orationis disputat, quae infra suo loco fusius exponemus. Nunc digito monstrasse atque indicasse contenti: notentur interim haec illius verba pag. 47. *ἢ γὰρ τὸ κελῖναι ἢ συνθεῖναι λόγον, ἢ ποιῆσαι, ἢ ἄλλω νῦν ἢ τὸ λέξιν καθῆσθαι, ἢ τὸ κεφάλαιον ἐξελθεῖν τε ἢ τάξαι, ἢ ἑτέροις τάξαντες, αὐτὸν ἐπιγινώσκοντες, πᾶς ταῦτα ἢ ἀσπράδαται ἢ παίγνια;* id est, Etenim orationem ac poema componere aut de iisdem judicium ferre a mente alienum non est. Dictionem autem castigare, argumentorumque caput investigare ac disponere, sive ab alio dispositum agnoscere, haec quomodo minime seria aut ludicra esse possunt?

CAPUT XXVIII.

Theodoritus S. S. optimus interpret.

DE Theodorito quidem omnes consentiunt, illum ex iis, qui Sacrae Scripturae literalem, ut vocant, sensum exposuerunt, optimum sine controversia interpretem esse. Nam & antiquiores omnes diligenter perlegerat, & praeter sex illas versiones ab Origene compositas atque inter se comparatas, Syriacam quoque adjunxit, quam quidem in commentariis suis non semel nominat. Postremo in explicando brevis est & apertus. Quae duo maxime in Critico seu interprete desiderantur.

CAPUT XXIX.

Photius egregius Criticus. Ejus Bibliotheca; ex qua producta est Philostorgii Historia Ecclesiastica.

Longo post intervallo vixit Photius Patriarcha Constantinopolitanus, quem quidem eximium Criticum fuisse nemo, ut opinor, inficiabitur. Ejus certe Bibliotheca praestantissimi Critici specimen est. Adeo enim accurate ac perite de Grammaticis, Oratoribus atque Historicis, de Philosophis quoque ac Theologis judicat, ut nihil in eo genere possit esse praestantius. Nec vero solum de antiquis scriptoribus judicium suum profert Photius, quod ipsum per se maximum est, sed etiam argumenta librorum, & brevitaria quaedam atque excerpta solet adjungere. Quod licet ipse in epistola ad Tarasium praestitum a se memoriter affirmet, vix tamen ipsi possum credere, tantam, tamque incredibilem rerum copiam in ipsius memoria adeo tenaciter inhaerere potuisse. Sed dolendum est pleraque hujusmodi brevitaria seu excerpta hodie desiderari. Quae si superessent, prout a Photio confecta fuerant, tot veterum scriptorum jacturam facilius ferremus. Talis est epitome illa Historiae Ecclesiasticae Philostorgii, quam nuper edidit Dionysius Gothofredus. Hanc enim ex Photii Bibliotheca desumptam fuisse ipse operis titulus indicat.

CAPUT XXX.

*Hieronymus inter Latinos Theologos Criticus excellens.
Ejus scripta.*

A Graecis transeamus ad Latinos Theologos, inter quos primus ac paene solus est Hieronymus qui nomen Critici mereatur. Testantur hoc complura ejus volumina in Vetus ac Novum Testamentum. Nam Novum quidem ad Graecorum exemplarium fidem plerisque in locis emendavit: Vetus vero ad Hebraicam veritatem Latino sermone interpretatus est. Quod quidem opus plurimos ei obrectatores atque aemulos conciliavit, cum dicerent ad injuriam ac reprehensionem editionis Septuaginta Interpretum, quam ab Apostolis traditam acceperant, id ab illo factum fuisse. Itaque coactus est Hieronymus illorum objectionibus ac calumniis pluribus in locis respondere: Sed & Septuaginta Interpretum editionem pluribus locis ab se emendatam esse testatur. Scripsit praeterea explanationes seu commentarios in Vetus ac Novum Testamentum, in quibus multa de Origene & Eusebio, multa de Apollinario & Didymo mutuatus est, more eorum, qui com-
men-

mentarios scribunt, ut sequente libro dicetur. Interpretatus est etiam multos Origenis tractatus, & Eusebii ac Didymi. Denique exstat ejus ad Pammachium epistola de optimo genere interpretandi, quae disputatio proprie ad Criticum pertinet. Quod si de antiquis scriptoribus judicium ferre Critici est, Hieronymum *κρίτικώτατον* fuisse nemo dubitabit, qui librum illius de Scriptoribus Ecclesiasticis, & epistolam ad Paulinum de institutione Monachi perlegerit.

CAPUT XXXI.

*Inter Reges ac Principes in Critica se exercuisse Ptolemaeum
Evergetem & Jubam Mauritaniae Regem, quorum scripta
recensentur.*

Cum igitur non solum praestantissimos quosque Philosophos & Oratores & Jurisperitos ac Medicos, sed etiam Ecclesiasticos ac Theologos Criticae peritissimos fuisse certissimis argumentis ostenderim, consequens est, ut summam ejus artis dignitatem agnoscamus, quam tot ac tanti viri tamque sublimibus studiis occupati sibi excolendam esse censuerunt. Et his quidem testimoniis contenti esse poteramus. Sed tamen ne quis fortasse adhuc obloqui nobis audeat, Regum quoque ac Principum ingenia in hac arte elaboravisse monstrabo. Primus igitur in hunc censum veniet Ptolemaeus Aegypti Rex, qui Evergetes Secundus est appellatus. Hunc Aristarchi Grammatici discipulum fuisse, & viginti quatuor commentariorum libros conscripsisse docet Athenaeus: in quibus, quantum ex fragmentis colligere est, rerum memorabilium, quas ipse viderat, texebat historiam, multis quoque quae ad Philologiam spectabant insertis. Secundus hic nominabitur Juba Rex Mauritaniae, filius Jubae illius, qui cum Scipione adversus Caium Caesarem in Africa infelicititer pugnaverat. Ipse admodum juvenis in eo proelio captus in triumpho Caii Caesaris inter captivos ductus est, ut scribit Plutarchus in Caesaris vita, & Appianus in Lib. II. Civilium: eamque calamitatem maximorum bonorum Jubae causam praestitisse Plutarchus observat. Nam ex barbaro & Numida doctissimus & clarissimus apud Graecos historiarum scriptoribus comparandus evasit. Et Plutarchus quidem *πολυμαθέστατον & ισορριμώτατον & χαρίεστατον πάντων τῶν βασιλέων* eum appellat in vita Sertorii & Caesaris & Antonii. Eundem vero Criticum & Philologum fuisse ex eo apparet, quod plurima ad eam artem pertinentia conscripsit. Nam & librum *περί ὁμοιοτήτων* elucubraverat, in quo Graecorum vocabula cum Latinis comparaverat, quemadmodum ex Athenaeo colligimus. Scripserat etiam de theatri Historiam libros, in quibus omnia quae ad scenam & Dramaticos

poëtas pertinebant, complexus fuerat, cujus libri meminit etiam Athenaeus. Memorantur ab antiquis ejusdem de pictura libri, quos Sopater quidam excerpserat teste Photio. Adversus hunc plures libros composuisse Didymum Grammaticum refert Suidas, solemniter scilicet inter ejusdem artis opifices aemulatione: quamquam hic falsamentarii filius, ille Rex & Augusti amicus, & Divi Julii gener, si Suidae credimus. Plutarchus certe non Divo Julio sed Marco Antonio genitam Cleopatrae Jubae nostro nupsisse, auctor est.

CAPUT XXXII.

*Jul. Caesaris & Germanici scripta ad Criticam facientia.
Adrianus Imp. Criticae & Grammaticae studiosus.*

INter Latinos vero Julius Caesar vir ad summa quaeque natus, hujus artis gloriam minime sprexit. Scripsit hic libros de Analogia ad Marcum Ciceronem, qui, ut Quintilianus ait, vim ingenii ejus non fregerunt: ex iis aliquot fragmenta adducit Agellius in clarissimis suis Noctibus. Caesar quoque Germanicus hac quoque in parte avum suum aemulatus est, qui non contentus Aratum in Latinum sermonem convertisse, commentarios etiam doctissimos adjecit, qui etiamnum supersunt. Versus quoque ejusdem, in quibus de Terentio Comico judicat, notissimi sunt omnibus. Adeo ut non sine causa Ovidius, cum Fastos suos ei nuncuparet, doctum judicem illum appellaverit, quod nihil aliud quam Criticum significat. Sed & Caesares omnes usque ad Neronem Criticae ac Philologiae studiosos fuisse satis indicat Suetonius. Quid de Adriano (a) Augusto dicemus, qui cum Grammaticis & Sophistis ac Philosophis quasi cum justis hostibus certamina exercuit, ut principatum in omnibus sibi vindicaret.

CAPUT XXXIII.

*Terentius Varro, & Valerius Messala Corvinus inter Viros
principes fuerunt Critici. Eorum scripta.*

INter principes viros minime praetereundus est Terentius Varro vir Praetorius, & in Piratico bello legatus Cnei Pompei ab eodem ob egregiam navatam operam navali corona donatus. Hic vir quantus in omni genere doctrinae fuerit, testimonio

(a) Vide Spartianum in Adrian. cap. XX. & ibi Casaub. ac Salmasii notas. & de Ejus favore erga Viros doctos Jonsium Lib. III. de Script. Hist. Philos. cap. 7. pag. 243.

nio sunt libri; quos scripsit pene innumerabiles, quorum indicem retulerat Hieronymus, cum ei Origenem Adamantium conferre vellet, quemadmodum scribit Rufinus in apologia Adversus Hieronymum. Quantus vero in Criticis idem vir fuerit, satis superque declarant ejus libri de lingua Latina, in quibus Aristophanem & Aristarchum, & Cratetem Grammaticos saepius nominat, praecipue in libro octavo, ubi de Analogia disputat. Atque utinam tres priores libri exstarent, quos de disciplina seu ratione etymologica scripserat. Secundo loco dicitur M. Valerius Messala Corvinus, qui, victis Bruto & Cassio, cum milites, qui cladi superfuerant, ducem illum optarent, Caesaris fortunam sequi maluit, quem fulgentissimum juvenem Velleius appellat. Consulatum gessit cum Caesare Augusto eo anno, quo Marcus Antonius ad Actium superatus est. Nec minus eloquentiae gloria quam armis illustris, ut testatur Quintilianus in Institutionum libris. Hic tamen talis tantusque vir Criticam non leviter nec perfunctorie attigit. Scripsit enim non de verbis modo, sed etiam de singulis paene literis integros libellos, ut refertur a Quintiliano in libro primo.

CAPUT XXXIV.

Viri Inlustres apud Romanos interpretandis & emendandis libris operam dabant. Nomina libris a se emendatis subscribebant.

Emendatorum subscriptiones in MSS. Livii, Horatii, &

Virgilii Codicibus. Nicolai Heinsii laus. Rusticus Julia-

nus & Vettius Praetextatus interpretationi Ari-

stotelis incubuerunt. Boëthii varia scripta,

quibus multa ex Aristotele & Platone

interpretatus est. Ejus Commen-

tarii in Topica Ciceronis. Ma-

crobbii in Criticis doctrina.

Christinae Suecicae

laus.

Sed quid diutius moror, cum haec fere fuerit consuetudo summorum virorum Imperii Romani, ut post administratas provincias, post Consulatus & Praefecturas senectutem suam hujusmodi studiis oblectarent; & partim interpretandis, partim emendandis illustrium scriptorum libris operam darent, in gratiam maxime filiorum vel amicorum suorum, nec infra dignitatem suam putabant libris a se emenda-

datis (a) nomen suum subscribere. Sic Flavianus Nicomachus V. C. Praefectus urbis apud Hennam urbem Siciliae Livii historias emendasse dicitur in MSS. exemplaribus: idque in gratiam Symmachorum, quod etiam in editionibus Frobenianis adscriptum in calce Liviani operis inveni. Sic Mavortius, qui Consul fuit eo anno, quo Justinianus a Justino Augustus renunciatus est, Horatii carmina emendavit.

(a) *Libris a se emendatis nomen suum subscribere*] Haec in antiquioribus veterum auctorum Codicibus saepius inveniuntur. Iis autem, quae de hac re habet hic Valesius, lubet quaedam, licet forte prolixiora, addere, bona cum Lectoris venia, & de hoc Grammaticorum more nonnulla uberius commentari. Veteres autem ipsos in codices inemendatos & corrupte scriptos incidisse, notum satis esse opinor illis, qui querelas ipsorum super hac re non ignorant. Ex multis auctorum locis sufficiat Cic. III. ad Quint. Fratr. Epist. 5. in fine; *De Latinis libris quo me vertam nescio, ita mendose & scribuntur & veneunt*. Gellius Lib. VII. c. 20. in fine. *Qui ebrios Catullum dixisse putant aut ebriosos (nam id quoque temere scriptum invenitur) in libros scilicet de corruptis exemplaribus factos inciderunt*. & Seneca Lib. II. de Ira cap. 26. *Ex prioribus quaedam sine sensu sunt; ut librum quem minutioribus literis scriptum saepe projecimus & mendosum laceravimus*. ubi Lipsius in notis adfert Augustini locum egregie huc facientem. Ne plura auctorum loca cumulem, adeat Lector Juretum ad Symmach. Lib. I. Epist. 18. pag. 21. & Perizon. Anim. Hist. cap. 10. pag. 417. & seqq. Hos autem libros ita mendosos & corruptos relegabant ipsi veteres, & emendabant aliquo contra legente, quam Grammaticorum operam ne ipsi quidem Viri Nobiles & Inlustres suscipere designati sunt. Ut patet ex illis exemplis, quae hic adfert Valesius, item ex Sirmondi ad Ennodium praefatione; quibus addi potest exemplum ipsius Alexandri & Cassandri Regum, quos Homerum emendasse supra notavimus; tum etiam Caroli Magni, quem otiosum nihil aliud fere egisse, quam libros corripuisse, ex scriptore quodam aevi illius tradit Barthius Lib. XXIX. Advers. cap. 11. neque etiam facile inlustrium scriptorum opera a librariis edebantur, nisi antea a Viris in dignitate constitutis correctae & recognita essent, cujus rei exempla aliquot se dedisse in Vindiciis Antiquorum Diplomatum pag. 36. dicit Fontanini in Lib. II. de Antiq. Hortae cap. 3. pag. 231. Dicebatur autem ille *contra legere*, qui dum libros ex meliorum codicum collatione emendabat alius, socius adhibebatur ad legendum, dum alter codicem unum inspiciebat. Testis est luculentus Sidonii Apollinaris locus Lib. V. Epist. 15. quem totum hic adscribam, quia adpositus valde est: *Officii sermone praefato, bibliopolam vestrum non gratiose, sed judicialiter expertus insinuo. Cujus ut fidem in pectore, sic in opere celeritatem, circa dominum te mihi sibiue communem satis abunde probavi. Librum igitur hic ipse deportat Heptateuchi, scriptum velocitate summa, summo nitore, quamquam & a nobis relictum & retractatum. Desert & volumen Prophetarum, licet me absente decursum, sua tamen cura manique de supervacuis sententiis erudendum, nec semper illo contra legente, qui promiserat operam suam. Unde patet antiquos Grammaticos auctorum vetustiora exemplaria inter se contulisse, ut ex corruptis emendatos redderent, id quod ἀντιβάλλειν vocat Strabo Lib. XIII. pag. 609. Ed. Par. loco notabili: βιβλιοπολαὶ πρὸς γραφεῖσι φάυλοις κεράρδοι, καὶ ἐκ ἀντιβάλλοντες. librorum venditores quidam ineptis usi scribis neque cum exemplari descripta comparantes. Solebant autem nomen suum in ejus rei fidem Codicibus adponere, ut patet exemplo Nicomachi in Livio, & Vettii Agerii Basilii in Horatio, de quibus hic Valesius. De prior eadem habet Sirmondus ad Sidonii Lib. VIII. Epist. 3. pag. 81. ubi adfert Livii exemplaria, in quorum sine Nicomachum hunc cum Victoriano talem operam auctori isti adhibuisse adscriptum erat his verbis: *Nicomachus Dexter V. C. emendavi ad exemplum parentis mei Clementiani ab urbe condita. Victorianus V. C. emendabam Domnis Symmachis. & in alio: Emendavi Nicomachus Flavianus V. C. Praefectus urbi apud Hennam, ab urbe condita. Victorianus V. C. emendabam Domnis Symmachis*. quam priorem subscriptionem etiam post testimonia veterum de Symmacho exhibuit Juretus. De Vettio Agerio etiam Basilio, qui Horatium ita recensuit, idem notavit Lindenbrogius ad Terent. p. m. 596. & 597. & ex vetustis codicibus haec verba profert: *Vettius Agerius Basilii Mavortius V. C. & Inl. ex Commen. Dom. & excons. ord. legi & est potius emendavi*. vide illic plura huc facientia apud Lindenbrogium, & Bentleium in praefatione ante Horatium, Sic Julii Caesaris commentariis in fine adscriptum fuit: *Jul. Celsus Constantinus V. C. emendavi*.*

davit. Ita enim in MSS. Horatii Codicibus scriptum reperitur: *Vettius Agerius Bassilius Marvortius V. C. & inlustris ex Comite Domesticorum ex Cons. ordinario, legi & ut potui emendavi.* Quin etiam Turcius Rufius Apronianus Asterius V. C. & inlustris ex Comite Domesticorum ex Magistro militiae & ex Cons. ordinario, Virgilii carmina recensuit in gratiam fratris sui Macarii, ut ex codice Florentino observavit (b) Nicolaus Heinsius, doctissimus vir ac diligentissimus, & arctissima mecum

Z 3

fami-

davi. unde plurimi erraverunt, qui Jul. Caesaris Commentarios sub nomine Julii Celsi citaverunt & ediderunt cum Celsus ille fuerit vel librarius vel emendator. Vid. Salmas. Prolegom. ad Solin. sub finem. Vossium Lib. V. Institut. Orat. cap. 3. § 10. & Delr. ad Senec. Hippolyt. v. 65. Neque tantum nomina sua in finem codicum a se correctorum conjiciebant, sed & plerumque etiam Consulum illorum, sub quibus emendandum Auctorem istum suscepissent. Exemplis aliquot rem confirmabo. Sic Franciscus Juretus ad Symmachum Lib. X. Epist. 17. pag. 269. in vetustis Prisciani exemplaribus manu exaratis sequentia legi tradit: *Flavius Theodorus D. V. memorialis sacri scrinii Epistolarum & adjutor V. M. Quaesitoris sacri palatii, scripsi manu mea in urbe Roma Constantinopolitana. III. Kal. Junii. Marvortio V. C. Cos. Justino & Justiniano Impp.* Jacobus Sirmondus Notis ad Sidon. Apollinar. Lib. IV. Epist. 8. pag. 44. in vetusto Bibliothecae Vaticanae Apuleji MSo. talem subscriptionem legi testatur: *Ego Salustius legi & emendavi Romae feliciter, Olybrio & Probrino Coss. in foro Martis controversiam declamans oratori Endechebio, rursus Constantinopoli recognovi Caesaris & Attico Coss. quae conferenda sunt cum iis, quae habet Alex. Wilthemius in Adpendice ad Diptychon pag. 4 & 5 in ea autem subscriptione Endechebium Rhetorem eundem esse cum eo, qui Paulino in Epist. VI. prope finem memoratur, & ejus de mortibus boum extat carmen, censet Rosweidus in notis ad Paulin. pag. 776. Idem Sirmondus ad Lib. V. Epist. 15. pag. 61. in vetusto Macrobij Codice talem subscriptionem dicit se invenisse: *Aurelius Memmius Symmachus V. C. emendavi Ravennae cum Macrobio Plotino Eudoxio.* Eudoxio nempe contra legente. Idem denuo in notis ad Ennodii Lib. I. Epist. 19. & ad eund. Sidonium pag. 61. in vetusto Parmensi codice Martiani Capellae sic adfirmat legi: *Securus Memor Felix V. Sp. Com. Consist. Rhetor R. ex mendosissimis exemplaribus emendabam contra legente Deuterio scholastico discipulo meo Romae ad portam Capenam Cos. Paulini VC. sub D. non. Martiarum Christo adjuvante.* quae conveniunt cum iis, quae ex eodem Parmensi libro addfert Pricaeus ad Apulej. Apolog. pag. 177. & quae ex Patris sui codice adducit Grotius in praefat. ad Martian. Capellam: ad quam subscriptionem hoc in transcurso monendum arbitror, admittendam esse correctionem Petri Nannii Libro Miscellaneor. X. cap. 4. ubi ex vestigiis scripturae veteris compendiarie codicis Bibliothecae Egmondanae, in quo hunc eundem titulum invenisse se Martiano praefixum tradit, legendum conjicit, *Felix Asper, comes Consistorii, Rhetor urbis Romanae &c. consulegente Eleuterio.* Recte etiam Eruditissimus Fontanini Lib. II. de Antiq. Hortae cap. 3. pag. 231. produxit hunc in modum, *Securus Melior Felix Asper &c.*, nam perperam Sirmondus ad Ennodium exhibet, *securus Memor felix V. Sp. quasi vir Spectabilis.* An autem hic Felix, Rhetor urbis Romae, idem forte sit cum Magistro Felice, oratore urbis Romae, in subscriptione codicum Horatii, definire vix audeo, praesertim cum ipse Bentlejus fateatur se nescire, quis fuerit ille Magister Felix. Plura huc pertinentia producere in promptu foret, sed sufficiant haec, ne nimius sim, aut Lectoris otio abuti velle videar.*

(b) Observavit Nicolaus Heinsius] innuit sine dubio Heinsii observationem bene longam de praestantissimo Virgilii Codice Mediceo, ubi multa commentatus est de hoc Turcio Rufio Asterio, qui Virgilii codicem distinxit & emendavit, & Sedulii carminibus a se collectis praefixit Epigramma illud, quod habetur ante editionem Sedulii a Cellario curatam; Illa autem Heinsius in schedas separatas (quas cum Valesio forte communicavit) conjecerat, ex quibus ea vulgavit optimus Patruus meus in Tom. V. Syllog. Epist. pag. 93. & seqq. quibus multa addi possent ex antiquis Inscriptionibus, ubi Turcii Asterii Aproniani mentio fit. Ita ex Grutero Turci Aproniani inscriptionem profert Salmasius ad Hist. Aug. pag. 485. quemadmodum in vasto illo opere plures similes occurrunt inscriptiones. ex multis paucae sufficiant. *Turcius Apronianus V. C. memoratur pag. DCXLVII. infc. 6. & 7. pag. MLXXX. 8. L. Turcius Apronianus V. C. pag. CLXV. 2. pag. CCCCLXXVI. 7. pag. MLXXIX. 1. & L. Turcius Secundus Asterius*

familiaritate conjunctus. Idem de Symmacho & de Sidonio Apollinare observavit Jacobus Sirmundus ὁ μακρότης in notis ad librum octavum Sidonii. Et haec quidem exempla sunt, quibus viros Romani Imperii Proceres, emendationi librorum incubuisse ostendimus. Quod vero ad interpretationem attinet, quae & ipsa pars Criticae est, multa quoque ejus generis exempla suppetunt. Primum enim Rusticus Julianus, ex Magistro Memoriae & ex Proconsule Africae, quem inter Romanae Curiae Proceres recenset Symmachus, & quem Ammianus Marcellinus obscuris quorundam susurris Imperatorem postulatum esse scribit, cum Valentinianus gravissimo morbo aegrotaret, Aristotelis libros ἐν πολιτείῳ in Latinum sermonem converterat. Neque enim aliud sibi volunt haec Symmachi verba in Lib. III. Epistolarum. *Non filebo alterum munus opusculi tui, quo priscum Reipublicae cujusque jus ex libro Graeco in Latium transtulisti.* Et paulo post, *tuus nobis post haec addidit labor peregrina monumenta quae jam sui nesciunt.* Nunc vero civitas nostra populorum omnium parens facta est; docere potest singulas antiquitates suorum. Vettius quoque Praetextatus praecipuum Romanae togae decus priorēs & posteriores Analyticorum Aristotelis libros, seu potius Themistii paraphrasin, Latino sermone transtulit, ut testatur Boethius in Commentariis ad librum Aristotelis de interpretatione. Quid Boethius ipse V. C. & illustris ex Patricio & ex Consule ordinario? nonne multiplici Philosophicorum librorum interpretatione & commentatione nobilior atque illustrior est, quam eo, quem gessit, consulatu? Primo enim introductionem Porphyrii, deinde Aristotelis omnes paene libros qui ad Logicam pertinent, in Latinam linguam convertit. Eratque ei propositum, si vita longior suppe-

Asterius pag. CXCII. 3. & pag. CLXV. inscr. 2. *Asterii* etiam mentio est in veteri quadam Inscriptione, quam cum inter chartas nonnullas nuper invenirem, eam hic inferere operae pretium visum fuit, quia dubito an edita sit:

IMPP. CAESS. VALER
IO. DIOCLETIANO. ET.
AVRELIO. VALERIO.
MAXIMIANO. PISS. FE
LICIB. SEMPER. AUGG.
ET. FLAVIO. VALERIO.
CONSTANTIO. GALERI
O VAL. MAXIMIANO.

CVRANTE. L. TVRCIO. APRO
NIANO. V. C. PRAEF. URB.
FIL. ASTERIO CORR. FLAM
ET. PICENI.

Sed quid juvat operam infumere in iis, quae satis collegerunt Viri docti. Conferenda enim cum istis Henricianis sunt, quae notaverunt Sirmond. ad Ennodium pag. 7. Fontanin. de Antiquit. Hortae Lib. II. cap. 3. §. 5 & 6. & quae leguntur in Orthographia Norisiana post Schurzfleisch Orthogr. Röm. cap. 2. a pag. 17. usque ad pag. 49. ubi multa de Asterio, & carmine illo Codicibus. Virgillii & Sedulii ab eo praefixo, habentur.

petisset, morales quoque Aristotelis libros & naturalem Philosophiam Romano eloquio transferre: ad haec Platonis dialogos interpretari & Platonicae ac Peripateticae Philosophiae concordiam Romanis aperire, ut ipsemet testatur in libro primo commentariorum majorum ad librum de interpretatione. Quod utinam opus ad exitum usque perduxisset. Idem in Topica Ciceronis commentarios scripsit, ex quibus satis apparet, virum summum in omni genere studiorum, hanc etiam Criticae disciplinam studiose exercuisse. Quid dicam de Aurelio Macrobio Ambrosio Theodosio V. C. & inlustri, cujus libri Saturnalia & in Somnium Scipionis commentarii non vulgarem doctrinam Criticaeque artis peritiam ostendunt. Nec immerito Festus Avienus in epistola, qua Aesopi fabulas ei nuncupat, Graece Latineque doctissimum fuisse testatur. *Quis enim tecum, ait Avienus, de oratione, quis de poemate loqueretur? cum in utroque literarum genere & Atticos Graeca eruditione superes, & Latinitate Romanos.* Sed quid opus est Regum ac Principum nomina ab ultima usque vetustate repetere, ut illorum auctoritate hujus artis dignitas adstruatur, cum regnet hodie apud Suecos Christina, quae non solum favore ac judicio suo, sed etiam studio ac labore hanc disciplinam nobilitavit.



HENRICI VALESII

DE CRITICA

LIBER SECUNDUS.

CAPUT I.

Criticae artis definitio & partes.



Uperiore Libro de iis, qui apud veteres Critici sunt dicti, & de Criticae praestantia abunde differui. Ex quibus apparet longe opinione falli eos, qui hanc artem tanquam vilem & abjectam non solum fastidio, sed etiam contemptu dignam esse arbitrantur. Nunc quid sit, & quot quasque in partes dividatur, accuratius dicendum est. Ac primum Criticam ita definitio, artem judicandi de scriptis tam veterum quam recentiorum. Hic enim praecipue scopus est hujus artis, ut tam de poëmaticis quam de Orationibus, Historiis, dialogis, omni denique genere scriptio-
nis recte judicare valeamus. Partes ejus quatuor sunt. Prima est expositio seu enarratio, quae Graece ἐξηγητική dicitur. Secunda emendatio, Graece διορθωτική. Tertia observatio. Quarto judicium seu censura. Nunc de singulis agendum.

CAPUT II.

Expositionis duo genera, scholia & Commentarii. Procli, Hieronymi & Origenis Commentarii, & scholia. Commentarii pro scholiis apud Hieronymum.

Quid sit expositio, manifestius est, quam ut a nobis debeat exponi. Cuivis enim perspicuum est, expositionem nihil aliud esse, quam obscuriorum dictionum ac sententiarum explanationem. Porro cum libri veteres duobis modis explanari possint, aut fusiore genere interpretandi, quod κατὰ πόδα dici solet, cum nulla periodus absque explicatione praetermittitur: aut strictiore, quoties obscuriora tan-

tantum loca enarrantur, inde fit, ut duo sint genera expositionis, quorum alterum Graeci *χόλια* appellant, nos annotationes vocare possumus, alterum proprie *ἐξηγητικὸν* vocatur a Graecis, nos vulgo commentarios vocamus. Multum autem interest inter utrumque hoc genus. Nam *χόλια* praeterquam quod breviora sunt, plerumque nihil nisi dictiones obscuras explicant. In commentariis vero praecipue sensus ἀποκρίσις, & ordo ac dispositio scriptionis aperitur. Et scholia quidem fere ad latus libri adscribebantur: commentarii vero seorsim edebantur, sique in libros seu τόμους distributi. Tales sunt hodie commentarii Procli in Timaeum Platonis, & alii ejusdem Procli in Parmenidem nondum editi. Utrumque hoc interpretationis genus distinxit Hieronymus in praefatione commentariorum in Daniele his verbis. *Verum jam tempus est, ut ipsius Prophetae verba texamus, non juxta consuetudinem nostram proponentes omnia, & omnia differentes, ut in XII. Prophetis fecimus: sed breviter & per intervalla ea tantum quae obscura sunt explanantes.* Ubi notandum est Hieronymum annotationes suas in Daniele commentarios nihilominus inscripsisse, cum tamen proprie essent *χόλια*, ut jam dixi. Sed quia longiora sunt, ideo commentarii ab Hieronymo dicuntur. Verum hoc discrimen ex Origenis lucubrationibus in Sacram Scripturam apertissime declaratur. Triplex enim fuit opus Origenis in libros Sacrae Scripturae. Primum opus ejus excerpta, quae Graece *χόλια* nuncupantur, in quibus ea quae sibi videbantur obscura, atque habere aliquid difficultatis, summam breviterque perstrinxit. Secundum Homiliaticum genus, de quo & praesens interpretatio est. Tertium quod ipse inscripsit τόμους, nos volumina possumus nuncupare, in quo opere tota ingenii sui vela spirantibus ventis dedit, ut loquitur Hieronymus in praefatione interpretationum Origenis Homiliarum in Ezechielem. Idem Hieronymus alibi σημειώσεις appellat, quae hic *χόλια* vocaverat. Ita enim in praefatione commentariorum in Esaiam scribit de Origene: *feruntur & viginti quinque Homiliae & σημειώσεις, quas nos excerpta possumus appellare.* Ego annotationes dicere maluissem. In praefatione autem commentariorum suorum in Matthaeum, haec *χόλια* seu σημειώσεις Origenis vocat commaticum interpretationis genus, opponitque fusiori illi explanationi, quae in τόμοις ἐξηγητικῶν legebatur. Et scholia quidem Origenis ad latus, seu ut vulgo dicitur, ad marginem libri apposita fuisse docet annotatio illa, quae in vetustissimo Codice R. Marchali legitur ad calcem Hieremiae: *Διωρθώθη ἀπὸ τῶν ὁμηγερέων αὐτῶν τετραπλῶν, ἃ τινὰ καὶ αὐτὸς χειρὶ διόρθωτο, καὶ ἐχολιογραφήθη: ὅθεν ὁ Εὐσέβιος ἐγὼ χόλια παρέθηκεν.* Eodem refero quod scribit Hieronymus in praefatione commentariorum in Plalterium. Proxime cum Origenis Psalterium, quod Enchiridion ille vocabat, strictis & necessariis interpretationibus adnotatum, in commune legeremus simul, uterque deprehendimus, nonnulla eum vel perstrinxisse leviter, vel intacta penitus reliquisse, de quibus in alio opere latissime disputavit. Per strictas interpretationes Hieronymus intelligit scholia seu σημειώσεις Origenis in Psalmos: quae breves erant & strictae annotationes in locis duntaxat ac verbis difficilioribus. Reliqua in alio opere latissime explanaverat idem Origenes, in Homiliis videlicet & in tomis ἐξηγητικῶν in Psalmos, sicut testatur Hieronymus in fine ejusdem praefationis in Psalmos. Triplex hoc opus Origenis aperte distin-

guit Rufinus in praefatione interpretationis suae in librum Numerorum, ubi excerpta vocat perinde ac Hieronymus σημειώσεις, illas Origenis. Hieronymus in dicta praefatione vocat signa: *Studiose & sedulo postulasti, ut quaecunque mihi digna memoria videbantur, signis quibusdam, potius quam interpretationibus, adnotarem.* In Apologia autem adversus Rufinum, hoc suum in Psalmos opus commentariolos appellat. Et haec quidem de scholiis Origenis. Quod autem spectat ad tomos ἐξηγητικῶν sive explanationum, commentarios illos vocat Beatus Hieronymus in epistola ad Pammachium & Oceanum de erroribus Origenis. *Mille, inquit, & eo amplius tractatus in Ecclesia locutus est: edidit innumerabiles praeterea commentarios, quos ipse appellat τόμους.* Porro illud monendum est, licet Hieronymus hoc loco commentarios profusioribus explanationibus posuerit, interdum tamen commentarios ab illo sumi pro strictiori genere interpretandi. Sic in caput primum Hoseae: *& quia commentarios, non lata volumina scribimus, singulis capitibus explanationes proprias in suis locis reservantes &c.* Et in caput undecimum Hoseae: *haec, inquit, breviter, ut in commentariis diximus: nunc ad reliqua recurramus.*

CAPUT III.

De boni Commentatoris officio.

JAm vero de commentariis & de boni commentatoris officio pauca dicenda sunt. Quis autem melius ac certius de hac re pronunciare possit, quam is, qui in hoc opere maxime desudavit, & qui omnium iudicio summam ex eo laudem & gloriam est consecutus. Hic est Hieronymus, qui in Apologetico adversus Rufinum de commentariis ita pronunciat: *Commentarii quid operis habent, alterius dicta edisserunt: quae obscure scripta sunt, plano sermone manifestant: multorum sententias replicant & dicunt: hunc locum quidam sic edisserunt: alii sic interpretantur: illi sensum suum & intelligentiam his testimoniis, & hac nituntur ratione firmare, ut prudens lector cum diversas explanationes legerit, & multorum vel probanda vel improbanda didicerit, iudicet quid verius sit, & quasi bonus trapezita adulterinae monetae pecuniam reprobet.* Porro expositio simplex esse debet atque aperta, ne interpretatio ipsa alio rursus interprete indigeat. Quod plerisque nimium disertis accidere solet, ut major sit intelligentiae difficultas in eorum explanationibus, quam in iis, quae explanare conantur: ut ait Hieronymus in Epistola CXXXIX ad Cyprianum.

CAPUT IV.

Quid in bona interpretatione exigatur.

EXpositionis non minima pars est interpretatio, quam Graeci ἐρμηνείαν vocant. Itaque saepenumero dicere soleo, bonam interpretationem seu versionem commentarii vicem obtinere. Ut autem bona existat, tres praecipue dotes exiguntur. Primum enim fidelis esse debet: deinde perspicua: postremo elegans, ne lectori molestiam pariat. Proinde utriusque linguae non vulgarem peritiam habeat oportet, quisquis Graecum scriptorem Latino sermone interpretandum suscepit: Recte igitur Hieronymus in Epistola ad Huniam & Fretelam: *Et sciendum, quod si voluerimus dicere, Domine quis incolet tabernaculum tuum? vel illud de quinto, neque incolet juxta te malignus, perdet euphoniā, Et dum interpretationis κακοφωνίαν sequimur, omnem decorem amittimus.* Et hanc esse regulam boni interpretis, ut idioma alterius linguae, linguae suae exprimat proprietate. Quod quidem Et Tullium in Protagora Platonis, Et in Oeconomico Xenophontis, Et in Demosthenis contra Aeschinem oratione fecisse convincimus: Et Plautum, Terentium, Caeciliumque eruditissimos viros in Graecis comoediis transferendis. Neque ex eo quis Latinam linguam angustissimam putet, quod non possit verbum de verbo transferre; cum etiam Graeci pleraque nostra per circuitus transferant, Et verba Hebraica non interpretationis fide, sed linguae suae proprietatibus nitantur exprimere.

Caetera desiderantur.



CLARISSIMORUM VIRORUM
NICOLAI RIGALTII
ISMAELIS BULLIALDI
ET
HENRICI VALESII
OBSERVATIONES
DE
POPULIS FUNDIS.

TYPOGRAPHUS LECTORI S.



SI mei non sit instituti has Observationes commendare, quae legentium, quotquot erunt, merebuntur calculum, cum certe Lectissimorum Triumvirorum, qui eas scripsere, gloriae aut pretio tenuitas mea quidquam addere non valeat; satis e re duxi, LECTOR, Te monuisse CLL. VV. Rigaltii, Valesii, & Bullialdi de Populis fundis esse iudicium: eos scilicet nominasse, laudasse est: Nihil ab illis ad eruditionem ornatumque omissum. Jurisperitiam politioris Literaturae, Historiae & Antiquitatis accessione conspicuam, aut firma argumentorum momenta desideras? tot dotes felici vi & praestantia ingeniorum liberaliter effusas hae Observationes complectuntur. Quid igitur hic necesse fuerit praefari, miraberis. Operis inscriptio quid intus lateat abunde prodit. Ego tecum sentiebam, LECTOR, nisi, ne pagellae aliquot Typographicae vacarent, quaedam apponere e re putassem, hoc est, ut verba exararem: nullum quippe doctissimi Viri reliquere spicilegium: haec itaque habe.

Non est igitur cur verear, ne prologus enormior sit quam fabula; cum tamen ex Chrysostomi sententia praefatio ad propositam materiam libentius perducatur, evidentiorque ejus praestet intellectum, non inutilem forte hanc existimabis, LECTOR, si noveris difficillimum Ciceronis locum in Oratione pro Cornelio Balbo his Observationibus expendi, in quo id agitur; ex foederato populo civem Romanum fieri non potuisse, nisi is populus fundus factus fuisset. Tota vortitur controversia in explicatione hujus vocis, fundus; natum inde literatum eruditissimorum in re tenui, ut videtur, dissidium: propter quod tamen ne summos Viros Philonis in Essenos reprehensioni obnoxios λογοδῶντες arbitreris. Antistius Labeo veterum Juris-

consultorum Princeps, Pomponio L. 2. de Orig. Jur. & Papiniano Lib. V. Quaestionum, Latinarum vocum origines rationesque percallens hac praecipue scientia ad enodandos Juris laqueos, Gellio teste Lib. XIII. cap. 10. utebatur: unde tantum sibi paravit nomen, ut ex ejus Posteriorum libris, trigesimo septimo videlicet Ulpianus, & trigesimo octavo Paullus dubiorum ex facto propositorum solutionem hauserint. Quare non immerito Diodotus apud Thucydidem pronuntiavit, τὰς λόγους ὅσις διαμάχεται, μὴ διδασκάλῃς ἢ περὶ γλῶσσης, ἀξύνετός ἐστιν. Qui verba rerum doctores esse negat, amens est. Verbum fundus Diodoti sententiam nonne probat; dum tot eruditissimis Dissertationibus locum dedit. In sua nempe CL. Rigaltius Petri Pitthoei ἢ πανὸν, de cujus gloria quidquam dicere, minuere est, impugnat sententiam, quam capiti octavo Libertatum Ecclesiae Gallicanae inseruit his verbis. „ Reges Christianissimos sanctitatem Apostolicae sedis sic comiter „ conservare, quemadmodum Principes liberos dicet, si non aequo jure, „ certe non ut dediticios, aut fundos. Ita ut Petrus Pitthoeus totius venerationis fundus merito sit appellandus. Doctissimus Bullialdus Pitthoei sensum apte & acute tuetur. Henricus Valesius aequae Conciliorum Gallicanorum assertor acerrimus, ac Cl. Hadrianus ejus frater, Monarchiae nostrae dignissimus vindex, a Pitthoei partibus stat, licet in aliquibus a Bullialdo parumper dissentiat. Haec Observationum summa, quibus Symbolam afferre an audebo?

Δάφνις ἐγὼν ὅδε τὴν ὁ τὰς βόας ὡς νομῶν

Δάφνις ὁ τὰς ταύρας, ἢ πόρτιας ὡς ποτίσων.

Immo non audebo, sed liceat cum tantorum virorum bona venia, ut, me Principibus permixtum agnoscens Achivis, non inglorius χάλκεα χερσὶς miscam.

Populus fundus factus dicitur, dum alterius Populi legibus, quas adsciscit,

sciscit, se adstringit. De hac descriptione populi fundi apud Auctores constat, unde Cl. Pithoei sensum sic eruo, ut velit; Reges Christianissimos nullius Pontificiae legis, aut decreti adscitores aut fundos, (ut ex capitis VIII. contextu liquet) immo nec obedientiae filialis, quam non necessario, sed sponte, & secundum Canonem XLI. Synodi Meldensis libera libertate praestant, mera gratia & pietatis intuitu, quo Reipublicae Christianae caput summum Pontificem agnoscunt, nullo obligationis aut pactionis nexu participati. Quod enim ad illa verba spectat, comiter Apostolicae sedis majestatem conservantes, etsi Cujacius Observationum Libro XL. cap. 23. Aelii Galli locum de Postliminio apud Festum restituens, Quae nationes in ditione nostra sunt, cum his postliminium non est, scribat. Nam & hi foederati sunt, & ii, opinor, qui majestatem nostram conservare jussi sunt; numquam tamen adducar, ut credam in eo sensu rerum nostrarum peritissimum Pithoeum haec verba usurpasse: Liceat sanius ominari, Reges quippe nostri, ut cum Floro loquar, immunes imperii sunt, & reverentiam sedis Apostolicae tuentur solum & retinent, quam ut exprimeret Pithoeus, dum ejus sanctitatem comiter conservare dixit Reges nostros, hoc unum innuere voluit, quod Memmius in Oratione apud Sallustium, Reges nostros sedis Apostolicae majestatem constituere, id est, labantem confirmare dignitatis venerationem, atque amplitudinis existimationem, quae quidem tot Historiarum monumentis in confesso sunt, ut probationibus non egeant. Quare in his verbis nullam inesse reprehensionis causam, omnes aequi judices arbitrabuntur; cum praecipue, si de Pontificiis legibus haec verba intelligas, Pithoeus in praefatione Collationis legum Mosaicarum Ill. Christophoro Thuano dicata, sui ipsius interpres, mentem dilucide explicans scripserit:

„ Nos Romanarum legum majestatem sic comiter conservare, ut tamen
 „ illis nihil in nos licere patiamur, nisi quod earum rationi & aequitati,
 „ non auctoritati & sanctioni concedimus.

Super-

Supereſt ut fundi nomen excutiamus, an quid infaſtum portendat, (licet in explanando Ciceronis loco ſubtiles adeo fuerint viri doctiſſimi, ut multijugam eorum lectionem nihil fugerit, aut, ſi quid eſt, fatendum conſulto omiſſiſſe.) Cujacius ad Legem 211. de Verbor. Signif. notat leges, quae loquuntur de fundo, ſaepe porrigi ad aedes, quae tamen in lege non appellantur, fundique appellatione contineri omne praedium, ut in legibus XII. Tabularum, additque id fieri, quia augemus ſignificationem, qui mos eſt Jurisconſultorum. Hinc quoque apud Plautum, Feſtum, Gelliumque, fundus auctorem designat; & apud Graecos numeri πνδμέρες dicuntur in Arithmetiſis minimi eorum, qui ſunt in eodem λόγῳ, ex quibus ceteri λόγοι oriuntur. Hos Latine vertit Bullialdus fundos in Theone Smyrnaeo, quem publico donavit ἡ κατὰ μαθηματικῶν χρῆσιμων εἰς τὴν ἑ Πλάτωνος ἀνάγνωσιν.

A varia fundi ſignificatione ad ejus notationem procedo. Si Grammaticorum adimus promptuaria, Eutychi Lib. II. de diſcern. conjug. a verbo fundo nomen fundus, id eſt, ager, derivatur; quod fundit nobis fructus. Varroni ager, quod videbatur pecudum ac pecuniae fundamentum, fundus dictus; aut quod fundat quotannis multa. Auctores vero finium regundorum fundum deſcribunt, quod in eo fundatur ac ſtabilitur patrimonium. Nova inde ſubit animum cogitatio, novam e Pithoei verbis haurire explicationem. Cum aſſerat ſcilicet Reges noſtros majeſtatem Sanctae Sedis comiter conſervare, non ut dediticios, aut fundos, his inſnuaffe, Sedem Apoſtolicam ita coli a Regibus noſtris, ut hinc eos dediticios, aut veſtigales ſedis Apoſtolicae quis autumare non debeat. Fundos enim recte conjunxit dediticiis, ut ſervile quidquam omnino amoliretur. Dediticiorum quippe conditionem peſſimam nemo neſcit; veſtigalium populorum & provinciarum triſtem & indecoram agnoſcet, quiſquis Histoſiae & antiquitatis ſciens. Reſtat ut firmandae ſententiae fidejussores advocem, ne nimium mihi vi-

dear adscribere. *Alciatus Litteratissimus Jureconsultus Parergon Lib. I. cap. 14. fundos populos pro vectigalibus dici censet. „ Ex foederatis, „ inquit, quorum ager juris Romani censebatur, populi fundi ideo dicuntur, ut Cicero Oratione pro Cornelio Balbo declarat. Opinioni nostrae adstipuletur solus Alciatus; tanti viri tamen auctoritate fretus, ejus sectatorem me profitebor. Habita nempe ad nominis fundi notationem ratione sic opinatus est, ut & in eo etiam sensu Plautum in Truculento Act. IV. Sc. 2. v. 15. fundi verbum accepisse non dubito. In ea scena Poëta Astaphium ancillam meretricis Phronesii Dinarcho ejus amasio loquentem inducit, cui restitrix fit, ne intromittatur. Causas repulsae dum stupens Dinarchus opperitur, unam & decretoriam quidem subdit Astaphium; si qui haud nobis usui est, nobis molestus, unde cum Phronesium integrum & plenum adorta est thesaurum, Strabacem scilicet rusticum adolescentem, qui refert nummos & intus bolos dat, quapropter aliis fores occludit, nam*


Solus summam habet hic apud nos, nunc is est fundus nobis.

Non aliter versum hunc explicabis, nisi fundus vectigal, seu *περίοδοι* sonet. Egebat nempe Phronesium, quae follem Strabacis excutiendo cum fundo, qui tributum pendit, comparat; quia e Strabace pecunias largiente, ut e fundo, pensitationem colligit: quam loquendi formulam Romanae linguae lex Plautus synecdochice usurpavit. Pithoeus itaque Reges nostros non ut fundos, recte dixit, id est, non ut tributarios stipendiariosque, de quibus Caesar Lib. I. de bello Gallico, & Cicero Libro III. de Legibus.

Manum jam de tabula; nimis ausus in his excurrere: sed audaciam Typographo condonabis, LECTOR, fatenti fundum non esse rebus tam eruditis. Par est igitur, ut Petri Pithoei locum, qui Doctissimorum Rigaltii, Bullialdi, & Valesii Observationes formavit, tibi exhibeamus. En lege, perlege.

M. Pierre Pithou au Traité des Libertez de l'Eglise Gallicane,
Chap. VIII.

„ LES Rois Tres Chretiens ayants exposé, non seulement leurs moyens,
„ mais aussi leurs propres personnes, pour mettre, retablir, & maintenir
„ les Papes en leur Siege, accroître leur Patrimoine de très grands biens
„ Temporels, & conserver leurs droits & autorité par tout, les ont tou-
„ jours reconnus pour Peres Spirituels, leur rendant de franche volonté
„ une obéissance non servile, mais vraiment filiale, & (comme disoient les
„ anciens Romains en chose non du tout dissemblable) *Sanctitatem Apo-*
„ *stolicae sedis sic comiter conservantes; quemadmodum Principes liberos*
„ *deceat; si non aequo jure,* (comme il faut confesser, qu'és choses Spiri-
„ tuelles il ya preeminence & superiorité de la part du Saint Siege Aposto-
„ lique) *certe non ut dediticios, aut fundos.*



OBSERVATIO DE POPULIS FUNDIS.

De statu sive conditione populorum, qui fundi facti esse dicebantur
Lege Julia de civitate Romana.

NICOLAUS RIGALTIIUS
EXIMIO FRATRUM PARI
PETRO ET JACOBO PUTEANIS

S. D.

NON separabo quos ejusdem sanguinis honos, idem virtutis amor, eadem studia tam bene junxere; quibus cum ego ab istius saeculi fere principio conjunctissime vixi. De Petro Pithoeo scripturus aliquid, quod ab tanti viri sententia vel minimum recedere videatur: non potui fidelius aut innocentius tradere posteris, quam vestro prius examini permissum. Et juvat meminisse dictorum, quae nos inter olim super hisce rebus familiari colloquio miscebamus. Etenim, Pithoei quidem aetate, nemo Regnorum jura, nemo veteres Ecclesiae ritus, nemo Gallicana Romanos erga Pontifices studia, Pithoeo curiosius collegit, nemo prudentius ostendit; nemo proinde Thuani augustissimi suffragia magnificentiora commeruit. Hodie vero, nullibi suavius, quam apud vos Pithoei genius adquiescit: nullibi tam praesentes quam in vestra Bibliotheca summi viri manes observantur. Itaque, pace in primis Thuani, nam alias neque vestram, neque ipsius adeo Pithoei sperarem; pace inquam vestra, pace Pithoei dixerim, apparet in opusculo sane pulcerrimo naevus. Catalogo scilicet Libertatum Ecclesiae Gallicanae, lingua nostra vulgari composito, posteaquam Regum nostrorum erga Romanae sedis Antistites pietatem & beneficia maxima laudavit, Latina quaedam de Ciceronis oratione pro Balbo, sic ad Ecclesiae Romanae praestantiam aptata citat, ut significet Ecclesiae Gallicanae Reges Sanctitatem sedis Apostolicae comiter conservare, quemadmodum

dum Principes liberos decet; si non aequo jure; (nam divina praeferrī debere fatetur humanis) certe, non ut dediticios, inquit, aut fundos. Fundos ecce populos dediticiis adjungit; triste aliquid deprecaturus ac servile; contrarium libertati. Et dediticiorum quidem conditionem pessimam fuisse tradunt Juris Auctores; haud meliorem illa stigmaticorum, malae mentis hominum, qui sunt aliquid ausi tyrannicum. Dicemus ne ab dediticiis istis descensionem fieri ad populos fundos, quasi ad deterrimae tandem sortis mortales? Atqui tota illa pro Balbo Tullius hoc pertendit, ut populos fundos communē vocabulum esse doceat omnium Populorum Romani Populi amicorum, foederatorum, & nihilominus Liberorum. Et Noctium Atticarum Commentarius decimus sextus apertissime declarat fundos populos esse municipes, cives Romanos in municipiis legibus suis viventes, & suo jure utentes; muneris tantum cum Populo Romano honorarii participes; ab eoque munere capeffendo appellari Muncipes: nullis aliis necessitatibus, neque ulla Populi Romani lege adstrictos, nisi in quam populus eorum fundus factus est. Sic habentur extrema ista Gellii verba in libro Carrionis rectissime; cum eoque libro facit alter ille, quem Vos nuper in Bibliotheca Regia, me rogante, officiosissime inspexistis. Erant igitur in Romana ditione municipes liberi, nullis Populi Romani legibus alligati; nisi in aliquam forte legem Romanam populus eorum fundum se fecerat. Tunc enim dicebatur fundus ei legi, sive in eam legem, quam adsumpserat, quam sententia sua comprobaverat. Etenim leges habebat suas & propria sibi jura, quae cognata & coorta secum, in ipsis municipum mentibus tamquam in fundo resederant, & ipsa radicibus nitebantur suis; & si quaedam certe illorum essent consimilia Romanis, non de Romanis tamen, sed de publico sensu, sumta: adeoque ipse populus erat legum suarum fundus. Nam & ager, in quo pedem posuerat exorietis Populus, quia videbatur pecudum ac pecuniae esse fundamentum, fundus est appellatus. Hoc adserit Varro, & legis auctorem alicujus, sive sententiae subscriptorem Cornelius Fronto factum esse dicit legis & sententiae fundum. Ut jam hinc tota ista quaestio de schemate veniat, sive formula loquendi figurata paulatim sese ad populi arbitrium flectente. Sic populos fundos fieri ait Festus rei quam se alienare testantur; & in Plautina fabula Trinummus, filio spondenti pater accedit fundus potior, cui nimirum, ut majori domino, tutius credatur, quam filio. Tale autem forte an fuerit legis Juliae de Romana civitate caput, quantum ex Marco Tullio colligimus: *Ex foederato populo quemquam fieri civem Romanum, nisi is populus fundus factus fuerit, non placere.* Vel potius in hunc modum: *Qui fundi populi facti non erunt, civitatem ne habeant.* Qua certe formula, legis istius latorem fundi vocabulo servile quicquam, vel indignum liberis cervicibus jugum induere voluisse, non est putandum. Hoc vero tantum cavisse, ne quis ex municipio singulatim civitate Romana donaretur, nisi municipalis ille populus alienandi municipis sui fundus, id est, auctor fieret, confectisque super ea re tabulis subscriberet; non aliqua pactione fidejussoria nexus, quod Pithoeus existimasse videtur, sed, quemadmodum diximus, tamquam auctor & moderator; beneficii, sive honoris aliunde

collati, si non dispensator, certe arbiter & comprobator. Adversus hanc legem fecisse Pompejum criminabantur accusatores Balbi, donata civitate Cornelio Balbo Gaditano de consilii sive Senatus Pompeiani sententia. Itaque objiciebant, Balbum vitio factum fuisse civem Romanum, populo Gaditano non postulante: exceptum fuisse foedere, ne quis e Gadibus civitatem mutaret: populum Gaditanum non fuisse fundum; non laudatorem, non procuratorem adipiscendae civitatis Romanae: eoque facto violatam fuisse Populi Romani majestatem, neglectas foederis Gaditani leges. Refellit objectionem Cicero: negat ullo foedere impediri jus civitatis mutandae. Haec enim esse fundamenta firmissima libertatis, ire quo libeat: sui quemque juris, & retinendi & dimittendi esse dominum: Gaditanos multis annis, antequam Balbus in judicium ob civitatis mutationem vocaretur, hospitium cum ipso Balbo fecisse publice: denique, re multo ante hoc judicium Gadibus audita, fore ut Balbo periculum crearetur, gravissima in civem suum accusatorem Balbi senatusconsulta fecisse; deprecatores pro ipso misisse Roman. Post haec omnia concludit Tullius interrogando; *Potuit magis fundus populus Gaditanus fieri, si tum sit fundus, cum scita ac jussa nostra sua sententia comprobatur, quam cum hospitium facit?* haec procul dubio monstrant fundorum populorum statum, nullatenus aequiparandum esse dediticiis. Immo fundorum appellatione populorum significari liberos, cives sui juris, Suaeque spontis, cum in plerisque hujusmodi conditionis civitatibus magna pars sui juris libertatem civitati Romanae anteferebat. Sic apud Livium tribus Hernicorum populis, quia maluerant, quam civitatem, suae leges redditae; & Praenestini civitate ob virtutem donati, non mutavere. Hoc igitur exemplo sapiunt Galli, qui, salva semper Sedis Apostolicae sanctitate, adversus ambitiosas Monarchiae Romanae molitiones opponunt Ecclesiae Gallicanae pristina scita sua, sive jura, sive jussa. Sic fundi populi sumus, non dediticii, sed liberi, sed foederati, sed amici; Christianae libertatis municipes. Quod ad conservandam Populi Romani majestatem attinet, praeclare Tullius ait, legis latoris verba jubentia magis esse quam spondentia feialis; & in superiori conditione causaeque poni, cujus majestas foederis sanctione defenditur. Atque hoc foederibus adjici docet Proculus; ut intelligatur, alterum Populum superiorem esse; non ut intelligatur, alterum non esse liberum; probatque exemplo clientium, quos etsi habeamus in clientela nostra, liberos tamen esse haud infitiamur. Sic eos, qui majestatem comiter conservare debent, nihilominus liberos esse pronunciamus. Sane, quotquot ubicumque degimus vere Christiani, religioni ducimus isthaec Romae profanae scita rebus accommodare Christianis. Et Pithoeus noster hoc ipso de Libertatibus Ecclesiae Tractatu, majestatem Regibus sic servat, ut non alteri communicet potestati, sed Apostolicae sedis sanctitatem, pro majestate, comiter ab ipsis etiam Regibus conservandam esse suadeat. Verum Ecclesia sese ab saeculo spernit procul. Hospitium habet in saeculo, subiecta saecularibus tantisper. At municipatum suum in coelis esse didicit & sperat, & magisterio Pauli secunda credit; praesaga futurorum, majestatem Domini protegentis fidelissime conservat.

Haec

Haec de populis fundis observanti mihi sunt intervifa quaedam non injucunda scitu; sed in hunc dilata locum, ne propositi series turbaretur interjectis. Primum illud fuit, hoc de civitate Romana judicio Balbum sibi grave sensisse periculum, cui propulsando tam graves adhibuerit defensores, Pompeium quidem, adeoque ipsum Ciceronem. Nostis elogium: Hominem occiderit oportet, qui te patrono utatur. Pompeius certe Balbum de fortunis omnibus ita dimicasse ait, ut nullius in delicti crimen vocaretur. Enim vero grave fuit praestanti viro causam dicere de jure virgarum, & servavit Cicero, quem Pompeius fecerat, civem; cujus nepoti triumphum fata servabant. Magni ergo ponderis fuit istud conservandae civitatis judicium, quo scilicet agebatur de beneficio Porciae Legis, quae virgas a corpore civium Romanorum, teste ipso in Rabiriana Tullio, amoverat, in Gaditani municipii Virum excellentem collato: quod beneficium pro scapulis & tergo fuisse dicit Cato in Oratione contra M. Coelium, ubi se multos cives prohibuisse injuria verberum gloriatur. Ideoque Plinius Secundus, Naturalis Historiae volumine septimo, (cap. 43.) inter exempla varietatis fortunae posuit Balbum huncce Gaditanum. Qui Plinii locus alterum hic constituet articulum praetermissorum observatione supra currente. Haec vero sunt Auctoris doctissimi verba in editione illa Parisiensi, studio Petri Danesii, quem sub Bellocirii nomine latere monuit Aemarus Ranconetus, emendata. *Fuit & Balbus Cornelius major, Consul; sed accusatus; atque de jure virgarum in Judicum consilium missus; primus externorum, atque etiam in Oceano genitorum, usus illo honore, quem majores nostri Latio quoque negaverunt.* Accusatum fuisse ait Plinius, non quasi civitatem suffuratus esset, verum quia Gaditanus, & ad suos Gaditanos reportandus, missum vero in Judicum consilium, & est pro ipso Ciceronis oratio ad Judices. Majorem praeterea dicit, quia patruus erat alterius Cornelii Balbi, qui aliquot annis post accusationem, de Garamantibus triumphavit. De quo etiam Strabo: ΒΑΛΒΟΣ Ο ΤΡΙΑΜΒΕΤΣΑΣ. Et ipse Plinius, volumine quinto: *Uno omnium externorum curru & Quiritium jure donato.* Currum dicit triumphalem. Quiritium jure, quia cum Balbo majore, patruo, in civitatem venerat. Hujusce Balbi Junioris supra fidem humanam temeritate notata, Velleius apposuit: (Lib. II. cap. 51.) *Illis incrementis fecit viam, quibus non Hispaniae suae natus, sed Hispanus, in triumphum & Pontificatum adsurgeret.* Sic edidit Lipsius. At in editione Rhenani: *quibus non Hispaniae Gadibus natus, sed Hispanus.* Unde facilis emendatio, repositis, quae transposita fuerant: *Illis incrementis fecit viam, quibus non Hispanus, sed Hispaniae Gadibus natus, in triumphum & Pontificatum adsurgeret.* Quod certe indignationem augebat, honoris in externos collati: quia magis extranei videbantur, qui non in Hispania geniti, sed in Oceano, ut ait Plinius VII. 43. Gadibus extra orbem conditis Lib. V. 19. Quod explicat Velleius, ubi de Gadibus: *Tyria classis, inquit, plurimum pollens mari, in ultimo Hispaniae tractu, in extremo nostri orbis termino, insulam circumfusam Oceano, perexiguo a continenti divisam freto, Gades condidit.*

Valete suavissimi Puteani. Faventibus vobis, haec appendicula Gadibus etiam
 lega-

legatur. Gaditani gaudete. Habete post haec, populi fundi, aequiorem & placatiorem Pithoeum. Hadrianus quoque noster ille Turnebus, quae sunt a Cicerone ad Iudices dicta pro vobis, omnium optime percepit. Quod etiam, pace clarissimi Augustini vestri Antonii, proditum velim. Dicite autem Puteanis gratias tantas, quanti plurimi vobis isthaec Observatio nostra videbitur. Satis equidem mihi fecisse arbitror, quod amicorum bene merentium desiderio sum obsecutus. Tulli Leucorum. MDCLI. Kalend. Februar.



A M P L I S S I M O
 A C E R U D I T I S S I M O V I R O
 N I C O L A O R I G A L T I O
 I N S U P R E M A M E T E N S I C U R I A
 C O N S I L I A R I O R E G I O
 I S M A E L B U L L I A L D U S S. P. D.

PERPOLITAM ac eruditam Observationem tuam de populis fundis nuperrime ad nos missam avidissime legi, ac relegi: cumque Auctores tam antiquos, quam saeculo nostro proximos, qui de illis scripserunt, adiissem, quaedam mentem subierunt, quae scriptis mandare mihi visum est, & ad te transmittere, ut de illis sententiam feras. Eo animo scripsi ut rem variantibus opinionibus obscuriorem factam, mihi clariorem redderem, simulque Petri Pithoei verborum sensum cognoscerem; non vero ut gloriolam ex summis viris cuiquam contradicendo, mihi quaererem. Id quaecumque est, ut aequi bonique facias, & me semper ames, rogo. Vale. Scrib. Luteciae Parisiorum Maji xv. Anno MDCLI.

LUCIUS CORNELIUS BALBUS Civis Gaditanus, a Cn. Pompeio civitate Romana donatus, Civis Romanus factus fuerat. Legem enim tulerant L. Gellius, Cn. Cornelius Consules ex Senatus sententia, qua sancitum fuit, ut Cives Romani ii essent, quos Cn. Pompeius, de consilii sententia, sigillatim civitate donasset. Accusatus fuit Balbus & in iudicium vocatus, quod Gadibus cum natus esset, Romanus Civis a Cn. Pompeio factus fuisset: negabat etenim accusator ex foederato populo, nisi is populus fundus factus esset, quemquam potuisse in Civitatem Romanam venire. Ridet Cicero hunc accusatorem, jurisque imperitum interpretem appellat, quod iste hanc poenam foederibus Romanis adscriberet, & praemiorum beneficiorumque a Populo Romano conferri solitorum expertes faceret foederatos. Quamobrem M. Tullius in haec verba prorumpit. *Quid enim dici potuit imperitius, quam foederatos populos fieri fundos oportere? nam non id magis est proprium foederatorum, quam omnium liberorum.* Quae periodus sic intelligenda est, nihil imperitius dici

Cc

posse,

posse, quam foederatos populos fieri fundos oportere, ut civitate Romana ex illis populis quispiam donaretur. Nam non id magis est proprium foederatorum, quam omnium liberorum: id est, ea conditione ac lege non tenentur magis foederati quam liberi, quos populos fundos fieri haud necesse est, ut ex ipsis aliqui civitate Romana donentur. Explicat deinceps Tullius quinam sint populi fundi, ut falsam juris interpretationem submoveret. *Sed totum hoc, Judices, in ea fuit positum semper ratione atque sententia, ut cum jussisset Populus Romanus aliquid, si id adscivissent socii populi ac Latini, & si ea lex, quam nos haberemus, eadem in populo aliquo tanquam in fundo resedisset, ut tum lege eadem is populus teneretur, non ut de nostro jure aliquid minueretur. &c.* Ex quibus verbis liquido constat, fundos populos factos fuisse socios vel foederatos populi Romani, qui legibus Romanis, quas adsciverant, parebant, iisque utebantur. Quod accidere potuit duabus de causis, cum scilicet apud populos illos foederatos vel socios nulla lex de re quapiam lata esset. Vel cum ob utilitatem aliquam, patriam legem abrogabant socii, Romanamque adscisciebant. Cujus exemplum affert statim Tullius, Latinorum videlicet, qui leges Rom. voluerunt, adsciverunt. Caput deinde legis Juliae recitat, qua civitas est sociis & Latinis data: *Qui fundi populi facti non essent, civitatem non haberent. In quo magna contentio Heracliensium & Neapolitanorum fuit: cum magna pars in iis civitatibus juris sui libertatem civitati anteferebat.* Quo quidem capite legislator ad universitatem, non ad singulos respexit. Praeterea Civitatis Rom. jus illa formula ad pauciores restrinxit, ad populos nimirum fundos: ne forte in omnes promiscue collocato beneficio praemia vilescerent, quae solis benemeritis debentur. Et quidem de populo Rom. benemeriti erant, qui leges ipsius adsciscendo obnoxios se tanto magis reddebant, earumque observatione in fide constantius manebant. Ad universitatem vero respexisse legis Juliae caput, clarissime probant exempla a Tullio allata. In commune siquidem consularunt Heraclienses & Neapolitani in suis civitatibus, conduceretne suis rebus, ut civitatem Rom. consequerentur, populos fundos fieri: dumque deliberant, in contrarias sententias discedunt, plerisque juris sui libertatem Romanae civitati anteponentibus. Non disputarunt autem, num alicui privato singularique civi in Romanam civitatem transire permitterent. Unde patet *populos fundos factos fuisse juris sui libertatis*, id est, *ἀντροπίας* amissione, & quasi alienatione, mutatis scilicet legibus propriis, adscitisque Romanis. Pergit Cicero, ut vim formulae istius notam faciat. *Postremo haec vis est istius & juris & verbi, ut fundi populi beneficio nostro non suo jure fiant &c.* Docemur itaque in populi Rom. potestate fuisse alii populo concedere ac permittere ut fundus fieret, & beneficii loco habitum. Extat certe apud Livium lib. 40. anno ab V. C. 573. exemplum concessi usus Latinae linguae Cumanis, Posthumio Albino, Calpurnio Pisone Coss. *Cumanis eo anno petentibus permissum, ut publice Latine loquerentur, & praeconibus Latine vendendi jus esset.* Hi autem jam Municipales facti erant anno ab V. C. 538. L. Posthumio III. Tiberio Sempronio Graccho Coss. Si hunc Latinae linguae usum petere, a Rep. Romana necesse fuit: sique petentibus concessus est: multo magis juris alicujus Romani usus petendus erat, quod ipsis utilius foret foederatis. Eo porro jure, quod adscive-

rant,

rant, utebantur, ut de suis non de Populi Rom. rebus statuerent. Demum asserit Tullius, quaerendum esse utrum fundi facti sint populi, si nimirum secundum Rom. legem vivere elegerint, num etiam hoc ipsis permissum sit. Noluerunt vero illi populi fundi facti, nec sibi proposuerunt de Reipublicae Rom. rebus quicquam statuere: Ut vero ostendat accusatorem ignorare jus mutandae civitatis, asserit. *non solum in legibus publicis positum, sed etiam in privatorum voluntate. Jure enim nostro inquit, neque mutare civitatem quisquam invitatus potest; neque si velit mutare non potest, modo adsciscatur ab ea civitate, cujus esse se civitatis velit.* Haec igitur fuit Ciceronis sententia, atque populi fundi appellatio eo sensu intelligenda ac ipse interpretatur. Accusator autem Balbi legi Juliae fraudem faciebat: cum ad singulos referendo, quae ad universitatem spectabant tum Romanae Reip. potestatem, in donanda civitate privatis hominibus, restringendo ad illas civitates & populos, qui fundi facti fuissent, & civi in aliam civitatem transeundi auctores, quomodo leges suas adscitis Romanis commutarent. Mens siquidem legis Juliae fuit, ut sociis & Latinis civitas daretur; & civitates eorum in Rom. civitatem transcriberentur. Ceteris vero vel liberis populis foederatisve Romana civitas negaretur, nisi populi fundi facti fuissent. Verum tamen, ut Tullius optime differit, ea lege populus Rom. ex civitatibus sociorum atque amicorum fortissimos, propositis praemiis, eliciendi facultatem sibi non ademit, neque illius legis sensus fuit, ut nullum civitatis externae civem in Romanam adsciscere posset populus civitatem, nisi populus ille fundus factus fuisset. Utque probet ex lege Julia accusatorem in Balbum agere non posse, neque oportere populum fundum factum esse, ut ab ejus civitate in Romanam aliquis transfret, adnotat tunc solummodo id prohibitum fuisse Rom. populo, quando foederibus continebatur. Illius verba sunt: *At enim quaedam foedera extant ut Germanorum, Insubrium &c.* Quapropter, neque de statu sociorum, qui populi fundi facti erant, agebatur: neque jus aliquod cives apud se retinendi illis, qui non erant, competeat, atque vindicandi eos si in Rom. Civitatem transiissent. Sed in potestate Populi Rom. beneficium dantis, & electione accipientis, totum negotium versabatur. Ex praedictis patet qualis fuerit conditio populorum fundorum, qui sic appellati sunt, quia *Rom. leges mutatis suis propriis invexerunt, vel retentis jus insuper aliquod Quiritium adsciverunt, quo utentes de rebus suis statuerent.* Illi tamen formulae nulla servitutis nota, nulla deditionis inerat. Sponte siquidem legum Rom. jugo se submittebant: neque illis populis hoc voluisse sufficiebat, nisi & populo Rom. placuisset.

De illa vero loquendi formula *populus fundus* jam differendum. Plautus in Trinummio Scena penultima.

Nunc mihi is proprie conveniendus est, ut, quae cum ejus filio

Egi, ei rei fundus pater sit potior.

Ubi verbum illud *fundus* pro sponse est accipiendum. De nuptiis enim agebatur, & fundus potior ei rei quaerebatur, idest sponsor, qui jus despondendi haberet potius quam Lesbonicus, qui alius certe esse nequibat quam Charmides,

des, in cuius potestate filia sua erat. Fundus etiam hic accipi pro auctore potest, quicum tutius nuptialia pacta & instrumenta conficiat Lysiteles. Et fundum pro auctore accipi docet Festus. *Fundus quoque dicitur populus esse rei, quam alienat, hoc est auctor.* Quae verba ad contractum emptionis venditionis pertinent: & significant populum de evictione teneri & emptori eam praestare debere: cum ipse venditionis auctor fuerit. Quae formula usurpata quoque videtur, quamvis minus proprie, loquendo de populis illis qui jure Quiritium adscito ob aliquam utilitatem suam populi fundi facti sunt. Ut enim voluntarius contractus est emptio venditio, & consensu peragitur; ita voluntarius erat contractus eorum, qui sua jura ac leges quasi alienabant, & Romanis commutabant. Iplis enim eligentibus & populo Rom. permittente, populi fundi fiebant. Vi autem verborum illius formulae fundos factos intelligere debemus, adscitis legibus Rom. earum observationi ita se obstrinxisse, ut *ἀντονομία* juribusque propriis, quae alienaverant, uti amplius non possent, aut novas leges inductis Romanis scribere: Ita ut si quid ejusmodi ausi fuissent, foederum violatorum ac spretae majestatis rei forent. Sed & Ciceronis interpretatio apertior est, nec huic tamen adversatur. Fundus enim populus ideo appellari vult, quod in eo eadem lex, qua utebatur Populus Rom. tanquam in fundo resideret. Quibus verbis intelligit populos illos teneri, & legibus Rom. obligari, sicut fundus aut ager hypothecae obnoxius, & creditori oppigneratus, qui optimus sponfor est. Illos autem fundos populos ea fuisse conditione ex Gellio constat Lib. XVI. cap. 13. ubi de municipibus disserit. Idem Gellius Lib. XIX. cap. 8. de legis fundo meminit, Frontonem sic loquentem inducens. *Sed haec ego, inquit, dixi, non ut hujus sententiae legisque fundus subscriptorque fierem, sed ut ne Caesaris viri docti &c.* Metaphora usus est a populis legis fundis factis, qui mutatis propriis legibus, Romanas adsciscebant, iisque subscribebant. Quo loco neque a se ipse dissentire mihi videtur, quod Pauli Manutii pace dictum volo, qui in argumento Orationis pro Cornel. Balbo, ita de Gellio sentit. Sibi autem constare Gellium sic ostendere possumus. Cum cap. 13. Lib. XVI. verba faciat de illis, quibus populi fundi tenentur. Posteriori vero loco modum explicet quomodo fundi legis fiant, mutando scilicet leges proprias & externis subscribendo. Ex quo etiam posteriori loco debemus animadvertere in illa loquendi formula *populus fundus* subintelligi vocem *legis*, quam Gellius exprimit.

Turnebus Adversar. Lib. IV. cap. 12. M. Tullii interpretationem approbat, ipsumque vere argumentari sine verborum captione asserit: & populum fundum ita dici existimat, *quasi lex urbem Romam in qua lata est, pro civitate habeat populum illum, a quo est adscita, pro fundo quodam suo, ut in eo sedem ponat: ita per translationem ea dicendi ratio auctoritatem significare coepit.*

Paulus Manutius, loco supra citato Ciceronem ut causae suae serviret, sensum formulae illius pervertisse dicit, & sic disserit. *Tota causa pendet a foedere, id est ab interpretatione eorum verborum, ut populus fundus fieret: aliter enim accusator aliter ea Cicero interpretabatur. Accusator sic, fundum fieri populum, cum author esset ejus rei quam alienaret: Cicero cum acciperet unam pluresve leges Romae latas, ut iis legibus in posterum*

rum aequae ac populus Rom. uteretur &c. Nescio quare Manutius foederis Gaditani interpretationem a sensu verborum istorum, ut fundus populus fieret, dependere affirmet. Cum Cicero dicat in illo nihil aliud fuisse, nisi ut pia & aeterna pax esset, quibus adjectum erat quod non est in omnibus foederibus. MAJESTATEM POPULI ROM. COMITER CONSERVANTO. Quod etiam verbum *comiter* accusator perperam interpretabatur *Communiter*. Ex Ciceronis oratione constat accusatorem ex foedere Gaditano L. Cornel. Balbum, ut ad civitatem propriam rediret, repetiisse, quod crederet sine injuria Gaditanae civitatis, ipsiusque imminutione ac detrimento cives ex ea in Romanam elici non posse. Ex Capite vero legis Juliae, quod crederet populum fundum fieri debere, ut ipsius autoritate ex civitate sua aliquis in aliam transiret. Sed negat Cicero haec foedera ac jura ad civitatem pertinere: &, ut jam praedixi, pessime intelligebat accusator. Nam civitas populus fundus fit juris Rom. vel legis alicujus quam accipit, & sic auctor est propriarum legum, a quibus recedit, alienationis. Sed auctor necessarius non est, aut esse potest civi suo, ut civitatem sive volens sive invitus mutet, ut manifeste probat Cicero.

Carolus Sigonius Lib. I. cap. 4. de antiquo jure Italiae, ex Plauto & Festo fundum interpretatur auctorem, ex quo ait: *translate populos fundos appellatos esse intelligere possumus, qui ipsi auctores essent, ut jure civili Rom. se obstringerent, quomodo accipit accusator Cornelii Balbi*. Et Ciceronem affirmat aptius ad causae victoriam quam ad veritatis rationem locutum. Verum Sigonium hic mentem accusatoris affecutum esse dubito. Non agebatur enim de legum Rom. observatione, quae ab aliis civitatibus, etiam antequam in Romanam transissent, observabantur: sed de mutata civitate litem Balbo moverat accusator. Franciscus quoque Hotomanus Observationum Lib. II. cap. 19. vult Ciceronem in hujus formulae explicatione & tempori & causae servasse, & legem de populi autoritate exquirenda eluisse. Illius verba sunt *Neque rursus ob eam causam fieri fundus dicitur, quod in eo lex aliqua tanquam aedificium in fundo ponatur: sed quod civibus suis novo & ascito jure utentibus fundamento sit. Item ut auctores sive patres sive tutores sive venditores firmamento esse solent aliis qui eorum auctoritatem ita sequuntur, ut ea perinde nitantur quasi aedificia fundo. Denique haec locutio non ad substantiae aut qualitatibus, sed ad relationis categoriam pertinet. Quoniam cum dicimus populum esse fundum, hoc significamus civibus suis esse fundum, ut hoc illudve faciant. Veluti ut se pro Rom. civibus gerant; ne illa populi Romani lege utantur*.

Confundunt illi tres Manutius, Sigonius, & Hotomanus juris legumque Rom. in civitatem aliquam universitatis electione, consensu ac autoritate invectionem, cum civitatis mutatione ab aliquo singulari facta, quae ambo distingui debent ut luculenter Tullius rationibus multis judicibus probavit, & in medium allato cum gentibus quibusdam foederum exemplo, quibus exceptum erat, ne cui ex ipsarum civitatibus Romana civitas donaretur. Erat quidem populus fundus auctor civibus suis universis, ut jure Romano simul se obstringerent. Sed singulis auctorem esse haud necesse fuit ut civitatem mutarent, quoniam in singulorum potestate hoc situm erat. Unum equidem miror eosce tantos viros M. Tullium falsae interpretationis insimulare, cum plana sit & aperta illius explicatio, validisque argumentis

firmata. Hotomanus porro populum fundum fieri respectu civium intelligit; potius vero mihi videtur respectu legis ac juris, etiamque legislatoris, cui tanquam hypotheca obnoxius redditur, & cui ut auctor contractu voluntario obstringitur, intelligi debere, ut in locis citatis accepit Gellius. Fit enim fundus ejus respectu cui se obligat, cui spondet, & cui leges ac jura data servare promittit.

Ut autem de conditione populorum fundorum breviter dicamus, certissimum est liberos eos fuisse, neque vi adactos ut legibus Rom. jure patrio abdicato, uterentur. Penes ipsos enim erat proprio connatoque jure uti, vel si elegissent, Romano; hac tamen conditione si populus Rom. ita permisisset, ut ejus quippe superioris Majestas conservaretur, & beneficii loco secundum leges Romanas vivere foederati sociique, utpote inferiores, haberent.

Verba tandem Petri Pithoei explicanda mihi sunt. *Sanctitatem Apostolicae sedis sic comiter conservantes, quemadmodum Principes liberos decet, si non aequo jure, certe non ut dedititios aut fundos.* Transtulit Pithoeus hanc loquendi formulam a rebus Reipublicae Romanae politicis ad nostras, inter quas nec similitudo perfecta intercedit, nec dissimilitudo pariter ipsas penitus disjungit. Certe non ut dedititios aut fundos Reges Galliae erga sanctam sedem se gerere verissimum est. Dedititiorum quippe conditio pessima erat, qui se suaeque omnia divina ac humana arbitrio & potestati victoris permiserant. Neque porro in spiritali politeia ullus dedititius est, non ille qui ut ad meliorem mentem redeat, patri spiritali totum se permittit, & in ejus potestate se fore promittit. Adjecit Pithoeus fundos non ut paris conditionis cum dedititiis eos demonstraret, sed ut ostenderet Galliae Reges non tantum Ecclesiae Rom. servos non esse, nec Ecclesiam Rom. iis imperare, nec leges ab ea tanquam devictos a victore ipsos accepisse: verum etiam ut doceret Ecclesiae hujus regni leges (quas perperam privilegia vocant, quasi a superiori domino concessa sint) connatas ac propriam Monarchiae & huic nostrae genti esse, neque illas a summis Pontificibus Reges velut beneficium sibi collatum accepisse. Quod olim fecere populi Romanorum socii ac foederati, qui ob adscitas Quiritium leges populi fundi appellati sunt. Quamobrem cum Eruditissimi Rigaltii bona venia dicam, me in Pithoei verbis aut sensu naevum haud deprehendere.

CLARISSIMO VIRO
LUDOVICO NUBLAEO JURISCONSULTO
HENRICUS VALESIIUS
SALUTEM.

DE Epistola Ismaelis Bullialdi doctissimi viri, quam mihi legendam misisti, ago gratias. Multa de populis fundis, deque jure ac verbo populorum fundorum
acute

acute ab eo notata magna cum voluptate perlegi. Consilium quoque ejus ac institutum magnopere probavi, qui Petri Pithoei sententiam ac locutionem adversus observationem clarissimi viri Nicolai Rigaltii defendere instituisse. Atque ego, initio quidem cum observationem Rigaltii de populis fundis oculis prope caligantibus percucurissem, rem a Rigaltio confectam esse credideram, ut jam de Petri Pithoei lapsu dubitatio nulla superesset. Sed postquam epistolam Bullialdi, quam ad me miseram, perlegendam curavi, & observationem illam Rigaltii alienis oculis relegi, tum demum intellexi Petrum Pithoeum, qui Reges Christianos sanctitatem apostolicae sedis comiter conservare dixit, ut Principes liberos decet, non vero ut dedititios aut fundos, commoda & benigna interpretatione posse defendi. Ac Bullialdi quidem interpretationem sequetur qui volet; est enim docte & ingeniose excogitata. Mihi tamen, ut ingenue dicam quod sentio, non satisfacit. Etenim affirmat Bullialdus, idcirco Reges Christianissimos non esse fundos sedis Rom. quod leges habeant proprias & imperio suo connatas, non Pontificis Rom. beneficio aut permissu, quae vulgo libertates appellantur: cum populi fundi beneficio ac permissu populi Rom. legibus Rom. uterentur. Sed haec ratio prorsus nihil concludit. Nam & populi fundi leges suas habebant simul cum civitate & Rep. suae natas, quibus domi utebantur absque ullo beneficio ac permissu populi Romani. ut docet Agellius in Lib. XVI. cap. 13. de municipibus loquens. Idque nec ipse Bullialdus, ut credo, inficiabitur, quippe qui meminerit in Oratione Ciceronis pro Balbo scriptum esse populos liberos ac foederatos fundos esse factos, cum legem aliquam populi Rom. adscivissent. Puta legem Voconiam de haereditatibus, aut Furiam de testamentis, aut aliquam aliam de jure civili, qua deinceps in civitate sua uterentur. In ceteris vero rebus leges patrias & avitas custodiebant, quas nullo populi Rom. beneficio sed suo jure retinebant. Non igitur dici potest Reges Christianissimos ideo fundos non esse sedis Romanae, quod proprias leges habeant absque permissu sedis illius, quippe cum etiam populi fundi leges proprias haberent absque ullo beneficio populi Romani, nec populi Rom. gratia opus haberint, nisi ob eam legem quam ex jure civili populi Rom. adsciscere commodum sibi esse ducebant. Proinde alia conquirenda est interpretatio verborum Petri Pithoei.

Videamus igitur, quod fuerit jus, quae conditio populorum fundorum. In eo praecipue sita est conditio populorum fundorum, quod legibus, plebiscitis, & jussis populi Rom. quae ipsi adsciverant, adstricti tenebantur. Docet id aperte M. Tullius in Oratione pro Balbo his verbis. *Sed totum hoc, Judices, in ea fuit positum semper ratione atque sententia, ut cum jussisset populus Rom. aliquid, si id adscivissent socii populi ac Latini, et si ea lex, quam nos haberemus, eadem in populo aliquo, tanquam in fundo resedisset: ut tum lege eadem is populus teneretur? &c.* Accedit Agellius in Lib. XVI. cap. 13. qui municipes ita definit. *Municipes sunt cives Rom. ex municipiis legibus suis & suo jure utentes, muneris tantum cum populo Rom. honorarii participes, nullis aliis necessitatibus, neque ulla populi Rom. lege adstricti, ni in quam populus eorum fundus factus est.* Ex quibus apparet populos fundos adstrictos fuisse legibus Rom. in quas fundi facti fuissent, ut loquitur Agellius, vel quibus fundi fuissent facti, ut ait Cicero pro Balbo.

Balbo. Quod quidem eatenus valebat, ut ex populis fundis singuli cives accusari & accusare possent, ea lege populi Rom. quam adsciverant, & causam dicere apud Magistratum populi Rom tenerentur. Hic ergo sensus est verborum Petri Pithoei, Reges Christianissimos non esse adstrictos jussis rescriptisque Pontificum Romanorum. Fidem quidem & doctrinam sedis Apostolicae amplectuntur & colunt Reges Christianissimi, adeo ut ne transversum quidem unguem ab ea discedere velint. Sed jussis ac decretis Pontificum teneri se nequaquam existimant, nisi quatenus ea jussa sacris Canonibus consentiant, aut Ecclesiae Gallicanae libertatibus non repugnent. Atque ut paucis verbis rem absolvam, fidem a sede Romana non legem accipiunt. Haec fuit sine dubio mens Petri Pithoei, cum Reges Christianissimos auctoritatem sedis Apostolicae comiter conservare pronuntiavit, prout Principes liberos decet, non ut dedititios aut fundos. Id est non ut eos qui se legibus & jussis Pontificum adstrinxerunt. Quod si fundos posteriori loco posuit Pithoeus, non id illum fecisse putandum est, quod populos fundos deterioris conditionis quam dediticios esse crediderit. Neque enim verbum illud, quod postremum ponitur, semper augendi vim habeat necesse est. Atque haec sunt quae pro defensione Petri Pithoei post doctissimi Bullialdi epistolam, adversus observationem V. Cl. Nicolai Rigaltii ad te potissimum perscribenda esse duxi, mi Nublaee, quippe quem Petro Pithoeo inprimis favere, ejusque viri scripta ac dicta omnia plurimi facere intelligerem. Ceterum de jure & conditione populorum fundorum, cum primum mihi otium suppetet, peculiari epistola ad te scribam. Vale.

CLARISSIMO VIRO

LUDOVICO NUBLAE O JURISCONSULTO.

HENRICUS VALESIUS,

SALUTEM.

Quod jam dudum tibi pollicitus fueram, doctissime Nublaee, de jure & conditione populorum fundorum, nunc tandem bona fide tibi persolvo. Quaedam enim in eo jure mihi deprehendisse videor, quae ab aliis non observata, nec satis distincte notata sunt. Quippe cum Marcus Tullius solus pene ex antiquis scriptoribus, qui ad nos pervenerunt, de populis fundis disseruerit, adeo tamen obscura atque intricata est omnis ejus oratio, ut pene plus obscuritatis quam lucis asferre videatur. Et laudandus est quidem meo judicio vir doctissimus Bullialdus, qui Ciceronis verba pro virili parte illustrare conatus est. Sed pace ejus dixerim, Ciceronis mentem non plane neque ex omni parte est affecutus. Itaque nobis satis amplum

plum spicilegium reliquit.

Lucius Gellius & Cn. Cornelius Coss. legem ex senatus sententia tulerant, ut cives Romani essent ii, quos Cn. Pompeius de consilii sententia singillatim civitatem donaret. Donatus fuit civitate a Cn. Pompeio, ex consilii sententia, Lucius Cornelius Balbus. Exiit postea Gaditanus quidam, qui Balbum accusavit, quod pro cive Rom. se gereret: aiebatque, ex populo Gaditano, utpote foederato, neminem potuisse fieri civem Romanum, nisi populus Gaditanus fundus factus fuisset. Negabat enim, ut ait Cicero, ex foederato populo quemquam potuisse, nisi is populus fundus factus esset, in hanc civitatem venire. Cum igitur populus Gaditanus fundus factus non fuerit, Balbum, qui Gaditanus erat, civem Romanum fieri non potuisse.

Ac. primo id notatum velim, errare eos qui existimant, aliter ab accusatore Balbi, aliter a Marco Cicerone populos fundos explicari. Neque enim reprehensus est a Cicerone accusator Balbi, quod ignorasset, quinam essent populi fundi, sed tantum, quod dixerat foederatos populos fundos fieri debuisse, ut aliquis ex eorum civibus in Romanam civitatem veniret. Fundum igitur factum esse populum Gaditanum negabat adversarius Balbi, id est auctorem ac subscriptorem legis Gelliae, qua statutum erat, ut is esset civis Romanus, quem Pompeius civitate esset donaturus ex consilii sententia: vel certe subscriptorem decreti illius, quo Balbus a Pompeio civis Rom. factus fuerat: vel potius subscriptorem legis Gelliae, qua statutum erat, ut is esset civis Rom. quem Pompeius civitate esset donaturus. Hanc illius explicationem fuisse ipse ostendit Cicero pag. 391. *Potuit magis fundus populus Gaditanus fieri (quoniam hoc magnopere delectare verbo) si tum sit fundus, cum scita ac iussa nostra sua sententia comprobaret &c.* ex quibus tamen verbis quidam possint suspicari, hanc fundorum populorum explicationem a Cicerone non probari, sed ex interpretatione ab adversario prolata, Ciceronem adversus ipsum argumentari. Quod quidem innuere videntur haec verba, *si tum sit fundus*. Sed ea verba ambiguum sensum habent, nihilque necessario conficiunt. Itaque in eadem sententia permaneo, Ciceronem in significatione fundorum populorum nihil fere ab adversario Balbi dissensisse. Quod longe clarius fiet, si ipsa Ciceronis verba, quibus accusatori respondet, accurate expendamus, quae a viris doctissimis, qui nuper hoc argumentum tractarunt, perperam accepta sunt. Sic igitur ait Cicero. *Quid enim potuit dici imperitius, quam foederatos populos fieri fundos oportere? Nam id non magis est proprium foederatorum, quam omnium liberorum.* In iis verbis aliquam esse obscuritatem recte Bullialdus animadvertit. Est igitur hujus loci sensus ille; non posse quempiam ex populo aliquo in civitatem Romanam venire, nisi is populus fundus factus sit, id non magis pertinet ad foederatos, quam ad liberos populos. Par enim utrobique ratio est. Atqui in populis liberis id falsum est, ergo etiam in foederatis. Hoc est argumentum Ciceronis, quod oratorio more exequitur. Atque ita explicanda esse haec verba ipse indicat Cicero non longe postea, cum ait pag. 389. *sed cum est illud imperitissime dictum de populis fundis, quod commune est liberorum populorum non proprium foederatorum: ex quo intelligi necesse est, aut neminem ex sociis civem fieri posse: aut etiam posse ex foederatis.* Minor autem illa propositio Ciceronis id scilicet falsum esse in populis

pulis liberis, multis exemplis a Cicerone mox comprobatur, pag. 389. Cui jungenda est pag. 392. multi in civitatem recepti ex liberis foederatisque populis.

Totum hoc, Iudices, in ea positum fuit ratione, ut cum jussisset Populus Rom. aliquid, si id adscivissent focii populi ac Latini. Pergit Cicero ut ostendat id commune esse tam liberis quam foederatis. Nam focii populi iidem sunt ac liberi, ut ex loco proxime citato apparet. Latinos autem foederatos fuisse nemo nescit.

Et si ea lex quam nos haberemus, eadem in populo aliquo, tanquam in fundo resedisset. Reddit rationem nominis fundorum populorum. Scio alios aliam afferre nominis hujus rationem, sed in re obscura Ciceronis interpretationem sequi maluerim, quam cum recentioribus hariolari.

Ut tum lege eadem is populus teneretur. Tenebantur ergo focii & foederati ea lege populi Rom. quam adsciverant, ita ut & accusare ex ea lege civem Rom. & ipsi coram Magistratu Rom. causam dicere ex ea lege cogerentur. Quemadmodum docet Agellius in Lib. XVI. cap. 13. de Municipibus scribens: *Multis aliis necessitatibus, inquit, neque ulla populi Rom. lege adstricti, ni in quam populus eorum fundus factus est.*

Bullialdus quidem in epistola ad Rigaltium id sic explicat, quasi populi, qui aliquam populi Rom. legem adsciverant, eam amplius mutare non possent. Sed re accuratius perpenſa, non videtur mihi nunc verisimile socios & Latinos, qui legem Furiam, verbi gratia, de testamentis adsciverant, coactos fuisse apud Magistratum Rom. disceptare de testamento, si quae forte controversia inter ipsos nata esset. Et sane cum Cicero id non dicat, nihil causae est, cur nos id affirmare velimus. Id tantum dicit Cicero, populum qui legem populi Rom. adscivit, eadem lege teneri: ex eo autem non sequitur cives ex foederato populo, qui fundus factus fuerat, causam Romae dixisse. Quod si ita fuisset, non id taciturus erat Cicero, quippe qui tantopere laborat, ut nihil de jure populi Rom. imminutum esse demonstraret, cum populi fundi facti fuerant. Et verbum *adsciscendi*, quo utitur Cicero, hanc videtur vim habere, ut populi, qui legem Rom. adsciverant, ea deinceps tanquam sua usi fuerint. Sed de his, quae conjectura sola nituntur, lector suo arbitrio statuet.

Non ut de nostro jure aliquid minueretur. Id est, non ut minus juris esset populo Rom. si quem vellet ex eo populo, qui legem aliquam adscivisset, civitate Rom. donare. Atque hoc est quod ait Cicero pag. 391. *videbat enim populos de suo jure, non de nostro fundos fieri solere.*

Sed ut illi populi aut jure eo, quod a nobis esset constitutum, aut aliquo commodo aut beneficio uterentur. Afferit rationem cur populi fundi fieri soliti sint & legem aliquam populi Romani adsciscere. Prima est, ut jure civili populi Rom. utantur: ut cum focii & Latini legem Furiam de testamentis, aut aliam quampiam adsciverunt. Secunda est, ut commodo aliquo aut beneficio utantur. Puta cum iidem focii legem Juliam, qua Latinis & fociiis civitas data est, adsciverunt: vel cum leges aliquas adsciverunt, quibus praemium dabatur accusatori, qui Senatorem Rom. alicujus criminis reum peregisset. Quod quidem praemium saepius additum fuisse legibus Rom. quicumque antiquitatis Rom. periti sunt, non ignorant. Talis fuit lex Servilia, cujus in hac ipsa Oratione meminit Cicero.

Po-

Potest etiam hic locus intelligi de lege, qua immunitas vel privilegium aliquod concessum fuerat sociis ac Latinis. Verbi gratia, cum Romani post bella civilia omnibus non modo stipendiariis, sed etiam liberis ac foederatis populis remissionem aeris alieni, seu novas tabulas concesserunt. Quam legem omnes quidem libentissime adsciverunt. Soli Rhodii legis illius commodo uti noluerunt, ut Dio testatur in Rhodiaca pag. 331.

Quas Latini voluerunt, adsciverunt. Notanda sunt haec verba. Populus Rom. primum voluerat & sciverat legem aliquam, puta Furiam aut Voconiam. Deinde socii eandem legem adsciscebant & volebant, id est scitam sua voluntate ac suffragio comprobabant, ut ea deinceps lege tanquam sua uterentur.

Ipsa denique Julia, qua lege civitas est sociis & Latinis data. Postquam retulit Cicero legem Furiam & Voconiam, aliasque dejure civili, commemorat aliam legem, quae & ipsa pertinebat ad jus civile seu privatum populi Romani. Nam lex Julia erat de civitate sociis & Latinis communicanda. Civitas autem est juris privati. Cur autem eam legem hoc loco affert Tullius, nisi quia a Latinis & sociis adscita & approbata est, perinde ac Furia ac Voconia, de quibus antea locutus fuerat.

Ut qui populi fundi facti non essent, civitatem non haberent. Profert caput legis Juliae, in quo mentio fiebat populorum fundorum. Et recte omnino Bullialdus observat legem loqui de universitate, id est universo populo, cui civitas daretur, non de singulari cive unius populi, contra quam Nicolaus Rigaltius senserat. Hic ergo sensus est hujus capituli legis Juliae, ut ex sociis & Latinis ii tantum populi civitatem Rom. haberent, qui auctores subscriptoresque hujus legis essent, seu qui eam legem sua sententia, suisque decretis comprobassent. Sed miror, quod aiunt Rigaltius & Bullialdus, accusatorem Balbi hoc praecipue capite legis Juliae usum fuisse. Id enim Cicero non dicit. Errat etiam meo judicio idem Bullialdus, cum scribit Legislatorem hoc capite jus Romanae civitatis ad pauciores restrinxisse, ad populos scilicet benemeritos, qui leges Romanas adsciscendo, obnoxios se illis fecissent. Non enim aliae leges hoc capite intelliguntur, sed ipsa lex Julia. Sed dupliciter fallitur Bullialdus in hujus capituli explicatione, tum quod haec verba, *ut qui populi*, de omnibus exteris populis dici existimavit, cum tamen dicantur tantum de sociis & Latinis: tum quod verba illa, quae sequuntur *fundi facti essent*, ad omnes populi Rom. leges retulit, cum de sola lege Julia accipienda sint, cui fundos fieri oportet socios ac Latinos, si civitatem consequi vellent. Porro totus hic locus ita legendus videtur: *Ipsa denique lex Julia, qua lege civitas ita est sociis & Latinis data, ut qui populi fundi facti non essent, civitatem non haberent.* Haec enim Ciceronis ipsius verba sunt, non legis Juliae, ut plerique existimarunt.

In quo magna contentio Heracliensium & Neapolitanorum fuit, cum magna pars in iis civitatibus foederis sui libertatem civitati anteferreret. Cum lex Julia Romae lata esset, qua civitas sociis in Italia & Latinis dabatur, Neapolitani & Heraclienses concionem populi advocarunt, ut in commune consulerent, quidnam facto opus esset; utrum beneficium sibi oblatum amplecterentur, an repudiarent. Multi in iis civitatibus reperti sunt, qui eum honorem civitatis Romanae aspernarentur, mallentque foederati esse quam cives Romani.

Foederis sui libertatem. Foederati enim liberi erant, ut docet Proculus in lege 7. ff. de captivis & postliminio reversis. Haec autem libertas foederis adimebatur civitate Romana: populus enim qui in civitatem Rom. transferat, foederatus populi Rom. amplius esse non poterat. Ex hoc ergo loco id tantum consequitur, libertatem foederis simul cum jure civitatis Rom. non posse consistere, quod verissimum est. At Bullialdus ex hoc loco concludit, fundos populos factos fuisse juris sui libertatis, id est *diverpopulas* amissione, & quasi alienatione, mutatis scilicet legibus propriis, adscitisque Romanis. Quod est falsissimum & a mente Ciceronis prorsus alienum. Nam populi fundi prorsus liberi erant ac sui juris, nullo jure, nulla lege populi Rom. adstricti, nisi quam ipsi sponte adscivissent, voluissentque, ut loquitur Cicero. Velle autem & adsciscere liberorum est. Sed Bullialdus primum deceptus est a prava lectione. Nam in loco Ciceronis legit, *juris sui libertatem civitati anteferre.* Cum tamen legatur in omnibus, ut opinor, editionibus, *foederis sui libertatem.* Deinde existimavit idem Bullialdus, populos fundos fieri, mutatis suis legibus adscitisque Romanis. Quod tamen necesse non fuit. Unam enim aut alteram legem adsciscebant, non autem omnes leges populi Rom. neque id laturi fuissent Romani, ut aliquis populus, aut socius, aut foederatus omnes ipsorum leges adsciceret. Nec ullus veterum dixit quosdam fuisse populos, qui leges omnes populi Romani adscivissent. Et cum Romae quotidie novae leges ferrentur, quotidie etiam leges ab illis populis adscisci debuissent. Denique putavit idem Bullialdus in hoc capite legis Juliae fundum populum dici respectu aliarum legum populi Rom. cum tamen fundus populus hic dicatur auctor subscriptorque legis ipsius Juliae. Consensum enim ipsorum populorum intercedere oportebat, ut civitatem Rom. adipiscerentur. Invito quippe beneficium non datur. Hinc est quod Livius dicit (Lb. XXIII. cap. 20.) Praenestinos ob virtutem civitate donatos non mutavisse. Quod idem est ac si diceret, fundos factos non fuisse.

Ut populi fundi beneficio nostro, non suo jure fiant. Non enim jus habent populi liberi ac foederati adsciscendi leges populi Romani, easque sua sententia ac suffragio comprobandi. Sed id permittit populus Romanus.

Id si est ejusmodi &c. Non igitur omnia jussa & scita populi Rom. permittebantur adsciscere socii ac foederati, uti ex hoc loco liquet manifestissime. Quatenam autem essent illa, quae non permittebantur foederatis, docet mox Tullius: quae scilicet ad Remp. ad imperium & ad statum rei Romanae pertinebant.

Ut quibusdam populis sive foederatis sive liberis permittendum esse videatur. Sic foederatos & liberos jungit Proculus in lege 7. citata. Foederati quidem populi sunt liberi, ut jam dixi, sed non omnes populi liberi sunt foederati. *Liber populus*, ait Proculus, *est is qui nullius alterius populi potestati est subiectus, sive is foederatus est &c.* Liber ergo generis vicem obtinet. Populi enim alii sunt liberi, alii stipendiarii; ex liberis alii foederati, alii sine foedere. Per liberos autem populos intelligere videtur Cicero socios atque amicos populi Romani, quibus cum nullum foedus scriptum intercedebat, ut patet ex pag. 389. *Sed cum est illud imperitissime dictum de populis fundis &c.*

Per-

Permittendum esse videatur. Haec permissio dupliciter intelligi potest. Primo, ut Romani petentibus sociis ac foederatis id permiserint, ut leges suas adsciscerent, quemadmodum doctissimus Bullialdus censuit. Secundo ut id fieri passi fuerint Romani & dissimulaverint, quae tacita permissio dici potest. Certe Cicero id postulatum fuisse non dicit.

Ut statuant ipsi non de nostris, sed de suis rebus, quo jure uti velint. Hoc est quod ait Cicero infra pag. 388. Videbat enim populos de suo jure, non de nostro fundos fieri solere. Ex quo patet, fundum fieri nihil aliud esse, quam statuere & velle seu auctorem esse, & sententia atque auctoritate sua aliquid comprobare. Notandum porro discrimen est inter haec duo, *suo jure* & *de suo jure*. Populi non fiebant fundi suo jure, sed beneficio populi Romani. Fiebant tamen fundi de suo jure, ut de suis rebus statuerent.

De nostra vero Rep. de nostro imperio, de nostris bellis, de victoria, de salute, fundos populos fieri voluerunt. Id est Majores nostri noluerunt, ut populi liberi ac foederati de Rep. nostra, de bellis & victoriis quidquam statuerent, neque ut eas leges quae ad statum rei Rom. pertinent, sibi adsciscerent. Fere enim in eas leges, quae de jure civili latae essent, fundi populi fiebant, non vero in eas leges, quae ad jus publicum populi Rom. spectabant. Hinc est quod superius dixit Cicero. *Innumera-biles aliae leges de jure civili latae sunt* &c. & longe post loquens de lege Gellia, qua sancitum erat, ut cives Rom. essent ii quos Pompeius ex consilii sententia, id est causa cognita civitate donasset. *Huic*, inquit, *generi legum fundos populos fieri non solere.*

Atqui si imperatoribus nostris &c. Ut haec cum superioribus cohaereant, sic interpretari oportet. Atqui si Imperatoribus nostris, & Senatui & Populo non licebit fortissimum quemque ex foederatis & sociis civitate donare, nisi fundi, id est auctores facti fuerint; foederati statuent de nostro imperio, de nostra Rep. de nostro jure, de nostris bellis ac victoriis: atque ita in eorum potestate situm erit an fortissimos viros in nostram civitatem adsciscamus, privabuntque nos, si voluerint, opera atque auxilio fortissimorum virorum. Caetera deinde satis plana atque aperta sunt, ut jam interpretatione nostra non egeant.

Ex his intelligitur nomen *fundus*, cum de populis dicitur, non significare statum quemdam aut conditionem populorum, eo modo quo, cum populus liber aut foederatus ac socius appellatur, status & conditio illius populi declarari solet. Fundus enim populus nihil aliud est quam auctor subscriptorque. Itaque populus non dicitur fundus esse, sed fundus fieri. Quod quidem in omnibus Ciceronis locis, in quibus populorum fundorum mentio fit, observare licet. Et hoc est quod Pithoeo aliisque quampluribus ansam erroris videtur prae buisse, qui existimaverunt nomine fundorum populorum, conditionem aliquam statumque certum designari. Cum tamen populi fundi non fiant, nisi ei legi quam adsciscunt; fiantque fundi legi populi Rom. eodem modo, quo fundi fiunt venditioni, cum locum aut agrum publicum vendunt. Ut igitur ex eo, quod populus aliquis fundus factus fuerat, cum locum aliquem alienaverat, quemadmodum docet Festus, non recte quis concluderet,

ret, peculiarem esse conditionem populorum fundorum, ita neque ex eo quod populi fundi fiant legi cuiquam populi Romani. Neque vero unquam Cicero populos fundos simpliciter appellat, nisi semel, cum ait: *Sed cum est illud imperitissime dictum de populis fundis &c.* Quod tamen non ita accipiendum est, quasi certum genus esse populorum fundorum crediderit Cicero: sed populos fundos dixit pro iis, qui fundi, id est auctores fiunt. Idque praeter ceteros locos, quos in hac epistola adduxi, satis declarat alter ex eadem Oratione, ubi agit de lege Servilia: *Nemo unquam est de civitate accusatus, quod aut populus fundus factus non esset, aut quod foedere civitatis mutandae jus impediretur.* Et paulo post: *Num fundos igitur factos populos Latinos arbitramur, aut Servilia lege, aut ceteris quibus Latinis hominibus propositum aliqua ex re praemium civitatis.* Ubi scribendum videtur, *legi Serviliae.*

Secundo notandum est, populos fundos revera liberos fuisse & sui juris, ut recte a doctissimo viro Nic. Rigaltio est observatum. Populi enim fundi erant aut socii aut foederati populi Romani, quibus permittebat populus Rom. ut legem aliquam adsciscerent. Agellius vero etiam ad municipia civium Rom. id nomen extendit. Ipse quoque populus Rom. recte dici possit fundus factus fuisse legibus Atheniensium, quas per Decemviros descriptas voluit & adscivit.

Tertio observandum est, non in omnes leges populi Rom. fundos populos factos fuisse, sed in eas duntaxat, quae essent de jure civili, aut quae ad commodum ipsorum pertinerent.

Postremo illud annotandum est, Ciceronem tametsi in explicatione populorum ab adversario Balbi minime dissentiret, tamen in explicatione illius verbi diutius immoratum esse, propterea quod accusator ille Balbi nimium foederatis tribuendo, de jure atque auctoritate populi Rom. aliquid minuisse videbatur. Cum enim Gaditanus ille dixisset, ex foederato populo neminem potuisse fieri civem Romanum, nisi is populus fundus factus fuisset; sic fundum fieri populum explicabat, cum scita ac iussa populi Rom. sua sententia comprobaret. Quae verba auctoritatem aliquam videbantur innuere, quasi foederati de legibus ac scitis populi Rom. statuerent quae vellent. Quamobrem Cicero vim juris ac verbi illius pluribus explicandam putavit; ut doceret, fundos populos fieri beneficio populi Romani, nec suo jure, sed permissu ipsius, adsciscere leges, non quas ipsi vellent, sed quas populus Rom. permisisset. Denique non de populi Rom. rebus ipsos statuisset, sed de suis duntaxat. Hinc toties verba illa repetit atque inculcat, *ut populi fundi beneficio nostro non suo jure fiant.* Et paulo post, *Id si est ejusmodi ut populis liberis ac foederatis permittendum esse videatur, ut statuant ipsi, non de nostris, sed de suis rebus &c.*

Haec habui quae de prisco jure populorum fundorum ad te scriberem, in quo explicando viros doctissimos, Sigonium, Manutium, Antonium Augustinum, & Hotomanum deceptos esse video, qui aliter a Cicerone, aliter ab adversario Balbi fundos populos explicari crediderunt, & Ciceronem causae suae favisse. Quam quidem illorum sententiam Vir excellentis ingenii Adrianus Turnebus in Lib. IV. Adversariorum, merito improbavit. Illud etiam corollarii loco hic adjiciam, accusatorem Balbi Gaditanum civem fuisse, qui cum civitatem suam reliquisset, & in civi-

civitatem Rom. fraude irrepsisset, judicio publico damnatus fuerat, ut ei objicit Cicero his verbis. *Ignosco tibi si neque Paenorum jura calles; reliqueras enim civitatem tuam, neque nostras potuisti leges inspicere: ipsae enim te a cognitione sua judicio publico repulerunt.* Et multo post: *Re denique multo ante Gadibus inaudita, fore, huic ut ab illo periculum crearetur, gravissima tum in illum civem suum Gaditani Senatusconsulta fecerunt.* Ex quo apparet, accusatorem Balbi non fuisse civem Romanum. Neque enim si civis Rom. fuisset, illum poena & multa afficere ausi fuissent Gaditani, & quidem Senatusconsulto in eum publice facto. Licebat porro foederatis accusare apud populum Romanum, ut tum hoc exemplo, tum ex lege Servilia apparet, cujus meminit Cicero in Oratione pro Balbo, qua Latinus, id est foederatus, qui Senatorem Rom. reum peregrisset, civitatem Rom. adipiscebatur. Sane Proculus in lege 7. de captivis, notat homines ex civitatibus foederatis apud Magistratum populi Rom. reos factos & damnatos fuisse.

Vale. Lutetiae Parisiorum pridie Kalendas Novembres.

Carolus Fabrottus ad superiorem epistolam haec notavit. Ubi dixi legem Juliam ad jus publicum pertinuisse, & civitatem fuisse juris publici. Ad haec ille „ sic notavit; Jus quidem publicum civitatis & Imperii proprium est: jus civile „ privatum est. Jure publico civitates reguntur: jure civili cives. Ut autem ci- „ vitas sociis communicetur, ad jus publicum non pertinet. Sed hoc agitur tan- „ tum ut socii jure civium utantur.

F I N I S.



C O R.

CORRIGENDA ET NOTIS ADDENDA.



Ag. 10. lin. ult. in notis post Needhamium citatum, *adde*: tum Valesium nostrum ad Euseb. de Martyrib. Palaestin. ad finem Lib. VIII. Hist. Eccles. cap. 5.

Pag. 11. lin. 22. quin hic Hierocles: *scribe*: quin ille sit Hierocles.

Pag. 13. ad finem capitis V. *haec subjunge*. Quae autem a Valesio hoc in capite de Hierocle, ejusque patria, & aetate, observata sunt, & in notis contra Pearsonum animadversa, illa pluribus confirmabunt & inlustrabunt ea, quae de Hierocle, variisque ejusdem nominis apud veteres memoratis, collegit Vir superioris seculi inter primos masculae eruditionis vindices censendus, Thomas Reinesius, in Eponymologico inedito, quod multae industriae ac doctrinae opus post fata auctoris cum nondum lucem adspexerit publicam, non ingratum fore lectori arbitror, si pauca haec de Hierocle, inde a me excerpta ac descripta, speciminis loco exhibeam, quae debemus benignitati Celeberrimi Viri, & amici nostri Jacobi Philippi D'Orville, qui inter alia plurima & egregia literaria *κειμήλια*, quorum locuples & generosus possessor est, hunc etiam thesaurum servat, ejusque usum ea, qua aliorum conatus promovere solet, facilitate nobis concessit.

„ Hierocles, familiaris Arcesilai Philosophi. *Laert. in Arces. § Menecl.* Hic est cui Crantor libellum *ὡς πένδης* inscripsit de filiorum obitu lugenti. v. *Cic. in Lib. IV. Acad. Quest. cap. 43.*

„ Hierocles & Menecl. Alabandenses e Caria fratres, Asiaticorum Rhetorum principes, auditi Ciceroni *Lib. II. de Orat. (cap. 23.) § in Bruto. (cap. 95.) Strab. Lib. XIV.*

„ Hierocles Philosophus Stoicus, vir sanctus & gravis Tauro Platonico apud Gell. *Lib. IX. cap. 15.* Fortassis hic est Hierocles Hyllarimensis, ex oppidulo Cariae Hyllarima, *ὁ δὲ ἀθλήσεων εἰς φιλοσοφίαν ἀχθεῖς* Stephano. cujus verba ista ausu parum cauto felicique sic interpretatur *Johan. Pearsonus*, Collegii S. Trinitatis Cantabrigiae Praepositus, *Prolegom. ad Hieroclem ὡς πρόνοιας ἢ εἰμαρμένης*, ut Hierocles ex persecutore, (hoc enim significari vocula *ἀθλήσεις*) factus fuerit Philosophus, & hac ratione Hierocleas, quos ego distingui oportere doceo, quatuor magno errore in unum redigit, & manifestam verbis Stephani vim infert. Sunt enim huic h. l. *ἀθλήσεις, ἄθλοι*, athletarum quodvis genus *ὑποδείξεις* &

„ ex-

„ exercitia, vel etiam in specie ἡνιοχείας, ἡνιοχεύσεις, aurigationes, quadrigarum
 „ in circo agitationes & certamina: quam artem cum aliquamdiu professus in sol-
 „ lemnibus conventibus fuisset Hierocles, animum ad Philosophiam adplicavit; &
 „ cum Eusebius μαρτυρίαν ἀθλήσεως dixit, nihil aliud quam ἀγῶνας, κακοπαθείας &
 „ certamina eorum pro Fide tenenda, ponenda autem vita, significare voluit,
 „ absonumque & prorsus alienum est, quod de persecutione argutatur Pearsonus:
 „ cuius πολλὴν ῥεμβὴν circa Hierocleas animadvertat quisque inde, quod Hyllari-
 „ mensē cum Alexandrino, Judicem & σκώπτην cum Philosopho, Philosophum
 „ cum Praefecto confudit; Scriptor vero ἱππιατρικῶν quo referendus esset ignora-
 „ vit, vel pervidere non potuit. Ea vero desultoria levitate, qua quae separata
 „ maxime fuerunt, temporibusque & locis discreta copulantur, historiam tempo-
 „ rum, rerum & personarum foede corrumpi necesse est.

„ Hierocles, quem in Athenaei Lib. XIV. reperisse putant de statita placentiae
 „ genere, huc referri non debet, neque enim πλακωντογενέφῳ iste Hierocles,
 „ neque, uti propugnat Pearsonns d. l. *Jatrocles* est, sed *Patrocles*, quae adpellatio
 „ Graecis usitata fuit, ista minime.

„ Hieroclem ἐν τοῖς φιλοσοφίαις laudat Stephanus in βεραχμῶνι, in ταρκυνία, &
 „ Tzetzes *Chiliad. VII. Histor. 44.* unde apparet eum varias regiones perlustrasse,
 „ visu digna raraque quaevis consignasse, & in libros, quos ideo inscripsit φιλι-
 „ σορας, retulisse, adnumerandumque eum Geographis post Strabonem. Non in-
 „ commodum est huic adscribere, quae de colonia Lacedaemone in insulam
 „ Theram ducta & condita a Batto Cyrene narrat ex Hierocle Scholiast. *Pindar.*
 „ *Pyth. od. IV.* & ex parte Tzet. *ad Lycophron. v. 886.*

„ Hierocles AUG. Lib. Dispensator operum publicorum in *Rom. 54. Cl. 9.*

„ Hierocles Caricum mancipium & auriga, incestator etiam Elagabali, occisusque
 „ una cum Domina, Dio & Theod. *Metoch. Histor. Rom.*

„ Hierocli cuidam privato rescipsere Impp. D. & M. Cos. 20. D. 294. in l. 22.

„ C. de rei vindicat.

„ Hierocles, cuius duos libellos μετὰ τῆς ἱππικῆς θεωρητικῆς inter Collectanea ve-
 „ terinariae ex Africano, Agathotycho, Anatolio, Apfyro, Casio, Diophane, Hime-
 „ rio, Pelagonio, Theomnesto, excerpta, & tria praeterea capp. in XVI. Geoponi-
 „ corum legimus, causidicus fuit: sic enim ipse in prooemio ad Bassum, cuius ro-
 „ gatu laborem eum, quamquam a professione sua extrarium, susceperat, in Tri-
 „ bunalibus copiam sui facere petentibus solitus, & tempora Constantini M. pro-
 „ xime praecessit. In hunc optime conveniunt quae de Hierocle Imp. Diocletia-
 „ no referuntur a scriptoribus. Caesariensem Philosophum adpellat *Betulejus Comm.*
 „ *ad Lactant. Lib. V. cap. 2.* pro Philosopho Alexandrino Suidae habet Pearsonus l. d.
 „ Sed nec Lactantius, nec Eusebius Pamphili, qui intimius noverunt hominem, Phi-
 „ losophis eum accensent. Hoc de eo potius, fuisse unum e numero Judicum τὰ
 „ ἀνωτάτω ἢ καθόλου Δικαστῆρα πεπιστευμένον, ut loquitur de eo Eusebius, non intel-
 „ lectus ab Interprete Latino, nec ab editore ejus novissimo L. Holstento: Cum

„ persecutio Christianorum decima ferveret in Bithynia, ejusdem facem & tubam
 „ se praebuit hic Hierocles, quippe non contentus Fideles sententiis damnatoriis
 „ adflixisse, etiam mordere eos & stylo confodere ausus est. Libellos enim duos
 „ horribiles, inscriptos *φιλαλήθεις*, ad Christianos elucubravit, in quibus impu-
 „ denter adfero, *Philostратum doctiorem & veritatis studiosiorem scriptorem esse quam*
 „ *Euangelistas*, Apollonium Tyaneum, infamem magum, & circulatorem Servatori
 „ nostro non solum comparavit, sed & praetulit; quod etiam alios ejus temporis &
 „ notae paganos tentasse *ῥήσεις* quaedam *Augustini & Marcellini Ep. 4. 5. & 49. ad-*
 „ firment. *Philalethem* istum refutasse fertur *Eusebius Pamphili*; sed in iis, quae
 „ ejus habemus hodie, Philostratea, quibus Apollonium celebravit in Libb. VIII.
 „ tantum excussit, adlataque initio tractatus unica & brevi Hieroclis *ῥήσις* recta
 „ transit ad Philostратum, eumque ordine percurrit, fortassis latratus canis &
 „ blasphemias divulgare amplius & repetere non sustinens. Sed quas tamen qua-
 „ les fuerint, de scripturarum contrarietate, de ruditate Apostolorum, de Petri &
 „ Pauli dissidio, quae omnia a *Celfo & Porphyrio* mutuari potuit, e *Lactantio*, cui
 „ notus visusque fuit Nicomediae Hierocles l. d. cognoscere licet. *Aeneae Gazaeo*
 „ Philosopho Christiano e Platonis, qui Hieroclem Alexandrinum, de quo
 „ mox, praeceptorem suum dixerat *Dial. de resurr. Mortuor.* Hierocles hic est
 „ ὁ προβαλόμενος τὰ θαυμάσια i.e. rerum miraculosarum jactator, scil. in illa Apol-
 „ lonii cum Christo comparatione, quam vidit legitque *Aeneas*; producit enim
 „ inde fabulosam de Myrone, quodam ephebi Corcyrensis foedo amatore, & fide
 „ indignam narrationem prodigiosis nugis *Philostrati*, quem sequebatur, ab eo super-
 „ additam. Prorsus autem consentaneum est, *Hieroclem* eum, qui causidicinae in
 „ Foro inque Tribunalibus operam suam advocationibus aliquamdiu locaverat pro-
 „ baveratque, tandem in Judicum ordinem allectum fuisse. Dictam modo contra
 „ *Philalethem* Hieroclis, vel potius contra Philostратum de Apollonio *τετρατολογίαν*
 „ *πραγματείαν* claudit *Eusebius* brevi commendatione adversus Fati necessitatem,
 „ quam Apollonius, ut liquet e Lib. VII. & VIII. sic adstruxerat, ut ἀτρεπτα εἶναι
 „ ἀπὸ πλάθου αἱ Μοῖραι contenderit, inserens praeterea, si cui fatum destinaverit esse
 „ architecto, eum, si vel ambabus manibus truncetur, fore nihilominus archite-
 „ ctum; & si cui palmam in arte sagittandi decreverit, eum vel oculis captum a
 „ scopo non aberraturum esse. Id vero dogma quod tollat τὸ ἐφ' ἡμῶν arbitrii nostri
 „ libertatem, negetque Deum & providentiam, explodit ea quam dixi commenta-
 „ tione *Eusebius*. Hanc cum fugientibus oculis, & tanquam per transfennam in-
 „ spexisset *Jonsius*, Hieroclis *πρὸς πρῶτον ἢ εἰμαμένους* libros ibi refutari ab *Eusebio*
 „ putavit, *Lib. III. Hist. Philos. cap. 18.* & ne tempora opinioni suae reclama-
 „ rent, alium quemdam a Pamphili *Eusebio* Auctorem anti-philalethis eundem-
 „ que Hieroclis de Provid. & Fato adversarium *Eusebium* finxit, quae delira &
 „ intoleranda sunt. Qua enim fronte *Eusebio* adjudicare ausit, quod totius anti-
 „ quitatis consensu, testimonio Photii Cod. XXXIX. tot Manuscriptorum, editorum-
 „ que codicum fide ei tributum omnes novimus? Et quemnam dicet nobis *Euse-*
 „

„ sebi sum, unde domo, quando, ubi fuerit, cui Historicorum notus di-
 „ ctusve? Imo Apollonium Philostrati ipso nomine compellat Eusebius, cum adver-
 „ sus Fati necessitatem disputat. *Hieroclem* vero scriptorem ὁ περὶ προνοίας ἢ ἐιμαρμῆς
 „ quippe longe iunior. & qui aliter, utpote secundum Platonem, de fato sensisse
 „ nec ἀλόγιστον ἀνάγκην Genethliacorum, nec τὴν Στωικὴν Βίαν admisisse compertus est,
 „ refutare nusquam adparet.

„ *Hierocles*, ἐπαρχὸς Ἀλεξανδρείας Epiphan. Haeres. 68. ubi de secta Meletii; i. e.
 „ praefectus Augustalis Alexandriae. Fuit iste tempore persecutionis a Diocletiano,
 „ proposito de Christianis toto orbe tollendis, & destruendis ecclesiis edicto
 „ Nicomediae, anno ejus imperii XIX. D. 303. excitatae, exercitae videlicet in
 „ Asia, Oriente & Aegypto, continuataeque a Galerio, cui purpuram cesserat
 „ Diocletianus. v. *Sigon. Lib. I. de occid. Imp.* Unde manifesto deprehenditur di-
 „ versus esse ab illo in Bithynia iudice, & rabula Christo-mastige, & frustra labo-
 „ rare *Pearsonum* l. d. conjiciendo, a Diocletiano missum promotumque Alexan-
 „ driae praefectum fuisse. Neque enim hujus rei vel nota quaedam levis vel uni-
 „ cus testis est. Diocletianus autem & Maximianus Herculus Augg. eo ipso anno
 „ deposuerunt imperium, Galeriusque Maximianus d. Armentarius haeres Diocle-
 „ tiani in Aegypto factus est, uti Constantius Maximiani senioris successor in Occi-
 „ dente.

„ *Hieroclem*, cujus ἡμετερον τεμάχιον hoc μὴ δ' αἰόλιζ' αὐτὰν ne deceperis ipsam (αἰ-
 „ λίζεν enim est ἀπατᾶν) laudatur a Scholiaste Theocriti ad Idyll. I. v. 56, inter
 „ incertae aetatis & conditionis scriptores hactenus numeramus: Similiter illum,
 „ cujus αἰεῖα simplicitatis & ineptiae scholasticae exprimentia capp. XXIX. Graeco-
 „ Latina, initio hujus seculi *Melch. Goldastus* primus vulgavit.

„ *Hierocles* Consularis Syriae Coeles, l. 2: C. quorum adpell. non recip. & l. 7. C.
 „ *Theod. eod.* Coss. Leontio & Gall. a. D. 344. & Coss. Phil. & Gall. a. 348. l. 6.
 „ C. Th. de jure Fisci.

„ *Hierocles* Alypii filius ex vircario Britanniarum Imp. Valente. *Amm. Marc.*
 „ *Lib. XXIX.*

„ *Hierocles* Alexandrinus Philosophus, aequalis Proclo, Lycio & Syriano. *Damasc.*
 „ in vita *Isidori Philos.* apud *Photium CCCXLII.* Timagenis filium vocat *Theophyl.*
 „ *Simoc. extr.* φυσ. ἀπορρῶν, laudatque cum Damascio, Ambrone, Imbrasio, qui
 „ eum Ammonio, Plotino, Origeni, Porphyrio, Jamblichio supponit & Plutarcho
 „ Atheniensi. Praeceptor hic fuit Aeneae Gazaei; Hic in *Dial. de resurr. mort.* de
 „ quo non dubitare debuit *Barthius*: multo vero minus commentarium in aurea
 „ carmina Pythagorae tribuere alteri aetate altiori: est enim & hic & ille idem-
 „ met ipse. Neglexit etiam summa incuria datos characteres temporum *Pearsonus*,
 „ eoque in puerilem errorem incidit, ut scripta hujus Hieroclis Alexandrini Phi-
 „ losophi, Hierocli Nicomediensi seu Diocletiano, annis sesquicentum majori,
 „ assignaret contra auctoritatem *Damascii*, quem nec *Barthius* agnovit, & excer-
 „ ptoris ejus *Suidae*. Refert *Suidas* sine dubio e Damascianis, quae integriora ha-
 „ buit quam quae dedit *Photius*, eum profectum Constantinopolin indignationem

„ Imperatoris incurrisse, tractumque in iudicium a sex licitoribus ad sanguinem
 „ usque flagellatum, exilioque damnatum fuisse; reversum autem post Alexan-
 „ drium, more solito scholam habuisse. Viderit *Pearsonus*, qui φιλόσοφον Ἀλεξαν-
 „ δρείᾳ *Suidae*, & ἑπαρχον Ἀλεξανδρείας *Epiphani*, eundem hominem constituit,
 „ quomodo Ictis persuadeat virum praefectura Augustali illustrem, fustuariae sub-
 „ ditum poenae; vel flagellorum castigatione in servos & tenuiores constituta,
 „ l. 10. *D. de poenis*, admonitum fuisse. Hunc esse existimem, qui citatur a *Sto-*
 „ *boeo* 1. *Ecl. Physic. c. 7. & Ethic. extr.* ἐν τῷ πῶς χρῆστέον τοῖς θεοῖς, & alibi, πῶς
 „ χρῆστέον ἑαυτοῖς. πῶς χρῆστέον τοῖς γονεῦσι. πῶς χρῆστέον συννέεσι. πῶς πατερίδι χρῆστέον.
 „ ὡς γάμου. ὡς φιλαδελφίας. ὡς οἰκῶν. Et quid ni haec sint τὰ φιλοσοφούμενα
 „ *Hieroclis*, e quorum secundo quaedam allegat *Apostolius Cent. 8. prov. 20.* Plato-
 „ nis sectatorem fuisse luce meridiana clarius fit legentibus libros ejus ὡς προνοίας
 „ ἢ εἰμαμένης ἢ τῆς ἔξ ἑφ' ἡμῖν ὡς τὴν θείαν ἡγεμονίαν συντάξεως ad *Olympiodorum*;
 „ itemque *Damascium l. d.* etsi a quibusdam inter Pythagoreos recenseatur, fortas-
 „ sis quia χρυσᾷ ἔπη Pythagoreorum Commentario illustravit: v. *Suid.* Eum Graeco-
 „ Latinum nuper ediderunt Londinenses addita carminum versione duplici, altera
 „ *Joh. Curterii*, altera *Theod. Marcilii*; itemque adnotationibus tam hujus, quam
 „ *Frid. Sylburgii*. Libros ejus de Provid. & Fato excerpfit *Photius cap. CCXIV. &*
 „ *CCLI.* Scripsit etiam notante *Labbaeo Novae Biblioth. p. 171.* Commentar. in Alcib.
 „ primum *Platonis*, ἢ ὡς ἀνδρώπων φύσεως, & *Gorgiam* ejusdem explicavit.
 „ Praeter haec συχνὰ βιβλία ejus fuisse indicat *Suidas* non expressis eorum argu-
 „ mentis.
 „ *Hierocles* Grammaticus, Byzantinus puto, auctor *Συνεκδήμου*, Comitum peregrina-
 „ tionis. Ita reddidit *Vales. ad Ammian. Marc. Lib. XXXI.* vel conviatoris, quasi
 „ inscripsisset *Συνδοδαίπορον Συνοπαδόν*, vel notitiam Provinciarum seu Imperii Orien-
 „ talis, cujus verba quaedam de dicti Imperii praefecturis LXIV, Urbibus vero
 „ DCCCXXXV. refert *Constantin. Porphyrog. l. 2. Themat. c. 1.* Integram vero in
 „ altera parte Syntagmatis Geographiae editurum se promisit *Lucas Holstenius*.

Pag. 18. lin. 31. in notis post illa, ad *Pollucem praefatione pag. 33. & seqq.* adde: tum
Boecleri Dissertatio de Lexicis, quae legitur in Adpendice Ejus Dissertatio-
 num Academicarum pag. 101. & seqq.

Pag. 19. lin. 17. ex loco *Aeliani* &c. adducto. lege ex verbis adductis.

Ibid. lin. 18. Fluctuasse etiam quondam hoc in loco. lege: Fluctuasse etiam
 hic quondam cum viderem &c.

Ibid. lin. 21. ad locum hunc inlustrandum. haec deleri possunt. *Ibid.* pro humam-
 tate, scribe humanitate.

Pag. 24. lin. 25. habet *Perizonius*: insere haec: Ea autem, quae in pyram conjicie-
 bantur, ἐντάφια Graeci vocant, sive generali vocabulo, δῶρα, ut munera,
 & dona suprema Latini. vide *Valesium* ad Excerpt. *Peiresc. pag. 106.* *He-*
raldum ad *Martialem* pag. 94. & quos laudat *Wolffius* ad *Plutarch. Fragm.*
de Nobil. Tom. IV. Anecd. Graec. pag. 216.

Pag. 25.

Pag. 25. lin. 35. post Scip. Gentilem pag. 202. *ista addenda*: indicat hunc Ennii locum Glossator Petronii ad illum versum in cap. 93. Satyr.

ultimis ab oris
Adtractus Scarus, atque arata syrtis.

Ubi Glossae veteres: Scarus piscis nobilissimi genus, mari Carpathio frequens, cerebrum Jovis dictus ab Ennio. quae totidem verbis repetuntur in iisdem Glossis ad cap. 119. vide & Hieron. Columnae Comment. ad Ennium pag. 158. Ed. Cl. Hessel. desumptus autem est ex fragmento Phagesiorum Ennii, quod habetur in Pithoei Catalectis in fine Lib. IV. Epigram. Veter. quos Ennii versus ex Graeco fonte derivatos, & quidem ex Arcestrati Gastronomia desumptos esse notat Dan. Heinsius Lib. II. de Satyr. Horat. pag. 103.

Pag. 26. lin. ult. *adde*: eandem curam de edendis Graecis Rhetoribus in animo etiam habuit Mauffacus, qui in notis ad Harpocration. pag. 352. promittit veterum Rhetorum orationes Latine a se versas, & notis illustratas.

Pag. 27. lin. 2. in notis. *post*, Rhenea Delo vicina. *adde*, quam inter Cycladas Delum cingentes enumerat etiam Constantinus Porphyrog. Lib. I. de Themat. pag. 51. ubi *Pivex* vocatur, quomodo etiam scribitur in loco Plutarchi apud Spanhemium ad Callimach. pag. 487.

Pag. 28. lin. 4. in notis. *post* adnotavit hic Valesius: *inferenda haec*: quin & tradit Pausanias Lib. V. cap. 6. apud Eleos legem fuisse, ut feminae quae ad Olympicos ludos penetrasse deprehensae fuerant, saxo praecipitarentur: & hac in re exemplum etiam hujus Pherenices unicum, cui id concessum fuit, refert. Ubi vide quae de illa, & discrepantia Auctorum veterum in nomine hujus feminae, dum alii eam *Callipatiram*, vel *Pesidoram*, aut *Eucleam*, pro Pherenice vocant, in notis suis habet Kuhnus. Plura de hac lege habent Potter. &c.

Pag. 29. lin. 20. init. cap. *quod inscribi debet* *πρὸς βασιλικὸν λόγον*. *nota*: Idem monuit Valesius in notis ad Euseb. Orat. de laudib. Constantin. cap. 10.

Pag. 33. ima pagina in fine notae, illis, quae de *Charmide* observavi, *haec addenda*: Apud Quintilianum etiam Lib. XI. Institut. cap. 2. cum vulgo legeretur, *Quare & Carneades & Scepheus Metrodorus*, quos Cicero dicit *usos hac exercitatione*, *sibi habeant sua*. optime *Charmadas* ex ipso Cicerone restituendum esse vidit Davisius, merito id probante Patruo meo, qui nonnulla alia ibidem de *Charmada* habet.

Pag. 35. cap. XXX. Hoc & proxime sequens caput non suo loco posita erant in scripto exemplari. Primum caput XXX. melius inferetur post Lib. II. cap. 10. sequens autem rectius ponetur post ejusdem libri cap. 14.

Pag. ead. lin. ult. in nota *adde*: iisque, quae de significatione verbi *χαμάζεν* ibidem profert, *adde* Menagium ad Diog. Laërt. Lib. X. in Addendis pag. 18. Ed. Lond. in fol.

Pag. 37. lin. 30. in verbis Stephani: *Ἀγγιμὸς γὰρ*: *nota*: ita in omnibus editis male excusum, unde & sic in Valesiano exemplari habebatur. Sed recte

Berkelius fide codicum scriptorum *Αἰγίμιον* restituit: & ex Scholiaste Pindari id etiam monuit Holstenius.

Pag. 38. lin. 34. post citatum Fabricium in Bibl. Graec. *haec inferenda*: Quod autem Scholiastes Apollonii Rhodii sine addito auctoris nomine simpliciter tantum laudet ὁ δ' Ἀἰγίμιον ποιήσας, id frequens est apud Grammaticos antiquos, quando ad partes vocant poemata aut scripta, quorum verus auctor ignorabatur, indicatis tantum eorum operibus, de quo egregie agit Maussac ad Harpocration. pag. 91.

Ibid. lin. 38. ut statim notavimus. *lege*, ut modo notavimus.

Ibid. in fine ejusdem notae, *post illa*, ut monuit Berkelius: *haec adde*: Id autem Hesiodi poema Ἡοίαι μεγάλαι, ἢ Γυναικῶν κατάλογος vocatum fuit, ejusque fragmentum esse scutum Herculis, putat Septim. Flor. Christian. ad Aristophanis Irenam v. 837. & Canterus Lib. IV. Nov. Lect. cap. 3. qui addit opinionis suae auctorem etiam esse virum doctissimum Joh. Auratum. Sed Vir doctus in Miscellan. Observat. vol. III. Tom. I. pag. 81. Ἀσπίδα Hesiodi non esse fragmentum operis Ἡοίαι dicti existimat, sed potius alterius poematis quod vocatum est γενεαλογίαν ἥρωϊκαι sive ἥρωγονία. Citatur etiam a Diomede Grammatico Lib. III. pag. 408. Ed. Putsch. *Exegetici poematis species sunt tres. Historice qua narrationes & genealogiae componuntur, ut est Hesiodi γυναικῶν κατάλογος*. Cujus locum habet Valesius ad Harpocration. pag. 77. ubi & observat Hesiodum etiam scripsisse virorum Catalogum, & inde Hesiodum ἐν καταλόγοις citari a Scholiaste Homeri. indicat illud ipsum Hesiodi opus Eunapius in Aedesio pag. 60. Ed. Commelin. & γὰρ τὰς Ἡσιόδου καλεμῆδας Ἡοίαι εἰς σενδον γέγραπται. & Servius ad Virgil. Lib. VII. Aen. v. 268. *Hesiodus etiam de γυναικῶν, inducit multas Heroïdas optasse nuptias virorum fortium*. Plura hac de re habet Langbaenius ad Longinum *de Ἰψης* Sect. IX. pag. 56. Ed. Tollii. qui tamen putat Ἡοίαι μεγάλας & γυναικῶν κατάλογον Hesiodi diversum carmen, neque scutum Herculis fragmentum istius operis, sed distincta poemata fuisse, id quod contra Canterum & Casaubonum adserit. vide etiam Kuhnium ad Pausan. Lib. I. cap. 3. pag. 8. Quin & ad exemplum Hesiodi Catalogum Heroïdum scripsisse Lucanum censet Scaliger ad Catalecta pag. 280. ubi versus illos *Thebais Alcmena* &c. profert, quos citat Lutatius ad Statii Lib. IX. Theb. 424. sed apud quem vulgo in *catagonio* legitur, cum *catacausmo* scribendum sit, ut notavit Eruditissimus Oudendorpius ad vitam Lucani. Sed & Statium ipsum in Catalogo saepissime ad partes vocat idem ejus Scholiastes, ut ad Lib. VI. v. 909. VIII. 364. & 707. Lib. IX. 745. & Lib. XI. v. 45. quo in opere an Statius celebrium Heroum ac Ducum laudes descripserit, non facile est judicare.

Pag. 40. lin. 42. *post*, vid. Meurs. in Libro de Piraeo cap. X. *adde*: tum quae de diversis magistratibus apud Athenienses in Reipublicae mutatione notavit Valesius, operose & erudite exponit Perizon. in notis ad Aelian. Lib. V. cap. 13.

- Pag. 41. lin. 1. *hem de legem tulit. delendum illud hem.*
- Ibid. lin. ult. *adde:* quae Boxhornii nota desumpta est ex illius Dissertatione de Amnestia, quae legitur inter Boxhornii Dissertationes Politicas num. XIX. pag. 402. & seqq. plura vide apud Schottum ad Senecae Controv. XXXII. & in notis Doctorum ad Justin. Lib. V. cap. 10. §. 11. Adde Boecleri Dissert. de Amnestia cap. 2. pag. 595. inter Ejus Dissertationes Academicas.
- Pag. 43. lin. 29. *post*, in Edit. Casaub. *adde:* tum Synesius in Narratione de Dionis vitae instituto, quam Graece a Synesio factam Latine vertit Petavius an. 1604.
- Pag. 47. lin. ult. *post* notavit Olearius: *adde:* hic autem idem est Favorinus, inter veteres Criticos clarus, quem saepe de grammaticis quaestionibus disputantem inducit Gellius. vid. infra ad Vales. Lib. I. de Critic. cap. 15.
- Pag. 48. in nota lin. 8. *adde:* de Prusa-urbe vide etiam Scalig. ad Euseb. Chronic. num. 882. pag. 84. ubi in Codice Palatino *Περσία* legi non *Περσίας* testatur Schursfleisch. in Notit. Biblioth. Vinariens. pag. 245.
- Pag. 49. lin. 38. *quae & Cuis. lege Cius.*
- Ibid. lin. 41. *post opus non erit.* *adde:* Tollius etiam in notis suis pag. 373. ita explicat, ut ante eum jam fecerat Palmerius.
- Ibid. lin. ult. *post Salmasium laudatum, haec adde:* & ita in plurimis Prusensium nummis ab Holstenio ad Stephan. Byzant. pag. 264. prolatis constanter habetur, *ΠΡΟΣΤΕΙΩΝ ΠΡΟΣ ΤΗΝΩ.* & sic similiter in Actis Latinis Concilii Nicæni, *Hesychius Prusensis juxta Hypium fluvium*, ut hic corrigit Valesius, scribendum esse monuit Illustr. Spanhemius in mortali opere de Praestant. & Usu Numism. Dissert. IX. pag. 889.
- Pag. 50. in nota, ubi de apio Nemeonicarum praemio agitur, *post versum ex Antholog. Graeca citatum adde.* Artemidorus Lib. V. Oneirocr. §. 8. pag. 254. *ἔδοξε τις ἐν Νεμέᾳ ἀγωνίζεσθαι ἀνδρῶν πάλην, ἢ νικᾶν, ἢ τεφανῆσθαι &c. ἢ δὲ ἐνίκησε τῷ δ' εἶδες λόγῳ, διὰ τὸ σελίνῳ τῷ ἐν Νεμέᾳ τὰς νικᾶντας τεφανῆσθαι.* Visus est sibi quis in Nemea virorum luctam decertare, & vincere & coronari &c. & sane victor evasit juxta visionis rationem, propterea quod victores in Nemea apio coronantur. Vide & Callimachi Fragm. XX. ita apium *Νέμεον ἄνδρα* vocatur in Sibyllin. Orac. Lib. V. pag. 304. Ed. Obsop.

αἰτὰ Νεμέᾳ

Ἄνδρα ἐνὶ ἐχέσῳ.

Ita enim recte correxit Casaubon. ad Spartian. Adrian. cap. 4. & per *Νέμεον ἄνδρα* indicari *σέλινον* praemium Nemeonicarum monuit, cum in vulgatis legatur *αἰτὰ ἀνεμείης Ἄνδρα* &c. Sic Servius ad illa Virgilii in Ecl. VI. v. 68. *Flo-ribus atque apio crines ornatus amaro;* haec notat: *apud antiquos in agone erat species coronae de apio; sed in Nemeaeo agone, qui in honorem Archemori institutus est: & volunt quidam hoc coronae genus ad indicium mortis electum &c.* Sane in eo agone speciatim apio coronantur poetae. Lutatius ad Statii Lib. VI. Theb. in init.

- init. ubi omnes ludos, eorumque praemia enumerat, dicit: *Nemea in honorem Archemori, cujus victores apio coronantur.* De Isthmicis Polyaeus Lib. V. Strateg. cap. 12. τὰς γὰρ τὰ Ἰσθμια νικῶντας οἱ Κορινθιοὶ τῷ σελινῶν σεφάνῳ. victores Isthmiorum certaminum Corinthii apio coronant. Sed vide plura apud Rigaltium in notis ad Artemidor. pag. 40.
- Pag. 51. lin. 5. in nota: *prævit mihi Erasmus. lege suggestit mihi.*
- Pag. 53. lin. 4. in nota, post locum Strabonis, *adde: & sic θεοφορήσεις & κορυβαντισμὸς* conjungit Dionys. Halic. Lib. II. pag. 91.
- Ibid. post citatum Scalig. ad Catull. *adde: ubi de hac voce agit, sed quem cum reprehendisset Hieron. Mercurialis in Variis suis Lectionibus, a Scaligero deinde acerrime exceptus est longa satis digressionem in Animadversionibus ad Eusebium pag. 28. ubi quæ de voce κορυβαντιῶν & κορυβαντισμῶ in notis ad Catullum antea scripserat, latius vindicat. Vide & Langbaenium ad Longinum μετ' ὧν Sect. XXXVIII. pag. 209. Ed. Tollii.*
- Pag. 54. lin. 11. in nota. ad Ovidium meus Patruus. *adde: & vide ea de re Meursium in Auctar. Philolog. cap. 36.*
- Pag. 56. lin. 6. Valesius, *Inter Graecos porro, inquit, Philistion Comoediarum scriptor.* Hunc inter Comicos post Menandum & Philemonem etiam recenset Iacius Tzetzes in Prolegomenis Scholiorum ad Lycophronem. Verum *Philistion* hic non adeo Comicus fuit, sed potius mimorum scriptor, ut apud Latinos Laberius, vel Publius Syrus. Sic *mimos ridiculi Philistionis* memorat Martialis Lib. II. Epig. 41. de eo vide Sirmondum ad Sidon. Apollin. pag. 26. Ejus scripta recenset Suidas, & inter alia etiam poemata φιλογέλας, quod alii tamen Curiensi Hermiae tribuunt. Vide Reinesium Lib. I. Var. Lect. pag. 15. & Meurs. in notis ad Hesych. Miles. pag. 215.
- Pag. 60. lin. 3. in nota; post illa, *ubi de his ψαλλοῖς multa egregia notavit, infere haec: Ille autem Plutarchi locus desumptus est ex Platone Lib. III. de Legib. cujus verba habet Erasmus in Adagio psallium injicere pag. 759. Loquitur autem de Lacedaemoniorum Republ. in qua Ephori constituti erant ad temperandam regiam potentiam, dicens: οὗτον ψάλλον ἐνέβαλεν αὐτῇ τὴν τῷ ἑφῶρον δύναμιν, velut psallium illi injecit Ephorum potentiam. Quæ totidem verbis descripsit Plutarchus.*
- Ibid. in fine: *adde: quæ autem dura lupata vocant Virgilius & Ovidius, rigida lupata dixit Claudianus in Consul. Prob. & Olybr. v. 82.*

— hic sub juga ferrea mittit
Cornipedes rigidisque docet servire lupatis.

eleganter Prudentius in Psychomach. v. 192.

Nec minus instabili sonipes feritate superbit,
Impatiens madidis frenarier ora lupatis;
Huc illuc frendens obvertit terga, negata
Libertate fugae, pressisque tumescit habenis.

- Pag. 63. lin. 5. in nota: post, *Vales. ad Ammian. Marcell.* adde: vide & de Tarfi conditoribus Morell. Specim. Rei Numm. pag. 76.
- Pag. 64. lin. 15. Valesius; *Certe vox ἡγεμόνες, qua utitur Dio, Casaubonum admonere debuerat de Praesidibus provinciae hic agi.* Recte explicat Valesius. Eo sensu in vexatissimo illo Lucae loco cap. II. v. 2. ἡγεμονίδοντες & Συρίας Κυρηναις. & cap. III. v. 1. ἡγεμονίδοντες & Ποντίας Πιλάτης & Ἰουδαίας. Vide etiam Valesium infra ad Philostrat. Lib. III. Emend. cap. 8. pag. 88. & plura apud Spanhem. de Usu & praest. Numism. Diff. VI. pag. 572. & 573. ubi Strabonis locum etiam adfert, ac Valesium nostrum laudat, quod recte in Dionis Excerptis pag. 726. ubi legitur, *Aufidius Viborinus Ἀφεικῆς ἡγεμονίδας*, verterit, *cum Africae proconsul esset.*
- Pag. 66. lin. penult. in nota. post. *Geograph. in fine.* adde: de his conventibus vide & infra Lib. V. cap. 16.
- Pag. 69. lin. ult. in nota. adde: Ceterum de cultu harum Dearum apud Smyrnaeos videndus etiam est Prideaux ad Marm. Oxoniens. pag. 149.
- Pag. 70. lin. 23. in nota. post ΚΙΒΟΤΟΣ. *insere.* de Apamea Phrygiae nonnulla etiam habet Cl. Westfeling. ad Hierocl. Synecd. pag. 673. vide & Morell. in Specim. Rei Numm. pag. 83.
- Pag. 73. lin. 7. in notis: *haec addenda:* Sic Plutarchus in loco, quem habet Valesius noster in notis ad Harpocraton. pag. 34. ait Eubulum οὗτοι τοὺς διοικήσεις i. e. pecuniae publicae administrationem πεπολιτεῦσθαι. de procuratoribus Caesaris autem plura vide apud Spanhem. de Usu & Praest. Numism. Diff. VI. pag. m. 572. DISPENSATOR AUG. HIEROCLES occurrit etiam in Inscript. apud Fabrett. Cl. IV. n. 284. sic apud Sueton. in Galba cap. 12. *despensatori breviarium rationum adferenti* &c. Aliter etiam hos dispensatores, sive διοικητάς, seu qui pecuniae regiae curam habebant & aerario publico praeerant, Graeci ταμίας promiscue vocant, aut ταμιαὶς, vel ταμιέχης. Vide Bonav. Vulcanium ad Aristotel. & Apulej. de Mundo pag. 202.
- Pag. 74. lin. 5. in notis: *Nescio an de eo capiendum sit &c.* haec deleantur, nam in Varronis loco *Ismenias* fluvii nomen est. Pro iis autem rectius ista inferentur: In Dione etiam *Ἰσμενίαν* scribendum esse monuerat Perizonius ad Aelian. Lib. XII. cap. 43. num. 7. meminit etiam hujus tibicinis Ismeniae Hesy-chius Milesius de Viris Inlustr. in Cratete, ad quem vide Meursii notas pag. 162. Eundem Ismeniam Thebanum & αὐλομελοδίας ἑμπαρὸν ἀνδραπον, ὃ σοφὸν τῇ γνώμῃ τυγχάνοντα vocat Auctor anonymus ineditus de vita Alexandri Magni, quem sibi ex Bibliotheca matris reginae Galliae utendum dedisse Franc. Pithoeum testatur Bongarsius ad Justinum Lib. XI. cap. 4.
- Ibid. lin. ult. Antigenidi adscribunt. adde. ut Cicero in Bruto cap. 50.
- Pag. 75. lin. 6. in notis: *Bellonarii* reddantur. adde: de quibus vide Salmasium ad Tertullian. Pall. pag. 356.
- Pag. 76. lin. 15. in notis. post laudatum Sponium in Itiner. Tom. I. pag. 446. & 447. *haec porro subjungenda:* qui exhibetur etiam in tabulis ante Wheler. Voyag. de Dalmat. num 96. Sane in plurimis vetustis nummis haec Fortunae imago, ita ut eam describit Lactantius l. c. cum istis insignibus exstat. vide

Anton. Augustin. Dialog. II. Antiq. in FORTUNA. pag. 24. Sic in nummo, cujus inscriptionem inter alios ex Galliae cimeliis profert Vir Inlustris Scipio Maffei, ingens Veronae decus, & natalium splendore aequae ac doctrinae eximia gloria nobilissimus, in Select. Galliae Antiquit. Epist. XXII. pag. 109. conspicitur mulier stolata cum cornucopia & temone, addita inscriptione, FECUNDITAS AUG. quamvis suspectum habeat nummum Eruditissimus editor, cui displicet Fecunditas cum Fortunae symbolis exhibita, licet in nummis haec aliquando confundi agnoscat. Huc etiam refer quod in nummis Nervae similiter conspiciatur Fortunae stantis figura cum temone & cornucopia, addita Inscriptione FORTUNA AUG. Vide Mediobarbi Numism. Imperat. pag. 143. & ita in nummo Antonini Pii videtur Fortuna, quae stat diademate ornata, & manu sinistra cornucopiam, dextra gubernaculum navis tenens, cum inscriptione FORTUNAE OPSEQUENTI, ut notavit Stephanus Vinandus Pighius ad Inscriptionum Antiquarum Syllogen ineditam, cujus mihi copiam fecit Venerandus Patruus.

Pag. 77. lin. ult. in notis. *adde*: vide plura de *Virtute & Fortuna* urbis Romanae apud Spanhemium ad Julian. Orat. I. pag. 300. & 301. & hinc passim apud scriptores antiquos celebratur *populi Romani Fortuna*, quae & in nummis veteribus per literas F. P. R. saepe indicatur. vide Perizonium in eruditissima Dissertationum Triade Diss. III. pag. 233. & seqq. Egregius est Plutarchi locus in initio libri de Fortuna Romanorum Tom. II. pag. 316. Ed. Francof. ubi de certamine Virtutis & Fortunae in condendo Romano imperio prolixè differit. & sic Polybius Lib. I. Hist. pag. 4. Ed. Casaub. ubi incipit Romani imperii res describere, dicit se ostensurum, quomodo Fortuna omnes universi orbis res in unum hoc opus congesserit, & quomodo se ad hujus operis consummationem Fortuna gesserit. Vide ad eum Casaub. Comment. pag. m. 46. Edit. in 8.

Pag. 80. lin. 1. in notis: *Sic habebat exemplar Valesianum, sed puto Commentarios vel simile quod substituendum esse*. Haec notula in spongiam incumbat; id cum scriberem, non cogitabam de significatione vocis *antiquariorum*, qua eam hic loci usurpavit Valesius. Per *antiquarios* scilicet intelligit librarios scribas, quomodo apud veteres vocabantur etiam librorum descriptores. vide Wouwer. Polymath. cap. VI. pag. 43. & Guther. de Offic. Dom. Aug. pag. 390. & 568.

Pag. 85. lin. 3. in nota. post Plinii verba *haec adde*: quo in loco in antiquioribus Editionibus absurde legebatur *Simonide Medico*: sed *melico* recte restituit Domit. Calderinus in Face Critica Gruteri Tom. I. pag. 317. inlustrans Quintiliani locum, in quo idem de Simonide scribit, Lib. XI. Instit. cap. 2. *Artem autem memoriae primus ostendisse dicitur Simonides*.

Ibid. lin. 25. *adde*: Ita quoque in hoc eodem Philostrati loco perperam Morellum legere, Δωρίωνα ἢ Κρήτικον, pro quo hic recte Κερίτικον emendat Valesius, notavit Fabricius in Biblioth. Graec. Vol. VII. Lib. V. cap. 7. pag. 58. & sic

fic aliis in locis *κρίτικ* & *κρήτικ* commutata occurrunt. Eodem modo apud Aelianum Lib. X. de Anim. cap. 42. *τῆλεφ* ὁ *Κρή* legitur, quod ex *κρήτικ* perperam formasse librarios, pro genuina scriptura *κρίτικ*, observat noster Valesius infra Lib. V. Emend. cap. 10. simili varietate apud Apollonium Dyscolum Hist. Mirab. cap. XIX. citatur *Ἡρακλείδης Κρήτι-κ*, pro quo *κρίτικ* bene emendat Olearius ad Philostrat. Lib. II. de Vitis Sophist. 26. pag. 612. & ita etiam apud Hieronymum in Epist. XCV. *Criticum* dicesse Longinum. ubi male *Creticum* legere Martianaecum testatur idem Fabricius Vol. IV. Bibl. Graec. pag. 436.

Pag. 88. lin. 4. in nota. post Almeloventium citatum, haec adde: apud quem *M. Atilius Metellus Bradua* ex Inscriptionibus antiquis laudatur, qui sub Commodo Imp. Consul fuit cum Materno. Idem etiam memoratur in Inscriptione apud Sertor. Ursatum in Marmorib. Eruditis Italica lingua inlustratis Epist. VI. pag. 123. ubi occurrit *Materno & Bradua Cos.* ac profert ex Fulvii Ursini Fastis aliam, in qua *M. Atilius Metilius Bradua* legitur. Sed nepos Ursati Johannes Antonius Ursatus in Adnotation. pag. 133. suspectum habet *Metili* nomen, natumque putat ex depravata *Mattilii* pro *M. Attilii* scriptura, ut saepe in nominibus propriis praenomina ita coaluisse notum est. Sed & illic *M. Atilius Metellus Bradua*, ut in priori inscriptione vocatur, legendum est.

Pag. 90. lin. 16. *τὸ πατὴρ τὸ παιδίον*, plebejum proverbium fuisse apud Graecos & in malam partem plerumque dictum, observat Valesius. adde in notula. eadem, quae hic notavit Valesius, habet in Animadv. ad notas Maussaci in Harpocraton. pag. 131. b. Legitur etiam hoc proverbium apud Apostolium Centur. XIX. Prov. 92. & simile est illud, sed in bonam partem, apud Aristaenetum Lib. II. Epist. 14. *καλὸν παῖδες καλὴ μήτηρ*.

Pag. 91. lin. 29. *qui sint οἱ καὶ Διδύσκον τεχνίται* &c. ante Olearium & Ouzelium in nota citatos haec praemittenda: ita & vocantur apud Artemidorum Lib. I. Oneirocr. cap. 19. & cap. 79. pag. 67. in fine. ad quem vide Rigaltii Notas pag. 8. *scenici artesices* dicuntur etiam Senecae Epist. XI. De his plura &c.

Eadem nota pag. seq. post Inscriptionem veterem ex Grutero & Torrentio prolatam de Thymelicis & Xysticis, haec adde: de Thymelicis etiam agit Novell. 105. *Quintum quoque faciet processum quod ad Theatrum ducit, quem por-nas vocant, ubi in scena ridiculorum est locus Tragoedis & Thymelicis choris, & spectaculis universis.* Videri merentur quae de iis notavit Jacobus Kimedon-cius, juvenis superioris seculi eruditissimus, sed in primo adolescentiae flore praematura morte extinctus, in Castigation. ad Theophylacti Simocati Opu-scul. init. pag. 103. sed plura etiam de his dabunt Scip. Gentilis &c. & Budaeus. sic corrige.

- Ead. pag. 92. lin. 21. *Panionium festum fuit apud Jonas.* Hujus Jonum festi Panionii, & sacrificii, quod Neptuno Heliconio ab iis fiebat, mentionem extare apud Homerum Iliad. ȳ. v. 403. nonnullos fuisse inter veteres Criticos, qui existimarunt, videbis apud Strabonem Lib. VIII. pag. 384. Ed. Par. Idem hoc describit Lib. XIV. pag. 639. *Πρώτον δ' ἐστὶν ἐν τῇ παραλίᾳ τὸ Πανιώνιον, περὶ σαδίοις ὑπερκείμενον τῇ θαλάσσης, ὅπου τὰ Πανιώνια κοινὴ πανήγυρις τῶν Ἰώνων συνάγεται τῷ Ἑλικωνίῳ Ποσειδῶνι καὶ Δυσίᾳ; ἱερῶναι δὲ Περγαῖς.* eadem habet Herodotus Lib. I. cap. 148. *Τὸ δὲ Πανιώνιον ἐστὶ τῷ Μυκάλης χωρὶς ἱερὸς, κοινὴ ἑξαρχημενία τῶν Ἰώνων Ποσειδέωνι Ἑλικωνίῳ.* ad quem locum Jacobus Gronovius in notis pag. 841. nimio certe cum supercilio Spanhemii notam ad Callimachum excipit. Vide etiam de hoc festo Meursium in Graec. Feriat. Lib. V. pag. 225. *Panionium* autem vocatum fuisse locum illum sive oppidum, ubi conventum suum & festum hoc *Panionium* celebrabant Jones, ex his patet; ejusque memoriam servat antiqua inscriptio Graeca, jussu Senatus Jonum illic lapidi incisa, quam exhibet Wheler. Voyag. Lib. III. pag. 273.
- Pag. 94. lin. 5. in nota post Eusebii locum *adde*: Eunapii verba in fine operis, cujus locum indicat quidem sed non exhibet Valesius, recte Menagius ad Diogen. Laert. Lib. IV. pag. 100. distinctione adjuvanda esse notavit hunc in modum. *Βερονικιανὸς ταῖς Χάρισι καὶ Ἰουστῇ καὶ ἱκανὸς ἀνθρώποις ὁμιλεῖν. Ἐστὶ καὶ εἴη. Βερονικιανὸς Ἰουστῇ καὶ ἱκανὸς ἀνθρώποις ὁμιλεῖν. Ἐστὶ καὶ εἴη.* *Beronicianus Gratiis litavit & inter homines versandi peritus. Vivit & ut diu vivat precor.* perperam enim in vulgatis legitur *ὁμιλεῖν ἐστὶ καὶ εἴη.*
- Pag. 96. lin. 9. *Fuit autem Psaon Plataeensis, qui Dylli Atheniensis Historiam continuavit.* Sic exemplar Valesianum. Sed scribendum est *Dylli*. ita enim vocatur hic Historicus, quem continuavit Psaon: hujus nomen in Plinio corruptum etiam restituit Reines. Lib. II. Var. Lect. cap. 6. pag. 159. vide de eo Casaubon. ad Diog. Laërt. Lib. V. pag. 44. Maussacum ad Harpocrat. in *ἀρετῶν* pag. 71. & Meursium ad Hesych. Illustr. pag. 140.
- Pag. ead. ad initium capitis XV. in quo Eunapius illustratur, *haec nota*: primam hujus capitis partem edidit Valesius in notis ad Euseb. praef. Orat. de Laudib. Constantin. pag. 716.
- Ibid. lin. 19. *δαδύχως.* lege *δαδύχως* & lin. 13. *δὲ Daducos.* scribe *Daduchos*.
- Pag. 97. lin. 5. in Eunapii loco emendat Valesius: *δὲ μὴ θέμις ἱεροφαντικῶν ἀψαδῶν ἑρῶν.* male dederunt operae *ἀψαδῶν*. Sed hanc Valesii emendationem etiam jam occupavit Meursius in Eleusin. cap. XIII.
- Ibid. lin. 8. optime in eodem legit, *πάλιν ὅν τῷ Μιθραϊκῇ τελείῃ.* & sic etiam pro vulgato *τελειῇ* correxit in hoc Eunapii loco eximiae eruditionis vir Thomas Gatakerus in Operib. Postum. cap. XXI. pag. 660. Nestio igitur, quid causae fuerit viro ceteroquin summo Petro Fabro, cur in Lib. III. Semestr. pag. 43. legi voluerit *μηλειῇ τελείῃ.* & vellem docuisset quid *τελειῇ μηλειῇ* significaret. Nam τὰ *Μιθραϊκὰ* & *Μιθραϊκῇ τελείῃ* de sacris Mithrae Dei, id est Solis, manifesto intelligenda, & obvia sunt. Sic *τελειῇ* in his sacris passim

passim occurrit. ita Photius in Cod. 165. memorat Orationem Himerii Rhetoris εἰς τὴν Μίθραν τελετῶν. vid. Reines. in Epist. ad Rupertum pag. 622. Sic Κελοβόλης τελετῆς ἡδὲ ταυροβόλης in Inscriptione veteri, quam ex Boissardo habet Gruterus in Corp. Inscr. pag. XXVIII. 1. & sic in alia antiqua inscriptione, quam secum a Rigaltio communicatam profert Salmasius ad Lampridii Helagabal. cap. 7. Κελοβόλης τελετῆς ἢ ταυροβόλοις φερύσης. ut autem hic παλῆς τῆς Μιθραϊκῆς τελετῆς, ita pater Dei Solis invicti Mithrae non semel occurrit in inscriptionibus Latinis, quas eadem pag. Gruterus exhibet. & idem ille *antistes Mithrae* dicitur in Epigrammate vetusto apud Pithoeum Lib. II. Epigr. vet. pag. 64.

Persidique Mithrae antistes Babylonie templi.

ad quem locum pluribus, Deo volente, haec inlustrabimus. De Mithriacis sacris autem Reinesius eadem, quae in Epist. ad Rupert. collegit, ut in nota subiecta citavi, dedit etiam in Comment. ad Inscript. Antiq. Clas. I. pag. 94. & seqq. vide & Salvin. in notis ad Gorni Inscript. Florent. pag. 113.

Ead. pag. cap. XVI. lin. 19. In Eunapii loco Valesius, *Scribe meo periculo σκαλισμοί.* male enim editum est σκαλισμοίς. haec notanda: Hanc emendationem suam Valesius jam dederat in notis ad Sozomen. Lib. II. Hist. Eccl. cap. 14. Longe aliter hunc locum explicat & emendat Petrus Petitus Lib. II. Miscellan. Observ. cap. 6. ubi pro οἱ γυναικεῖοι τῶν Ἀρτάβρων ἀλισμοίς, sive ut Valesius legit σκαλισμοί, corrigit, ἢ οἱ γὰρ οἱ ἀρτάβρων ἀλισμοί, & *suillae coquorum sal-surae.* Quae sane longe aliena est hariolatio. Valesianam autem emendationem, si non indubitata, certe verosimiliorem hoc Petiti commento esse putem. Ἀρτάβρων autem in ἀρτάβρων minime mutandum esse vel unus Tzetzae locus a Valesio adductus confirmat. *Artabri* enim hi Lusitaniae populi, & *Artabrorum promontorium* apud veteres, Strabonem praesertim, saepe memorantur. Eum vide Lib. II. pag. 120. sed adscribenda sunt auctoris illius verba ex Lib. III. pag. 147. quae unice Valesii correctionem confirmant, & Peti-tum somniasse ostendunt. Ex Posidonio enim haec refert: Ἐν τῇ τοῖς Ἀρτάβροις οἱ τῆς Λυσιτανίας ὕδατοι πρὸς ἄρκλον ἢ δύσιν εἰσιν, ἐξανθεῖν φασὶν ἀργυρεῶν τὴν γλῶσσαν κατὰ τὴν χρυσίαν λευκῇ. ἀργυρομιγῆς γὰρ ἐστὶν. τὴν δὲ γλῶσσαν ταύτην φέρειν τὰς ποταμῶν τὴν δὲ σκαλίσιν τὰς γυναικῶν διαμώσας πλύνειν ἐν ἰοδηλείοις (Cassaubon. ἐν ἡδιστη-λείοις) πλεντοῖς ἐπὶ κίση. (sic Idem) Apud Artabros autem, qui Lusitaniae versus occasum & septentrionem ultima habent, efflorescere ait terram stanno aureo albo: est enim argento permixtum: hanc terram fluvii deferri & a mulieribus exhauriri sarculis, lavarique in textis cratibus, dum expurgata terra stannum fiat. Hunc Strabonis locum a Valesio tantum indicatum, ideo totum adscripsi, ut eo magis pateret, Petiti prava Junii versione, qui interpretatus est *muliebria tormentorum ludibria*, deceptum fuisse, & frustra γυναικεῖς Ἀρτάβρων σκαλισμῶν, ut.

ut optime Valesius, sollicitasse. *σκαλισμός* enim farculatio, farritura, Eunapio dicitur, quae Straboni *σκαλίσ*. *Artabrorum* porro mentio etiam est apud Eundem Lib. III. pag. 154. & 175. Ed. Paris. Agathemerum Lib. I. Geograph. pag. 187. aliosque. Adferenda igitur est vulgata lectio apud Silium Italicum Lib. III. v. 362.

Jamque Ebusus Phoenissa movet, movet Artabrus arma.

illic enim perperam vir summus N. Heinsius ex Colonienfi libro *Arbacus* reponit, & Artabros faceffere jubet, quia Plinius Lib. IV. cap. 21. gentem *Artabrum* nullam fuisse dicit; cujus verba sunt: *Ad Pyrenaeum inde non pauci XII. quinquaginta millia & ibi gentem Artabrum, quae numquam fuit, manifesto errore. Arotrebas enim, quos ante Celticum diximus promontorium, hoc in loco posuere literis permutatis.* quae conferenda cum illis Strabonis Lib. III. pag. 154. *ἔχουσιν ἡ οἱ Ἀρτάβροι πόλεις συχναὶς &c Ἀρτάβρων λιμένας περὶ σαγορδύσιν. Οἱ ἡ νῦν τὰς Ἀρτάβρας, Ἀρτρέβας καλεῖσιν.* Habent Artabri complures urbes &c. *Artabrorum* portus adpellatur: nostra aetate Artabros Arotrebas vocant. ex quo patet literis permutatis Artabros deinde Arotrebas dictos, minime autem gentem *Artabrum*, ut ait Plinius, numquam aut nusquam fuisse. vide plura apud Salmasium in Excitation. Plinian. Tom. I. pag. m. 276. Sed & vulgatam in Silii Italici loco lectionem recte iam agnovit Joachimus Vadianus in Commentar. ad Pompon. Melam Lib. III. cap. I. & Philippus Ferrarius in Lexico Geographic. in *Artabri*.

Pag. 98. nota ad cap. XVII. Totum hoc caput dederat jam Valesius in Adnotationibus ad Excerpta Eunapii de Legationibus in Vol. I. Corporis Byzantini pag. 204.

Ibid. lin. 4. *πρὸς πᾶ.* scribe *πρὸς τὰ.*

Pag. 99. lin. ult. notulae subjectae haec adde: Ceterum ex eodem hoc Scholiastae Aristophanis loco apud Eunapium *Λαισποδία* pro *Δεσποσία* scribendum esse recte quidem notavit Isacus Vossius in notis ad Catullum pag. 235. sed qui in expositione illorum verborum dupliciter lapsus esse videtur; primo quod suspicatur Alcmaeonem verum fuisse nomen ejus viri, sive Laespodiae, quia Hesychius *Λαισποδία* interpretatur Alcmaeonem. Deinde, quod per duas arbores seu *δένδρεα* in Eupolidis versu memoratas intelligi putet vitem & platanum Xerxis auream. Quae refutantur satis ex illis, quae notavit hic Valesius. Porro ad hunc Eupolidis versum respici apud Plutarchum in Sympos. VII. pag. 702. Ed. Francof. *τὴς ὁ Λαισποδίας παρ' Εὐπόλιδι*, sed illic corrupte scribi *Λαισμοδίας*, admonuit me Cl. Hemsterhusius. quod mirum est Valesium ac Vossium fugisse. In Harpocratonis autem loco quod in fine capitis pro *καλὰ Λαισποδία* scribendum addat Valesius *Λαισποδία*, eadem emendatio, quae per se facilis est, jam a Meursio in Biblioth. Attica in Tom. X. Thesaur. Antiq. Graec. & ab aliis animadversa est. de Laespodiae & Damasiae

- siae foeditate etiam videndus Casaubon. ad Theophrasti Charact. pag. m. 304.
- Pag. 102. lin. 3. *Ait enim Clisthenem maternum Alcibiadis proavum fuisse.* Hujus Clisthenis, qui Agaristae patruus, & Alcibiadis proavus fuit, stemma exhibet Xylander ad Plutarchi Periclem pag. 14.
- Ead. pag. lin. 12. *Hipponicum apud Athenienses fuisse virum novum, & ob divitias, non ex nobilitate generis, celebrem evasisse* dicit Valesius. In eo quidem errat, cum ex Herodoto Lib. VI. cap. 121. & seq. pateat, Hipponicum nihil minus quam hominem novum, sed contra nobilissimum ejus apud Athenienses fuisse genus. vide notas Perizon. ad Aelian. Lib. XIV. Var. Hist. cap. 16. ubi ordinem ejus familiae dedit. & erudite Vir primi ordinis in hac studiorum parte Joh. Fred. Gronovius Lib. IV. Observ. cap. 7. Hoc igitur Valesii argumentum ad Demosthenis errorem in exponendo Alcibiadis genere refellendum parum facit.
- Ead. pag. lin. 18. & aliis locis in hoc capite *Andocydes* perperam excusum est pro *Andocides*.
- Ibid. lin. 22. Lib. VIII. Lect. Att. Corrige Lib. VI. & lin. 30. scribe *Coroneam* pro *Coronam*.
- Pag. 103. lin. 7. Κλειθένης. Scribe Κλειθένης.
- Ibid. lin. 25. *Cornel. Nepos Alcibiadem Periclis privignum quibusdā dici refert.* Hunc Nepotis errorem absurdum esse notavit Xylander ad Plutarchi Alcibiad. in init.
- Ibid. lin. 26. ῥῶπῳ. Scribe ῥῶπῳ.
- Pag. 104. lin. 3. τὰ χεῖματα ἀπερικλον &c. distingue hoc modo τὰ χεῖματα. ἀπερικλον γὰρ &c.
- Pag. 111. in nota lin. 3. post illa *convictam esse* notat. haec adde: Contra Muretum etiam a Victorii partibus stat Giphanius ad Ejusd. Aristotel. Politic. pag. 226.
- Pag. 115. in fine notae *haec subjunge*: Ceterum ad ea, quae de magno anno & seculorum revolutionibus hic notavit Valesius, inlustranda unice facit Ausonii locus in Idyll. XVIII.

*Cetera secreti novit Deus arbiter aevi
Tempora &c.*

*Donec consumto, magnus qui dicitur, anno
Rursus in antiquum veniant vaga sidera cursum,
Qualia dispositi steterant ab origine mundi.*

Ubi vide Vinetum. Sed & de magno anno adeundus Servius ad hanc ipsam Virgilii Eclogam v. 4. & ad Lib. I. Aen. v. 273. & Leo Allatius de Mens. Temp. Antiq. cap. XVII.

- Pag. 116. lin. 37. post illa reponendum esse vidit etiam Nunnescius *haec inferenda*: unde notandus est error viri ceteroquin non vulgari doctrina pariter ac generis nobilitate insignis Hieronymi Columnae in Comment. ad Ennium pag.

313. a. Ed. Hessel. qui ex corrupta vulgatae lectionis scriptura deceptus illic scribit: *Fuit alter praeterea ejus nominis Elegiographus Poëta Evemerus, cujus mentionem facit Censorinus in Libello de die natali cap. 20.* sed quum istic apud Censorinum nulla exstet hujus poëtae mentio, verosimile est, Columnnam hujus fragmenti Censoriniani locum, ita ut vulgo legitur, in animo habuisse, sed non adcurate satis, quae scribebat, perpendisse.

Pag. 116. lin. 40. post citatum Rigalt. ad Artemidor. adde: plura de hoc Eveno dabunt notae Doctor. ad Aulon. Cent. Nupt. pag. 518. Ed. Tollii.

Pag. 117. lin. 21. post citatum Fabricum in Bibl. Graec. adde: & Schurffleisch. in Notit. Biblioth. Vinariens. pag. 238. & 257. qui tamen in loco Eusebii, *Hipponax carminum scriptor* legendum censet, pro corrupta *Hippici* scriptura; sed cujus emendatio non admittenda est, cum *Ibycus* recte a Viris Doctis illic restitutus sit. Hujus autem poetae Ibyci fatum ac mortem ex Graeco Antipatri Epitaphio exponit Canterus Lib. I. Novar. Lect. cap. XII. ubi ejus nomen egregie restituit in Statii loco ex Lib. V. Sylv. 3. v. 153. cui tamen istius praeclarae emendationis laudem nominato auctore adscribere debuisset Lindenbrogius.

Ibid. lin. 39. post illa: *de rebus ab Hercule gestis scripsit*, adde haec in parenthesi, (quod idem argumentum sub eodem titulo tractaverunt Phaedimus & Arianus vel Rhianus. vide Casaubon. ad Athenaeum Lib. XIII. cap. 7.)

Ibid. lin. 49. post citatum Pinedo ad Stephan. Byzant. adde: & Mallincrot. in Paralipom. de Hist. Graec. pag. 98. edit. a Fabricio in Supplem. ad Vossium de Histor. Graec. & Lat.

Pag. 118. lin. 30. post illa, intelligi in hoc Clementis loco optime ostendit Lydiatus ad Marm. Oxon. adde. Cujus explicationi adquiescere potius, & non *Λακεδαιμονίων νόμος* *Lacedemoniorum leges* in hoc Clementis loco, ut perperam fecerat Hervetus, interpretari debuisset nuperus Phrynichi editor in cornucopia spurcissimorum convitiatorum, sive capitali illa ad Phrynichum praefatione pag. 63. cui sane pravae interpretationi mirum est adhaesisse ἢ δῶνα, postquam rectam rationem, ut jactat, secutus ducem, judicium adeo nactus sit maturum, ut nulla scribat, nisi tam certa ut convelli a nemine possint; nisi delirus, nugator, stipes, aut asinus ad lyram, ab eo audire velit, qualia passim elogia in Literatorum principes os illud impurum ac tetrum Pavonidae, foedissima plebejorum scommatum cloaca, ebullire solet.

Pag. 137. lin. 35. & Codice Theodosii, seu potius Aniani breviario. nota: Anianum hunc, Virum Spectabilem, recognovisse breviarium Codicis Theodosiani sub Alarico Gothorum Rege, observat Jac. Gothofred. in Prolegom. ad Cod. Theodos. notante Fontanini de Antiq. Hortae Lib. II. cap. III. pag. 231.

Pag. 141. lin. 31. Luitprandrus. scribe Luitprandus.

Pag. 144. lin. 13. ne docet. Lege, ut docet. & lin. seq. is Dialogo. corrige in.

Pag. 153.

Pag. 153. lin. 5. in nota. post Macrob. Lib. II. Saturn. cap. 2. *adde.* apud quem aliis in locis etiam saepe Horus Philosophus ad partes vocatur. vide Juretum ad Symmachum pag. 67. Sed ille nihil ad hunc Orum Grammaticum Graecum. Illius autem *Hori* aut *Ori* (de quo hic Valesius) sive *Orionis*, nam horum nomina confusa sunt, librum *Ὅρις Ἑτυμολογίας* & Atticarum vocum Conlectic-nem laudat Suidas: ejusque praeter Etymologum Magnum meminit etiam Eustathius ad Homerum. Vide Fabric. Biblioth. Graec. Tom. X. pag. 42. & Lamb. Bos in Dissert. de Etymolog. Graec. post ejus Exercitat. Philolog. pag. 3. ubi & alios Graecos Etymologos recenset. Hujus Grammatici Etymologica praecedente seculo vir doctissimus Martinus Brunnerus, Professor Graecae linguae Upsalienfis & Joh. Schefferi focer, in animo habuit Thomae Magistro & Moeridi Atticistae adjicere: & eruditus Siculus Martinus la Farina integrum Orionis Etymologicum ex MS. Bibliothecae S. Laurentii seu Scorialensis in Hispania incepit edere. Vide Octav. Falconerii & N. Heinssii Epistolas Tom. V. Sylloges pag. 497. 498. 503. & 526.

Pag. 156. in nota lin. 3. *ad vocat. lege advocat.*

Ibid. lin. 12. post illa, adfirmat If. Vossius ad Catull. *adde:* & Meursius ad Heliadii Chrestomath. pag. 37. Nunnesius autem, nihil definiens, in notis ad Procli Chrestomath. pag. 71. citat hunc in modum: *Demetrius Phalereus aut quicumque auctor libri Ὅρις Ἑτυμολογίας.*

Pag. 160. lin. 30. post locum Dionysii Halic. de Struct. Orat. citatum, *adde.* Sed & Hegesiae istius meminit Cicero in Orat. cap. 69. ubi etiam Hieroclem, Alabandeum scilicet, & Meneclem ejus fratrem Asiaticorum Rhetorum principes vocat, & quomodo illi ab Attico dicendi genere absint, docet: quos itidem in horum numero recenset in Bruto cap. 95. ubi duplex Asiaticae dictionis genus exponit.

Ibid. lin. 33. *de Asiaticis Oratoribus* &c. Lege, *Non dubito quin de Asiaticis* &c. vel in sequentibus scribe, *intelligendum est.*

In Valesii Orationibus pag. 52. lin. 27. ad illa verba, *Sed neque Armandus* &c. seqq. omissa fuit haec notula: Quemadmodum hic Valesius, comparatis inter se Cardinalibus Richelio & Mazarino, laudem praecipuam & maxime ob stabilitae Pacis negotium gloriae palmam in Mazarinum confert, ita & Menagius eleganti Epigrammate LXXXIX. pag. 125. Poëmatum, Mazarinum Richelio profert:

De Armando Richelio & Julio Mazarino.

*Et vester nempe Armandus, & noster Julius
Magnus erat. Quaeris, Pontice, major uter?
Quanto sacrae potior clementiae; bello
Pax melior; noster, Pontice, major erat.*

Videri etiam de Cardinale Richelio meretur judicium Viri Illustrissimi, &
doctri-

doctrinae eximiae laudibus aequae ac summis in Republ. honoribus inter primos patriae patres quondam conspicui, Rab. Herm. Schelii in Protreptico de Pace ad Principes Christian. pag. 30. & seqq. ubi inter cetera Richelii vitia bellicosam ejus & a pacis ac concordiae studio alienam indolem vivis coloribus ex merito depingit.

F I N I S.



H E N.

HENRICI VALESII
ORATIONES.

ORATIONUM INDEX.

De Coronatione Christinae Suecorum Reginae.

In obitum Jacobi Sirmondi.

——— *Petri Puteani.*

——— *Dionysii Petavii.*

de Pace ad Cardinalem Mazarinum.

HADRIANI VALESII, *Henrici Fratris, Oratio de Laudibus Ludovici XIV.*

EJUSDEM *Carmina nonnulla, quae in editis desiderantur.*

HENRICI VALESII,

O R A T I O

De Coronatione

CHRISTINA E

Serenissimae Suecorum Reginae.

habita anno 1650.

SCIO nonnullos posse mirari, SERENISSIMA REGINA, cur ego extraneus praesertim & ignotus, & tot tantisque terrarum spatiis a Suecia disjunctus, Coronationem Tuam votis ac laudibus prosequi instituerim; atque ut sunt temeraria plerumque ac maligna hominum judicia, quidam levitatem, alii ambitionem, nonnulli adulationem interpretabuntur. Ego vero cum ab hujusmodi vitiis longissime sim remotus, in iis excusandis atque a me depellendis non magnopere laborabo, de aliorum prava existimatione & sinistra interpretatione securus, modo suffragio tuo ac judicio approber: Verum tamen consilii mei rationem, si quis à me exigat, equidem reddere nequam detrectabo. Id enim probi ac honesti hominis officium esse arbitror, ut non solum omnium actorum suorum, sed etiam dictorum rationem reddere, praesertim coram viris bonis ac prudentibus, cujusmodi huc undique convenisse video, promptus semper ac paratus sit.

Ego igitur, cum apud me reputarem, hanc Regiae Majestatis Tuae Coronationem, non unius Suecici regni peculiarem esse celebritatem, sed omnium hominum esse communem, ad quos notitia meritorum Tuorum, & Suecorum fama atque existimatio permanavit: huic quoque festivitati inferere me, & vocem meam ac vota miscere, non abs re fore duxi. Ac Minervae quidem Saiticae sola duntaxat Aegyptus festum diem celebrare consueverat; eoque die universam Aegyptum facibus in Deae honorem accensis collustratam, gratissimum oculis spectaculum erat videre. Hanc vero Suecicae Palladis celebritatem non Sueciae solum, sed universae simul Europae, & toti Christiano nomini festivam ac solemnem esse convenit. Equidem fateor Suecis pro-

prio quodam jure praeceteris gentibus hanc solemnitatem competere: quippe quorum Regina sanctissimis ac celeberrimis caerimoniis hodie consecrata, Regium diadema fuscipiat. Quamobrem eos singulari quodam gaudio exultare, ac Reginam suam venerari par est; in qua avitum Regiae Majestatis insigne, in qua maximi GUSTAVI expressam imaginem agnoscunt. Sed tamen iidem non molesti patientur, partem quoque hujus gaudii ad amicos & foederatos suos pertinere. Licet etiam extraneis ad hujus pompae spectaculum accedere. Quibus certe affatim suppetet, quod mirentur, quod domum reversi propinquis ac familiaribus suis referant. Nam sive gemmarum ac lapillorum nitorem, sive auri argentique splendorem, seu curruum magnificentiam, seu equitum speciem, seu denique totius pompae ordinem consideres, juvat pascere oculos, ac totius orbis divitias in unam urbem congestas & cumulas intueri. Sed inter tot artis ac Naturae decora, nihil pulcrius, nihil visendum ac mirandum magis, quam ipsa CHRISTINA, quae omnium oculos non popularium modò, sed etiam exterorum in se convertit. Denique legatos Regum ac Principum, ac liberarum civitatum, ex longinquissimis regionibus huc convenisse video, qui Reginae ac regno Suecico gratulentur, qui hanc ipsius felicitatem firmam ac perpetuam esse optent, ac Reginae multos annos precentur, ejusque gratiam omnibus modis, omni officiorum genere, certatim demereri studeant. Hos inter, quae partes tuae sunt, dicet aliquis? Ego verò nec gemmarum, nec auri fulgorem spectaturus adveni, quippè cum domi & in patria sedens id genus ornamentorum spectare potuerim; nec eorum, quae vulgò mortales concupiscere solent, admiratione capiar, magnamque Divino Numini gratiam habeo, quod mihi adversus haec hebetem oculorum aciem impertiit, quò facilius ea possem contemnere. Igitur, ut adventus mei causam tandem aperiarn, Musarum nomine legatus accessi, Tibi gratulaturus, CHRISTINA, ob eximiam sapientiam atque doctrinam, & Coronam Tibi oblaturus ipsis Musarum manibus contextam. Quod nisi me fallit animus, hanc legationem, & Musarum hoc munus nequaquam averfabere, quippè cum Musarum Te alumnam esse memineris, nec Sapientiae laudem Regali Majestate inferiorem esse existimes.

Caeterum duplici potissimum nomine, CHRISTINA, Musae nostrae Tibi hodie gratulantur: Primum quòd se ex Germania, atque ex omni propè terrarum orbe fugatas, exfules atque errantes sine honore, sine teeto, palatio Tuo honorificè excepisti, & cubiculum ipsis, aut potius pectus tuum aperuisti, auresque tuas non fabulis atque assentatorum blanditiis,

ditius, sed divinis ipsarum sermonibus commodasti. Magna laus & admiratione omnium digna, quod tu hac aetate, hoc sexu, in tantis opibus, ac tantâ felicitate Regni, sub hoc coelo, inter populos Martis potius quam Musarum artibus deditos, non ad lusus ac delicias aetati ac sexui congruentes, non ad voluptates & luxum, superbiamque Regalem, non ad cupiditatem amplificandi regni, aut ad praedas ex vicinis gentibus congerendas animum convertisti: sed ingenium Tuum igneo quodam ac caelesti vigore praeditum, Musis excolendum ac perpoliendum tradidisti: ut praeceptis sapientiae altioris imbuta, te ipsa primum, ac deinde subditos Tibi populos praeclare, & cum omni laude regere posses. Nec erubui-
sti, in tanto fastigio collocata, operam dare humanioribus literis, & libros prudentissimorum utriusque linguae scriptorum evolvere, idque non leviter ac perfunctorie, ut fere Principum mos est, sed serio ac diligenter, praecipuum hoc Tibi negotium post regni curas, imo cum curis ac negotiis Principatus Tui copulandum esse existimans. Non minimam enim diei partem abs te in hoc sudore consumi certissimis testimoniis accepi. Quo quidem facto tanquam lata sententia condemnasti Nobiles illos, qui literas spernunt, quas nimirum prae ingenii tarditate assequi se posse desperant, & qui pudori ducunt latine loqui, quasi non multo magis pudendum sit barbarè loqui ac Teutonice, quam Latina, id est, priscorum Caesarum lingua. Ac ceteri quidem Reges & Principes satis habent ingentes librorum acervos undecumque colligere, & Bibliothecas immensi operis extruere, quasi inter ornamenta Regiae domus Bibliotheca numeranda sit. Tu quidem hac etiam in parte Ptolemaeos & Attalos Reges longo intervallo superasti. Sed hoc inani spectaculo minime contenta, pervolvendis magnorum hominum operibus quotidie vacas, ut hac librorum supellectile non ditior modo, sed etiam doctior fias atque sapientior: Itaque Bibliotheca Tua non aliorum magis utilitati servit quam Tuae, neque ad pompam aut inanem ostentationem, sed ad usum comparata est. Ac licet immensa librorum multitudine referta sit, vix tamen Tuae mentis ardorem ac sitim potest extinguere. O quantus Tibi ex hujusmodi labore fructus propediem accessurus est! quantam brevi honoris ac gloriae messem colliges! Audisti enim Hesiodum, ut arbitror, (quid enim est quod nescias?) qui Musarum praestantissimam Calliopen, semper in comitatu eorum Regum, qui virtute praediti sunt, versari dicit, & mirabilem quamdam verborum suavitatem ac facundiam in os eorum instillare, eximiam denique judicandi peritiam ac solertiam iisdem impertiri. An ullum munus potest esse majus his at-

que praestantius, & quod à Regibus ac Principibus magis sit concupiscendum? Utrumque porro jam absolutum ac consummatum in Te, CHRISTINA, cernimus, facundiam scilicet atque iustitiam. Quae quidem licet jam cumulata videri merito possint, crescent tamen adhuc in dies, & novis subinde progressibus augebuntur: Quippe cum ingenium Tibi uberrimum ac fecundissimum Natura concesserit, neque, ut ceterorum hominum, angustis finibus comprehensum, sed quod in immensum augeri possit ac surgere. Ad haec assidua veterum librorum lectio novis quotidie opibus mentem Tuam locupletabit. Habitura es igitur Platonem & Aristotelem adseffores atque ministros consiliorum Tuorum. Uteris M. Tullii ac Senecae sapientia, & qui singulos legendo quotidie miramur, in te omnium dotes ac congestam sapientiam suspiciemus. Viden', CHRISTINA, quam minime ingratae sint Musae, & quot quantisque beneficiis remunerentur Reges ac Principes, à quibus comiter ac liberaliter sunt acceptae? O divine Plato tua sunt omnia dicta & cogitata praeclare! Tu dicere solebas, beatos fore populos, cum hi, a quibus regerentur, Philosophiae operam dare instituissent. Dictum hoc sapiens omnium saeculorum eventus confirmavit. Sed, pace tua dixerim, illud etiam adjungere debueras, Reges ipsos tunc demum beatos futuros, cum se totos Sapientiae studiis dedidissent. Certe, CHRISTINA, eo Te maxime felicem prae ceteris Regibus judico, non quod plurimis ac fortissimis gentibus imperas, nec quod opibus abundas ac divitiis; id enim etiam Craeso contigit & Aridaeo, aliisque innumeris Regibus, quibus Regale fastigium nihilo plus contulit, quam ut stultitiam suam atque levitatem ex illustriore loco spectandam omnibus exhiberent. Sed Te idcirco beatam omnes existimamus, quod Regiae Majestati Philosophiam comitem adscivisti, quod Sapientiae praeceptis Tuos primum, ac deinde subditorum mores formare atque animos excolere instituisti.

Verum, ne quis fortasse Musas suo dumtaxat nomine Tibi gratulari existimet, ac suam tantummodo utilitatem spectare, alteram quoque gratulationis causam habent, eamque publicam. Quaenam vero est, inquires? Pacem intelligo, quam Tu, CHRISTINA, toti Germaniae atque Orbi Christiano humanissime indulxisti. Nam tametsi Galli & Hispani nondum pace potiantur, Tu tamen quidquid in Te erat praestitisti, ut ea simul omnes frueremur. In quo singularem prudentiam Tuam & humanitatem ac pietatem satis equidem mirari non possum. Nam cum Rex fortissimus GUSTAVUS, felicitis memoriae, Pater Tuus, pluribus annis bellum

lum in Germania gessisset, & multas urbes atque provincias sub ditionem suam rede-gisset, cum post ejus tristem interitum Duces Sueciae auspiciis Tuis ingentes victorias retulissent, & Austriacos gravissimis cladibus affecissent, tandem tempus ineundae pacis Tibi advenisse prudentissime intellexisti. Quod enim oportunius potest esse tempus firmandae paci, quam dum victores hostium sumus? Certe ut in aleae ludo, si res parvas cum maximis licet componere, prudentissimi habentur, qui cum lucro discedunt, nec exspectant dum adverso fortunae casu quidquid diu lucri fecerunt, semel amittant: sic in alea belli summae prudentiae est, quamdiu superior sis, pacem cum hoste jungere. Nam quicumque serius pacem fecerunt, iniquioribus eam conditionibus semper fecisse deprehenduntur. Igitur cum incertos Martis eventus animo reputares, cum juventutem Suecicam diuturno bello consumi videres, cum incendia, caedes, direptiones, aedium sacrarum profanationes, stupra, adulteria, ac cetera id genus scelera, sine quibus bellum exerceri non potest, penitus abhorreres; cum tot ac tantis malis, & Germaniae cladibus finem imponere, religionem, justitiam, ac bonas artes, quasi postliminio restituere velles, pacem concupivisti, quam nemo umquam nisi bonus concupivit, nemo sine divino quodam instinctu & auxilio adamavit atque perfecit. Multos quidem partim ex Tuis, partim ex sociis ac foederatis, huic consilio Tuo adversos experta es. Sunt enim quamplurimi, ac paene omnes, quotquot in consiliis Regum versantur, suis potius quam Dominorum suorum utilitatibus addicti, & qui privatum potius quam publicum commodum spectent. Hi quo diutius potestatem suam retineant, & ob multitudinem ac difficultatem negotiorum Reges sibi obnoxios habeant, utque majorem adipiscantur praedandi facultatem, aut denique ut terrori sint ceteris, Principes suos ad bellum impellere solent, & Pacis conditiones omnibus modis atque artibus disturbare. Quos equidem non homines, sed furias ac pestes generis humani habendos censeo. Sed Tu, CHRISTINA, neglectis eorum consiliis, superatis dolis ac fraudibus, Pacem Germaniae firmam ac stabilem esse voluisti, ac exemplo Tuo ceteros Principes, ut idem vellent, missis etiam legationibus incitasti. Nec Te tot prosperi eventus, tot victoriae partim fortissimi Principis Parentis Tui ductu, partim etiam auspiciis Tuis partae, ad insolentiam & fastum, nec hostium prope jam fractae ac debilitatae vires ad pacis contemptum extulerunt, quod quibusdam accidere solet, qui prae animi imbecillitate secundam fortunam ferre non possunt. Tu victoriis ac triumphis omnibus celsiorem animum gestans, & quanto potentior, tanto hu-

humanior, sprevisti tandem laureas, quae Christiano sanguine tinctae essent, & ex moderatione animi, ex humanitate, & prolixa erga omnes beneficentia, quam ex Germaniae vastatione atque excidio laudem quaerere maluisti. Quod quidem facinus tam necessarium, tam illustre atque gloriosum est, ut nulla unquam oratione satis luculente possit explicari.

Verum ut tanti muneris magnitudinem, quod CHRISTINAE acceptum ferre debemus, aliqua ex parte intelligere valeamus, proponamus, si placet, ante oculos, quam foeda ac miserabilis nuper fuerit facies Germaniae; quot quantisque lacerata ac divulsa factionibus atque discidiis universa paene fuerit Europa. Credidit olim Antiquitas, perniciosos quosdam ac malevolos Daemonas certis temporum intervallis ex Inferorum sedibus excitos terras pervagari, & discordias, clades atque incendia & cujusque modi calamitates in Orbem invehere; cujus dicti veritatem tristi experimento nostra aetas comprobavit. Etenim pestiferae Bellonae rabies per universam Europam duitissime debacchata est. Principes inter se collisi plus odiis quam armis decertarunt. Populi Principum suorum furore abrepti, in se mutuo concurrerunt. Quot domus, quot urbes, quot provinciae funditus excisae? Fumant adhuc incendio tecta, & semistarum urbium tristes reliquiae visuntur. Adeo furoris nostri monumenta etiam a posteris spectari volumus, ut erubescerent nepotes, quod nos ipsos admittere non puduit. Vidimus viros nobiles & matronas cum liberis ad ultimam egestatem redactas. Vidimus viros religiosos ac virgines Deo consecratas, ex iis aedibus, quas pietas avorum ipsis exstruxerat, ut a saeculari contagio remotae Divino cultui purius ministrarent, pulsas ac fugatas. Quis cladem illius belli, quis funera possit recensere? Audeo dicere nullum omni aevo bellum tam atrox, tam diuturnum, tam tetrum atque internecivum, in tot gentes populosque diffusum unquam exstitisse. Etenim omnes propemodum Europae Principes eo bello implicati atque involuti sunt: omnes Christiani nominis provincias haec flamma corripuit. Daci quoque ac Turci, moto adversus Venetos bello, in partes venere. Nullo unquam bello tot urbes vi expugnatae, tot praelia conferta, tot Duces, tot Reges interfecti, novi Principatus conditi, nova Regna exorta, vetustissima extincta atque abolita sunt. Sed tota belli tempestas praecipue in Germaniam incubuerat. Ab ea primum orta mali vis, in ipsius potissimum viscera defaevierat. Vastata principio a suismet popularibus, per multos deinceps annos exteris praedae ac ludibrio fuit. Cum interim nemo pacis mentionem ullam faceret, ne is, qui prior mentionem fecisset, inferiorem se ad-

ver-

versario fateri videretur; &, extinctis jam belli causis, bellum tamen nihiloscius gerebatur; idque consiliis eorum, qui Regibus affidebant, subinde tanquam submissis fomitibus alebatur ac propagabatur in dies. In hac tanta Orbis Christiani caligine, in hac perturbatione omnium rerum, Tu, CHRISTINA, velut salutare sidus Germaniae affulxisti: Tu noctem ac tenebras ortu Tuo dispulisti: Tu lucem ac vitam omnibus reddidisti: per Te jam licet respirare Germanis: per Te commercia libere miscere, & ultro citroque commeari peregrinantibus licet: per Te jam florere incipiunt studia literarum, & depositis scutis ac gladiis, libri & calami secure tractantur: iam Scholae referantur; nec literis modo, sed etiam religioni suus honos rediit; &, restitutis in pristinum locum sacerdotibus, divinae caerimoniae celebrantur. Quid dicam de justitia, modestia, continentia, ceterisque virtutibus, quae quod nunc demum caput attollere incipiunt, totum id, CHRISTINA, muneris Tui esse omnes confitentur: Haec bona nobis attulit pax Tua: quam ego quidem omnibus fortissimi regis patris Tui victoriis longe antepono; victoria enim innumeri homines debilitantur ac trucidantur, pace servantur: Et victoriae quidem utilitas ad solos fere victores pertinet; qui tamen nullum ex ea fructum, nisi firmata demum pace, capere possunt: pax vero cum per se ipsa expetenda est, ejus utilitas victoribus victisque communis est, nec in finitimos solum, sed etiam in remotissimos longe lateque diffunditur: adeo ut Principes, qui pacem amplectuntur & colunt, de universo genere humano bene meriti esse videantur: postremo in victoria maximam sibi partem Fortuna vindicat, & milites quoque operam suam praedicare merito possunt: pacis initae tota laus Tua est, sine societate ac participatione cujusquam. Quo magis enitendum est Tibi, atque omnibus modis providendum, ut pacem hanc, quam feliciter ac bono Christiani nominis pepigisti, tamquam opus tuum, cujus artifex fuisti, factam testamque tueare, eamque exsequi ac promovere contendas. Sic enim prorsus debes existimare, non Germaniae modo, sed totius Europae, oculos in Te unam esse conversos; nec Sueciae tantum regnum, quod ipsum per se amplissimum est, ad tuam curam ac sollicitudinem pertinere: sed orbis terrarum felicitatem, quantum in te est, abs te curandam esse atque adjuvandam. Ideo tibi maximum imperium, ideo summam inter reges auctoritatem & gratiam, ideo ingenii ac judicii vim eximiam Deus imperiit, ut tuis primum populis, deinde vicinis gentibus, atque etiam remotissimis prodesse. In tuis manibus hodie stant fata Germaniae. Moscovitae, Turci, Daci ac Poloni gratiam ac benevolentiam Tuam studiose ex-

petunt: apud Christianissimum Galliae Regem quantum auctoritate valeas nemo nescit: proinde operam des oportet, ut tantis dotibus a Deo Tibi concessis ad Christiani orbis pacem ac decus utaris; hac via ad immortalitatem itur: his artibus Carolus Magnus, his Ludovicus noster, qui Nonus eo nomine est appellatus, aeternam sibi memoriam comparaverunt. Equidem exemplum sexus tui, quo te ad tantum opus, quod feliciter inchoasti, absolvendum exhorter, nullum habeo, praesertim cum Tu omnes superioris memoriae Reginae longo intervallo superaveris; Sed tu venturis posthac Reginae exemplar esto: actus tuos in posterum intueantur Reginae, ad quorum normam vitam suam dirigant. Perge, SERENISSIMA CHRISTINA; nihil abs Te novum requirimus; tantum ut, quo pede coepisti, deinceps velis progredi. Noli unquam abiicere studia literarum, in quibus tantopere jam profecisti. Noli Musas bonas hospites ac placidas eiicere. Sed sic apud Te statue, quarum artium studia adamas, nihil esse iis aut ad laudem illustrius, aut ad fructum copiosius, aut ad oblectationem animi jucundius, aut ad res gerendas aptius atque praestantius: Neminem umquam Regem Musas coluisse poenituit: possem tibi plurimos Reges atque Imperatores percensere, qui ex Musarum ac Sapientiae cultu uberrimos fructus perceperunt; qui quidem & dum in vivis essent, doctorum hominum monumentis commendati sunt, & mortui vigent ac regnant quodammodo in ore ac memoria eruditorum virorum. Est enim certe, est quaedam Respublica literarum, quae interdum floret, interdum decrescit ac labitur, prout Reges ac Principes illam aut sublevant aut contemnunt. Ceterum interitus expers, nec solum immortalis ipsa est, sed etiam immortalitatem optimo cuique largitur: Huic Te Reipublicae hodie praesidere si dixerò, nulli Regum huius aetatis injuriam a me factam putem. Accipe igitur aequo animo, CHRISTINA, hanc coronam, quam Musae nostrae, imò jam Tuae, suis Tibi manibus imponunt: quam non avita successio, non procerum suffragia tibi detulerunt; quae non auro gemisque conferta est, sed laude & gloria contexta; quae non natalibus, sed virtuti, industriae, ac doctrinae tribuitur; qua non caput, sed ingenium coronatur: Regalis quidem corona ad posteros hereditario jure transmittitur; haec propria eorum est, qui illam sua virtute meruere; & illa quidem nonnumquam ex regio capite decutitur: mors certe tandem illam vel invitis abstrahit: hanc vero cum semel Musae capiti cujuscumque circumdederunt, ne mors quidem ipsa illi umquam ereptura est.

Ex-

Exsecutus sum, SERENISSIMA ac DOCTISSIMA REGINA, officium legationis meae, quam cum placidissimo animo & attentissimis auribus audieris, reliquum est, ut, quemadmodum Legatis fieri solet, blanda responsione, aut, si hoc arrogantius est, nutu saltem benevolo prosequi me, atque hoc favoris indicio cohonestatum domum dimittere non grave-
ris.

D I X I.



IN NUMMUM AUREUM
CHRISTINAE
Suecorum Reginae,

ex altera parte Solis, ex altera Minervae galeatae
ramum olivae spectantis imagine signatum

D I S T I C H O N.

Sol nova Vandalicae stupet ad miracula terrae
Et se CHRISTINAE cedere Pallas ait.

Aliud.

Phoebus Hyperboreas cum Pallade cessit ad oras,
Hinc vestros vaturn turba ciete Deos.

Aliud.

Nunc meliora licet speretis saecula, Docti:
Altera jam Pallas, Phoebus & alter erit.

B 2

Aliud.

Aliud.

Unum non potuit CHRISTINAM absolvere numen:
Perficere illam Dii vix potuere duo.

Aliud.

Palladis est sedes nunc Holmia; cedite Athenae:
Haec Soli domus est nunc sacra; cede Rhodos.

Aliud.

Ὀλμια νῦν γε Θεᾶς ἔσαι πόλις; ἔρρετ' Ἀθῆνας:
Νῦν Θεὸς αἰρεῖται Ὀλμιαν; ἔρρε Ρόδῳ.

Aliud.

Arctos cum Sol lustraret lampade terras,
CHRISTINAM adspiciens, tun' mihi Pallas? ait.

HENRICUS VALESIIUS.

Aureum hoc Christinae celebratissimae Suecorum Reginae numisma, cujus eclypum hic curavimus exprimi, ex Sarravii Epist. CCXXX. quam ad Isaacum Vossium scripsit, desumptum est. Illud autem carminibus suis cum celebraverint non pauci praecedentis seculi viri docti, ac poëtae, non abs re fore dixi, si Sarravii, Hadriani Valesii, Hueti ac Guyeti epigrammata hic in lectoris conspectu exhiberem, ac Henrici Valesii nostri versibus subnecterem, ut inter se a peritis harum elegantiarum arbitris conferri possent:

CLAUDII SARRAVII.

*Attica falsa fuit, sed vera haec Arctica PALLAS,
Dicere me verum, Sol mihi testis adest.*

*Si coluisse voles Phoebum & coluisse Minervam,
Tu cole CHRISTINAM, Numen utrumque colas.*

*Obiectam Pallas galeata aspectat olivam:
Elige seu pacem, seu magis arma velis.*

*Imperio digna haec facies armata MINERVAE,
Solis ab Eo cardine ad Hesperium.*

*Sol radios expande tuos, ecce aemula terris
CHRISTINA affulget lumine innocuo.*

*Attica quae quondam fuerat, nunc Arctica PALLAS
Dat sua, dat Phoebi plenissima munera terris.*

Haec Sarravii sex Epigrammata post Epistolam ejus ibidem pag. 230. leguntur. HADRIANI autem VALESII, Henrici Fratris, carmen habetur in Ejus Epist. ad Nic. Heinsum in Tom. V. Sylloges a Venerando Patruo meo editae Epist. DCXV. pag. 700.

*Adspirat studiis jam non Tritonia, Pallas.
CHRISTINA, & pacem bellaque virgo gerit.
Quis dubitat binos Soles quondam aethere visos?
En habet & Solem terra Suevia suum.
Splendore aequiparat Solem, virtute Minervam.
CHRISTINA, & binos induit una Deos.*

Ita

Ita leguntur illic hi Valesii versus, sed rectius, ut puto, in Poëmatibus Ejus, quae Valesianis adjunguntur, pag. 55. exhibentur tribus distichis separatis, additis insuper his duobus:

*Altera jam Pallas sub septem nata Trione,
Nunc te, & Tritonem cande, Minerva, tuum.*

Aliud.

*Solis habet radios majestatemque coruscantem
CHRISTINA, & magnae Palladis ingenium.*

HUETII etiam elegans in eundem hunc nummum Epigramma legitur inter Ejus carmina a Celeberrimo Graevio edita pag. 27.

*Phoebus CHRISTINAE pictos in imagine vultus
Ut vidit, tales misit ab ore sonos.*

*CHRISTINAM quisquis se pingere posse putavit,
Pingere seque mea hic lumina posse putet.*

Laudat quoque GUIETI versus hac de re scriptos Menagius in Menagianis Tom. I. pag. 372:

*Haec paces, haec bella gerit, velut altera Pallas:
Haec radiis gelidam, Solis vice, temperat Arctum.*

Quos iterum exhibens Moneta in Tom. III. pag. 398. addit Graecum hoc Abbatis Guieti epigramma:

*Ἐιρήνην ἢ πόλεμον φέρει ὡς περ Ἀθήνη,
Καὶ περὶ ᾧ θάλασσα κρούσῃ ὡς ἡλιος ἄρκτον.*

Menagii item Epigramma LI. in Christinae imaginem scriptum tale est:

*Castalidum quae regna tenet, quae Gothica liquit,
Aurea CHRISTINAE Virginis ora vides.*

Sed quod ad hunc nummum non pertinere arbitror, uti nec illud, quod versibus aliquot in imaginem Christinae a Roberto Nantolio Chalcographo expressam composuit: Utrumque legitur inter illius Poëmata pag. 106. & 108.



HENRICI VALESII, ORATIO

In Obitum

JACOBI SIRMUNDI, Societatis Jesu Presbyteri.

habita anno 1651.

QUICUNQUE magnorum Virorum laudes oratione funebri praedicare instituerunt, AUDITORES ORNATISSIMI, hoc potissimum consilio id praestitisse mihi videntur, ut vel mortuorum nomen ad aeternam Posteritatis memoriam consecrarent, vel praestantibus hominum meritis hanc velut honoris & gloriae mercedem persolverent, vel certe ut privatum aut publicum dolorem hujusmodi solatio mitigarent. Nobis vero in praesentia quidem non magnopere laborandum esse video, ut ejus Viri, cujus exequias honoramus, nomen a situ & tenebris vindicatum aeternitati commendemus: id enim ipse dum vixit, publicatis ingenii sui monumentis adeo cumulate praestitit, ut jam nos hoc labore prorsus levati ac liberati esse videamur: nec dubium est quin, quamdiu suus honor literis stabit, quamdiu historiae, quamdiu antiquitatis, & humaniorum artium studiosi supererunt, tamdiu JACOBI SIRMUNDI nomen celebre atque illustre inter eruditos futurum sit. Quod igitur restat, ut memoriae hominis praestantissimi, ac de literis optime meriti honos habeatur, utque moerorem vestrum, qui tanto lumine orobati estis, oratione nostra mollire ac lenire studeamus, id cunctis, ut equidem spero, faventibus aggrediemur: hoc enim & illius Viri amplitudo, & amicitiae vinculum, quae mihi cum superscite intercessit, & vestra omnium vota postulare mihi videntur, ut homini, quoad vixit, optimo, humanissimo, atque amicissimo, debita laudis, humanitatis, atque amicitiae officia impendamus. Neque vero committendum est, ut cum Regum, Principum & Magnatum funera ejusmodi orationibus celebrari consueverint, Viris doctrina, atque eruditione excellentibus idem honos a nobis de-

denegetur: quippe absurdissimum meo iudicio fuerit, illiteratis quidem hominibus honorem ex literis haberi, eos vero, qui totam aetatem literis juvandis ac promovendis impenderunt, qui, dum viverent, reipublicae literariae decus atque ornamentum fuerunt, hoc litterarum munere atque officio minime exornari.

Ac principium quidem ejusmodi orationum fere ex majoribus ducitur, ut & is, cujus exequiae celebrantur, majorum suorum illustretur laudibus, & vicissim ex nepotis laudatione non mediocris gloriae pars ad majores redundet; nobis vero, qui religiosi propositi hominem praedicare suscepimus, hic nobilitatis locus parum necessarius videtur: non quod ejusmodi ornamentum nobis desit, quippe qui vetustissimam ac nobilissimam apud Arvernos SIRMUNDORUM familiam fuisse non ignoramus: Sed quoniam ipse ejusmodi natalium ornamenta contempsit, nos quoque aequum est, iis neglectis ac praetermissis, ad alia longe potiora orationis cursum promovere. Liceat illis, qui in se ipsis nihil laude dignum habent, ex majorum laude ac nobilitate gloriam captare; quos equidem Lunae comparare soleo, quae, cum propria luce careat, lumen suum a Sole mutuatur; sic isti cum proprio splendore destituti sint, ad majorum virtutem confugiunt, qua vitia sua contegi, ac se ipsos illustrari posse arbitrantur: Hi vero, qui sua ipsi virtute nituntur, & qui suo labore famam sibi decusque pepererunt, nullum extrinsecus adminiculum, nullum adscititium splendorem desiderant. Porro cum omnes homines animo constemus & corpore, quorum alterum commune cum brutis; alterum spiritalis cujusdam, divinaeque naturae participem habemus; duplicem quoque nobilitatem in singulis hominibus spectare debemus. Quarum altera, quae ex corpore ducitur, deterior ac vilior sit necesse est, quippe quae ex deteriore atque ignobiliore hominis parte descendat. Itaque plurimi sapientia ac virtute excellentes viri hanc nobilitatem utpote nocti ac tenebris addictam, & sanguini tamquam luto penitus affixam atque immerfam merito spreverunt; nec qui, aut unde essent, quibusve parentibus prognati, familiaribus suis commemorare voluerunt: Altera nobilitatis species ex animo petitur, quae sola, non dicam meo, sed omnium prudentum iudicio, nobilitatis nomen meretur; nam illa quidem caduca ac mortalis, in terram abjecta ac depressa, fluxa atque instabilis, quippe quae dari adimique possit, ad haec incerta ac dubia, testibus & tabulis plerumque confectis ac suppositis comprobatur: haec vero perinde ac animus ipse immortalis est, nec morti, nec Principum violentiae obnoxia,

ipsa

ipsa per se sine alterius testimonio elucescit. Hanc ergo mihi praecipue nobilitatem in JACOBO SIRMUNDO considera, quam ille solam concupivit, quae sola digna est homine, digna Christiano, digna religiosae professionis Viro. Quenam vero sunt hujus nobilitatis insignia, dicet aliquis, ex quibus nobilem ab obscuro & ignobili dignoscere valeamus? Non alia certe, quam quibus sollertem a stupido, doctum ab imperito, virum bonum ab improbo discernere solemus. Etenim si rem ipsam attentius perpendere voluerimus, tribus maxime rebus homines aliis hominibus prae-cellere, & supra ceteros eminere reperiemus; ingenio scilicet, doctrina, atque virtute. Haec sunt quae viros claros & spectabiles & illustres efficiunt, potius quam Principum codicilli aut infulae dignitatum. Nam hujusmodi codicilli & insignia, umbram tantum honoris circumdant hominibus, idque modico temporis spatio, quamdiu aut in vivis agunt, aut magistratu sibi delato funguntur: haec vero animi insignia solidam gloriam non modo superstitibus, sed etiam mortuis omnium judicio ac consensu praestant. Quae quidem omnia in JACOBO SIRMUNDO non vulgaria, sed eximia ac singularia fuisse omnes, ut opinor, mihi facile assensuri estis. Nam qui id negare voluerit, tot ilico argumentis ac testimoniis obruetur, ut aut imperitiam suam, aut, quod turpius est, malevolentiam fateri cogatur.

Atque, ut primo loco de ejus ingenio dicam, idem certe de illo, quod de Hortensio, dici potest: SIRMUNDI ingenium simul agnitum, simul probatum fuisse. Ingenium autem appello lumen quoddam mentibus a natura inditum: seu potius vividum quemdam impetum, atque igneum vigorem ad summa quaeque tendentem: aut, si mavis, generosam indolem & sagacitatem, qua qui praeditus est, ad abditissimarum rerum atque rationum cubilia penetrat, & veritatem facile odoratur ac vestigat, nec absistit prius, quam illam, tanquam praedam suam, comprehenderit. Haec porro vis, quam dixi, emicat atque elucet plerumque in adolescentibus, corroboratur in Viris, languescit in senibus. Sed in JACOBO SIRMUNDO eadem, quae in adolescentia fuerat, in ultima etiam senectute vis ingenii permansit. Adeo ut quae corporis animique vires infringere consuevit aetas, robur ingenii non fregisse in eo, sed potius confirmasse videretur. Tanto igitur tamque felici praeditus ingenio SIRMUNDUS, non quemadmodum plerique adolescentum solent, illud aut desidia deteri, aut voluptatibus corrumpi passus est: sed velut opimum ac ferax solum affiduo labore sibi excolendum putavit. Et quo quidem pacto adolescens inter aequa-

aequales in scholis eminuerit, atque ipsa magistrorum praecepta paene prius quam essent tradita comprehenderit, nihil hic attinet dicere, cum alia longe majora, ac plus admirationis habitura, nobis ad dicendum supersint. Cum vero ex ephebis excessisset, nec minore virtutis quam disciplinarum amore flagraret, in eam se sodalitatem dicare constituit, in qua utriusque, tam doctrinae scilicet quam virtutis studia ex aequo vigere ac florere animadverterat. Sic enim existimabat, doctrinam quidem absque virtute, rem cassam atque umbratilem esse, & quae plus interdum noxae afferat quam utilitatis: virtutem vero doctrinae consortio destitutam, prorsus imperfectam ac mancam videri, quippe quae aliis prodesse vix possit: ceterum ambas simul junctas plus ponderis atque auctoritatis habere. Haec ille animo perpendens, illud etiam Sodalitiorum commodum cogitabat, quod homines eodem sacramento adstricti, abdicatis rerum humanarum curis, perfectae Sapientiae studiis vacantes, mutuis se hortationibus atque exemplis vicissim adjuvare possunt. Proinde ex omnibus Sodalitiis illud maxime expetivit, quod ab Sancto Ignatio primum institutum, & virtutis gymnasium, & disciplinarum quoddam quasi domicilium esse norat.

Tali collegio adscriptus SIRMUNDUS, primum quidem Linguarum & Antiquitatis tam Graecae quam Latinae tantam sibi peritiam comparavit; quantam ex ejus scriptis perspicere potestis. His deinde quasi fundamentis positis cum doctrinae vastos esse limites, & in immensum diffusos intelligeret, iis maxime studiis sese includere statuit, quae & professionis religiosae viro convenire, & plurimum utilitatis allatura esse censebat. Itaque ad Historiae & Antiquitatis Ecclesiasticae notitiam totum se penitus applicuit atque addixit, ut non sibi solum, sed etiam Patriae, atque universae Ecclesiae prodesset. Quo quidem in genere studiorum tantopere profecit, ut pares admodum paucos, superiorem vero aetate sua neminem habuerit. Cum vero partim felicitate ingenii, partim laboris assiduitate, ingentes doctrinae messes, ac thesauros collegisset, primum quidem Patriam suam, ac deinde totum Orbem Christianum pretiosis ingenii sui monumentis illustravit. In quo singularem ejus prudentiam ac modestiam mirari subit, qui cum eximiam doctrinam citissime esset adeptus, sero tamen opera ingenii sui publicare in animum induxit. Quod quidem tanti Viri consilium atque exemplum, utinam tam nostri, quam exteri sequerentur; qui vixdum e scholis egressi indigesta adhuc studia in publicum extrudunt, & praematurae editionis famam potius quam solidam

consummatamque doctrinam concupiscunt. Longum esset hic percernere, quot ille libros partim vetustiorum Scriptorum in lucem primus ediderit, partim Latino sermone interpretatus sit, partim etiam suo Marte compositos nobis reliquerit. Neque enim piget inter SIRMUNDI opera numerare libros optimorum Scriptorum, quos ille a situ & tenebris vindicatos publica tandem luce donavit. Nam & ejus diligentia atque industria laudanda est, qui tot antiquitatis monimenta undique conquisivit, & benignitas praedicanda est, quod publico eos libros minime invidit, sed exscribendi, edendique laborem, ultro suscepit. Quod vero summa fide eosdem edidit, notasque omnibus, aut praefationes adjecit eruditissimas, eo etiam nomine maximas illi gratias universi habere debemus. Ceterum inter hujus generis libros primas sibi merito vindicat editio Conciliorum Gallicanae Ecclesiae. Quae non sine ingenti quodam labore a se collecta, & pulcherrimo ordine digesta atque illustrata, cum felicitis memoriae Ludovico Regi Christianissimo offerret, Eminentissimi Cardinalis Armandi Richelii honorificentissimo testimonio est exornatus. Quod quidem testimonium non tam ipsius Cardinalis Richelii, ut sentio, quam totius Galliae commune suffragium debet videri. Ex alterius vero generis libris, primum occurrunt commentarii, quos in varios auctores ille tanta elegantia, tantoque cum judicio conscripsit, ut nihil in eo genere perfectius esse possit. Atque, ut vel una ab Apelle ducta linea, manum praestantissimi artificis olim indicasse dicitur; sic unica JACOBI SIRMUNDI quantumvis brevis nota, ad doctrinam ejus declarandam abunde suffecerit. Sed celeberrimi & praestantissimi omnium judicio sunt ii libri, qui in contentioso & pugnaci scribendi genere versantur. Fuerunt enim illi non semel discidia ac certamina cum viris doctissimis, de litterariis quibusdam quaestionibus; ex quibus ille semper superior victorque, omnium eruditorum consensu, discessit. Sentio me in ancipitem ac difficillimum locum incidisse, ut verendum mihi sit, ne, dum JACOBI SIRMUNDI laudes persequor, de eruditissimorum hominum fama aliquid videar detraxisse. Sed tamen obsequendum est veritati, parendumque jussibus vestris, AUDITORES, qui me ad pergendum, cum attentione vestra, tum benevolis nutibus invitatis. Neque enim vereor, ne hanc obtrectandi viris clarissimis occasionem de industria arripuisse videar, cum praesertim in hunc sermonem paene invitus descenderim, quo non mea me voluntas, sed ipsa laudationis series necessitasque conjecit. Huc accedit, quod haec Oratio nullam contumeliam, nullam ignominiae labem adspargere potest viris, & omnium

nium fermone & merito suo celeberrimis. Quí si in hoc stadio ac pulvere litterarum victi sunt semel a JACOBO SIRMUNDO, non id illis inhonestum ac probrosum debet videri. Neque enim, ut in acie aut in lucta, sic in his studiorum concertationibus aut victor efferre se debet jactantius, aut victus prae pudore erubescere ac irasci. Sed utrumque *hieran*, ut veteres aiebant, facere convenit, & palmam ac coronam veritati utpote victrici consecrare. Quippe fieri potest, fitque saepissime, ut is, qui modo victor fuit, statim in alio opere cadat & corruat; is vero, qui inferior prius fuerat, in aliis postea conflictibus superior evadat. Denique non ex unius certaminis eventu, sed ex omnium scriptorum atque operum comparatione, hominum laus famaue aestimanda est. Igitur, ut ad SIRMUNDUM redeamus, primum illi certamen fuit de Regionibus Suburbicariis, cum viro aetatis nostrae longe doctissimo, qui ex loco Rufini, tanquam ex arce quadam, auctoritatem Romani Pontificis impugnabat. Confecta res omnibus videbatur. Tam validis quippe argumentis ac rationibus sententiam suam vir ille firmaverat, ut, non dicam vulgus imperitorum, sed Cardinalis ipse Perronius, vir, omnium consensu, rerum Ecclesiasticarum peritissimus, neminem crederet posse reperiri, qui tantae machinae impetum retunderet. Sed continuo exstitit JACOBUS SIRMUNDUS, qui pro Romani Pontificis auctoritate, id est, pro veritate ipsa propugnans, tribus libellis, quasi totidem praeliis, sic adversarium superavit, ut jam nemo sit inter eruditos, qui non SIRMUNDI sententiam ambabus, quod aiunt, ulnis amplectatur.

Secundum illi certamen fuit cum Petro Aurelio magni nominis Theologo, de canone quodam, ut vocant, Arausicani Concilii. Quae quidem contentio longe gravior ac periculosior exstitit quam prima. Nam in priore quidem conflictu omnes Catholicae professionis homines a suis stantes partibus SIRMUNDUS habuerat. Sed in hoc posteriore res ei erat cum homine versuto & callido, qui Episcoporum causam defendendam suscepit, totamque Theologiae scholam opinioni suae subscribentem, velut auxiliares copias, secum trahebat. Accusabatur falsitatis ab homine, qui nomen sibi ipse falsum adscripserat; & falsitatis illius, quae non levis momenti esset, sed in re sacrosancta commissa: neque in uno dumtaxat canone, sed in tota mole, ipso enim verbo utar Aurelii, Gallicanorum Conciliorum. Quid ageret SIRMUNDUS? An accusationem illam silentio dissimularet? id vero erat, crimen fateri, & existimationem suam prodere. Causamne suam defenderet? illico omnes prope Episcopos ac Theologos, &

nonnullos etiam ex Sodalibus suis adversos erat habiturus. In hac difficultate positus, ita causam suam defendere statuit, ut nec Episcoporum Jurisdictionem, nec receptam in scholis opinionem laederet, & negativam particulam, de qua sola erat controversia, ex fide Manuscriptorum Codicum, & cum ratione ab se adpositam esse monstraret. Quod certe tam luculente praestitit primum in Epistola, deinde duobus Antirrheticis libris, quorum ultimum factione Aureliana diu suppressum esse meminimus, ut quicumque eos absque ullo partium studio legerit, SIRMUNDO victoriam adjudicare cogatur. Pudet me profecto interpretationis Aurelianae: adeo ab omni sensu ac ratione, & ab ipsis verbis Arausici Canonis abhorret. Itaque fremant licet atque obtrepant Aurelianae partium sectatores, semper vera habebitur Canonis illius editio & interpretatio, quae a SIRMUNDO prolata est. Aurelii autem lectio & explicatio ab omnibus doctis bonisque repudiabitur.

Omitto reliquas ejus velitationes, cujusmodi fuit illa de duobus Dionysii, & aliae quaedam, quas consulto praetereo; ex quibus omnibus eandem, quam ex prioribus, gloriam reportavit. Quod equidem non tam illius doctrinae, quam acerrimo judicio adscribendum puto. Etenim in illo viro tanta judicii vis, quanta vix umquam in alio fuit: hancque propriam & praecipuam ejus dotem esse omnes sentiebamus. Itaque cum ad maximum ingenium par judicii robur adjunxisset, illudque longo usu ac diuturna meditatione confirmasset, non mirum videri debet, si invictus hoc tandem modo luctator evaserit. Etenim in nulla operis parte aberrare, supra humanam fortem positum prorsusque divinum est. Sed quicumque judicio prae ceteris pollent, id saltem assequuntur, ut, aut quam rarissime, aut quam levissime peccent. Cum enim ad scribendum non levitate, sed consilio ferantur; hinc fit, ut minimam reprehendendi ansam adversariis suis praebeant. Sed erit fortasse quispiam, qui JACOBUM SIRMUNDUM contentiosum ac rixosum hominem fuisse ex eo colliget, quod de re litteraria tot controversiis, ad extremam usque senectutem, tot jurgiis districtus atque exercitus fuit. Eos vero, qui ita sentiunt, animadvertere oportet, SIRMUNDUM, utpote quietis & otii amantissimum, semper invitum ac nolentem ad haec certamina descendisse. Certe, si rem attentius inquirere velimus, eum aut depellendae calumniae, aut propugnandae veritatis religionisque causa in hanc arenam prodiisse deprehendemus. Verum, quando casu quodam, aut potius tractu ipso progressuque Orationis ad locum de moribus devenimus, pauca etiam de virtutibus illius dicenda sunt.

sunt, ut totius Orationis continuus cursus ad metam usque tandem perduratur.

Ac ceteras quidem virtutes, quibus interior ejus vita ornata est, Sodalibus illius commemorandas relinquo, eas dumtaxat hic relaturus, quae in omnium conspectu ac publica luce fulserunt. Mira in illo comitas & humanitas, qua omnes adeuntes complectebatur. Ad haec modesta gravitas, & ingenuus quidam pudor in ore senis emicabat, prorsus ut Proculum illum, quem virginis senectae Tertullianus appellat, referre mihi videretur. Numquam ille obscenum aliquod verbum, aut turpiorem sensum ne inter legendum quidem ferre poterat. Mulierum colloquia, quae alii appetere solent, studiose vitabat. Neque vero illum senectus morosum reddiderat. Juvenilis quaedam hilaritas in senis ore perpetuo residebat, adeo ut ex illius sermonibus non doctiores modo, verum etiam laetiores rediremus. Animi aequabilitas & tranquillitas ei erat admirabilis: quippe qui nihil praeter virtutem atque doctrinam ac coelestia concupisceret; ab omni ambitione & inanis gloriae cupiditate penitus alienus. Itaque in quibusdam libris nomen suum minime inscripsit. Et cum inter Sodales suos maxima quaeque officia summa cum laude gessisset, cum in aula Regis Christianissimi versatus fuisset; tamen privatum otium cum litteris semper honoribus anteposuit. Evocatus Romam olim fuit ab Urbano beatae memoriae Pontifice Maximo suffragatione Eminentissimi Cardinalis Barberini, qui eximias SIRMUNDI dotes optime cognoverat. Sed Rex Christianissimus Ludovicus, suasu quorundam virorum eum Gallia excedere vetuit, ne tantus vir ad illustrandam Gallicanae Ecclesiae antiquitatem natus, Galliae eriperetur. Renuntiatum est illi non multo postea ab hominibus fide dignissimis, eo consilio ipsum Romam accitum fuisse, ut in sacrum Purpuratorum ordinem adscriberetur. Memoria teneo id ab illo, cum haec mihi narraret, additum fuisse, se, si in ipso Romanae Urbis introitu hoc Summi Pontificis consilium rescivisset, statim eadem via in patriam fuisse rediturum. Quod equidem tanti viri de se ipso testimonio facile credo. Idem multis post annis cum in aulam Regiam ad audiendas Principis Confessiones adscitus fuisset, & in eo munere prudentissime ac religiosissime se gessit, & tandem factione quorundam dimissus ex Palatio, tanta animi moderatione & constantia id factum tulit, ut eum in aula nunquam omnino vixisse diceres. Adeo omnem aulicae illius pompae memoriam penitus ex animo deleverat. Quid dicam de eximia illius frugalitate ac temperantia, cui acceptum referre solebat, quod integros corporis sensus, fir-

manque valetudinem ad extremam usque aetatem retinuerat. Quid de singulari prudentia, de amore in Patriam, de studio in Regem, de eximia erga Deum pietate? Qui cum difficillimis Reipublicae nostrae temporibus Romae esset, quae urbs tunc temporis ob Religionis dissensionem Regis Henrici partibus minime favebat; nihilominus Regiae Majestati semper addictus devotusque permansit, solam in Henrico Religionis Catholicae professionem requirens. Quam tamen non armorum vi extorquendam, sed votis ac precibus tum a Deo, tum Rege ipso exposcendam putabat. Dies me deficiet, si universas ejus virtutes Oratione velim percensere. His tot tantisque animi dotibus summorum virorum amicitiam sibi conciliavit. Usus est primum familiaritate Petri Pithoei, & Nicolai Fabri, ex quorum colloquiis numquam se nisi doctiorem discessisse saepenumero mihi testatus est. Baronio quoque, Bellarmino, Ollato, & Barberino Cardinalibus Eminentissimis in primis acceptus fuit: Brulartii etiam & Marilliaci, qui apud nos summa auctoritate & dignitate conspicui fuerunt, amicitiam ipse, ut memini, prae se ferebat. Denique ab omnibus, quotquot in Europa ejus aetate vixerunt, eruditis hominibus & cultus est & amatus. Quid igitur ei viro ad summam felicitatem defuisse dicemus? qui & ingenium uberrimum sortitus fuerat, cunctis, ad quae eum vocasset, negotiis idoneum: & multiplicem rerum divinarum humanarumque notitiam, ac postremo omnium virtutum apicem erat consecutus. Cui vita longissima, cum firma corporis valetudine, nullis umquam morborum molestiis interrupta; cui otium & quies non sine honore ac dignitate; cui summorum virorum amicitia laudesque affatim contigerunt: qui Regum, & Principum, qui tot Eminentissimorum Cardinalium judicia promeruit. Hunc ergo talem ac tantum virum, inter praecipua Galliae nostrae ornamenta numerandum, ex cujus uberrimis scriptis ac sermonibus tantam doctrinam duitissime hausimus, ingrati profecto fuerimus, nisi mortuum omni officio & exsequiarum honore celebremus. Nec nostra ipsi bona & decora satis nosse dicemur, si, quem exteri mirati sunt, nos vulgari ac tacito funere efferrī patiamur. Itaque hoc a nobis, JACOBE SIRMUNDE, extremi honoris officium habeto. Quod, tum meo, tum Patriae nomine, libens quidem Tibi, sed non sine acerbissimo doloris sensu persolvo. Intellego enim quantam litterae nostrae jacturam interitu tuo fecerint. Te quidem tuae virtutes, vitaeque sanctissime acta divina favente clementia, ut speramus, coelo adscribent: & libri singulari eruditione referti famam Tibi nullis intermorituram saeculis comparabunt. Nos vero
ex

ex obitu tuo conceptum dolorem, tum sermonum, tum virtutum tuarum
assidua recordatione solabimur.

IN TUMULUM JACOBI SIRMUNDI
EPIGRAMMA.

Si Tibi quis dignum vellet, SIRMUNDE, sepulcrum
Condere, vix operi marmora sufficerent.
Sunt scripti potiora Tibi monimenta libelli,
Quos nec Livor edax rodere dente queat.
Saxa quidem, & tumulos consumit longa vetustas:
Nil tamen in libros tempora juris habent.

ΕΙΣ ΤΟΝ ΙΑΚΩΒΟΥ ΤΟΥ ΣΙΡΜΩΝΔΟΥ
ΤΑΦΟΝ
ΕΠΙΓΡΑΜΜΑ.

ΠΟΛΛΑ' βίου, ἢ πολλὰ μαθὼν, ἢ πολλὰ διδάξας,
Καὶ Σοφίης καὶ ἀρετῆς ἔξοχ' ἐνεγκάμενος,
Ἐν τούτῳ κείται τῷ μνήματι τοῦνομα δ' αὐτῆ
Μὴ γνοῦς, μὴδ' ἔγνω τὰς ἑλικωνιάδας.

HENRICUS VALESIIUS.



HEN-

HENRICI VALESII, ORATIO

In Obitum Clarissimi Doctissimique Viri

PETRI PUTEANI

In Sacro Consistorio Regis Consilarii.

habita anno 1652.

PRAECLARE a veteribus institutum accepimus, AUDITORES ORNATISSIMI, ut quae quisque in vita maxime adamasset, iisdem etiam post mortem ornamentis funeris donaretur. Quod etiam a Principibus Poëtarum in Patrocli & Pallantis exsequiis observatum videmus, quos exuviis militaribus, armisque instructos, a suis in rogum inferri finxerunt. Itaque cum PETRUS PUTEANUS, quamdiu in vivis fuit, singulari semper amore litteras profecutus sit, nec solum hereditario quodam, sed proprio ac peculiari affectu studiosos omnes fuerit amplexus, non dolore nec lacrimis, quae cassa sunt & inania, sed litterarum, quas coluit, immortalibus monumentis ac titulis post obitum decorandus videtur. Ac ceteris quidem, quibus major eloquentiae copia, aut facultas carminum suppetit, curae erit laudes ejus viri partim vinctis, partim soluta numeris oratione praedicare. Neque enim fas est nomen tanti viri, & de litteris ac de Patria optime meriti, absque ullo Musarum praeconio inhonoratum transmittere. Me vero non ambitio laudis, nec fiducia facundiae, a qua me adhuc remotissimum esse & profiteor & sentio, sed sola beneficiorum illius recordatio ad dicendum impellit. Juvat optimo viro, & de me privatim bene merito has laudis inferias mittere, & hanc, seram licet ac tristem, piam tamen nobisque honestam in primis, nec ipsi, ut arbitror, ingratam mortuo gratiam referre. Itaque hoc a vobis postulo, AUDITORES ORNATISSIMI, ut hoc grati animi nostri obsequium aequi bonique consulere, & quantum nobis deest aut ingenii aut eloquentiae, tantum favore vestro ac benevolentia supplere velitis.

Ac

Ac principio quidem cogitanti mihi, & universas simul PETRI PUTEANI virtutes animo perlustranti, & quamdam velut imaginem vitae ipsius ob oculos proponere instituenti, non mediocris occurrit difficultas ac perturbatio, undenam potissimum orationis nostrae ducamus exordium. Hinc se prudentia ingerit atque sapientia, quibus ille vir tantum praestitit, ut omnium consensu summis quibusque muneribus, regisque ipsius consiliis dignissimus haberetur. Illinc morum integritas, ac vitae innocentia, non dicam, sine noxa, sed sine ullius querela transactae. Hinc singularis temperantia nos ad se vocat: illinc animi magnitudo atque constantia, qua veritatem atque intimos animi sui sensus de Republica coram Magnatibus semper libere est prolocutus. Nec se praeteriri patitur beneficentia, quae in illo viro tam proluxa inerat, ut in hac tanta honestissimorum hominum multitudine vix ullus possit reperiri, qui non aliquo beneficio ei se devinctum esse fateatur: Tot igitur tantaeque virtutes, seorsim singulae & cum cura dicendae, onerant potius dicentem quam juvant. Atque ut in opiparo convivio exquisitis dapibus referto singula prope ferula singulorum instar sunt conviviorum: sic in hoc argumento singulae PETRI PUTEANI virtutes iustarum nobis orationum materiam subministrant. Sed nescio quomodo me quidem minime invitum ad se allicit beata tranquillitas, quam cum ille tantopere adamaverit, ac perpetuo quodam nexu sibi mancipaverit, propriam ac familiarem ipsius virtutem merito possumus appellare. Itaque cum ipse hanc totius vitae suae quasi fundamentum esse voluerit, non aliud nos sermonis nostri fundamentum ponere debemus, sed hanc tamquam tabulam subternentes, reliquarum deinde virtutum colores ad exprimendam vitae illius imaginem illinere.

Magnum profecto & illustre exemplum tranquillioris vitae his perturbatissimis temporibus existisse mihi videtur PETRUS PUTEANUS. Multi quidem antea Philosophi multa in suis libris de tranquillitate animi praeclare scripserunt, & ad eam omnibus votis, omnique animorum contentione adspirarunt. Verum unus propemodum hac aetate eam & optime intellexisse, & feliciter affectus esse PUTEANUS videtur. In quo tamen utrum prudentior fuerit an felicior, equidem affirmare non possum. Nam quod a prima statim adolescentia ad tranquillitatis amorem vehementer incitatus, eademque per totum deinceps vitae tempus potitus est, felicitati adscribendum puto. Neque enim sine divino quodam instinctu & auxilio id aut cogitare aut consequi umquam potuisset. Quod vero id vitae genus omnibus rebus anteponendum esse judicavit, summae profecto

prudentialae est. An esse ulla major prudentia umquam potest, quam vindicare se sibi, nec alienis negotiis distentum, se dumtaxat ac sua curare, sese in artum cogere, & minimam sui partem nudatam praeberere fortunae? Sed quibus gradibus ad hoc beatae tranquillitatis culmen PUTEANUS pervenerit, videamus. Duas res potissimum in vita tranquillitati obflare nemo est qui nesciat, ambitionem & avaritiam: geminas quasdam pestes ac furias generis humani. Quarum utra tetrior sit ac violentior, difficile est dicere: sed ubi ambae simul junctae animum cujuscumque occuparunt, tum vero incredibiles excitant aestus ac tempestates. Ceterum quicumque ad ipsum tranquillitatis portum cupit appellere, sic clavum prudentiae moderari illum oportet, ut inter hos duos scopulos rectum semper navigationis cursum teneat, nec se Sirenium cantu deliniri patiatur: sed, ut quondam Ulysses, praetervehi debet, non quidem auribus cera oblitis, sed animo adversus cupiditatum illecebras obfirmato atque invicto. Id vero a PUTEANO egregie praestitum esse testes mihi estis. Qui cum ad summos honores merito adspirare posset, ut pote clarissimi Senatoris Claudii Puteani filius, cujus vivit adhuc immortalis memoria atque fama, nec materno genere minus nobilis; cumque esset ipse eximia indole praeditus, & liberalibus disciplinis non vulgariter institutus, quae omnia ambitionem juventutis stimulis quibusdam incitare solent, tamen spretis honoribus, nobile quoddam ac liberale otium praeoptavit. Ac principio quidem foro nomen dederat, morem secutus nobilium adolescentum, qui in hoc stadium laudis & gloriae, atque honorum vestibulum ingredi consueverunt. Sed eo haecenus adspecto. & salutato, ut morem atque ordinem judiciorum cognosceret, utque gravissimum illum coetum videret, in quo & Pater ipsius, & ex materna stirpe quamplurimi summa cum laude confederant, recta se indomum, atque in ipsum tranquillitatis contulit sinum, a quo tota deinceps vita nec divelli umquam potuit, nec voluit. Eodem animi impetu, quo honores contempserat, conjugalibus etiam vinculis repudiatis, utraque simul cupiditate superiorem se praestitit.

Sed erit fortasse quispiam, qui non magnopere mirandum esse dicet, honores a PUTEANO spretos fuisse, ad quos prae angustia rei familiaris adspirare non posset. Quid tu mihi labem atque infamiam temporum nostrorum commemoras, quam ego de industria tacitus dissimulare volebam? An si jus & ratio in legendis magistratibus valeret, non existimas PETRUM PUTEANUM, & alios ejus similes ultro ad tribunalia invitandos fuisse? Ego vero ob id ipsum maxime honores a PUTEANO spre-

tos dico, quod venales esse eos videbat. Vile enim profecto sit necesse est, quidquid pecunia comparatur. Neque enim merx ulla, quae venum exponitur, pecunia ipsa multo pretiosior potest esse. Quod si pecuniam, qua res omnes ipsique adeo honores parantur, non solum fastidio, sed etiam contemptu dignam sapientes viri semper judicaverunt, certe nec magistratus ipsi, qui tanquam in auctione pretio addicuntur, eo quidem nomine magni faciendi sunt. Verum concedamus, si placet, artio rem censum fuisse PUTEANO, quam ut ad senatoriam dignitatem comparandam sufficere valeret. Quae interim non minima laus est Patris ipsius Claudii Puteani, qui in summo magistratu summa cum integritate versatus, plus gloriae liberis suis quam pecuniae reliquit. At si minus sua pecunia, gratia certe, atque amicorum subsidio potuit facile PETRUS PUTEANUS ad honores pervenire. Potuit suffragantibus viris potentissimis, quibus aut notus erat aut affinis, honores saltem Ecclesiasticos adipisci. Quos tamen ille numquam concupivit, sed aliis potius quam sibi mandari voluit, ut sui semper juris tranquilliore otio frueretur. Atque ut scias non ex aeris inopia, sed certo ac fixo proposito, & constanti animi inductione honores a PUTEANO contemptos fuisse, unico eoque illustrissimo argumento rem evincam. Meministis, ut opinor, cum ei ante hos decem circiter annos ob egregia ipsius in rempublicam merita, Comitiva sacri Consistorii a Rege delata fuisset, quanta cum animi magnitudine oblatum sibi in illo Regis Consistorio confessum, solo Comitivae titulo contentus repudiavit: idque non contemptu aut arrogantia, a qua vir ille maxime semper alienus fuit, sed amore otii ac tranquillitatis, a cuius complexu & contubernio ut discederet, nulla umquam conditione poterat adduci.

Otium porro cum dico, ne quis mihi molle quoddam ac delicatum otium suspicetur, cujusmodi est hominum luxu ac deliciis diffluentium; nec languidum pigrumque, quale servulorum esse, ac nullius pretii hominum solet. Longe aliud est otium sapientum virorum, quos numquam minus otiosos videas, quam dum sunt otiosi; quippe qui probe intelligunt non solum negotii sui, sed etiam otii reddendam esse rationem. Itaque illorum otium aliorum negotiis longe antepono. Nec sine causa Socrates dicere solebat, non cujusvis esse hominis in otio agere, sed solius sapientis, qui cum omnia rectissime faciat, tum belle inprimis otio uti novit. Hujusmodi igitur otium PETRI PUTEANI fuisse dico, quod ille totum in litteris, & pulcherrimarum rerum cognitione consumpsit. Et cum in quacumque disciplina, ad quam animum applicare voluisset, primas potuis-

set sine controversia obtinere, tamen promiscuae eruditionis gloriam aliis concessit: ipse ad Historiae, Rerumque Gallicanarum notitiam conversus, otium suum Patriae utilitatibus & gloriae consecravit. Nec contentus vulgarium librorum lectione, ingentem praeterea numerum epistolarum, actorum, legationum, chartarum, atque hujusmodi monumentorum publicorum undique conquisivit. Quae omnia, ut erat elegantiae ac nitoris studiosissimus, pulcherrimo ordine digesta, non sine maximis sumptibus in libros redigi ac compingi curaverat. Diceres novam quamdam Bibliothecam ab illo esse compositam, paternae illi atque hereditariae nihilo postponendam. Quam tamen ille non ad privatum dumtaxat usum sibi retinendam putavit, sed, ut erat bono publico natus, omnium usui & commodis publicavit. Itaque nemo fere erat in civitate, qui non ejus domum libentissime frequentaret. Conveniebatur quotidie a Senatoribus, a Legatis, a Principibus, ab omnibus omnium ordinum viris, partim ut eum consulerent, quem unum rerum nostrarum peritissimum esse cognoverant: partim ut libros illos, quibus tot recondita monumenta continebantur, ab illo commodatos acciperent. Nec quicquam gratus accidere poterat PUTEANO, quam cum cujuscumque hominis eruditi laborem suis illis monumentis adjuvari posse intellexerat; quippe qui hunc unum fructum esse censebat tot sumptuum ac laborum suorum, ut historiam patriae aliqua ex parte illustrare posset.

Atque hoc primum mihi videtur fundamentum fuisse Musaei illius toto orbe celeberrimi: de quo si quid inpraesentiarum dicere aggressus fuero, vereor ne infra ejus dignitatem mea esse videatur oratio. Sed tamen cum, quemadmodum olim M. Cicero quicquid in eloquentiae studio profecerat, id totum Academiae spatiis acceptum referre solitus erat; sic ego Academiae illi fratrum Puteanorum studia nostra plurimum debere profitear, nefas mihi esse arbitror de ejus institutione nunc silere. Malo enim, ut de ejus gloria aliquid oratione nostra imminutum esse videatur, quam ut silentium nostrum ingrati animi reprehensione non careat. Igitur cum apud alias nationes, ac praesertim in Italia plerasque Academias ridiculis quibusdam atque absurdis nuncupatis nominibus PUTEANUS videret, eisque certas leges descriptas esse intelligeret, certaque argumenta, de quibus illic esset colloquendum, definita, nec in eas praeter homines ingenuis disciplinis exultos quemquam admitti, plane diversum iter in Academia sua instituenda sequi maluit. Neque enim ullum ei nomen imposuit; nec sermones, qui in ea essent habendi, ullis legum vinculis adstrinxit, nec ab
ejus

ejus aditu quemquam submovit, nisi qui sua ipse infamia aditum sibi ad eandem interclusisset. Quod cuidam (a) notissimo aetatis nostrae parasito non semel evenisse meminimus: cui Musarum illud sacrarium ingredienti in ipso statim limine occurrens PUTEANUS numquam hominem ulterius progredi passus est, nec in ornatissimo coetu illo considerare. Omnes igitur omnium ordinum viri non solum togati, sed etiam militares eo conveniebant: nec tantum Senatus, sed etiam Ecclesiae Proceres hoc Musaeum frequentabant. Vix in tota civitate domus erat ulla, cujus limen tot honestissimorum virorum vestigiis tereretur; ad cujus vestibulum tot equi, tot currus, tot famuli quotidie praestolarentur. Tanta porro hujus Musaei fama non modo per universam Galliam, sed per omnem fere Europam longe lateque diffusa est, ut quicumque ex Italia, Germania, & ab ultimis usque Septemtrionis nationibus huc advenerunt, nequaquam existiment omnia hujus civitatis ornamenta ac decora ab se esse visa, nisi in hoc praestantissimum Musaeum ingressi sint; quod quidem vocare soleo asylum ac perfugium litterarum: Nec fallitur, meo quidem judicio, quisquis illud appellare voluerit commune quoddam vinculum omnium eruditorum. Etenim homines in omni genere doctrinae praestantissimi, Philosophi, ac Mathematici, Theologi quoque, & Philologi, Historiaeque & Antiquitatis peritissimi ibi quotidie conspiciuntur: Nec ad formanda hominum ingenia quidquam excogitari posse utilius hoc confes-

D 3

puto.

(a) *Cuidam notissimo aetatis nostrae parasito &c*] Tangi his verbis opinor famosum illum superioris aevi apud Gallos literarium parasitum Petrum Monmorum, Graecae linguae Parisiis quondam Professore ineptum plane atque inficetum, quem aditu Musaei sui prohibuisse Puteanum hic tradit Valesius: certe confirmat id Marville, seu vero potius nomine, Bonavanture d'Argonne, *Melanges d'Histoïr. & de Literat.* Tom. I. pag. 112. Ed. Noviss. ubi de eo refert: *Monmor porta plus impatiemment le refus que Messieurs Dupuy lui firent de l'entrée de leur cabinet, qui étoit le réduit des plus honnêtes gens de Paris.* eo in loco personatus iste Miscellaneorum illorum compilator Gnathonicum hunc sycophantam, & doctorum suae aetatis juratum calumniatorem atque obrectatorem, magnis nihilominus laudibus & encomiis, ut saepe mulus mulum frizat, ad coelum effert, ejusque raras ingenii dotes (*bel esprit*) perfectam Linguae Graecae ac Latinae peritiam, omnium auctorum veterum lectionem, & similia alia praedicat, sed ita tamen, ut vis veritatis eum fateri cogat, malignitatem in viros eruditos, fardidissimam avaritiam, assentationem, & gentilem omnibus blandiendi, ac parasitandi artem cum histrionica dicacitate conjunctam in eo fuisse insigne. Egregie tamen circumforaneus hic. Agyrta omnibus fere, qui in Gallia tunc floruerunt, viris doctis poenas dedit ac vapulavit; nemo enim umquam tot satyris, carminibus jocosis, ac scriptis mordacibus exceptus fuit, quam Petrus hic Monmorus. Nullus autem melius eum ludibrio exposuit quam Menagius, qui passim in Poëmatibus suis, & peculiari festivissimo libello, quem sub titulo vitae Gargilii Mamurrae edidit satyrico sale eum pro merito perfricuit. Hadrianus etiam Valesius aliquot epigrammatibus, quae inter ejus Poëmata post Valesiana leguntur pag. 50. & seqq. eum traduxit. Inter nostrates etiam Nicolaus Heinsius *Carmin. Juvenil. Lib. II.* pag. 256. & seqq. phaleucis aliquot versibus ac scazonte mordaci in communem hunc Musarum hostem & famelicum parasitum invecus est: eum enim sub nomine Macrini indicari patet ex Epistola Heinsii ad Vinc. Fabricium *Tom. III. Sylloges* a Patruo meo editae pag. 806.

puto. Quid enim aptius ad iudicii vim exacuendam, quam multiplices de qualibet re proposita audire sententias hominum doctissimorum, & quisque via ac ratione ad veritatem investigandam feratur, inspicere, & ubi aliorum sermones ac sententias cum tua ipsius ratiocinatione contuleris, quantum tibi adhuc ad perfectam intelligentiam desit, videre? Olim a Ptolemaeis Aegypti Regibus Musaeum cum locupletissima Bibliotheca Alexandriae exstructum esse legimus, in quo homines eruditi regis stipendiis alerentur: itaque hanc Musarum caveam non inscite Timon Philosophus appellavit, quod in eo loco doctissimi viri tanquam altilis aves in cavea saginarentur. Sed hoc PUTEANORUM Musaeum Alexandrino illo longe praestantius mihi videtur, tum quod multo majore doctorum hominum frequentia celebretur, tum praecipue quod non modo omnis eruditionis copia, sed etiam rerum civilium non vulgaris notitia ex hoc nostro percipi possit.

Quod igitur otium, AUDITORES ORNATISSIMI, hoc PETRI PUTEANI otio amoenius umquam fuit; quae tranquillitas beatior; quis secessus felicior? mihi certe ne ipsae quidem, si usquam sunt, fortunatorum insulae fortunatiores videntur. Conferat nunc qui volet aliorum, atque in primis Senatorum inquietissimas occupationes cum hoc otio PETRI PUTEANI, &, quantum intersit inter utrumque vivendi genus, intelligat. Illi totos paene dies in curia sedent audiendis litigantium clamoribus occupati: hic doctorum hominum sermonibus quotidie fruebatur. Illi contractuum, testamentorum, & hujusmodi instrumentorum exemplaria, & taediosissima causidicorum scripta assidue in manibus habent: hic vetera Historiae nostrae monumenta cum summa voluptate lectitabat. Illi litigantium jurgia disceptant: hic de libris & operibus eruditorum virorum sincere atque integerrime judicabat. Illi ex aliorum controversiis privatum sibi quaestum comparant: hic ex studiis suis nihil praeter decus est gloriam patriae captabat. Illorum domus procuratorum, & litigantium turba: hujus lectissimorum hominum frequentia redundabat. Quod si fortasse penes illos gratiam, auctoritatem, potentiam residere quis dixerit, ne haec quidem omnia PETRO PUTEANO defuerunt. Vixit enim tanta auctoritate privatus, quanta vix umquam ullis in summo magistratu constitutis fuit. Itaque qui honores initio refugerat, ab honore ultro ambiri videbatur: cujus commendatio apud Judices, & tam Senatus quam Ecclesiae proceres plus valuit, quam suffragatio PETRI PUTEANI? quis ex ipsis Aulae proceribus ejus notitiam non appetivit? amicitiam

tiam summo honori non duxit? verum ille tanta gratia atque auctoritate numquam ad ullius noxam atque injuriam, sed ad aliorum commodum atque utilitatem semper est usus. Possem plurima hic exempla proluxae illius erga amicos beneficentiae vobis commemorare, nisi hoc facto plurimorum, qui hic adsunt, onerare verecundiam viderer: praestat igitur ut privata unicuique beneficia narranda relinquamus, maxime cum in referenda gratia nihil sit grato animo eloquentius. Illud autem insigne beneficium, quo me privatim ei obstrictum esse in ipso Orationis exordio sum professus, a me, si lubet, accipite. Meministis adhuc temporis illius acerbissimi, cum Publicani, genus hominum rapacissimum, & alienis opibus inhiare solitum, novum atque inauditum quoddam exactionis genus excogitarunt, quod collationem divitum appellabant. In hunc divitum numerum relatus est inter ceteros Carolus Valesius pater meus, vir, qui suo semper patrimonio contentus vixerat, nec nummum ullum regiae pecuniae contrectaverat. Imperata est ei non modica vis pecuniae, quam intra paucissimos dies solvere jubebatur: ea res non mediocriter animos nostros conturbabat. Itaque ego & Hadrianus Valesius frater meus, quod unum poteramus, querelas nostras ad amicos detulimus; inter quos PUTEANI fratres principem locum obtinebant. Aegre in primis hunc casum tulit PETRUS PUTEANUS, & tum quidem nihil dixit. Sed crastino illustrissimum Senatus Principem Matthaeum Molaeum adiit, quocum ipsi summa familiaritas intercedebat, virum in tantum prudentiae, reliquarumque virtutum fastigium evectum, in quantum sese efferre humana mens potest. Causam ei sui adventus aperit, facinus indignum esse inquit, nos, quos litterarum merito tutos esse atque immunes decuerat, hoc calumniae genere vexari: depellendam esse a nobis hanc injuriam. Tum Molaeus, ut est ad bene de litteris merendum promptissimus, id se effecturum pollicetur. Nec mora, PUTEANUS famulum cum epistola ad nos mittit, monens ut statim a prandio ego & frater ad praetorium illustrissimi Praesidis pergeremus. Excepti a Molaeo cum summa humanitate, indictionis nostrae libellum, cujus exemplar ab apparitore nobis editum fuerat, ipsi obtulimus, patrocinium ejus implorantes. Ille, accepto libello, nos bono animo jubet esse, se id quod poscebamus, a praefecto regalis aerarii facile impetraturum. Vix biduum intercesserat, cum PUTEANUS libellum illum ad nos remittit, praefecti aerarii manu subnotatum, mandantis uni e iudicibus, quibus ea jurisdictio a Rege commissa fuerat, ut nos hac indictione liberaret. Idque intra paucos dies incredibili celeritate com-

completum est: tantum pondus habuit commendatio PETRI PUTEANI. Et magnam quidem eo nomine gratiam Illustrissimo Molaeo, non minorem tamen PUTEANO debemus, qui nobis praesentissimum illud ac potentissimum Molaei patrocinium conciliavit.

Quemnam igitur PUTEANO nostro parem umquam exstitisse censetis, quem tot tantisque animi dotibus ornatum? nisi forte Pomponium Atticum conferre lubet. Hic enim perinde nobili loco natus, cum nullos non magistratus Romae assequi posset, tamen ab honoribus constanter abstinuit, & otium suum in litteris, & in Historiae Romanae, nobiliumque familiarum cognitione traduxit. Par etiam in utroque beneficentia, nisi quod Atticus plures pecunia sublevavit, PUTEANUS vero tantum gratia. Est autem tanto majus gratia quemquam adjuvare, quanto plus plerumque gratia efficitur, quam pecunia. Et pecunia adjuvare inferior superiorem potest: gratia nisi superior non potest. Ceterum neuter beneficia sua venditare solitus; malebantque praestare operam amicis, quam polliceri. Verumtamen hoc mihi superior Attico PUTEANUS videtur, quod nec conjugalibus vinculis, nec tanta rei familiaris cura districtus fuit, nec pristinae vitae tranquillitatem violento, ut ille, exitu maculavit: sed, cum in summa innocentia vixisset, tandem perceptis omnibus religionis nostrae sacramentis, spem aeternae tranquillitatis jam animo praecipiens, placidissima morte decessit. Vir profecto immortalis memoria, & hoc, quem ei nunc habemus, honore dignissimus: optimus civis, patriaeque amantissimus, qui semper utilissima Reipublicae & sensit & dixit: amicus fidelissimus: fautor & propugnator acerrimus litterarum: summis juxta ac mediis carus: sui semper similis & constans, nec tenuitate rei familiaris infractus, nec affluentibus postmodum opibus elatus, eodem semper aequabilem cursum a carceribus usque ad metam peregit.

Habetis imaginem vitae PETRI PUTEANI, AUDITORES, eamque non fucatis adumbratam coloribus, sed veritatis ipsius penicillo delineatam. In quam quoties oculos conjeceritis, non mediocre levamentum doloris vestri percipietis: & quam deinde, si placet, ad posteros transmittentes, immortalem, quantum in vobis erit, memoriam nominis PUTEANI conservabitis. Superest vobis etiam altera ejus imago, atque utinam diu supersit! Fratrem intelligo, veram effigiem oris illius, modestiae, probitatis. Quo quidem superstite tantam hanc jacturam moderatius ferre debetis. Tibi vero JACOBЕ PUTEANE, jam enim ad Te nostra se convertit Oratio, cujusmodi consolationis fomentum ad sola-

molliendum solitudinis tuae dolorem adhibebimus? amisisti quidem fratrem optimum, atque amantissimum tui, cum quo sexaginta fere annos sine ulla offensione vixisti. Sed habes amicos fratris tuique communes, ut omnia semper vobis fuere communia, qui sicut clarissimi viri fratris tui exitum acerbissime lugent, ita omnem cultum ac benevolentiam, quam nuper in duos partiebantur, nunc in Te unum conferunt atque convertunt. Noli igitur horum moerorem tuo moerore exaggerare. Tot tibi fratres adesse existima, quot hic amicos circumstantes vides. Quamquam, si fratrem adhuc desideras, habes CHRISTOPHORUM PUTEANUM, virum summa doctrina, prudentia, sanctitate. Qui tameñi locorum spatiis longissime abest, adest animo, adest creberrimis litteris & nuntiis. Quare absterfo doloris nubilo, animum erige, & ad majora Te negotia accinge. Annon sentis majus nunc tibi esse onus impositum morte fratris Tui? suscipias oportet patrocinium litterarum. Non potes hanc hereditatem repudiare, quam vir clarissimus pater, quam frater tuus tibi reliquerunt. Et quemadmodum, quoties ad unum quempiam nomen atque hereditas splendidissimae familiae pervenit, totum gentis decus in illo uno periclitatur, sic tibi elaborandum est, ne ab illa paterna fraternaue gloria degenerasse videare. Omnes in Te oculos nunc defixos habent, & abs te contendunt, ut quam personam vivo fratre in secundis partibus constitutus gerebas, eam nunc mortuo solus velis sustinere. Quod si feceris, ut facturum te omnes confidimus, & pulcherri-
mum pietatis tuae monumentum fratri statues, & tibi ipsi immortalem gloriam comparabis.

ΕΙΣ ΤΟΝ

ΠΕΤΡΟΥ ΤΟΥ ΠΟΤΙΑΝΟΥ

ΤΑΦΟΝ

ΕΠΙΓΡΑΜΜΑ

ΚΑΤΑ ΕΡΩΤΗΣΙΝ ΚΑΙ ΑΠΟΚΡΙΣΙΝ.

ΠΕΤΡΟΥ μνήμα τόδ' ἐστὶ. Τίνος Πέτρου; ΠΟΤΙΑΝΟΥ,

Φεῦ. τοιοῦτος αἰνῆς ἄξιός οὐ θανέειν.

Τέθνηκεν τόγε σῶμα· τό δέ κλέος οὐποτε θνήσκει.

Τλητὸν ἐπεὶ τὸ πλέος τ' ἀνδρός ἐν ἡμῖν ἔτι.

E

Idem

Idem EPIGRAMMA Latine.

Hic PETRI est tumulus. Cujus Petri? PUTEANI.

Serius, aut numquam debuit ille mori.

Mors rapuit corpus, sed honos & gloria vivit.

Major quando Viri pars superest, fatis est.

IN OBITUM

PETRI PUTEANI VIRI CLARISSIMI

EPIGRAMMA.

NUPER inaudito PUTEANI funere moestae

Urbe minabantur cedere Pierides.

Verum, ubi compertum est fratrem superesse JACOBUM,

Una Camoenarum talia verba dedit.

Amborum hic instar nobis, perstate, Sorores.

Et potis est doctas hic retinere Deas.

HENRICUS VALESIUS.

Valesii parentationi ac pietati in Petrum Puteanum comitem se adjunxit frater ejus Hadrianus, cujus praestantissima Elegia in obitum Puteani habetur inter ejus Carmina post Valesiana pag. 20. Egregius etiam ac numeris omnibus absolutus est Nicolai Heinſii leſſus in exſequias Puteani Lib. II. Eleg. 3. quod carmen inter optimas Heinſii Elegias agmen ducit. Vitam autem Petri Puteani deſcripſit Nicolaus Rigaltius, quae ſimul cum hac Valesii noſtri Oratione inſerta eſt Vitae Selectorum Virorum a Gul. Bateſio Londini editis, vid. pag. 660. & ſeqq.



HEN-

HENRICI VALESII,

ORATIO

In Obitum

DIONYSII PETAVII

Societatis Jesu Theologi.

habita anno 1653.

CUM primum doctissimorum hominum exsequias Oratione funebri decorare institui, AUDITORES ORNATISSIMI, incredibile dictu est, quo quantoque animi ardore ad hoc munus obeundum accesserim. Sic enim apud me reputabam, cum hoc munus plenum esse officiosissimae pietatis, quam nullus in me jure merito posset reprehendere: tum id ipsum mihi quandoque laudi fore, qui viros doctrina ac virtute praestantes ejusmodi honore affecissem, meoque exemplo cunctos nostri temporis eruditos ad hoc genus dicendi excitaassem, ut summorum virorum laudes justis potius orationibus & ad veterum formam elaboratis, quam nudis & aridis elogiis deinceps praedicarent. Verum nunc pristinus ille impetus paulatim in me progressu temporis intepest, sive hoc tot illustrium funerum crebritas facit, sive operis ipsius difficultas. Neque enim ignoro, quam hoc dicendi genus arduum sit atque impeditum, praecipue cum idem argumentum, in quo jam antea versatus sis, iterum ac saepius tractandum offertur, de privati hominis moribus atque doctrina: qui profecto locus parum illustris ad exaggerandum, parum copiosus ad ornandum, nec satis amplus ad exspatiandum videtur. Simul etiam intelligo quantis molestiis ac discriminibus totum hoc laudandi munus sit obnoxium. Nam qui de orationibus nostris judicant, si quidem amici sunt ejus, qui laudatur; eorum desiderio ac cupiditati quantumque laudum magnitudine numquam satis facturus sis. Sin ignoti,

nullaque eum eo necessitudine ac familiaritate conjuncti, iis vel mediocris laudatio fines veritatis excessisse videbitur. Sic enim fere fit, ut aliorum laudes suo quisque capiti ac modulo metiatur, nec plus de altero facile sibi homines persuadeant, quam quantum se ipsi praestare posse arbitrantur: nam de malevolis atque invidis nihil dico, quorum numquam rationem adeo habendam esse duxi, ut eorum causa aut intermittendum officium nostrum aut omnino deferendum putarem. Ad haec cum omnis fere laudatio ex aliorum comparatione ducatur, aliter fieri, meo quidem judicio, vix potest, quin is, qui aliquem laudando ceteris omnibus praefert, in cuiuspiam odium atque offensionem incurrat. Haec sunt, quae, dum animo meo obversarentur, non modo impetum nostrum retardare, & ardorem imminuere, sed me penitus a dicendo deterrire merito videbantur. Verumtamen, his omnibus posthabitis, pristini officii mei rationem duas potissimum ob causas etiamnum mihi retinendam esse existimavi. Primum quod hoc meum institutum vestro suffragio ac judicio comprobari intelligo: cujus apud me tantum valet auctoritas, ut quidquid vestro calculo probatum fuerit, id bonorum omnium consensu facile confirmatum iri confidam. Deinde ejusmodi sunt DIONYSII PETAVII erga me privatim beneficia, ut, si nullum antea laudatione funebri commendare instituissem, hunc certe eo genere officii prosequi omnino debuerim. Nam cum sub ejus disciplina prima quondam eloquentiae rudimenta perceperim, rationi consentaneum est, ut ea facultate, quae illius praeceptis institutisque primum in me informata est, funus ejus decorare, & memoriam nominis, quantum in me situm est, illustrare ac propagare contendam. Quamobrem peto a vobis, AUDITORES ORNATISSIMI, ut eadem humanitate ac benevolentia, qua me de aliorum laudibus antea dicentem prosecuti estis, nunc de DIONYSIO PETAVIO perorantem audire ac prosequi velitis.

Et Homerus quidem cum omnium animos ad audiendum allicere vellet, in ipso carminis vestibulo pollicetur dicturum se de homine multiformi morum varietate praedito, qui multas urbes regionesque peragrasset, qui plurimorum hominum mores atque instituta penitus cognovisset. Quippe ille vatum prudentissime norat, cunctos mortales plurimarum rerum notitia inprimis delectari: eamque ob causam aut ipsos peregrinari maxime velle, aut certe eorum, qui peregrinati sunt, casus varios atque eventus libenter audire. Ego vero non minori cum favore ac studio, ut opinor, omnium vestrum, hodie dicturus sum de Viro, non quidem multiformi morum varietate, id enim Ulyssi relinquimus: sed multiplici doctrina praedito; qui

qui non terras & maria, sed disciplinas omnes felicissimo cursu pervagatus, non mores tantum & ingenia plurimorum hominum introspectit, sed omnium humanarum divinarumque rerum cumulatissimam sibi notitiam comparavit. Quae enim inter homines est ars ac disciplina liberalis, quam PETAVIUS noster, non dico, non attigerit ac delibaverit, sed non penitus animo imbiberit atque hauserit? aut quis tantum in uno genere doctrinae, quantum ille in omnibus simul excelluit? Neque enim Grammaticam & Criticam probe calluit, artem vero dicendi ignoravit. Nec rursus in hac quidem arte exercitatissimus, in Poëtica vero haud parem gloriam adeptus est. Non ille Latine quidem doctissimus, Graece autem & Hebraice nescivit. Nec rerum quidem Graecarum & Romanarum historiam omnem evolverat: Ecclesiasticam vero Antiquitatem & Christianae Religionis historiam neglexerat. Non denique haec quidem universa, quae dixi, diuturno studio ac meditatione perceperat: Mathematicas autem disciplinas cum plerisque doctis hominibus ignorabat: sed omnes omnino liberales artes capacissimo mentis sinu complexus, ita singulas excoluit, ut dubium nobis reliquerit, in qua potissimum excelleret. Ac difficile quidem est dicere quid ille nesciverit. Quid vero & quantum sciverit, multo difficilius est exponere. Ceteri fere mortales, quorum ingenia certis iisque angustis finibus circumscripta sunt, ad unum genus doctrinae sese applicare solent: in quo postquam diutissime elaboraverint, omnesque ingenii nervos intenderint, pauci tamen ex omnibus ad summum ejus fastigium valent pervenire. Nemoque adhuc repertus est, qui cum plures disciplinas animo percepisset, simul in omnibus principatum citra controversiam obtineret. Idem etiam in sellulariis artibus usuvenire videmus, ut si quis multas simul artes exercere voluerit, in nulla umquam summus artifex evadat. Adeo in multis excellere natura nobis negavit: sed suam cuique nascenti veluti sortem ac provinciam attribuit, quam excolere deinceps opera nostra atque ornare possemus. Hic inter Grammaticos palmam tulit: sed in Eloquentia haudquaquam parem gloriam est consecutus. Illum facundia Latini sermonis ornavit; sed Graecae linguae peritia destituit. Quotusquisque ab omni hominum memoria, idem summus Orator ac Poëta umquam exstitit? itaque Marci Tullii versus multorum judicio exploduntur. Quin etiam in una eademque disciplina alius hanc, alius illam partem sibi vindicat. Alius in Geometricis eminent: alium Astronomiae notitia commendat. Multiplicis doctrina olim praeditus fuisse dicitur Eratosthenes, quem in temporum ratione secutum se esse testatur Diodorus, &

quem Strabo in Geographicis auctorem saepius laudat, & virum haud quam spernendum appellat. Idem tamen cum in omni genere litterarum infra primos semper substitisset, *Βίττα* cognominatus est. Democritum Abderitem illum Philosophum Quinquentionem dictum esse perhibent, quod quinque partes Philosophiae, naturalium scilicet rerum & morum scientiam, & mathematicas ac liberales disciplinas, omnium denique artium rationes apprime calleret. Verum PETAVIUS & hunc, & si qui alii promiscuae eruditionis causa celebres exstiterunt, non aequavit modo, verum etiam longissimo intervallo superavit. Quod quidem ex iis, quae proxime dicturus sum, manifestissimum fiet.

Quaeret hic a me fortasse quispiam, qua tandem via ac ratione potuerit PETAVIUS ad tantae eruditionis culmen pervenire. Enimvero homines incredibili quodam acumine ingenii & excellenti natura praeditos, cujusmodi PETAVIUM fuisse constat, supra alios eminere, & ad summa quaeque eniti, nemini mirum videri debet. Accessit ad tantam vim ingenii vehemens studium, & assidua contentio laboris. His enim duabus, ut ita dicam, alis subvectae magnorum hominum mentes ceteros mortales longe praetervolant, & aureum Jovis currum, ut ait divinus Plato, indefesso volatu comitantur. His igitur praesidiis succinctus PETAVIUS, ea praestitit in omni genere litterarum, quae omnis nobiscum posteritas admiratura est. Sed est aliud praeterea quidpiam, quo maxime adjutus & difficultates omnes oppositas facile superavit, & palmam verae solidaeque doctrinae celeriter est consecutus. Quidnam vero illud est? ordo scilicet, & certa ratio instituendorum studiorum, quam Graeci *μέθοδος* appellant. Quod cum leve quiddam & exiguum prima fronte appareat, est tamen ejusmodi, ut omnis fructus eventusque studiorum ex eo propemodum uno pendere videatur. Ut enim absque acus nauticae praesidio longinquam navigationem suscipere, nihil aliud est, quam ad certissimum naufragium properare: sic qui ordine ac methodo destituti vastissimum illum disciplinarum Oceanum ingrediuntur, ii numquam sperare debent se ad desideratum Sapientiae portum navem esse appulsuros. Unde enim, quaeso, fieri existimatis, ut cum multi reperiantur & ingenio praestantes & laboris patientissimi; pauci tamen magnos progressus in litteris faciant: nisi ex eo quod studia nostra temere ac fortuito, non certa ratione disponimus, & desultoria quadam levitate per omnes disciplinas volitamus potius quam decurrimus. Itaque inordinate properantes id tantum assequimur, ut a proposito itinere longius aberremus. Non ita PETAVIUS: qui studia sua
certo

certo semper ordine dimensus est; quippe qui intelligeret, ea, quae ordine instituuntur, minore laboris ac temporis impendio perfici, nec solum citius & commodius absolvi solere, verum etiam rectius. Primum itaque a Grammatica tanquam a Vesta, quod aiunt, exorsus, linguae Graecae ac Latinae singularem sibi peritiam comparavit. Idque ex plurimis veterum scriptorum libris, quos partim ex Graeco in Latinum, partem ex Latino in Graecum sermonem transtulit, perspicue apparet. Graece quidem adeo expedite loquebatur, ut Athenis natum esse diceres. Latine vero loquentem & in schola publice docentem quisquis audivit, fateatur necesse est nihil audiri potuisse jucundius. Nam praeter illum Romani eloquii nitorem aderat distincta pronuntiatio, & gratissimus quidam vocis sonus. A Grammatica prono cursu ad Rhetoricam se contulit. Quam quidem artem ad omnia maxime utilem, nec iis solum, qui in foro & in republica versantur, sed omnibus litteratis prorsus necessariam, a cunctis tamen, ac praecipue a philologis nostris, maximo ipsorum damno ac dedecore, negligi videbat. Itaque illi in epistolis, quibus libros suos alicui nuncupant, in praefationibus, in quovis denique argumento, quod tractandum suscepissent, rudes fere atque infantes deprehenduntur. Porro quantus dicendi artifex fuerit PETAVIUS, tum ex plurimis Orationibus, quas nobis scriptas reliquit, tum ex aliis ejus libris liquido perspicui potest. Neque enim in Oratoriis dumtaxat declamationibus, sed in omni fere genere scriptio- nis eloquentiae vis ac splendor elucet. Hinc ac Poëticen transgressus, pari quoque successu in hac se exercuit: eamque deinceps ad extremum usque spatium vitae, velut oblectamentum graviorum studiorum, & piorum animi sensuum fidam interpretem, Gregorii Nazianzeni exemplum secutus, retinuit. Exstat denique pulcherrimum ejus carmen, quod diuturno paene consumptus morbo, integris tamen adhuc ingenii viribus, paulo ante obitum effudit: in quo publicas temporis nostri calamitates, quibus Rempubicam simul & Ecclesiam conflictari cernimus, cygneo quodam cantu deplorat. Nec ullum fere est carminis genus, in quo non feliciter luserit: quippe qui Tragoedias etiam scriptitarit; nec Latinos modo, verum etiam Graecos atque Hebraicos versus scitissime procuderit. Certe Hugo Grotius, hujusmodi operum judex simul atque artifex peritissimus, DIONYSII PETAVII carmina magnopere probare & laudare consueverat. Quod quidem non tam PETAVII causa, cujus opera extra omnem judicii aleam posita sunt, quam in gratiam ipsius Grotii velim a me dictum putetis. Jam vero cum verborum delectum, & sermonis ornatum, quem earum, quas dixi,

dixi, artium beneficio paraverat, absque rerum & sententiarum copia rem cassam atque inanem esse intelligeret, ad Philosophiam animum applicuit. Non eam dico barbaram atque horridam, quae vulgo in scholis traditur: sed illam ingenuam atque liberalem, quae ex Aristotelis ac Platonis limpidissimis fontibus hauritur. Huic deinde comitem adjunxit Historiam rerum gestarum. Cumque duo ejus quasi lumina esse sciret, Geographiam scilicet, quae urbium ac regionum situm; & Chronologiam, quae temporum seriem exponit; sine quarum praesidio quisquis ad universalis Historiae lectionem accesserit, in densissimis tenebris versetur necesse est: utriusque non vulgarem notitiam studuit adipisci. Ac Geographiam quidem ex Strabonis & Ptolemaei veterumque Geographorum libris percepisse minime contentus; recentium quoque scriptorum tabulas adjecit; a quibus haec ars non illustrata modo, verum etiam consummata est. Chronologiam vero aggressus, arduum opus, & multis maximisque difficultatibus implicatum, ante omnia Astronomiae subsidium sibi comparavit, sine qua parum firmas esse demonstrationes chronologicas perspiciebat. Maximam laudem & gloriam in omni fere genere patrum memoria retulit Josephus Scaliger. Sed in Chronologia solus quodammodo regnare omnibus videbatur: adeo ut Scaligero in hac parte refragari, idem fere esse crederetur, quod cum Hercule lucta certare. Verumtamen tanta ejus viri auctoritas, omnium prope praejudicio roborata PETAVIUM nostrum a scribendo minime deterruit. Immo vero ipsum eo magis impulit, ut quae ab illo emendatore temporum peccata fuerant, ipse in suis de Doctrina Temporum libris emendaret. Non quod illius viri gloriae (a) obtrectaret;

(a) *Non quod illius viri gloriae obtrectaret &c.* In laudando Petavio Valesium his in verbis Scaligero iniquiorem se gerere fatendum est. Constat enim inter omnes, Petavii malignitatem, invidiosam aemulationem, & nimiam in exagitandis Scaligeri erroribus Chronologicis acerbitatem ab omnibus cordatioribus viris doctis improbatam & damnatam fuisse, eamque ex nulla alia ratione derivandam esse, quam ex internecino illo Jesuitico odio, quia plurimos ex Lojolae societate adspersus erat Scaliger, & Serarium praesertim, Clavius, Delrium, aliosque illius ordinis Patres in scriptis suis, quoniam foedissimis & facerrimis conviciis eum prosciderant, dignis exceperat modis. vide de hoc Jesuitarum in Scaligerum odio notam Patru mei ad Tom. I. Syllog. Epist. pag. 700. Quod autem Valesius sola veritatis adferendae, non autem Scaligeri gloriae obtrectandi causa id fecisse Petavium dicat, Oratoriae potius laudationi, sed quae non semper ex vero & sine partium studio instituitur, dandum est. Sed & ipse Petavius candorem suum hac in parte praetexit & jactat eodem sub veritatis colore in Lib. IX. de Doctr. Temp. cap. 1. ubi Scaligeri periodum Julianam laudare coactus, quia nihil habebat, quod egregio huic invento opponeret, addit: *Ergo candorem nostrum Lector agnoscat, ac nos intelligat non scriptoris odio, vel aemulatione gloriae, sed veritatis amore ductos, in eam doctrinae totius inquisitionem incumbere.* Quae quam vere & candide scripserit Petavius, norunt, qui unam tantum in scriptis ejus Chronologicis, praesertim Libris de Doctrina Temporum, perlegerint paginam, aut ex illius Prolegomenis Caput V. inspexerint, ubi de Scaligeri Libris Chronologicis fastidioso cum supercilio judicium ferens, inter alia haec scribit: *Meum ut judicium simpliciter & paucis explicem: illos ego libros, haec ipsa de scientia Temporum ingentia* monu-

staret; sed ne plerique forte auctoritate Scaligeri inducti, minime discussa rei veritate, in errorem praecipites laberentur. Quocirca si Scaligero laudi fuit, quod sacrae ac profanae historiae chronologiam multis in locis (quod profecto fatendum est) illustravit; PETAVIUS quoque, qui & errores Scaligeri correxit plurimos, & praeterea multa ad historiae illustrationem suo labore atque industria contulit, non minorem, meo quidem iudicio, gloriam meretur.

Hac igitur via progressus PETAVIUS, vastissimum illum disciplinarum orbem feliciter emensus est. Et in singulis quidem disciplinis sic excelluit, quasi ceteras omnes neglexisset: in omnibus vero perinde emittit, ac si unam quamdam ex pluribus conflata partibus disciplinam, non plures argumento ac toto docendi genere inter se distantes animo percepisset. Quae laus quasi eximia & propria PETAVII, aut certe cum paucis admodum ei communis, sola ad summam gloriam sufficere potuisset. Nunc vero ea laus in illo non sola, sed prima est. Nam cum vir sanctissimus tantam humanioris doctrinae supellectilem collegisset, ea non ad oblectationem animi, aut ad pompam, & inanem ostentationem voluit abuti, sed totam ad Divini Numinis gloriam, & Ecclesiae utilitatem consecravit. Idque tum ex instituto religiosissimae sodalitatis, in quam se nondum virilem aetatem ingressus dicaverat; tum exemplo Origenis, Clementis, Basilii
F atque

monumenta innumeris ac turpissimis omnis generis errorum maculis dico esse respersa: omnem vero traditam in iis comprehensamque doctrinam, quae quidem illius inventis nititur, falsam, minimeque cohaerentem, ac prorsus absurdam esse defendo. ex quo fastuoso nimis & iniquo Petavii iudicio patet satis, quam candide, & sine odio contra Scaligerum scripserit, qui etiam si plurimos commisisset errores, ut fieri aliter in rebus his obscurissimis nequit, in eo tamen semper prae Petavio dignis praeconiis efferri numquam satis poterit, quod primus Herculeo nisu ausus fuerit ad hoc quasi Augiae stabulum purgandum tam vastum & arduum opus adgredi, ac caeteris facem in tenebris praelucere, atque ex omnium linguarum antiquissimis scriptoribus colligere ingentem materiae Chronologicae congeriem, unde Petavius alique facile dein domicilium exstruere & ordinare potuerunt, sed quod numquam sine praevio hoc duce tentassent. Vide Stollum in Introduct. in Histor. Literar. Cap. VI. pag. 362. Sed nec defuerunt viri in studio Chronologico itidem versatissimi, qui Scaligeri inventa & hypotheses vindicaverunt, inter quos optime id praestitit Sethus Calvisius, cuius praeclarum opus ex merito laudat Scaliger in Epist. ad Casaub. Lib. II. Epistol. pag. 303. & 305. Neque ab altera parte destiterunt plurimi, ipsius Petavii errores & falso intentatas Scaligero criminationes castigare, ut fecit Alphonsus a Caranza Ictus Hispanus in Diatriba super primore Temporum Doctrina, in libris Petavii contenta, quae post illius Tractatum de partu Naturali & Legitimo Genevae 1629 in 4^o excusa legitur: cui respondet Petavius in Lib. IV. & V. Variar. Dissert. ad Auctar. Oper. de Doctr. Temp. Si igitur Petavius sine odio & aemulatione, ac solo veritatis amore ductus scripisset, & debitam hanc Scaligero gloriam grato animo reliquisset inlibatam, errores autem ejus sine acerbitate ac contumeliis verborum gravissimis non petulanter nimis traduxisset, majorem procul dubio iniisset gratiam a posteritate, quae ex aequo judicat, & Petavii merita ac singularem in rebus Chronologicis doctrinam agnoscit, ac suo pretio ponit. Pluribus haec discutit Auctor praefationis, quae novissimae Petavii de Doctrina Temporum editioni praefixa est. Quin & fertur Petavius facti poenitentia ductus confessus fuisse, se, si egregias illas Scaligeri Epistolas prius legisset, numquam tantum virum scriptis invasurum fuisse, quod Patino moribundum adfirmasse tradit Marville Melanges d' Histo. & de Literatur. Tom. III. pag. 406.

atque Gregorii, aliorumque sanctissimorum Ecclesiae Scriptorum videtur praestitisse: qui cum omnibus Gentilium disciplinis ingenium suum instruxissent, postmodum suis ipsos telis Gentiles aggredi, eorumque spoliis Ecclesiam Dei ornare studuerunt. Itaque omni virium nisu, omnique animi contentione ad Theologiam conversus, peragratis jam ceteris, eo, quem diximus, ordine, disciplinis, in ea deinceps, tanquam in portu tranquillissimo ac beatissimo, sibi conquiescendum putavit. In hoc vero excellentissimo genere doctrinae quantopere excelluerit, quidve & quantum praestiterit, paucis, si lubet, expendamus.

Duae sunt Theologiae partes, quarum prior in sacrorum librorum expositione versatur, quae Graeco vocabulo Exegetice dici potest. Altera est Dogmaticae, tota fere in disputatione posita, ad adstruendam maxime adversus haereticos ecclesiasticorum dogmatum veritatem. Et ad priorem quidem partem maxima sibi adjumenta atque adminicula PETAVIUS comparaverat, linguae scilicet Graecae, Latinaeque, & Hebraici sermonis peritiam non vulgarem: quibus praesidiis munitus, in intimos & abditissimos quosque sacrorum voluminum sensus facile penetravit. Nihil quidem in eo genere doctrinae ab illo in lucem editum est. Quo magis laudanda est hominis modestia, qui cum hac etiam in parte multa commode posset asferre, tamen veterum Patrum expositione contentus, quos solos veros ac sinceros sacrarum litterarum interpretes esse norat; sua premere maluit, quam aut illorum scrinia compilare, aut cum illis ambiciosius contendere. Ceterum quanta cum laude, & quam frequenti hominum concursu sacros utriusque Instrumenti libros in Claromontano Auditorio viva voce diutissime exposuerit, omnes mecum meminisse potestis. Quod vero ad posteriorem attinet Theologiae partem, quid opus est rem per se notam pluribus verbis ac testimoniis confirmare? cum versentur in omnium manibus Theologicorum Dogmatum libri ab illo conscripti. Quibus in libris quid prius mireris nescias: an copiam diffusae lectionis, an sermonis nitorem & elegantiam, an ordinem rerum ac distinctionem, an in exscribendis Patrum testimoniis fidem ac diligentiam, an denique adversus haereticos Christiani spiritus ardorem. Nam quis non miretur ab uno homine, eoque piis professionis suae exercitationibus dedito, tot volumina perlegi, tot versuum millia perscribi potuisse? neque enim, sicut Origenes ac Hieronymus, usus est opera notariorum, qui verba dictantis exciperent; sed omnia sua ipsius manu exarata ad Typographorum praela mittebat. Quis non obstupescat, cum inter legendum viderit res tam arduas & obscuras & a communi ho-

hominum intelligentia remotas, tanta verborum luce ornari, tamque distincto ordine explicari. Haec enim vel maxima PETAVII laus est, quod Theologiam, quae antehac rude quiddam & barbarum tinniebat, totamque Dialecticae faecem & colluviem ex Philosophorum Scholis traxerat, ipse sua cura atque industria perpolivit. Itaque hi libri, ut equidem auguror, magis magisque splendent in dies: & quantum iis nunc detrahenda conatur obtrectatorum quorundam invidia; tanto plus laudis iudicio incorruptae posteritatis iisdem accedet. Porro ardor adversus haereticos, quem vulgo zelum vocamus, in eo fuit incredibilis, ut ex iisdem libris perspicui potest. Etenim tanquam in sublimi specula constitutus, si quem nostrae aetatis haereticum commovisse se, atque in religionem nostram impetum fecisse prospexerat, illico velut silvestrem feram prosequeretur, telisque responsionis suae confossum redire ocius ad latibula sua cogebat. Et quemadmodum apud Homerum Achilles imperat Graecis, ne quis, praeter se, Hectorem feriat, hanc sibi uni lauream deberi existimans: sic fere PETAVIUS noster, non ambitione quadam, & cupiditate laudis, sed divino quodam mentis aestu, & pietatis ardore incitatus, hanc sibi pugnam cum haereticis, quicumque insurgerent, deposcebat. Nec his contentus, humaniorum quoque litterarum gloriam, quam illi prae nostrae communionis hominibus sibi vindicare conantur, eripere ipsis omni cura ac studio satagebat. Quo circa si quem e nostris ingenio & doctrina praeditum animadverterat, eum quasi admotis stimulis urgere & ad scribendum incitare non desinebat, ut haberet, quos adversariis nostris etiam in hoc genere studiorum opponeret. Quod quidem ejus studium atque institutum erunt fortasse qui improbabant: adeo extraneis potius quam nostris praeposito quodam iudicio favere assuevimus. Verum quoties penitus introspicio, qua mente, quove consilio id PETAVIUS ageret, equidem mihi videor satis eum laudare ac mirari non posse. Ceterum hunc animi ardorem adversus haereticos ita temperabat, ut non homines ipsos infesto prosequeretur odio, sed errorem dogmatum averfaretur: quo liberari illos, & Ecclesiae corpori tandem adjungi votis omnibus expetebat. Quid non praestitit, ut Clarissimum Virum Hugonem Grotium ad Catholicam (a) communionem adduceret? erat ille quidem minime a nobis

F 2

alie-

(a) Quae Valefius hic tradit de Hugone Grotio, quem Virum ut coeli depositum venerari, & numquam sine sacro quodam horrore nominare debemus, ut dicit Broukhufius ad Tibullum Lib. I. El. 6. 10. non miranda in eo sunt, quippe Catholicae religioni itidem, ut Petavius, addicto; cui si fidem hac in re habeamus, Grotius maxime auctoritate & persuasione Petavii in Romanensium castra transisse dicendus esset:

alienus, ac paene noster: quippe qui doctrinam Tridentini Concilii in omnibus sese amplecti palam profiteretur. Id unum supererat, ut Ecclesiae sacra-

effet: idem etiam refert de eo Menagius in Tom. II. Menagianor. pag. 322. ubi tradit Petavium, cum Grotius in Catholicorum partes inclinaret, ipsi consilium dedisse, ut post Legationem Suevicam peractam Parisios reverteretur, ut ibi translatis in Galliam sedibus propositum illud exsequeretur; additque, Petavium, cum audivisset Grotium in itinere Rostochii obisse, pro animae ejus salute ceremonias Missae, ut vocatur, celebrasse, quia persuasum ipsi erat, Grotium intimis animi ac pectoris sui sensibus Romanae religionis sacra amplexum fuisse. Qui fata Grotii & res illius temporis cognitas habent, norunt, quantis malevolorum calumniis hac in parte expositus, & a multis ut *Grotius Papissans*, quo titulo etiam libellum in eum scripsit Jacobus quidam Laurentius, fuerit traductus. Idem de eo tradit Valerius Andreas, vir ob rei literariae notitiam laudandus, sed itidem Papista, ideoque hac in re fidei suspectae, in Biblioth. Belgica pag. 398. edit. secundae, nam in primâ haec non leguntur; Verba ejus memorabilia merentur hic adscribi: *Hic (in Gallia nempe) dum in examinandis conciliandisque articulis Fidei inter Catholicos atque haereticos controversis quemdam agit Aristarchum, eo tandem vi veritatis pressus dilabitur, ut in plerisque capitalibus fidei articulis Avorum ac Majorum suorum exemplo, primitivam Ecclesiam, quae Romanae connectitur, adeoque Romanam, fateri cogatur solam orthodoxam esse. Qua in re Ministros ac Praedicantes, qui in Batavis rerum potiuntur, non parum offendit, qui variis libellis Grotium Papissantem (ita enim eum indigerant) ac criminationibus aggressi sunt. Eandem nomini Grotiano injuriam fecit Salmasius, vir alioquin itidem maximus, sed nimia alios exagimandi acerbitate saepe in transversa actus, qui sub ficto Simplicii Verini nomine Epistolam ad Justum Pacium sive Judicium de postumo Grotii in Rivetum libro edidit, ubi pag. 5. & seqq. stylo acerrimo, sed a Salmasii indole non alieno, Grotium super hac re & commercio ejus cum doctis Jesuitis proscindit: falsa praecipue & injuriosissima sunt verba illa, ex Ovidii Epist. IX. vs. 23. desumpta, quae in Grotium illic retorquet, qui de Salomone scripserat, *caepisti melius quam desinis, ultima primis distans*. Grotium enim a pueritia abhorruisse a Catholicis sacris, patet ex eo, quod cum puer tantum XII annorum esset, matrem suam religioni Catholicae adhaerentem permoverit meliora sacra amplecti, dicens, *nimis magnum ipsi ingenium esse, quam ut inter Papistas nomen diutius profiteretur suum*. Vid. Brantii vitam Grot. pag. 9. Senem autem in vitae praesertim sine ab his non degenerasse, adparebit satis ex iis, quae mox de exitu ejus notabimus, unde constabit eum recte incepisse, & bene desisse, neque in eo ultima primis distare. Justus autem Pacius in Revisione, ut vocat, Simpliciani Judicii, sive in Responsor. ad Salmas. Epistola pag. 13. & 14. in qua scilicet Auctor ille vindicias Grotii agit, has Salmasii calumnias a manibus Viri maximi non depellit, sed quasi illud praecipue ad Grotii famam spectaret, magnis laudibus eum ob id praedicat, & veluti in triumphum circumducit, ac transitum illius in castra Catholicorum cum Augustini conversione comparat, unde patet Revisionis illius Auctorem Papistam fuisse. Claudius etiam Sarrauius, vir absque controversia eruditissimus, sed nimio saepe Salmasio gratificandi studio illis itidem, quos despiciebat Salmasius, adversus & injurius, hac in parte iniquiorem etiam in Grotium animum prodit in Epist. CLVI. ad Salmas. pag. 160. ubi iudicium ferens de postumo illo Grotii adversus Rivetum scripto, iisdem fere verbis, quibus Salmasius in Epistola illa ad Justum Pacium, Grotium traducit ac famam ejus lacerat: *Verissime dixit ille, qui primus dixit, Grotium Papizare. Vix tamen in isto scripto aliquid legi, quod mirarer, quodve ἀπερὶστον occurreret. Numquid enim omnes istiusmodi ejusdem auctoris lucubrationes erga Papistarum errores perpetuam οὐρανὸν βασιλὴν & χρίστου, erga Jesuitas amorem, erga nos plusquam Vatinianum odium produunt & clamant? in VOTO, quod ejus nomen praeferebat, (intelligit Grotii Votum de Pace Ecclesiastica) an veritus est haec περὶ αὐτοῦ, profiteri? Salmasium autem eo in scripto sub Simplicii Verini nomine latere, sed se prodere noluisse, patet ex Sarrauii Epist. CLX. CLXII. CLXIII. ubi cum Sarrauius prius auctorem ignorans jejuna libri laudem dedisset, deinde cognito vero auctore librum ejusque scriptorem invidiosis laudibus extollit, unde ejus animus Grotio infestus, & Salmasio obnoxious satis patet. Plures aliorum in hanc rem criminationes & calumnias Grotio objectas, quasi Catholica sacra, ultimis praesertim vitae temporibus, amplexus fuerit, adducere possem, sed in re satis nota haec cumulare superfluum. Caeteram nulla magis re haec injuria manibus summi illius viri inflata retundi, & macula nomini ac famae ejus inde adpersa elui potest, quam ex historia exitus & mortis illius. Ex Suecica enim Legatione rediturus, dum Holmia discessit, in itinere maxima tempestate oppressus, ex incommodis deinde & laboribus viae, quam celerrime conficere volebat, viribus defectus, Rostochii corripitur mor-**

sacrarium ingressus communioni nostrae fociaretur. Quod ille nescio quas ob causas, dum ad Catholicae fidei unitatem plurimos secum sperat adducere, consulto differebat. Possem hoc loco sermones illos vobis commemorare, quibus PETAVIUS eum adortus est, tunc cum ille Lutetia excedens post Legationis Suedicae munus expletum, PETAVIUM valedicturus invisit. Verum in aliud tempus haec seponere satius fuerit, ne tedium vobis longior fortasse facessat Oratio. Hujusmodi ergo adversus haereticos affectus animo fuit PETAVIUS. Quonam autem modo se gesserit erga quosdam nostrae communionis homines, qui novam quamdam doctrinam invehere conabantur, nequaquam silentio praetereundum esse arbitror. Tulit aetas nostra viros graves & severos atque eruditos, qui non contenti disciplina saeculi sui, dum poenitentiae regulas aut antiquas revocare, aut novas condere conantur, gravissimos ubique motus & tempestates excitarunt. Qui profecto longe consultius fecissent, si proposito veteris Ecclesiae ritu ac vigore, in danda & accipienda poenitentia, ad id tantum nos cohortari voluissent, ut severioribus deinceps legibus poenitentes adstringerentur, ne forte ex nimia indulgentia ac veniae facilitate nasci peccandi licentia videretur. Nunc vero studio artioris disciplinae, cui se deditos esse profitentur, in transversum abrepti, vulgatum in

F 3

om-

morbo gravissimo, ac paullo post letali. In supremo autem vitae agone dum versaretur moribundus, quam alienus a sacris Catholicis, & sincera, quae Redemptoris nostri meritis innititur, fide animam Creatori suo reddiderit, patet praesertim ex colloquio ejus cum Johanne Quistorpio, Theologiae illic Professore, quod exhibetur in Cattenburgii Continuatione Vitae Grotianae a Brantio descriptae adjecta, pag. 412. & 413. quae omnia, ut illic narrantur, post Grotii mortem ipse Quistorpius posteritati testata tradidit in Epistola ad amicum scripta, quae exstat in Observation. Halensib. Tom VII pag. 342. & 343. ubi de vita, morte, & scriptis Hugonis Grotii Dissertatio elegans habetur, in cujus fine Auctor peculiarem Observationem de *Grotii Religione* promittit. Inde etiam facile refellitur, quod multi de Grotio narraverunt ac sparserunt, quasi illic animam agens Quistorpio super rebus ad salutem necessariis eum admonenti caput avertens nihil aliud responderit, quam *non intelligo*: quam infamen & atrocem calumniam merito in scriptore quodam Gallico castigat illic Cattenburgius. Unde mirari licet, idem tradi a nupero Scriptore vitae Principis Frederic. Henric. Tom. II. pag. 593. ubi Grotii mors narratur, quamvis Auctor tamen id ita describat, ut non videatur id adtribuere animo Grotii a reformata religione alieno, sed violentiae morbi auditum ipsi adimentis; Constat autem Grotium per aliquot horarum spatium cum Quistorpio colloquium habuisse, in quo fidem suam abunde ipsi probavit, sed post preces Quistorpii ad Deum suas, paullo post defecisse, dicentem, se vix amplius aliquid intelligere posse, & post haec exspirasse. Pluribus egregie hanc causam agit, & Grotii famam vindicat Baylius in Lexico Historic. & Critic. pag. 616. & 617. & qui singula fere verba, quae hic in contumeliam Grotii, & laudem Petavii adfert Valesius, excussit ac refellit Auctor Vindiciarum Grotianarum, quae paucis ab hinc annis Delphis excusae sunt, pag. 513. & seqq. Ignoscet autem mihi Lector, quod hac in re copiosius forte expatiatus sim, verum ne gravissimae huic calumniae auctoritas Valesii pondus forte adierret, haec a me notari exigebat veneratio, qua omnes cordatos decet prosequi *Virum maximum de Literis, Patria, & Ecclesia optime meritum*, quo elogio Grotium eodem jure, quo in ultimis Orationis hujus verbis Petavium Valesius, exornare nos decet; & *cujus sancta nobis Batavis debet esse memoria*, ut ait N. Heinsius in notis ad Claudian. Lib. I. in Eutrop. v. 357.

omnibus Ecclesiis absolutionis ritum improbare, damnare, & contumeliose traducere pessimo exemplo instituerunt. Porro librum suum, quo hujusmodi doctrina continebatur, multorum antistitum subscriptionibus callide munierunt; eo scilicet consilio, ut auctoritate sacerdotalis nominis oculos omnium praeffinguerent atque ora obturarent. Exstitit tamen PETAVIUS noster, qui, ne hac occasione id malum latius serperet, veritus, salva Pontificalis gradus reverentia, eorum errorem atque audaciam doctissima responsione coarguit, adeo ut ipsos distinctius posthac & modestius loqui cogeret. Hic liber est ab illo Gallice conscriptus; eo tamen nitore atque ornatu sermonis, ut mirum merito videatur, hominem Graecae, Latinae, Hebraicaeque linguae tanta peritia instructum, vernacula etiam lingua tam diserte ac commode scribere potuisse. Post haec excepit eum gravior & difficilior pugna, de Gratia scilicet, adversus eodem homines, qui Augustino, aut potius Jansenio nimium addicti, non minorem ejus scriptis, quam authenticis Evangeliorum libris fidem atque auctoritatem adstruere nituntur. Primus enim hujus novae opinionis auctor & signifer nostra aetate fuit (a) Jansenius, qui variis Augustini sententiis hinc inde excerptis, & quo voluit, ordine digestis, ingratiſsimam quamdam de Gratia opinionem in Theologiae scholas invexit. Quo quidem facto longe plus Galliae nocuit, quam famoso illo libello, qui *Mars Gallicus* inscribitur, quo belli hujus diuturni tot iam annorum spatio in Europa saevientis auctores fuisse Gallos criminatus est, ipse auctor pestiferi belli, quo nunc Gallicana ardet Ecclesia. Atque utinam intra hos fines vis tanti mali subsistat, nec reliquas Ecclesias quadam contagione corripiat. Hunc Belgam

(a) Egit hoc Petavius, & opinionem Jansenii de Gratia impugnavit in Libris de Lege & Gratia, contra quos cum Libertus Fromondus Theologiae Professor Lovaniensis, & Jansenii successor ac patronus, sub nomine Vincentii Leni Theriacam edidisset, Eienchum Theriacae istius reposuit Petavius: quae binae dissertationes habentur in Tom. III. Operum Petavii. Ut autem Valesius in gratiam Petavii in Jansenium ejusque sectae socios hic invehitur, ita contra ob id ipsum magnis laudibus Jansenium effert Valerius Andreas in Biblioth. Belg. pag. 155. eumque ex profundissimi omnium Theologorum magistri Augustini principiis dilucide ac solidissimae Gratiae divinae dogma ob oculos posuisse jactat; unde partium studium utrimque adparet. huc referendum etiam est acutum Hadriani Valesii Epigramma inter Ejus Poëmata pag. 68. quo Jansenistas, qui Regis favore & aulae gratia exciderant, irridet.

GRATIA NON EFFICAX

Vos, quibus Iprensis scripta Praesulis placent.

Plorate. Magnum contigit vobis malum,

Vestrumque dogma Jansenique destruens,

Unam putantis efficacem Gratiā &c. seqq.

Famosum autem Jansenii librum, qui *Mars Gallicus* inscribitur, quem hic tangit Valesius, edidit auctor sub titulo, *Alexandri Patricii Armacani Theologi Mars Gallicus, seu de Justitia armorum & foederum Regis GALLIAE*: de quo vide Baylium in Lexico Critic. & Histor. Tom. II. pag. 825.

gam Gallici nominis hostem acerrimum Theologi isti ducem habent, & pro Hipponensi Episcopo Ipreensem sequuntur. Nec intelligunt se de Augustino male mereri, qui, praetermissis tot egregiis ejus verbis, atque sententiis, quibus mores hominum ad virtutem informari possunt, ea sola rimantur in illius libris, quae Augustino ipsi invidiam faciant, & quae Calvino potius, quam Catholicis favere videantur. Cum si Augustino, si sibi met ipsis, si Ecclesiae denique consulerent, haec aut benigna interpretatione mollire, aut in suis, ut jacent, locis relinquere, & silentio praeterire debuissent. Itaque Augustinus, si viveret, his eos verbis adlocuturus videtur. *Quid agitis, viri boni, quo tenditis, quodnam consilium, quis est scopus altercationum vestrarum? quid meum nomen discidiis vestris praetenditis, meque Calvino adstipulatorem & patronum paratis? Calviniani certe idem vos secum de Gratia sentire gloriuntur: ipsi illi, qui a Calvinianis ad Ecclesiam transeunt, hanc ipsam esse Calvinii sententiam, quam vos defenditis, asseverant. Atqui ego non ea mente scripsi, ut haereticos patrocinio meo adjuvarem, sed potius ut eos retunderem. Frustra sub umbra nominis mei latere cupitis, & doctrinae vestrae novitatem auctoritate mea firmare contenditis. Ego me in Jansenio non agnosco; nec ex Afro Belgam factum iri credideram. Si me amatis, eam potius sententiam sequimini, quam totius Ecclesiae probat assensus; quam ante Jansenium in scholis vestris omnes Theologi docuerunt. Nolite pacem Ecclesiae violare, tunicam Christi discindere, ignem denique mutuae caritatis extinguere. Certe plus odii, quam rationum copia certatis. Haec discidia ex odio partium nata sunt, quae coitionibus fovetis, dum multos partim sollicitationibus, partim blanditiis, in vestram sententiam traducere tentatis. Haec exprobranti Augustino quid habent quod respondeant? quod si forte haec Oratorio more a me fingi dicent, eorum conscientiam appello: ipsos in sua causa testes, ipsos judices fero, annon ea, quae dixi, certissima sint atque verissima. Igitur adversus illos PETAVIUS pro recepta opinione, quam ante Jansenium omnes vulgo Theologi docuerant, & quam ipse PETAVIUS olim in Sorbonensibus scholis, cum Duvallii auditor esset, acceperat, fortissime propugnavit. Hoc illi post tot Herculeos labores certamen ultimum fuit. Cui licet immortuus, nihilominus, ut ille quondam apud Olympiam pugil, victor post obitum, Dei ipsius, ut opinamur, dextra coronatus est. Vir certe Hieronymo, Basilio atque Gregorio, & summis quibusque Ecclesiae Scriptoribus merito conferendus: quippe qui eximiam eruditionem cum pari vitae sanctitate conjunxit.*

rit. Vixit enim summa innocentia in illo Claromontani collegii vertice, studiis dumtaxat litterarum, & coelestium rerum meditationi deditus. Adeo ab omni ambitione, & inanis gloriae cupiditate alienus, ut cum hinc ab Urbano summo Pontifice, inde a Philippo Hispaniarum Rege expetitus atque evocatus fuisset, tamen in nidulo illo Claromontani Collegii confenescere maluerit, quam Regalis & Pontificalis alloquii honore decorari.

Hunc ergo talem ac tantum Virum, vindicem ac columen litterarum, quamvis matura morte nobis ereptum, merito lugemus: & post tot doctissimorum virorum continua prope funera, hanc acerbissimam litterarum cladem non injuria existimamus. Etenim hoc sublato, qui studia nostra inclinata jam ac paene labentia solus fulcire adhuc videbatur; quis deinceps in ejus locum sufficiendus est? Sed fortasse ego imprudens, qui de ingeniis hominum nostrorum male sentiam ac desperem. Superfunt enim satis multi, atque utinam diu supersint, qui pro virili parte litterarum gloriam sustinere, eamque Gallis asserere possint. Maximum tamen ac splendidissimum inter omnes semper habebitur DIONYSII PETAVII nomen; ejusque excellens ingenium, & singularem doctrinam tot illustribus cognitam lucubrationibus, omnes posterī, amoto livore invidiae, mirabuntur; simulque nos recte atque ordine fecisse judicabunt, qui maximum Virum, de Litteris, de Patria, deque Ecclesia optime meritum, hac qualicumque laudatione, & grati animi testificatione mortuum profecuti sumus.

IN DIONYSIUM PETAVIUM
SOCIETATIS JESU THEOLOGUM

(a) E P I G R A M M A

Μοῦσαι βελόμεναι ποτε παρ' Ὀνητοῖσι κατοικεῖν

Ἐν Διονυσείῃ πῆξαν ἔδ' ὁ καρδίῃ.

Τοῦνεκα παντοδαποῖσι λόγων ἐν χήμασι λάμπας

Ὀνὴρ, ἐν πᾶσιν πάντας ὑπερβάλετο.

HENRICUS VALESIUS.

(a) Hoc Valesii Epigramma Graecum neque in vitis Selectorum Virorum Batefii, in quibus haec Oratio legitur pag. 678. & seqq. neque in Editione Epiphanii, quae eum Animadversionibus Petavii prodiit Coloniae an. 1682. 2 voll. in folio: & cui haec Oratio praefixa est, subjunctum in fine habetur.

H E N-

HENRICI VALESII, ORATIO

DE PACE

Ad

Eminentissimum Cardinalem

JULIUM MAZARINUM.

habita anno 1659.

PEREROSQUE homines ita sentire videmus, CARDINALIS
EMINENTISSIME, nihil esse in rebus humanis splendidius atque
illustrius, quam gloriam rei militaris. Itaque obsidiones urbium
atque oppidorum, & pugnas atque victorias & parta de hostibus
tropaea velut stupore quodam defixi mirantur: & Duces bellica laude
praestantes, tanquam Heroas quosdam, non modo vivos suspiciunt, sed
etiam mortuos summis efferunt laudibus. Sit haec sententia hominum ple-
beiorum, qui nudam rerum speciem contemplantes, vana potius opinione
quam judicio ac ratione ducuntur. Verum qui res ipsas altius introspi-
ciunt, easque non ex opinione vulgi, sed ad veritatis amussim examinant,
longe aliter sentiunt. Nam quanto animus praestantior est corpore, tanto
pacis artes bellicis antistare censent. Nec immerito: quippe bellum cor-
poris viribus geritur; pax animi vigore & prudentia comparatur. Et in
bello quidem militum robur, plurimum ad victoriam confert: hic unius
hominis mens innumeris militum manibus potentior, totum negotium per-
ficit. Atque haec a me dicta sint, non ut negem scientiam rei militaris
laude ulla dignam esse, quam Regibus atque Imperatoribus utilem in primis
ac necessariam esse ingenue profiteor: quippe cujus auxilio imperia augen-
tur simul & conservantur: Id tantum affirmo, pacem bello longe anti-
stare, eosque, qui ineundae pacis & componendorum foederum periti sunt
artifices, longe majorem gloriam mereri, quam eoi, qui rei militaris
G scien-

scientia excellunt. Quod si quis nondum abunde convictus est his rationibus, quas superius adduxi, is, postquam ea, quae mox dicturus sum, animo perpenderit, fatebitur profecto, non sine causa me pacis artibus praerogativam palmamque tribuisse. Quis est enim, qui nesciat, id, quod alterius causa comparatum est, inferius esse illo, cujus gratia comparatum est. Atqui bellum non nisi pacis causa & suscipitur & geritur: quippe civilis rei scientia eo tendit ac spectat, ut rempublicam non modo salvam atque incolumem praestet, verum etiam ut summam felicitatem populis conciliet, quae sine pace consistere nullo modo potest. Atque ut gubernatoris officium est, navem inter fluctus ventosque ac scopulos ita prudenter regere, ut eam felici cursu perducatur ad portum: sic is, qui rei-publicae gerendae praepositus est, id sibi ante omnia propositum esse intelligat, ut populos, qui ejus curae commissi sunt, in pace ac tranquillitate contineat, remotos ab omni tumultu bellorum ac seditionum. Quod quidem officium ejusmodi est, ut a Deo potius quam ab homine ullo praestari aut sperari debeat. Hinc est, quod in sacris religionis nostrae libris, pacis studiosos homines, Dei filios divino oraculo legimus appellatos. Idque jure optimo. Etenim quicumque pacis auctor est, & qui non modo animi sui motus omnes imple pacare novit, verum etiam alios inter se dissenientes ad pacis concordiam revocare; qui non modo inter privatos homines pacem componere potest, sed etiam inter potentissimos reges, inter fortissimos populos, naturali quadam aemulatione & diuturni belli ardore succensos, foedus amicitiae renovare: cum excellenti ac divina quadam natura praeditum esse oportet; quippe qui beatam illam felicitatem, quam Deus bonis viris justisque post obitum pollicitus est, jam nunc in terris repraesentat. Quid umquam hujusmodi ab illis victoribus ac triumphatoribus, ab illis urbium expugnatoribus speres, quorum felicitas aliorum luctu & calamitatibus comparatur: qui nisi plurimis, non hostium modo, sed etiam suorum, infelicissimis, ipsi felices esse non possunt. Ac bellatores quidem hujusmodi multos reperias; nec ullis umquam Imperatoribus aut Regibus duces rei militaris defuisse legimus, qui castra opportune metari, urbes vallo & fossa circumdare, aciem instruere, proelium cum hoste committere, signum receptui dare probe nossent. Pacis vero faciendae & servandae peritos artifices, haud quaquam facile est invenire. Nam, si Romanam evolvamus Historiam, jam inde a Romulo, qui primus urbis imperiique Romani conditor fuit, duos tantum ea laude illustres fuisse comperiemus: ex Regum numero Numam Pompiliam; ex Imperatoribus autem Ro-

Romanis Antoninum, eum, qui Pius cognominatus est. Horum enim uterque populos in summa pace ac tranquillitate rexit: adeo ut exterarum gentium reges uni ex illis controversias suas judicandas terminandasque permitterent. Ex Ministris vero Regum atque Imperatorum unus eo nomine celebrandus mihi inpraesentiarum occurrit Cineas, qui Pyrrhi Epirotarum Regis amicus & consiliorum particeps fuit. Hic cum videret Regem aestu quodam Martio inflammatum, nova cotidie bella meditari, nec patrio contentum regno, transmarina imperia ambire, nihil non molitus est, ut illum ab hujusmodi consiliis revocaret. Quid enim, aiebat, emolumentum accessurum est, si auxilium ferentes Tarentinis, vicerimus Romanos? Cumque subjecisset Pyrrhus totam deinceps Italiam sub ditione sua futuram: interrogavit Cineas, quidnam postea acturus esset? in Siciliam, inquit Rex, transjiciemus, eaque facile potiemur. Quid deinde? subjunxit Cineas: postea in Africam invademus, ait Pyrrhus. Hac subacta, quid tum? domum reversi, ait Pyrrhus, reliquum tempus vitae pacate & quiete degemus. Hic Cineas: quidni ergo id jam nunc agimus, quando id nobis licet? Et cur per tot discrimina raptum imus, quod sine labore domi partum habemus? idem, cum Pyrrhus in Italiam trajecisset, primoque proelio superasset Romanos, persuasit Regi, ut legatione missa, pacem cum Romanis faceret. Quamvis enim ii, qui res a Pyrrho gestas nobis reliquerunt, id consilium nominatim Cineae non adscribant, tamen qui cum cura & judicio scriptores historiarum legunt, numquam dubitabunt, quin hoc sapientissimum consilium a Cineae suggestum sit Pyrrho. Ex his enim, quae de utriusque ingenio ab illis sunt prodita, ita conjicere debemus, quaecumque a Pyrrho sapienter & consulte gesta sunt, ea illum ex Cineae fecisse consilio: reliqua temere violenterque facta ex Pyrrhi ipsius impetu atque motu profecta esse. Et hujusmodi quidem fuit Cineas. Nostra vero aetate Cardinalem Armandum vidimus principatu Ludovici Justi, consiliorum regaliū Ministrum, qui primus Ministri regalis officium & nominavit & gessit. Hic vir, quantae essent imperii Francici vires, primus videtur intellexisse, & vicinis nostris ostendisse. Namque antea nec ipsi Franci, quantis opibus pollerent, satis cognitum habebant; nec externis id liquido compertum erat. Ejus consilio Ludovicus Senior cum Rupellam munitissimam seditionis arcem expugnasset, Casalim Hispanorum obsidione liberasset; bellum tandem indixit Hispanis. Quo quidem bello cunctis in Europa degentibus, experimento ipso patefactum est, eam esse vim ac potentiam Francici regni, ut se & socios suos per se ipsum tutari facile posset, metum-

que potius aliis incutere deberet, quam alios formidare. Ac, licet rerum gestarum gloria Principi, cujus auspiciis geruntur, merito adscribenda sit; non exigua tamen pars laudis ei impertienda est, cujus consilio ac ministerio susceptae sunt atque perfectae. Nam profecto fatendum est, Cardinalem Armandum, postquam Ludovici Senioris consiliis admotus, principem inter Ministros locum obtinere coepit, plurimum momenti ad victoriam contulisse. Mira in illo tolerantia, ingens vigor animi, & ad id, quod semel suscepisset perficiendum, incredibilis pertinacia. Hostem undique urgere, instare successibus: nec quietem victis, nec laxamentum dare: modo duces & magnates, modo provincias hostium ad deductionem sollicitare. Verum ut in bello gerendo acer inprimis ac strenuus, ita ad pacis consilia segnior fuit. Itaque laudem finiti belli, compositaeque pacis, successori suo integram conservavit. Tu igitur, **CARDINALIS EMINENTISSIME**, utroque felicior exististi, Cineas scilicet & Armando. Nam ille quidem nec Pyrrho persuadere umquam potuit, ut, domi manens, pacem & quietem, tanquam salutes Deas coleret; nec Romanis, ut pacem a Rege, licet victore, licet aequissimis conditionibus oblatam, amplecterentur. Id enim tantum petebat Pyrrhus, ut Tarentinis, quibus auxilio venerat, parceretur. Tu vero & Regem Christianissimum, tametsi multo potentior, nec minus bellicosum, quam fuit Pyrrhus; non unica, sed pluribus victoriis gloriosum, jamque de totius belli summa palman merito sperantem, auctoritate tua ad pacis foedera facile traduxisti. Quid enim tibi non ille concederet, educationis suae praesidi, Regiae Majestatis vindici, consiliorum omnium auctori? & Hispanis non difficile persuasisti, ut pacis conditionibus abs te oblatis adquiescerent. Quamobrem, si quis Cineam tecum conferre vellet, multo inferior tua laude Cineas deprehenderetur. Sed neque Armandus, quantumvis ob illustria facinora ab omnibus praedicetur, tuas umquam laudes, tamque gloriam aequaverit. Etenim si quis res bello gestas velit inter se componere, longe plura & majora tuo ministerio gesta esse reperiemus: plures urbes hostium captas atque expugnatas; plura proelia conferta; plures ac majores triumphos de hostibus reportatos: idque Rege adhuc pupillo, adhuc sub matris tutela constituto: quod tempus turbidum plerumque ac seditionibus obnoxium esse solet. Proinde & rebus bello gestis, Armandi gloriam longo intervallo superasti: &, hac recens abs te composita pace, non Armandi solum, sed omnium, quotquot umquam Regum nostrorum consiliis prae fuerunt, laudes ac merita supergressus es. Non igitur in praesentia dicam tot
insignes

insignes victorias, te ministro & auctore, partas: Theudonis Villam ac Montem Medium expugnatas: praetereo Valentiam in Italia atque Dertofam: non commemorabo Stenatum & Clarum Montem: omitto Dunkerkam, Gravelingam, urbes munitissimas, Iprensium civitatem, Audenardam, Dixmudum, unius anni expeditione captas. Pax illa, quam modo pepigisti, omnibus tropaeis ac victoriis & triumphis merito anteferenda est. Quare si victoriarum tituli, si palmae & laureae tibi nunc deessent ad laudem; tamen omnes hujusmodi titulos pacis hujus gloria compensares. Adeo illustris & magnifica res est pax ista, quam Tu nobis non nisi Dei optimi maximi nutu atque arbitrio praestitisti. Et antea quidem saepe de Rege Christianissimo, deque universa Gallia bene meritus es; ex quo ad Casalim duas potentissimas Europae gentes jam gladios hastasque vibrantes, interventu tuo diremisti. Numquam tamen tam illustri beneficio Francos tibi divinxisti, nec devincturus es, quam hac pace, qua omnes Regis Christianissimi victorias, omnes palmas ac triumphos confirmasti. De maximis Regibus, deque eorum Consiliariis ac Ministris posteritas semper loqui solet, & in eorum actus inquirere, ac liberam de singulis iudicii sui proferre censuram. Quoties igitur posteritas de Te verba factura est, (faciet autem frequentissime) toties pacem hanc tuam commemorabit. Haec inter tuas laudes principem obtinebit locum. Et Armandus quidem belli facem accendisse dicetur; tu restinxisse. Illum dicent navem Reipublicae in medios fluctus ac saevissimas tempestates, in scopulos & saxa trussisse: te vero tranquillissimum pacis portum nobis aperuisse. Ab illo in gravissimam aegritudinem & in maximum vitae discrimen res Galliae adductas esse: abs Te salutem ac vitam ipsam esse restitutam. Sed ne quis me Oratorum more res exaggerare, & in dicendo iustum ac debitum modum excedere fortasse putet; mecum, si placet, AUDITORES ORNATISSIMI, causam omnem breviter expendite.

Duabus potissimum ex causis spectari solet cujusque operis magnitudo: ex difficultate scilicet, quae factum antecedit; & ex ea, quae id consequitur, utilitate. Etenim natura, seu Deus ipse naturae parens, pulcherrimas quasque res & praestantissimas labore, quasi quodam sepimento vallavit, ut ad eas non nisi difficile eniti atque adspirare possemus. Verum, etsi quaecumque maxima & pulcherrima sunt, eadem sint difficillima: non tamen quaecumque difficilia, eadem quoque maxima dici merentur. Sunt enim opera quaedam tenuissimae ac minutissimae artis; cujusmodi Myrmecidis cujusdam currus fuisse dicitur: quae quoniam nullum sui usum

praestare hominibus possunt, spectantur quidem ab omnibus & laudantur. Inter magna vero ac praestantia & orbis totius admirationem promerita locum nullum habent. Ea vero, quae & difficultatem habent maximam, nec minorem afferunt utilitatem, merito maxima ab omnibus existimantur. Quamobrem ut quam praeclarum & excellens opus sit pax ista nuper a te facta, cognoscere possumus, quanta fuerit ejus difficultas, quanta deinceps futura sit utilitas, prius examinemus necesse est. Prima quidem fronte rem spectantibus, nihil facilius est pace, nihil expeditius quiete, nihil concordia promptius. Ad hoc enim nec ullo armorum apparatu, nec militum copiis, nec commeatu, nec sumptu, nec labore opus est, sed sola animi indictione atque voluntate. Quin etiam natura omnes eo ducimur: quae cum nos alienae opis egentes in lucem ediderit, satis hoc facto admonet, necessariam nobis esse concordiam: ut mutua opera juvare nos invicem & juvari possimus. Denique quam naturale sit nobis pax atque concordia, hinc maxime apparet, quod non nisi ex naturali mentis statu deturbati, & praeter naturam agitati atque commoti ad rixas pugnasque progredimur, & sedatis postea mentis aestibus pacem denuo concordiamque refarcimus. Verum, etsi res omnium facillima sit pax & quies; omnisque humanae vitae felicitas in eo posita esse videatur, ut quiete & pacate degamus; hominum tamen improbitas & amentia effecit, nihil ut difficilius in terris reperiatur. Quos enim concordēs magis esse oporteret quam fratres, quam propinquos & affines? atqui quotidiano experimento & vulgari quoque proverbio notum est, ~~raram fratrum esse concordiam.~~ Quod si isti, quos communi sanguinis vinculo natura constrinxit, aegre tamen inter se concordare possunt; quanto difficilius extranei? percurramus agros, oppida, civitates, vix ullam domum privatam reperiemus discidio ac tumultu vacuam: in qua aut filii a parentibus, aut viri ab uxoribus, aut a dominis famuli, aut discipuli non diffideant a magistris. Nihil opus est ire per singula. Quotidie litigantium turbis forum teritur, & caussidicorum clamoribus perstrepunt tribunalia. Quid aliud esse haec loca dixeris, quam discordiae delubra; quam aream civilis cujusdam belli; aut arenam; in quam cives quotidie descendunt, ut se mutuo jugulent. Ac nescio utros ex illis infeliciores dicam; an litigantes, qui tam infestis animis, tantaque pertinacia inter se decertant; an caussidicos, qui mercenariam illis linguae suae operam locant; an judices, qui patienter haec sustinere & audire coguntur? nisi quod litigantes in eo infelicissimi sunt, quod maximo ipsorum damno atque dispendio tota res geritur. Horum igitur

igitur aliquos diuturna lite, & multis quaestionum ambagibus intricata collisus, si quis inter se reconciliare tentaverit, quanto labore opus est? adhibendi sunt amici sequestres atque interpretes. Eligendi arbitri, jurisperiti. Atque interdum, dum apud tabularium transactionis instrumentum conferbitur, utraque pars, negotio infecto, discedit. Quod si tantae molis ac difficultatis est, privatos homines ex gravissimis inimicitiis ad pacem traducere: quanto est operosius inter potentissimos Reges diuturno bello acerrime congressos & mutuis cladibus accensos potius quam fractos ac debilitatos, pacem semel ruptam redintegrare. Nam is quidem, qui victus est, dum acceptam cladem aut Ducum imperitiae, aut militum ignaviae adscribit, nihil aliud quam de recuperandis urbibus & reparando bello cogitat; nec ullas pacis conditiones libenter amplectitur; ne victori succubuisse, & majestatem regiam imminuisse videatur. Victor vero praedae dulcedine & victoriarum voluptate captus, semper ulterius progredi, ac limites imperii promovere contendit. Ita bellum quotidie, quasi quoddam incendium, novis incrementis augetur & in multas protrahitur aetates: ac saepenumero ad heredem una cum principatu transmittitur. Neque enim tam facile restinguitur bellum, quam accenditur. Hujus rei illustre habemus exemplum hoc bello, cui Tu, CARDINALIS EMINENTISSIME, finem feliciter imposuisti. Quod enim bellum tam grave, tam diuturnum umquam fuit, tanta animorum pertinacia, tanta copiarum multitudine, tanta apparatus copia gestum, tot proeliorum atque obsidionum, tot casuum varietate insignitum, tot fociorum ac foederatorum consortio nexum; tot nodis, tot ad faciendam pacem obicibus impeditum, tam late terra marique diffusum? Peloponnesiaci belli Historiam scripturus Thucydides, auctor gravissimus, multum laborat, ut illius magnitudinem lectoribus ob oculos proponat. Sed si cum hoc postremo, quod gessimus, bello, Peloponnesiacum illud contuleris, ludicro certamini similis videbitur quam bello. Punicum fortasse bellum nobis aliquis opponat. Verum illud nec tot proeliorum multitudine, nec tot obsidionum numero, nec tanto temporis spatio gestum esse dicitur; unoque ad Carthaginem proelio tandem confectum est: quo devicta Carthago in ditionem potestatemque populi Romani cessit. Hoc autem bello, quod per quatuor ac viginti annos absque ullis induciis gessimus, quamvis plurimae urbes captae vi atque expugnatae, plurimi exercitus caesi, provinciae amissae; tamen experimento ipso compertum est, eam esse potentiam utriusque Regum; ut alter quidem proelio vinci ab altero posset; opprimi tamen penitus & debellari non pos-

posset. Quare alia nobis quaerenda sunt bella, quae cum hoc nostro comparentur: cum Punicum illud tanta celeritate confecerint Romani, postquam in Africam transgressi, bellum, quod Hannibal portis urbis admove-
rat, ad ipsius Carthaginis moenia transportarunt. Multa prius cum Hispanis bella gessimus, jam inde a Francisco, qui primus ex Regum nostrorum numero eo nomine est appellatus. Sed neque bellum, quod hic cum Carolo Hispaniarum Rege atque Imperatore; neque alterum, quod Henricus ejus filius cum Philippo Caroli filio gessere, licet maxima vi atque animorum incredibili contentione utrimque sint gesta; ulla ex parte cum hoc ultimo conferri possunt. Enimvero illa crebris induciis interrumpi ac distinguere solebant. Ac fere, ubi hibernum tempus advenerat, Principes nostri, ut sumptui parcerent, exercitum dimittebant. Quo factum est, ut interdum imparati ab hostibus opprimerentur. At hoc postremo bello, quod per continuos quatuor ac viginti tractum est annos, nullas omnino inducias vidimus: nec minus hieme quam aestate urbes obsessas, commissa proelia esse meminimus. Quamobrem si quis hoc bellum, omnium, quae umquam gesta sunt, gravissimum atque atrocissimum esse affirmet, is, meo quidem judicio, rectissime senserit. Porro ex gravitate belli difficultatem Pacis colligere debemus. Nam ut incendium, quo majus est atque violentius, & longius latiusque diffusum, tum ventorum vi, tum materiae copia; eo majore negotio restinguitur: Ita bellum, quo fuerit ardentius, quo majoribus copiis atque opibus gestum: quo plurium sociorum auxiliis, quasi flabello quodam excitatum, eo sedatur comprimiturque difficius. Neque enim nostra solum causa in eo finiendi ponderanda est; sed habenda praeterea ratio sociorum ac foederatorum. Satisfaciendum erat Batavis, Suecis, Lusitanis, Sabaudis. Quorum alii urbes quasdam sibi donari, alii nonnullas sibi restitui postulabant, alii bello parta mordicus retinere, nec ullam glebam restituere sustinebant. Horum omnium jura, desideria, postulationes, nos tanquam patronos tueri & adstruere oportebat; nisi illos pro sociis hostes in posterum habere mallems. Et quamquam his difficultatibus maxima ex parte jam provisum erat pace Monasteriensi, quam Suedi & Batavi ante nos fuerant amplexi; tamen nova quaedam negotia post istam pacem succreverant, quae maximum paci nostrae obstaculum allatura esse videbantur. Negotium dico Principis Condaei, quem Hispani quidem bonis omnibus, privilegiis, honoribus, praefecturis, & administrationibus restitui flagitabant. Contra vero Rex Christianissimus, id arbitrio suo, clementiaeque permittendum esse censebat.

Huic

Huic negotio gravi per se atque difficili, alterum accesserat non minoris momenti, motum scilicet nuper in Germania bellum inter Suedos & Brandeburgicos. Quo bello Ferdinandus Imperator commodatis Brandeburgico Principi copiis suis, & in Pomeraniam immissis, contra pacis Monasteriensis foedera fecisse arguebatur: denique postremo illo foedere, quod cum Anglis pepigimus, spes pacis penitus nobis interclusa esse videbatur. Nemo fere inter nos erat paullo prudentior, qui non ita sentiret tacite, & palam asseveraret, incolumi ac superstitute Anglorum Protectore, pacem a nobis fieri nullo modo posse. Tot igitur difficultates, tantam molem negotiorum, tot obstacula atque impedimenta quis umquam superare valuisset? Quis hujus belli nodos atque nexus dissolvere, quis pacis obices disturbare potuisset? quis fibras, quis capita hujus belli, quae cottidie instar hydrae cujusdam succrescebant, succidere? Tentatum id jampridem fuerat in conventu Monasteriensi a multis & maximis Europae Principibus; qui legatos suos viros prudentissimos in eam civitatem miserant; ut eorum opera atque interventu pax inter Francos & Hispanos firma ac solida componeretur: sed post multos confessus atque tractatus, post diuturnas quinquennii moras, tandem, re infecta, discessum est; nisi quod Germani cum Suedis ac Batavis pacis conditionibus acquievere. Inter Francos autem & Hispanos, quorum in eo bello praecipuae partes erant, & quos pacatos esse plurimum intererat, bellum remansit. Idque tanto acrius, quanto mentione pacis inflammati magis quam emolliti esse animi videbantur. Secutis deinceps aliquot tractatibus, & colloquiis nihil omnino promotum est. Soli tibi, CARDINALIS EMINENTISSIME, haec gloria servabatur; ut quod summi Principes, quod sapientissimi legati in unum coeuntes tanto temporis spatio perficere nequiverant, unus tu trimestri colloquio perpetrare. Tu gravissimas difficultates, quae pacem tamdiu morabantur, invicto animi robore superasti. Tu pacis obstacula removisti; tu omnium contentionum nodos atque articulos admirabilis ingenii dexteritate solvisti. Gordium quemdam nodum olim in Phrygia fuisse ferunt, quem quicumque extricare potuisset, ei summa felicitas veteri quodam oraculo promittebatur. Hunc Alexander Macedo cum solve non posset, gladio secuisse perhibetur. Quanto tu felicior Alexandro dicendus es CARDINALIS EMINENTISSIME, qui non funem intortum, sed nexus intricatissimi belli consilio & prudentia dissolvisti. Non te negotii moles illa deterruit; quippe qui totius Regni negotiis unus admirabili facilitate sufficias; non te itineris longitudo, & viarum difficultates;

non imbecillitas corporis, non autumnus morbosus tempestas ab instituto revocarunt. Is enim es, qui publica commoda tuis semper rationibus anteponas. Denique non Hispanorum callidam ac morosam prudentiam, & frustratorias in agendis rebus dilationes veritus es. Quippe qui scires non in eo statu res illorum esse, ut moratoriis cavillationibus indigerent, nec iis artibus locum esse, ubi tu legatus cum summa potestate ad terminandum tantum negotium confedissem. Superiori quidem memoria, hujusmodi artes successerant illis ex voto; adeo ut vulgare apud nos dictum sit, quod a parentibus traditum accepimus: cum Anglis quidem quotiescumque aut pacem aut inducias pacti sumus, cautiores semper fuisse nostros, & melius rebus suis prospexisse. Contra vero quoties cum Hispanis acturi convenimus, toties nostros inferiores discessisse. Verum hoc tempore quid illis prodesse potuisset, aut Ulyssis prudentia, aut astutia Sisyphi, aut ipsius Protei versutia: cum tu adversus omnes artes, cavillationes & machinas consummatissimam prudentiam tuam, tanquam aegidem quandam opponeres. Quod cum probe intelligerent Hispani, ad conferendos tecum de pace sermones ejusmodi delegerunt virum, non qui astutia & fraude polleret, sed qui inter ipsos virtute, fide, & candore animi praestaret: nec qui aliud in ore promptum, aliud in pectore clausum haberet, sed veritatis amantissimum, & ab omni furo & mendacio penitus alienum. Itaque par bene compositum, in insulam illam de pace acturi ambo convenistis, tu, **CARDINALIS EMINENTISSIME**, & Ludovicus de Haro, Comes Nobilissimus. Ac mihi quidem videtur insula illa, in utriusque Regni posita collimitio, instar palaestrae cujusdam esse; in qua duo fortissimi Athletae quoddam civilis prudentiae certamen iniistis. Tu pro Rege Christianissimo certabas, ut pacem illi gloriosam, nobisque utilissimam praestares. Ille ut gravissimum bellum conditionibus quam fieri posset honestissimis sedaret. Uterque vestrum vicit; uterque quod volebat obtinuit. Nam & Franci victorias suas solemnem pacis foedere confirmatas esse laetantur. Et Hispanos tot regnorum quietem paucarum urbium jactura redemisse non poenitet. Macte ergo virtute fortissimi & nobilissimi pugiles. Vos non haec solum aetas, sed omnis etiam posteritas, ad quam pacis hujus pertinet utilitas, coronatura est; nomen vestrum aureis inscriptum litteris in immortalitatis templo consecrabit. Laudes vestras non iidem termini circumscribent, qui Francorum Hispanorumque provincias claudunt, sed per universum terrarum orbem fama longe lateque disperget.

Satis

Satis superque, ut opinor, intelligitis, **AUDITORES**, qualis & quanta fuerit hujus pacis difficultas. Superest, ut de ejusdem utilitate, sicut initio pollicitus sum, pauca dicam. Quamquam quid opus est ejus rei utilitatem verbis adstruere, quam omnes summi pariter atque infimi fatentur & sentiunt. Quotusquisque enim est, ad quem pacis istius commoda non ex aliqua parte pertineant? quippe ut belli calamitas omnes sine ullo discrimine simul involvit, ita pacis felicitas in omnes ex aequo diffunditur. Non enim agros solum, sed etiam urbes, nec terras tantum, sed etiam maria pervadit. Jam urbani hilari vultu se vicissim adspiciunt, & uxores suas ac liberos complectuntur. Jam aratores segetes suas laeti prospectant, quarum fructus se collecturos esse confidunt: nec omni grandine saeviores hostium incurfus, aut militum transitus reformidant. Jam mercatores peregrina & transmarina commercia meditantur: jam naves aptant, jam merces imponunt, pro iis, quibus abundamus bonis extraneas nobis species advecturi. Jam homines, deposita pristina ferocitate, & immanitate, sua sibi bona invicem communicant. Jam peregrinari tuto licet, & in longinquas regiones aut discendi aut spectandi causa proficisci: cum antea vix progredi domo & in agros excurrere liceret. Jam cuncti quasi ex profundissimis tenebris in lucem emergere & vitales auras carpere sibi videntur: nunc primum unusquisque rerum suarum dominium sibi redditum putat: nunc virginum pudorem, nunc matronarum castitatem, nunc omnium vitam ac libertatem in tuto collocatam videmus. Jam ex omnium animis excidit memoria praeteritorum malorum: nec solum praesentibus bonis singuli perfruuntur, sed etiam futura quadam spei aviditate praecipiant. Praecipue tamen Religio & optimarum artium studia ex hac pace sibi blandiuntur: nec immerito. Etenim cum toto belli tempore plura & graviora reliquis omnibus damna persenserint, jure, nunc reddita pace, maxima omnium bona atque ornamenta per te consequi sperant. Jam suis templis honor, sua sacerdotibus & inferioribus ministris rediit veneratio. Non jam altaria a sacrilegis spoliata, non profugos ex agris sacerdotes videmus. Non hic Pastorem sine ullo grege: illic gregem sine Pastore aut videbimus posthaec aut audiemus: non equos in aedibus sacris stabulantes: non sacra mysteria impiorum contrectata manibus, pedibus conculcata. Quae quis non ingemuit cum videret; quis, cum audiret, non exhorruit. Tradantur haec potius oblivioni perpetuae, & silentii tenebris penitus involvantur: ne ventura olim aetas nobis exprobrare possit, graviora a nostri temporis Christianis adversus Christianos patrata esse scele-

ra, quam quae a Gentilibus quondam adversus nostros admissa esse memorantur: Qualem putas, **CARDINALIS EMINENTISSIME**, Ecclesiae luctum fuisse, cum natos suos, quos genuerat, quos aluerat ac fov erat, mutuis se vulneribus trucidantes videret. Cum hinc a Turcis, illinc ab haereticis graviter impugnata, non modo filiorum suorum auxilio ac solatio omni destitueretur; verum etiam ab iis ipsis crudelissime laniaretur: cum aedes suas non Turcorum ac Saracenorum spoliis, sed vexillis adhuc natorum suorum sanguine stillantibus cruentatas adspiceret. Quibus illam vocibus tunc usam putas, ut liberos suos ab hoc facinore revocaret. Nonne huiusmodi sermone eos admonuisse illam existimas? Quo ruitis, filioli, quid agitis? quae, malum, vos vexat, amentia? cur in matris caedem filii prorumpitis? mene ad hoc tempus vixisse, ut haec intuerer? ideo tot persecutorum gladios effugi, ut meorum manibus tandem occumberem? reveremini canos meos. Quid me natorum meorum spoliis cruentatis? victoriae vestrae clades meae sunt. Odi triumphos exitio meo partes: non ornant me haec vexilla, sed maculant. Amovete a conspectu meo monumenta doloris mei. Solo Christi sanguine & Martyrum cruore delector. Quid in luctu atque orbitate mea carmen triumphale concinitis? natis pereuntibus mater laeta esse non possum. Redite potius in gratiam; &, depositis odiis ac simultatibus, quae vos viginti annorum spatio exercuerunt, sub matris conspectu atque interventu dextras pacificas jungite. Si hostes quaeritis, praesto sunt Turci. Illic laureas, illic triumphorum materiam quaerite. Haec tropaea decora vobis erunt, nec mihi luctuosa. Si tantum sanguinis Christiani in bello adversus istos fustum fuisset, non Palaestina modo & regio illa Christi quondam vestigiis consecrata; sed totius Orientis Imperium recuperari facile potuisset. Et Ecclesia quidem haec frequenter Christianis insurrexit, sed nemo erat qui attenderet; nemo qui sapientissimis monitis aures atque animum accommodaret. Donec **LUDOVICUS** noster Rex Christianissimus, & inter omnes Ecclesiae filios principem obtinens locum, Matris piissimae salutares admonitiones haudquaquam negligendas ratus, pacem orbi Christiano restituere decrevit: teque unum, **CARDINALIS EMINENTISSIME**, qui consiliorum omnium ipsi semper adjutor fueras, tanti operis ministrum elegit. Per te igitur pax non solum Regno, sed etiam Ecclesiae restituta. Per te reversis in sedes suas sacerdotibus simul ac populis, quos haecenus aut silvarum latebrae texerant, aut oppida receperant, nunc vicatim divinae caerimoniae celebrantur. Per te in unius corporis compagem redeuntia totius Ecclesiae mem-

membra cottidie solidantur, & quodam quasi glutino pacis adolefcunt. Quinetiam fi quae fuperioris belli tempore ortae inter nos diffenfiones de quibusdam capitibus parum ad fidei integritatem neceffariis, turbas alicubi excitaverant, reddita nunc Ecclefiae pace, paulatim fopiantur & fient: atque, ut fpes eft, brevi penitus evanefcent. Et Catholica quidem Ecclefia, redeuntibus ad priftinam concordiam liberis, exfultat gaudio, ac triumphale canticum ob id Deo concini jam libenter audit. Hi vero, quos ab ejus corpore dogmatum perversitas ac novitas abruptit; foli demiffio vultu obambulant, intimum animi dolorem vultus indicio prodentes. Et qui nuper in finu fuo, ut dicitur, gaudebant, cum Catholicos mutuis fefe vulneribus contrucidantes viderent, qui contentiones ac difcidia illorum quafi flammam, immiffio oleo, alebant ac fovebant; iisdem nunc reconciliatis, moerent atque ingemifcunt. Quippe qui intelligant, diffidentibus quidem Catholicis, res fuas creviffe femper: consentientibus vero, in pejus folere dilabi. Turci quoque ipfi, accepto pacis hujus nuntio, trepidant, ut audio; rebusque fuis jam diffidunt. Nec de Cretae infulae Metropoli capienda, fed de urbium fuarum defenfione cogitant. Contra vero Venetis fpes atque animus accessit, poftquam potentiffimos Chriftiani orbis Principes inter fe pacis vinculo copulatos vident. Namque haftenus dolenda prorfus ac miferanda res erat; Venetos quidem privatis opibus ac fumptibus communem Chriftiani nominis hoftem folos fufcitare, quafi ipforum dumtaxat cauffa in eo negotio verteretur. Interim vero Reges Chriftiani orbis nobiliffimos mutuis fefe cladibus atterere; & qui Venetis adverfus Turcos pugnantes auxilia fubmittere debuerant, victoriae Turcorum latiffimam viam fternere. Quid hac infamia turpius? quid hac calamitate funeftius? Sed in pofterum longe alius erit rerum Chriftianarum ftatus. Nam & noftris Principibus haudquaquam difficile erit, auxilia Venetis fubminiftrare: & Venetis poft hac licebit dimiffas a noftris legiones levi ftipendio conducere; quarum forti opera adverfus Turcos utantur. Quae dum fient, totum id accepto referendum erit huic paci tuae, quae rebus Ecclefiae tantam repente contulit utilitatem. Porro cum religione fimul litterae & optimarum artium ftudia caput attollunt; & majora fibi in dies commoda atque incrementa ex hac pace pollicentur. Nam antea quidem truculenti Martis violentia Mufas toto paene orbe fugaverat; nec ullam iis fedem tutam ac fecuram reliquerat. Opes, honores, praemia ac privilegia penes armatos erant. Litterarum ftudia defpectui habebantur. Nunc vero beata pax eas, quodam quafi poftliminio, in proprias fe-

des reducit, eas fovet, eas sustentat, atque erigit. Illae vicissim paci sua bona communicant: pacem ubique laudant & praedicant; pacem, pacisque auctorem coronant. Quid enim aliud agimus hac ad te Oratione, **CARDINALIS EMINENTISSIME?** Annon tibi Christianae Pacis interpreti ac sequestri immortalem laudis & gloriae coronam teximus? Quod si verum licet dicere, plus paci rependunt litterae, quam acceperunt. Quid enim est pax sine litteris, nisi iners desidia & otium ignobile, servis magis conveniens quam ingenuis. Pax quidem alit artes: sed litterae vicissim non modo pacem alunt, verum etiam confirmant atque stabiliunt: dum hominum animos superioribus bellis efferatos ad mansuetiora paulatim & humaniora studia traducunt; dum legum metum & obsequium erga legitimos Principes, dum virtutis amorem, odiumque vitiorum auditoribus insinuant. Non igitur sine causa Reges ac Principes liberalitate sua litteras prosequuntur: quippe quas intelligunt morum ac vitae magistras esse, ornamenta pacis, quietis publicae retinacula: instrumentum denique ad gerendam rempublicam prorsus necessarium: quo quicumque destituti sunt, in rebus agendis semper eruditae hominibus inferiores appareant necesse est. Verum levis est liberalitas, quae solius pecuniae erogatione perficitur. Majus aliquid a te sperant litterae nostrae; nec tam sua quam publica causa consequi volunt. Quidnam vero illud est? ut scilicet per te gradum suum recuperent, ut incrementa dignitatis accipiant, ut honores, privilegia, administrationes, quae antea malo more aut pecuniae donabantur aut gratiae, nunc, reddita pace, virtuti, optimisque artibus deferantur: Haec munera & dantibus utilia sunt, & accipientibus gloriosa. His stimulis excitabuntur omnes ad studia virtutis ac litterarum; postquam re ipsa perspicient, nullam esse partem reipublicae, ad quam viri eruditione ac judicio praestantes in posterum adspirare non possint. Quod si vel ob iniquitatem temporum, vel propter inolitae consuetudinis vetustatem ad hoc fastigium procedere litteris non licuerit: majus id damnum erit reipublicae quam litterarum. Nam litterae quidem sua laude, suisque bonis contentae, sibi met ipsae sufficient: Respublica vero praestantissimorum virorum opera ac ministerio privabitur.

Satis superque dictum est de pacis difficultate; deque ejusdem multiplici utilitate: Ex quo liquido apparet, jure merito hoc a nobis maximum opus praedicari; cujus difficultas quidem talis ac tanta fuerit, ut humana ope fieri posse nequaquam crederetur; adeoque optaremus illam potius quam speraremus. Utilitas vero tam copiosa cernitur, ut eam nul-

lius

lius orationis vis complecti penitus posse videatur: quippe crescit in dies felicitas pacis. Atque ut aegri, ingenti morbo liberati, non statim vigorem pristinum recuperant, sed paulatim ad bonam valetudinem proficiunt: sic privati, depulso gravissimo bello, quo diutissime afflicti ac paene consumpti sunt, nova cottidie pacis bona & continua felicitatis incrementa percipiunt.

Atque haec sufficere poterant ad laudem **CARDINALIS EMINENTISSIMI**; qui cum jam antea de Francorum regno bene meritus sit, hoc postremo beneficio cuncta sua in rempublicam merita cumulavit. Nec solum Francos & Hispanos, sed universam Europam, totumque orbem Christianum immortalis beneficio sibi devinxit. Itaque tot laudatores in posterum ac praecones habiturus est, quot nunc sunt, quotque posthac futuri sunt, qui pacis hujus commodis perfruentur. Sed quoniam pacis cum hoste pactae levis fructus est, nisi interna pax totius Reipublicae membra contineat; videamus, si placet, utrum **CARDINALIS EMINENTISSIMUS** ex hac etiam parte aliquam laudem sibi jure possit vindicare. Ecquis vero hanc gloriam ei negaverit; cum semper, ex quo gubernaculis Reipublicae admotus est, praecipuam curam ac sollicitudinem gesserit publicae tranquillitatis? Revocate vobis paulisper in memoriam tempus illud, cum Christianissimus Rex Ludovicus senior, immaturo exitu raptus, inter medios belli turbines, Rege admodum puero derelicto, decessit e vita. Quis tunc nostrum non magnopere formidavit, ne sub Rege pupillo, ex contemptu muliebris administrationis, & occasione diuturni belli, quod populis jam pridem erat onerosum, novi motus in provinciis orirentur? Quae contra fuit laetitia spesque hostium nostrorum, maximum rebus suis incrementum & commodum ex eo accessurum esse confidentium? Non enim solum oppida & castella sua, quae summo labore atque sumptu tot annorum expeditionibus ceperamus, brevi ac sine negotio se recuperaturos esse sibi persuaferant: sed & de nostrae ditionis urbibus expugnandis jam cogitabant. Verum singulari prudentia Serenissimae Reginae, in cujus tutela agebat **LUDOVICUS** noster **ADEODATUS**, & sapientissimis consiliis Eminentissimi Cardinalis effectum est, ut ex obitu Ludovici senioris nullum detrimentum res nostrae senserint. Eodem enim quo antea successu, eodem victoriarum tenore foris rem gessimus adversus hostem: & domi res nostrae in tranquillo statu mansere. Nullus in aula tumultus, nullus in urbe motus, nulla in provinciis factio: donec malevolus quidam genius felicitatem rerum nostrarum aegris intuentibus,

lis, in urbe regia gravissimas ac periculosissimas excitavit tempestates. Quippe ut in corpore humano morbi, qui caput appetant, omnium acerbissimi ac periculosissimi solent esse: sic in Republica quoties seditionum motus in primaria civitate & quasi in ipso regni vertice infederunt, universa imperii moles in gravissimum discrimen adducitur. Horret animus ac refugit reminisci temporum illorum, ne aut pacis hujus laetitiam acerbissimarum rerum commemoratione minuisse videar; aut patriae meae mala sua atque infortunia exprobrare: Illud unum dicam, tot tantosque tumultus, qui Reipublicae totius exitium minabantur, intra brevissimum temporis spatium lenissimis prudentiae tuae remediis ita esse sedatos, ut Rex Christianissimus ex urbe Regia ad hoc solum clam egressus esse videretur, ut ad redeundum ardentissimis civium suorum precibus invitaretur. Quo quidem tempore eminuit eximia illa vis prudentiae tuae, qui ad leniendos populares animos, quos diuturnae obsidionis incommoda exasperaverant; salutare illud *ἀμυνσias* decretum olim ab Atheniensibus, posteaque ab aliis civitatibus prudenter atque utiliter usurpatum, in usum revocandum esse censuisti: ut depositis utrimque odiis ac simultatibus firma in posterum ac sincera pax constitueretur. Hoc remedio, tanquam salutari quodam pharmaco languentis Reipublicae mala sanaveras: jamque res nostrae pristinam valetudinem recepisse videbantur. Verum paullo post morbus ille iterum recrudit, nulla quidem tua culpa: quippe tu salutarem medicinam adhibueras; sed eorum, qui ex publicis detrimentis privatum commodum captabant. Hic vero satis equidem mirari non possum sapientissimum consilium tuum; qui cum Rempublicam assiduis seditionibus & tumultibus concuti, totumque invidiae pondus in te unum incumbere videres, cedendum tempori ratus, paulisper e medio te subduxisti; ut hoc secessu tuo omnibus populis appareret, quorum potissimum culpa tot tantique motus quotidie excitarentur; in quo prudentissimorum virorum M. Agrippae ac Tiberii Claudii imitatus es exemplum; qui olim, licet alias ab causas, dimissa administratione Reipublicae, ad declinandam invidiam sese in Asiam receperunt. Verum illico certissimo experimento cognovimus, sine te nec quietam domi, nec fortunatam foris stare posse Francorum Rempublicam. Quippe ut in mediis saevientis pelagi tempestatibus amoto peritissimo gubernatore nautae ac vectores inter se tumultuantur; navis vero circumflantium undique ventorum impetu jactata gravissimum discrimen subeat necesse est. Ita te ab administratione Reipublicae digresso, idque eo temporis articulo, quo, si abfuisses, evocari te maxime

me oportebat, cuncta apud nos in pejus ruere coeperunt. Vix extra huius imperii fines pedem extuleras, cum hinc in Aquitania, hinc in Lugdunensi provincia ingentes exorti sunt motus: paullatimque vis mali latius serpens, urbem quoque Regiam occupaverat. Quae alioquin obsequio Principis sui dicatissima, tunc temporis factiosorum insidiis eo facilius patuit, quod absente Principe, nemo erat, qui vel auctoritate, vel reverentia, in officio eam contineret. Quamobrem Rex Christianissimus, Regina optima matre, & omnibus bonis postulantibus, te ex illo secessu tuo, unde Galliae calamitates moerens ac dolens prospectabas, tandem revocandum esse censuit. Rediisti ergo, comitantibus te regiis ductoribus, ab ipsa rerum necessitate revocatus, salutari Francorum Genio te quasi manu ducente, ut opem rebus afflictis afferres, ut malis nostris medereris, ut pacem firmam atque aeternam domi forisque componeres. Primo adventu tuo victi perduelles; urbes, quae defecerant, receptae: urbs omnium nobilissima, ac totius regni caput, agnito errore, ad obsequium rediit, regemque, ut in palatium suum redire tandem vellet, missis legationibus, invitavit. Quid multa? vidimus te in hanc civitatem revertentem eodem vultu, eadem frontis serenitate, qua fueras egressus. Is enim es, quem neque res adversae umquam frangere, nec secundae nimis efferre potuerunt. Intraisti non minas spirans, non vindictam sitiens, non pila & gladios intentans; cujusmodi olim Cinnae ac Marii, & illius, quem supra nominavi, Tiberii reditus fuisse memoratur: sed lenitate & clementia septus, benignitatem vultu ipso praefrens. Neque vero ficta ac simulata fuit illa benignitas, quo facilius vulgus hominum deciperetur: sed rerum ipsarum documentis, lenitas & altitudo animi tui major apparuit quam sperabatur, & quam vultu ipso promiseras. Quis umquam crederet, civile bellum ita confectum fuisse, ut nemo occubuerit, nisi qui in acie aut in obsidione cecidisset. Multa alioqui in illa caligine temporum dicta factaque erant adversus regiam maiestatem & dignitatem tuam. Quae tamen omnia adeo mirabili patientia concoxisti, ut neminem ea causa aut accusari volueris aut damnari. Nullus ex patribus supplicium filii sui deslevit: nullus filius parentis sui morte illacrimatus est. Phocionem Atheniensem narrant, cum aeger in lecto jam jamque moriturus decumberet, & circumstantes amici vicem suam magnopere dolerent, quod tali tantoque cive respublica privaretur; cunctaque ab illo in administratione reipublicae praeclare gesta singillatim commemorarent; auditis eorum sermonibus, adsurgentem ita eos compellasse. Unum praeteriistis, amici; quod ego praecipuum in meis rebus gestis & maximae laudi mihi esse duco: quod

scilicet, me gerente rempublicam, nemo ex civibus mea causa lugubrem vestem induit. O virum, non Atheniensium modo, sed orbis totius imperio dignissimum; qui in gerenda republica hunc sibi unum proposuit scopum, ut despectis propriis commodis, aliorum saluti utilitatieque prospiceret! Idem de te, CARDINALIS EMINENTISSIME, merito possumus dicere. Quippe duobus civilibus bellis intra triennii spatium confectis, neminem vita, neminem bonis per te spoliatum vidimus. Nullus tua causa atratus processit in publicum. Et quamquam clementiae laus privatim Principi debetur, cujus jus arbitriumque est ignoscere delictis privatorum simul ac civitatum; quisquis tamen aequus rerum arbiter esse voluerit, fateatur necesse est, illius gloriae partem ad te quoque non minimam pertinere: quippe qui omnium regis nostri consiliorum particeps ac minister exstiteris. Atque ea laus tanto aequius tibi debetur, quanto superiore Principatu Ludovici senioris nimia severitas & suppliciorum frequentia animos paene omnium offenderat; ejusque rei invidia in Ministrum Regium, qui tunc temporis plurimum poterat, maxima ex parte redundabat. Ac licet judicia ex praescripto legum exercerentur, & de plerisque pronuntiare possimus jure caesos videri; tamen eo quod non ab ordinariis sed a lectis extra ordinem iudicibus damnati fuerant rei; & quia hujusmodi supplicia oculis nostris crebrius ingerebantur: horror atque indignatio subibat omnium animos, funestari oculos suos hujusmodi exemplorum spectaculo, & saeculum suum infamari arbitrantium. Nec dubito quin posteri, dum temporum illorum historiam legent, aversaturi sint suppliciorum crebritatem. De te vero tuisque temporibus nihil ejusmodi sentient; sed contra humanitatem tuam ac lenitatem mirabuntur, qui imperitae multitudinis maledicta, qui invidorum calumnias tam forti animo pertuleris; qui ab cruentis consiliis & ab omni vindicta semper alienus Regis Christianissimi ac Reginae matris mentem ad mitiora consilia traduxeris: & potentiam atque auctoritatem tuam benefaciendo potius quam faciundo exercere malueris. Hac ratione internam Reipublicae pacem adamantino quodam vinculo constrinxisti; ita ut jam amplius titubare non possit. Hac moderatione omnium Francorum, ac praecipue Regiae urbis civium animos tibi in perpetuum divinxisti: qui te & externae pacis auctorem fatentur & internae restitutorem. Qui jam civilium dissensionum ac bellorum omnium obliti, uno consensu in tuas laudes erumpunt; & Ludovico Regi Christianissimo tibi que consiliorum ejus Ministro immortales gratias agunt; per te bona, per te vitam ac salutem se recuperasse laetantur.

tur. Unum superest, quod ardentissimis votis a te omnes exposcunt: quod ad summam felicitatem sibi deesse adhuc existimant, sine quo pacem inutilem sibi atque infructuosam esse censent. Sentis, ut opinor, CARDINALIS EMINENTISSIME, etiam me tacente, quid sibi velint. Res enim ipsa per se loquitur: Orant igitur ut tributorum ac vectigalium onera, quae superioris belli occasione in immensum crevere, nunc, reddita pace, minuantur. Quam modesta postulatio; quam verecunda; quam aequitatis ac iustitiae plena! non petunt, ut penitus auferantur: neque enim id patitur necessitas aerarii; sed tantum ut de intolerabili sarcina exiguum quidpiam dematur: An non id aequissimum est, ut qui diutissime belli molestias pertulerunt, hinc hostium incursionibus, inde publicanorum exactionibus oppressi; nunc respirare tandem incipiant, nunc pacis amoenitatem & felicitatem temporum sentiant: ut qui saevissimos bellorum turbines ac procellas tot annis experti sunt, nunc pura ac liquida pacis serenitate hilares perfruantur: Nam inpraesentiarum quidem omni ex parte hilares esse non possunt. Ac dolorem quidem vultu tegunt, ne publicam pacis tuae laetitiam imminuisse videantur. Verum in intimo pectoris recessu latens insidet vulnus; & quo studiosius tegitur, eo acriores sensus doloris infligit. Hoc igitur dolore ut leventur postulant; id ut a Rege Christianissimo ipsis impetres exposcunt: hoc se brevi consecuturos esse per te sperant. Noli tam iustis eorum petitionibus refragari. Jam summa atque insperata bona iis contulisti. Pacem, quae nulla humana ope perfici posse videbatur, fecisti: internos reipublicae motus admirabili facilitate placasti. Non potes minora iis denegare, cum majora praestiteris. Pacis appendix & corollarium quoddam est relevatio tributorum. Haec nisi adfuerit, quovis bello pax tristior erit. Quomodo enim pax dicetur, quae pacis bonis & commodis destituta est, quae belli mala post se trahit. Ac belli quidem tempore exactiones, quamvis gravissimae, excusatione non carent. Faciendi sunt sumptus in milites, in socios & foederatos. Novi delectus habendi, comparanda annona militaris & machinae ad urbium expugnationes. Pace vero facta, hi praetextus augendi aerarii vacant. Ac proinde gravior & intolerabilior est tunc temporis exactionum molestia: Quippe nihil homines acerbior animo ferre solent, quam ubi amoto bello, cui uni omnium calamitatum suarum causam adscribebant, eandem nihilominus aerumnarum molem perseverare animadvertunt. Equidem scio multos fore, qui molestum me atque importunum vocent, qui de huiusmodi rebus alieno, ut putant, tempore ad te verba faciam;

& jucundissimam de Pace Orationem ingratisimo ac molestissimo sermone concludam. Id enim in votis esse Regi Christianissimo simul ac tibi, ut Provinciales & aratores collationum onere magna ex parte releventur. Sed opportunum ejus rei tempus nondum adesse, cum maximos adhuc sumptus fieri necesse sit in classem, in militem, auxilia fociis submittenda; curaque adhibenda sit, ut pax Monasteriensis in Germania firma atque inviolabilis observetur. Verum istiusmodi homines qui hoc auribus tuis insusurrant, vereor ne sua potius causa loquantur quam tua; suisque potius utilitatibus, quam publicis commodis aut dignitati tuae studeant. Fateor in magno imperio semper pecunia, semper milite opus esse. Sic enim pacem colere debemus, tamquam brevi bellum gesturi, rursus vero ita bellum gerere, tamquam haud multo post pacem cum hoste facturi. Verum ut in aegro corpore, quod pluribus simul morbis inter se implicitis & connexis laborat, sublato semel periculosissimo morbo, reliqui deinceps facile curantur: ita pacato difficillimo bello, quo per quatuor ac viginti annos attriti sumus, reliqua, si qua supersunt, utpote leviora, facile tolerantur: quippe quae nec tantis sumptibus nec tantis exercitibus opus habent. Quid igitur obstat, quominus quinta vel sexta pars tributorum jam nunc populis condonetur, & ad eundem modum cetera redigantur vectigalia? Id enim ab optimis & lenissimis Principibus semper est factitatum. Magnus ille Constantinus post bella civilia quartam rei tributariae partem remisit provincialibus. Eadem Juliani liberalitas etiam ab ejus hostibus laudatur. Reliqua vero collationis tributariae, quae a provincialibus debebantur, Imperatores Romani, proposita publice indulgentia, remittere consueverant: ut ex eorum edictis, quae in libris legum Romanarum etiamnum exstant, colligere possumus. Imitentur Romanorum Principum liberalitatem Principes nostri, in quorum locum ac potentiam successerunt. Nulli umquam Principi male cesit, quod tributa subditis suis indulisset. Contra vero multis nocuit quod auxissent. Plus enim odii quam pecuniae collegerunt. Leve quidem ac modicum est quod remittitur provincialibus, sed pro modico magnam tibi usuram rependent, amorem ac benevolentiam. Verum repraesentanda est liberalitas, non differenda. Neque enim dilationem patitur aut onerum gravitas, aut spei conceptae praesumptio. Tota hujus muneris gratia in celeritate ac repraesentatione consistit. Duplo plus se accepisse credent, si jam hinc liberalitatem Regis senserint, quam si multo major relevatio ipsis in sequentem annum spondeatur. Adjice hunc cumulum laudibus tuis.

tuis, **CARDINALIS EMINENTISSIME**, ut omnes Franci te bono publico natum esse praedicent; ut non modo pacem, sed etiam felicitatem ac vitam ipsam tibi debeant. Jam satis superque adeptus es auctoritatis, potentiae, dignitatis, tuis in rempublicam meritis; & hac novissima pace invidiam omnem supergressus, calumniae ipsius os obturasti. Amor nunc publicus & benevolentia populorum erga te ac tuos tibi comparanda est. Hanc porro levi negotio consequere. Neque enim ingentia largiendo, sed modicum exigendo, hic amor acquiritur. Et hanc quidem publicorum onerum relevationem tamquam debitum quoddam jure possent exigere, quippe quae toties sibi promissa atque in pacis tempus dilata sit. Verum si eam ipsis a Rege Christianissimo impetraveris, id quod facile potes, summi muneris loco ducent; eoque nomine se tibi in perpetuum devinctos esse, plusque uni tibi, quam reliquis superiorum Regum Ministris Franciam debere profitebuntur.



HADRIANI VALESII

MILITIS, DOMINI DE LA MARE

O R A T I O

DE LAUDIBUS

LUDOVICI ADEODATI.

HADRIANI VALESII,

ORATIO

De Laudibus

LUDOVICI ADEODATI

REGIS CHRISTIANISSIMI

Quod ejus munificentia Litterae sunt
restitutae.

habita anno 1664.

SAEPE quidem de Laudibus LUDOVICI ADEODATI Regis Christianissimi scribere volui; saepe conatus sum: sed me haec tenus ingentis argumenti contemplatio deterruit. Dicturos ut exigua destituit, sic obruit immensa materia: praesertim si (qualem esse me sentio) nulla arte, nullis eloquentiae viribus freti ad dicendum accedant. Ipsa rerum ac cogitationum tumultuario se ingerentium, & aliarum alias trudentium impedit multitudo: quae, priusquam inhaerere digerique possint, subito animum transvolant, nec ullum sui vestigium relinquunt. Laesae autem majestatis quoddam paene crimen est, summi Principis laudes orationis vitiis ac ingenii culpa deterere. Quod adeo timuit Caesar Augustus, ut de se quidquam nisi a praestantissimis componi minime pateretur. Quid igitur faciam? an beneficia Regis tacitus feram, & tamquam debitum laboribus ac lucubrationibus meis munus accipiam? praestat indifertum quam ingratum videri: & quia LUDOVICUS ADEODATUS a nemine etiam eloquentissimo pro magnitudine sua dici potest, non ideo debet ab omnibus prae desperatione quadam indictus praeteriri. In magnis satis est vel tentavisse. Sufficit, etiamsi non successerit ipse conatus: & quidquid verbis deest, propositum consilium-
que

que compensat. Meretur non ex toto displicere, qui primus omnium aut saltem inter primos officio suo defungi, & qualicumque oratione, at devoto certe animo, Christianissimum Regem pro viribus narrare festinat.

Solent plerique, Principum, quos laudandos susceperunt, genus, omnes corporis animique virtutes, res omnes gestas attingere. Hoc si sequar exemplum, non Oratoris partes implebo, sed Historici: immo verone Historici quidem, in artum cogendo quae multorum voluminum instar exigunt. Sin unum aliquid e plurimis seligere voluero, difficillimam mihi electionem faciet aequalitas aut magnitudo singulorum. Hinc nobilitas inclytæ domus occurret, apud Francos per annos fere octingentos jam inde ab Odone regnantis: quae Lusitaniae, Neapolis, Siciliae, Pannoniae, Dalmatiae, Bulgariae, Sarmatiae Regna, atque ipsius Graeciae Imperium consecuta, & omnium, quae nunc ubique dominantur, familiarum vetustatem claritatemque longo intervallo supergressa est. Inde oculos detinebit proceritas eximia, forma digna veneratione, digna orbis imperio; qualis cunctis Regibus optatur, contigit paucissimis: gravitas amplitudini personae conveniens, ad excipienda adeuntium desideria humanitate temperata; majestas oris, spectantibus advenis statim Principem prodens vel invitum; robustum corpus, militare exercitacionum, decursionumque patiens, ad equitandum agile, in venando alacre & indefessum. Jam animus Regionum onerum perferens, publicorum negotiorum quorumlibet capax; igneus vigor mentis, tantam sustinens molem, nec umquam deficiens curisve succumbens; sublimitas semper magnum aliquid agens aut meditans, qua lingua, quove ore celebretur? res vero ductu imperioque LUDOVICI in Hispania, in Belgio, in Germania, Italiaque eodem tempore gestae, quae quibus anteferentur? Arma Imperatori Ferdinando quinquennio, Philippo Hispanorum Regi continuis quindecim annis illata; tot expugnationes urbium, tot nostrorum victoriae quot proelia, & assidue vincendi quaedam veluti consuetudo, ne civilibus quidem tumultibus interrupta; utrumque bellum diversis temporibus, sed simili ratione, pari felicitate compositum, cedente Alesatia imperatore; Rege Hispaniae cum regionibus aliquot nobilissimam ac formosissimam filiam suam Mariam Tarasiam, quae una multis provinciis anteponebatur, Christianissimo Regi in matrimonium tradente: injuriae duorum Legatorum, alterius in Insula Britannia ab Hispanis, alterius Romae a Corsis contumeliose violatorum non segniter latae; & quod numquam futurum putabatur, Philippo Regi Hispanorum non modo excusandi facti imposita necessitas, sed etiam

etiam legatos generi sui legatis suis in posterum ubique ex more praepo-
nendi publica expressa confessio: Romanus ad demississimam ac vix cre-
dibilem satisfactionem solo belli metu compulsus. An referam missa Im-
peratoris Leopoldo contra Turcos Pannoniam Daciamque vastantes for-
tissima auxilia? An commemorem Christianissimi Regis auspiciis, fortuna
atque consilio, tantam ab eis ad flumen Arrabonem relatam victoriam, ut
immanes hostes Christiani nominis, quos successus feroces insolentesque
reddiderat, aequas pacis conditiones reciperent? novissimum istud LU-
DOVICI quinquennium, ista pacis opera, ut recentia, sic oculis animis-
que nostris inserta, quanto egent & quanti Oratoris stilo? Clerici post
diuturnas annorum amplius viginti dissensiones ac lites, ad concordiam
auctoritate magis quam poena revocati: a singulari certamine severis edi-
ctis deterrita nobilitas: publicanorum fraudes ac rapinae punitae, & spo-
lia popularium adempta damnatis: promulgata non semel, quae in Impe-
ratoribus Romanis, sed admodum paucis, tantopere laudata olim, &
historiis ac publicis inscriptionibus marmorum nummorumque testata est,
indulgentia reliquorum; atque in levandis haud mediocri parte tributo-
rum populis crescens quotannis liberalitas Principis: in absolvenda Lupa-
tot operarum, tot architectorum sudans industria, ut tandem digna Do-
mino domus, digna Regum maximo aula reddatur: villae publicae si-
cuti Regiam magnificentiam decuit, singulae instructae, nonnullae etiam
multo quam antea laxiores factae atque cultiores: omnes ordines in com-
mercium Orientis, & ad conferendas pro facultate pecunias hortatu Regis
invitati, impulsu litteris, exemplo insuper illecti.

Haec tot & tanta, tam egregia, tam Regia, quae singula plures Histo-
riarum Scriptores fatigare, Oratores exercere, & justarum quaeque lau-
dationum amplissimam materiam praeberere possunt, aliis post me relinquo
memoranda: ut fulgentissimum LUDOVICI ADEODATI opus, a ne-
mine hactenus nisi perfunctorie & in transcurso celebratum, ac velut ex
industria mihi sepositum, mea nunc oratione narretur. Quod illud tan-
dem, quaeret aliquis? Liberalitas ab optimo Principe eminentibus nostrae
aetatis ingeniis semel atque iterum exhibita: cujus ut beneficii magnitudi-
nem totam quanta est quisque mente concipiat, sufficiet nuda relatio.
Sed operae pretium futurum puto, quo tum statu apud nos res Litteraria
esset, paucis prius exponere. Nam gravitate mali subjecta oculis om-
nium, remedii necessitas atque utilitas clarius & facilius elucebit.

Franciscus sicut animo Magnus ita cognomine, omnium ante se Regum nostrorum primus duodecim Mathematicae, Philosophiae, Medicinae, veterumque Linguarum Professoribus e fisco annua constituerat: atque amplitudine salarii in urbem Regiam invitatis non e Francia modo, sed etiam e Germania, Hispaniaque lectissimis Doctoribus, Litteras Hebraicas, Graecas, ac Latinas, atque omnes ingenuas artes in Regnum suum invexerat. Quippe ex eorum ludo innumeri quovis doctrinae genere praestantes exierunt. Sed diuturna Francisci atque Henrici bella cum Carolo Romanorum Imperatore, disciplinarum incrementis plurimum obstiterunt. Silent enim inter arma Litterae, & fidibus Camenarum terribili sono obstreperunt tubae. Spernitur bonus Orator; amatur horridus miles. Stilus gladio postponitur; calamus jaculo. Scutis pugillares, chartae atque membranae; telis ac lorice libri mutantur: pro atramento funditur sanguis: & ad id sponte quisque se confert, quod pluris fieri videt, & quod Reipublicae atque privatim sibi profuturum arbitratur. Secuta sunt bella civilia, quae omne propemodum bonarum artium lumen exstinxerunt, & jacentibus ac languentibus Musis spem fortunae melioris ademerunt. His malis medicata esset forsitan Henrici Magni ac Ludovici Justi bonitas: si alteri pax longior, alteri brevior cum gente Austriaca contentio; utrique diuturnior vita contigisset. Viderunt igitur avi nostri Antonium Muretum, at qua elegantia virum, qua eruditione! ingratae patriae valedicentem: ex Lemovice civem Romanum factum audierunt: in urbe mortuum sepultumque luxerunt. Viderunt tristissimum spectaculum, & inter ultima Franciae dedecora numerandum, Josephum Scaligerum emigrantem, ut (quod apud nos nequaquam potuerat) Lugduni Batavorum cum dignitate viveret: & tanto se ornamento spoliatos diu doluerunt. Viderunt parentes nostri Isaacum Casaubonum sollicitante Rege Jacobo in Britanniam navigantem. Vidimus ipsi Claudium Salmasium & Davidem Blondellum cum familia proficiscentes, & Bataviae coelum humidum ac palustre solum Patriae non sponte praeferentes. Vidimus complures eruditos viros, abjectis libris tamquam damnosis farcinis ac impedimentis; ad utiliora studia conversos. Pauculi totius antiquitatis & veterum linguarum peritissimi, fugientes e Francia Camenas utcumque morabantur, ac velut passis brachiis retinebant: nec dubitabant, nemine suboriente, qui sibi succederet, humaniores artes brevi secum apud nos, ac ubique etiam interituras: praesertim cum multo majorem in Hispania, in Italia atque Germania diuturnitate bellorum attritis, in tota denique Europa cladem

accepissent. Quis tum crederet aliquem derepente, quasi e machina tutelam Musarum suscepturum? quis tum speraret alicujus potentissimi Principis munificentia litteras resurrecturas, nec ab occasu modo sed etiam a sollicitudine vindicandas.

Intellexit LUDOVICUS ADEODATUS (quid enim ille non intelligat?) hanc sibi ab Avo, hanc a Patre gloriam esse servatam: & post redditam suis pacem, unum sibi ad laudem deesse patrocinium disciplinarum. Sensit regnum illitteratum & incultum, rus merum, meram Scythiam, meram esse Barbariam: Rempublicam sine Litteris, quibus semper eminuisset, florere non posse: nec Franciam viris doctis, nec doctos viros necessariis subsidiis destitui oportere. Plerosque eruditorum solis libris legendis aut componendis intentos, rei familiaris curam deponere, atque in tantum a quaerendis opibus abhorreere, ut ne de suis quidem bonis servandis cogitent: alios de victu cultuque sollicitos, qua ratione emergant, aut ingenium industriamque exserant non invenire: utrosque alieno auxilio valide indigere. An aequum esse, cum artifices viles & sordidi sua se quisque arte sustentent, nonnumquam etiam ad maximas pecunias veniant; artes liberales famae ac immortalitatis conciliatrices solis suis cultoribus damno esse atque detrimento? An pati se posse, sordere litteras, quarum ope cetera cuncta ornentur ac niteant? jacere studia, per quae universa amplificata consurgant? in obscuro latere, quibus omnia illustrari consueverint? an denique se neglecturum, quae Majores sui privilegiis ac praemiis honoraverunt? ut quandoque possit ipsi imputare posteritas ignorantiam suam & scientiarum interitum. Conferendam igitur esse eruditis, qua maxime opus habeant, & sine qua vix quidquam valeant extundere, securitatem. His causis LUDOVICUS impulsus, viris doctrina praestantibus non Francis modo (quamquam eis praecipue) sed etiam externis consulere, & singulos ac universos, quotquot usquam liberalitate sua digni essent, nosse constituit. Rem diu multumque agitatam in animo, & alto consilio conceptam aperit Colberto: quem propter eximiam prudentiam, virtutem ac fidem, & ob altitudinem ingenii vigoremque animi singularem, laboriosum & exsomnem Regalium onerum adiutorem habet, omnium consiliorum suorum participem ac ministrum, bonorum propositorum acerrimum exsecutorem. Ille, laudato plurimum Principis consilio, ut est litteris demerendis genitus, & alter Augusti nostri sed citra molli-
tiem luxumque Maecenas, sponte negotium suscipit, & cuncta sibi curae fore pollicetur: moxque Burzaeo Chorae Abbate ac Capellano, viris do-

strina & virtute praecipuis ad se vocatis; Rex (inquit) pro solita magnitudine cogitationum suarum, & pro innata ipsi bonitate doctis per Europam sparsis munificentiam exhibere decrevit. Tros, Rutulusve fuit, nullo discrimine habebit. Sed agendus est ingeniorum delectus, & danda opera, ne beneficia Principis male collocentur. Ut estis eruditi & in judicio litterarum versati, vestri similium notitiam habere vos credo. Curate ut per vos mihi omnes innotescant. Spero vos acturos bona fide: nec gratiae aut commendationi quidquam daturus, nec odiis (si quos tamen odistis) indulturos. Ambo mandatum diligenter exsequuntur, & cunctorum quos fama aut scriptis bene noverant, nomina in charta perscribunt. Discit ex eis Colbertus, quantum satis erat, nomen, patriam, opera, viresque singulorum, & chartam ad Principem defert: legit nomina singillatim Scriptorum illustrium; proprias uniuscujusque dotes; quid quisque & quo successu ediderit; quid a quoque expectari possit ac debeat, breviter & ordine exponit. Rex sereno vultu & avidis auribus loquentem audit, nonnulla etiam percunctatur, & propter fidem sapientiamque commendantis, habet commendatorum rationem. Hi fratres sunt, quorum alter Historiam Ecclesiasticam, alter Res Francicas laborioso opere illustrat. Ambo donabuntur: isti Philosophia excellunt; eminent isti Mathematica, Franci, Belgae, Batavi, Germani, Itali: horum inter Poëtas Latinos nomen est celebre: hi elegantissima carmina patria lingua componunt. Nemo ex hoc numero mihi non donatus abeat. Illos Graecae ac Latinae antiquitatis, omniumque gentium historiae notitia, commendat: illos eloquentia, & rerum nostrarum externarumque scientia clarissimos reddit. Et illi praemium consequantur. Paucorum nominibus expunctis, nonnullorum etiam additis, quantum cuique tribuere vellet Princeps edocuit, & Colberto largitionis onus curamque delegavit. Ille quanti lecta ingenia faceret, quam libenter jussa exsequeretur, erogationis celeritate patefecit. Continuo beneficia LUDOVICI sparsa per urbem Regiam Luteciam Parisiorum, sparsa per latissimum Francorum regnum, sparsa per nobiliores Europae vrbes atque regiones. Ferunt Jovem quondam in imbrem aureum esse conversum: sed ut aereum thalamum Danaës expugnaret, ac corrumperet virginem. LUDOVICUS non jam in unam turrim unumve hypogeum, sed in Gallias, in Germaniam, in Italiam aliasque Europae partes uno eodemque tempore plenis manibus, aut verius plenis fassis aurum effudit: non ut cuiquam injuriam faceret, (quod in optimum & aequissimum Regem cadere non potest) sed ut de bonis artibus beneficentia sua bene mereretur,

tur, & homines doctos, ubicumque essent, tanta liberalitate redderet ad studendum scribendumque prouiores.

Quis mente concipiat, quis aut quibus exprimat verbis gaudia exultationemque, ac vota singulorum, praesertim externorum? quos tam nova & incredibilis, tam insperata munificentia LUDOVICI velut imparatos ac inopinantes oppressit: quos in remotissimis locis nihil tale exspectantes sacrum donativum invenit: & quorum sinus quasi de coelo delapsum munus implevit. Quidam post lectas litteras, quae a Colberto Regis nomine ad ipsum erant scriptae, vix credidit oculis suis: haesit aliquamdiu, & de felicitate sua dubitare non ante desiit, quam a mensario aureos super mensam effusos adspexit. Quibusdam lacrimae laetitia elictae. Nonnullis allato nuntio res somnio similis videri: irasci etiam ultro tabellario, & satisne sanus esset, qui tam proterve se ludibrio haberet, percunctari: nec, nisi numerata pecunia, fides incredulis facta. Alius, (ut audio) nummularium fortuita aliqua similitudine nominis deceptum putavit. Unde enim se hominem externum & alienigenam tanto Principi notum esse, aut cuius commendatione amplissimum praemium consequi potuisse? alius perlecta epistola, ac visis nummis, elatus gaudio ac vix compos sui, quasi praesenti Regi acclamavit: LUDOVICÉ ADEODATE, Deus te servet: Rex optime, Deus te servet. SAEPE FACIAS; saepissime facias; diutissime facias. Sic enim & diuturnam me tibi vitam precari existimo, & studiis nostris duraturam felicitatem. Longum esset ire per singulos. Diversi quidem fuere pro ingeniorum diversitate sensus ac motus animorum: una tamen omnium vox, una ubique mens omnium fuit, cum conjugibus & liberis LUDOVICI benignitatem laudantium, admirantium: una omnium acclamatio, LUDOVICO laeta precantium, tollentium ac paene coelo inferentium manus. Erubuerunt, credo, Reges ipsi & Principes, quorum in finibus haec gesta sunt, exultantium vocibus excitati, admoneri se officii sui. Existimarunt liberalitate ac cura LUDOVICI tacite exprobrari sibi parcimoniam, incuriamque litterarum. Puduit eos, homines ditionis suae LUDOVICO cariores ac notiores esse quam sibi: & scriptores illustres externi Regis munificentia foveri, quorum domi fuisset nomen obscurum, neglecta virtus, convenientibus ornamentis ac testimoniis destituta doctrina.

Quid vidit Graecia, quid habet Historia Romana, quid continent Rerum Francicarum, ceterarumque Gentium veteres Annales & novi, quod cum tanta & tam singulari LUDOVICI beneficentia comparari possit?

utar illustribus ac Regiis exemplis. Nec enim decet aut convenit, tantum Regem cum aliis, quam cum Regibus Imperatoribusque conferri. Nam Regum ut multo majores sunt opes, quam privatorum; ita, quotiescunque libuerit, esse potest liberalitas effusior. Alexandro Magno gratus fuisse dicitur Cherilus, Poëta humillimi spiritus, & incultis versibus plurimos Philippos aureos acceptos retulisse. Idem Princeps Agim Argivum pessimorum carminum scriptorem, & Cleonem Siculum, naturae ac gentis vitio assentatorem, aliosque in comitatu suo habebat: & Graeculos, qui professionem honestarum artium malis moribus atque adulatione corruperant, propinquis etiam maximorumque exercituum ducibus praeferebat. Sed Rex ille prodigus magis quam liberalis fuit, qui ridicula poëmata caremeret, & saepius indignis magna largiretur. Quanto sapientior Alexandro LUDOVICUS, qui florem hominum legit, virtute simul & omni doctrinae genere eminentium, ut non nisi spectatis sibi & de litteris bene meritis se munificum praestet? Menander Atheniensis, novae Comoediae auctor, a Ptolemaeo Lagi filio atque Cassandro Regibus Aegypti & Macedoniae classe ac per legatos est petitus. Asclepiades Prusensis, Medicus novae sectae conditor, Mithridatis maximi sua aetate Regum legatione & pollicitationibus sollicitatus, ex urbe Roma ei praecepta pro se misit. LUDOVICUS non jam externum Comicum aut Medicum unum, sed quidquid ubique est Doctorum hominum & scriptorum illustrium, ultro in Regnum suum non promissis, sed muneribus, non verbis sed rebus invitat. Laudavere plerique Imperatoris Caesaris Augusti, Divi filii beneficentiam, atque in habendo Auctorum delectu judicium singulare: & merito laudavere. Quippe & Publium Virgilium Maronem principem carminum, & Lucium Varium praeclarissimum Poëtam amplissimis praemiis; Horatium Flaccum Latiae lyrae fidicinem una & altera liberalitate locupletavit: Marco Vitruvio Pollioni ea commoda tribuit, ut ad exitum vitae inopiam non timeret. Laudata est quoque, ut mira & eximia in Principe alioquin pecuniae cupido, Imperatoris Vespasiani Augusti munificentia: quod praestantes Poëtas coëmisset, & in primis quingenta sestertia Salejo Basso, egregio quidem at tenui vati donavisset. Haec quota pars clarissimorum scriptorum, cum Francorum, tum externorum, quibus LUDOVICUS congiarium nec opinantibus semel atque iterum dedit? Jam ut ad nostros veniam, Carolus Magnus, qui primus ad Francos Imperium Romanum transtulit, Clementem natum in Hibernia Scotorum insula, Paulum Grammaticum & Historicum, Diaconum Forojuliensem; Alcuinum Dia-

Diaconum ex insula Britannia, omnium Anglorum & Saxonum transmarinorum post Aldelmum Bedamque doctissimum, Rhetoricae, Dialecticae, & Astronomiae peritissimum; Theodulfum Langobardum Poëtam; Eginardum Francum cognomine Sapientem, Notarium suum, aliosque pro captu temporum eruditos humanissime excepit, benignissime fovit, liberalissime provexit: quem imitatus Carolus ipsius nepos, Francorum Rex, ac postea etiam Imperator, ex Graecia, ex Hibernia quoque Philosophiae Professores, in his Johannem Scotum in Franciam maximis praemiis comiter invitavit. Ambo memoria & laude dignissimi Principes: qui dedere operam, ut Litterae dudum apud Francos mortuae reviviscerent. Sed quinque aut sex eruditi an cum tot Francis & exteris, nuper LUDOVICI indulgentiam (a) doctrina meritis conferentur? Ludovico Francorum Regi, Ludovici Aurelianensium Ducis nepoti, cordi & curae fuere viri docti, Claudius Sesselius & Johannes Altonius Regius Historicus, Franci; Janus Lascaris & Demetrius Graeci; Itali Hieronymus Aleander, Michaël Rittius Neapolitanus, Paulus Aemilius Veronensis. Verum ille pauca in pauculos erogavit; multa Princeps noster in plurimos. Denique Franciscus imitatus Imperatores Romanos, qui Graecis & Latinis Rhetoribus atque Grammaticis per claras imperii urbes e fisco salaria jam inde a Flavio Vespasiano Augusto tribuerunt, duodecim Professoribus Luteciae annua constituit. LUDOVICUS non jam in duodecim tantum liberalium artium doctores modicam summam pecuniae, sed in omnes quotquot usquam sunt doctrina & scriptis illustres, librarum millia contulit amplius centum & viginti: dare paratus & plura, si plures in Europa Regiis praemiis dignos invenisset aut nosset.

Talem igitur ac tantam, tam longe lateque diffusam LUDOVICI largitionem quae Oratio possit exprimere? quae vis eloquentiae possit verbis aequare, quam nemo antea Regum, nemo hactenus Imperatorum factis aequavit? Tagum & Padum, Hebrum atque Pactolum auriferos amnes appellitant: aiuntque absoluti auri ramenta secum evolvere. Sed Tagus quidem regionem aliquam Hispaniarum alluit; Padus partem Italiae: Hebrus campos Thraciae tantummodo secatur: Lydiam solam nec totam Pactolus pererrat. At LUDOVICI liberalitas tanquam aureum flumen e Luparâ profluens, primum flexuosis recursibus irrigavit Luteciam: inde per tractum omnem Galliarum iit vaga atque dispersa: superfudit se Italiae, ac totam Germaniam usque ad confinia Sarmatiae, ceterasque regiones leniter inun-

(a) Deest aliquid, & forte supplendum, *Ludovici indulgentiam expertis doctrina & meritis conferentur.*

inundavit recreavitque: ut arida atque sitientia litterarum latifundia, frugifera redderet atque fecunda. Certe jam laetior Musarum facies, Parnasusque celebrior: Jam ubique e veteribus membranis & chartis pulvis excutitur. Jam incipiunt, quae dudum refrixerant algebantque, praela fervere. Jam quae interrupta fuerant aut relicta opera repetuntur ac consummantur; nova suscipiuntur: alios aemulatio accendit: alios excitant praemia: multos spes praemiorum impellit. Certatim eruditi, pro se quisque in libros incumbunt. Certatim convenientem quisque professioni suae materiam quaerunt, in qua se exercent, & aliqua dent ingenii experimenta atque doctrinae: nemo ut dubitare debeat, quin studia brevi in summum claritatis fastigium sint adscensura.

Solet donis gratiam conciliare ratio ipsa donandi. LUDOVICUS omnium doctorum vota, spes, expectationem subita erogatione praevenit. Non passus est a se peti, quod erat ultro ac sponte daturus. Rogari se noluit, ne cujusquam verecundiam pudoremque fatigaret. O mirum liberalitatis ingenium! cum ceteri, quod polliciti sunt, tarde praestare consueverint: Rex optimus cito ac velut de improvviso praestitit, quod ne promiserat quidem. Parum ei visum est popularium securitati consulere: quod ipsum tamen maximum erat atque praeclarissimum: nisi & exteris simul se munificum exhiberet. Intellexit nimirum, nullum gentium atque nationum faciendum esse discrimen. Regna mari, montibus, atque fluminibus, non ingenia terminari: non patria, non regione, sed sui quemque animi dotibus debere censer: virtutem etiam in hoste laudandam ac tuendam: doctum ex omnibus solum, quemadmodum ait Theophrastus, in omni civitate civem, neque umquam in alienis locis peregrinum esse: alienigenas, qui aliquo doctrinae genere praecellerent, haudquaquam pro alienis, verum pro domesticis haberi oportere: quidquid liberalibus studiis eminens, quidquid compositis voluminibus clarum, quidquid eloquentia esset eximium, suum esse. Vidimus itaque, quod numquam hactenus, nusquam gentium hactenus factum audivimus aut legimus: vidimus, inquam, quod ipsi non speraverant ac ne cogitaverant quidem sibi posse contingere; externos nobiscum ex aequo in Regii beneficii conformationem admissos: ut qui se LUDOVICO ignotos existimaverant, ei se notissimos, spectatissimos acceptissimosque esse, ac res suas ad curam ejus pertinere experirentur, admirarentur: LUDOVICUS Francia contineri non potuit: amplissimi Regni fines munificentia transiit: ne ex viris ejusdem professionis ac meriti alios judicio suo exornavisse, alios neglexisse

videretur. Princeps maxime gaudens proventu studiorum optimarumque artium, omnes ubique eruditos paterna cura complexus est: inter omnes ubique eruditos munera dispensavit: ut etiam ad quos ejus imperia & edicta non pertinent, benignitas perveniret. Mos est Principibus, in homines indignos, in frivola ac cito peritura pecunias vana opum ostentatione conferre: aut beneficia sua malis conditionibus ac molestorum onerum impositione corrumpere. LUDOVICUS quod viris doctissimis & de optimis artibus optime meritis dabat, quod in litterarum utilitatem impendebat, imputavit nemini; nihil a quoquam invicem exegit: ut esset omni ex parte gratuita & accipientibus grata largitio. A nemine gratias sibi agi voluit, a nemine laudari: nec sine causa. Quid enim ejus magnitudini cujusquam oratio possit adjicere? nostris non indiget laudibus: nulla extra se, nulla aliunde arcessita, nulla conductâ ornamenta desiderat. Suis bonis, sua gloria, fama nominis sui, majestate sua, claritate operum suorum semper & ubique circumfulgente contentus est. Sufficit ipsi, quoties beneficium confert, facti sui tacita conscientia. Unum hoc tantummodo a nobis exspectat, ut impigre studeamus, & quae cuique nostrum obigit, spartam non deferamus: ne ejus de nobis judicia desidia dedecorare, neu obrectatorum sermonibus locum dare videamur.

Nullum enim est fere vel Clarissimorum Principum factum, quantumlibet illustre, quod ex aequo omnibus placeat, & quod maledicorum invidorumque linguis non aliquando deteratur: sed praesertim in erogatione praemiorum perquam raro accidit, ut cunctis satisfaceret. Hinc cum LUDOVICUS ubique inclytus & communis bonarum artium litterarumque Parens habeatur: nihilo tamen minus sunt, qui ab eo se praeteritos, & inferiores sibi praelatos doleant. Iniqui homines: ne quid gravius dicam. An ipsis de se credemus? quotusquisque de se, de aliis bene, sane ac sincere judicat? quotusquisque non plus justo aliis detrahit, plus justo sibi tribuit ac defert, plus justo sibi deberi arbitratur? quis cuiquam ingenio aut doctrina vult cedere? exhauriendum esset opulentissimi Principis aerarium, si quotquot ejus indulgentiam mereri se existimant, donari oporteret. Quicumque igitur sunt praeteriti, si nondum noti sunt Regi, infelicitatem suam negligentiae suae desidiaequae assignent: ab se praesidium petant; dent operam ut auxiliis scientiae ad commendationem perveniant, doctisque ac laboriosis voluminibus notitiam consequantur. Si jam noti sunt & Regi, contentur scriptis magis inclarescere, ac fieri notiores: putent se nondum meruisse quod cupiunt: & interim sacro ac vene-

rando de se judicio Principis adquiescant. Si quis tamen & notus, & Regio munere dignus, est praeteritus, intelligat nihil esse liberalitate liberius: licere non Regibus modo, sed etiam privatis, de suo largiri quibus velint aut negare; nec ullam ei injuriam fieri, cui nihil sit datum: beneficia pro debitis exigi non solere, non decere. Iniquiores multo habendi, qui minore summa donati, aiunt singulos ac universos aequari & par munus ferre debuisse. Quippe sunt certi quidam, ut bonarum artium, ita & eruditorum, gradus atque ordines, alii aliis superiores. An qui Poëtica floret, se jure merito parem censebit eloquentissimo Oratori? an Grammaticus aut Criticus cum illustri Historico vel cum Philosopho nobili conferetur? ne ipsi quidem ejusdem professionis homines, inter se sunt aequales. An Epigrammatarius melico Poëtae, an Comicus Tragico, an qui elegias, odasve componit Poëmatis epici scriptori potest comparari? quis ergo non videt, quorum diversa sunt studia, ac merita, diversa esse praemia oportere? qui autem adaequatos sibi inferiores, aut etiam plura quam se consecutos, mussitant: sciant potius aequissimi Principis, & bonorum, sapientium ac eruditorum virorum quam suum de ipsis ac de aliis sequendum esse judicium: atque etiam si vera sentirent, nullius felicitati invideri oportere: insolentis esse animi & quolibet beneficio indigni, superiores & pares, seu alienae munificentiae participes ferre non posse: donum Regium non pondere sed magnitudine donantis aestimari debere: si non summa, certe honore praemii & testimonii regalis omnes inter se aequatos esse: qui honos quantislibet thesauris anteponendus sit. Quare nec qui majora accepit, inolescere aut se anteferre ceteris debet: nec qui minora adeptus est, aegre ferre, aut in posterum si merebitur, de congiarii sui augmento desperare. Itaque cessant querelae, & universi, cum donati, tum etiam praeteriti, uti decet, una voce in laudes praeclarissimi LUDOVICI facti consentiant: quod nec argui citra impietatem potest; nec a quoquam pro merito celebrari.

REX Regum omnium maxime, omnium optime, (liceat enim mihi te quasi praesentem alloqui, cui absenti gratias agere non possum) in te nunc oculos tota Europa convertit. Regnum armis auxisti, emendasti legibus, pace consiliisque firmasti: finitimos Reges ac Principes habes aut amicitia conjunctos tibi, aut fama tua & armorum terrore submissos. Fecisti juvenis, quae vix a senes perfecta credi possint. Tamen (pace dicam tua) inter tot & tanta opera, nihil majus reperio, nihil excelsius & magnificentius generali tuo illo & nullis circumscripto terminis patrocinio Camenarum.

rum. Te populares, te exteri omnes scriptis & doctrina clari unum ultro Patronum agnoscunt: te unum atque unicum parentem fautoremque liberalium disciplinarum venerantur & colunt: summis se tibi beneficiis devinctos, se in clientela tua esse, publice profitentur, & sub tutela Regiae benignitatis adquiescunt. Ceteris orbis Christiani Principibus ac Regibus aut diuturnitate bellorum & defectione provinciarum exhaustum aerarium, imminuta potentia: aut angusti fines, opes exiguae: ita ut, etiamsi forsitan non alieni sint a litteris, aliorum tamen studia promovere non valeant: &, quamvis bonas artes fovendi animum habeant, non habeant facultatem. Tibi amorem linguae Latinae, Historiae, omnisque doctrinae natura insevit, auxit educatio. Tibi Regnum totius Europae florentissimum, potentissimum, opulentissimum; tibi maxima omnia in flore aetatis & rerum dedit Deus, ut consulere litteris velles simul & posses, atque etiam quantum velles posses. Hujus facti decus uni tibi reservatum. Constanter asserere tibi quam suscepisti scientiarum tutelam. Gloriosum quidem est, bene coepisse: sed in coepto perseverare, gloriosius. Consumma quod inchoasti. Tribue litteris, qua praecipue nituntur, & sine qua stare nequeunt, perpetuam etiam inter arma securitatem. Inter amplissimas tuas cogitationes atque consilia, quibus cotidie nomen Francicum super ceteras Europae gentes extollis: inter quantaslibet occupationes, semper locum haud ultimum teneat animo inhaerens tuo cura Litterarum. Numquam studiis meritum a te testimonium negetur, numquam desit tuus favor ingeniis. Non erunt ingratae Musae, Gratiarum sorores. Non erunt immemores, Mnemosynes filiae. Si tibi numquam exciderint, semper recordabuntur & tui vel inviti. Nomen tuum, res tuae, tametsi id non optas, omnibus legentur in libris. Una erit universis scriptoribus amplissima materia LUDOVICUS. Viri doctrina ac eruditione spectati, tuis auspiciis cuncta ingenii quisque sui monumenta component; cuncta vulgabunt. Quo nomine in ipsis etiam posteros haud mediocriter demereberis. Habebunt enim (ut spero) multa Reipublicae litterariae utilia, quae debitori sunt tibi, & quibus erant sine tuo subsidio & munificentia carituri. Tibi quidem tuorum commercia & cursus longarum navigationum totas opes Orientis invehent: tibi bella & pugnae excelsissimas victorias conciliare poterunt ac celebres triumphos. At litterae hisce omnibus longe anteponendae, pro gratia meritis tibi laudes referent: dabunt tibi, quo nihil majus dari homini ab hominibus potest, honorem etiam post fata victurum, gloriam immortalem.

CHRISTIANISSIMUM REGEM LUDOVICUM ADEODATUM

In Victoriâ ejus Mauricam & Turcicam,

O D E.

O MAGNE magnis Rex fate Regibus,

Nondum quietis tempus & otii

Fecere Divi: nec tuorum

Meta tibi posita est laborum.

Post tot triumphos ac tot adores,

Germana quas & vidit & Itala

Tellus, Iberorumque norunt

Oppida, finitimique Belgae:

Istud tropaeis decrat adhuc tuis,

Ut Maurus atrox, Turcus & insolens,

Terraque devicti marique,

Francigenum caderent sub armis.

Huc usque gentes Marte subegeras,

Europa vasto quas tegit ambitu.

Nunc Afra te tellus, potentis

Atque Asiae Dominus tremiscunt.

Aflueta Maurorum agmina noxium

Inferre nostris littoribus pedem,

Jam castra, jam portus tuentur

Ipsa suos, veniamque poscunt.

Turcos nec impar exagitat metus,
 Sensere postquam magnanimos Duces,
 Lectasque Francorum catervas
 Teutonicis sociasse castra.

Res mira cunctam transgreditur fidem.
 Vix in patentis Pannoniae solum
 Venere Franci: mox triumphum
 Hostibus e domitis reportant.

Factum obstupefcit turbidus Arabo
 Tam forte. Paucis innumerabiles
 Dant terga Turci, seque in altum
 Praecipites jaculantur amnem.

Non hoc equestres, non peditum globi
 Fecere; quamvis nec vigor igneus,
 Doctrina castrensis nec artis,
 Militibus Ducibusque defint.

Fortuna magni Principis id gerit,
 Et nomen hostes obruere efficax,
 Haec fata nascenti tibi ipse
 Rex Superum, LUDOVICE, fixit:

Sternas ut omnes protinus obvios:
 Praefensque & absens insuperabilis,
 Ceu Caesar, Alcidesque, toto
 Orbe potens statuas tropaea.

Te Liberatorem & Solyma & Tyrus,
 Omnisque dudum jam regio expetit,
 Quae prima nascentem videre
 Et meruit retinere Christum.

Eritne tempus, cum LUDOVIX pius
 Invieta ducens agmina militum,
 Byzantis arces & superbos
 Destruet Otmanidum Tyrannos?

Exinde Victor celsa Davidicae
Intrabit urbis moenia, & inclytum,
Supplex adorabit sepulcrum,
Unde hominum nova vita fulsit.

Huc usque nostrae tempora proroget
Suprema vitae terrigenum parens.
Tum faxo, nec Flaccus canentem
Me, neque Pindarus ipse vincat.

HENRICUS VALESIUS.

an. 1664.



HADRIANI VALESII

CARMINA NONNULLA

quae in editis desiderantur.

MONSIEUR.

Voicy, comme je vous l'ay promis, le Manuscrit du Voyage de mon Ami, contenant deux cents six pages in Quarto de mon écriture: je souhaite fort qu'il soit de votre goust: & d'un bon débit. Je feray un petit avis au Lecteur en votre nom pour mettre à la tete, aussi bien qu'un Latin pour mettre à la tete de notre in Quarto Latin, qui sera de même en votre nom; &, des que ces deux Pieces seront faites, j'auray l'honneur de vous les envoyer; afin que vous n'attendiez plus après rien pour l'un & l'autre de ces livres. Je vous prieray tres humblement au reste de ne point dire, de qui vous tenez ce Manuscrit de Voyages: parceque Mess. les fils du Voyageur avoient resolu de le garder pour leur famille, & de ne le point mettre au jour. Or je ne veux pas qu'ils sachent, que ce soit moy, qui vous l'ait envoyé. Je ne l'ay fait que dans la vuë de vous faire plaisir; premierement à vous; & ensuite au Public: mais je ne veux point les chagriner; par ce que ce sont des gens de beaucoup de merite, & que j'estime fort. Après tout, quand le livre sera imprimé, je ne doute pas qu'ils ne soient les premiers à approuver ce que nous aurons fait, puisque les productions d'esprit ne sont pas faites pour estre ensevelies sous le boisseau.

Voicy aussi, Monsieur, quelques Pieces de Vers Latins de feu mon Pere, à ajouter à ses autres Poësies imprimées. Ces nouvelles Pieces font dix pages in Quarto de mon écriture; j'ay marqué à quel endroit chaque Piece doit estre placée. Cela grossira les Poësies & formera un tres bon Recueil & plus complet que ce qui avoit paru en 1694.

J'attends de vous encore, Monsieur, une Reponse au sujet du Bayle en blanc, que je vous demande pour un de mes meilleurs Amis; en cas que vous puissiez, sans y estre lesé, luy en donner un tout rendu à Paris pour cent cinquante livres; comme j'eus l'honneur de vous le mander dans ma lettre du Mois de Fevrier. Je vais vous preparer une Edition nouvelle de Florus avec d'excellentes Notes Latines de feu mon Pere: ce sera un livre que je compte qui sera aussi d'un tres prompt debit pour tous les savans. Je suis avec tout l'attachement imaginable, Monsieur, votre tres humble & tres obeissant serviteur

à Paris ce 10
Avril 1724.

DE VALOIS.

ELE-

(a) ELEGIA PRIMA

Qua de duritie Dominae queritur.

Liber eram, formaque valens quid femina posset,
 Lustra ego securus jam tria transieram.
 Ridebam nostris cantatos Vatibus ignes,
 Et nondum notas parvulus illecebras.
 Unus amor puero libri mihi, sola voluptas:
 Unica Virginibus cura placere Novem.
 Hoc, memini, in votis, ut eodem vita tenore
 Curreret ad metam, quo prius isset, erat.
 Cum totum sibi me rapuit, studiisque revellit
 Occurrens oculis saepe Puella meis.
 Sic ego sum confors miserorum factus amantum,
 Nec potui tanti parte carere mali.
 Ah! potui; sed dirus Amor nil tale timentem
 Crudeli Melites subdidit imperio.
 Emittens telum, quod eos servabat in usus
 Vulnere gustavit pectus ut ille meum:
 Mox fremitus, jecorisque tremor discentis amare,
 Indicia accepti magna dedere Dei.
 Hinc nec opinanti sese suspiria promunt,
 Ut levet ardorem pectoris aura mei.
 Hinc spes atque metus subeunt ceduntque vicissim,
 Et numquam vacuâ mente solutus ago.
 Non studium plectri; non, quod fuit ante, legendi
 Durat adhuc. servant scrinia araneoli.
 Interea placidam depellit cura quietem
 Artubus, & noctu sic comes atra die.
 Sic ago, sic agitor, quoties mihi sidus iniquum
 Invidit Dominae lumina cara meae.

M

At

(a) Elegia haec ceteris Hadriani Valesii Elegiis est praefigenda pag. 15. & quae nunc prima est, Epicedion in Jac. Delandium, ordine secunda debet poni, & sic caeterae porro.

At quando Melite mihi se meus obtulit ignis,
 Ora vagus currit per calefacta rubor:
 Et caecum vulnus coram nudare parantis
 Siftitur insolito lingua repressa metu.
 Saepe pudore malo vox intercepta tenetur,
 Verbaque sollicito dimidiata cadunt.
 Cor salit, incertoque micans arteria pulsu
 In dubio positas res probat esse meas.
 Pupula se vellet, nequit at satiari tuendo,
 Cum vultu Melite pascor acerba tuo.
 Nonne vides, macies quae buxea prodit, amoris
 Argumenta mei? Dic age, nonne vides?
 Ah! timeo, ne visa neges crudelis, & illa,
 Quae nescire nequis, dedidicisse velis.
 Sit satis exhaustis languentem paene medullis
 Instar montanae delicuisse nivis.
 Desine nunc aures tandem obturare superbas:
 Desine spem ventis tradere dura meam.
 Abiice, quo gravius nihil est in virgine, factum:
 Cuique manus dedimus, tu quoque cede Deo.
 Hac tolerare tenus libuit licuitque dolores:
 Moribus est factum satque superque tuis.
 Quae teneras membris finxit Natura puellas,
 Haud molles animo noluit esse viris.
 Non tibi, quae miseros respectant Numina amantes,
 Imprecor, & duros, qualis es ipsa, Deos.
 Spe sed ut abscessa liceat quoque rumpere vincla,
 Opto, vel ut potius te meliore fruar.

(a) D E M E L I T E

O D E.

Pinge, Petroni, tibi visa saepe
 Ora formosae Melites, & artus:
 Ars ut absentem ratione certa
 Reddat amanti.

Quae vetant cerni Dominam, relinque.
 Absit ad summos stola ducta talos:
 Sint procul pallae. magis ut probetur,
 Nuda videnda est.

Qualis a pulcro Phryge pulcra visa
 Aemulas vicit Cytherêa Divas:
 Quae nec Anchisae placuit, priusquam
 Nuda pateret.

Impleat justae modulum figurae,
 Longior parvis, breviorque longis.
 Sicut est, rectis sit amussis instar
 Juncea membris.

Candidam, laevem, solidamque pinget.
 Florido in vultu roseum juventae
 Fulguret lumen. nec enim bis octo
 Transiit annos.

Pinge sufflavos nitidosque crines:
 Aurium lamnas teretes, & albas
 Pinnulas: nec non tenuis modestum
 Frontis honorem.

M 2

Pu.

(a) Haec ode inferenda est pag. 45. & numero prima praeponi debet isti, cui titulus est EROTAEAGNIA, quae secunda tunc erit; eamque sequi debet Epithalamium Atticae, quod hic edimus, ut oden tertiam constituat; hanc quarta, quae p. 46. in editis habetur sub titulo VIRGO ET VIDUA. Denique quinta & ultima his subjungenda, quae nunc in editis ordine prima scripta est ad Regem Ludovicum XIV. super obitu matris ejus Annae Austriacae.

Pupulis laetos oculos nigellis,
 Paullulum inflexas quoque pingere nares.
 At genis ejus niveis pudicum
 Adde ruborum.

Subditae buccae careant tumore.
 Inde formosum roseus labellum
 Fucus incrustet. Cruor hos draconis
 Aptus ad usus.

Ore sed quidquid premitur venusti,
 Haud dabit nobis tua dextra, Pictor.
 Non potest blaesae lita melle verba
 Reddere linguae.

Balsami supra lacrimas Eoi
 Halitus suaves nequit, atque gratos,
 Alma quis gaudet Venus & Cupido,
 Pingere risus.

Credo, nec reddet color ullus arsque
 Osculum linguâ tremulum receptâ:
 Quae suspecta petit a Corinna
 Naso jocosus.

Quid loquar candens ebur oris, utve
 Dentium duplex renitescat ordo?
 Dives insertis uti margaritis
 Linea fulget.

Non teres mentum lateat nec exstet.
 Recta consistat capitis columna,
 Molle, procerum, Ligurumque vincens
 Marmora collum.

Pinge nunc laeves humeros, Petroni,
 Atque certantes nivibus lacertos:
 Saepe quis nostro Melite pependit
 Candida collo.

Lilio dextram rosa juncta reddat,
 Reddat & laevam: digitosque longos
 Mallei spernens adamas: at aures
 Ornet Elenchus.

Pectoris summum decus universi
 Stent tegi palma faciles mamillae.
 Venulas passim veluti smaragdos
 Sparge virentes.

Hercle pinxisti graphice. Videre
 Uber intactae videor puellae,
 Quae virum, plenis nisi nubat annis,
 Pallida quaerit.

Perge: jam tangis medium tabellae:
 Perge. Nos ad se vocat umbilicus.
 Ille, lunatae velut umbo peltae,
 Protegat ima.

Mollis & plani mihi ventris aequor
 Ruga non scindat, vitietve naevus.
 Nam meae nondum gremium puellae
 Partus aravit.

Artis heic totos, bone vir, lepores
 Exhibe, & totas veneres colorum.
 Ah! tuus tangit male penicillus,
 Quod meus optat.

Jam femur latum, tenerum, tremente
 Mollius pluma trahat in se ocellos:
 Jusque tangendi propius pudoris
 Forma det illi.

Tibiae corpus modiceque turgens
 Sura sustentent: pedibusque longos
 Adde non longis digitos: in imo
 Define calce.

Vuluerat jam me miserum Tabella,
 Creber intentos oculos inani
 Pasco pictura: speciesque nuda
 Suscitatur ignem.

Res alit veras simulata curas
 Quaeque depicta est mihi nunc amica,
 Ut sui desiderium levaret,
 Illud adauget.

O mihi quantum Melite placeres!
 Ut meum praefens animum teneres!
 Cujus absentis vel amare muta
 Cogit imago.

EPITHALAMIUM ATTICAE cujus argumentum sumtum est ex his Sapphus

Παρθενία παρθενία ποῖ με λιποῖσα ὄχη;
 'Ουκέτι ἤξω πρὸς σε, ἐκέτι ἤξω.

Nova Nupta Virginitati Valedicit.

Euge, nunc cupido volens
 Pacta sponsaque conjugii
 In manum venio Viri.
 Aula jam facibus micat,
 Personatque Talassio.
 Exsta, Juno, favent aves.
 Euge: jam quoque Sol cadit.
 Grata jam mihi nox venit.
 Jam Torus genialis heic
 Stratus est. Vocor ô vocor
 Collocanda cubili.

Ergo

Ergo Virginitas vale.
 Cara Virginitas vale:
 Quinque per trieteridas
 Fida facta comes mihi.
 Sola fat cubui diu.
 Jam vir affiliet tibi.
 Cede. Fortior est enim.
 Lege non alia proco
 Casta Virgo solet dari.
 Lege non alia potest
 Mater esse, nec Uxor.

Novae Nuptae respondet Virginitas.

Méne deferis Attica?
 Méne sternere sub viro,
 Méne prodere, perfida,
 Méne congenitam tibi,
 Absque qua nihil es, velis?
 Velle te tua frons probat.
 Conjugis titulum para:
 Matris, i, titulum para.
 Maximo geminos emes.
 Ast ego fugio, neque
 Invocata redibo.

Nocte quos gemitus dabis?
 Teste quive lucernula
 Ejulatus erit tuus:
 Quando, vultur ut alitem,
 Ille te petulans premet?
 Tune mollior hoedulo
 Tune membra minacia
 Aut marem rigidum feres?
 En adest, properat gradum.
 Ast ego fugio, neque
 Invocata redibo.

Eadem Puellam jam divirginatam extremum adloquitur.

Nunc doles , uti dixeram.
 Nunc gemis. geme , quam voles:
 Virgo non eris amplius.
 Vulnus obstat enim recens ,
 Arte non medicabile ,
 Sponte passa quod es tuâ.
 Voxque jam tenuis minus ,
 Pectus & tumidum magis:
 Illa pars quoque laxior ,
 Unde pulsa dolo malo ,
 Non vocata redibo.

Ludus hic fuit & jocus:
 Tristior manet exitus.
 Postmodum venient dies ,
 Cum dolere caput tibi
 Atque lumina senties.
 Respuet stomachus cibos:
 Intus , intus erit malum ,
 Quale non tuleris prius.
 Tunc vocabor & expetar:
 Tota sed simul occidi ,
 Nec vocata redibo.

Languor ecquis erit tibi
 Ventre cum tumido gravis
 Et labans facies gradum ,
 Tarda , varica , flebilis ?
 Te puer digito volet
 Indicare sodalibus:
 Scrofa , cernitis ? ambulat.
 Crescet hoc onus interim.
 Tumque pallida taedio
 Me vocabis & expetes:
 Nec vocata redibo.

O quot inde vlulatibus
 O quot, Attica, nixibus,
 Morte fors etiam truci
 (Juno ni bona faverit)
 Matris & titulos leves
 Consequere puerperae?
 Ista conjugii mala
 Vota sunt tamen omnium
 Prima & ultima Virginum.
 Sed vale modo, si potes.
 Jam resolvor in auras.

(a) A D S E X T U M.

Nimium patere, Sexte, conjugem stupes
 Nova Nupta cum sit, & puella, nec parens:
 Stupere cessa. Quippe non modicus magis
 Potest tot esse vulpium cuniculus.

Ad Eundem.

Queris videri conjugem nimis laxam.
 Initu atque partu fossa facta de rima est.

De Gabba.

Misellus olim Gabba me deprenderat
 Pellice jacentem cum sua: uxorem vocat.
 Tunc ille, quid agis? hoc placet tibi? tuis
 Alius parari debuit nugis locus.
 Huic ipse: verum dicis: at Dipsas negat
 Alium patere posse nunc mihi locum.

N

Ad

(a) Haec sex Epigrammata inferenda sunt pag. 70. post Epigramma cujus titulus est, *de virgine praegnanie*.

Ad Amicos.

Nostrae cara cohors fodalitatis
 Dum pollet latus, integraeque vires;
 Vestris ludite quisque cum puellis.
 Nobis non datur esse tam beatis,
 Quis febris male contumacis aestus
 Indixit Veneris vacationes.

De Procula.

Polluerat Crassus Proculam, dum nuda puellae
 Inguina lascivis conterit articulis.
 Illa rubens dixit, quid te incepisse vetabat?
 MULTA INTER CALICEM SUMMAQUE LABRA CADUNT.

Ad Fabullam.

Quando posthabitis nobis ad vota, Fabulla,
 Festinas; voti haec sit quoque summa mei.
 Semper ut a molli nequidquam trita marito
 Semimarem plores praeposuisse viro.

(a) IN BAJULETI DOCTORUM
 De Univerfis Scriptoribus Judicia.

Quis hoc potest videre, quis potest pati,
 Nisi Litteris infestus ac scientiis,
 Ut ille Bajuletus, ille Bajulus,
 Ut paedagogus ille cum ferula truci,
 Obscurus, atque indoctus, at fidens sibi,
 Satyris malignis tentet inclarescere,

Nova

(a) Hoc Epigramma ad Catulli imitationem eleganter compositum inter edita ponendum est pag. 86. post illud, cui titulus est *Laus Lillii*. similis acrimoniae carmen in Bajuleti de Doctis Judicia est apud Menagium inter Ejus Poëmata Epigr. CLIX. pag. 156.

Nova atque vetera dente carpat livido,
 Et universum rodant auctorum genus?
 Ideone juvenis impudens & arrogans,
 Elatus animi vanitate & ingenti,
 Perambulabit omnium volumina,
 Ut se ipse faciat singulorum judicem,
 Criticumque, Censoremque, & unicum arbitrum?
 Severa Curia hoc videbis, & feres?
 Et hi libri legentur Urbe Regia?
 Et audet aliquis haec venena vendere?
 Adeste Musae. Vestra turbatur quies:
 Vestri clientes mille luduntur modis:
 Et insolenter aula vestra irrumpitur
 Ni fuscinis, aut fustibus hominem novum,
 Hominem profanum monte dejicitis sacro.

Hos Jambos jaculabatur HADRIANUS VALESIUS, Consiliarius
 & Historiographus Regius, Mense Septembri An. Dom. nostri
 1685. Aetatis suae LXXIX.

Quis te constituit judicem super nos?

Tertius e coelo cecidit Cato.

Contenti sumus hoc Catone.

F I N I S.



Page 1

Received of Mr. J. H. Smith

the sum of \$100.00

for the purchase of

land in the

County of

State of

This receipt is

valid for the

purpose of

the purchase of

land in the

County of

State of

This receipt is

valid for the

purpose of

the purchase of

land in the

County of

State of


This receipt is

valid for the

I N D E X

Rerum & Verborum.

A.

	Pag.		
 ctionum oratoriarum duo		Andronicus Rhodius inventor &	
diversa genera.	54	emendator scriptorum Aristotelis.	169, 170
Acratus Neronis libertus.	59	*Αντιλογισμοὶ quid?	88
Adrianus Caesar Criticae &		Antiquarii, librarii scribae.	226
Grammaticae studiosus.	178	Apameae urbes quatuor.	70
Aegimius Doriensium Rex.	37	—— Bithyniae colonia Roma-	
—— Poëma antiquum quibus		norum	ibid.
tributum.	38 & 39	—— conventus juridicus.	65
Aegyptiorum hymni ex VII vocali-		Aphraëta Rhodiorum naves.	59
bus.	5	Aphytis urbs Thraciae.	119
Aelianus Sophista quando vixerit.	122	Apium Nemeonicarum praemium.	
—— Tacticorum auctor diversus			50 & 223
ab Aeliano Sophista, qui de		Apollo Sminthius.	32
Animalibus & Histor. Var.		Apollonius Tyaneus Philosophus.	79
scripsit.	121 & seqq.	*Απορώσεις.	81
Aeschines Rhetoricam apud Rho-		*Απερτὸν.	104
dios docuit.	80	*Απεροβέλευτον.	75
*Αγῶνες Sophistarum commissiones.	91	*Απερτὸν, pugnam committere.	61
Ala militum.	17	Aquilae Romani Rhetoris liber de	
Alcibiadis stemma.	101 & seqq.	Figuris ex Alexandro Rheto-	
Alexander Rhetor, qui de figuris		re descriptus.	32
scripsit, diversus ab Alexan-		Archippus Philosophus ex Prusa ad	
dro Numenio.	32	Olympum oriundus.	48 & 49
—— Numenius quando vixerit.	ibid.	Aristoteles Criticorum princeps.	154
Amuleti genus ad medicinam ex su-		—— Homericæ Iliadis emen-	
perstitutione adhibitum.	5	dator.	155
Anaëtidis Dianæ templum in Ptole-		Arneïdes dies festi apud Athenien-	
maïde.	132	ses.	130
*Αναφωρῆσαι.	22	Artabri populi Lusitaniae. 97. & 229. &	
Aniani breviarium.	137	seq.	
Andromachus Grammaticus.	153	Artemidori aetas.	90
		Asterius Apronianus.	181
		*Ατῆ; Bacchi epithetum.	108
		O	Athe-

I N D E X.

Athenienſium juſjurandum *ἀμνηστία*. 41
 Atticus apud Hieronymum quis? 16
 Atticum & Aſiaticum dicendi genus
 quale. 160
 Auctor libri *ἡ ἐκπαιδείας* quis? 149 & 156
 Aurelius (Petrus) Theologus cum
 Sirmondo diſceptavit. 19 Or.

B.

Bailleti Judicia de viris doctis. 98. Or.
 Baſilius Magnus Theologus & Criti-
 cus. 173
 — abjudicatus ipſi libellus de
 Grammatica, & ſcripta ejus
 enumerata. 174
 — auctor Commentariorum
 in Eſaiam. ibid
 Baſſaeus Rufus praefectus Praetorio. 89 & 90
Βεβαίως. 8
 Boëthii ſcripta, quibus Ariſtote-
 lem & Platonem interpreta-
 tus eſt. 182
 — Commentarii in Topica Ci-
 ceronis. 183
 Boſporani Reges. 86
Βουλευτικὰ Senatorum. 74
 Braduas conſul. 88. 227
 Burzaeus. 75. Or.

C.

Caniculus vel Caliculus pro atra-
 mentario. 136
 Caniculi praefectus, quanta digni-
 tas. 136
 Callinus elegiographus Poëta. 116
 Capellanus. 75. Or.
 Capitula Caroli Magni. 137

Caprae pini & oleaſtri adpetentes. 51
 Caroli Magni favor erga viros do-
 ctos. 78. Or.
 Celer, Hadriano ab Epistoſis. 85
 Celſus, familiaris Luciani. 4
Cerebrum Jovis, de deliciis. 25. 221
Charetis promiſſa, proverbium. 109
 Charmadas, Carneadis diſcipulus. 33. 221
 Chriſtinae Suecorum Reginae laus. 183
 — ejus doctrina, amor in Li-
 teratos, & pacis ſtadium 6, 7 &
 ſeqq. Orat.
 — nummus aureus imagine
 ejus inſignitus. 11, 12 Or.
Χερσὶς de rebus pretioſis. 98
 Chryſoſtomus (Joannes) Theologus
 & Criticus, ejusque Commen-
 tarii in S. S. 174
 Ciceronis facultas Critica. 159
 Cius urbs poſtea Pruſias dicta. 50
 Civitatum duarum nemo civis eſſe
 poterat Jure Romano, niſi ex
 Principis reſcripto. 71 & 72
 Colbertus. 75 Or.
 Commentarii & ſcholia quid differant. 185
 Commentatoris boni officium. 186
 Conon praefectus Auguſtalis. 62
 Contralegere, quid. 180
 Conventus juridici varii in Aſia. 65 & 66
 — — Apameae. 133
 Cornicularius unde dictus. 135
 Crates Pergamenus. 133
 — — diverſus a Crate-
 te Mallote. ibid.
 Culcianus. 11
 Curia, de ſenatu municipali. 17
 Cybiraticum forum. 66
 Criticae praefantia & utilitas. 152
 — definitio & partes. 184
 — uſus in Sacris Literis. 152
 — In

I N D E X.

_____ In Juris scientia.	161, 162
Critici quinam dicti.	144 & seq.
_____ pro Grammaticis.	146, 147
_____ Rhetoricae operam dabant.	149
_____ recentiores.	151
_____ signis & notis censoriis libros notabant.	171
Critobulus apud Hieronymum quis.	16

D.

D Amasias.	98
Decemviri in Piraeo.	39
_____ diversi a Xviris post ejectos Tyrannos ab Atheniensibus creatis.	40, 41
Demetrius Phalereus Criticus, ejus- que scripta.	156
_____ an Dionysius Ha- licarnassensis sit auctor libri περὶ ἐρμηνείας.	149. 156
Democritus Abderita Criticus.	158
Demodice.	20
Denariales manumissi in Lege Ri- puaria quinam.	139
Δέμα pro sacro codice.	8
Dianae Anaëtidis templum.	132
Διελείν dividere.	112
Δικάζειν & δικάζεσθαι quid differant.	65
Διοίκησις & διοικητής quid.	73. 225
Διὸς ἐγκέφαλον, proverbium de lau- titiis.	25
Dionis Chrysostomi vita enarrata.	43 & seqq.
_____ facultas Critica.	162
Dionis Historici aetas.	123
Dionysius Halicarnassensis Criticus celebris apud veteres.	149
_____ an sit auctor libri περὶ ἐρμηνείας.	149. 156
_____ ejus scripta Rhetorica de- perdita.	96

Dionysius Longinus Criticus celebris.	150
Dispensatores.	73. 225
Diyllus Historicus.	228
Διφθέρεσς segestre, vestis pellicea, & undē ita dicta.	127
_____ pro codice membranaceo.	ibid.
Dorion Criticus.	85. 149
Duces electi apud Athenienses con- scenso suggestu populo magni- fica promittebant.	109

E.

E Etionia ab Aristocrate everfa.	108
Ecclesiastici in regno Franco- rum, cum omnibus suis ex lege Romana vivebant.	138
ἡγεμόνες praesides provinciarum.	64. 225
ἡμίγαμος de pellice.	84
ἑγχεσις athletarum.	26
ἑγκτησις τῆς γῆς quid.	110
ἑκμανθάνειν.	87
Ellipsis κατὰ πόλιν pro κατ' ἐπαίτην πόλιν.	37
_____ ὕδης.	38
ἑμβάδες quid.	120
Emendatores auctorum veterum li- bris a se emendatis nomina sua subscribebant.	180
ἑνθρονισμοὶ carmina in sacris Cory- bantiis cantata.	52
ἑντάφια.	220
ἑξελίττειν & ἐξελιγμός quid?	125
Ephesia, urbs metropolis in Asia non longe ab Epheso.	133
ἑπὶ nota pignoris.	105
ἑπιδανείζειν quid.	105
ἑργα aedificia publica.	83
Erigona Maleotae filia.	113
Erigonae tres.	ibid.

I N D E X.

"*Ἐστὶ τε καὶ αἴη, ἐστὶ τῷ σου*, formula
bene precantium. 94
Evenus Elegiacus poeta. 116 & 117
Euphrates Philosophus. 81
Eurysthenes, Aristodemi filius, La-
cedaemoniorum Rex. 129
Ἐφέσιμος δίκη quae. 93
Expositionis duo genera in Critica. 184

F.

Favorinus Arelatenfis. 47
—— Criticus & Grammati-
cus, ejusque scripta. 163
Feminae ab Olympicis ludis spectan-
dis arcebantur. 28
Fortunae dextra gubernaculum na-
vis, sinistra cornucopiam te-
nentis effigies. 78. 226
Fortuna & Virtus Romae. 77. 226
Fundus quid. 193
Fundus populus quis dicatur. 197. usque
ad 215

G.

Galenus Criticus inter Medicos. 170
Germanici Caesaris in Criticis
peritia, & quid scripserit. 178
Graeci literarum instauratores. 151
Grammaticae divisio. 144 & 145
Grammatici dicti qui antea Critici. 148
Grammaticorum sectae. ibid.
Grotius. (Hugo) an Catholicae re-
ligioni addictus obierit. 44, 45 Or.
Gyges ex pastore Lydorum Rex. 78

H.

HAdriani liberalitas erga Smyr-
naeos. 86

Heordaeorum privilegium singulare. 93
Heraclides Ponticus, ejusque scripta. 157
—— junior quidam, auctor Al-
legoriarum Homericarum. ibid.
Hercules a Tarsensibus cultus. 63
Hermodice vel Demodice, Midae
conjux. 20
—— prima nummos cudit. ibid.
Hesiodi poema Ἀγίμιος.
—— Ἡοίαι μεγάλαι five
Γυναικῶν κατάλογος. 222
Hierocles varii. 9, 10 & seq. 13, 216 &
seqq.
—— Philosophus, ejusque pa-
tria. 12, 13.
Hieronymus Criticus inter Latinos
Theologos. 176
—— Ejus varia scripta. ibid. & 177
—— Commentarii. 185
Hierophantae officium. 92
—— nomen proferre nefas. 96
Hipparchi Astronomi aetas. 126
Hippocratis Interpretes antiqui. 170
Hippodamus Milesius & Turius idem
III, 112
—— Piraeum in vicos divi-
sit. 112
Hipponicus vir nobilis apud Athe-
nienfes. 231
Homeri Ilias ab Aristotele emenda-
ta. 155
—— Editio ex narthecio. 156
—— Vita Plutarcho abjudicata. 164
Horus Grammaticus. 153
—— Orus & Orion confusi, ejus-
que Etymologica. 238
Hypius fluvius. 49. 228
Hyllus Herculis filius. 38
Hyrcani minoris Asiae populi. 128

I N D E X.

J.

J ansenius.	46.	Or.
—— Auctor libri qui <i>Mars</i>		
<i>Gallicus</i> inscribitur.	ibid.	
Ibycus Poëta Lyricus.	117. 119.	232
Jëtae, incolae insulae Jös.		124
Interpretatio quomodo instituenda.		187
Jovis Olympici simulachrum a Phidia		
factum.	52	
<i>Jovis cerebrum</i> de lautitiis ac deliciis.		25
Ipsus Phrygiae oppidum.		120
Ismenias tibicen.	74.	225
Ifocrates Criticus.	149.	158
—— ejus Busris quid conti-		
neat.		159
Juba Mauritaniae Rex Criticus &		
Philologus fuit, & quid scrip-		
ferit.	177	
Julii Caesaris Libri de Analogia.		178
Juramenta scripta an tantum valeant,		
quantum illa quae voce fiunt.	7	
Jurandi mos apud Christianos tactis		
Euangelis.	8	
Jurisconsulti Etymologiarum inda-		
gatores	161	
Jurisdictiones Asiaticae.	66.	133

K.

K άσινερα lupanaria.	23	
Κόρη pro puppa, non de nummo	19	
Κορυβαντιών & κορυβαντιάσμος.	53.	224
Κείτικ & κρήτικ commutata.	85. 87.	
	129. 149.	227
Κτήσις & ἐγκτήσις differunt.		110

L.

L aenillae matronae Romanae in-		
signe facinus.	127	
Laespodias.	99.	230

Λαλια orationes extemporales.	30	
Legatorum orationes ad Imperato-		
rem.	31	
Lexica & Onomastica differunt.		18
Libri falsis titulis inscripti a Criticis		
vindicati.	147	
Literarum instauratores primi.		151
Liti quinam in lege Ripuaria.		139
Λογισις, λογισία, & λογισδέν, de		
curatoribus civitatum.	83	
Longinus (Dionysius) Criticus apud		
veteres celeberrimus.	150. 165	
—— scripta Ejus a Suida omissa.		166
Ludovici XIV. munificentia in Vi-		
ròs doctos, & alia ejus prae-		
conia celebrata.	71—83	Or.
—— Victoria Maurica & Tur-		
cica.	84 & seqq.	ibid.
Lupatum.		60

M.

M acrobii doctrina in Criticis.	183	
Μαγάδες quid.	81	
Magnesi populi in Asia minori.		128
Magnus annus pro seculo.	115.	231
Malaeotes in Italia regnavit.		113
—— ejus filia Erigona.		ibid.
Mangones & mangonium quid.		135
Marcianus Criticus.		150
Marsyae statuæ in urbibus.		114
Mattilius pro M. Attilius.		227
Mazarini (Cardinalis) encomia.		
	49—69.	Or.
Memoriae ars, & illorum, qui egre-		
gia valuerunt memoria, ex-		
empla.	85	
Menandri Comoediae in Scholis acti-		
tari solitae.	54	
Menandri Rhetoris opus in tres li-		
bros divisum.	27	
Ο 3		— &

I N D E X.

————— & Alexandri opuscula male in unum conflata.	29
Messala Corvinus Criticam excoluit, & quid scripserit.	179
Mimnermus Colophonius, Elegiacus poeta.	118
Mithriaca sacra.	97. 229
Mnaseae Patrensis Europiaca.	134
Molaeus (Matthaeus)	31. Or.
Monmorus (Petrus) literarius parafita Gallicus.	29. Or.
Mos initiationis in sacris Corybantiis.	52
———— jurandi apud Christianos tactis Euangelis.	8
———— libamenta tangendi in sacrificiis.	57
———— mulierum oracula adeuntium.	53
———— uxores aliis cedendi apud veteres.	58
———— temulentorum aqua adspargendi praetereuntes.	61
———— ad titinnabuli signum scholasticos vocandi ac dimittendi.	93
———— naves oppignerandi.	105
Munatius Trallianus, Criticus, praeceptor Herodis Attici.	149

N.

N Azianzenus (Gregorius) inter Theologos veteres Criticus.	172 & seq.
Nemesis Deae a Smyrnaeis & Nicaeensis cultae.	69
Nemesium certamina.	ibid.
Neptuni tridens a Tarsensibus cultus.	62
Nobilitas vera.	15. Or.
Nomina emendatorum libris veterum auctorum correctis subscripta.	180 & 181

νόμοι, musici modi.	118
Notae Criticorum censoriae.	171

O.

O ^{ἱερός} & ^{οἰκία} quid differant.	84
Oion municipium in agro Attico.	107
Olympia spectare feminis vetitum.	28
Onomastica & Lexica differunt.	18
Opera publica a magistratibus vel populo examinata.	59
Origenes inter Theologos Criticus excellens.	171
———— varia ejus scripta. ib. &	172
———— Commentarii.	185

P.

P Amphylus Aegimii filius.	38
Panionium festum apud Jonas.	92. 228
Parodiae.	35
Pasicates, pater Dionis Chrysostomi.	44
Patris filius, proverbium in malam partem.	90. 227
Pelagii olim Tyrreni dicti.	113
Pergulae magistrorum.	56
Περὶ δόξης.	94
Perronius Cardinalis.	19. Or.
Perseus Tarsensium conditor.	62
Petavii (Dionysii) laudes, doctrina, scripta &c.	35—48. Or.
———— iniquitas in Scaligerum.	40, 41 ibid.
Phäylus Phocensium tyrannus.	132
Pherenicae concessum Olympia spectare.	28. 221
Phidiae simulachrum Jovis Olympici.	52
Φιλαλήθης opus Hieroclis.	10
Philostorgii Historia Ecclesiastica unde producta.	176
Philostrati varii.	95. 100
Photius Criticus, ejusque Bibliotheca.	176

Pl.

I N D E X.

Piraeus ab Hippodamo in vicos
distributus. 112
Piraei praefecti. 39
Pisandri duo poëtae, Rhodius &
Lycaonius, quando vixerint &
quid scripserint. 117
Plato Criticus. 153
—— Ejus natalis a Philosophis illius
sectae quotannis celebratus. 165
Πληροφορία & πληροφορεῖν. 8
Πίγμα quid. 130
Plutarchus Criticus. 164
—— non est auctor vitae Ho-
meri. 165
Poëtae adflatu divino aguntur. 158
Πολυβίασ οἰκία, domus multorum ac-
cubituum in urbe Constanti-
nopolis ubi fuerit. 141
—— Δεκαεννέα ἀκκυσίτα aut Del-
phica vocata. ibid. & 142
Porphyrius, Longini discipulus,
Criticus, ejusque scripta. 167
—— Quaestiones Homericae
& Commentarii in Hermoge-
nem. ibid.
Porus ex tonsore Indiae Rex. 77
Praefecti praetorio principibus adsi-
debant in judiciis. 89
Praxiphanes primus Grammaticus. 148
Προβλεμμα. 75
Procles, Aristodemi filius, Lace-
daemoniorum Rex. 129
Proclus Philosophus, Criticus. 168
—— an auctor χρηνομαθείας γραμ-
ματικῆς. ibid.
Proconsules in provinciam ibant ex
praescripto principis. 58
—— forte legebantur &
erant annui. 131
Προσβολαί & προσβαλεῖν quid. 181
Πρόσδοσ pro adlocutione. 110

Prusa ad Olympum etiam Prusias
dicta. 48
—— tres ejus nominis urbes. ibid.
—— a quo condita. 49
—— operâ Chrysostomi multa
commoda impetravit. 46
—— ad Hypium flumen. 49
Psaon, Plataeensis historicus. 96
Ψάλιον & ψέδιον commutata. 60
—— quid differant. ibid.
Ptolemaeus Euergetes, Aegypti
Rex, Aristarchi discipulus,
& quid scripserit. 177
Puteanus (Claudius) 26. Or.
—— (Christophorus) 33. ibid.
—— (Jacobus) 32. ibid.
Puteani (Petri) laudes, doctrina,
scripta &c. p. 24 usque ad p. 33. Or.
Pythia a Thessalis celebrata. 51
—— minora a Megarensibus acti-
tata. 85

Q.

Q Uadraginta viri apud Athe-
nienfes qui. 21

R.

R Egisvilla Malaeotae regia. 113
Regulae de ratione judicandi. 154
Rhenaea insula Delo vicina. 27. 221
Rhossus urbs in Syria. 119
Richelius Cardinalis. 233. 18. 51. 52. Or.
Romae Virtus ac Fortuna. 77
Romani cognitionem criminalium
causarum sibi reservabant. 86
ῥῶπ⊙ de vilis pretii mercibus. 104
—— & ῥῶπ⊙ mutata. ibid.
Rufinus ab Hieronymo Scorpius vo-
catus. 17
Ru-

I N D E X.

Rusticus Julianus Aristotelis interpres. 182

S.

Sabbatum δευτερόπρωτον. 173
Sal catechumenis datum & quare. 14
 Salaria Rhetoribus ac Philosophis a
 D. Pio constituta. 89
 Salica lex unde dicta. 140
 — — quinam populi ea uteren-
 tur. ibid.
 — terra unde dicta. ibid.
 Salicae leges Francorum, Longo-
 bardorum, aliorumque quid
 contineant. 136 & seq.
 — — Codex MS. Bigotii. 137
 Sandas Herculis filius, Tarsi condi-
 tor. 63
 Scellias Aristocratis pater. 109
 Scenici artifices. 91. & 92. 227
 Scholia & Commentarii quid diffe-
 rant. 185
 Scorpis Rufinus dictus ab Hiero-
 nymo. 17
 Seculorum diversae revolutiones. 115
 Segestre. 127
 Senatores pro introitu in Senatum
 certam pecuniae dabant sum-
 mam. 74
 Σημειώσεις. 185
 Sigma stibadium dictum a forma. 142
 — Litera Graeca an a veteribus
 ut C an vero ut Σ exarata sit. ibid.
 Sileni statuae in urbibus. 114
 Sirmondi (Jacobi) laudes, merita,
 doctrina, scripta, &c. 14. ad p. 23.
 Or. 153
 Socrates Criticus Etymologias inve-
 nit. 153
 — — Ejus scripta Platoni tribuen-
 da. 154

Sophistae veteres varii. 82
 Sospes, agonothea, & Isthmiorum
 praefes. 91
 Σπυδαί quid. 90
 Statuarum tituli in alterius honorem
 deleti & mutati. 58
 Stibadia lecti convivales. 125
 — Sigmata dicta & unde. 142
 — an habuerint formam arcus
 Scythici. ibid.
 Stipem petere qui solebant. 126
 Στρατηγός ἐπὶ τῶν ὀπλῶν, magistratus. 91
 Subducere, verbum militare. 125
 Subscriptiones in fine Codicum MSS.
 180. & 181
 Συναγαγῆ, praescriptiones medico-
 rum. 23
 Synesius inter Theologos veteres
 Criticus. 175
 Syrianus Philosophus. 12. 168

T.

Tabularii manumissi in lege Ri-
 puaria quinam. 139
 Taenarus fluvius. 132
 Tarsus a quo condita. 62
 Tarsenses in judicium vocabant ma-
 gistratus Romanos. 64
 Tarsensium conventus. 65
 Telephus Criticus. 129
 τελετή in sacris Mithriacis. 228, 229
 Terpander musicos nomos invenit,
 & citharae tres chordas ad-
 jecit. 118, 119
 Testamentum Vetus ab Origene fig-
 nis Criticis notatum. 172
 τεχνίται καὶ Διόνυσον, Scenici arti-
 fices. 91. 227
 Theagenes Cnidius, Criticus, prae-
 ceptor Herodis Attici. 149
 Theo-

M V I N D E X

Theodorus S. S. Interpres optimus. 175
Θεοφώρητος, Θεοφορήσεις, & Θεοφορήματα

75

Theophrastus Criticus. 155

Thibiorum gens. 134

Thraſybulus ejectis XXX Tyrannis
exules Athenas reduxit. 40 108

Θρασύβουλος & Θράσυλλος in sacris Cory-
bantiis quid. 52

Thymelici. 91, 92. 227

Tragoediae apud Graecos quando
interciderunt. 56

Triaina locus apud Tarsenses a tri-
dente Neptuni. 62

Τρεπικὰ. 2, & 3

Tympana veterum ex pellibus. 84

U.

Υἱὸς Bacchi epithetum. 108

Undecim Viri apud Athenienses
sub XXX Tyrannis. 39

ὑποθήκη de mercibus oppigneratis. 104

ὑπόνοια pro allegoria. 157

V.

Valesius (Carolus) Henrici pater. 31 Or.

Varronis scripta Grammatica. 179

Velo obductae Grammaticorum scho-
lae & Oratorum auditoria. 56

Versura solvere & versuram facere. 105

Vestes & res pretiosae cum mortuis
conditae. 24

Vettius Praetextatus Aristotelem in-
terpretatus est. 182

Viginti magistratus apud Athenien-
ses post ejectos Tyrannos cre-
ati. 41

Virgili Ecloga quarta quomodo ex-
plicanda. 115

Viri Inlustres apud Romanos libris
interpretandis & corrigendis

operam dabant. 179 & seq.



A V C T O R V M

veterum & recentiorum
qui
emendantur & explicantur,
vel laudantur & refutantur,

I N D E X

A.

A elianus de Animalibus.	a pag. 123. ad pag. 134
Alardus (Lampertus)	24
Alemannus (Nicolaus)	136
Alexander Rhetor.	29—32
Ammianus Marcellinus.	63
Ammonius.	110. 134
Antoninus Liberalis.	132
Apollonius Dyscolus.	227
Appianus Alexandrinus.	49
d' Arnaud (Georgius)	8. 146
Aristoteles.	111. & 112
Artemidorus.	22—25
Athanasius.	15
Augustinus.	14
Auctor fragmenti Censorino adjuncti.	116, 117, & 118
—— anonymus de vita Alexandri Magni.	225
—— Emendationum in Dionem Chrysostomum.	50. 62. 64. 73
—— Vitae Principis Frederici Henrici.	45. Or.

B.

B aronius.	11
Barthius (Caspar)	219
Basilus Seleuciensis.	63
Bigotius (Emericus)	137
Billius (Jacobus)	7. 9
Boherellus.	2

Bos (Lambertus)	24
Brunnerus (Martinus)	233
Bynkershoekius.	162

C.

C Angius.	142
Cantoclarus.	98
Cassiodorus.	135
Casaubonus (Isacus) 54. 57. 61. 64. 67. 69. 74. 77. 110. 125. 168.	174
Cauchius (Johannes)	117
Charax.	113
Censorinus.	115. 232
Censorinianum Fragmentum. 116 & seqq.	
Ciacconius (Petrus)	142
Cicero. 33. 34. 35. 147. 197. 203. 212. 214	
Claverius (Stephanus)	5
Clemens Alexandrinus. 108. 118. 148.	232
Columna (Hieronymus)	231
Conon.	130
Concilium Nicaenum.	49
Contius.	162
Cujacius (Jacobus)	161, 162

D.

D emoisthenes. 101. & seq. 104. 105. 107. 108. 109	
Dio Chrysostomus. 36. 37. 50. usque ad pag. 79	
Diodorus Siculus.	38
Diogenes Laërtius.	107. 150
Diomedes Scholiastes MS. ad Dionysium Thracem.	145
Dio-	

I N D E X

Dionysius Halicarnassensis.	96	Hieronimus.	16. 17. 173. 185. 227
Dionysii Thracis Grammaticalia		——— Codex MS.	185
Graeca inedita cum Scholiastis.	145	Holstenius (Lucas)	167. 220
D'Orville (Jacobus Philippus)	27. 216	Horatius.	76
E.		Huberus (Ulricus)	162
ENnius.	25. 221	Hyginus.	134
Epiphanius.	11	I.	
Epigramma Graecum apud Eusebium.	4	INscriptiones antiquae.	5. 135. 181. 182
Erasmus (Desiderius)	174	Jonfius (Johannes)	9. 46. 133
Eunapius.	95. 96. 97. & seqq. 167. 228. 229	Isidorus.	91
Eusebius.	6	Isocrates.	103. 105. 106
——— in Chronico.	50. 117. 119. 223. 232	Junius (Franciscus)	136
F.		K.	
FAber (Petrus)	228	KImedoncius (Jacobus)	227
FFabricius (Joh. Albertus)	12. 156. 168	Kuhnii (Joachimus)	7
Falconerius (Octavius)	70	L.	
Farina (Martinus la)	233	LActantius.	10. 11
Fontanini (Justus)	181	Lambinus (Dionysius)	112
G.		Leopardus (Paulus)	112
GAlenus.	2	Leges Salicae & Ripuariae.	138. & 139
Gatakerus (Thomas)	228	Loënsis (Jacobus Nicolaus)	116
Gelenius (Sigismundus)	3	Lindenbrogii (Fridericus)	136. 140. 232
Gellius.	197	Livius.	70
Gesnerus (Conradus)	121	M.	
Gillius (Petrus)	123. 125. 126. 127. 129. 130	MAnutius (Paulus)	204
Glossæ veteres.	88. 127	Marcus Evangelista.	14
Goldastus (Melchior)	219	Marmora Arundelliana.	110
Gorius (Antonius Franciscus)	97	Martianus Capella.	181
Gronovius (Joh. Fredericus)	231	Marville.	29. Or.
——— (Jacobus)	40. 228	Mausiacus (Philippus Jacobus)	39
Grotius (Hugo)	39. 43 & seq. Or.	Meibomius (Marcus)	118
H.		Memnon.	50
HArpocraton.	39. 40. 99. 103. 132	Menander Rhetor.	26 & seqq.
Heinsius (Nicolaus)	181. 230. 34 Or.	Menandri Comici versus apud Dion.	
Hemsterhusius (Tiberius)	1. 18. 19. 20. 38. 40. 142	Chrysoft.	35
Heroldus (Basilus)	136	Meursius.	41. 42. 102. 107
Hervetus (Gentianus)	118. 148	Moneta (Monnoye)	156
Hesychius.	5. 108. 112. bis. 134	Moyne (Stephanus le)	1
		Muretus (Marc. Antonius)	11. 74 Or.
		P 2	NA-

I N D E X

N.

NAgeorgus (Thomas) 61 & seqq. 73
 Nannius (Petrus) 181
 Nazianzenus. 7. & seqq.
 Nummi veteres. 70. 76. 128. 133. 226

O.

OEnomai Cynici fragmentum a-
 pud Eusebium. 6
 Origenes. 1 & seqq.
 Ortelius (Abrahamus) 48
 Ovidius. 132
 Oudendorpius (Franciscus) 222

P.

Paufanias. 116
 Pearsonus (Johannes) 9. 13. 216 & seq.
 Petavius (Dionysius) 33 & seq.
 Petitus (Petrus) 229
 Philostratus. 49. 80. usque ad pag. 94. 122.
 124. 167
 Pighii (Stephani Vinandi) Inscrip-
 tionones ineditae. 226
 Pindari Scholiastes. 38
 Pinedo (Thomas de) 81
 Pithoeus. 196. 206
 Pithoei (Petri) Catalecta. 144. 221. 229
 Plautus. 194. 203
 Plinius 66. 134. 199. 226
 — Junior. 46. 48
 Plutarchus. 22. 60. 115. 119. 120. 135
 Pollux. 18. 19. 20. 21. 41
 Polybius. 110
 Postellus (Gulielmus) 42

R.

RAphelius. 15
 Reinesii (Thomae) Eponymolo-
 gicum MS. 216

S.

SAlmasius (Claudius) 33. & seq. 70. 107.
 119. 135. 136. 44. 74. Or.
 Sarravius (Claudius) 172. 44. Or.
 Scaliger (Josephus) 4. 23. 142. 174. 48.
 74. Or.
 Schelius (Rabodus Hermannus) 234

Schottus (Andreas) 168
 Scylacis Periplus. 119
 Servius. 114
 Sibyllina Oracula. 223
 Sigonius (Carolus) 42. 205
 Silius Italicus. 230
 Stephanus Byzantius. 37. 70
 Strabo. 37. 48. 60. 229
 Suidas. 35. 95. 168
 Synesius. 12

T.

Tertullianus. 156
 Theodosius Scholiastes MS. ad
 Dionysium Thracem. 146
 Theophilus Antiochenensis. 38
 Theophylactus Simocata. 141
 Thucydides. 109
 Tristanus (Johannes) 128
 Trotzius (Christ. Henr.) 5. 172
 Turre (Philippus a) 97
 Turnebus (Adrianus) 33. 112. 204

U.

Ursatus (Sertorius & Joh. An-
 tonius) 227

V.

Valerius Andreas. 44. Or.
 Valerius Maximus. 28. 103
 Vellejus Paterculus. 199
 Victorius (Petrus) 33. 111
 Victorinus. 118
 Vigerius (Franciscus) 6. 7
 Virgilius. 115
 Vossius (Gerardus Johannes) 13. 96. 116.
 117

Vossius (Isacus) 13. 230

W.

Wesselingius (Petrus) 4. 48. 62. 63
 Wolfius (Hieronymus) 104. & seqq.
 Wolfius (Joh. Christoph.) 14. 156

Z.

ZOnaras. 98

















VALESI
EMENDA
CRITICA

118

colorchecker classic

calibrite



mm